

67

LEXICON
POLEMICUM.

LEXICON POLEMICUM

IN QVO

Potiorum Hæreticorum vita perstringitur, omnes contrâ fidem
errores colliguntur, Dei verbo scripto, vel tradito, Conci-
liorum auctoritate, & rationibus breviter reprobantur;

INSERTA

*Conciliabulorum omnium, Schismatum, & Controversiarum, quæ ad
Ecclesiasticam historiam pertinent, notitia;*

ADDITA DEMUM

Pro Operis complemento Bibliotheca Polemica.

AUCTORE

D. JOANNE SIANDA
A MONTEREGALI.

Abbate ex Ordine Cisterciensi Congregationis Sancti Bernardi;

EDITIO SECUNDA.

Ab Auctore recognita, & adducta.

TOMUS PRIMUS.



ROMÆ MDCCLX.

Apud NICOLAUM ROISEGIUM Bibliopolam;
Et Typographum in Platea Agonali.

SUPERIORUM FACULTATE, ET PRIVILEGIO PONTIFICIO.



THE
JOURNAL OF THE
ROYAL ANTHROPOLOGICAL INSTITUTE

VOL. LXXV. PART I.
1945.

CONTENTS.

THE
JOURNAL OF THE
ROYAL ANTHROPOLOGICAL INSTITUTE

VOL. LXXV. PART II.
1945.

CONTENTS.

THE
JOURNAL OF THE
ROYAL ANTHROPOLOGICAL INSTITUTE

VOL. LXXV. PART III.
1945.

CONTENTS.

THE
JOURNAL OF THE
ROYAL ANTHROPOLOGICAL INSTITUTE

VOL. LXXV. PART IV.
1945.

CONTENTS.

BEATISSIMO PATRI
CLEMENTI XIII.
P. O. M.



EX alto Summi Pontificatus folio, Beatissime Pater, Dei vices gerens in terris, etiam humilia respicere non dedignaris. Hoc mihi cogitanti adjecit animum, ut pedibus Tuis provolutus, hoc par-
vulum

vulum census mei tributum subjicerem. Fortè nimis audacter in spem ingressus, quod modicum sustinere patereris in conspectu Tuo offerentis parvitatem, & operis; quandoquidem jam satis notum est Orbi, quod etiam ad infima Sanctitatem Vestram attemperat innata benignitas, quæ statim cuicumque ad te oculus extollenti fit obvia. Quidquid autem sit de parvitate censiti hujus operis, auctore quidem minimum, argumento tamen est maximum; in hoc siquidem agitur de summa rerum, nempe de Orthodoxæ Fidei puritate adversus malignantes ætherodoxos propugnanda. Quantum ergo meæ licuit imbecillitati ad conquirenda Jesu Christo plurimorum corda, pro tenuitate mea laboravi; ad perstringendas scilicet validiori-

bus

bus argumentis illorum mentes ,
 quæ vel in fide nutant, vel abalie-
 natæ vivunt, quia à falsis doctrinis
 seductæ , à sophisticis argumentis
 illusæ, erroneæ doctrinæ pedisseque,
 à cæcis ductæ, juxta Evangelicum
 effatum, unà cum magistris suis in
 foveam cadunt . Operis itaquæ præ-
 sentis scopus cum alius non fuerit,
 quàm Romanam Ecclesiam à No-
 vatorum vindicare calumniis , sub
 umbra patrocinii Sanctitatis vestræ
 Ecclesiæ Universalis Sponsi, in are-
 nam descendere meditatus in corde
 meo, Clementissimo assensu adesse
 S. V. sibi complacuit; optimè con-
 scia, quòd quæ debiliora sunt, &
 demissiora , suæ sibi semper quæ-
 runt fulcimentum imbecillitatis ;
 Quapropter Sanctitati Vestræ hu-
 miliatas, pauperes hæc meas lu-

cubra

cubrationes polæmicas sistere audeo, quæ tanta humanitate ad pedum oscula etiam pauperrimos peregrinos lætanter excipere pœne quotidie non dedignatur. *Respuit neminem, audit omnes*: nobili hoc in encomio arbitratus est Tacitus omnes perstrinxisse sui laudes Cæsaris. Sed ultrà progreditur innata Tua Clementia; quia quos recipere dignaris, etiam benedictionibus cummulatos dimittis; proinde beneficæ largitatis Tuæ abundantiam experiuntur, non tam accedentes, sed etiam clamantes ad Te, quandoquidem super omnes pauperes quotidie meditaris quomodo abundantius valeas Tuam extendere providentiam, quam ne copiosius diffundas, solæ vetant calamitosæ nostrorum temporum circumstantiæ: nunquam

quam

quam lætior, quam cum divitiarum
 benedictiones, in subsidium paupe-
 rum perfudisti. Pastoralium omnium
 virtutum specimen abundè exhibui-
 sti Beatissime Pater, cum in Pasto-
 rem suum Patavium Te excæpit. Ve-
 rumtamen indefessæ vigilantiae S.V.
 arcta nimis erat unius administra-
 tio Diæceseos; itaque non sine di-
 vinæ providentiæ afflatu, ad inci-
 tamentum virtutis in omnes gen-
 tes, pastorem solertiam S. V. ex-
 tendere voluit Altissimus calamito-
 so hoc tempore, quo solidæ virtu-
 tis expertes turmas hominum plu-
 res est invenire, etiam illas in qui-
 bus non nisi probatam virtutem flo-
 rescere ferè communis erat sensus;
 ita ut ab omni vitiorum forde pu-
 ras, poene nullas esse, fas sit profi-
 teri. Sed hæc semper fuere inscru-

^x
tabilia Dei virtutum Arcana ; qui
ut virtus ipsa nunquam langueat ,
crebra adversitatum incurfatione ,
eamdem acui permittit . Tot tan-
tisque quibus gravatur inter præ-
sentes æumnas expediendis rebus ,
S. V. pœne non sufficere dies , si-
cut jam olim cum suo Eugenio ,
exclamaret ; si adesset , Bernardus .
Verentur probi omnes inter earum
affluentiam Vestræ salutis , adeo hi-
sce in emergentibus necessariæ dis-
pendium : ut Sanctitatem Vestram
diu Ecclesiæ Universalis bono , &
ornamento Deus servet incolumem ,
Votis omnibus præcatur .

S. V.

Umiliss. Obedientiss. & Obsequentissimus servus & subditus
D. Joannes Sianda .
Monachus Cisterciensis .

CLEMENS PP. XIII.

AD FUTURAM REI MEMORIAM.

CUM sicut dilectus filius Nicolaus Roiseco Bibliopha, seu librorum Mercator in Alma Urbe nostra existens Nobis nuper exposuisset, ipse magna sua impensa, quendam Librum in duas partes separatum, cuius titulus Lexicon Polemicum Reverendissimi Patris Sianda a Monteregali Abbate ex ordine Cisterciensis Congregationis S. Bernardi, ab eodem auctore recognitum, & adductum, Typis ad publicam utilitatem in Urbe prefata mandare intendat: veretur autem ne postquam in lucem prodierit, alii, qui ex alieno labore lucrum querant, dictum Librum in ipsius Nicolai praeiudicium imprimi facere curent. Nos eiusdem Nicolai indemnitati providere, ipsumque specialibus favoribus, & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, à iure, vel ab homine quovis occasione, vel causa latis; si quibus quomodolibet innotatus existis, ad effectum presentium tantum consequen. harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, eidem Nicolao, ut decennio proximo, à primæva dicti libri impressione computando, durante, dummodo tamen ille prius à dilecto filio Magistro Sacri Palatii Apostolici approbatus sit, nemo tam in Urbe prefata, quam in reliquo Statu Ecclesiastico mediate, vel immediate nobis subiecto dictum Librum sine speciali dicti Nicolai, aut ab eo causam habentium licentia imprimere; aut ab alio, vel aliis impressum vendere, aut venalem habere, seu proponere possit. Apostolica Auctoritate tenore presentium concedimus, & indulgemus, inhibentes propterea utriusque sexus Christianissimis, praesertim librorum Impressoribus, & Bibliopis sub quingentarum ducatorum auri de Camera, & amissionis librorum, ac typorum omnium, pro una, Camere nostrae Apostolicae, & pro alia eidem Nicolao, ac praereliqua tertia parte accusatori, & Judici exequenti irremissibiliter applicanda, & quae ipso absque ulla declaratione incurrendis poenis, ne dicto decennio durante praedictum Librum, aut aliquam ejus partem sine hujusmodi licentia imprimere, aut ab aliis impressum vendere, seu venalem habere, vel proponere quovis modo audeant suppetulant. Mandantes propterea dilectis filiis nostris, & Apostolicæ Sedis de latere legatis, seu eorum Vicelegatis, aut Praesidentibus, Gubernatoribus, Praetoribus, aliisque iustitiæ Ministris Provinciarum, Civitatum, Terrarum, & locorum status nostri Ecclesiastici praedicti, quatenus eidem Nicolao, seu ab eo causam habentibus presentis in praemissis efficaciae defensionis praesidio assistentes, quandoque ab eodem Nicolao fuerint requisiti, poenas prefatas contra quoscunque inobedientes irremissibiliter exequantur. Non obstant. Constitutionibus, & Ordinationibus Apostolicis, ac quibusvis Statutis, & Consuetudinibus, etiam juramento, Confirmatione Apostolica, vel quovis firmitate aliis roboratis privilegiis quoque indultis, & litteris apostolicis in contrarium praemissarum quomodolibet concessis confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad praemissorum effectum, hac vice dumtaxat specialiter, & expressè derogamus, ceterisque contrariis quibuscunque. Volumus autem, ut praesentium trunsumptis, etiam in ipsa libris impressis, manu alicujus Notarii publici subscriptis, & sigillo persone in Ecclesiastica dignitate constituta munitis, eadem prorsus fides in iudicio, & extra illad habeatur, quae praesentibus ipsis haberetur, si forent exhibitæ, vel ostense.

Datum Romæ apud S. Mariam Majorem sub Annulo Piscatoris Die XXIX. Januarii MDCCCLX. Pontificatus Nostri Anno II.

D. Card. Fassionius.

b 2

REIM.

REIMPRIMATUR.

Si videbitur Reverendissimo Patri Sac. Palatii Apost.
Magist.

Dom. Jordanus Archiep. Nicomedie Vicegerens.



REIMPRIMATUR.

Fr. Thomas Augustinus Ricchinius Ord. Præd. Sac.
Pal. Apost. Magist.



LECTORI UMANISSIMO.

NICOLAUS ROISECHIUŠ,

Bibliopola, & Typographus Romanus.



Aria inter opera a Reverendissimo P. D. Joanne Sianda Abate ex Ord. Cisterciensi actenus vulgata, quorum hic elenchum subnectere, tibi gratum fore, umanissime Lector, sum arbitratus, Commendatissimum est in orbe Litterario LEXICON POLEMICUM. Quanta cum felicitate, praesentis auctoris studiosae incubrationes in lucem prodierint, evidens sunt argumentum diversarum ex ipsis reiteratae editiones. Cum LEXICON POLEMICI exemplaria passim expetita esse perhibuerim, & eorundem sit caritas, ut ea desiderantium genio morem gererem, hanc novam Editionem aggressus sum, ab Auctore notabiliter addauctam plurium haereticorum notitia; recentiorum controversiarum solutione; insuper apologetica responsione ad criticem, quam de hoc Opere Acta eruditorum Lipsiae Tom. 35. protulere. Demum Diatribe. De Origine, pluralitate, & praedicio sententiarum erronearum in genere moris, cum practica methodo, in concursu plurium opinionum, feligendi sanio-rem. Eadem umanitate excipe benigne Lector hanc recentem editionem, qua tibi illam exhibeo. Vale.

I N.

I N D E X

O P E R U M

Quæ ætenuſ præſentis Lexicon Polemici auctor vulgavit.

DE arte divini amoris Stimulus ad excitandas animas ad amorem Jeſu . Romæ 1718. Monteregali 1722.
Vir Religioſus tam ſuperior , quàm ſubditus , per documenta ex SS. Patribus ſelecta , pro ſuo munere inſtructus. Aſſe Pompeæ . 1721.

Ibidem de eodem Verſio Italica : 1722.

De Diſcretionem perfectionis . Auguſtæ Taurinorum . 1724.

De eodem verſio Italica . Forojulii 1735.

Præfata tria opuſcula prodire ſimul collecta . Colonie 1737.

Lexicon Polemicum . Romæ 1735.

In libros S. Bernardi . De conſideratione Commentarii ad Beatiffimum Papam Benedictum XIV. Romæ 1749.

ſpectabilem hiſt univerſ. Compendium . Romæ 1736. Auguſtæ vin- delicorum . 1757.

L' Uomo di Comando : riſleſſi morali , e politici appoggiati a' ſentimenti de più claſſici repubblicani . in Torino . 1724.

Idea della vera Dama Chriſtiana . in Torino 1726.

Vita della Gran Madre di Dio . in Roma 1749.

Annotazioni alle lettere di S. Bernardo volgarizzate . in Roma 1756.

Divozione alla paſſione di G. C. animata dall' eſempio , e perſuaſione di S. Bernardo . in Roma 1719. 1736. 1751.

Divozione a S. Pudenziana , & a SS. Tre milla martiri , animata dall' eſempio di S. Carlo Borromeo . in Roma 1719.

Pratica di virtù ſingularmente eſercitate da S. Bernardo . in Roma 1736.

Pie precii riſleſſive , per chi brama vivere , e morire contento . in Roma 1757.

Breviario iſtorico dalla creazione del Mondo , fino all' eſultazione di Clem. XIII. felicemente regnante . in Lugano 1758.

REVERENDISSIMI PATRIS

FR. DIDACI TELLII

*Sac. Theolog. Mag. Sac. Cong. Rituum, & Indicis Consultoris;
Theologi votantis Sac. Cong. Visitationis Apostolicæ, ac S.
Officii supremæ, & universalis Inquisitionis Qualifica-
toris: de prima hujus Lexicon impressione Approbatio.*

M Andatis obtemperans Reverendiss. Patris Fr. Joannis Bened: Zuanelli Ordinis Prædicatorum, Sac. Palatii Apostolici Magistri, opus evolui, cui titulus **LEXICON POLEMICUM, in quo posteriorum Hæreticorum Vicia perstringuntur &c.** Res præfixo titulo aptissime respondet, titulusque rei utilitatem præclare demonstrat. Nos autem meritis Authori gratias quàm ingenuè habemus, cum gravissimos viros, qui eidem argumento insudarunt sequutus, non pauca, nec levia in hoc genere eos adhuc latuisse, felici illius studio, perspicuaque indagine doceamur, usque adeo quidem, ut nihil aut ferè errorum, in quos devix hominum cogitationes detecerunt, è latebris ipse in clarum lumen non educat. Hinc, & Ecclesiæ non minimum decus, cujus intemerata veritas, tot tantisque corruptarum mentium sordibus comparata, castimonix suæ, vel invitum ex eis testimonium extorquet: quid enim magis apud homines sui compotes hanc commendare valet, quam contraria fœdissimarum, inventionum turpitudine? Heu, in quot deliria se præcipitem dabit humana, præsumptio, ubi semel à regali salutis semita, qua gradiuntur humiles, cœperit declinare. Sed & quanam fuerit Hæreticis singulis vivendi ratio, paucis Author perstringit: quo fiet, ut nos eorum miremur vecordiam, quos tales habuisse Magistros non pudet: ac fortasse illos etsi Divini Verbi claritudo ad viam veritatis non revocet, saltem illorum, quos sibi Doctores habent, ignominia remittat. Ut tandem, quod mei muneris est paucis absolvam, meum judicium esto, nihil in subjecto opere inveniri Fidei Christianæ, aut Sanctis moribus non conforme; quin potius ad Dei gloriam, & Ecclesiæ decus publica luce donari posse; salvo &c. Ex Conventu Sancti Hadriani de Urbe: Regalis, Militarisque Ordinis B. V. Mariæ de Mercede Redemptionis Captivorum, IX. Junii MDCCXXXII.

REVE

REVERENDISSIMI PATRIS

D: FRIDERICI DE JUDICE.

*Cong. Celest. Ord. S. Benedicti, Abbatis Monasterii S. Eusebii de
Trie, & Sacrorum Dogmatum in Archigymnasio Sa-
pientiæ publici Professoris: de prima & secunda
hujus operis editione Approbatio.*

Literariæ Reipublicæ summæ utilitatis sunt Leticographorum Opera, ea præsertim, quæ illustrandæ Religioni, qua Christiani, & Catholici sumus, quoquo modo conducunt. Hujusmodi est hoc opus Polemicum a Reverendissimo P. Abbate D. Joanne Sianda Congregationis S. Bernardi Ord. Cist. elucubratum, meoq. examini in prima editione à Reverendissimo Patre Joanne Baptista Zuanelli tunc S. Palatii Apost. Magistro commissum, & in hac secunda editione ex Comissione moderni Reverendissimi Patris Sac. Pal. Apostol. Magistri Ordin. Prædic. iterum à me revisum.

In eo sane clarissimus Auctor, undique conquestis non sine magno labore Hæreticorum etiam recentiorum factis, horum Epitomas contexuit, & suo quæque ordine collocavit. His subnectuntur numerosi eorundem veritatis hostium errores, qui pro operis ratione, satis & expedita methodo confutantur: Quo fit ut jure dici possit, & re vera existat opus cum ad eruditionem promovendam comparatum, tum ad fidem omni ex parte confirmandam, & ad mores conformandos aptissimum. Id laboris genus, ut pote Catholicæ Ecclesiæ, per quam necessarium, laudem omnem meretur, & ad Religiosum virum maxime pertinet. Hinc, ut par est laudandus auctor vero Orthodoxus, ejusque opus publica luce donandum, quod aliis futurum spero veluti incitamentum in re tam gravi ampliora prodendi. Ita sentio.

Datum Romæ VIII. Kalendas Octobris 1759.

REVE-

REVERENDISSIMI PATRIS

ALEXANDRI AGUADO

*Perpetui Abbatis S. Nicandri, Catholici Regis Consilarii; in
Universitate Complutensi Doctoris emeriti, Totius Ordinis
S. Basilii Magni, Abbatis Generalis; de presenti
Lexicon Polemico ejusq. nova editione Afferio.*

EX quo publici juris factum hoc Lexicon, frequentes ejusdem citationes, & recentioribus scriptoribus in materia Polemica productæ apparuere, quapropter etiam apud plures celebriorum universitatem Professores non modicam promeruit laudem, de qua cum cæteris doctoribus meæ Universitatis Complutensis, pro rei veritate testimonium perhibeo. Profecto quàm Indefessum in Polemica Theologiâ, in sacris, profanis, historicis, & Canonicis codicibus studium, præfens opus exegerit, præcipuè in evolendis insignium virorum, qui in polemica scripsere facultate operibus, abunde colligitur ex multiplicibus, probatisque auctoribus, quorum in hoc Lexicon scripta passim proferuntur, ut in iisdem valeat studiosus lector copiosius rimari digestas quæstiones, quas breviori, sed clara nihilominus, & convincenti methodo auctor enodavit; solutis etiam majoris ponderis objectionibus; ita ut præsentem Auctorem inter literaræ Reipublicæ benemeritos, merito adscripsissent tabulæ chronologicæ: & hæc pro ingenuitatis debito a me libenter scripta hic sunt.

D. CELESTINUS MARIA A S. PAULO

ABBAS, ET VICARIUS GENERALIS

Cong. Monac. Reff. S. Bernardi Ordinis Cistericiensis.

Operis cui titulus **LEXICON POLEMICUM** a R. P. Abbate D. JOANNE SIANDA, nostræ congregationis Procuratore Generali, jam ab anno 1735. debitis cum facultatibus Typis concessi, hanc Secundam editionem, quantum ad nos spectat approbamus.

Datum ex nostro S. Bernardi ad Thermas de Urbe Monasterio, hac die 27. Decembris 1759.

D. Celestinus Maria a S. Paulo Abbas, & Vicarius Generalis.

INDEX AUCTORUM.

QUI HÆRETICORUM NOTITIAM,

*Vel quoad Vitam, vel quoad Errores
subministrarunt.*

- | | |
|---------------------------------|-----------------------|
| A lmeida Hist. Æthiop. | Hist. Albig. |
| Annatus. | Jacobus Varreus. |
| S. Augustinus. | Josoph de Turre. |
| Bironius. | Lactantius. |
| Baylus Dict. Crit. | Leonius. |
| S. Beda. | Liberatus. |
| S. Bernardus Abbas Claravallis. | Lindanus. |
| Bernardus Abbas Bonavallis. | Melchior Adam. |
| Bernardus Lutsemburgensis. | Morerius. |
| Bibliotheca Patrum. | Natalis ab Alex. |
| Blondus. | Nicephorus. |
| Cedrenus. | Petavius. |
| S. Clemens Alexand. | S. Petrus Cluniac. |
| Coccus. | S. Petrus Paschasius. |
| Concilia. | Possidius. |
| Dictionarium Anglicanum. | Prateolus. |
| Durandus: Fides vindic. | Philastrius. |
| Ederus. | Reiterus. |
| Æneas Sylvius. | Rescius. |
| S. Ephrem. | Sanderus. |
| S. Epiphanius. | Salmonetus. |
| Evagrius. | Sirmondus. |
| Eusebius Cæsariens. | Socrates. |
| Eurhymius Zigaberus. | Sozomenus. |
| Florimondus: | Spondanus. |
| Genebrardus: | Suidas. |
| Gennadius. | Surius: |
| Gualterius. | Theophilactus. |
| Gravina. | Thomas Valdensis. |
| Guido Carmelita: | Theodoretus. |
| Hist. Boemica. | Tertullianus. |
| Hist. Protestant. | Van. rant. |
| Hist. Regni Hungar. | Vigandus. |



AD LECTOREM BENEVOLUM

A U C T O R.

*De hujus operis institutione consilium, methodus, ratio;
& ad aliqua, quæ fieri possent objecta, responsio.*

VIRIBUS imparem me huic operi manum admovisse, ingenue fateor Lector benevole, hortantibus tamen, & animum adjicientibus humanissimis quibusdam dominis meis, potissimum Excellentissimo Domino Marchione D. Alvaro à Sancta Cruce Hispano, cujus eruditionem, Opera pluribus voluminibus comprehensa, ab ipso publici juris facta, commendant; cujus probitas, & experientia in gravissimis rebus agendis à Catholico Rege comperita, urgentioribus Regni negotiis componendis, sæpe Plenipotentiarum Ministrum præfecit, cujus martialem virtutem in Orani propugnatione universo orbi fama divulgavit. Reluctantibus itaque viribus, impellentibus amicis hoc opus assumpsi, in quo, si quid boni, illi soli, à quo omne bonum, totum debeo. si quid inordinatum, hoc totum infelicitæ meæ adscribendum: Si nihil novi, ne tuæ te fortè fallat expectatio, ignotum tibi non esse crediderim, quod in omni penè ratione scribendi, jam tot prodierunt elucubrationes, ut nullibi melius, quàm in hoc genere consonet illud Salomonis: *Nihil sub sole novum*. Nihilominus tuæ benignitati sperare juvat acceptos hos labores, in quibus, etiam si nihil novi reperire contingat, saltem invenies ad rem perstrictum, quod in pluribus voluminibus Historicis, Dogmaticis, Theologicis, Polemicis, Canonicis erat dispersum, præsto recurrentibus in hoc opere, ordine alphabetico digesto, potioribus verbi Dei scripti, & traditi testimoniis, Conciliorum auctoritatibus, nec non rationibus, quibus possunt quæcunque hæreses acutè excitatæ convelli. Hinc fiet, ut hujus perillustratione operis, exiguo temporis spatio multorum annorum iter percurras; quandoquidem, quæ celebriores auctores ingentibus in voluminibus contra refractarias cervices opposuere, tibi paucis modulata exhibeo, per quæ brevi circa Polemicam facultatem, multa tibi comparare valeas, quæ non nisi longo consequi posses labore.

In hujus autem compositione quantulicunque operis, nullatenus respexi ad fucum verborum: quin imò in simplicitate sermonis censui Polemicam

c 2

fore

fore pertractandam materiam, & Catholicæ religionis discutienda mysteria: non enim Apostoli, quibus Christus præceperat in omnibus humilitati esse addictos, in elegantia orationis, sed in simplicitate sermonis, quando in omnem terram exivit sonus eorum, subegerunt universas gentes Evangelio. Cujus sacrosancta dogmata, cum in hoc opere propugnanda assumplerim, simplici methodo arbitratus sum absolvendam provinciam; præsertim ut rationes ex verbo Dei assumptæ, à quocunque facilius percipi valeant. Verbum Domini per se satis lucidum, emendicato Rhetoricæ elegantie non eger ornatu, ut illuminet oculos mentium, quæ in fuligine hæresum torpent obnubilatæ, & à recto tramite salutis deflectunt, errantes in terra, deserta, in via, & iniquosa. Satis per se est efficax verbum Domini illuminare his, qui in tenebris, & in umbra mortis sedent, ad dirigendos eorum pedes in viam veritatis, & salutis, dummodo audire velint hæretici, & inclinare aurem suam ad verba vitæ, quæ loquuntur sacri codices; Catholicis quidem, ut in vera fide magis, ac magis solidentur; hæreticis verò, ut absumpto tramite, quod ducit ad mortem, deflectant.

Peculiares itaque errores, in quos omnes hæretici, à propagato Evangelio, ad nostra usque tempora impegerunt, non modò adamussim detegere, sed medio Dei verbo refellere studui, validioribus argumentis cum claritate, (quantum potui) & brevitate compositis. Quod si prolixiora argumenta desideras, vel ampliorem de alicujus hæresis ortu, & progressu notitiam, illos auctores consulere, quorum notitiam, data opera exhibeo in Bibliotheca Polemica.

Quia verò sæpè contingit, ut hæresis, quæ uno cadente seculo vix cognita ortum habuit, alio seculo ineunte invalescens, immoruerit; per numerum Imperialem, qui unicuique hæretico in margine, decursu operis, præficeretur, seculum, quo hæresis orta est, vel invaluit, designatur. Aliquos vero, sed paucos errores hæreticales obviam habebis in hoc opere, quos nulla, subsequitur reprobatio: non autem censeas inconsultò hoc factum; cum enim hujusmodi errores statim cuicunque legenti pateat quantum sint, vel à ratione alieni, vel obsecrari, nefas esse duxi prolixiorum de iisdem sermonem instituire, quos sola auctorum suorum evomit impudentia.

Fortè ad hujus operis complementum expetere posset lector inserta hæreticalium propositionum fundamenta, quibus innixi hæretici suos promulgarunt errores, & eorundem objectorum, per contrarias rationes, solutionem. Sed in hanc arenam descendere, negotium à meo alienum proposito sum arbitratus; nam si omnia hæreticorum objecta, cum suis solutionibus ad trutinam revocare voluissim: opus, quod breviter absolvere proposueram, vix pluribus voluminibus potuissim perstringere. Ut enim clara methodo res hujusmodi pertractari valeat, integros tractatus Theologicos, quibus Polemica studiosos suos jam capaces supponit, opus fuisset inserere. Præter quàm quòd, plures ex hæreticis in suis erroribus stabiliendis nullum aliud habuerunt fundamentum, quàm propriam à ratione alienam, & in malo obduratam voluntatem; stetit siquidem ipsis pro ratione malitia. Nihilominus potiora fundamenta, quibus suos errores tutari conantur Accatholici, sæpè hic adducta invenire est, & soluta; aliaque silentio prætermissa, facili negotio solvere poterit studiosus lector, si efficaces rationes, quibus hæreticorum placitis contrarium evincitur, in hoc opere congestas, attentè consideret, ex quibus faciliter eruitur hæreticalium objectionum solutio. Adde, quòd potiora à viâ veritatis aberrantia fundamenta, sæpè consistunt in mutilatâ, & depravatâ ab ipsis sacra Scripturâ, quâ perperam, utuntur, simpli-

simpliciores ut decipiant; quâ in re cautè agendum, quândocunque ab hæreticis Scriptura, imò etiam SS. Patrum auctoritates in suorum patrocinium errorum assumuntur; quâ adhibita cautelâ, facili erit objectionibus occurrere, & hæresum monitra interimere.

Quoad Canoniceorum Scripturæ sacræ librorum notitiam; sermonem institimus verbo *Sevenschfeldius*, ubi, quantum operis ratio patitur, hæc materia discutitur. Sicut & quoad Consiliorum auctoritatem spectat, ad ea, quæ de hac materia verbo *Pseudo-Synodici* differimus, lector remittitur, ubi conciliabulorum collectione exhibitâ, legitimos canones à spurilis facile erit discernere, culcunque inter legitima Concilia, & conciliabula obvia, erit discretio.

Pro genuinis autem sanctorum Patrum operibus discernendis, & à supposititiis segregandis, claram exhibet methodum R. P. Petrus Annati in suo methodico Apparatu ad Positivam Theologiam, lib. 4. De sanctis Ecclesiæ Patribus. Sed & studiosis Monachis S. Mauri, Ordinis Sancti Benedicti debet orbis literarius Catholicus hoc beneficium: eorundem siquidem Monachorum inenarrabili labore, studio, & impensis prodierunt, & in dies promulgantur Opera SS. PP. eruditissimis notis illustrata, quibus Maurius in editionibus, genuina opera à supposititiis segregata exhibentur, sicut & plura fragmenta, quæ literario orbi adhuc erant ignota, ad Ecclesiæ decus, & SS. PP. gloriam publici juris facta conspiciuntur.

Neque hic silentio prætereundem censeo (quod alicui fortè admirationi esse poterit) quâ de causa in reprobatione hæresum, ab auctoritate SS. PP. frequentiora argumenta non assumpserim, quasi eorundem auctoritati minus deferam. Absit: utique *quod tenent, teneo*, ut verbis utar S. Augusti. lib. 1. contra Julianum, cap. 8. Docet me insuper S. Abbas Bernardus, quàm venerabundi debeamus sanctorum Patrum testimonia recipere, tractatu ad Ugonem de S. Victore cap. 2. contra Abbailardum, quem, contrâ sensum sanctorum Patrum sentire non erubescens, sic perstringit: quibus verbis possent & Novatores omnes coarctari. *Sed miror, si novus iste novorum inventor assertionum, & assertor inventionum, invenire rationem potuerit, quæ sanctos Patres latuerit. . . Ab his ergo (scilicet sanctis Patribus) crede mihi, difficile avellor, cum his inquam, me aut errare, aut sapere fateor.* Itaque sanctorum Patrum auctoritates non inferui, eò quod jam abundè ab aliis eruditissimis viris contrâ hæreticorum deliramenta collectas compererim, quod præ cæteris præstitit abundantissimè Coccius in suo Thesau- ro. Tum quia, ut paucis absolverem, quæ duobus tantum voluminibus perstringere proposueram, validiora solum argumenta exhibui, quæ à verbo Dei scripto, & tradito, à Conciliis, & à ratione eruuntur. Cæterum, quanto obsequio recipienda sint SS. PP. testimonia (maximè ubi agitur de fidei dogmate) idem unanimiter asserentium, perhibet Chalcedonense Concilium, in quo conclamatum fuit: *Hæc est fides Patrum*. Eilo potuisse aliquos Patres, in aliquâ peculiari opinione iustinenda errare: non tamen omnes, in eadem sententia convenientes, possunt errori succumbere. Dicuntur autem solum Ecclesiæ Patres illi, quos ob eminentem doctrinam, & insignem vitæ sanctitatem, ut tales agnovit sive tacitè, sive expressè, & declaravit Ecclesiâ.

Si quis verò, quoad etymologiam nominis, quod plures sortitæ sunt hæreses, uberiorem expectaret notitiam, perspicuum est hæreses vel ab auctore, vel à loco ubi fuerint institutæ, vel à primario errore, quem sectæ proficuntur, diverso fuisse nomine distinctas; & interim consulat Etymologiam

giam sacram Græco-Latinam à Patre Mortier in lucem editam, quo in opere, de Etymologia nominis plurium hæretum, maxime Orientalium, agitur: quâ de re nos breviter disseruimus, quandoquidem scopus hujus operis, non fuit de nomine, sed de re agere, & errores convellere, potius quàm de Etymologiâ nominis disputationem habere.

Ibi etiam advertendum arbitror, quòd plures errores à diversis Auctoribus uni, aut alteri hæretico adscribuntur, in quos omnes, an hæreticus de quo agitur, impegit, difficilis est probationis. Utique censendum non esse crediderim, quemcumque auctorem Catholicum, hæreticorum errores recensentem, voluisse datâ operâ alicui Novatori hanc notam inurere, ut pluribus gravaret erroribus, quandocunque certò constasset scriptori Catholico, in minori errorum numero hæreticum deliquisse. Porro hujusmodi variationis in supputandis hæreticorum erroribus, quæ inter Catholicorum scriptorum opera reperitur, causam fuisse arbitror, quòd cum ad plures auctores Catholicos, qui de hæreticis, ut eos impugnarent, scripserunt, genuina hæreticorum scripta non pervenerint, ad habendam propositionum hæreticallum notitiam, opus fuit præfatis scriptoribus opera illorum percurrere, qui unum, aut alterum hæreticum ex professo impugnarunt. Cum autem validæ argumentationis methodus ad convincendos hæreticos, sit ex absurdis eorum propositionibus, ostendere deductionem aliarum propositionum pariter insulficientium; ex hac deductione, argumentationis gratia facta, fortè aliquis allucinetur, credidit non modò in impugnata hæresim, sed & in errores ab hæresi, impugnationis ergo deductos, impugnatum hæreticum irrepsisse. Res clarius fiet exemplo. Consueverunt Theologi ad impugnandos Græcos, negantes processionem Spiritus sancti à Filio, contrâ eisdem deducere, quòd, si Spiritus sanctus non procederet à Filio, neque distingueretur ab ipso. Græci utique nunquam asseruere Spiritum sanctum non distinguì à Filio; sed implicitè hoc absurdum ex eorum præmissis deducitur, quandocunque mordicus sustinent Spiritum sanctum à Filio non procedere; ex quo patet secundum errorem, licet explicite non assertum, consecaneum tamen esse ad primum. A paritate ex dictis, facillè erit comprehendere, quâ ratione aliquis hæreticus, fortè potuerit ab aliquo auctore Catholico, in ejusdem errorum enumeratione gravari. Cujus gravaminis aliam causam assignari etiam posse crediderim, nempe incertiam linguarum, quâ fortè laborarunt aliqui Scriptores de hæresibus, qui ad interpretes, vel relatores hac de causa coacti recurrere, ut externos errores, non nisi ignota impugnatoribus lingua recensitos detegerent, factum est ut relatores, fortè non satis sinceri, plura mendacia venderent, quæ facillè emit, qui interpretibus, & relatoribus se nimis credulum exhibet; facillè vendit, qui veniens ex longinquo, & de peragratis regionibus circa usus, & mores sermonem institutus, cum sciat non posse ita facillè ab auditoribus assertionum suarum sustinere, repulsam, inter narrandum, vera falsis, aut fictis immisceat; se plus vidisse, & audisse, quàm defecto viderit gloriabundus, juxta tritum adagium: Facile est mentiri, à longè venienti.

Causari nihilominus non debent hæretici, si fortè alicujus nota erroris, ipsis minis considerate tribuitur, quem expressè non asseruerint: qui enim, pertinax esse non erubescit in unico tantum errore circa fidem sustinendo, censetur posse delinquere in omnibus, & certè præcipuè circa fidem dici potest, quod scriptum est: *Mendax in uno, mendax in omnibus*. Prærogativa verè fidei consistit in indivisibili, scilicet in firma, & invariabili adhæsiōe omnibus, & singulis veritatibus, quas docet Ecclesia Catholica: qui ab una tantum-

quantummodo veritate, cum pertinacia recedit, est absolute infidelis; ibique occurrit, quod legitur: *Qui in uno delinquit, solus est omnium reus.*

Interim in computatione errorum, quos unicusque hæretico adscribo, profiteor me deductivè non fuisse locutum, sed ab uno, aut altero auctore, qui de hæreticis scripserunt, hæreticales propositiones hic reprobatas fuisse; decerptas, quorum auctorum indicem, qui scilicet hæreticorum notitiam, vel quoad vitam, vel quoad errores subministrant, statim infra exhibendam censui, ut eisdem possit, qui voluerit, consulere, & ut pateat, quantum in me est, neminem in errorum computatione gravasse.

Omnes propositiones, quæ in hoc opere reprobantur, non sunt absolute hæreticales; aliquas enim solum erroneas, temerarias, vel scandalosas reperies; sed utpote ab hæreticis prolatas, ideo ut plenius hæreticorum sensus, mores, animus, indoles innotescerent, hic inferendas, & reprobandas censui. Cæterum mei non est institui in hoc opere propositiones simpliciter erroneas, quæ ad Theologiam moralem spectant, & ab Ecclesia damnatas configere, cum hanc provinciam jam plures notissimi auctores assumpserint, feliciterque absoluerint, sicuti videre est apud: *Joannem de Cardenas, Raymundum Lumbier, Emmanuel de Filguera*, & plures alios, ad quos in hac causa poterit lector recurrere. Plurimum etiam hæreticorum notitiam potuissim in hoc opere inferere, illorum maxime, qui inter Lutheranos & Calvinistas, Reformatos & Protestantés, in viros magni nominis evaserunt, eo quod Califarum suorum erroneam doctrinam, aut verbo tanquam ministri, aut scriptis tanquam Doctores mordicis sustinuerint: Sed cum nullum novum dogma, quod reprobandum occurreret, proposuisse compellerim, silentio prætereundis censui. Quod si nihilominus horum hæreticorum notitiam, quoad vitam, studia, & elucubrationes lector desiderat, consular *Panlum Freberium*, qui in suo opere, titulus voluminibus absolute, inscripto: *Theatrum virorum eruditione clarorum*, non modicum hæreticorum numerum colligit, vitam perstringit: quos tamen perperam cum viris sana eruditione claris, aut etiam Sanctimoniam clarioribus confundit; præterquamquod, præfatus auctor hæreticali labe infectus, adulatorio calamo scripsit, cum suorum in hæresi confodaliū gesta enunciat. Difficile sinceritatem patiuntur scripta, quæ adulatio componit; quapropter cautè legendus occurrit.

Multos scriptores, qui in Republicâ literariâ suis studiosis elucubrationibus sibi promeruerunt laudem, eorumque plurimi majorem apud Orthodoxos obrinnissent, quandocunque suis in scriptis ereticalia asserta non refricassent, colligit eruditissimus P. Nicéronus Barnabita suo in opere inscripto. *Memoires pour servir à l'histoire des hommes illustres*. Cujus copiosissimi literarij monumenti subsidio plurimum scriptorum quorum fortè periisset notitia perennanti memoria: præfato in opere celebratissimus auctor scriptorum, anteaq̃, & præsentis sæculi, vitam, quantum fas est ad eorum characterem distinguendum perstringit, & literaria monumenta ab ipsis ubi, & quando edita sigillatim enunciat: ita ut quæ sint opera in quibus scriptores, Lutheri, Calvini, aliorumque hæreticorum signmenta sustinere aggressi sunt, facili sit invenire.

Hic etiam præmonere debeo, quod, cum hæreticus ille solum debeat nuncupari, qui cum pertinacia in sententiâ Romanæ Ecclesiæ contraria materia fidei; persistit, pluresque de quibus hic fit mentio, ab erronea sententiâ respuerint, suæque erroneas opiniones retractaverint; hujusmodi lapsos, Romanæ Ecclesiæ restitutos, non tanquam hæreticos fuisse in hoc opere

opere insertos, sed de illis actum, ut eorundem propositiones reprobarem, quas utpotè à fide Orthodoxi dissolas, Ecclesia Catholica, vel in Conciliis, vel per diplomata Pontificia confixit.

Studii reprobationes subnectre, quæ faciliori negotio possent in obsequium fidei hæreticorum intellectum captivare, & hic fuit præcipuus hujus operis scopus, qui proculdubio primarium esse deberet omnium Ecclesiasticorum studium: si quæ enim inter cæteras scientias, digna Ecclesiastico viro disciplina, Polemicam Theologiam Ecclesiasticum ordinem poscere, omnium saniorum, & sanctorum virorum semper fuit laudatissimus sensus. Apostolicæ utique eloquentia differit in hac materia Eminentissimus S. R. E. Cardinalis Franciscus Maria Casinus, in concione decima, in die Veneris post Dominicam quintam Quadragesimæ, habitâ in Sacello Apostolico Tom. I.

Noverint Ecclesiastici præcipuas sui muneris partes & officia, ament digna & debita vocationi suæ studia, quæ potissimum expetunt diem, ac noctem meditari in lege Domini, non Codice Justiniani. Paratum vult virum Ecclesiasticum Princeps Ecclesiæ ad reddendam rationem de eâ, quæ est in nobis fide; sed plures invenire est ex assumptis in sortem Domini, qui promptius respondeant de jure civili. Decentiùs multò in ore viri Ecclesiastici sacra, quàm sæcularis, canonica quàm civilis litera sonat.

Quæcumque in hoc opere continentur S. R. E. judicio submitto, numquam enim ab ea dissentiam, in cujus sensu, cuicumque in æternum vivere feliciter cupienti, restat fideliter mori. Credo in Deum unum & Trinum. In Jesum Christum Redemptorem, in sancta quatuor Evangelia, in omne Dei verbum scriptum, & traditum. Credo unicum esse unius veræ Ecclesiæ caput visibile Romanum Pontificem, in decernendis rebus fidei indefectibilem. Proscribo omnes propositiones ab Ecclesia Romana proscriptas, vel proscribendas. Adjuvet me Deus, ut in hac fide Romano-Catholica, quam profiteor, vivam, & moriar, quod & tibi enixè precor Lector Benevole. Vale.





PRÆPARATIO AD OPUS.

*Continens generalia principia, & potiora argumenta;
quibus possunt Hæreticorum mentes perstringi,
omnes hæreses reprobari.*



Nam tantum esse posse
veram Ecclesiam, &
consequenter unam,
tantum admitti debe-
re veram fidem, ve-
ramque religionem,
in cujus sensu, cuicum-
que in æternum vi-

vere feliciter cupienti, restat fideliter
mori, adeo certum est (quidquid bla-
terent Bifidi, pluresque moderni Anti-
Christiani, dicti etiam indifferentes)
& recte rationi consonum, ut quisquis
juste discretionis lumine illustratur,
efficacissimis argumentis, quæ hanc ve-
ritatem evincunt, cedere teneatur. Sem-
el itaque admissio, quod una tantum
esse possit vera Ecclesia, in qua adscri-
pti, ejus scilicet mandatorum obser-
vatores, solummodo salutem valeant
obtinere, consequens est, ut quisquis
ad æternam patriam anhelat, ad ve-
ram Ecclesiam recurrat, & illorum
omnium projecta sit salus, qui extra ve-
ram Ecclesiam diem elaudunt extre-
mum. Ut ad hanc consequentiam con-

Tom. I.

cedendam reducantur hæretici, pri-
mo convincendi sunt circa præmissa,
unam scilicet tantum esse posse veram
Ecclesiam, & hanc non aliam esse,
quam Catholicam, Apostolicam, Ro-
manam; quibus probatis præmissis, stat
innegabilis hæc consequentia, scilicet,
extra Ecclesiam Catholicam, Aposto-
licam, Romanam neminem consequi
posse salutem.

Primo itaque occurrit probandum
unam tantum esse posse veram fidem.
Veritatem hanc, ab omnibus sine con-
troverfia per quindecim secula admis-
sam, impugnare ceperunt quidam Anti-
Christiani, ex Lutheri schola pro-
geniti, circa medium seculi decimi
sexti, quos sequuntur plures moderni
Anti-Catholici, asserentes nullatenus
diversas fidei professiones unitati reli-
gionis officere, ideoque unumquem-
que in sua religione posse salvari, aquæ
Titium in religione Calvinistica, quam
Sempronium in religione Lutherana,
quam Cajum in religione Catholica,
quia scilicet (ut ajunt) Titius, Sem-
d pro-

pronius & Cajus, quamvis diversæ sint religionis professores, omnes tamen in sua religione timore Dei conveniuntur; idem est Deus, qui à Titulo Calvinista, à Sempronio Lutheranò, à Cajo Catholico, licet per diversam fidem, diversosque ritus honoratur, ideoque æque Titulus Calvinista, quàm Sempronius Lutheranus, ac Cajus Catholicus locum habent sperandæ salutis; ex qua positione sequeretur, non unam tantum, sed plures esse posse veras fides, veras religiones, & veras Ecclesias. Imperceptibile tamen est, quomodo diversæ fides unitati fidei non obstitant, & Bifidorum ratiocinatio videtur destruere se ipsam; multiplicitas enim semper contraria fuit unitati, ergo in multiplicitate religionum, unitas religionis nullatenus potest salvari, sicut contendunt Bifidi, asserentes duas fides unitati fidei non obitare; dux enim fides, vel eadem proponunt credibilia, vel diversa: si eadem, non erunt duæ fides, sed una: si diversa, ergo diversæ erunt fides, quæ necessariò unitati fidei obstitant; ergo per diversas fides falsum est posse pari fide (ut ajunt Bifidi) Deum à Romanis, & Protestantibus honorari; implicat enim diversas fides posse in pari fide convenire. Neque magis dissona videtur à ratione propositio illa, in qua quis assereret posse homines sine fide salvari, quàm hæc, in qua Bifidi sustinent posse homines per diversitatem fidei pervenire ad salutem: diversas enim implicare religiones, ex eo satis constat, quòd in tantum diversæ censentur, quia diversa credibilia, & operabilia proponunt; atqui inter hæc diversa credibilia, & operabilia à diversis religionibus proposita, plura ex diametro opponuntur, quorum unum principium credibile propositum ab una religione, repugnat alteri principio ab altera religione propositum; unum operabile ab una religione imperatum, vetat ex diametro opus ab alia religione permisum: constat enim, quod plura quæ docet fides Catholica, destruunt quæ docet fides Calvinistica, vel Lutheran

ergo imperceptibile est, qua ratione possint diversæ fides subsistere, & nihilominus (ut ajunt Bifidi, vel moderni Anti-Catholici) pari fide in utraque fide Deus possit honorari. Certe Deus, qui vult ritè coli, non nisi in unica religione potest rectè coli, & si per diversas religiones, quæ sibi invicem repugnant, pariformiter Deus posset rectè coli, hujusmodi cultus diversus, mutabilitatem in Deo argueret, quæ cum Deo est impossibilis, perhibente Deo ipso per Prophetam: *Ego Deus, & non mutor*; mutabilitatem, inquam in Deo argueret, quatenus in viro secta Lutheranò, sibi complaceret Deus in una præcepti observantia, in homine vero Catholico requireret aliam præcepti observantiam, à priori omninò diversam, imò & cum priori repugnantem. Res manifestior fiat exemplo. Si subsisteret (ut contendunt Bifidi) religio Catholica una simul & Calvinistica, jam verificarentur propositiones contradictoriae: docet siquidem religio Catholica Sanctos esse honorandos: vetat religio Calvinistica, præcipiente Calvinò lib. 4. Institut. Sanctos non esse honorandos: quomodo his datis principiis, poterunt sustinere Bifidi, diversas fides nullo modo veritatis religionis officere, & Deum pari fide à Calvinistis, & Catholicis honorari, quando idem honor, qui in una religione precipitur, in alia prohibetur? Jam Deus odio haberet in Catholico, quod acceptaret in Calvinista, & è converso; sique manifestè constat deduci, Deum fore mutationi obnoxium, quando plures possent subsistere diversæ fides, ut perperam Bifidi sustinere contendunt. Ex actenus dictis satis constat unam tantum esse posse, & dari veram fidem, ideoque unam tantum esse posse veram Ecclesiam, in cujus sensu cuiusque felicius vivere in æternum cupienti, indispensabiliter restat fideliter mori.

Hanc unam, & veram Ecclesiam esse solam Ecclesiam Catholicam, Apostolicam, Romanam, quæ est altera ex præmissis adstruenda, ut postmodum dedu-

deducantur hæretici ad admittendam, propositam consequentiam, scilicet extra Ecclesiam Romanam neminem consequi posse salutem, manifestè probant testimonium Scripturæ, cui cum se satis non credant Calvinistæ, Lutherani, & cæteri omnes hæretici, idè contrà ipsos argumenta à ratione deducta prosequimur. Et quidem, dato quòd una tantum esse possit vera religio, ut probant hæcenus dicta, hæc utique alia esse nequit, nisi religio Catholico-Romana, aut una ex hæreticis: Si una ex hæreticis, vel Lutherana, vel Calviniana, vel alla ex similibus, at nulla ex posterioribus esse potest, cæterum, dicendum foret usque ad Lutheri, vel Calvinii, aut hujusmodi nebulonum, tempora nullam fuisse veram religionem, per cujus observantiam potuisset homo salvari. Quòd si dicas religionem Lutheri, aut Calvinii veram esse promulgatam à Christo, & Apostolis, ergo jam una, aut altera ex duabus erit falsa religio, cum una tantum vera esse possit: nihilominus utriusque religionis falsitas ex multiplicatis argumentis evincitur. Primò, quia omnium religionum principia (una excepta Romana) pugnant vel in toto, vel in parte cum sensu sacræ Scripturæ, cum sanctis traditionibus, & cum sanctis Patribus; imò, quod evidens est argumentum, insubsistentiæ religionis omnium Novatorum, pugnant in materia fidei: Lutherani cum Lutheranis, Calvinistæ cum Calvinistis, Melancthonici cum Melancthonicis, Sacramentarii cum Sacramentariis, Anabaptistæ cum Anabaptistis, Trinitarii cum Trinitariis, quod evidenter demonstrat eruditissimus Coccius lib. 8. de signis Ecclesiæ, ad quem lectorem remittimus: ergo esse nequeunt veræ religiones, quæ adeò inter se dissident, & jam per secula nondum invenerunt modum conveniendi in eadem fidei formula, imò hæcenus mutuis scriptis se se damnarunt, quorum scripta recenset loco citato prælaudatus Coccius. Quòd si consensus in materia fidei unum est ex distinctivis veræ Ecclesiæ, cum hoc consensu ca-

reant Lutherani, Calvinistæ, & cæteri omnes Novatores, perspicuum est apud ipsos veram non subsistere Ecclesiam; omne enim regnum in se ipsum divisum desolatur. Multitudinis credentium in Domino, illorum scilicet, qui sunt intrà gremium veræ Ecclesiæ, esse debet in mysteriis fidei credendis cor unum, & anima una; quapropter D. Paulus, cui satis perspecta erat hæc veritas, prima ad Cor. obsecrat fratres per nomen D. N. Jesu Christi id ipsum dicere omnes, ut non sint in ipsis schismata, sint autem perfecti in eodem sensu, & in eadem scientia: quia Deus non est Deus dissensionis, sed Deus pacis; omnes verè credentes unum sunt in Christo Jesu teste Apostolo ad Galat. 3. 28. idè ad Ephesios 4. sic scribit: *Solliciti servare unitatem spiritus in vinculo pacis. Unum corpus, & unus spiritus, sicut vocati estis in una spe vocationis vestre. Unus Dominus, una fides, unum Baptisma, unus Deus, & Pater omnium.* Quomodo autem de hac unitate gloriari valeant hæretici, inter quos tot constat in materia religionis esse dissidia? quomodo itaque apud hæreticos subsistere poterit vera religio, si tot inter illos patitur scissiones? Certè hæretici, ut ait Justinus quæst. 4. ad Orthodoxos: *Fidem Catholicam, dum sibi adversantur, affirmant.* Non nisi adultera esse potest fides, & religio inter illos, inter quos diversitas doctrinæ invenitur. Mentior, si non etiam à regulis suis variant inter se, hæretici, dum unusquisque illorum proinde suo arbitrio modulatur, quæ accepit, quemadmodum de suo arbitrio ea composuit ille, qui tradidit. Vera Ecclesia Domini luce perfusa, per orbem totum radios suos porrigit, unum tamen lumen est, quod ubique diffunditur, nec unitas doctrinæ separatur. Non aliter cum hæreticis pugnat Christus, quàm mixto inter eos spiritu vertiginis, & dissensionis, qui spiritus vertiginis, & dissensionis cum adeò divexet Novatores, perspicuum est apud ipsos veram non inveniri Ecclesiam. Hoc ulterius probatur à Sanctimonia, quæ in

vera Ecclesia debet florescere, qua omnes hæreticorum Ecclesiam sunt destituta, sive consideretur Institutorum opprobriosa vita, sive plurium dogmatum, quæ ab hæreticis prosunt, infamia: ubi est conversio sanctitatem, & unitatem doctrinæ, quam proponit suis Fidelibus Ecclesia Catholico-Romana, proclamant ipsi hæretici, qui ejusdem Romanæ Ecclesiæ sanctitatem, non potuerunt aliquando non commendare, sicut eorundem hæreticorum scripta percurrenti patebit. Ex hoc aliud eruitur argumentum, ad probandam unam veram Ecclesiam esse Apostolico-Romanam, in qua ab ejus exordio semper floruit sanctitas, non modò in puritate doctrinæ, sed in pluribus Ecclesiæ membris, scilicet viris, & mulieribus, qui sanctitate floruerunt, quam nobis Deus per miracula patefecit; vitæ enim, morumque sanctimoniam, & miraculorum gratiam, esse certum Orthodoxæ Ecclesiæ signum, non est qui hæcenus non asseruerit; siquidem domum Dei decet sanctitudo in longitudinem dierum. Videatur hic quid de sanctitatis studio, cui semper addicti fuerunt Orthodoxi, scripserint Magdeburgenses Cent. 7. cap. 7. ubi est conversio nullam inter Novatores apparere, sanctimoniam umbram, imò magis, ac magis inter illorum sequaces invalescere impietatem, perhibent disertis verbis ipsimet hæretici: sic Martinus Lutherus in Postilla Dominicæ primæ Adventus, in concionibus convivalibus: sic Philippus Melancthon ad cap. 6. Matth. sic Brentius ad cap. 3. Matth.: sic Musculus Dominica prima Adventus, sic Joannes Vviganus libro de bonis, & malis Germaniæ, sic Gaspar Hedio epistola ad Melancthonem: sic Jacobus Andreas concione 4. ad cap. 21. Lucæ: sic Calvinus concione decima in Epistolam ad Ephes.: sic demum, ut alios perplures omittam, Paulus Eberus in Epistolam ad Corinth. qui postquam suæ Synagogæ mala deploravit, his verbis concludit: *Quæ mala, cum quisque propriis oculis intuetur, merito dubitat, an nosset Evangelicus catus sit Ec-*

clesia, in quâ tot sunt schismata, & dissidia, in quâ tot, & tam enormis veritas conspiciuntur. Certè non nisi perverfi esse possunt homines, qui doctrinam sequuntur, quam ipsi Hæresarchæ se à diabolo totius perverfitatis fonte accepisse fatentur. Nonne hoc est, quod de se, inter alios fatetur Lutherus libro de Missa angulari, ubi se diabolum præceptorem habuisse sæpè repetit? Proh stultitia hominum, qui diaboli documenta amplectuntur, cujus facili sequaces, quomodo non animadvertant se in tenebris ambulare, & extra veram Ecclesiæ premium circuire, usque dum cum diabolo præceptore detrudantur in Inferis, ut ibi cum magistro suo in æternum habeant miseram societatem.

Unum, in quo potissimum offendunt hæretici, & ad meliorem fugam proinde non reducuntur, hoc est, quod juxta captum suum intelligunt sacram Scripturam, quam falsis, & multiloquis versionibus depravant, quod utique non contingeret, si Scripturam in suo sensu acciperent. Hanc esse, petram scandali, prosunt ipsimet hæretici, improbantur tot sacræ Scripturæ versiones, ab ipsis hæreticis pro eorum placito promulgatas. Audiatur Lutherus, qui etiam versionem sacræ Scripturæ protulit, deteriora sequens, licet meliora videret, & probaret: in commentario de novissimis verbis Davidis, ad rem sic scribit. *Omnino melius esset retinere illam hæcenus receptam, & usitatam versionem Bibliorum, quam tot novas cumulari, quibus nihil proficitur, nisi quod dissimilitudo, & discrepantia lectionum memoriarum legentium turbat, & studium remoratur, ac in multis locis incertiorum, quam fuerat dimittit.* Ex hac multiplici sacræ Scripturæ versione, & interpretatione ab hæreticis facta, fit ut inter eos tot sint sensuum, & sententiarum in materia fidei discrepantia, quod contingere nequit in Christiana Republica, quæ una tantum utitur vulgata versione, quæ jam à multis seculis in Ecclesiâ viget, & communi Christianorum consensu est recepta; qua-

pro-

propter, bene hic consonat illud Gen. xi. 1. *Ecce unus est populus, & unum labium omnibus*, quia omnes pendunt ab ore Pontificis. In quo verum spiritum sacrae Scripturae interpretativum est reperire; quod & pro bono regimine est necessarium: nam si unicuique pro libito liceret sac. Scripturam interpretari; in materia fidei tot essent sententiae, quot capita; una autem esse debet omnium fides, ergo & unum tantum esse debet, qui potestatem habeat promulgandi, & approbandi verum sac. Scripturarum sensum, quo procul dubio carent omnes haeretici, ut ipsimet fatentur, suas vicissim improbant versiones, & explanationes; scimus enim versionem Lutheri damnasse Tigurinos, versionem Osiandri damnant Munsterici, versionem Bezae exprobrat Castilio, versionem Castellionis improbat Beza. Qua ratione itaque subsistere poterit haereticorum doctrina, quae in versionibus, quas ipsi haeretici vicissim improbant, potiorum habet substantiam? Nonne melius est se credere, versioni, quam à tot seculis exhibet nobis Romana Ecclesia, cui irrefragabiliter adhaeserunt tot Sanctissimi, doctissimi viri, etiam literarum scientia incomparabiliter Luthero, Calvinio, Beza, ceterisque secularis excellentiores, quam istorum nebulonum expositionibus, tam variis, tam multis, tam defectis, toties resecdis acquiescere? Quo fundamento, qua ratione ducti, iudicet lector, eos habere potuisse sensum interpretativum sacrae Scripturae, qui Scripturam sacram, & sacra omnia, profanarunt, qui adeo carnaliter, & impie vixerunt, sicut ex eorum gestis est reperire? Profecto mirum est, quomodo tot convicti rationibus, in sua obstinatione obdurentur haeretici, & non reducantur ad Ecclesiam militantem, quaecumque visibilis, & conspicienda sit, non potest non esse perfecta. Ecclesiam Christi militantem, quae Romana est, & Apostolica, esse visibilem, negant plures haeretici, inter quos Calvinus lib. 4. Instit. c. 1. par. 2. Nihilominus patet quod non possit non esse visibilis Ecclesia, in qua

Spiritus sanctus constituit ad illius regimen visibiles superiores, nempe Episcopos, cujus oves, licet ab interna fide digni non valeant, per externam, tamen professionem manifestantur. Ultro concedunt etiam plures haeretici Ecclesiam veram esse visibilem, quae consistit in cœtu visibili amplectentium incorruptam Evangelii doctrinam, iidemque participantium Sacramentis sub uno primario capite totius Ecclesiae, Pastore. Debet utique esse visibilis Ecclesia, quae debet patere omnibus gentibus, ut si velint, possint intrare; secus, si esset invisibilis, sufficienter provilum non esset omnium salutem. Posito ergo quod vera Ecclesia una tantum esse possit, ut jam superius ostendimus, quod vera Ecclesia sit visibilis, sequitur quod vera Christi Ecclesia sit sola Ecclesia Romana, quia cum vera Ecclesia sit infallibilis, & non possit deficere, & de sola Ecclesia Romana hoc possit subsisteret asseri, quod nunquam defecerit; consequens est ut vera Christi Ecclesia sit Ecclesia Romana, quandoquidem solus omnes alias Ecclesias vel defecisse, vel multas esse passas scissions in doctrina proposita. Certè, non nisi temere negare poterunt Lutheri, & Calvini sectatores, utriusque doctrinam in varias abiisse sectas, sibi invicem toto cœlo oppositas, quod procul dubio asserere haud quaquam poterunt de doctrina, quam Ecclesia Romana profiteretur, quae semper eadem illibata servata est per tot secula inter tot Christi-fideles, licet morum, & locorum, distantia inter se distitos. In unius tamen & ejusdem doctrinae professione semper concordēs. Hoc credunt Itali, quod Galli, quod & Hispani, quod & reliqui omnes Orthodoxi; ubi non modo in eadem Provincia, sed & in eadem domo inter Novatores reperire est in materia fidei patrem à filio, maritum ab uxore, uxorem à servis dissidentes: ex quibus juvat deducere, quod sola Romana Ecclesia est vera, & unica Christi Ecclesia; nisi utique si vera, cum unicam esse devere veram Ecclesiam, supra jam satis probaverimus. Quod autem

autem sit vera, evincit unitas doctrinæ in Pontificia Ecclesia semper servata. Probant Reverendissimi Domini Adrianus, & Petrus de Vvaleburch episcopi nunquam satis commendati in tractatu de Controversiis fidei: comprobant miraculorum gratia, quam habet sola Ecclesia Orthodoxa, quæ miracula utique negari non possunt, cum de pluribus patris adhuc nunc vigeant visibilia monumenta; multa etiam miracula nostro ævo contigisse probant, qui adhuc superstites sunt plures oculati testes, qui eadem conspexerunt; ubi è converso, nè unum quidem miraculum narrare possunt hæretici, quod in eorum Ecclesiæ gratiam contigerit; nisi forte Calvini miraculum proferre velint, qui cum bene esset consens in verâ Ecclesia miracula fieri, quandoquidem legimus Marci 16. 17. *Signa autem eos qui crediderint, hæc sequentur: in nomine meo dæmonia eicient &c.* ut hac prerogativa Ecclesiam suam non carere ostenderet, quendam virum nomine Brulleum Ossimum uxoratum, sed valde pauperem convenit, sufficientemque pecuniam Calvinus Bruleo daturum promisit, quâ a paupertatis incommodis, una cum uxore sublevaretur, dummodo se in lecto decumbentem graviter infirmum Brulleus simularet; & paulo post mortuum: dum interim admonitus Calvinus, quasi facti ignarus, domum Brullei accederet, quasi precaturus Deum, ut in testimonium veræ religionis, quam se predicare asserbat, decumbentem mortuum suscitaret, & ad ejus vocem, Brulleus ficti miraculi conscius, tamquam mortuus expergisceret, factumque est: Brulleus se graviter infirmum, & paulo post mortuum simulat, uxor facti consensu fictæ ejulat consortis decessum, accersitur Calvinus cum aliis sectatoribus, quibus tamquam Calistæ magnus reformatæ religionis, semper erat stipatus; precaturus Deum procumbit in genua, preces effundit, Brullei manum apprehendit, cui in Dei nomine surgere præcipit, sed frustra; nam qui se propter pecuniam mortuum simula-

verat, iusto Dei judicio cum Calvinî, sectatorumque confusione, verè mortuus inventus est; quod ut apprehendit uxor defuncti, pacti conscia in Calvinum invehitur, rem totam adstantibus manifestat, ad quæ confusus Calvinus abiit, mulierem propter dolorem mortis sui sponsi tamquam phreneticam loqui, & compassione dignam esse asserit, quam interim ab urbe discedere coegit, quæ sicut nihil minus erat quam mente capta, quoad vixit non destitit rem totam quibuscumque, sicut de facto se gesserat, promulgare, Hæc habet Bolserus in vita Calvinî cap. 13. Nulla ergo miracula in Ecclesiis hæreticorum, quæ merito Ecclesiæ malignantium possunt nuncupari, hæcenus patrata sunt; ergo non potest esse vera Ecclesia, in quâ hæcenus defecit miraculorum gratia, quæ adeo abundat in Ecclesia Orthodoxa, ut velint nolint teneantur hæretici constiteri solam Romanam Ecclesiam esse unicam, & veram, in cujus gremio potest homo consequi salutem.

Sed nihilominus hæretici adhuc pertinaces in sua opinione persistunt, unde hoc? Vel certi sunt suam Ecclesiam esse veram, & Pontificiam falsam vel non. Si primum, quæro unde hoc certò sciant, à quibus hoc ipsi revelatum jactent, quod tot præterierit Sanctos, effugerit sapientes, qui semper hæreticorum conventicula detestati sunt, in quibus nullum ex signis veræ Ecclesiæ est reperire; habent liquidem hæretici mutilatam Scripturam, & depravatam doctrinam. quæ in varias abilit scissions, Sacramenta inter ipsos non sunt omnia recepta, regimen est confusum, membra sunt sine capite, miraculorum gratia non inventur, quibus omnibus signis, quantum carent Synagoga hæreticorum, tantum abundat Ecclesia Pontificia, quæ proinde unica tantum, & vera esse perhibetur.

Vera Ecclesia illa est, (cur concedunt ipsi hæretici) quæ à Christo est fundata, ab Apostollis propagata, successivè in membris dilata, & nunquam ab unitate doctrinæ Apostolicæ dete-

defecit; hoc posito, qua fronte sustinere poterunt hæretici suam esse veram Ecclesiam, quæ in tot doctrinarum capitibus Apostolicam doctrinam oppugnat. Ecclesia à sui institutione debet semper fuisse visibilis; quapropter quæro, quibus in membris antiquam Hæresiarum sua proferrent dogmata, hæreticorum Ecclesia esset visibilis? Quod si hæreticorum Ecclesia vera est, aliquando tamen fuit, cum non fuit visibilis, scilicet ante suorum Hæresiarum adventum; ergo si aliquando fuit, cum non fuit visibilis, nunquam vera Ecclesia fuit, quia vera Ecclesia à suis primordiis semper debet permansisse visibilis, ut omnibus ad eam semper pateret, & pateat accessus. Vera Ecclesia nunquam potest errare, cæterum quomodo vera, quæ errori esse potest obnoxia? sed Ecclesiæ hæreticorum erraverunt, quandoquidem plura docuerunt contra Dei Verbum, tam scriptum, quam traditum, ut ex huius operis decursu patebit in hæreticallum propositionum reprobatione, ergo si erraverunt, non potest inter hæreticos vera reperiri Ecclesia, quæ cum absolute debeat habere unum visibile caput, quod præseat ad dirimendas controversias, quæ oriri possunt in materia fidelis, & ad promulgandas leges, quæ expediunt juxta temporis congruentias, pro religionis mantinentia & incremento, & hoc visibile caput solum habeat Ecclesia Catholicorum, sequitur hanc solum, & non aliam esse veram, & unicam Ecclesiam. Quod autem necessarium sit unum caput visibile in Ecclesia, suadet ipsamet ratio: nam si unum non esset in Ecclesia caput supremum, plures essent in potestate æquales, cum vero difficile sit plures in eadem sententia convenire, maxime ubi agitur de diremptione controversiarum, sequeretur, quod nunquam posset servari in Ecclesia unitas fidelis, quodcumque diversi in potestate æquales, in concurrentibus controversiis dirimendis, diversa sentirent, in variasque sententias abirent, quod

incongruum quotidie oritur inter hæreticos, qui cum non habeant unum visibile caput, vicissim dissident in materia religionis, & sine certa lege vagantur. Hoc visibile caput esse Romanum Pontificem D. Petri successorem. evincunt rationes contra Armenos, Hussitas, Jacobum Præpositi, Joannem Jandunum, & Joannem Vvesphalum, huius veritatis impugnatores adducendæ. Quidquid contra hanc veritatem essuriant hæretici, nihil evincunt, omnes siquidem eorum cavillationes facili negotio ab omnibus Theologis enodantur. Præsertim Romani Pontificis evincunt appellationes, quæ ex toto Orbe in materia religionis semper ad Romanam Sedem habuere recursum, non modo ab Ecclesia Occidentali, sed etiam ab Orientali, tunc maxime cum magis florere videbatur; omniaque Concilia cum auctoritate Romani Pontificis congregata, ab eodem decretorum suorum confirmationem susceperunt. Necessitas supremi iudicis in causa fidei, hinc manifestè deducitur, quod dempto hoc supremo iudice, semper invalescerent lites; sic contingit inter Lutheranos, & Calvinistas, qui jam à tot annis inter se litigant de Baptismo, de Prædestinatione, & de Eucharistia, neque hactenus potuerunt in uno sensu convenire, quia controversiarum iudicem admittunt solum Scripturam, non autem ut par est visibile caput Ecclesiæ; sed si sola Scriptura esset iudex controversiarum, quoad verum, & legitimum sensum sæpè esse obscuram, ideoque non posse causas in fidei materia semper decidere; cæterum Scriptura ipsa pars esset, & iudex; & cum iudex debeat ita clare sententiam proferre, ut quid juris sit, manifestè controversentes partes intelligant, ideo Christus supremum iudicem constituit, cui & spiritum interpretativum Scripturæ dedit, nempe suum Vicarium Romanum Pontificem, aut Ecclesiam, approbante Romano

mano Pontifice in Conciliis congregatam. Et hinc magis constat solam Scripturam esse non posse iudicem in causis fidei, cum multi sint articuli fidei, de quibus nulla sit nentio in Scriptura: V. G. an septenarius sit numerus Sacramentorum: licet enim septem esse signa sensibilia à Christo instituta, ad conferendam gratiam colligatur ex fac. Scriptura, nullibi tamen Scriptura de septenario numero Sacramentorum sermonem instituit; sicuti nullibi Scriptura dicit librum V. G. Tobiae esse canonicum, quapropter ad has controversias dirimendas, necesse fuit pro bono Christianae Reipublicae regimine, quod Christus, unum supremum, & visibile caput constitueret, eò magis quod in Veteri Testamento, teste Josepho lib. 2. contra Appionem, non Scriptura, sed Pontifex pro iudice cognoscebatur. Quod manifeste etiam colligitur Deuter. 17. 8. & lib. 2. Paralip. 19. 4. ex quo loco patet Pontificem fuisse Præsidem, seu caput Concilii Seniorum, mandante Domino Deuter. 17. 12. sub poena mortis, ut omnes acquiescerent sententiæ Pontificis: ex quo inferitur Pontificem in causis decidendis falli haudquaquam potuisse. Eandem ergo gratiam infallibilitatis à Deo Pontifici in lege gratiæ concessam, qua pollebant Pontifices in lege scripta, nemo poterit impunè negare; hoc stabilito principio, facile erit omnes controversias in materia religionis dirimere, cum manifestè deducatur in omnibus, quæ ad religionem pertinent, nobis illi sententiæ acquiescendum, quam legitimus, & supremus Ecclesiæ iudex Christi Vicarius Romanus Pontifex amplectendam desinit.

Ut autem clarius pateat qualiter omnis doctrina hæreticalis, à quibuscunque hæreticis promulgata, nullam habeat substantiam, sufficit investigare quo jure, & quo titulo probare possint hæretici sanam esse, & veram doctrinam, quam prædicarunt. Certum est quod quisquis ministerio Ecclesiastico, quate est illud prædicationis verbi

Dei, uti legitime in Ecclesia contendit, suam vocationem ad ministerium, & missionem ad prædicandum probare, debet à Deo, vel ordinario, vel extraordinario jure sibi fuisse concessam: *Quomodo enim prædicabunt, nisi mittantur?* Ait Apostolus ad Rom. 4. 11. omnes enim qui prædicationis munus assumunt, & à Deo missi non sunt ad prædicandum, ex illis utique sunt qui non intrant per ostium in ovile ovium, sed ascendunt aliunde, & consequenter fures sunt, atque latrones; hoc posito, certum est hæreticos, qui erroneam doctrinam promulgarunt, nec ordinario, nec extraordinario jure à Deo fuisse electos, & missos ad prædicandum. Non ordinario, quia plures eorum ex suo beneplacito, sine debita ordinatione, invitisque Superioribus, Pontifice, scilicet, & Episcopis, prædicationis munus sibi assumpserunt. Legitur autem ad Heb. 5. 4. *Nec quisquam sumit sibi honorem, sed qui vocatur à Deo tanquam Aron.* Qui ergo sunt hujusmodi, legitimam non potuerunt promulgare doctrinam, quia sine debita ordinatione, sine titulo, sine jure, absque missione, prædicationis munus sibi usurparunt. Licet autem de pluribus Hæreharchis constet fuisse legitime in vera Ecclesia ordinatos Ministros, hinc nihilominus non potest evinci legitimam promulgasse doctrinam; nam qui legitime ordinatur in Ecclesia, potestatem accipit quidem ab Ecclesia prædicandi, sed predicandi verbum Dei, non verbum diaboli; prædicandi sanam doctrinam sacræ Scripturæ, sacrisque Canonibus conformem, non oppugnantem; quin imò, qui auctoritate, quam in ministerio, ad quod fuit assumptus accepit, abutitur, jus ministrandi amittit: sed hæretici promulgarunt doctrinam verbo Dei repugnantem, ergo perspicuum est hæreticos, licet legitime ordinatos, legitime tanquam ordinariè vocatos non prædicasse, quia ordinariè vocatus, vocatur ad promulgandam doctrinam Evangelicam, non Evangelio contrariam.

Adde

Adde, quod omnes hæretici, qui in Ecclesia fuerunt ordinati, statim ac suas novas erexerunt Synagogas, profecti sunt Ecclesiam Romanam non esse veram Ecclesiam; ergo per hoc quod fuerint in Ecclesia Romana ordinati, neque hinc probare possunt legitime, fuisse ad ministerium vocatos; ex quo sequitur nullo titulo probari posse doctrinam ab hæreticis promulgatam esse posse veram, sanam, catholicam, ac subsistentem. Neque demum evinci potest prædicationem ab hæreticis factam fuisse legitimam, eo quod extraordinarie vocati fuerint à Deo ad ministerium prædicationis; omnis enim extraordinaria vocatio, fuit à Deo confirmata, miraculis; cum autem nunquam contigerit aliquem hæreticorum vel unum patrasse miraculum, satis perspicuum est neminem hæreticorum, neque extraordinarie fuisse à Deo vocatum. Argumenta hæcenus exposita utique deberent sufficere ad captivandum quemcumque intellectum in obsequium veræ fidei, cæterum ut loquat cum eruditissimo Pico Mirandulano. *Magna insania est Evangelio non credere, cuius veritatem sanguis Martyrum clamat, Apostolica resonant voces, prodigia probant, ratio confirmat, elementa loquuntur, & demonæ consensunt.* Quid sibi tutius revelatum jactant hæretici, quod tot præeresset sanctos Doctores, Confessores, Martyres, Reges, & populos, tot effugerit sapientes. Illud est evidenter evidentiæ morali erodibile, quod jam per tot secula multitudo copiosissima Doctorum, Sanctorum, martyrum, Confessorum, Regum, principum, & populorum credidit: Aut superbia, aut insania est, non acquiescere sensui multitudinis credentium, omni exceptione majorum; qui enim diversam amplectitur fidem ab illa, quam multitudo sapientum profitetur, vel se plus scire, quam sapiat multitudinem sapientum credit, & superbia est, vel se minus sapere cognoscit, & non credere cum multitudine sapientum, stultitia est. Quis rationabiliter asserere

Tom. I.

re audeat Lutherum, Calvinum; aliosque Hæresiarchas doctiores fuisse omnibus Catholico-Romanæ Ecclesiæ doctoribus? Quis ergo rationabiliter præferre valeat hæreticorum dogmata, sensibus Sanctorum Patrum, qui in una, & eadem fide semper conformes sensus habuerunt? Nonne jure merito describeretur vesaniæ, si quis tota anxietate animi, aliquem intendens finem; & facile, tutumque medium suppetere ad intentum finem obtinendum, mentem suam deinde dilaniaret ad aliud medium excogitandum, pro finis anxie prætenso consecutione, quo adhibito dubius evaderet exitus? Sic proculdubio res se habet in subjecta materia, cum quis Orthodoxa fide neglecta, religiones alias profitetur ad obtinendam æternam salutem. Ad æternam salutem, nemo est (solis Atheis, & Epicureis exceptis) qui toto desiderio non aspiret. Professores fidei Catholice esse in via æternæ salutis, concedunt omnes hæretici, potissimum Lutherani, & Calvinistæ: è converso hoc negant Lutherani de Calvinistis, Calvinistæ de Lutheranis, sic vicissim de aliis quibuscunque sectis discurrendo, quæ extra suam respective Synagogam (unà excepta Romana Ecclesia) negant posse ad salutem æternam perveniri; ergo de certitudine sola morali discurrendo, tutius est ad æternam salutem, Catholicam religionem, cæteris omnibus post habitis, profiteri, in qua posse salutem consequi, fere omnes aliæ sectæ concedunt, quam alias religiones inquirere. Vesania igitur est in tanto negotio, tutum medium fidei Orthodoxæ relinquere, & mentem dilaniare inalteris religionis professione, in qua indubium est, unumquemque dubium vivere de fine salutis obtinendo. Urget adhuc ulterius argumentum. Dictat prudentia in concursu duarum opinionum, illam esse probabiliorē, quæ plures habet sectatores, & à majori temporis vetustate semper fuit successively probata: Hac duplici prærogativa, super omnem aliam religionem excellere Catho-

e

tho-

tholicam fidem, nemo est qui possit impunè negare: tutius ergo est ad salutem obtinendam, Catholicam fidem, etiam naturaliter ratiocinando, profiteri, in qua ipsi hæretici concedunt primitivæ Ecclesiæ professores salutem consecutos, quod & plura miracula comprobant; ubi è converso, ne unumquidem vel Lutheranum, vel Calvinistam salutem assecutum, possumus vel

levi argumento reperire. Plura adhuc, & efficacissima credibilitatis momenta verbo *Attheiste, Gentiles, Deiste, Protestantés*, ad perstringendas induratas hæreticorum cervices, adducentur, per quæ deberent emolliri, & in obsequium veræ fidei captivari; quanquam, cumcumque in hac materia pauca, hic expressa non sufficiunt, plura nec proderunt.





LEXICON POLEMICUM

In quo potiorum Hæreticorum vita perstringitur :
præcipuæ hæreses colliguntur , & reprobantur .

*Numerus Imperialis, qui Hæretico præfiscitur, seculum in quo hæresis
invaluit designat, littera R quæ propositiones hereticales
immediatè subsequitur, fiat pro verbo Reprobatur.*

XII.



ABBAILLARDUS. Sol erat
in Gallia, quem Mundus
Homines clama-
bat : sciens quidquid
fuit ulli scibile, vicit
Artifices, artes abs-
que docente docens.

Fragmenta sunt hæc Epitaphii; quod à Petro venerabili Abbate Cluniacensi ad tumulum Abbailardi inscriptum creditur: quoad literarum peritiam spectat, ab omnibus commendatus Abbailardus, plures habuit Parisiis Auditores, ubi fuit Magister nuncupatus, inter quos magni nominis fuit Arnaldus de Brixia, qui secutus Magistrum errantem (plures siquidem docuerat Abbailardus errores, quos recenset ejus Impugnator S. Bernardus epist. 188.) renuit eundem sequi pœnitentem, sed majori pertinacia disseminavit Arnaldus errores, quàm Abbailardus eorumdem retractator docuerit: hinc factum est, ut Arnaldus, quotquot Abbai-

lardi profitebantur errores, nuncuparentur; Abbailardus itaque, nomine Petrus, genere Nobilis, natione Gallus, propè Nantes, à patre nomine Berengarius, & matre Lucia nuncupata progenitus, sub erudito Præceptore Parisiis, Guillelmo dicto, in Philosophicis scientiis multùm proficiens, quas Præceptore ipso feliciter docuit: Ezechielis Prophetias explanavit, publicasque lectiones super Sacram Scripturam Parisiis summa Auditorum admiratione habuit, ubi Heloise, Fulberti Canonici Parisiensis neptis, amore captus, cum eadem matrimonium contraxit, à qua & filium suscepit, sed eadem consentiente, & in Monialium Monasterio, inter quas educata fuerat, suscepta, Abbailardus in Abbatia S. Dionysii, religiosum habitum induit: ubi scripsit supra Trinitatis mysterium; hinc occasionem nacti ejus Antagonistæ, eundem de hæresi infectum suggillarunt; quapropter Svesione, ab

Tom. I.

A

Ar-

Archiepiscopo Rhemenſi Concilio congregato, Abbailardi liber de Trinitate, igni traditus fuit. A' Monasterio S. Dionyſii expulſus, Monasticam vitam in ſolitudine inſtituit, ubi domicilio cui nomen Paracletus, extructo, affluentibus ad hanc ſolitudinem undequaque Auditoribus, ut ſub Magiſtro magni nominis Abbailardo Theologicas edifierent facultates, brevi Paracleti domicilium ampliatum eſt, quod Heloiſſæ, ab Abbailardo alibi poſthac ſe recipiente oblatum, inſigne poſtmodum Monasterium Virginum fuit; confirmante Innocentio Secundo huius Monasterii inſtitutione, in quo cum Sanctimonix laude Heloiſſa præſuit, quæ exinde nonniſi per episto-las, cum Abbailardo commercium habuit, in quibus ſe invicem ad currendam Religioſæ perfectionis viam hortabantur; ſed iterum accuſatus de hæreſi Abbailardus, in Concilio Senonenſi ad hoc congregato, cui unâ cum Ludovico Septimo Rege Galliz interfuit S. Bernardus, Abbailardi ſcripta combuſta fuerunt. Reſpuit Abbailardus, & à Petro venerabili Abbate Cluniacenſi, in Monasterio S. Dionyſii receptus, ibidem nonniſi religioſæ perfectionis Audio vacans, continuis macerationibus, & indefeſſo ſtudio extenuatus, anno 1142. ætatis ſux 63. pœnitens obdormivit in Domino, & in Monasterio Paracleta, rogante Heloiſſa ejus uxore, locum ſepulturæ obtinuit; hic ejus non recenſentur errores, opportuniùs reprobandi verbo Arnaldus, qui eoſdem diſſeminavit; unum verò hic expedit reprobare, quem fortè Arnaldus non eſt amplexatus, eum ſiquidem non invenio à Concilio Lateranenſi 2. relatum, in quo Arnaldi errores fuerunt proſcripti, à Divo Bernardo Tractatu de erroribus Abbailardi expreſſe confutati.

1. Dixit, quod Spiritus Sanctus eſt Anima Mundi. Reprobatur ex ſacris paginis, ubi Spiritus Sanctus, unus cum Patre, & Filio Deus eſſe perhibetur: tum quia ſi eſſet Anima Mundi, eſſet forma, eſſet Mundi limibibus inclufus, quo ſuppoſito, Spiritus Sanctus non eſſet

immenſus, infinitus, nec eſſet Deus. Nec valet objicere Spiritum Sanctum in ſacris paginis dici vivificantem; non enim eſt vivificans per informationem, ſed per aſſiſtentiam, quod particulariter dicitur de Spiritu Sancto; ſicuti particulariter Omnipotentia tribuitur Patri, Sapientia Filio; cum tamen totæ tres Perſonæ Divinæ hæc inferiora cuſtodiant, regant, vivificent, & gubernent, quod clariùs elucidant plures SS. Patres.

XI. ABBAUDUS, natione Gallus, currente ſeculo undecimo in tractatu de fractione corporis Chriſti, ab eodem exarato, quem reſert doctiſſimus Mabillonius tom. 3. veterum Analectorum, opinatur accidentia in Euchariftia realiter non remanere, & corpus Chriſti verè frangi, dum hoſtia confeſcrata dividitur: hæc ſunt præſati Abbaudi verba: *Qui verè frangi corpus Chriſti non concedis, totam fidem tanti Sacramenti, quantum in ſe eſt, fregiſt.* Deſumebat fundamentum huius aſſertionis Abbaudus, ex illo, quod legitur in Evangelio: *Benedixit, fregit, & deditque diſcipulis ſuis dicens, accipite, & manducate.* Item ex illis verbis D. Pauli *Paris, quem frangimus communicatio corporis Chriſti eſt;* licèt tamen aſſereret corpus Chriſti frangi; dicebat tamen, quod poſſet ſic fractum integrum dici, quatenus unaquæque pars hoſtiæ fractæ vita eſt recipienti, ſi digne ſumatur. Repr. & quidem veras ſpecies panis, & vini remanere in Sacramento poſt confeſcrationem, præter alia Concilia, aperte declarat Concilium Lateranenſe 4. ſub Innocentio Tertio celebratum; verumtamen à tot Conciliis confirmata eſt hæc veritas, ut de eadem nullatenus poſſit dubitari. Tum quia ſpecies remanere in Sacramento hinc evincitur, quod cum non ſint multiplicanda miracula ſine neceſſitate, cum ſpecies de facto cadant ſub ſenſu in pane Euchariftico, jam quotiès quis ſumit, inò videt Sacramentum, totiès miraculum fieri eſſet aſſerendum; Si enim non eſt ſapor, & tamen ſaporem experimur, dicendum eſſet miraculoſè hoc fieri; Si non eſt rotunditas, & albedo, & tamen utrum-

utrumque videmus, asserendum est hoc miraculosè contingere; Si verum esset, quod accidentia in Eucharistia realiter non remanerent. Cùm tamen (ut dixi) non sint multiplicanda miracula sine necessitate; etiam hac ratione evincitur de factò accidentia remanere in Eucharistia, circa quæ cadit fractio, non circa corpus Christi, ut vult Abbaudus; Si enim frangitur corpus Christi; ergo corpus Christi non est impassibile: certum tamen est, corpus Christi post resurrectionem esse impassibile; Insuper si frangeretur corpus Christi, non distribueretur totum corpus, sed solùm pars corporis; nec valet fundamentum Abbaudi desumptum ex illis verbis *fregit, deditque*; nam imò ex his verbis contrarium evincitur; postquam enim Christus *fregit panem*, dixit: *Hoc est corpus meum*; sed si frangendo panem, fregisset & corpus, debuisset potius dicere: hæc sunt partes corporis mei, sed *fregit, & dedit* dicens: *Hoc est corpus meum*, ut disceremus, quàm veraciter canat Ecclesia; *Fractio demùm Sacramento ne vacilles, sed memento tantùm esse sub frangendo, quantum toto tegitur.*

Ad aliud fundamentum desumptum ex verbis D. Pauli, dico Apostolum dicentem: *Panis quem frangimus*, intelligendum esse de distributione, itaut sensus sit: panis quem distribuimus; non verò intelligendum esse de fractione, corporis Christi, sicut ubi legitur *frange panem esurienti*, sensus est, distribue panem esurienti.

XV. ABCEDEARIJ Anabaptistarum, germen, damnabant eos, qui legere, aut scribere sciebant. De Abecedariis agit Nat. Alex. sect. 15.

IV. ABELLONII, sive Abellonitæ, apparuerunt in Villis propè Civitatem Hyponensem, ex gente rusticana progeniti. Divi Augustini temporibus, vix aliquem ex hac secta erat invenire: aversebantur matrimonium, quamquam unusquisque eorum cum uxore conviveret, uxoris non commisscebantur, & adoptabant sibi in hæredes unum filium, & filiam externos, qui tamquam filii in-

servientes adoptantibus; post eorum mortem, alios deinde sibi adoptabant, & sic successivè. Quod Abellonii voluerint appellari, ferunt aliqui ab Abel quodam viro Africano, hujus sectæ primipilo, sic esse dictos. Certius est, quod cum post occisionem Abel, per Cain proditorem factam, crederent Abellonii, Adamum non amplius cognovisse uxorem suam; hinc censebant licere quidem hominibus cum uxore habitare, non tamen eam cognoscere; quo errore Abellonitæ decepti, novæ sectæ ansam dederunt, & Abellonitarum nomen fortiti sunt anno 407. sub Arcadio Imperatore, & sub Theodosio juniore omnino extincti fuerunt. Ex S. Aug. lib. de hæres.

1. Dixerunt non licere marito cognoscere uxorem suam. Repr. & quidem supposito, ut probabile est, quod hujus hæresis fundamentum sit supra relatum, ex ipsa Scriptura, constat de ejusdem infubstantia; Siquidem certum est Adamum post mortem Abel, cognovisse uxorem suam, quæ ipsi peperit filium, cui nomen Seth. Ex Gen. lib. 1. cap. 4. vers. 25. *Cognovit quoque Adam uxorem suam, & peperit filium, vocavitque nomen ejus Seth, dicens: posuit mihi Deus semen aliud pro Abel, quem occidit Cain.* Tum quia si non liceret marito cognoscere uxorem, non posset legitime propari genus humanum, de quo dixit Deus: *Crescite, & multiplicamini*, dixit hoc autem Deus Adæ, postquam ipsi fecerat adjutorium simile sibi.

2. Dixerunt Infantes non adoptatos esse illegitimos. Repr. quia legitimus ille habetur ex legibus, qui ex legitima conjunctione maris, & femine procreatur, nec indiget adoptari, ut acquirat jus ad hæreditatem parentum, quæ filiis legitimis de jure competit; quamvis adoptatus acquirat jus ad hæreditatem, tale jus ipsi non competit ex jure sanguinis, sed ex jure adoptionis; Adoptatus ergo acquirat jus respectu Adoptantium legitimi hæredis, si nihil in contrarium obstat, non verò legitimi filii, hoc si quidem jus se tenet respectu sanguinis, non respectu hæreditatis.

V. ABISSINI Populi Ethiopes, de quorum usibus plura referunt Historici: quantum ad Religionem spectat usque ad quintum seculum veram professi sunt Fidem, à qua post Concilium Chalcedonense defecerunt, & cum Græcis amplexati sunt schisma. Sæpè per litteras ad Romanos Pontifices, protestati sunt se velle ad unitatem Fidei redire, quod antea seculo etiam declaravit David Abissinorum Imperator, per litteras ad Clementem Septimum transmissas: unicuique habent Episcopum, quem tamquam Pontificem, & totius Ecclesiæ primatem venerant. Antum antiquior Abissinorum est Civitas, in cuius Ecclesia dicunt assevari Arcam veteris Testamenti; utuntur Altari portatili, ad modum Arcæ fabricato, in quo celebrant sacra mysteria: in omnibus conveniunt cum Græcis, quantum ad Religionem spectat, & in hoc solum differunt, quod observant circumcisionem simul cum Baptismo, sed illam non suscipiunt tamquam necessariam ad remissionem peccati originalis, ut sentit Cerinthus, imò nec suscipiunt tamquam cerimoniam. Legis Mosaicæ, sed solum ob Christi imitationem, sive ut corporalem ejus similitudinem gerant. Repr. ut oppositum religioni, ex capite superstitionis, juxta doctrinam S. Thomæ 2. 2. q. 93. art. 1. in corpore. Agit de Abissinis Card. Bona in Divina psalmodia cap. 18. §. 18.

V. ABLABIUS fuit Troili Sophistæ Auditor, & cum artis Rethoricæ peritia esset celeberrimus, inter Oratores sui temporis adeo excelluit, ut summo cum delectu ejus conciones à populo exciperentur: hoc medio ad insinuandos errores Novati, quos profitebatur, facilem sibi aditum referavit, & crescente ejus nominis fama, à Chrisanto Novatianorum Episcopo Presbyter ordinatus, tandem Nicenæ Urbis Episcopatum obtinuit, circa annum 430. in qua dignitate constitutus, adhuc facilis potuit propugnare Novati errores. Quia verò Novatus inter alios errores docuerat virtutem pœnitentiæ, &

carnis mortificationem nihil prodesse; adeo dissona visa fuit hæc hæresis, ut nemo post Novatum usque ad Lutheri tempora eandem professus sit, uno excepto Ablabio, qui cum Novato, per solum Baptismum obtineri posse remissionem peccatorum sentiebat; quare hæc hæresis quàm novissime secutus est Molinos quantum spectat ad reprobandam pœnitentiam, utpotè inutilem, hic est confutanda.

1. Docuit inutilem esse virtutem pœnitentiæ, & carnis mortificationem. Repr. ex Apostolo 1. ad Corin. cap. 9. dicente: *Castigo corpus meum, & in servitutem redigo*, quod certè non fecisset, si inutilem fore pœnitentiam Paulus existimasset. Insuper Matth. 16. Christus nos hortatur ad ferendam crucem, sed si pœnitentiæ virtus, & carnis mortificatio non prodest, ergo decepti sunt tot Sancti Pœnitentes, ergo decipiuntur tot viri religiosi, qui huic præcipue studio vacant; quis hoc audeat asserere? sed ipsa experientia probat bonam, & utilem esse carnis mortificationem, quandoquidem unusquisque experitur ex pœnitentia reprimi passiones, & accendi desiderium vehemens perfectionis. Ratio autem cur Novatus, & post ipsum Ablabius assererent superfluum esse mortificationem est, quia censebant peccata, ob quorum remissionem exercetur virtus pœnitentiæ esse irremissibilia, quod falsum est, cum Christus docuerit Petrum non modò remittere usque septies, sed usque septuagies septies, scilicet quotiescumque peccator accedet contritus, & mortificatus; & certè si peccata essent irremissibilia, & vana esset pœnitentia, quomodo Deus vocaret ad pœnitentiam. Hunc errorem damnat Conc. Trid. sess. 14.

2. Dixit secundas nuptias esse illicitas. Repr. verbo *Græci*. De Ablabio agit Nicef. Hist. Eccles. lib. 14.

III. ABSTINENTES ex Gnosticis, ac Manicheis prodierunt, perfectibus Ecclesiam Diocletiano, & Maximiano Imperatoribus. Didici sunt Abstinentes, quia inter alios errores, potissimus ille erat,

erat, quo prohibebant escas, tamquam concessas hominibus non à Deo, sed à Diabolo; per varias Europæ partes dispersæ, circa annum Domini 289. grassabantur in aliquibus Provinciis Galliz, Hispaniz, & in Aquitania; non autem esse possunt iidem, ac Hierarchitz, ut sentire videtur Baronius; facta siquidem collatione errorum Abstinentium, desumpta ex Philastrio, & ex Prateolo, cum erroribus Hierarchitarum, quos recenset Epiphanius hæc. 69., & Hilarius lib. 4. de Trinitate, omnino differunt, & tres tantum sunt errores Abstinentium, Hierarchitarum verò sex recensentur. Tum quia ex Evagrio constat Hierarcem in Ægypto suos expandisse errores, quem Hierarcem cum Macarius Abbas non posset reprobare verbis, miraculo confudit. Est etiam Hierarci sequaces, fuisse Abstinentes dictos, quia abstinabant à vino, & à delicatioribus cibis, non tamen abstinabant ea ratione ducti, qua Abstinentes, de quibus hic agimus; ii siquidem abstinabant à cibis, quia à Dæmone datos esse hominibus dicebant, illi verò ad simulandam sanctimoniam.

1. Dicebant Spiritum Sanctum esse Creaturam. R. verbo *Actiani*.

2. Matrimonia ad libitum solvebant. R. Marci 10. *Quod Deus conjunxit, homo non separet*, Lucæ 16. vers. 18. *Omnis, qui dimittit uxorem suam, & alteram ducit, maratur*. Ex quibus Scripturæ testimoniis aperte constat matrimonia non posse pro libito solvi, quod etiam docet Apostolus 1. ad Cor. cap. 7. vers. 39. Tum quia si matrimonium posset pro libito dissolvi, non modò proles, sed etiam plures mulieres remanerent derelictæ; quia verò alii hæretici non ad libitum, sed ex mutuo consensu, vel ob causam fornicationis, vel si conjux ad longum tempus recedat, vel si unus ex conjugibus alteri reddatur molestus, asserunt his, & similibus de causis posse matrimonium solvi: de ejusdem indissolubilitate alibi iterum agemus, & contrarias rationes dissolvemus. Vide verbo *Armeni*.

3. Prohibebant escas, tamquam concessas hominibus, non à Deo, sed à Dia-

bolo. R. ex sacris paginis, ubi legitur, quod Deus *dat escam pullis corporum invocantibus eum*; ergo multò magis providet escam hominibus. Tum quia Deus ita constituit hominem, ut sine cibo naturaliter vivere nequeat; ergo. quandiù vult hominem vivere, debet ipsi cibum providere. Deum autem esse Creatorem escarum, non Diabolum, ut volunt Abstinentes; probatur, quia Deus creavit cælum, & terram, & omnia, quæ in eis sunt: Deus dedit virtutem arboribus, ut producerent fructus, & seminibus, ut fructificarent, sicut constat ex Genesi. Deus in Paradiso terrestri creavit arbores cum fructibus: ergo &c.

V. ACACIUS, de quo fusè differunt Evagrius, Niceforus, & Baronius, quinto currente seculo, postquam ejusdem Collegii in Urbe Constantinopolitana præfectus extitit, ad dignitatem Patriarchalem ejusdem Urbis evectus, ambitionis stimulis exagitatus, supra Alexandrinam, Antiochenam, & Hierosolymitanam Sedem, demum supra Romanam primum contendit. Repressit ejusdem audaciam Simplicius Papa, Apostolicique mandatis se submittere fingens, Pontificem ipsum magno totius Ecclesiæ damno decipit, cui plus obfuit in e mentita sanctitate, quàm dum aperte schismaticum, & hæreticum Eutichianum se patefecit; Siquidem ex quò Simplicius Papa credidit Acacium verè Romanæ Ecclesiæ submissum, sicut talem de facto se fingebat Acacius, eundem Legatum suum in Oriente constituit, in qua dignitate constitutus, facillids valuit Eutichianam sectam protegere, & propagare. Detecta à Felice Tertio Simplicii successore, Acacii fraudolentia, eundem Romæ congregato Concilio 48a. Episcoporum condemnavit, ex quo anathemate Acacius exandescens, Romani Pontificis nomen à tabulis Ecclesiæ rescidit, & Hortodoxos summa violentia csi persecutus, usque ad annum 488. quo decessit, ejusque nomen à tabula Episcoporum anno 519. meritò fuit ablatum. Persuadente Acacio, qui non Episcopum, sed Adulatorem in aula Zenonis Imperatoris agebat, Zeno *Henoticon*, idest

Edi-

Edictum pacis promulgavit, in materia Fidei, ut Arianos, Semiarianos, & Eutichianos simul componeret: siquidem Acacius, solius Imperatoris esse, de Controversiis Ecclesiasticis decidere, docuerat; quam doctrinam faciliè amplexatus Zeno Imperator, *Henoticon* promulgavit, quod Eutichianæ sectæ, quam profitebatur Acacius erat propensum.

IV. ACACIANI, Acacium Eusebii Pamphili anno 338. in Episcopatu Cæsariensi successorem, duem habuerunt (diversum utique ab illo, qui fuit Patriarcha Constantinopolitanus: neque confundendi hi duo Acacii, ut putant aliqui; ille siquidem vivebat quinto seculo, hic, de quo in præsentem agimus, seculi quarti anno sexagesimo vivere desit, ut ex Evagrio lib. 3. & ex Sozomeno lib. 3. & 4. colligitur) fuit Acacius suo ævo inter Doctiores adspicatus, sic refert Sozomenus, unusque ex celeberrimis Semiarianismi Propugnatoribus. Tempore huius Acacii divisa est Arianorum Congregatio in tres sectas, de quarum una coryphæus fuit Acacius. S. Cyrillo Episcopo Hierosolymitano infensissimus: vir utique contentionum amicissimus, cum suis Semiarianis diù potuit convivere, à quibus post Concilium Sardicense, in quo jam plures suscitaverat turbines, fuit depositus: sed Constantino Imperatore Acacium protegente, hæc condemnatio suum non est sortita effectum. Stimulante Acacio Liberius Papa fuit in exilium pulsus, & Felix Antipapa prævaluit. Cùm S. Cyrillo de primatu suæ Sedis contendit, quem exagitare non destitit, usque dum à Hierosolymitana sua Sede per vim depositum non conspiceret. Orthodoxè enim de consubstantialitate Verbi sentiente Cyrillo contra Acacium, factus est Acacius S. Cyrillo in offensivum: ambiguum pro temporis opportunitate profitebatur Fidem, suæ enim Fidei scopus alius non erat, quàm Imperatoris genio sese accommodare: quare Aetio, licet Ariano, anathema dixit. Indixerat Constantius Imperator Nicomediz generale Concilium, quod Aetius præputens apud Imperatorem divisit,

convocatis Arimini Occidentalibus Episcopis, & Orientalibus Seleuciz; timens ne simul congregatis totius Orbis Episcopis, ejus damnaretur impietas, quæ Seleuciz prævaluit, ubi congregati Orientales Episcopi, potissimum Semiarianismum sequebantur. Ibi Aecius tamquam coryphæus, palàm Arianismum est professus, quod hæctenus nonnisi secretò, & quasi in abscondito profitebatur: quare Semiariani de Acacii doctrina causati, eundem de sua Sede depositum deelararunt, in qua, favore Constantis, iterum fuit constitutus. Librum rituum edidit contra Marcellum Ancyranum Episcopum: vitam Eusebii, sui in Episcopatu prædecessoris, & Magistri exaravit, Commentaria etiam edidit super Ecclesiastem, & diversas miscellaneas quæstiones sex libris comprehensas promulgavit. Ad sedandas Arianorum, & Semiarianorum rixas, præcipiente Imperatore Constantio, Seleuciz congregati sunt 43. Episcopi, inter quos primum locum obtinuisse videtur Acacius, ubi novam Fidei formulam, rejecto Symbolo Nicæno, ediderat, sed ita ambigam, & artificiosè compactam, ut in ea unaquæque Arianorum secta, ex tribus recensitis, suum, profiteretur errorem, in quo solùm differebant circa verbum se explicandi modum: ceterùm unanimiter cum Ario Filium consubstantialem Patri negabant; una siquidem ex tribus Arianorum factionibus apertè dicebat Filium esse creaturam, alia pro temporis opportunitate nomen creaturæ reticebat; tertia denique, ejus Acacius se primatem constituit.

Dicebat Filium neque esse coessentialem Patri, neque creaturam unam ex creaturis. R. & quidem Filium esse coessentialem Patri, & consubstantialem probatur infra contra Arium; deinde Verbum non esse creaturam apertè evincitur, nam non datur medium inter hoc, quod est esse Deum, vel creaturam; ergo est purum Acacianorum signum dicere, quod Dei Filius non sit una creatura ex creaturis; nam hoc loquendi modo, vel intelligunt Filium esse creaturam de facto, & hoc non, ipse enim Dei Filius

Jo: 10. asserit se esse unum cum Patre: *Ego, & Pater unum sumus*, vel intelligunt Filium esse Deum, & consequenter esse coessentialē Patri; sed hoc neque per ipsos Acacianos, qui apertē hoc negant, dici potest de Dei Filio; ergo modus loquendi Acacianorum est purum signum, & nullatenus potest subsistere. Neque valet Acacii ratio dicentis, quod in tantum Filius non potest dici coessentialis Patri, quia hæc vox coessentialis, sive consubstantialis nullatenus invenitur in sacris paginis; nam præterquamquod sacri Scriptores à tempore Apostolorum hac voce *Consubstantialis* usi sunt, ut videre est in epistola quam scripsit S. Clemens Romanus, Faustini filius, Apostolorum Coadjutor ad Cor., & in lib. 1. de Divinis Nominibus à S. Dionysio Pauli Apostoli discipulo exarato; adhuc ex sacris paginis apertē eruitur æquivalentia hujus vocis *Consubstantialis*, ubi enim legitur *Ego, & Pater unum sumus*, idem est ac si legeretur *Ego sum Consubstantialis Patri*, neque necesse est, ut omnia vocabula, quibus utitur Ecclesia ad explicanda Divina mysteria sint expressa in sacris paginis, dummodo earum vocum æquivalentia ibidem contineatur. Adde, quod Deus secundum Ecclesiam necessitatem plura Ecclesie communicat in tempore, quæ ab initio solum implicitè indicaverat, & opportuna vocabula Ecclesie suggerit quibus uti debeat, ad hæreticorum confusionem, quibus vocabulis nondum opus habebat Ecclesia primitiva, quæ nullos nondum noverat hostes Sanctissimæ Trinitatis.

IV. ACADEMICI. Vigebat horum secta potissimum temporibus S. Augustini, quam, cum Manicheismus reliquisset veritatis prosequendæ studio, amplexatus est. Siquidem Academici se gloriabantur, quasi soli essent, qui universum Mundum veritatis luce perfunderent; sed cum neque apud Academicos Augustinus veram veritatis viam invenisset, majori interioris gratiæ lumine perfusus, ab Academicis ad Christianam Fidem est diversatus. Disputavit contra Academicos, eosdemque convicit erroris S. Ambrosius, qui

hac de causa libros contra Platonem conscripsit. Porro tanta erat Academicorum jactantia, ut.

Dicerent Christianos accepisse à Platone suas de Fide sententias quas Evangelista Joannes suæ narrationis exordio præ foribus exposuisset, pro miraculo omnibus contemplandas. R. ubi Christus in Evangelio proficitur se docere ea, quæ didicit à Patre suo. Tum quia Evangelista Joannes nullibi legitur, quod Platonem audierit: tum quia nullibi Plato mentionem fecit de Incarnatione Verbi, de qua eleganter differit in principio sui Evangelii Sanctus Joannes; ergo Academicorum assertum est purum signum.

V. ACEPHALUS anno 496. cum esset in exilium ab Anastasio Imperatore pulsus, Antiochenam Sedem invasit, & Angelitarum errores in eadem Civitate disseminavit, non autem fuit Acephalorum caput, sicut aliqui sentiunt; quia illi Alexandriæ orti sunt, hic Antiochiæ debacchavit, sed diversos errores ab Acephalo profitebatur, quos reprobabimus verbo *Angelita*. De Acephalo agit Durand.

V. ACEPHALI idem sonat ac viri sine capite, qui circa finem seculi quinti in Ecclesia Alexandrina schisma suscitaverunt, recedentes à communione Petri Moggi Patriarchæ Alexandrini, eo quod dictus Moggi (esto esset homo fraudulentus) verumtamen ut Sedem Alexandrinam obtineret; Concilium Chalcedonense receperat, quod ægrè ferentes plures Alexandrini, dicti Concilii Chalcedonensis infensissimi hostes, ab eodem Petro Moggi se segregarunt anno 480, proinde cum nullum Patriarcham, sive caput haberent, dicti sunt Acephali Eutichianæ sectæ portio: dicti sunt etiam Semieutichiani, quia Eutichetis errorem aliquatenus mollebant: Ex hac Acephalorum secta, alix sectæ prodierunt, scilicet Jacobitæ, & Theopaschitæ, de quibus suo loco ageatur; plures Sancti Doctores, inter quos S. Leo, Acephalorum hæresim impugnavit, cujus Auctor communiter esse censetur Severus Antiochenæ Sedis invalor, de quo suo loco: errores autem hujus hæresis sunt sequentes.

1. Apud.

1. Apud Acephalos ab Episcopis, & Sacerdotibus nullum sacrificium est amplius peractum; sed Sacramenta ex antiquis temporibus asservabant, è quibus abbas perexiguas particulas Paschatis tempore distribuere ad communionem. R. Hic usus, siquidem contra mentem Christi institutoris esse perhibetur, qui præcepit dicens *facite in meam commemorationem*, quod si sufficeret asservare Sacramentum ex antiquis temporibus, ut faciebant Acephali, raro fieret commemoratio præcepta à Christo in sacrificio, quam quotidie consuevisse facere ipsos Apostolos, constat plurimum testimonio, qui eorum tempore vixerunt, ex quo semper viguit hic usus in Ecclesia Latina, ut unusquisque Sacerdos legitime non impeditus, quotidie offerat Deo sacrificium incrementum.

2. Capiti suo licet Episcopo subesse noluerunt, nec receperunt Sacrosanctum Concilium Chalcedonense. Repr. ex sacris paginis, ubi omnes fideles, Ecclesie subesse hortantur, in qua posuit Christus Episcopos regere Ecclesiam Dei, quam acquisivit sanguine suo; ergo Fideles sunt sub regimine Episcoporum, & tenentur illis subesse; de quibus dixit Christus: *Qui vos audit me audit*. Tum quia Concilia à Romano Pontifice approbata, quale fuit Chalcedonense, sunt infallibilia; ergo qui non recipit Concilia fallitur, & à veritate declinat; tum quia Spiritus Sanctus per particularem assistentiam ille est qui loquitur in Conciliis, quare qui negant acquiescere Conciliis, ex illis sunt, de quibus legitur in actibus Apostolorum *Vos semper Spiritui Sancto resistitis*.

3. Duas naturas in Christo esse negabant, reprobandi verbo *Eutiches*. Agit de Acephalis Leontius lib. de sectis.

XIV. ACCINDYNUS nomine Gregorius, vixit circa medium seculi decimi quinti, & calamus acuit contra Gregorium Palamam, utpote hæreticis opinionibus infectum; Palamas ut de Accindyno accusatore ultionem faceret, eundem viceissim hæresis redarguit, & protegente Joanne Cantachufeno, impuberis Imperatoris tutore, ab Episcopo Constantinopolitano condemnationem contra Accindynum promulgari curavit. Accindynus nihilominus numquam desistit scriptis Palamitas exagitare, contra quos etiam carmine yambico composuit: nec desunt, qui Accindynum ab omni hæreticis erroris nexo immunem defendunt; nihilominus Prateolus, & Gaultierius inter hæreticos eundem reponunt, utpote qui suis in scriptis sequentes propositiones inseruit.

1. Dixit nullam esse distinctionem in Divinis, ideoque excludendas omnes relationes originis, & personales à natura Divina. R. ex sacris paginis aperte colligitur dari generationem in Divinis, licet ab humano intellectu incomprehensibilem, de qua loquitur Propheta dicens: *Generationem ejus quis enarrabit*? sed ubi est generatio est relatio originis, ubi relatio originis est distinctio inter generantem, & generatum; ergo si in Divinis datur generatio (eadem ratio est de spiratione) datur relatio: ergo datur distinctio: nec potest negari consequentia, nisi absolute negetur dari generationem in Divinis; item si Pater in Divinis non generaret Filium, & uterque non spiraret Spiritum Sanctum, Pater non haberet potentiam generativam, nec Pater, & Filius haberent potentiam spirativam, & consequenter daretur imperfectio in Deo, sed hæc nullatenus potest admitti; ergo dei debet Patrem generare; ergo datur relatio; ergo distinctio. Quod daretur imperfectio in Patre si non generaret, facile probatur, quia producere sibi simile in natura, est summa perfectio producentis; ergo &c.

2. Operationibus Dei ad intra, cum operationibus Dei ad extra confundebat, ita ut sicut creatio Mundi est actio Dei ad extra terminata, & temporalis, talem etiam esse arbitraretur generationem. Verbi. R. quia actiones Dei ad intra sunt essentielles, & necessariæ, ad extra verò non sunt essentielles, & sunt liberae; Si enim essent necessariæ, Mundus debuisset esse ab æterno, sicut ab æterno generatur Filius. Tum quia solus Deus est ens necessariò existens, & quidquid necesse

cessario existit Deus est; tum quia Deus liberè potest destruere Mundum, sicut liberè creavit; sed non potest non generare Filium, & esse sine Filio; ergo ejusdem naturæ non sunt actiones Dei ad intra, quales sunt actiones ad extra. Tum quia actiones ad extra Deus posset, si vellet longè perfectiori modo perficere, sed non potest perfectiorem generare Filium; ergo tales non sunt actiones Dei ad intra, quales sunt ejus actiones ad extra.

3. Transfigurationem in Monte Thabor phantasma, & spectrum fuisse asseruit. R. ex Script. ubi contrarium evincitur.

XVI. ACCIDENTARIJ secta sunt Semilutheranorum, propagata circa 1550. à Tilmanno Heshuffo, & Jacobo Schmidelino. Dissident tamen inter se Accidentarii in articulis de justificatione; circa descensum Christi ad inferos, & illius ascensum ad cœlos; quamvis conveniant in errore, per quem Accidentarii sunt dicti. Error autem est sequens.

Dicunt peccatum originale esse accidens reale, quo hominis natura corrupta est. R. quia non est intelligibile quomodo qualitas corporea, qualem esse peccatum originale asserunt dicti hæretici, habeat vim corrumpendi animam, quæ est spiritualis. Tum quia si peccatum originale esset accidens reale, esset ens reale, sed omne ens reale est à Deo; ergo si peccatum originale esset accidens reale, esset à Deo, quod est blasphemum dicere. Vide verbo *Tilmannus*, & *Jacobus Schmidelinus*. Agit de Accidentariis Grævina in tabula analytica.

IV. ACCEMETÆ fuerunt Monachi in Urbe Constantinopolitana probatæ virtutis, & veræ Fidei sustinendæ zelo ardentissimi. Dicti sunt Accemetæ, quod idem significat ac insomnes, quia vicissim die, nocturne in cantu perseverabant: dicti sunt etiam Studitæ à *Studio*, qui fuit fundator eorum Monasterii in Urbe Constantinopolitana. Ad exprimendum errorem, propter quem fuerunt anathemate percussus à Joanne II. (sub conditione tamen si non resipiscerent, ut constat ex

Tom. I.

epist. 2. ad Justinianum data 8. kal. Aprilis anno 554.) primò opus esset aliquam de hæresi Eutichiana, & Nestoriana exhibere notitiam, quarum una alteram oppugnabat: sed de hæresi Eutichiana, & Nestoriana suo loco. Hæresim Eutichianam profitebantur quidam Scitæ nullatenus Monachi nuncupandi, cum Athil instituti Monachalis apud ipsos unquam fuerit, licet sub uno capite, cui nomen erat Mascencio sic Dioscorus Legatus Hormisdæ ad eundem scripsit. *Mascencius tamen: qui sub Abbatis vocabulo, dixit se Congregationem habere, si interrogetur, aut cum quibus Monachis vixit, aut in quo Monasterio, aut sub quo Abbate Monachus factus est, dicere non potest.* Hinc colligere est Scitas nunquam fuisse Monachos, quandoquidem nec eorum caput dicere potest in quo Monasterio, aut sub quo Abbate Monachus factus sit, aut cum quibus Monachis vixerit; ex quo debet inferi Scitas, de quibus hic agitur, potius fuisse quamdam Eutichianorum coloniam, quæ sub ementito nomine Monachorum, fortè ut sub ementita sanctitate facilius alios in suam sententiam protraherent, Eutichetis profitebantur errores: quod & manifestius factum est, quando Scitæ contenderunt addenda esse Chalcedonensi Concilio hæc verba: *Unum de Trinitate crucifixum esse in carne*, quæ verba licet possent in sensu Catholico sustineri, non approbavit Concilium, nec Legati Papæ, qui erant Constantinopoli, nec ipse Hormisdæ, quia talia verba videbantur favere hæresi Eutichianæ, quæ assererat Christum secundum naturam Divinam esse, passum. Hac etiam de causa Accemetæ, qui erant Horthodoxæ Fidei zelantissimi professores, oppugnarunt Scitas, contra ipsos cum Ecclesiæ Romana sustinentes, nullatenus admittendam esse illam propositionem *Unus de Trinitate est crucifixus in carne*, ex quo facta est multa contentio inter Accemetas, & Scitas. Ex hac propositione, non admittenda tunc temporis ab Ecclesiâ, occasione nacti Nestoriani, statim in favorem propriæ sectæ, sed imprudenter, ratiocinantes, sic discurrunt.

B

bant.

bant. Ecclesia non admittit hanc propositionem *Unus de Trinitate est passus in carne*: ergo neque est natus in carne; ergo Maria non potest dici Deipara, quæ erat sententia Nestorii. Delatus ad Pontificem hic dolosus ratiocinandi modus Nestorianorum, quem ut deluderet, reprimere, & confunderet, sicut contra Eutichetem tempore Hormisdæ Ecclesia non approbaverat illam novitatem vocum, *Unus de Trinitate est passus in carne*, approbandam postmodum censuit contra Nestorium, tempore Joannis Secundi. Sic res sese habebant, cum Monachi Accemetæ, fortè nescii quod Nestoriani ex illa propositione *Unus de Trinitate est passus in carne*, non approbata ab Ecclesia, ansam accepissent ad impiè discurrendum in favorem Nestorii, negantis Mariam esse Deiparam; adhuc mordicus sustinebant contra Scitas de fido dictam propositionem non esse admittendam; sed cognita ab ipsis rationabili causa, propter quam Ecclesia progressu temporis, censuerat fore admittendam: credere par est, quod utpote viri summæ virtutis, abstinentiæ, & mortificationis, statim subscripserint sensui Ecclesiæ, ipsique acquieverint, & consequenter excommunicationem non incurrerint, quam non nisi sub conditione, quod non acquiescerent (ut supra indicavimus) contra ipsos promulgaverat Joannes Secundus. Ceterùm nullatenus Nestoriani, vel Eutichianidicendi sunt Accemetæ, cum non obstante quod sic rixarentur cum Scitis, constet tamen de integritate fidei Monachorum Accemetarum ex libello fidei, quem dictorum Monachorum Legati Pontifici obtulerunt. Tum quia quatuor Concilia generalia reverenter admiserunt, quod utique non fecissent, si Eutichiana, vel ut alii asserunt, Nestoriana labe fuissent infecti. Et hæc dicta sint per modum Apologiæ ad vindicandos Monachos Accemetas à labe, quæ ipsis inuritur, quod hæresis fuerint infecti, & quod fuerint excommunicati, quod tantum sub conditione factum est. Demum Accemetas Monachos semper fuisse Eutichianæ sectæ infensissimos hostes, constat ex eo, quod à

Monasterio semper expulerint quotquot in Fide Hæretodoxa claudicantes noverrant; quapropter Cnaseum, dictum Petrum Fullonem, fuisse à Monasterio expulsum, quem Monachi Eutichianum noverrant, referunt Annales Spond. anno 471. num. 3. Illo ergo inter Accemetas aliquos fuisse Eutichiana labe infectos, non propterea Eutichiani sunt nuncupandi: sicut quia proditor fuit Judas in Collegio Apostolico, proditores Apostoli non possunt nuncupari, & sicut à Collegio Apostolico expulsus Judas, ita ab Accemetis Eutichiani proscripti, quemadmodum Fulloni contigisse supra narravimus.

IV. Accessus fuit Episcopus sectæ Novatianæ, circa medium quarti seculi, quem Constantinus Imperator blanditiis delinire, sed frustra, conatus est, ut eum ad veram fidem amplexandam reduceret, & à Novati erroribus averteret; ejus potissimum errorem cum audiret Imperator, sic eum quasi per jocum, sed argute usque ad confusionem Accessi est assatus *Erigito tibi scalam Accessi, & tu solus in celum ascendito*, siquidem

Dicebat Accessus, neminem qui post Baptismum graviter peccasset esse recipiendum ad pœnitentiam, negans Ecclesiam habere potestatem concedendi veniam gravium peccatorum, asserens non hominum, sed Dei esse concedere remissionem peccatorum. R. Marc. 16. *Quodcumque ligaveris super terram, erit ligatum & in celis, quodcumque solveris, erit solutum*; in his verbis Christus nullum prorsus peccatum reservavit, tamquam irremissibile: ergo dedit amplam facultatem Ecclesiæ, quæ se extendit ad dimittenda omnia peccata. Tum quia si peccata gravia, quæ dicuntur ad mortem, essent irremissibilia, frustra Christus instituisset Sacramentum Pœnitentiæ, frustra hortaretur peccatores ad pœnitentiam. Tum quia si post Baptismum peccata gravia essent irremissibilia, esset deserioris conditionis Baptizatus, quàm non Baptizatus, ut patet: ille enim haberet opportunitatem reme-

remedium, non autem ille. Tum quia in sententia Aecii, daretur ansa procrastinandi Baptismum usque ad canos, & multiplicandi peccata, quæ omnia solum per Baptismum deleri sustinebat Aecius; nec valet quod asserbat, dicena solius Dei esse dimittere peccata, libenter enim hoc concedimus, quandoquidem scimus Sacerdotem dimittendo peccata, se habere tamquam Ministrum Christi, in cuius virtute Sacerdos peccatorem dimittit absolutum. Vide v. *Notatiam*.

IV. ACHILLAS fuit Episcopus Alexandrinus, unus ex collegis Arii, qui unum cum alii Arii sectatoribus, subscripsit epistolam, quam Arius scripsit ad Alexandrum Episcopum, ut refert Epiphanius hæresi 66. circa annum 348., inter alios Arii errores hunc præcipue esse amplexatus.

Dicebat, fuit aliquando, quando non fuit Filius Dei, & postea factus est, qui prius non fuerat, talis factus, qualem & omnem hominem esse contigit, R. Joan. 10. *Ego & Pater unus sumus*, & etiam ex omnibus Scripturæ locis, ex quibus evincitur Filium esse consubstantialem Patri: Filium esse Deum, sic Jo. cap. 1. *In principio erat Verbum, & Verbum erat apud Deum, & Deus erat Verbum*: ergo Verbum non est factum; ergo falsum est, quod fuerit aliquando, quando non fuerat Filius Dei, ergo Filius Dei est unus in natura cum Patre, non in solo consensu voluntatis, ut vult Achilles. Insuper Divinitas Filii Dei probatur, quia Filius Dei si non esset Deus, Pater generasset Filium imperfectum, quod implicat potentiam generativæ Patris, quæ cum sit perfectissima, non potest habere terminum suæ generationis nisi perfectissimum.

XIV. ACONTIUS Jacobus Philosophus, Jurisconsultus, atque Theologus, Tridentina sæculo 16. postquam nomen Religioni Reformatæ dedisset, in Angliam profectus est, ubi benignè à Regina Elisabetha fuit exceptus, cui & librum dicavit, cui titulus: *De Stratagematibus Diaboli*; Contrariorum Re-

ligionum tolerantiam admisit, & ad Arianismum deflexit. R. verbo *Bissidi*.

XVI. ACOSTA Gabriel Lusitanus, Christianis parentibus ortus, cum se vitam æternam posse consequi desperaret, Judaismum amplexus est Amstelodami, unum cum parentibus suis; sed cum videret Judæorum mores, atque præcepta, Legi Moysis adversari, à Judaismo deficiens, Sadducæorum dogma propugnavit; in eo quod nullum dari Angelum, aut Spiritum asserbat, & tandem ad Judaismum reverteretur.

1. Docuit Animam non esse immortalem. R. verbo *Arabes, Gregorius Pauli*.

2. Legem Moysis humanum inventum esse affirmabat. R. ex ipsius Scripturæ testimonio, quæ Legem à Deo in monte datam describit; quæ de re, nemo umquam per tot sæcula dubitavit; ut mirum sit quomodo audeant sæpe aliqui ex hæreticis in suis vanis assertis se opponere veritatibus, quibus Orbis universitas per plura sæcula firmiter adhæsit.

III. ADAMANTIUS, dictus Origenes, diversus est ab illo Origene; qui omnibus penè notus est; de Adamantio etiam Origene nuncupato, scribit Epiphanius in Acephalozosi, & S. Augustinus in libro ad Quod vult Deus: ejus sectatores Origeniani sunt dicti; porro isti nefaria faciebant, suæque corpora corruptioni tradebant.

II. ADAMITI, sive Adamiani, vel Adamitæ. Ex Basilianis, & Carpocratianis progenitos fuisse Adamitas, sunt qui autumant: sunt qui Adamitæ Gnosticorum propaginem faciunt, prodierunt ex quodam infami viro, cui nomen Prodicus; non tamen dicti sunt Prodiciani, ab eorum Instructore, sed Adamitæ, quia Adæ nuditatem æmabantur, ingredientiæ siquidem suas Ecclesiæ, sive potius cavernas, deponabant in limine vestes, quia Paradisum ingredi dicebant, in quo sicut Adam nudus fuit, ideo Adæ nuditatem æmulari volebant.

1. Dixerunt propagationem hominum

num ex sola Adæ culpa provenire. R. verbo *Armeni*.

2. Nudi incedebant. R. ex sacris paginis, ex quibus colligitur nuditatem nunquam fuisse licitam. Deuter. cap. 22. ver. 1. Gen. 9. ver. 24. Gen. 3. ver. 7. Tum quia Christus, qui nos veram salutis viam docuit, vestitus incedebat. Tum quia nuditatem publicam etiam barbari abhorrent: & in locis ubi ratione eximii caloris nudi incedunt, saltem verenda cooperiunt, sicut mihi retulit Romæ amicus meus, qui ad propagandam fidei illas regiones peragraverat. Imò tantum verum est, quod à nuditate natura abhorret, ut viri illi, qui in novæ Americæ aliquibus insulis, nudi incedunt, cum aliquem Europæum conspiciunt, statim aufugiunt, verecundia, propter nuditatem in qua comprehenduntur, suffulti; sic à præfato meo amico intellexi. Verecundia autem ab omnibus Sanctis Patribus commendatur. Porro Adamitæ incedebant nudi, quia se credebant in statu innocentie, sed præterquamquod omnes in die labimur, & in peccatis sumus concepti, certum est, quod in iustitia originali nemo est qui nascatur; ideo nemini licet nudum incedere, & etiam si ex speciali privilegio aliquis in iustitia originali nasceretur, ut de Beatissima Virgine credere pium est, adhuc non liceret nuditas, ubi reliqua hominum propago est culpa infecta.

3. Nuptias execrabantur. R. ex sacris paginis ad Ephes. cap. 5. ubi matrimonium commendatur, & Sacramentum esse perhibetur: ergo nuptiæ sunt inexecrabiles. Tum quia Christus intervenit ad nuptias in Cana Galiliæ, quod non fecisset si matrimonium esset res execrabilis, de quo ad Heb. 13. legitur *Honorabile convivium*, tantum abest, quod sit execrabile. Hunc errorem damnat Concilium Gangrense celebratum in Asia anno 325. cap. 14., & Bracarense celebratum anno 543. cap. 11. vide præterea cap. 7. epist. 1. ad Cor.

4. Mulieres faciebant communes. R. ex pluribus Scripturæ locis, ubi

mulieres adulteræ pœna mortis damnantur. Tum quia natura ipsi abhorret quodammodo à communitate mulierum, & licet permixtum fuerit in Lege veteri unum virum habere plures uxores, numquam tamen permixtum est unam mulierem duobus viris esse communem.

5. Dicebant se esse liberos, ac nulla lege teneri. R. à Christo, qui dixit: *Non veni solvere legem, sed adimplere*, & præcepit nos obedire Superioribus. Necessitas obtemperandi legibus, satis evincitur ex quotidiana experientia; & ex iniquis absurdis, quæ sequerentur, si homo nulli legi obedire teneretur.

6. Dicebant Christum non esse confitendum, neque subeundum pro eo Martyrium. R. ex eo, quod dixit ipse Christus Matth. 11. ver. 22. & 23. Tum quia pro sustinendis patriis legibus, & jure Principis, homo licet se exponit periculo mortis: ergo à fortiori pro defensione Christianæ Legis, & pro confessione Christi, licitum erit, imò sanctum subire martyrium. De sanctitate martyrii agitur verbo *Elchezaita*.

7. Ejiciebant à sua Ecclesia eos, quos deprehendebant in delicto. R. ab eo qui venit vocare peccatores, saluum facere quod perierat; sed nullatenus hoc esset verum, si peccatores ejiciendi essent ab Ecclesia. Tum quia esset desperata peccatorum salus. Agit de Adamitis S. Epiph. hæres. 52.

XV. ADAMITÆ Recentiores, Infamem Adamitarum sectam renovavit quidam nomine Piccardus anno 1420. oriundus ex Gallia Belgica, qui per Germaniam, & Bohemiam discurrens, plures habuit sectatores, quos nudos sive mares, sive fœminas incedere volebat: eum adhibent suæ sectæ sequace, qui quoties libidine incensus aliquam concupiebant, ipsa ad Piccardum deducta, eidem exponebant sub hac formula petitionem: *In hanc spiritus meus concavit*, responsum accipientes: *Ite, crecite, & multiplicamini*, quo ritu observato, licitum erat cuicumque hujus infamis sectæ viro, ad quamcumque mulierem introire; Tantam impietatem

zgrè

agré ferentes etiam scelestissimi viri, factum est, ut Zisca ducto in Adamitas exercitu, omnes trucidaverit. Porro adeo creverat Piccardi dementia, unum eum scelere, ut se Deum esse jactaret, & perditionis filios esse assereret, quotquot suæ infami sectæ non adhærebant. Veterum Adamitarum imitatores visi iterum sunt incedere per Hollandiam anno 1535. nudi per arva, & hortos aberantes, mox arbores conscendentes, ibique sed frustra panem expectantes. Nunc omnino repressa adeo infamis hæresis creditur, quam renovare tentaverunt quidam, qui prodierunt ex secta Lutheri, quorum Coriphæum sese constituerat Adam Pastor, ut refert Lindanus. De Adamitis recentioribus agit Æneas Silvius in Hist. Bohem.

XVI. ADAMUS dictus Reischerus libro germanico ab ipso edito.

Dixit, quod Christus nascendo aperuit Virginis uterum. R. ex Ezechiele cap. 34. ver. 2. *Torta hæc clausa erit, non aperietur*, quæ verba S. Ambrosius, & S. Hieronymus exponunt, & interpretantur de Maria Virgine, cujus uterum Christum nascendo non aperuisse colligitur ex pluribus Conciliis, in quibus Virginis Mariæ integritas commendatur, & præcipue ex Concilio Lateran. sub Martino Quinto Can. 3. De Reischer. agit Coccicus.

I. ADECRDITÆ quo tempore fuerint, compertum non est. Asserebant Christo descendenti ad inferos, omnes animas obviam factas credidisse ei, & liberatas esse. R. nam nomine inferi ad quem descendit Christus, venit Limbus, non verò Infernus, in quo erant damnati: & ibi Christus liberavit solum illos, qui mortui sunt in spe futuræ redemptionis, faciendæ per venturum Messiam, qui fuerunt Sancti Patres, sicut Deus ipse prædixerat se facturum Ecclesiæ. cap. 24. ver. 45. *Penetrabo inferiores partes terra, inspiciam omnes dormientes, & illuminabo omnes sperantes in Domino*; ex quo Textu patet liberaisse solum sperantes in Domino; sed animæ damnatorum non sperant in Domino. Vide verbo *Joan. Præmonstraten.*

IV. ADELPHIUS fuit natione Galata, ut refert Flavianus Episcopus Antiochenus, qui ejusdem Adelphii impietatem detexit. In Concilio Sydæ habito adversus Massalianos, Adelphius non est admittendus, quia simulat se velle converti ad penitentiam assererat, cujus simulatio Patribus Sydæ congregatis optimè erat comperta. Fuit autem Adelphius unus ex Principibus sectæ Massalianæ seculo 4. ex Nicef. lib. 11. cap. 14.

Dixit orationem solum sufficere ad consequendam vitam æternam, proinde docuit, eum qui orat non posse damnari; etiam remotis Sacramentis, & spiritibus Dei, & Ecclesiæ mandatis; quisquis ille sit, vel Judæus, vel Infidelis, vel Hæreticus, vel Peccator, ac si sola oratio haberet virtutem delendi omnia peccata. R. Matth. 19. *Si vis ad vitam ingredi, serva mandata*; ergo non sufficit ad salutem sola oratio, sed insuper requiritur mandatorum observantia, & bonorum operum positio; quod constat ex prima Petri: *Satagite ut per vestra bona opera, certam vestram vocationem, & electionem faciatis*. Insuper certum est neminem posse salvari sine Baptismo; ergo non sufficit sola oratio; & licet legatur Luc. 18. ver. 1. *Oportet vos semper orare*, hinc non vincitur, quod homo debeat semper orationi vacare, hoc enim est impossibile, cum plura alia teneatur homo agere. Setmo itaque in præfato Textu de continua oratione in affectu; & certè si sermo esset de oratione in re, numquam esset licitum dormire, manducare &c.

2. Dixit Eucharistiam nihil prodesse, vel obesse dignè, vel indignè fumentibus. R. illis omnibus rationibus, quibus evincitur Sacramenta conferre gratiam; maxime de Sacramento Eucharistiæ, quantum proficit dignè fumentibus, patet ex Joan. *Qui manducat meam carnem habet vitam æternam*; quod noceat indignè fumentibus testatur Paulus: *qui indignè manducat judicium sibi manducat*. Vide verbo *Entusiastra*.

ADEMUS. Vide verbo *Peraticus*.

XVI. ADESSNARIJ secta sunt Lutherani rigidi, sic dicti, quia circa ann. 1560. Dixe-

Dixerunt Corpus Christi adesse in Eucharistia; sed diversimodè: alii ex Adesfenariis dixerunt esse sub pane: alii cum pane: alii circa panem: alii supra panem. R. quia nullum ex his dicendi modis consonum est verbis Christi dicentis: *Hoc est Corpus meum*; non enim vera esset hæc propositio: sive Corpus esset circa panem: sive eum pane: sive sub pane: sive supra panem, ut consideranti patet. Tum quia vera sit transubstantiatio in Eucharistia, ut definierunt Concilia, Romanum sub Nicolao Secundo; item Romanum sub Gregorio Septimo, Lateranense sub Innocentio Tertio; sed hoc non esset quando Corpus Christi esset in Eucharistia aliquo modo ex somniatis ab Adesfenariis: ergo &c. De Adesfenariis agit Prateolus.

XVI. ADIAPHORISTÆ sunt Lutherani molles, iidem ac Melanctonici, dicti Adiphoristæ, quod idem significat ac indifferentes, qui confessionem Augustanam, Lutheri scripta, & ipsum *interim* Cæsareum multis in locis correxerunt, mutaverunt, suppleverunt: vel ut ipsorum Adversarii dicebant, verterunt, converterunt, perverterunt, everterunt; quorum præcipuum caput fuit Mathias Flaccus, qui vixit seculo decimo sexto.

Dicebant Ceremonias, & Constitutiones Ecclesiasticas fore inter indifferentias computandas, quæ vel observatz, vel violatz nihil nocent, vel profunt, & possunt observari, vel violari absque salutis discrimine; quapropter pro bono pacis, quoscunque ritus in patria introductos, ad quos declinare contigerit, servandos esse docebant. Dicti sunt etiam *Interimistæ*, quia *Interim* Augustanum scdari voluerunt. R. quia posito Adiphoristarum asserto, sequitur extra Ecclesiam posse hominem salutem consequi, & salvari in quacumque Religione; frustra igitur venisset Christus Legem dare salutis. Tum quia standum esse Constitutionibus Ecclesiasticis, quæ fundantur in traditionibus Apostolicis, probatur ex secunda ad Thesalonicensis: *Frates tenete traditiones quas accepistis*. Tum quia si præcepta Ecclesiastica essent indifferentia, superfluum fuisset Christum præcipere Baptismum,

& illa omnia quæ in Lege Evangelica observanda ordinantur. Tum quia falsum est, pro bono pacis quemcumque ritum esse observandum; nam experientia constat, quod ubi non est unitas Religionis, ibi sunt rixæ, jurgia, & contentiones: sicut de facto contigit inter ipsos Lutheri sequaces, qui in plures sectas divisi, non modò procacibus verbis, sed etiam armis, magno populorum damno, se exagitarunt. Numquam erit invenire subditos concorditer fideles Principi, qui unicam religionem non custodiant.

a. Dicebant non esse licitum Christianos jurare. R. verbo *Catharistæ*. De Adiphoristis agit Spond. an. 1548.

IV. ADILOFAGI. Probabile est vixisse tempore Sancti Augustini. Dixerunt Christianum ita cibum sumere non debere, ut ab aliis videatur, & hac sola de causa se ab Ecclesia separarunt. R. quia nullum hac de re extat præceptum in sacris paginis. Tum quia Christus discubuit in domo Pharisei, ubi erant plures adstantes. Tum quia sequeretur, quod Christianus, qui ad plures dies semper esset hominibus circumspiciendus, deberet fame perire. De Adilofagis agit Jacobus Sirmundus.

IV. ADIMANTIUS fuit unus in Schola Manicheorum ex præcipuis discipulis, tempore D. Augustini, qui contra disputationes Adimantii scripsit librum unum, in quo Adimantii sophismata reprobantur. Scripserat Adimantius quasdam disputationes adversus Legem, & Prophetas, ut ostenderet Testamentum novum contrarium esse Testamento veteri, itaq;

Dicebat in Scriptura Sacra esse contradictiones. R. quia *Verbum Domini lucidum illuminans oculos*, ut ait Psalmista, non potest continere contradictiones. Tum quia certum est Scripturam Sacram dictam esse à Spiritu Sancto, qui nullatenus esse potest contradictionibus obnoxius. Tum quia si quæ contradictiones esse videntur in Scriptura, non sunt formales, sed apparentes: sic in veteri Testamento permittitur aliquid, quod prohibetur in novo, sed hæc prohibitio non involvit contradictionem; plura enim quæ licebant in Lege veteri, nunc sunt illicita, & c.

& è converso: sic exigente bono regimine Ecclesiæ. Nonnullos sibi apparenter contradicentes Sacræ Scripturæ textus conciliatos exposuit Annatus in suo apparatu ad Theologiam positivam, ad quam Lector remittitur, ut ex his Judicium faciat de cæteris.

IV. ADRUMENTINI fuerunt quidam Monachi, sicuti à loco quem inhabitabant Adrumentum nuncupato in Africa. Sedes ibi erat Episcopalis, suffraganea Episcopi Carthaginiensis, ubique ann. 304. congregatum est Concilium. Porro Adrumentini ex epist. 105 D. Augustini in recto sensu quo eamdem S. Augustinus scripserat, non intellecta, sed perperam accepta, in duas partes divisi sunt: alii nimis tribuebant gratiæ, alii totam gratiæ efficaciam negabant; sed S. Augustinus auditus hujusmodi dissidiis statim ad sanum intellectum, & ad pristinam concordiam eos revocavit, datis ad illos duobus epistolis, & scriptis hac de causa duobus libris, unum de gratia, alterum de corruptione, quibus acceptis in unanimi, & sano sensu dicti Monachi acquieverunt.

I. AERARIUS dictus Alexander, ille est Pseudo-Apostolus, quem Paulus tradidit Satanz unâ cum Hymenæo, & Phileto; ut conitatur ex secunda ad Timoth. 2. Aerarius recta, & sana fide abnegata, multos ad suam sequelam trahere studuit in perditionem.

1. Dixit circumcisionem, & legalia fore servanda. Repr. nam de facto Legem veterem abrogatam fuisse quoad legalia, maxime quoad circumcisionem, aperte constat ex ep. ad Galatas cap. 5. ver. 1. ad Heb. c. 7. ver. 12. Tum quia mutatio Legis quoad legalia prædicta fuit à Prophetis. Tum quia Christus est noster Legislator, & si Lex vetus obligaret, etiam Moyses esset promulgator Legis Christianorum. Tum quia omnes SS. Patres, qui fuerunt in Lege veteri, annuntiabant quod Lex Moysayce in adventu Messie cessare debebat: ergo cum Messias nunc venerit, non debet amplius obligare; nec valet dicere, quod Sacerdotium Legis veteris legitur in sacris paginis futurum sempiternum; nam dicitur sempi-

ternum, quatenus erat figura Sacerdotii Legis novæ, non quod semper durare debuisset. Verum quidem est, quod Lex vetus, quoad præcepta moralia, quæ à Christo confirmata sunt, in Lege nova semper est duratura, & ideo dici potest sempiterna: non verò quoad legalia, quæ abrogata sunt. Vide *Abissini*.

2. Prædicabat resurrectionem jam esse factam. R. ex Evang. Joan. quod annunciat resurrectionem futuram in die Judicii. Tum quia omnes resurgere habent: sed si resurrectio jam esset facta, qui nascerentur, non possent resurgere: ergo nondum est facta.

IV. AERIANI. Referente D. Augustino circa annum 340. ab Aerio, qui eo quod non potuerit Episcopatum Sebastie in Armenia obtinere, apostatavit à fide, suam traxerunt originem. Aerius præter Arii errores, quos amplectatus est, nova signimenta proposuit, unde meritò inter capitalia Hereticoorum monstra fuit computandus, qui ut consolaretur de non obtento Episcopatu, quem avidè nimis exoptabat.

1. Dixit Presbyterum ab Episcopo nullatenus disferre. R. ex epist. ad Titum cap. 1. ver. 1. ubi Paulus mandat Tito Episcopo Cretensi, ut constituat per Civitates Presbyteros: ergo Episcopus est major Presbytero, cum habeat potestatem constituendi Presbyteros. Cæterùm si Presbyteri essent pares Episcopis, tam Presbyteri possent constituere Episcopos, quàm Episcopi Presbyteros. Tum quia Episcopi destinati sunt specialiter regere Ecclesiam, Dei, quod jus per se non competit simplici Presbytero. Tum quia omnis Clerus ab exordio Ecclesiæ semper detulit honores Episcopo. Tum quia si Episcopus non esset Superior Presbytero, omnis Clerus esset sine Capite, & posset unusquisque Presbyter pro libito in Diocessibus dominium exercere. Tum quia ipsi Apostoli majores fuerunt dignitate septuaginta duobus discipulis; cæterum erat superfluum eligere discipulum, & hunc substituere in locum Judæ, si inter Apostolos, & discipulos non

non fuisset discrimen dignitatis: ex quo bene deducitur Episcopum esse majorem Presbytero. Ex locis Scripturæ, quæ solent ab Hæreticis in contrarium adduci, solum evincitur, quod omnes Episcopi necessario sint Presbyteri, non autem quod Presbyteri sint pares Episcopis in Jurisdictione, & potestate ordinandi; licet ipsis sint pares in potestate consecrandi Corpus Christi: qua de causa sæpè in sacris paginis fit mentio de Episcopis unà cum Presbyteris: cumque Presbyteri in primitiva Ecclesia ad solatium Episcoporum superintenderent gregi; hinc aliquando dicti sunt Episcopi, quatenus nomen Episcopi sonat nomen Superintendentis. Hunc errorem damnavit Concilium Hispalense Secundum, cap. 17. & Tridentinum sess. 23. Superest ad rem notandum, quod licet Episcopi primis Ecclesiæ seculi etiam Superintendentes vocarentur, cum tamen apud plures novatores mos invaluerit, ut *Superintendentes* suos primarios Ministros vocarent, Ecclesiæ relicto novatoribus Superintendentis vocabulo, nonnisi Episcopos, Dioecesium Pastores, postmodum vocare consuevit.

2. Jejunia ab Ecclesiâ statuta damna, jejunabat die Dominico, dicens jejunia esse exercenda pro cuiuscumque arbitrio: negans Ecclesiâ habere auctoritatem præcipiendi jejunia. R. nam jejunia, quæ præcipit Ecclesiâ sunt meritoria, non enim Ecclesiâ præcipit, nisi opera meritoria: ergo si sunt meritoria non sunt reprobanda, maxime cum plura observentur ex Institutione Apostolica: imò jejunium quadragesimale fuit à Christo observatum: ergo qui reprobat Jejunia statuta ab Ecclesiâ, reprobat Christi, & Apostolorum Institutiones. Quod autem Ecclesiâ habeat auctoritatem præcipiendi jejunia, probatur; nam Ecclesiâ potest præcipere omnia, quæ novit expedire ad salutem animarum, hujusmodi sunt jejunia, quæ commendantur in sacris paginis, & à Sanctis Patribus, ergo &c. Tum quia si unusquisque pro libito deberet jejunare, non autem teneretur observare præcepta Ecclesiastica, Christiana Reli-

gio jam esset divisa per diversitatem rituum: Unusquisque esset sui Pastor, & Rector; nec esset bene ordinatum Ecclesiæ regimen, quod penderet ab uniuscujusque arbitrio: ergo est observandum jejunium, cum illud præcipit Ecclesiâ: quod utique est magis meritorium, quam voluntarie assumptum, quæ *Melior est obedientia, quam victimæ*. Insuper esse observanda jejunia, constat ex illo Matt. 6. ver. 17. ubi Christus docet quomodo jejunandum sit. Jejunium quadragesimale ex antiqua traditione scimus institutum fuisse ab Apostolis, quibus sicut & Ecclesiæ, dedit Christus auctoritatem suam, ut possent constituere, quæ magis expedire viderent ad bonum Ecclesiæ; unde Luc. 10. legitur: *Qui vos audit, me audit, qui vos spernit, me spernit*: ergo observandum est jejunium quando ab Ecclesiâ est præceptum, & abstinendum est à jejunio, secundum Ecclesiæ Institutum, ex quo inferitur nos non teneri ad jejunandum die Dominico, quandoquidem Ecclesiâ tali die prohibet jejunium: nec valet instare, quod cum jugum Christi suave sit, Ecclesiâ non debet gravare fideles jejunio; nam jejunare diebus ab Ecclesiâ præceptis, non est contra suavitatem Legis gratiæ, in qua præcipimur etiam facere poenitentiam. Dicitur autem Lex gratiæ *onus leve*, quia faciliora, & efficaciora remedia instituit Deus per Sacramenta contra peccatum, à cuius servitute per Christum liberati sumus. Contra hanc hæresim stat Concilium Gangrense c. 9. Viennense celebratum sub Clemente Quinto.

3. Suffragia pro Defunctis irridebat, nullam tribuens virtutem Sacrificio. R. & quidem ex Sac. Scripturis lib. 2. Machab. cap. 12. ver. 43. quod si Acrius bene, & religiosè cum Machabzo cogitaret, non improbaret suffragia pro Defunctis; consuetudo orandi pro Defunctis, viguit etiam tempore Apostolorum, & deducitur ex epist. ad Cor. 1. cap. 15. vers. 19. Tum quia Defuncti, qui sunt in Purgatorio, sunt membra Ecclesiæ: ergo debent posse participare de bonis Ecclesiæ, scilicet de orationibus, & suffragiis, quæ

quæ pro illis exhibentur. Tum quia auctoritas Ecclesiæ invenitur in Inferno, ubi ligat damnatos, in Paradiso, ubi communicat cum Sanctis, & applicat merita Sanctorum, aperit Paradisi Januam, in fide quam docet morientibus; ergo debet etiam inveniri in Purgatorio, ubi refrigerat Purgantes mediis orationibus, & suffragiis; nec valet dicere animas in alia vita non esse capaces meriti, ergo neque satisfactionis; nam ad meritum requiritur libertas, ad satisfactionem sufficit toleratio pœnæ infligæ à Judice, vel ejusdem redemptionis, media alia satisfactione approbata à Judice.

4. Renunciationem omnium rerum prædicabat. R. Sancti Apostoli habebant loculos; nec Deus prohibuit Christianis possessionem bonorum temporalium; prohibuit quidem erga ipsa bona inordinatum affectum. Quod si Deus præcipit elemosynam, utique non præcipit renunciationem bonorum temporalium, cum solum ab his qui bona possident, possit elemosyna exerceri. Hæc propositio, quod non liceat ad consequendam salutem bona temporalia possidere, damnata fuit à Bonifacio Octavo contra Fraticellos. Textus autem Sac. Scripturæ, ex quibus deducunt hæretici, non esse licitam possessionem bonorum temporalium, sunt consilium, non præceptum, & interpretandi sunt de nimio affectu, non de honesta possessione.

5. Celebrationem Paschatis reprobabat dicens, quod celebrare Pascha erat judaizare. R. nam non celebrat Ecclesia Pascha more Judæorum, neque in memoriam liberationis à captivitate Pharaonis, ut ipsi faciebant, sed celebrat in memoriam Resurrectionis, & Institutionis Cœnæ Domini: ergo celebrare Pascha non est judaizare. Tum quia celebratio Paschatis instituta est ab Apostolis, non à Judæis. Decretum de celebratione Paschatis die Dominico promulgatum fuit à Victore hujus nominis Papa Primo ann. 196.

6. Damnabat nuptias, quæ ex Legge sunt. R. verbo *Græci*.

XVI. AERIANI Novi, sunt Lutherani rigidi, qui circa annum 1546. didicerunt

à Brentio, antiqui Aerii aliquos renovare errores. De his agit Gravina in tab. analit.

I. Negant Sacrificium esse pro defunctis offerendum. R. quia Sacrificia Legis scriptæ, quæ erant umbra Legis gratiæ, proficiebant illis, pro quibus offerebantur, qua de causa Judas Machabæus misit offerri Sacrificium pro defunctis. Item ex Apost. ad Corint. 1. cap. 3. vers. 12. cujus auctoritate Concilium Florentinum, & communiter Patres tam Græci, quam Latini utuntur in præsentī materia: ergo per Sacrificii oblationem remittuntur peccata, ergo Sacrificium prodest defunctis in Purgatorio existentibus, qui in tantum non introducuntur ad gloriam, quia debent expiare sordes peccatorum. Tum quia in hac vita Sanguis Christi applicatur animabus, quæ indigent meritis Christi, ut possint obtinere salutem: ergo debet etiam posse applicari pro animabus existentibus in Purgatorio: maxime cum sit magis consonum Divinæ misericordiæ, quæ sibi complacet recipere orationes, & suffragia, quæ hic offeruntur pro defunctis ad eorum expiationem; & certè si nullum esset remedium, quo possent adjuvari Animæ purgantes, quodammodo videretur Deus nimis sævire in Animas, quas elegit suæ gloriæ confortes: esto quod non possint admitti nisi depuratæ, debebat tamen Divina misericordia remedium opportunum ad illas citò depurandas providere, sicut de facto providit, nempe orationes, & sacrificia ad hunc effectum oblata à fidelibus. Orationes, & Sacrificia pro defunctis stabilierunt plura Concilia. Nicænum primum. Canon. 65. Carthaginense tertium Canon. 29. Toletanum secundum Canon. 12. & plura alia. Vide quæ dicta sunt contra Aerianos antiquos.

II. Aeschines fuit sectator Montani, hunc Aeschinem scriptis exagitavit Tertullianus. Vixit circa finem seculi seculi: reprobanda ejus dogmata verbo Montanus.

IV. AETIANI ab Aetio circa annum Christi 353. traxerunt originem, cui cum satis non esset Arit prædicare erro-

res, alia figmenta divulgabat quærens si posset etiam supra Arium se extollere, & plures habere sequaces (ait S. Epiph. hær. 76.) Aetiani dicti sunt etiam *Eunomiani*, quia cum Eunomius Aetii scriba fuerit, ejusdem potatus erroribus, illos promulgare studuit. Dicti sunt etiam *Anomi*, quia sine lege certa viventes, sive ut aliis placet *Anomai*, idest dissimiles, quia Filium in Divinis dissimilem Patri quoad essentiam asserabant. Aetius natione Syrus perspicacissimi ingenii, sed ex vili gente progenitus, vilibus etiam muneribus animum applicuit, quibus visitando plures Provincias peragravit. Anazarbi in Cilicia græmaticæ studuit, ubi ab Athanasio Ariano, præfatæ Civitatis Episcopo receptus, & hinc Tarsum profectus, postea Antiochiam, unde fuit expulsus, se contulit; Ciliciam reversus, cum Borborianis hæreticis disputationem habuit, postmodum Alexandriæ ab Aristotelico hæretico edoctus, contra Verbum Divinum, & Spiritum Sanctum suos evomit errores. Galli Cæsaris gratiam consequutus, à Leontio Episcopo Antiocheno suæ Ecclesiæ Diaconus ordinatus, statim fuit à Diaconatu depositus; quapropter apud Alexandrum Episcopum diversatus, ibidem Diaconi munus iterum exercuit; sed Imperatoris Galli Cæsaris jussu in exilium pulsus, iterum in Concilio Constantinopolitano anno 360. depositus fuit. Deinde à Juliano Apostata revocatus, & honoribus publicis cumulatus, mortuo Juliano ejus protectore, iterum sub Valente Imperatore condemnationem subiit; plures errores docens, à diversitate errorum diversis nominibus in suis Sæcutoribus est nuncupatus, qui non modò *Aetiani*, *Eunomiani*, *Anomai* sunt dicti, sed etiam *Exocentiani*, *Troglitæ*, *Trogloditæ*, quia in locis subterraneis conveniebant vocabantur, sic refert Theodoretus.

1. Dixit nullam omnino, ne quidem virtualementem, & rationis ratiocinatæ distinctionem dari in Deo: quæ sententia ex duplici alio illius errore sequitur; cum enim ille, ex una parte assereret se plenam Dei habere notitiam, & quidem tan-

tam, quantam ipse Deus habet, & ex altera negaret Christum esse verum Deum, ad utrumque impietatis caput propugnandum, maxime opportunum credidit, si omnem penitus à Deo distinctionem excluderet. Repr. manifesta ratione; quia ea virtualiter distinguuntur, quæ tametsi unam, & simplicissimam habeant entitatem, multis tamen distinctis, ob naturæ suæ præstantiam, & excellentiam æquivalent, ac diversos effectus producant, unde menti nostræ fundamentum, & causam præbent diversorum conceptuum: at qui essentia Dei cum attributis comparata, & attributa ad se invicem, unam habent & quidem simplicissimam entitatem, atque ob naturæ suæ præstantiam, & excellentiam, pluribus distinctis æquivalent, unde eadem simplex, & infinita entitas Divinæ substantiæ, prout absoluta communicatur, prout relativa non communicatur; ergo &c. Hinc patet primò, distinctionis virtutis fundamentum duplex esse, unum ex parte Dei, scilicet summam, & infinitam ejus perfectionem, alterum ex parte nostri, mentis scilicet nostræ tenuem, ac finitam capacitatem, qua fit ut uno, & simplici conceptu, omnes Dei perfectiones percipere non valeamus. Patet secundò distinctionem virtualementem, prout fundamentum habet in re ipsa, dici posse realem virtualementem; quatenus verò est ex parte intellectus, dici posse formalem per intellectum.

2. Dixit Filium, & Spiritum Sanctum esse creaturas. R. & quidem Divinitas Filii Dei, verbo *Achillas* comprobata est. Divinitas Spiritus Sancti etiam comprobatur à Scripturæ; in actibus Apostolorum, Spiritus Sanctus vocatur Deus: *Cur tentavit Satanas cor tuum, mentiri te Spiritui Sancto, non es mentis hominibus, sed Deo*. Insuper attributa Divina immensitatis, misericordiæ, æternitatis, tribuuntur in Scriptura Spiritui Sancto, in cujus nomine etiam Baptisma confertur. Spiritus Sanctus est unum cum Patre, & Filio, Jo. epist. 1. cap. 5. *Tres sunt qui testimonium dant in calo, Pater, Verbum, & Spiritus Sanctus, & hi tres unum sunt*, non in unitate Personæ, ergo

in uni-

in unitate essentiz. Hæc veritas in pluribus Conciliis est declarata, nempe Constantinopolitano primo, & secundo. Romano sub Damaso Papa. Tum quia si Spiritus Sanctus est creatura, ergo poterit desinere esse, & sic poterit variari mysterium Trinitatis; imò dicendum foret pura esse somnia, quod prævio Sacre Scripturæ lumine de tanto mysterio credit Ecclesia. Certè non nisi novus Aetius poterit similia somnari. Quomodo erit creatura, qui est Creator, de quo legitur psalm. 32. *Verbo Domini califirmati sunt, & spiritu oris ejus omnis virtus eorum.*

3. Nullum scelus credebatur esse peccatum. R. Deus justus irascitur supra peccatores, minitatur ignem æternum peccatoribus, qui non observant suam legem: ergo inobservantia legis est peccatum. Tum quia si nullum scelus esset peccatum, ergo nullum erit judicium pro sceleribus puniendis, ergo non debet destinare Deus flammis peccatores: frustra orabat David *Averte faciem tuam à peccatis meis*, frustra precabatur veniam; veniam enim non precamur, nisi propter offensam illatam. Demum si nullum scelus est peccatum, non debent constitui pœnz homicidii, furibus, perjuriis, quas tamen non modò justitia Divina, sed etiam humana decernit: & licitum erit furari, occidere &c. quia quidquid non est peccatum, impunè committitur. Hæc & similia absurda ex Aetii sententia sequerentur.

4. Dixit fidem sine operibus salvare. Repr. Deus in sacris paginis præter fidem, vult, & præcipit opera, unde Apostolus ait: *Docete omnes gentes baptizantes &c. docentes eos servare omnia quæcumque mandavi vobis*; sed si sola fides salvaret, sufficiebat Christum præcipere Apostolis ut docerent omnes servare solam fidem; sed satis clamant sacre paginæ contra Aetium, quod fides sine operibus mortua est; unde prima ad Corinth. cap. 13. ait Apostolus: *Si habuerominem fidem, charitatem autem non habuero, nihil sum.* Necessitatem operum ad salutem suadet David psalm. 14. *Do-*

mine quis habitabit &c. Certè si opera non essent necessaria ad salutem, dicendum foret, quod illam æqualiter consequeretur Christianus, qui sceleratè viveret, quàm qui esset exercitiis pietatis addictus, quod patet quàm sit erroneum dicere. Unde Christus adolescenti petenti quid faciendum esset ad obtinendam salutem, respondit Matt. 19. *Si vis ad vitam ingredi serva mandata.* Non autem dixit simpliciter *Crede*. Textus Scripturæ, ex quibus intendunt evincere hæretici, sola fide hominem justificari, quia in dictis textibus de sola fide sit mentio, significant quidem fidem esse necessariam ad justificationem, non autem probant solam fidem sufficere; qui enim dicit Architectum construxisse domum, non negat etiam alios Artifices concurrisse ad fabricandam domum; & certè si sola fides justificaret, cum peccator habeat fidem, frustra ad justificationem peccatorum Christus instituisset Sacramentum Pœnitentiæ.

5. Baptizabat in nomine Dei increati, Filii creati, & Spiritus Sancti creativi. Repr. Forma Sacramenti Baptismi expressis verbis habetur in Euangelio, ubi Christus præcepit Apostolis baptizare *In nomine Patris, & Filii, & Spiritus Sancti*. Sanctus Bernardus episc. 340. ostendit Baptismum absolute conferendum sub forma præscripta ab Ecclesia, reprobars illos, qui sua temeritate contra formam Ecclesiæ novum baptizandi vellent inducere morem. Insuper Baptismum esse conferendum sub hac forma: *Ego te baptizo in nomine Patris, & Filii, & Spiritus Sancti*, definitum est in Concilio Lateranensi cap. firmiter. Demum Filius in Divinis non est creatura, sed Deus: ergo non tenet Baptismus collatus in nomine Filii creati.

6. Antiquitati, Christianorumque multitudini nihil conferebat. R. Si nihil conferendum esset antiquitati Ecclesiæ seculari, & sic corruerent omnes historię, etiam nulla subsisteret rerum præteritarum narratio. Adde, quod antiquitas Ecclesiastica innititur verbo Dei infallibili, de aure in aurem per Apostolos ad nos derivato. De-

mum temeritas est nihil conferre multitudini Christianorum, & velle dissentire ab illis principiis, in quibus ab adventu Christi, usque ad hæc tempora consentit Ecclesia, in qua fuerunt tot Sancti, tot Reges, tot Doctores, tot Viri omni exceptione majores, qui sine ulla contrarietate antiquitati Christianæ adhæserunt.

IV. ACAPETÆ ab Agapeta muliere, hispana, & ab illius viro Elphidio circa finem seculi quarti originem habuerunt. De his agit D. Hier. lib. de custod. virg.

1. Connubia abhorrebant. R. à suis Institutioribus, isti siquidem erant conjugati. Vide verbo *Adamitæ*.

2. Jejunia contemnebant. Repr. Matth. 6. vers. 7. ubi Christus docuit quomodo Jejunandum sit: *Tu autem cum jejunas unge caput tuum... & Pater tuus, qui videt in abscondito, reddet tibi*; ex quo infertur, quod si jejuniū esset contemptibile, nec Christus docuisset modum jejunandi, nec promississet retributionem jejunantibus. Insuper jejuniū producit sanctos, & mirabiles effectus, ejicit siquidem dæmonia, unde Christus ad Apostolos: *Hoc genus dæmoniorum non ejicitur nisi in jejunio*; ergo jejuniū est res sancta, cujus mirabiles effectus commendant SS. Patres, & de quo Psalmista ait: *Operui in jejunio animam meam, & exemplo Niniutarum, constat jejuniū placare iram Dei*.

3. Ab escis abstinerebant. R. verbo *Abstinentes*.

III. ACAPETÆ alii. Dicitur fuerunt Agapetæ quidam falsi Monachi, qui cum virginibus habitabant sub specie puræ dilectionis, unde Agapetæ nuncupati sunt, contra quos multa carmina scripsit Nazarianus, quorum execrandum contubernium damnavit S. Cyprianus: propè hæc tempora fervebat hic execrabilis usus. Ex S. Epiphani. hæres. 78.

Dicebant itaque posse liberè Monachum cum virgine cohabitare, absque continentie detrimento; & suam opinionem firmabant illis verbis primæ ad Cor. cap. 9. *Nunquid non habemus potestatem mulierem sororem circumducendi, sicut & reliqui Apostoli*. Ex quibus verbis per-

peram intellectis, deducebant licitum esse continentiam profitenti habitare cum virgine non tamquam muliere, sed tamquam sorore, ad fovendam charitatem animorum. R. ex Evangelio Luc. cap. 9. ubi Christus cum dixisset ad aliquem *Sequere me*, ille dixit, *Domine permitte mihi primùm ire, & sepelire patrem meum*, dixit ei Jesus, *Sine ut mortui sepeliant mortuos suos*. Item ibidem Christus alicui ipsum sic allocuto: *Sequar te Domine, sed permitte mihi primùm revocari has qua domui sunt*, ait ad eum Jesus *Nemo mittens manum suam ad aratrum, & respiciens retrò, aptus est regno Dei*. Si ergo Christus ad sui sequelam, & ad regnum Dei consequendum ineptos judicavit, volentes prius sepelire patrem, rebusque familiaribus providere, quantò magis illicitum erit Monacho, qui mundo valedixit, habitare cum virgine tamquam cum sorore, quod esset periculum evidens violandæ castitatis? *Qui enim amat periculum peribit in illo*, ut ait Ecclesiasticus cap. 3. Quod si quæras cur Apostoli habuerint potestatem circumducendi mulieres tamquam sorores, ut ait D. Paulus? respondeo cum D. Hieronymo lib. 1. contra Jovinianum cap. 14. Apostolum loqui de sanctis quibusdam mulieribus, quæ juxta morem judaicum Apostolis de sua substantia ministrabant, sicut legimus ipsi Domino factitatum Matth. 27. *Erant autem ibi mulieres, quæ secuta erant Jesum à Galilæa, ministrantes ei*; quod nulli potuit esse occasio scandali, maxime cum ab Apostolis, viris perfectioni addictis, assumptæ fuerint ad hujusmodi ministerium mulieres, quarum castitas cum pietate conjuncta, adeò nota erat, ac probata, ut omnem excluderent incontinentiæ suspensionem. Certum est cordatiores viros habere tamquam purum figmentum, dari posse inter personas utriusque sexus cum frequenti, familiari, ac libera conviventia amorem platonicum, quomodo ergo sine periculo incontinentiæ posset homo cohabitare cum virgine? sed in morali canone lex est irrefragabilis, omnino fugendam proximam occasionem peccati.

VII. AGARENT sic voluerunt nominari, desumpto nomine ab Agar ancilla Abraham, circa medium seculi septimi, testis S. Petro Paschasio lib. contra sectam Maum. cap. 8. isti repudiato Evangelio, quod eorum patres jam per aliqua secula profitebantur, secuti sunt Alcoranum; aliqui sentiunt non ab Agar ancilla Abraham dictos esse Agarenos, sed potius hos Hæreticos residuum germen Agarenorum fuisse, de quibus etiam David in psalmis mentionem facit.

1. Dicebant Deum non posse habere filium quoniam uxorem non habet. R. ex sacris paginis, ubi generatio æterna Verbi aperte innoscitur; item ex Symbolo Nicæno; & utique habere nequit filium corporeum, qui purus spiritus est, æternus, immutabilis, incomprehensibilis, immensus. Generatio autem æterna Verbi, quæ est à Deo incomprehensibilis, percipi non potest: ab imbecillitate intellectus humani, qui neque suam generationem distinctè novit discernere, neque valet discutere tot mirabilia, quæ quotidie videt & palpat; quomodo ergo audeat scrutari mysterium incomprehensibile, *Generationem Verbi quis enarrabit*? Habet ergo Deus Filium, qui dat omnibus fecunditatem: sed *Deum de Deo, lumen de lumine, consubstantialem Patri*. Et si Deus non generaret esset sine fecunditate, & consequenter esset imperfectus; nec esset Deus, qui omnes perfectiones in se continet puras; ideo generat, sed sine adminiculo corporis, per solam sui intellectus fecunditatem, in unico Filio perfectissimo ab æterno generato absorptam, per sacras paginas revelatum in lege gratiæ, cui solum hoc privilegium concessum.

2. Dicunt Christum non fuisse crucifixum, sed alium hominem Christo simillimum. R. à Concilio Nicæno, ubi legitur Christum crucifixum pro nobis, à Concilio Ephesi. can. 12. Insuper Judæi, interrogante Pilato, *Quid faciam de Jesu*? Responderunt *crucifigatur*; non autem alium petierunt, qui vice Christi crucifigeretur. Paulus Christum, non

alium pro Christo fuisse crucifixum expressè asserit, ad Cor. cap. 1. & 2. *Tradidimus Christum crucifixum*. Nihil indicavi me scire aliquid inter vos, nisi *Jesum Christum, & hunc Crucifixum*. Nec valet dicere, quod cum legatur Deutor. 21. *Maledictus à Deo qui pendet in ligno*. Christus non potuit à Deo maledictus, ergo non fuit crucifixus; quia utique Christus fuit semper benedictus à Patre, sed factus est maledictus non in se, sed quia pro maledictis penam sustinuit. Demum Centurio, & qui cum eo erant, viso terræmotu exclamaverunt, Matth. 26. *Verè filius Dei erat iste*; si verè filius Dei, ergo Christus erat.

VI. AGELANES secta Arianus, missus à Leovigildo Rege Legatus ad Chilpericum, in viâ Sanctum Gregorium Turonensem ad disputandum provocavit, à quo confuditur. Hujus disputationis seriem refert Baronius anno 583. sed Deo dante, cum in Hispaniam reversus fuisset, infirmitate percussus ad veteris Religionis gremium iterum rediit, extra quod

Dicebat fuisse iniquam Episcoporum sententiam illam, qua Filius æqualis Patri asserbatur. R. nam si iniqua esset hæc sententia, etiam iniqua essent illa Christi verba, quæ leguntur Jo. 10. *Ego & Pater unum sumus*; sed hoc asserere iniquum est: ergo est æqualis Patri. Antecedens constat tum ex allato textu, tum ex hoc Jo. 17. vers. 11. *Pater. Sancte serva eos in nomine tuo, quos dedisti mihi, ut sint unum sicut & nos*, tum ex illo Jo. cap. 14. vers. 19. *Qui videt me, videt & Patrem meum*. Tum quia sententia in qua Filius declaratur æqualis Patri, promulgata est à Concilio Nicæno, in quo fuerunt Sanctissimi Viri: ergo non potest esse nisi Sanctissima. Dicunt Hæretici, ex allatis textibus evinci quidem, Filium esse unum cum Patre in concordia voluntatum, non autem evinci esse unum in natura cum Patre: quod probant ex eo quod legitur *Filium facere voluntatem Patris*, ex quo arguunt: si Filius esset unus in natura

tura cum Patre, diceret se facere voluntatem suam, non voluntatem Patris: sed nihil valet hic ratiocinandi modus hæreticorum, quodammodo constat, quod ubi Christus dixit *se facere voluntatem Patris*, loquebatur de voluntate humana, secundum quam obtemperabat Divinæ; sed de his fusiùs verbo *Arius*: Præter ea, quæ jam dicta sunt contra Acacianos, & Aerianos.

IV. AGELIUS, secta Novatianus, sedit in Episcopatu Constantinopolitano ad annos sexaginta: gravi utique illius Ecclesiæ detrimento, quo tanto tempore Patriarcham hæreticum sustinuit, corrente seculo quarto. Ex Baron.

IV. AGIOMACHI. Impugnatores cultus Sanctorum, dicti fuerunt Agiomachi, quos reprobavit S. Epiphanius, ubi agit de vita Sanctorum Prophetarum. R. verbo *Beza*.

IV. AGNENSES, circa finem seculi sexti, renovarunt errorem Adamitarum, quoad reprobandum matrimonium; verbo *Adamitæ* satis convicti. Quoad abstinentiam à cibis conveniebant cum Abstinentibus. Vide verbo *Abstinentes*. Habebant insuper alios errores desumptos à Tatianitis, Encraticis, & Manichæis, quorum falsa dogmata sequebantur.

VIII. AGIONICHI. fuerunt hæretici octavi seculi. Hoc nomen est privativum, & exprimit repugnantiam, quam habebant dicti hæretici, ad inclinationes, & genuflexiones faciendas, quare semper stantes, nunquam verò genuflexi orabant. R. ex D. Paulo ad Rom. 4. vers. 21. ad Ephes. 3. vers. 14. ad Philip. 2. vers. 10. R. etiam exemplo Christi, qui orans in horto, prociudit in faciem suam. Tum quia nullibi legitur, quod stantes orare debeamus: licet etiam stando bonum sit orare, imò & sedendo, cum genuflectere non possumus; ceterum si in signum submissionis ante Reges, cum illos supplices alloquimur, genuflectimus; hoc obsequium à fortiori præstandum est, cum Deum alloquimur, qui est Rex Regum, & Dominus Dominan-

tium. Agit de Agionichit. S. Jo: Damascen.

IV. AGNOETÆ sunt in duplici genere, nec confundendi, sicut facit Baronius, diverso enim tempore, sub diverso Duce, diversus professi sunt errores. Primi, de quibus hic agimus, Teophronii Capadocis sequebantur placita, qui Teophronius Eunomio se comitem adjunxerat. Isti Agnoetæ insurrexerunt circa annum 370. sub Imperio Valentis, & Pontificatu Damasi. Ab Eunomianis, Teophronii novam doctrinam indignè ferentibus, fuit Teophronius expulsus, ex quo nomine, sectæ se Caput constituit, cujus sectatores, etiam *Eunomiphronites* dicti fuerunt, quia partim Eunomii, partim Teophronii sequebantur errores; inter quos Teophronius multiplicem in Deo scientiam asserbat, mutationi obnoxiam: at quomodo poterit mutationi subesse scientia necessariò infinita, qua Deus expressè esse nullatenus potest?

Dicebant Baptismum conferri debere in solo nomine Jesu Christi, non in nomine Trinitatis, scilicet excluso nomine Patris, & Spiritus Sancti. R. ex Evang. in quo formam baptismi expressè Christus tradidit Apostolis: *Euntes docete; baptizantes in nomine Patris, & Filii, & Spiritus Sancti*, & ubi habetur expressa forma Sacramenti tradita à Christo, debet inviolatus litteræ tenor observari, cum nemo, præter Christum, auctoritatem habeat instituendi Sacramenta; & licet Apostoli initio Ecclesiæ baptizaverint in nomine Christi, ut Christi nomen magis innotesceret; mentionem tamen expressam faciebant Sanctissimæ Trinitatis de quâ Concil. Florentin. & Tridentin. statuerunt in Baptismo fieri debere expressam mentionem.

2. Dicebant Deum non habere scientiam essentialem, & immutabilem, sed per reminisceniam præterita scire, & conjecturaliter futura. Repr. Deus scientiarum Dominus, non indiget nec memoriæ, nec conjecturarum adminiculo ad habendam scientiam rerum, cui omnia, tam præterita, quàm futura, semper

per præsentia sunt. Tum quia memoria, in sensu in quo loquuntur hæretici, est potentia materialis, quæ non potest reperiri in Deo, & est obnoxia errori, qui in Deo esse non potest; scire autem res præteritas adminiculo memoriæ, arguit imperfectiorem, sicut etiam scire futura conjecturaliter. Tum quia scientia conjecturalis subiectiva, de qua agitur in præsentia, non est scientia certa, infallibilis: ergo scientia certa, & infallibilis qualis est scientia Dei non potest esse conjecturalis. Arguunt hæretici Deum per memoriam scire præterita, & conjecturaliter futura, quia simili loquendi modo utitur Deus in Scripturis. R. quia hoc Deus facit, ut se conformet imbecillitati nostræ, & captui nostro, ut erudiri possimus per Scripturas, quas pluribus in locis non intelligeremus, si extra nostrum concipiendi modum exprimerent mirabilia Dei. De his agit Nices. lib. 12.

VI. AGNOETÆ alii, prodierunt à Themistio Diacono Alexandrino, circa medium sæculi sexti, unde etiam Themistiani dicti sunt: Agnoetarum errorem confutavit Eulogius Patriarcha Alexandrinus. Dicti sunt Agnoetæ ad exprimendam eorum ignorantiam, quam satis ostendebant, dum Christum plura ignorare blaterabant.

Dixerunt Christum degentem in terris, non habuisse scientiam infusam, sed solum cognitionem eorum, quam habent ceteri homines, & præcipue ignorasse diem Judicii. Repr. ad Coloss. 2. legimus, quod in Christo sunt omnes thesauri sapientiæ, & scientiæ Dei. Insuper ex sacris paginis constat, quod Christus sciebat internas hominum cogitationes, sic Matth. 27. ver. 14. dixit Petro: *Antequam gallus cantet, ter me negabis.* Tum quia cum in Christo sit communicatio idiomatum, scientiam habere debuit Divinam ex instanti suæ conceptionis, quam mirati sunt ipsi Judæi Jo: 7. *Quomodo hic litteras scit, cum non didicerit?* Necessaria insuper erat in Christo supereminens cognitio, ad ministerium suum adimplendum. Quod autem

habueris cognitionem de die Judicii, probatur, quia habuit scientiam Divinam; veritatem hanc ipse perhibuit dicens Jo: 7. *Mea doctrina non est mea, sed ejus qui misit me.* Nec valet obijcere Christum sæpe interrogasse, ut veniret in cognitionem rerum. Sic Jo: 12. legitur: *Simon diligis me?* Has enim interrogationes fecit Christus, non quod ipsi deesset cognitio, sed ut accenderet in Petro amorem, vel ut excitaret interrogatos ad vivam fidem, vel ut discipulos humano modo instrueret, & eorum captui se accommodaret; ex quibus si aliquid evinceretur, dicendum esset, etiam Deum habere cognitionem finitam, cum etiam dixerit: *Adam ubi es?* & ad Cain: *Ubi es Abel frater tuus?* Hoc enim modo locutus est Deus, non ut interrogaret, quasi nescius, sed ut ad confusionem peccatorum suorum excitaret Adam, & Cain: ad illud quod legitur Matth. 24. *De die illa nemo scit, nisi solus Pater,* & Marci 13. *De die illo nemo scit, neque Filius, nisi Pater.* Hoc modo se expressit Christus, non quod ignoraret diem Judicii, sed quia dignis de causis noluit revelare Apostolis, quorum non erat nosse tempora, quæ Pater posuit in sua potestate. Ideo ne ulterius interrogarent Apostoli de die illa, dixit Christus, quod *De die illa nemo scit*, id est, nullus purus homo, neque Angelus, imò neque Christus ipse præcisè ratione humanitatis, scit determinatum diem à Deo, pro extrema discussione constitutum.

IV. ACONISTICI. Vide *Circumcessiones.*

III. AGRIPPINUS Episcopus Carthaginensis circa annum 214. Carthaginense Concilium habuit, in quo decrevit rebaptizandos hæreticos, qui veram religionem amplexabantur. De Agrippino agit S. Cyprianus ep. 71. & 72.

1. Dixit rebaptizandos jam baptizatos ab hæreticis, si ad Ecclesiam accessissent. R. quia in Sacramento Baptismi Minister est causa secundaria, & Christus causa primaria, qui baptizat interior; idè in Sacramento, non attenditur probitas Ministri, ut suum fortitatur effectum; ergo dummodò Minister secund-

secundum ritum Ecclesie, & cum debita intentione, etiam si sit hæreticus, bene baptizat, sicut Sacerdos legitime ordinatus, bene consecrat; & sicut hæresis non tollit potestatem collatam Sacerdoti, ita neque debet invalidare Baptismum ab hæretico collatum. De non reiterando Baptismo collato ab hæretico, definivit Concilium Nicænum primum, Arelatense primum, Florentinum, & alia. Tum quia Ecclesia constituitur unum Baptisma. Tum quia reiterare Baptismum est contra finem institutionis Baptismi, qui confertur ad delendam culpam originalem; ergo hac semel deleta, non potest reiterari. Tum quia Baptismus est regeneratio spiritualis, & sicut semel nascimur, sic semel tantum possumus regenerari per Baptismum.

2. Docuit etiam reiterandam Confirmationem, & in hac sententia fuerunt, quotquot sustinuerunt reiterationem Baptismi. R. ex Concilio Florentino in Decreto unionis, & Tridentin. sess. 7. de Sacram. Can. 9. Tum quia eadem est ratio de Confirmatione, ac de Baptismo, quia Confirmatio imprimit charactere in æque ac Baptismus, ut omnes Sancti Patres consentiunt; unde Apostolus ad Hebræos 6. vers. 1. & 2. tam Baptismum, quam Confirmationem, non esse reiterandam innuit. Tum quia ex fine institutionis huius Sacramenti, etiam constat non esse reiterandam Confirmationem, per quam homo specialiter armatur ad resistendum contra persecutores, & tentationes in materia Fidei.

IV. AIRANI. Fuit eorum Dux Airas circa annum 370. mentionem facit de his hæreticis Prateolus, quorum error fuit sequens.

1. Negavit Airas consubstantialitatem Spiritus Sancti. R. ex epist. 1. Jo: cap. 5. *Tres sunt qui testimonium dant in calo: Pater, Verbum, & Spiritus Sanctus: & hi tres unum sunt*; Non unum in unitate Personæ: ergo in unitate substantiæ. R. etiam ex omnibus locis Scripturæ, ex quibus Spiritus Sancti Divinitas comprobatur, cuiusmodi sunt, prima ad Cor. 6. vers. 19. prima Petri cap. 1. vers. 12. Jo: 14.

& 15. ubi manifestè habetur Spiritum à Patre procedere. Tum quia Spiritui Sancto conveniunt proprietates, & operationes Divinitatis, ut esse immensum, de cuius immensitate legitur Sap. 1. *Spiritus Domini replevit orbem terrarum*; esse omniscium, de cuius omni scientia legitur Jo: 14. *Spiritus Sanctus docebit vos omnia*; esse Creatorem, esse summè bonum &c. Divinitas Spiritus Sancti asseritur in Concil. Constantinopol. generali secundo. In Romano sub Damaso Papa. Nec valet dicere Filium quia genitus, utique esse consubstantialem Patri, non autem Spiritum Sanctum, utpotè non genitum, sed spiritum; quia licet non sit genitus, est tamen ab una voluntate, à Patre, & Filio mutuo amore spiratus: ex quo evineitur esse consubstantialem Patri, & Filio; sicut Filius, quia est ab intellectu procedens, est consubstantialis Patri. Hoc secundum admittunt hæretici, ergo & primum.

XVI. ALASCANI. Habuerunt Parentem Joannem Alasco Polonum, qui factus ex Episcopo Lutheranus, & Sacramentarius Zuinglianus, anno 1549. potissimum hos duos errores docuit.

1. Dixit hæc verba consecrationis *Hoc est Corpus meum* sic esse interpretanda: Hoc, idest non panis, sed universa hæc cænx actio, est corpus meum. R. quia Christus quando dixit Discipulis *Accipite, & comedite, hoc est Corpus meum*, non dedit ipsi ad manducandum universam cænx actionem, sed panem transubstantiatum, quem habebat præ manibus, & consecravat post cænam, sicut innuit Evangelista dicens: *Postquam cenavit &c.* ergo ista verba *Hoc est Corpus meum* nullatenus intelligi possunt de universa cænx actione, ut vult Alasco, quandoquidem dicta fuerunt post cænx actionem.

2. Dixit Baptismum esse idololatriam. R. quia Baptismus est à Christo institutus, est spiritualis regeneratio, est figura mortis Christi; institutus est pro salute hominum: per Baptismum regeneramur filii dilectionis; in Baptismo infunditur Fides, Spes, Charitas; Sanctificat Animam: ergo non potest esse idololatria. Tum

Tum quia Christus, qui Baptismum instituit, erat impeccabilis; ergo Baptismus non est idololatia. Agit de Jor Alasco Spond. anno 1540.

XIV. ALBATI. Genus videtur fuisse aliquorum Flagellantium Albatorum secta, quæ fertur initium habuisse ab aliquibus seductoribus, de partibus Scotiæ, qui ficta sanctimonia, atque fictis miraculis, unum ipsorum etiam fixerunt fuisse Eliam Prophetam, qui mundum brevi perituum annunciabat; Ex sacco albo, quo erant induti, dicti sunt Albati, & apparuerunt in Italia anno 1399. habebant tanquam Dei inimicos, quotquot vestes albas, suis consimiles, deferre renuissent. Tandem cum eorum Pseudo-propheta fuisset captus, & fraudem detexisset, eodem combusto, in fumum evanuit Albatorum infamia. Ex Spondan.

VIII. ALBANENSES. Debaechari cœperunt tempore Constantini VII. Imperatoris, & Leonis III. Summi Pontificis, scilicet circa annum 796. vulgò dicebantur sceleratissimi, ob enormes blasphemias, quas eructabant. Dicti sunt Albanenses à Regione, in qua disseminare cœperunt sua impia dogmata; Nomina eorum, qui huic impiissimæ hæresi initium dederunt, non innotescunt. Censentur tamen fuisse de secta Arianos, qui impietatibus Arii, novas addiderunt blasphemias, quas refert Gaultierius Sec. 8.

1. Dixerunt res malas à Deo non præsciri, nisi ope Dæmonis. R. ex sacris paginis, ubi Deum apertè cognoscere humanam malitiam legimus. Sic ex Gen. constat, quod Deus novit peccatum Adæ, Cain, Niniuitarum etiam scelera novit, quandoquidem misit ad eos Jonam prædicare poenitentiam. Tum quia est proprietas à Divinitate inseparabilis omnia scire; nec est qui Deum honoret, qui etiam omniscium non veneretur, tamquam illum, qui juxta vias nostras, sive bonas, sive malas judicabit, quoniam omnia nuda sunt, & aperta oculis ejus; sed si ope Dæmonis sciret malum, ergo quando Dæmon hoc revelare non vellet, Deus non posset justitiam exercere. Sed quæro ab Albanensibus, si ope Dæmonis, Deus

malum cognoscit, à quo ipsius Dæmonis malum cognovit, quem tradidit æternis cruciatibus. Deum habere cognitionem, & præscientiam rerum omnium, definitum est in Concilio Constantiensi contra Vviclefistas. Nec valet dicere, quod si Deus ex se cognosceret, & præsciret malum, impediret peccatum: Sinit enim causas secundas agere motus suos, licet si vellet, utique posset impedire omnia peccata, quæ tamen non impedit, quia reliquit hominem in manu consilii sui, ut ad quodcumque voluerit, sive ad bonum, sive ad malum, extendat manum suam.

2. Dixerunt duo esse rerum prima principia, unum bonum, aliud malum. R. verbo *Manes*.

3. Dixerunt Mundum semper fuisse, & esse in æternum permanens. R. verbo *Hermogenes*.

4. Dixerunt non futuram resurrectionem. R. verbo *Basilidiani*.

5. Dixerunt hominem esse Stellis, & fato subiectum, proinde non esse liberi arbitrii. Quoad primum R. verbo *Cæcus*, quoad secundum R. verbo *Bardezanus*.

6. Dixerunt nullum esse creatum à Deo Infernum, pro punitione peccatorum. R. ex Psal. 34. vers. 16. ex Job cap. 41. vers. 17. ex epist. Divi Petri secunda, cap. 2. vers. 4. & 5. *Deus Angelis peccantibus non preperit, sed rudentibus inferni detractos in tartarum tradidit cruciandos*. Demum ex illis verbis: *Disce dicit de me maledicti in ignem æternum*. Constat dari Infernum pro punitione peccatorum. Et certè si Deus præparavit Justis gloriam æternam, videtur consonum Divinæ Justitiæ, ut etiam præparaverit Reprobis poenam æternam: timor ipse, quo corripitur homo, statim ac est lethali peccato gravatus, insinuat hanc veritatem, dari scilicet poenam æternam, cui destinati sunt peccatores, quod exigit etiam inviolabilis Divina Justitia. Necessè insuper est dari Infernum ad coercendos homines à malo, qui faciliùs retrahuntur à malo timore poenæ, quàm spe præmii.

7. Dixerunt non alia subeunda esse in Inferno supplicia, nisi illa tormenta, quibus

quibus hic homo subjacet. R. ex Sacra Scriptura aperte indicante, in Inferno futurum esse ignem, & ignem æternum, quæ loca nullam patiuntur contrariam interpretationem; utique in Inferno peccator patietur etiam tormenta, quibus hic subjacet, quia Infernus est tormentorum omnium cumulus; sed præter hæc tormenta, ibi erit sletus, & stridor dentium, aspectus Dæmoniorum, continua desperatio, nulla spes evasione, quia tormenta erunt æterna, & in Inferno nulla est redemptio, cui tormento hic homo non subjacet; quoniam quantumcumque cruciatus, semper sperat aliquo modo posse cruciatus evadere; sed talis spes non erit in Inferno: scit enim damnatus, Infernum esse æternum; ergo falsum est in solis suppliciis, quibus hic homo subjacet, consistere pœnas Inferni.

8. Dixerunt illicitum esse juramentum etiam pro asserenda veritate; & instante alicujus Superioris auctoritate, quæ juramentum exigeret, non esse obediendum. R. verbo *Cathari*.

9. Dixerunt usuram, non esse à Deo prohibitam. R. Exodi cap. 22. Deuteronom. cap. 23. vers. 19. quæ loca aded manifestè usuram prohibent, ut nulli esse possit ignorantie locus, neque ipsis Judæis, non modò Christianis; quibus etiam constat ex novo Testamento, usuram esse prohibitam: sic Lucæ vers. 13. *Peccatores perccatoribus faveantur, ut recipiant aqualia, verumtamen benefacite, & mutuum date, nihil inde sperantes.* Et certè qui mutuo petit pecuniam, indigenus est; ab indigente autem injustum est aliquid petere; mutuum dare est benefacere, beneficium debet gratis fieri, idèò Christus præcipit: *Mutuum date, nihil inde sperantes*; ipse enim est, qui eorum qui mutuo dant, vult esse merces: & quodammodò sibi specialiter reservavit mutui beneficium reddere; quod autem legitur Deuteronom. cap. 23. vers. 19. *Non faveaberis fratri tuo ad usuram, sed alienis*, non vincit usuram esse licitam, sed solam propter duritiam, & avaritiam summam Judæorum, Deus permisit ut favearentur alieno, non autem fratri.

Non esse licitam usuram, declaratum est in Concilio Viennensi sub Clemente V.

10. Afferbant generale Judicium, jam esse factum, & idèò negabant carnis resurrectionem. R. ex Scriptura, quæ Matth. 21. vers. 32. asserit, quod in Judicio universali congregabuntur ante eum (idèst Christum) omnes gentes, sed hætenus omnes gentes non sunt congregatæ, ergo Judicium universale nondum est factum. Insuper ad Cor. 2. cap. 5. *Omnes nos manifestari oportet ante Tribunal Christi*, sed nos qui vivimus nondum manifestati sumus, ergo &c. Tum quia dies Judicii hætenus ignoratur ab omnibus, sed si jam fuisset, ampliùs non ignoraretur. Tum quia si jam esset factum Judicium, omnes qui non adfuerunt remanerent in judicati, & sic bona opera iustorum non reciperent ampliùs præmium, nec mala pœnam. Resurrectionem autem de facto futuram, probatur verbo *Basilidiani*. Vide verbo *Aerarius*.

11. Negabant Purgatorium, & orationes pro Defunctis. R. quoad orationes pro Defunctis verbo *Actiani*. Quoad existentiam Purgatorii, quam negant. R. Auctoritate Philosophorum, qui vel ipso naturæ lumine, vel ex traditione majorem, agnoverunt nullum peccatum, posse inultum remanere. Vide Trismegistum in Aselepio cap. 10. Platonem in Phædone, in Gorgia; item Plutarcum in Commentario inscripto *de Orbe Luna*; Demum celebrioris Pœtas, qui omnes pro delictorum gravitate, pœnas Defunctis præparatas, uno ore confessi sunt; quod in ænuasse sufficiat: non enim prætendimus dogmata fidei, Philosophorum, vel Pœtarum dictis comprobare. Probatur ex Sac. Scriptura lib. 2. Machabæorum c. 12. vers. 43. ad quid enim præcepisset Machabæus pro fratribus offerri sacrificia, si eosdem esse in statu pœnæ, à qua post se medio sacrificio liberari, non credidisset. Item primo Regum 2. *Dominus mortificat, & vivificat, deducit ad inferos, & reducit.* Constat hic nomine Inferi intelligendum esse Purgatorium; ab Inferno enim Damnatorum, in quo nulla est redemptio, Deus neminem reducit.

Huc

Huc spectat, quod legitur Psalm.49. *Peccatum tamen Deus redimet animam meam de manu inferi, cum acceperit me.* Demum Matth.12. constat esse aliquod peccatum, quod neque in hoc seculo remittitur, neque in futuro; sed utique in futuro seculo, non remittitur peccatum Damnatis, qui in æternum cruciabuntur: ergo remittitur Animabus, quæ non sunt destinatæ ad pœnam æternam, sed temporalem, scilicet ad Purgatorium: & certè si nullum remitteretur peccatum in futuro seculo, satis fuisset Christum dixisse, quod aliqua sunt peccata, quæ numquam remittuntur, & illa additio *in futuro* esset superflua; quoniam secundum Adversariorum sensum, esset de re impossibili; neque talis remissio debet intelligi solum quoad culpam, non verò quoad pœnam, ut volunt aliqui ex Adversariis, quia remissio quoad culpam non fit in futuro seculo, cæterum etiam Damnati possent sperare salutem; & solum venialia quoad culpam, remittuntur in futuro seculo. Demum ad negandum Purgatorium, non valet dicere, Christum satisfacisse pro omni culpa; satisfecit enim quoad pœnam æternam, non verò voluit satisfacere quoad temporalem. Dari Purgatorium definivit Concilium Florentinum, & Tridentinum sess.25.

12. Dixerunt Ecclesiam non habere potestatem excommunicandi, neque posse facere Constitutiones obligantes in conscientia, nec posse ulcisci sceleratos. Repr. ex Can.12. Apostolorum, ubi aperte legitur Ecclesiam habere hanc potestatem; quod colligitur etiam ex Conc. Cartag. 14. cap.13. & ex Bracaren. primo cap.13. Eadem veritas similiter colligitur ex sacris paginis, Matth.18. Apostoli usi sunt etiam hac potestate, maxime SS. Petrus, & Paulus, sicut legitur prima ad Cor. cap.5. & prima ad Thimot. cap.1. vers.19. Insuper ab initio Ecclesiæ, constat Ecclesiam in urgentibus necessitatibus hunc gladium exeruisse contra pertinaces. Privat excommunicatio excommunicatum omni participatione bonorum Ecclesiæ, idè licet per se non sit peccatum, est tamen valde timenda à peccato-

re, qui cum ampliùs non habeat subsidium orationum Ecclesiæ, certè quòd sine tali subsidio, semper in dies majori patet ruinæ: Respicit autem Ecclesia, in excommunicatione ferenda, fidelium utilitatem, nempe, ut qui fideles persistunt, aliorum exemplo timeant, qui verò excommunicantur, perterriti coercantur, & revertantur ad gremium Matris Ecclesiæ. Ex quo patet Ecclesiam, non esse matrem crudelem, sed piam matrem, tunc etiam cùm utitur gladio excommunicationis necessario ad coercendos pertinaces; Cum enim Ecclesia judicet causas spirituales, debet etiam habere pœnas spirituales infligendas iis, qui delinquant, sicut fidelibus confert bona spiritualia. Vide verbo *Huffia*.

13. Vetus Testamentum tanquam à malo principio factum respuebant. R. & quidem notandum plures hæreticos, circa Scripturam Sacram plura sentire; alii enim unum librum, alii alium respuunt; alii totum vetus Testamentum, alii novum, alii utrumque. Porro Scripturarum Canonicarum Catalogus continetur expressè in Conc. Trident. sess.4. in decreto de Canonicis Scripturis. Præter libros quos hic tanquam Canonicos proponit Sacra Synodus, nullus alius liber pro Canonico est recipiendus. Verùm omnes libri in allegata Synodo recepti, admittendi sunt ab omnibus Christianis tanquam Canonici, quoniam utpotè Canonicos universa recepit Ecclesia, etiam in aliis Synodis congregata, ut patet in Laodicæno anno 318. Carthaginensi 3. anno 397. & in pluribus aliis. Tum quia Deus ipse testatur se locutum fuisse per os Prophetarum, & Apostolorum, unde D. Petrus epist. 2. cap. 1. vers. 21. ait: *Non enim voluntate humana allata est aliquando Prophetia, sed inspirati Spiritu Sancto, locuti sunt sancti Dei homines.* Tum quia omnibus libris, quos ut Canonicos recepit Ecclesia, usi sunt identidem Sancti Patres in scriptis, & sermonibus suis, ad Fidei dogmata confirmanda; quibus rationibus sufficienter evincitur recipiendos esse libros, quos tanquam Canonicos approbavit Ecclesia.

clesia. Nec valet dicere, quod aliquando dubitatum est à Patribus in Concilio congregatis, an aliqui ex libris, qui nunc habentur tanquam Canonici, de facto essent Canonici; Nam in præfatis Conciliis, Ecclesia universalis approbavit legitimas traditiones, quæ in particularibus Ecclesiis conservabantur, idque factum iudicio Romani Pontificis, assistente Spiritu Sancto; & certè si tot Sancti Patres, & Doctores, qui interfuerunt Conciliis, receperunt libros recensitos à Conc. Trident. loco citato, ut Canonici: quid sibi hæretici securius revelatum iactant, quod tot præterierit Sanctos, effugerit Sapientes. Certè temeritas est non acquiescere, sensui cordati Viri, & docti; quanto maior audacia erit, non acquiescere, sensui Ecclesiæ. Dices, si libri quos recenset Concilium Tridentinum sunt omnes Canonici; ergo debemus omnia facere, quæ in illis continentur, sed hoc non facimus: non enim Ecclesia utitur Circumcisione, & similibus, quæ præcipiuntur in veteri Testamento; ergo non omnes libri recensiti à Con. Trident. sunt Canonici. Respondeo, Canonicum librum illum esse, quem Ecclesia declarat dictatum esse à Spiritu Sancto; Attamen in his libris non omnia sunt præcepta, sed aliqua sunt consilia. Insuper plura, quæ erant præcepta, non ampliùs esse sub præcepto, eadem Scriptura declarat; ideò non ampliùs observari debent: huiusmodi sunt Circumcisio, & plura alia præcepta legalia, quæ erant significativa, nunc autem adimpletum est, quod significabant; sicut à pari in veteri Testamento promittitur Messias; nunc autem, quod per novum Testamentum scimus Messiam venisse, non ampliùs credimus in Messiam venturum, sed in Messiam qui jam venit. Ex hæcenus dictis, non modò constat libros omnes ab Ecclesiâ receptos esse Canonicos, sed etiam vetus Testamentum non esse à malo principio factum, *Quoniam inspirati Spiritu Sancto, locuti sunt sancti Dei homines.* Tum quia in veteri Testamento reprobantur

plura, imò omnia peccata; ergo vetus Testamentum non potest esse à malo principio factum, quod potius induceret ad peccatum.

14. Dixerunt Baptismum nullam habere virtutem, nullumque conferre beneficium hominibus. R. tum ex eo, quod dictum est contra Alaianos, tum ex illo Jo. 3. vers. 3. *Nisi quis renatus fuerit ex aqua, & Spiritu Sancto, non potest introire in Regnum Dei* ad Titum cap. 3. vers. 3. *Salvos non fecit per lavacrum regenerationis.* Tum quia Baptismus successit Circumcisioni ad delendam originale culpam; ergo Baptismus summam habet virtutem, & confert hominibus maximum beneficium, sicut declarant plura Concilia, inter quæ Florentinum sub Eugenio IV. Demum cum Baptismus sit janua Sacramentorum, hoc initiati fuerunt ipsi Apostoli, ut testantur plures Doctores, inter quos S. Augustinus ep. 108. Eisd. quod Baptismus non potuerit conferre ipsi primarium effectum, qui est delere culpam originale, quæ jam in ipsis deleta erat per Circumcisionem; attamen ut essent capaces aliorum Sacramentorum, ut observarent præceptum Christi, & docerent exemplo Legem, quam prædicabant, baptizati sunt. Quod si aliqui Doctores dicant Apostolos non baptizatos, intelligendi sunt, quod non acceperint Baptismum pro delenda culpa originali, sed ob acquirendam gratiam majorem, & ob alios fines supra infinuatos; quod autem legitur: *Qui credideris, & baptizatus fueris*, non evincit Baptismum esse inutilem parvulis, ut volunt hæretici, dicentes non posse credere, ideò non debere baptizari; nam ibi Christus loquebatur de adultis, non de parvulis, quos tamen etiam baptizandos constat, quandoquidem dixit: *Ite baptizantes omnes gentes*, sed ly omnes comprehendit etiam parvulos; ergo utilis est Baptismus collatus parvulis, non minùs, quàm adultis: cæterùm superfluum fuisset præcipere quod baptizarentur omnes, si nullum indè recepturi erant beneficium, in puerill ætate degentes.

15. Con-

15. Confessionem auricularem reprobarunt, dicentes hominem liberè non peccare, ideò non teneri ad confessionem. R. quia falsum est eorum fundamentum; & quidem hominem peccare liberè, præter ea, quæ dicuntur contra *Valentinianos*, satis constat ex eo, quod sæpè legitur in Scriptura, Deum per Prophetas sic arguere Peccatores: *Quia fecisti malum hoc*. Ex quo infertur hominem esse causam effectivam peccatorum, quandoquidem peccatum homini imputatur; sic legitur 1. Regum 13. *Transiit Deus peccatum tuum*; quomodo autem diceretur *tuum*, si homo liberè non peccaret; quomodo posset imputari ad culpam, & condemnari ad poenam? sed si liberè non peccaret, neque liberè bona faceret; ergo omnia operaretur ex necessitate, vel ex instinctu naturæ, & sic homo jam non differret ab equo, & mulo, quibus non est intellectus. Supposito ergo, quod liberè peccet homo, ut probabitur verbo citato, sequitur teneri ad confessionem, si vult absolvi, cum hoc sit unicum medium à Deo constitutum. Et certè, si non esset necessaria confessio, frustra Apostoli accepissent à Deo potestatem dimittendi, nec dixisset Christus ad illos: *Quorum remiseritis peccata, remittantur eis*. Sed ut fiat remissio peccati à Iudice, debet Iudex scire peccatum, ceterum ageret imprudenti, & cæco modo; ergo si Pœnitens vult sibi remitti peccatum, debet patefacere, & confiteri peccatum suum Sacerdoti, qui in hac causa specialiter à Deo Iudex est designatus. Tum quia si non teneretur confiteri peccata, qui peccat: vel hoc esset quia liberè non peccat: vel quia non teneretur reddere rationem Deo de suis actibus; sed nullum ex his subsistit; ergo tenetur confiteri; quod si renuit, jam majori culpæ est obnoxius. Sicut quando Princeps Indulgentiam aliquod promulgavit, qui Reus est, & Indulto se non accomodat, agendo quæ præcipiuntur, gravius culpæ reus censetur.

16. Dixerunt Extremam unctionem

non esse Sacramentum. Repr. verbo *Heractira*.

17. Dixerunt Christum ex Beata Virgine carnem non assumpsisse, sed attulisse de cælo: nec verum hominem fuisse, sed solum apparenter edisse, ambulasse, passum esse &c. R. ex Scriptura, quæ expressè asserit Christum conceptum esse à Virgine, & in ejus utero hominem factum, ex eadem natum. Christus vocatur filius hominis, juxta illud: *Quem dicunt homines esse filium hominis?* Nec verè filius hominis diceretur, qui originem non haberet ex homine; ergo nascituro cum humanis membris Dei filio, carnis suæ materiam Virgo ministravit: neque ejus caro à carne Virginis Matris potest pronuntiari extranea; ergo falsum est Christum attulisse carnem de cælo. Sed de hac materia iterum agetur contra Eutychen, qui primus somniavit Christum attulisse carnem de cælo; Si ergo Christus verè, & realiter est homo, ut evincunt rationes mox adductæ, & verbo citato adducendæ; sequitur, quod verè, ac realiter manducaverit, ambulaverit, & passus sit: Unde Isaias cap. 53. *Verè languores nostros ipse tulit, & dolores nostros ipse portavit*. Verè ait, ut confundantur Albanenses, qui Christum solum apparenter passum, asserere ausi sunt. Sic perhibet Concilium Nicænum, Christum verè passum: *Cruifixus etiam pro nobis sub Pontio Pilato, passus, & sepultus est*. Tum quia si Christus solum apparenter esset passus; ergo solum apparenter esset Redemptor humani generis.

18. Dixerunt Deum non creare novas animas sed mortuo uno homine, eandem animam ad aliud corpus transficere. R. verbo *Abigenes*.

19. Dixerunt nullum esse peccatum originis. R. verbo *Pelagius*.

20. Dixerunt Sanctissimum Altaris Sacramentum nihil esse. R. Luc. 22. ubi legitur, quod Christus quando communicavit Apostolos, sic dixit: *Accipite, & manducate, hoc est corpus meum, quod pro vobis tradetur*. Et paulò post: *Hæc*

Hac quotiescumque feceritis, in mei memoriam facietis. Ex quo patet in Eucharistia esse verum corpus Christi; quod si, ut volunt Albanenses, *nihil esset*, ad quid præcepisset Christus Apostolis, ut in sui memoriam Eucharistiam conficerent; utique aliquid esse debet, quod præcepit Christus, ut in sui memoriam conficeretur. Insuper, illud quod dat vitam debet esse aliquid, huiusmodi est Sacramentum Altaris, de quo legimus: *Nisi manducaveritis carnem filii hominis, & biberitis ejus sanguinem, non habebitis vitam in vobis.* Et alibi: *Caro mea verè est cibus, & sanguis meus verè est potus.* Demum si Sacramentum Altaris nihil esset, non incurreret Dei indignationem, qui illud indignè manducaret; quam incurrere, testatur Apostolus: *Qui enim manducat, & bibit indignè, judicium sibi manducat;* ergo panis Eucharisticus, verè est Sacramentum.

21. Dixerunt malum esse matrimonium. Vide verbo *Adamita*.

22. Nullum improbum posse creari Episcopum asserabant. R. quia Christus præcipit nos obedire superioribus, etiam discipulis, ut asserit D. Paulus. Huc spectat quod legitur in Evangelio: *Super cathedram Moysis sederunt Scribae . . . facite quæ dicunt, non facite quæ faciunt.* Ex quibus textibus evincitur, etiam improbum posse creari Episcopum. Tum quia auctoritas, quam exercet Episcopus, non pendet ab ipsius probitate, vel improbitate; sed pendet à jurisdictione, quam tradit Ecclesia Episcopo, ut possit pastorale munus exercere. Tum quia Sacramenta, non ab homine, sed à Christo habent virtutem suam; ergo Sacramenta licet confecta ab improbo, suum fortiterunt effectum; ergo etiam improbus poterit ordinari Episcopus, quandoquidem quoad efficaciam Sacramentorum, quæ debet ministrare, tum quia multi, qui apparenter videntur probi, interius sunt improbi, & de interno non potest ferri judicium; ergo si nullus improbus posset creari Episcopus, se-

queretur quod Ecclesia neminem posset creare Episcopum, cum de nullius interna probitate, possit esse certa. Demum Apostolus erat Judas, licet impius, electus à Domino, & de illius Apostolatu non licet dubitare, dicente Domino: *Nonne ego vos duodecim elegi, & unus ex vobis Diabolus est?* Fuit ergo verus Apostolus, licet improbus; ergo potest improbus creari Episcopus.

XIV. ALBERTUS tempore Gregorii XI. anno 1372. erat Episcopus in Germania, in Urbe Albertadensi, & Priscilianistarum renovavit errores, omnia tribuens fato, ex quo inferebat.

1. Nihil valere meritum, vel demeritum. R. primò quoad meritum. Eccl. 16. *Omnis misericordia facit locum unicuique, secundum meritum operum suorum.* Item Apost. 2. ad Timoth. 4. ait: *Bonum certamen certavi, cursum consummavi, fidem servavi. In reliquo reposita est mihi corona justitiæ, quam reddet mihi Dominus in die illa justus Judex: non solum autem mihi, sed & iis, qui diligunt adventum ejus.* Idem Apostolus ad Hebræos 11. ait: *Credere oportet accedentem ad Deum, quia est, & inquirentibus se, remunerator sit.* Demum cum Christus ipse Matth. 2. Regnum cælorum, seu vitam æternam, vocet mercedem: *Gaudete, & exultate, quoniam merces vestra copiosa est in cælis.* R. quoad demeritum Deus passim in Scriptura appellatur justus Judex: at qui non esset justus Judex, si tantum mercedem benè operantibus retribueret, & condignis pœnis malè operantes non animadverteret; ergo &c.

2. Invocationem Sanctorum nullam esse. R. usus utilis ille est, ac proficit, quem Deus pluribus miraculis multoties confirmavit: quemadmodum enim Deus editis miraculis, non potest impium dogma confirmare, cum id repugnet summæ illius sapientiæ, summæ illius bonitati: ita nec praxim, quæ pia, ac utilis non sit; at qui Deus editis miraculis,

lis, multoties confirmavit usum de Sanctorum invocatione. Ad rem S. Augustinus lib. 22. de Civitate Dei cap. 8. plerima narrat miracula, quæ in Africa ad cultum, & invocationem Prothomartyris Stephani edita sunt, quæ (cum ipse Augustinus illorum Testis fuerit oculatus) revocari non possunt in dubium; ergo &c. Confirmatur. Ille usus est utilis, ac prodest, quem Ecclesia à primis seculis, ad hæc usque tempora ubique gentium servavit, commendavitque fidelibus; cum enim à Spiritu Sancto regatur Ecclesia, sicut errorem docere non potest; ita nec praxim inutilem commendare; atqui Ecclesia à primis seculis, ad hæc usque tempora, usum de invocatione Sanctorum, ubique gentium servavit, commendavitque fidelibus ergo &c.

3. Nullum dari liberum arbitrium, quoniam omnia fato subjecta esse asserbat. R. verbo *Bardezants*.

XII. ALBIGENSES. Renuit Christianus calamus adamussim rescribere, & pia auris audire, quæ in spretum rerum sacrarum, commiserunt Albigenes; qui pluribus renovatis Albanensium erroribus, & aliis de novo promulgatis blasphemis, in Comitatu Tholosano, circa annum Domini 1176. debacchari coeperunt; sed aliquoties repressa, non autem extincta horum insolentia, iterum ferventiùs pullulavit seculo 13. Contra quos utrumque gladium exerere, opus fuit, non modò promulgato anathemate, sed etiam repetitis vicibus contra ipsos collecto milite Cruce signato, scilicet anno 1210. Duce Christianorum exercitus Comite Montis fortis, & anno 1228. Ludovicus VIII. Galliarum Rex, iterum contra Albigenes bellum indixit, & plura sanguinolenta, commissa sunt prælia. Albigenium Principulus fuit quidam nomine *Olivierius*, Albæ natus, & ex ejus patria denominati sunt Albigenes. Inter Albigenes alii vocabantur perfecti, alii credentes: perfecti, de continentia observantia gloriabantur, lacticiuorum, & carnis usu sibi penitus interdicto. Credentes

verò omni genere perversorum morum contaminati, credebant in sola fide perfectorum debere, ac posse salvari. Primò damnati sunt Albigenes in Provinciali Concilio à Ghilberto Episcopo Lugdunensi anno 1176. deinde Concilium Lateranense anno 1179. Albigenibus anathema dixit. Nihilominus sub specie pietatis longè, latèque serpere non destitit Albigenium virus, contra quos Didacus in Hispania Episcopus Oxomensis, S. Dominicus, Arnaldus Cisterciensis Abbas, viriliter prædicatione sese opposuerunt; unà cum S. Petro à Castronovo, qui Martyr occubuit, ab Albigenibus in odium veræ Fidei interfectus. Ex Petro de Valle Cernaj in Hist. Albigen.

1. Dixerunt Deum creare animas, Diabolum autem omnia corpora. R. Genes. cap. 2. vers. 7. Tum quia creatio est opus solius Dei, quia solus Deus potest ex nihilo aliquid facere; ergo Dæmon non potest creare corpora. Tum quia in Evangelio Jo: cap. 1. *Omnia per ipsum facta sunt, (idest Deum) & sine ipso factum est nihil*. Tum quia in organizatione corporis admiratur omnipotentia Divina: Tum quia corpora justorum glorificabuntur; sed Deus non vult glorificare opera Dæmonis: Tum quia si Dæmon crearet corpora omnia, esset etiam Dominus omnium corporum; sed non est qui dicat Dæmonem esse Dominum corporum humanorum: Tandem si Dæmon crearet omnia corpora humana, à fortiori crearet alia corpora, & sic ipse esset Creator cæli, & terræ: sed *Cæli enarrant gloriam Dei, & opera manuum ejus annuntiant firmamentum*.

2. Defunctis nihil prodesse, quæ ipsis applicantur suffragia, asserabant. R. verbo *Aeriani nov*.

3. Eucharistiam à malis Presbyteris non consecrari affirmabant. R. quia auctoritas conficiendi Sacramenta non est gratia gratum faciens, sed gratis data; ergo non repugnat cum improbitate vitæ. Tum quia si à malis Presbyteris non consecraretur Eucharistia, sæpè accideret purum panem pro Sacramento adora-

adorari, cum plures inveniantur Presbyteri, qui consecrant in peccato lethali; sed credibile est in re tanti momenti, Deum noluisse exponere fideles tam frequenti periculo deceptionis. Tum quia Hæreticus, aut Paganus baptizans confert verum Sacramentum. Baptismi, si ritè operetur; ergo malus Presbyter consecrans conficiet verum Sacramentum, dummodò ritè operetur. Tum quia Ecclesia quando confert auctoritatem consecrandi ei, qui in Presbyterum ordinatur, monet ut dignè tractet tantum mysterium; sed superflua esset hæc admonitio, si malus Presbyter non consecraret; numquam enim posset indignè tractare mysterium, si hoc in peccato existens, non posset conficere. Vide verbo *Apostolici. Jacobus præpositi.*

4. Corpus Christi non aliter esse in Eucharistia, quàm in aliis rebus somniant. R. ex verbis Christi asserentis, quod in pane consecrato verè est Corpus suum: *Hoc est Corpus meum. Panis quem ego dabo caro mea est pro mundi vita. Qui manducat meam carnem, & bibit meum sanguinem habet vitam æternam*; at si corpus Christi non aliter esset in Eucharistia, quàm in qualibet alia re, falsa essent hujusmodi propositiones, sed hoc non, quia Christus nonnisi vera potuit loqui, quoniam est ipsa veritas; ergo &c. Tum quia Concilia definierunt corpus Christi esse realiter in Eucharistia. Tum quia si corpus Christi esset æqualiter in Eucharistia, quàm in aliis rebus, eisdem effectus deberet experiri, qui quemlibet fructum comederet, quàm qui panem Eucharisticum susceperet; sed ex digna summatione Eucharistiae experimur in nobis accendi desiderium vehemens perfectionis, augeri vires contra tentationes, & similia, quæ utique non experimur, dum alias res suscipimus. Tum quia corpus Christi in virtute verborum consecrationis, scimus esse infallibiliter in pane Eucharistico, sed non est assignabile in cuius rei virtute esse debeat in qualibet alia re; ergo &c. Demum per hunc dicendi modum, fortè intendunt Albigenes exprimere, quod corpus Christi nullatenus sit

in Eucharistia, & reprobati sunt verbo *Albigenes*.

5. Dixerunt inutile esse adire Ecclesiam ad orandum Deum. R. ex libro 2. Paralip. cap. 7. in quo Deus proficitur se facilius exaudire orantes in templo: *Elegi locum istum mihi in domum sacrificii. . . Oculi quoque mei erunt aperti, & aures mea erectæ ad orationem ejus, qui in loco isto oraverit*; ergo non est inutile adire templum ad orandum, quandoquidem ibi Deus, facilius suscipit preces supplicum. Quod si Deus ostendit quàm libenter susceperit preces effusas in templo Salomonis, quantò libentius suscipiet preces effusas in templis Christianorum, ubi non arca lignea, non manna hebræorum, sed vera arca animata, scilicet corpus Christi, quod supra manna habet omnem saporem, & dulcedinis suavitatem aservatur? Insuper ab initio Ecclesiæ, etiam tempore Apostolorum, consueverunt Apostoli convenire cum credentibus, in domibus specialiter deputatis pro celebrandis sacris, & effundendis ad Deum precibus; ergo &c.

6. Blasphemarunt, dicentes omnes veteris Testamenti Patres esse damnatos, & Sanctum Joannem Baptistam esse unum ex majoribus Dæmonibus. R. nam veteris Testamenti Patres commendantur tanquam iusti, & Deo accepti, in sacris paginis; sed nemo iustus decedens damnatur. Tum quia ex historia Evangelicâ Epulonis, qui destinatus fuit ad ignem, & Lazari requiescentis in sinu Abraham, constat SS. Patres non esse damnatos. Quoad id quod dicunt de S. Joanne Baptista, satis R. ex eo, quod legitur: *Inter natos mulierum non surrexit major Joanne Baptista*, cujus vita fuit speculum sine macula, exemplum Sanctitatis, & norma virtutum, cujus Sanctitatem ipse Herodes venerabatur; siquidem libenter eum audiebat, & multa faciebat propter ipsum, ut constat ex Evangelio.

7. Dixerunt Christum, qui natus est in Bethlehem esse malum, esse aliam Terram novam, & invisibilem, in qua natus est bonus Christus. R. Et quidem quoad id, quod dicunt de Terra nova constat

constat purum esse figmentum. De Christo, qui natus est in Bethlehem tot sunt testimonia Scripturæ, quæ illius Sanctitatem perhibent, ut superfluum sit eadem hic contexere. Christi Sanctitatem confessi sunt ipsi Judæi, qui eumdem crucifixerunt, dicentes: *Verè filius Dei erat*, quorum plures revertebantur percutientes pectora sua. Quatuor Evangelia, Christi, qui in Bethlehem natus est, Sanctitatem annunciant.

8. Totam Romanam Ecclesiam speculancam esse latronum. R. ex Davide, qui psalm. 149. eisdem vocat Ecclesiam Sacerdotum, in qua floruerunt tot Martyres, tot Confessores, tot Doctores, tot Virgines, quos Spiritus Sanctus gubernat, sanctificata meritis Christi, qui eandem ædificavit, ut nunquam possit à Sanctitate deflectere.

9. Dixerunt in matrimonio neminem salvari posse. R. ex eo, quod dictum est contra *Adamitas*, ostendendo matrimonium non esse execrabile, & ex eo quod dicitur contra *Armenos*, probando matrimonium fuisse à Christo elevatum ad dignitatem Sacramenti; ex quo sequitur falsum esse Albanensium assertum. Tum quia si nemo salvari posset in matrimonio, nemini expediret nubere, quod falsum est, pluribus enim *Melius est nubere, quam viri*, ut ad Cor. esset D. Paulus. Tum quia necessarium est matrimonium ad propagandum genus humanum.

10. Dixerunt Eucharistiam non deferre à pane laico. R. verb. *Albanenses* contra quos probatum est verè, ac realiter corpus Christi esse in Eucharistia, & Eucharistiam esse Sacramentum.

11. Dixerunt ad salutem non esse necessariam restitutionem ablatorum, sed sufficere in mortis articulo, si dicere possent *Pater noster*, & per suos Ministros supra decessurum fieret impositio manuum. R. Quoad necessitatem restitutionis pro obtinenda salute verbo *Grati*: ceterum non sufficere ad salutem dicere in mortis articulo *Pater noster*; constat ex eo, quod legitur: *Non omnis qui dicit mihi Domine, Domine, intrabit in*

Tom. I.

regnum celorum; ex quo sequitur non sufficere orare, vel dicere *Pater noster*: quia Deus præter orationem, præcipit etiam executionem bonorum operum, ad obtinendam salutem; & quidem orationem solam non sufficere ad salutem, probatum est verbo *Adelphius*; Item si ad obtinendam salutem sufficeret dicere *Pater noster* in mortis articulo, speriretur aditus ad enormissima scelera committenda, quandocunque per solam recitationem *Pater noster* remitterentur. Insuper sequeretur, quod esset superflua omnia Sacramenta: neque impositio manuum facta per Ministrum, ut dicunt Albigenes, sufficit ad salutem, quia in hoc casu, sequeretur etiam invitum posse salvari; sufficeret enim ad salutem ipsius, ut ipso nescio, reciperet manuum impositionem à Ministro.

12. Usus Imaginum, ut sunt in Ecclesia, dicebant esse Idololatriam. R. verbo *Iconoclastæ*.

13. Ecclesiis Campanas esse tubas Dæmonum assererebant. R. ex lib. Num. cap. 10. vers. 1. ubi præcepit Dominus Moyse, ut faceret tubas argenteas ductiles, quibus convocaret populum, quarum usum etiam in sacrificiis mandavit, ut constat vers. 9. cap. citati; ergo à pari potest Ecclesia uti campanis, ad convocandum populum ad orationem, ut assistat Divinis officiis, & sacrificiis, ex quo satis patet, campanas non esse tubas Dæmonum, quatenus pro Dei laudibus persolvendis institutæ sunt ab Ecclesia. Adde, quod usus campanarum in Ecclesia est antiquissimus, ad effectum convocandi fideles ad sacra, ut constat ex S. Ephrem Paranesi 23. Deum in Concilio Aquisgranensi sub Ludovico I. cap. 121. sic legitur: *Mox enim ut datum fuerit signum, festinatio ad Ecclesiam omnes conveniant*.

14. Dicebant non peccare gravius, qui cum matre, aut sorore dormiat, quam cum qualibet alia. R. quia in nulla lege unquam permixtum est filium cognoscere matrem, aut fratrem fororem, abhorret natura ipsa ab hoc concubitu, gravius punitur à legibus huma-

6

nis;

nis ; ergo à fortiori à Divinis . Tum quia si Deus punivit generationes filiorum Loth , quia concubuerunt cum patre , facile hinc est arguere , quam grave malum sit cognoscere matrem .

15. Dicebant Animas post mortem secundum diversa merita , diversa informare corpora , ita ut Animæ eorum qui impiè vixissent , informarent corpora , sed animalium : eorum verò , qui benè vixissent , informarent corpora hominum illustrium , seu etiam Principum , secundum uniuscujusque merita , vel demerita . R. ab Ecclesia , quæ in pluribus Conciliis , definivit Animas nostras , post separationem à corpore , statim judicari , & recipere mercedem suam , vel pœnam scilicet æternam , vel præmium , præmissa quidem ante præmium purgatione , si opus habeant . Insuper in die iudicii omnes resurgere habent cum corporibus suis ; quod si una Anima successivè informaret plura corpora , dicendum foret , quod in die iudicii plura corpora non resurgerent ; cum pro eodem tempore una Anima non possit nisi unum corpus informare . Dato quod Anima iterum informaret aliud corpus , deberet recordari vel in toto , vel saltem in parte de his , quæ gesserat in priori corpore . Demum si præmium meritum est informare corpus Principis , sequeretur quod Animæ Magnatorum , non possent accipere præmium meritum suorum , cum non possent informare corpus melioris conditionis .

16. Dixerunt Episcopos , & Sacerdotes , qui peccassent mortaliter , carere dignitate , & potestate conficiendi Sacramenta . R. verbo *Albanenses* , quibus rationibus ibi adductis addere est , quod potestas confertur à Deo Sacerdotibus , sed Deus non confert potestatem cum tali conditione , ut quodcumque peccaverint , amittant potestatem ; ergo etiam in peccato retinent potestatem . Tum quia Judas post prodicionem non amisit dignitatem Apostolatus , non enim alius in ejus locum successus est , nisi postquam fuit mortuus ; ergo &c. Adden-

da his etiam quæ diximus sup. num. 3.

17. Idem judicium faciebant de potestate seculari , ita ut dicerent , quod sive Princeps , sive Magistratus peccato mortali coinquinatus , potestatem amitteret . R. argumento à fortiori ex his , quæ de Episcopo , & Presbytero diximus : Si enim per peccatum non amittitur dignitas Ecclesiastica ; ergo à fortiori non amittitur dignitas Laicalis . Tum quia Jerem. cap. 27 legimus , quod Deus præcepit populo obedire Nabuchodonosor Regi , qui Rex , utique multis erat coinquinatus flagitiis . Tum quia si verum esset , quod asserunt Albigenes , vix esset Principem , aut Sacerdotem , invenire , cum difficile sit hominem , toto vitæ suæ tempore ita vivere , ut in mortale peccatum non iabatur : potest utique media gratia homo se ab omni mortali custodire immunem ; sed difficile est invenire , qui gratiæ coope- retur , quantum expedit ad hunc finem obtinendum . Tum quia plura peccata mortalia sunt abscondita oculis populi ; ergo in tali casu deberet Sacerdos , vel Princeps propriam propalare turpitudinem , dicendo se decidisse à sua potestate , ratione gravis peccati à se commissi ; nemo autem tenetur publicare sua peccata .

18. Dixerunt inter Christum , & Magdalenam illicitos fuisse amores . R. ab ipsa historia Evangelica , ubi legitur , quod Magdalena pœnitens accessit ad Jesum discumbentem in domo Pharisei , & mirabantur adstantes , quod eam peccatricem esse non cognosceret . Tum quia Christus erat impecabilis . Sed adeò horribilis est hæc blasphemia , ut non opus sit probatione ad eam reprobendam , sicut & sequentem , in qua asserunt Deum habuisse duas uxores , cum quibus intemperatè viveret , inde sibi assumentes patrocinium , ad quodcumque inhonustum scelus perpetrandum : in quo fuerunt Ptolomæo deteriores , qui licet duas uxores Deo assignaret , has esse intelligentiam , & voluntatem dixit ; fortè veritus , propter respectum Divinitatis , cum invicendis Albigen-

libus

sibus adeo turpiter sentire, & loqui de Deo.

19. Dixerunt Mundum nullum habiturum esse finem, sed permanfurum in statu eodem, in quo nunc est. R. ex psalmo 101. ver. 16. ex Euang. Marci 13 ex D. Petro epist. 2. cap. 3. Est quod Mundi destructio non sit ita futura, ut annihilaretur, erit tamen secundum modum, quandoquidem ignis plura devorabit, ex quo prateriet figura huius Mundi, & renovabitur Cælum, & Terra, non quoad substantiam, sed secundum modum, qua de re plura dixerunt SS. Patres explicaturi in quo consistat renovatio Mundi; qui tamen admittunt unanimiter hunc Mundum renovandum, non permanfurum in omnibus, sicut nunc est, ut volunt Albigenfes, quorum errores damnavit Concilium Lateranense 4. Demum pro completa Albigenfium noticia notandum, cum Natali Alex. fecit. 13. quod aliqui ex Albigenfibus dicebantur perfecti, & erant nigro habitu induti, simulantes sanctimoniam: efum carnis, & lasciviorum dicebant esse omnino detestandum, cum interim graviora scelera non curarent. Abftinentiam à peccatis, non à cibis, praterquam in diebus ab Ecclesia præceptis, prædicant SS. Patres. Bonum est exercere mortificationem per abftinentiam à cibis, non tamen cibi sunt detestandi: dixit enim Christus Apostolis: *Manducate quæ apponuntur vobis*; neque ullius cibi communionem in Legge Evangelica prohibitam esse constat, nisi ad tempus.

XVI. ALCIATUS nomine Joannes Paulus Alciatus, patria Mediolanensis, nobilibus parentibus progenitus, professione miles, militari cingulo reſecto, Genevam se contulit, ut novam reformationem ampleſceretur. Soccini errores etiam contra Trinitatem est amplextus, unâ cum aliis Apostatis, Georgio Blandrata, novæ ſectæ inventori adhaſit, ejuſque doctrinam propagare ſtudit, circa annum 1560. Geneva aſurgere coactus, in Poloniam se recepit; tandem apud Turcas Alcoranum profeſſus,

moritur circa annum 1565. ejus errores, verbo Socinius, & Blandrata. R.

III. ALCIBIADES Apamzenſis Eleazarum hæreſim inſtauravit, tempore Origenis, quæ ab Origine ſtatim repreſſa fuit, & extincta. Vide verbo *Elechaita*.

VIII. ALDEBERTUS, ſive ADELBERTUS, ſive ALBERTUS. Prodidit ſuos errores circa medium ſeculi 8. Fuit natione Gallus, ab Episcopis quos ſeduxerat ſanctificatus Episcopos, ſe æquiparavit Apoſtoliſ, ſuas ungulas, & capillos tanquam reliquias diſtribuens: in ſui honorem templa conſtrui patiebatur. Barbara Angelorum nomina ſomniaſcit, ab Angelo Michaelē in quadam apparitione, per epistolam ſibi ab eodem Michaelē traditam, notificata; ſecreta cordium ſe cognoscere gloriabundus, cum tamen Deus ſolus ſit ſcrutator cordium, & cui voluerit Deus revelare, ſolum poſſint ſecreta cordium innotefcere. Errores Aldeberti perſtringit S. Bonifacius Germanorum Episcopos, in ſua epistola ad Zachariam Pontificem Maximum directâ, in qua etiam refert errores Clementis Scoti pertinaciſſimi hæretici, de quo ſub proprio nomine agemus. Aldeberti errores potiſſimi fuerunt duo ſequentes, quos hic R. Quod enim ſe æquipararet Apoſtoli�, quod ſuos capillos, & ungulas tanquam reliquias diſtribueret, quod templa in ſui honorem erigi curaret, quod docuerit ſuos ſequaces orare: *Memento S. Aldeberti adjuvare nos*, & ſe tanquam Sanctum jaſtitaret, ſicut & epistolam ſibi à Jeſu Chriſto è cælo tranſmiſſam blatetaret, ſigmenta ſunt mente capti, & inſaniſſimi viri, potius quàm hæretici. Nomina autem ignotorum Angelorum, quæ in oratione à ſe compoſita invocabat, ſunt *Orier, Ragaal, Turuel, Iaias, Thubas, Sabaoch, Simiel*, quæ non Angelorum nomina, ſed Dæmonum eſſe, Romana Synodus dixit; Non enim plus quàm trium Angelorum nomina cognoviſcit, & invocavit Sancta Romana Eccleſia, ſcilicet Michael, Gabriel, Raphael. Damnatus fuit Aldebertus in Synodo Svedionenſi anno 745 & iterum in alia Synodo habita in Majoratu Carolomanni anno ſequenti, ſcili-

scilicet 746. confirmante hanc damnationem in Synodo Romana, eodem anno Zacharia Pontifice.

1. Dixit, posse Christianum accipere uxorem fratris sui defuncti. R. à Lege Canonica, quæ hoc distinctè vetat, nec nisi gravi de causa, prævia Ecclesiæ approbatione, & dispensatione, fieri posse docet. Tenentur autem Christiani obtemperare Legibus Ecclesiasticis, quæ omnes ad majus Ecclesiæ incrementum, & spirituale bonum ordinantur.

2. Dixit meritum, & demeritum nihil valere. R. verbo *Amsdorphian*, verbo *Anabaptista*. Tum quia si merita, & demerita nihil valerent, æquè commendari deberent bonè operantes, quàm malè operantes, tam boni, quàm improbi; ex quo dicendi modo, culcunquæ impietati aditus referatur. Vide, quæ dicta sunt verbo *Albertus*.

3. Absolvebat peccatores, inauditis eorum peccatis. R. quia absolutio est actus judicarius, & Juxta non potest rectè judicare, nisi audiat reum. Tum quia confessio est de jure Divino, ut probabitur contra Lutherum. Demum in Conc. Trid. sess. 14. Can. 9. sic legitur: *Si quis dixerit non requiri confessionem penitentis, ut Sacerdos eum absolvere possit, anathema sit*, ex quo satis reprobatur Adalberti temeritas, qui novum absolvendi modum, contra jus Divinum, & Ecclesiasticum inducebat.

4. Dixit invocationem Sanctorum nihil proficere. R. verbo *Albertus*.

5. Dixit Christum resurgentem ab inferis, omnes liberasse. R. nam hoc dato, non modò libersset homines improbos, sed etiam demones, quos constat quidem pœna æterna cruciandos, ex Evangelio: nullibi autem legitur resurgente Christo, demones, aut improbos fuisse absolutos, quod si fuissent absoluti, sequeretur deterioris esse conditionis improbos in Lege Gratiz, ut patet.

IV. ALEXANDER LATRO. Hic primùm Christianus, deinde à Fide Apostata, & hæreticus, quam hæresim professus sit, non indicat Eusebius Cæsariensis, qui tamen Hist. Eccles. lib. 5. cap. 10. significat

hæreticum fuisse, postmodum latronem, & ob sua latrocinia, apud Æmilium Tun-
tinum Proconsulem, Ephesi judicatum.

I. ALEXANDER Imenxi socius, ut refert D. Paulus epist. 1. ad Timoth. negavit per Filium nos salvari. R. ex Evangelio Luc. csp. 19. ver. 10. *Venit filius hominis quærere, & solum facere quod perierat*. Ex Conc. Nicæn. *Propter nos homines, & propter nostram salutem descendit de celis*. Ex Euang. *Salvum faciet populum suum à peccatis eorum*.

II. ALEXANDER ex Valentini secta descendens, dicebat Christi carnem à primo sui ortu insectam fuisse peccato. R. Christus enim de Spiritu Sancto conceptus, non potuit Adæ culpam contrahere; contra quam, pharisma Sacramenti Baptismi venit instituire. Nec potuit iræ filius nasci, qui venit Æterni Patris iram placaturus. Tum quia Christus, ratione unionis hypostaticæ, erat essentialiter Sanctus, quare necessariò debuit à se excludere omne peccatum. Agit de hoc hæretico Tertullianus contra Valentinum.

XIII. ALGAZEL, sive ALGASEY, sentit aliqui fuisse Gentilem; Præteolus eundem reponit inter hæreticos: Ex erroribus quibus adhzerebat probabilis colligitur Gentilem fuisse. De hoc hæretico scribit D. Thomas lib. 1. contra Gentes cap. 145.

1. Dicebat nullam esse in Deo providentiam. R. verbo *Averroes*.

2. Dixit peccatoribus post hanc vitam, nullam aliam pœnam infligendam esse, quàm afflictionem de amissione ultimi finis. R. ex Euang. ubi Deus peccatoribus minatur ignem æternum, ubi erit fletus, stridor dentium, ignis devorans, carbonem desolatorii, ardores sempiterni. Estò quod erit etiam summa afflictio de amissione ultimi finis; sed non hæc sola pœna erit constituta per illa verba: *Discedite à me maledicti*, sed etiam pœnam ignis infligendam, ex sequentibus: *Ite in ignem æternum* evidenter comprobatur.

XIII. ALMARICUS, sive AMAURICUS, in Territorio Carnotensi in Gallia natus, professione Clericus, Parisiis Doctoratus lauream sumpsit. Suos retractare errores ab In-

ab Innocentio III. coactus, ore, non intellectu, ac voluntate consentit. Quod cum post ejus mortem fuisset compertum, aliquos post annos ab ejus obitu, excommunicatum ejus cadaver, in sterquilinum projectum fuit, & plures ex ejus seditatoribus anno 1310. igni traditi fuerunt. Anno 1204. sequentes promulguiverat errores. Ex Spondan. anno 1204.

1. Dixit propagationem hominum ex sola Adæ culpa provenire. R. verbo *Armeni*.

2. Negavit resurrectionem corporum. R. verbo *Basilidiani*.

3. Dixit in resurrectione non futuram sexus distinctionem, sed omnes resurrecturos in corpore virili. R. nam de hac conformi corporum resurrectione in sexu virili, nulla in sacris paginis fit mentio: omnes in sua carne, hoc est in eodem numero corpore resurrecturos, in quo decesserunt, unanimis est SS. PP. consensus; quod secus contingeret, si mulieres resurgerent in virili corpore; quod autem legitur in epist. D. Pauli ad Eph 13. *Omnes resurgemus in mensuram ætatis plenitudinis Christi*, non significat mulieres resurrecturas in corpore virili, sed quod omnes resurgent quasi viri, cum maturitate judicii, etiam si quis mortuus fuerit in ætate, & judicio puerili; ita ut resurgentes ad gloriam in Christi fide, agnitione, & amore, non simus infantes, & pueri; sed quasi viri cum agnitione perfecta. Adde, quod vir in sacris paginis non semper significat sexum, sed aliquando accipitur pro perfectione, robore, & constantia virili, unde ad illa verba: *In mensuram ætatis plenitudinis Christi*, statim subdit, *Jam non sumus parvuli, fluviantes, & circumferamur omni vento doctrine*, ubi vides, nomine viri perfecti, hic intelligi constantiam, & perfectionem in doctrina sana, quam habebunt omnes, qui resurgent in gloria. Insuper Tertullianus lib. de Resurrectione carnis cap. 60. S. Hieronymus epist. 61. ad Pamachium, & alii SS. Patres, docent unumquemque resurrecturum in proprio sexu. Fusiores super allatum textum.

D. Pauli expositiones, videre est apud Commentatores Sac. Scripturæ.

4. Dixit idæas in mente Divina extantes, & creare, & creati posse. R. nam omnes Catholici, qui volunt admittere idæas in mente Divina, nomine idææ Divinæ, nihil aliud intelligere possunt, quàm essentiam Divinam, prout continentem eminenter omnia possibilia, ad quam respiciens Deus, videt quinam, & quomodo producendi sint omnes effectus, sive creaturæ: Non enim idæa concipienda est in Deo, eodem modo ac est in mente, humana; agentia enim intellectualia creata, diriguntur ab idæa, quæ est tanquam quid distinctum à se ipsis. Deus autem operatur secundum exemplar essentia Divinæ, in qua eminenter sunt omnes effectus possibiles, & habet rationem idææ in Deo: ex quo sequitur, quod idææ in mente Divina extantes, creati non possunt, essentia enim Divina est à se, est æterna, est increabilis.

5. Dixit Deum non esse visibilem in cælo Beatis. R. ex Matthæo cap. 5. & 18. ad Cor. 1. cap. 13. Tum quia per omnes Theologos in visione, & fruitione consistit beatitudo. Animas in cælo Deum videre, declaravit Cone. Florent. sess. 25. Textus autem Sacræ Scripturæ adducti ab hæreticis, ad firmandam eorum sententiam, solum evincunt, Deum non posse videri oculo corporis, neque posse comprehendi.

6. Existenti in charitate nullum peccatum imputari dicebat. R. quia charitas, prout dicit gratiam sanctificantem, est incompatibilis cum omni peccato mortali, per cujus commissionem subtrahitur gratia, & statim subsequitur quod ait Apostolus ad Roman. cap. 6. *Anima que peccaverit, ipsa morietur*. Tum quia si existenti in charitate nullum peccatum imputaretur, sequeretur, quod semel ac quis accepit charitatem infusam in baptismo, nunquam posset à gratia excidere, & sic posset unusquisque impunè, & pro libito peccare. Tum quia si existenti in gratia nullum peccatum imputaretur; sequeretur, quod ex infusione virtutum, daretur aditus ad vitia, & homines

nesprobi ob amorem Dei possent facere quæ sunt contra legem Dei, quæ omnia sunt absurda, & scandalosa.

7. Dixit, quod qui cognitionem Dei in se habet continet quoque in se Paradisum; è contra qui peccatum mortale habet, in se habere Infernum. R. quis ex Sacra Scriptura Paradisus vocatur sinus Abrahamæ, locus quietis; Infernus verò, locus tormentorum: ergo Paradisus, & Infernus consistere nequeunt in assignatis ab *Almarico*, qui in tantum sic locutus est, quia tam Paradisum pro bonis, quam Infernum pro malis esse negavit: Reprobante eum Christo, qui in extrema disquisitione dicit bonis: *Venite, percipite regnum*, malis autem: *Ita in ignem eternum*. Sed si Paradisus consisteret in cognitione Dei, quam hic potest homo acquirere: sequeretur quod Theologus, qui media Theologia plus habet cognitionis rerum Divinarum, licet discipulus, haberet Paradisum, & illo careret rusticus, licet pius, ac devotus. Si verò Infernus nihil aliud esset, quam consensio peccato lethali infecta, tantum cruciaretur, qui habet unum peccatum mortale, quam qui plura commisit: cum autem legatur de peccatoribus, quod *Latantur cum inale fecerint, & bibunt sicut aquam iniquitatem*: hinc planè deducitur, Infernum non esse solum reatum culpæ.

8. Dixit Corpus Christi non esse aliter in hostia consecrata, quam in qualibet alia re. R. verbo *Calvinus*, contra quem probatur realis existentia Corporis Christi in Eucharistia, de qua etiam, actum est contra Albanenses, qui Sanctissimum Altaris Sacramentum, nihil esse dixerunt.

9. Dixit quemlibet teneri credere se esse membrum Christi, & neminem salvari posse, qui hoc non crederet. R. nam licet Christus sit Caput omnium Christianorum, nosque ejus membra simus, quatenus sumus de corpore Ecclesiæ, hoc verum est in sensu morali, non autem in sensu reali, quasi Christi Corpus realiter conficiatur ex omnibus corporibus Christianorum; si hoc enim verum esset, jam quidquid docet Ecclesiæ de Christi in-

carnatione, corrueret: vel fortè intendit exprimere hoc loquendi modo *Almaricus*, quod tenemur credere nos esse in gratia, & hoc falsum est; nemo enim scit an sit odio, an amore dignus. Tum quia si hoc sufficeret credere ad salutem obtinendam, jam pateret aditus ad omnia scelera: videtur tamen *Almaricum* potius in priori sensu locutum fuisse, quandoquidem consimilem errorem sequentem promulgavit.

10. Dixit omnes creaturas tandem in Deum redire, in ipsumque converti, ut unicuique sint cum ipso individuum, quæ propositio est non minus erronea, quam ridicula, ut proinde meritò Conc. Lateran. 4. reprobando *Almarici* errores, dixerit ejusdem doctrinam, non tantum hæreticam, quam insanam esse censendam.

11. Dixit Sanctorum invocationem, Altarium, & Imaginum thurificationem esse Idololatriam. R. quoad invocationem Sanctorum, verbo *Vigilantius*; quoad thurificationem Altarium. R. ex Sac. Scriptura Apocalip. cap. 8. *Et alius Angelus venit, & stetit ante altare habens thuribulum aureum, & data sunt illi incensa multa... & ascendit fumus incensarum de manu Angelis coram Deo*; in qua visione S. Joannes edoctus est, & per ipsum universa Ecclesiæ, acceptam esse Deo protestationem honoris, quæ Deo in thurificatione adhibetur. Tum quia ex facto Jacob, qui erexit lapidem in titulum, fundens oleum desuper, comprobatur Altaria, quæ erecta sunt in titulum, scilicet Deo sacra, posse thurificari, neque hæc esse Idololatriam; quia omnis cultus, omnisque ritus facit, quo Ecclesiæ utitur, dirigitur ad honorem Dei, quem honorat mirabilem in Sanctis suis, propitium ad supplicum preces in Ecclesiis suis. Quoad cultum sacrarum Imaginum. R. verbo *Leonarius*.

12. Dixit mentem Contemplativi, vel Beati perdere suum esse in genere, & redire in illud esse, quod habuit in mente Dei. R. quia creaturæ in mente Dei sunt ipsæ essentia Dei, in qua creaturæ omnes melius conti-

nen-

nentur, quàm in seipſis; quia eſſentia Dei eminenter continet creaturam omnium eſſentiam, & eſſe quod habent creaturæ in mente Dei nunquam amittunt, ergo eſt inintelligibile quomodo mens Contemplativi, vel Beati, perdat ſuum eſſe in proprio genere, & revertatur in illo eſſe, quod habuit in mente Dei: data enim Almarici ſententia, Beati deſcenderent eſſe, realiter à parte rei: Beati autem videntes Deum, ſimiles quidem Deo erunt: ſed non erunt indiſtincti ab ipſo: eſſe verò, quod habent Beati in mente Dei, nullatenus eſt à Deo diſtinctum.

II. Alogi de quibus mentionem facit S. Auguſt. de hæreſi 133. non ab Auctore (quis enim eorum Auctor fuerit ignoratur) ſed ab ipſa hæreſi quam propugnabant, nominati fuerunt; *Logos* enim græcè ſignificat *verbum*, & *Alogos* idem exprimit ac ſine verbo. Alogi ergo, ſive Alogiani in Græcia, circa finem ſæculi ſecundi.

1. Dixerunt Filium non poſſe dici Verbum Patris, quod ut ſuſtinerent, reſiciebant Apocalypſim, & Euangelium S. Joannis, quia ex utroque libro aperte colligitur Jeſum Chriſtum eſſe Verbum Patris. Repr. Sap. cap. 19. verſ. 14. Eccl. cap. 1. ver. 5. Joann. cap. 1. ver. 7. *Tres ſunt, qui teſtimonium dant in celo Pater, Verbum, & Spiritus Sanctus*, ex pſalmo 106. verſ. 20. *Miſit Verbum ſuum, & ſanavit eos*, ex quibus Scripturæ locis, conſtat Filium in Divinis eſſe Verbum Patris, & hoc nomen *Verbum* in Divinis de ſacſo ſignificare ſecundam Perſonam Trinitatis. Eſt quod Spiritus Sanctus, aliquando dicitur etiam Verbum, ut in epiſt. ad Hebr. *Potens omnia Verbo virtutis ſue*: non dicitur tamen Verbum ex vi productionis; ſed ſolùm ab effectu quem operatur, quatenus ille eſt, qui dat affluentiam ſermonis Apoſtoliſ, Doctores, & Martyribus, & verbi Dei promulgatoribus: juxta illud Matth. 10. verſ. 19. *Non enim vos eſtis, qui loquimini, ſed Spiritus Patris veſtri*,

qui loquitur in vobis. Nec demùm valet negare Filium dici poſſe Verbum, quia verbum ore proferitur, & eſt tranſitorium: quando enim Scriptura dicit Filium Dei eſſe Verbum, non de verbo materiali loquitur, & ab ore prolato, ſed de Verbo æterno, producto per intellectum Divinum.

IX. AMALARIUS primùm Diaconus, deinde Presbyter Metenſis, poſtmodum Episcopus, ſed cuſus Eccleſiæ, nihil certi colligitur anod Scriptores, quorum aliqui, eundem confundunt, cum Amalario Archiepiſcopo Treverienſi, qui ſub Regno Caroli Magni, inter Primates ſui xvi Eccleſiæ Prælatos, doctrina inſignes, celeberrimus exiſtit. Verum quidem eſt, quod licet hi duo Amalarii fuerint coævii, diſtinguendi tamen ſunt. Amalarius ergo, de quo hic agimus, qui in Ducatu Luxemburgi Abbatiali dignitate, vel Episcopali, ut alii ſentiunt, unà ſimul & ſcientiæ fama diſtinguebatur, ſcripſit libros 4. de Divinis Officiis, in quibus plura inutilia, abſurda, & novia reprehendit Abogardus Lugdunenſis Archiepiſcopus, eorum librorum impugnator. Amalarium negaſſe realem præſentiam Corporis Chriſti in Euchariftia, falſo aſſerit ab aliquibus, eundemque vindicat ab hac nota Natalis Alexander. In errore tamen Sterquiliniſtarum incidiſſe, a liqui aſſerunt. An reponendus ſit inter hæreticos judicet Lector ex his, quæ de eodem legere poteſt in Natali Alexandro, in Sirmundo, in Not. ad Tom. 2. Conc. Gal. & aliis.

IV. AMANTIUS vixit circa annum 371. aliqui Scriptores hunc Amantium eundem eſſe arbitrantur, qui Palladius dicitur, contra quem diſputavit, quemque convicit D. Ambroſius.

1. Dixit Verbum incarnatum non eſſe conſubſtantiale Patri, & conſequenter non eſſe Deum. R. verbo *Achillas*, & iterùm Repr. verbo *Arian*.

XVI. AMBROSIIANI dicti etiam *Pneumatici*, Ducem habuerunt quemdam nomine Ambroſium, hos Gravina in ſua tabula analytica, inter Antichriſtianos, Scimia-

Semiathos recenset; Prateus Anabaptistarum furem esse arbitrat. Porro Ambrosius circa annum 1559. receptas à Deo speciales revelationes fingens.

1. Dixit Scripturam utriusque Testamenti esse abdicandam, & præcepta omnia contemnenda. R. quoad abdicationem Scripturæ Sacræ ex his quæ dicta sunt verbo *Albanenses*. Tum etiam ex illo Divi Pauli ad Hebræos: *Tenete traditiones &c.* Tum ex Conc. Nicæn. action. 6. *Si quis traditionem Ecclesiæ siue consuetudinem valentem non curaverit, anathema sit.* Tum quia in omni Republica bene ordinata dantur leges, & leges debent innotescere his, qui sunt de corpore Reipublicæ, ut possint illas servare: ergo & in Republica Christiana ordinata à Deo, admittendæ sunt leges, quæ omnibus innotescant. Sed abdicata Scriptura utriusque Testamenti, Respublica Christiana esset sine legibus; ergo non esset bene ordinata. Tum quia abdicata Scriptura Sacra, & omnibus præceptis contemptis, liberum esset unicuique pro suo arbitrio vivere, & sic tot essent leges, quot capita; vera autem lex, una tantum esse potest. Tum quia Christus præcepit nos obedire Superioribus; sed superfluum foret hoc præceptum, si præcepta essent contemnenda.

XVI. AMBROSIVS vixit seculo 16., & prout refert Coccius anno 1579. edidit librum de Augustana confessione, pluribus refertum erroribus, sed præcipue scriptis, panem esse corpus Christi, & vinum esse sanguinem Christi significativè, non aliter, ac clavis tradita sit domus, sceptrum sit imperium, & annulus sit hæreditas, ideoque negat realem existentiam corporis Christi in Eucharistia. R. verbo *Calvinus, Anabaptista, Sacramentarii*.

XV. AMBROSIVS natione Mediolanensis arithmeticæ scientiæ in eadem urbe publicè Lector, deinde Theologiæ Professor, plures hæreticas propositiones tempore Eugenii IV. anno 1446. disseminabat: quales fuerint propriè ejus errores non recensent Auctores. Certum

est, quod sæpè fuit à S. Bernardino, Viro verè Apostolico; impugnatus, ex quo colligitur Amedeum, utpotè insignem Arithmeticum, voluisse ex ejusdem principiis in Theologia syllogizare; proinde probabile est circa Sanctissimum Trinitatis mysterium errasse, quod, argutivè solum, non positivè perhibeo: cæterum hæreticum, & recidivum fuisse comperimus, ex eo quod Eugenius IV. scripsit ad Archiepiscopum Mediolanensem, ut eundem carceri manciparet.

XVII. AMESIVS Calvinista, qui Cardinalem Bellarminum impugnare est aggressus, vixit seculo 17. sed contra Amesii cavillationes extant vindiciæ R. P. Viti Erbermanni S. I. quæ in Tomo 4. operum Card. Bellarm. impressæ fuerunt.

V. AMSTRITÆ secuti sunt antiquorum Philosophorum sententiam: dicentes innumerabiles esse Mundos. R. ex lib. Genes. ubi Moyses unius Mundi creationem describit, nec de aliis mentionem facit; & si essent alii Mundi à Deo creati, Deus aliqui ex Prophetis revelasset, sicut tot alia mysteria magis abscondit, tam in lege scripta, quam in lege gratiæ hominibus revelare sibi complacuit. Vide Sirmond. lib. 5. de hæz.

XVI. AMPHIROXI (ex Lutherana progenie orti) arbitrantur unumquemque hominem in fide sua salvari, dummodo in Christo credat per se passum, ac mortuum. R. verbo *Actianus, Antinomi, Jo: Seigneur, Calvinus*.

XVI. AMMISTÆ prodierunt ex secta Lutheri, & inter Lutheranos molles adscribuntur à Gravina. Hi sunt, qui cum viderent multas esse inter Lutheranos dissensiones, præcipiè inter Osiandrinos, & Antioxiandrinos, qui in pluribus articulis discordant, quod commune est inter Sectarios, ubi ferè quot capita tot sententiæ: studuerunt modum conciliandi prædictos Osiandrinos, & Antioxiandrinos hoc medio, ut hinc inde dissimularentur eorum errores, & sic cessaret inter ipsos contentio. Sed inutilis est modus conciliandi dissensiones, maxime in materia Fidei, per dissimulationem errorum, quandoquidem

dem vera Fides nullam simulationem errorum, quandoquidem vera Fides nullam simulationem patitur. Una tantum est vera Fides, & si dissimulando errores, liberum esset unicuique quod magis aridetur sentire, jam non una esset Fides, imò unusquisque secundum suum errorem, sibi esse posset Auctor, & Magister Fidei, quod quam erroneum sit dicere, per se patet, ut hinc satis manifesta appareat horum Sectariorum insipientia.

II. AMMONIUS fuit Patria Alexandrinus, summa eruditione præditus; vixit circa annum 200. quippe qui Origenem habuit discipulum. Hunc in hæresim incidisse testatur Porphyrius, sed defendit Nicephorus, & eundem usque ad canos Orthodoxos fuisse asseverat. Certè fatiùs, est Niceforo, utpotè Catholico, quam Porphyrio hæretico fidem adhibere. Ammonii scripta eundem Christianum fuisse perhibent: eruditè prosequitur Ammonii defensionem Nicephorus lib. 5. hist. eccl. cap. 16.

II. AMMONIUS filius Bardezanes ejusdem hæresis hæres. Vide *Bardezanes*. De hoc Ammonio scribit Theodoretus hæz. fab. lib. 1.

IV. AMPULIANUS ex Bithinia, defendebat errorem suum testimonio Origenis, cujus opera ad hoc malitiosè depravaverat, sicut constat ex S. Pamphilo Martyre, qui Apologeticum edidit, & omnia, quæ de Origene, ejusmodi corruptores mentiuntur exclusit.

1. Docuit omnes criminosos cum Diabolo, & Dæmonis ed usque torqueri in gehenna, quousque puri redire possint; inde mundos, & immaculatos egredi. R. verbum *Anabaptista*, contra quos dari Infernum æternum probavimus.

XVI. AMSDORPHIANI, prout perhibet *Staphilus*, propagati sunt ex secta Lutheri, numerantur inter Confessionistas rigidos, prodierunt anno 1533. Duce Nicolao Amfendorphio Ministro Luthe-
rano, & à Protestantibus Episcopo consecrato, quem Carolus V. ab Imperii ditione fugere coegit; sed apud Mag-

Tom. I.

demburgeses, jam hæresi Lutheranæ infectos, asylo invento, Lutheri erroribus etiam hunc addidit.

1. Scripsit librum, in quo ostendere nitebatur, bona opera esse pernicio-
sa ad salutem. R. ex Sac. Scriptura ad Philippenses cap. 2. vers. 12. *Cum metu, & tremore vestram salutem operamini*, ex D. Petro epist. 2. cap. 1. vers. 10. *Satagite, ut per bona opera certam vestram vocationem, & electionem faciatis*. Ex quo patet non modò bona opera non esse pernicio-
sa, sed necessaria ad salutem. Insuper Christus in Evangelio præcipit dilectionem, docet operibus iustis vacare, nempe mortificationi, elemosynæ, ægrotorum curæ, & similibus; sed Christus, qui venit omnes salvare, nihil potest præcipere perniciosum ad salutem; ergo &c. Tum quia si bona opera essent pernicio-
sa ad salutem, pauperes deberent ex necessitate perire, quod tamen adeò est inhumanum dicere, ut etiam inter Turcas, inveniant pauperes subsidium; adeò erronea visa est Amfendorphii sententia, ut adhuc ipso vivente, omnes sectatores ab eodem recesserint, sed ipse nihilominus oblatior factus, in sua impietate decessit.

XVI. ANABAPTISTÆ, à quo originem habuerint, non conveniunt Auctores. Sunt qui à Bernardino Ochino, alii à Zuinglio, alii à Carolo Stadio, qui à Thoma Montzero Auctore belli rusticani in Germania, alii à Joanne de Leidem, vel à Balthazare Pacimontano progenitos fuisse auctumant. Hic notandum, quod licet nomine Anabaptistarum veniant rebaptizantes, nihilominus non debent inter Anabaptistas recenseri, qui tertio currente seculo, sedente Stephano Pontifice, quæstionem hanc, nondum tunc temporis ab Ecclesia decisam agitarunt, inter quos S. Cyprianus opinari visus est, rebaptizandos ab hæreticis jam baptizatos, quod decisum est ab aliquibus Africanis Conciliis. Viceversa Stephanus Papa decrevit hæreticos ad Ecclesiam accedentes non fore rebaptizandos. Conciliantur tamen Patres Africani cum Stephano Papa, si

F

ani-

animadvertat Lector, Africanos Episcopos afferuisse rebaptizandos eos, qui non fuerunt baptizati ab hæreticis in nomine expresso Sanctissimæ Trinitatis, quod neque negavit Stephanus Papa, dum declaravit, non rebaptizandos hæreticos, illos scilicet, qui baptizati fuissent in nomine Sanctissimæ Trinitatis. His præmissis, ut ad Anabaptistas hæreticos revertamur; probabilis est semina Anabaptismi sparsa fuisse à Thoma Montzero, & Nicolao Storchio Witembergæ, absente Luthero; Verum quidem est, quod Anabaptistæ Lutherum Auctorem habere gloriantur, qui de facto in libello ab ipso edito Witembergæ anno 1533. asserit præstare Infantes non baptizari, quam sine fide propria baptizari; sed cum jam anno antecedenti Witembergæ Anabaptisma grassaretur, dicendum Lutherum, Thomæ Montzerii doctrinæ, quæ jam radices dilataverat, adhæsisse; & fortè data, opera illam doctrinam prædicasse, ad quam Witembergenfes jam proclives detexerat, & in eadem doctrina, ad quam Thomas Montzerius, Luthero absente, Witembergenfes induxerat, solidasse. Hoc enim ex ipsius Lutheri scriptis facile colligitur, quod dummodò posset inducere Populos, ad profitenda dogmata Ecclesiæ Romanæ contraria, nihil inde curabat, siue propria hæc, siue aliena esset doctrina, quandocunque ad Evangelicæ Fidei, & Papatus destructionem conducere. Anabaptistæ, quod idem est, ac rebaptizantes, à præcipuo errore quem profitebantur, nomen sortiti sunt; quia scilicet rebaptizabant Infantes legitime baptizatos à Catholicis, credentes neminem posse validè baptizari, qui rationis usum non haberet; in propria siquidem fide, non in fide aliena, unumquemque debere baptizari asseriebant; & huic errori omnes Anabaptistæ semper adhæserunt, licet in varias factiones divisi, quoad reliqua, multi multa sentirent. Hicce adhuc temporibus in Olandia, & Anglia sunt Anabaptistæ, dicti etiam Menonitæ, à quodam Simone, cuiusdam Menonis à

Frissa filio, & primario modernorum Anabaptistarum Doctore nuncupati, quorum errores utpotè diversi ab illis primorum Anabaptistarum, & longè minores, etiam infrà adducemus. Moderni enim Anabaptistæ, qui sunt in Olandia, & Anglia, solum quatenus Infantibus negant Baptismum, cum veteribus conveniunt, & alias illorum enormitates rejiciunt. Quantum spectat ad primos Anabaptistas Petrobusianorum, & Henricianorum hæreses omnes prosuntur, quibus sequentes addiderunt errores.

1. Dixerunt Baptisma nihil prodesse parvulis, proinde eos rebaptizabant in adulta ætate. R. parvulis Deus vult salutem; ergo vult etiam conferri media necessaria ad ipsam obtinendam, cuiusmodi est Baptismus, à Christo institutus, ad expiandum originale peccatum, & propter hanc rationem Concilium Florentinum habitum sub Eugenio IV. declarat conferendum esse parvulis Baptismum, quia scilicet si decederent sine Baptismo, non possent obtinere salutem, quam Deus vult dare omnibus. Hac etiam de causa Sacramentum Baptismi prodesse parvulis, declarat Conc. Lateran. sub Innocentio III., & Trident. sess. 7. Can. 13. Insuper conferendum parvulis Baptismum, probatur argumento à fortiori; quia in lege veteri conferebatur circumcisio, quæ utique non nisi cum multo parvulorum incommodo suscipi poterat, ad effectum purgandi eos ab originali; ergo à fortiori in lege gratiæ debet conferri Baptismus, qui sine incommodo parvulorum suscipitur. Tum quia certum est sine Baptismo neminem posse salvari; ergo si non potest conferri parvulis Baptismus, dicendum foret desperatam esse parvulorum salutem, quos tamen Christus ad se vocat, dicens: *Sinite parvulos venire ad me*. Puer autem baptizatus, non est in ætate adulta rebaptizandus, ut volunt Anabaptistæ; nam cum Baptisma conferatur ad delendum originale, superfluum esset iterum baptizare illum, qui cum Baptismate jam est ab originali absolutus; cessante enim sine, cessare debet & medio.

diorum applicatio. Deinde Ecclesia confitetur unum Baptisma; ergo cum Baptisma collatum pueris sit validum, ut constat ex supradictis, non est reiterandum. Iterationem Baptismi damnavit Conc. Carthag. 1. Can. 1. Licet illud Concilium fuerit principaliter ad approbandum Baptismum collatum ab hæreticis. In tantum verò Anabaptistæ negant Baptismum prodesse parvulis, quia fidem non habent. Estò tamen, quod fidem non habeant per proprios actus elicitam, supplet nihilominus fides Matris Ecclesiæ, undè suscipiunt infusam; dignum nempe est, & ad Dei spectat bonitatem, ut quibus fidem ætas denegat propriam, gratia prodesse concedat alienam. Neque obstat, quod legitur: *Qui crediderit, & baptizatus fuerit salvus erit.* Hinc enim non evincitur omnes baptizandos, propriam debere habere fidem, sed solum adultos, de quibus ibidem Christus loquebatur. Vide quæ dicta sunt contra *Agrippinum*.

2. Negant Christum Dominum sumpsisse carnem de M. V. R. verbo *Euthyches*.

3. Rejiciunt plures Scripturæ libros. R. verbo *Albanenses*.

4. Ecclesiasticos ritus aversantur. R. ritus Ecclesiastici ad Deum glorificandum diriguntur; plures ex ritibus Ecclesiasticis observantur ex traditione Apostolica, ipsi siquidem plures ritus, qui nunc sunt in praxi, instituerunt, ut colligitur ex D. Paulo, qui cum plura jam docuisset quoad ritus Titum, de reliquis in adventu suo dispositurum scripsit, quod aperte patet ex illis verbis: *Cetera cum venero disponam.* Insuper Ecclesia habet auctoritatem instituendi ritus, quos observare tenentur Christiani, ut dictum est contra *Arianos*, & *Albanenses*; ergo Ecclesiastici ritus non sunt improbandi.

5. Dixerunt Magistratus, & Principatus abolendos, tanquam libertatis suffocatores. R. ex Script. ubi legimus: *Omni potestatem à Deo esse, & qui potestati resistit, Dei ordinationi resistit.* Tum quia plura exempla habemus in Scriptura de Divina vindicta in eos exer-

cita, qui contra Magistratus, & Principatus insurrexerunt, vel occidere ausi sunt, ut faciendum esse contendunt Anabaptistæ, ad vindicandam omnimodam libertatem. Datam esse Principibus potestatem, patet ex eo, quod dixit Christus Pilato Jo. 19. vers. 11. *Non haberes potestatem adversus me ullam, nisi tibi datum esset desuper.* Tum quia ubi sunt Principes, & Magistratus, ibi viget justitia, & nemo opprimitur; è converso sine Principibus, & Magistratibus grassantur prædones, latrocinia, homicidia, & consequenter enervatur libertas; ergo &c.

6. Volunt non licere Christianis bona temporalia possidere. R. verbo *Actiani*, & *Apostolici*.

7. Etiam non licere à prædonibus se defendere, sed hoc est contra jus naturæ, ideoque ex hoc satis patet insubstantia assertionis.

8. Uxorum communitatem inveherunt. R. verbo *Bernardinus Ochinus*, & verbo *Adamita*.

9. Angelis Apostatis, damnatisque hominibus veniam post Judicium pollicentur. R. & quidem quoad Angelos spectat, veniam non esse consecuturos, probatur ex illo Matthæi: *Ite maledicti in ignem æternum, qui parati estis Diabolo, & Angelis ejus;* ergo si ignis æternus, paratus est Diabolo, & Angelis ejus, Angeli Apostatæ veniam non consequentur: neque peccatores, siquidem ad eundem ignem erunt destinati. Urget instantia, quia hæc sententia comminabitur à Christo in die Judicii; ergo post Judicium, nec Angeli apostatæ, nec Peccatores veniam consequentur. Probatur item ex illo Isaïæ cap. ult. *Vermis eorum non morietur, & ignis eorum non extinguetur.* Item Judith. cap. 16. vers. 20. & 21. *Veh genti insur genti super genus meum: Dominus enim omnipotens vindicabit in eis, in die judicii visitabit illos. Dabit enim ignem, & vermes in carnem eorum, ut urantur, & sentiant usque in sempiternum;* ergo si usque in sempiternum nulla spes veniæ remanet damnatis. Illud autem Davidis

psalm. 15. ver. 8. *Non derelinques animam meam in inferno* non probat Infernum habiturum finem, sed refertur ad Christum, cuius anima non est relicta in Inferno, scilicet in Limbo Sanctorum Patrum, quod probant subsequencia verba: *Nec dabis sanctum tuum videre corruptionem*, corpus enim Christi resurrexit gloriosum, nec fuit corruptioni obnoxium. Igitur Propheta illis verbis prophetavit de Christi resurrectione, non autem locutus est de inferno damnatorum. Item quod legitur psal. 76. *Numquid in aeternum projiciet Deus, aut obliviscetur misereri Deus*. Non significat Deum in communi sensu allegorico aliquando daturum veniam damnatis, sed sunt verba, per quæ S. Propheta prævidens quanta esset damnatorum multitudo, quasi timens exclamabat: possibile ne est tantam multitudinem esse damnandam, ut admodum pauci debeant obtinere à Deo misericordiam, & salutem.

10. Sustinent per opera bona, & sancta, justificationem nostram non augeri. R. Apoc. cap. 22. vers. 11. *Qui justus est, justificetur adhuc*, ad Philippenses cap. 1. vers. 9. *Oro, ut charitas vestra magis, ac magis abundet*. Item 2. ad Cor. cap. 9. & ex aliis Scripturæ locis colligitur per bona opera de facto justificationem augeri; cæterum si non augeretur justificatio, omnes essent in sanctitate pares, & æqualem reciperent mercedem, quod falsum est, quia Deus secundum merita confert præmia; Insuper Conc. Trid. sess. 6. cap. 10. Canone 24. dicit Anathema negantibus per bona opera justificationem augeri; sed & ex ipsa natura gratiæ, quæ est qualitas supernaturalis collata à Deo, constat justificationem posse recipere augmentum; qualitas enim suscipit magis, & minus; est gratiam gratis à Deo conferri; hinc non sequitur ad positionem operum bonorum, non debere augeri, quia Deus regulariter loquendo, promisit conferre donum gratiæ magis, & minus, secundum majorem, vel minorem quantitatem, vel qualitatem bonorum ope-

rum; quia verò gratia est gratis data, licet Deus in collatione gratiæ, respiciat ad majora, vel minor merita; semper stat, quod gratia sit gratis data, & ex sua liberalitate quodammodo fecit se Deus nobis debitorem, promittendo augmentum gratiæ bonè operantibus. Demum si Deus non augeret justitiam, superfluum esset Ecclesiam orare: *Da nobis fidei, spei, & charitatis augmentum. Auge piis justitiam*, & similes preces quas Ecclesia effundit.

11. Negant corpus Christi esse realiter in Eucharistia. R. efficaciter verbo *Sacramentarii*. Existentia realis in Eucharistia, tot tantisque est declarata miraculis, quæ adhuc diversis vigent in locis, ut neque apud Infideles esse possit locus dubitationi. Hanc veritatem adeò claris testimoniis unanimiter profitentur omnes Sancti Patres, ut nullum sit hæreticorum subterfugium, cum verba Scripturæ, ad hoc Sacramentum spectantia, in diversum sensum exponere conantur.

12. Millenariorum errorem renovant. R. verbo *Millenarii*.

13. De salute sua se securos faciunt, & jubent illorum singulos id de seipsis habere indubitatum. Repr. ex Apostolo, qui nos docet operari cum timore, & tremore nostram salutem: quod superfluum esset, si posset homo certus esse de sua salute, idèd legitur: *Quis scit utrum ignoret, & misereatur Deus*. Item: *Nemo scit, an sit odio, vel amore dignus*; quæ omnia evincunt, neminem posse esse certum suæ salutis; quam certitudinem si quis haberet, posset impunè peccare, & sic sequeretur peccatores esse glorificandos. Tum quia ille est certus de sua salute, qui certò scit se non habere peccatum, vel certò scit peccata sua sibi esse remissa, sed neutrum ex his; nam quantum ad primum ait Joannes: *Si quis dixerit se peccatum non habere, mendax est*, quantum ad secundum, Deus de via ordinaria hoc non revelat, & solum ex singulari privilegio vivit aliquis immunis à peccatis, ut præ cæteris vixit Virgo Dei Genitrix;

trix; vel revelat Deus alicui peccatori transulisse peccata ejus; sicut de Davide legitur.

14. Fuerunt ex Anabaptistis, qui asseruerunt, Christum in cruce dicentem: *Eli Eli Lamazababthani peccasse*, peccato desperationis. R. verbo *Antichristiani*.

15. Sustinuerunt quamlibet fœminam obligari ei, qui illam concupierit servire, & viceversa. R. ex præceptis Decalogi: *Non macaberis, non concupisces mulierem alienam*. Insuper Adulterium in lege veteri erat districtè prohibitum, sub pena mortis, ut patet Levit. cap. 20. vers. 10. ergo nulla est obligatio facta ab Anabaptistis. Tum quia talis obligatio esset in præjudicium prolis, ad quam solam procreandam, licet inter conjuges, habere copulam carnalem. Tum quia ad Cor. 7. vers. 4. *Mulier sui corporis potestatem non habet, sed vir*; ergo mulier non potest tradere corpus suum alteri, quam proprio viro: ergo non obligatur &c. Eccl. cap. 19. vers. 3. *Qui se jungit fornicariis, erit nequam, putredo, & vermes habebunt illum*; sed nemo potest obligari ad perpetrandam nequitiam; ergo &c.

16. Dixerunt temporibus Christi, & Apostolorum verbum Dei purè traditum non fuisse. R. verbum Dei tunc erat ab ipso Deo, in carne visibili nobiscum conversante prolatum, & per suos Apostolos, qui immediatè ab ipso Christo didicerant, quæ docebant, ergo purissimum fuit verbum, quod ab ipso fonte immediatè emanabat; etsi liceret dubitare de puritate verbi Dei traditi tempore Christi, à fortiori posset dubitari de verbo Dei tradito in lege veteri: sed illud, ut par est, tanquam irrefragabile acceptatur: ergo etiam istud. Tum quia Christus, qui prædicabat, & docebat, est ipsa veritas; ergo non poterat nisi vera dicere; & de factò Christum in veritate docuisse, ex eodem constat, qui sæpè dixit: *Amen Amen dico vobis, in veritate dico vobis, calum, & terra transibunt, verba autem mea non prateribunt*. De Anabaptistis vide verbo *Montezicis*.

VII. ANASTASIUS Jacobita. Hic Ana-

stasius, quem alii etiam Athanasium vocant, mordicus Jacobitarum errores sustinuit, & Sanctum Chalcedonenſe Concilium oppugnavit. Hierapolim ad Heracleum profectus tunc de Persis triumphantem, acceptus fuit Imperatori, qui ut ad resipiscenciam Anastasium induceret, Patriarchatum Antiochenum eidem obtulit, quod & de factò obtinuit; sub conditione acceptandi Chalcedonenſe Conc. Ab ampla promissione alleſtus Anastasius Chalcedonenſi Conc. acquiescere simulavit, & duas naturas in Christo professus, unicam tamen in Christo operationem, quam *Dei virilem* vocabat, admixit, quæ malitiosa novæ locutionis restrictio, Imperatorem ipsum, magno totius Ecclesiæ Orientalis damno, decepit. R. verbo *Monothelitis*.

V. ANASTASIUS Presbyter Patriarchatus Antiochenus, primò dogmatum Judæorum sectator, deinde inter primarios Nestorii fautores ab eodem Nestorio assumptus, ad ejus hæresim promulgandam Constantinopoli peritæx adjutor fuit anno 428. referente Bar.

t. Dixit Mariam non debere vocari Deiparam. R. ex Cono. Ephesino, quod salutationi Angelicæ addidit hæc verba: *Sancta Maria Mater Dei, ora pro nobis peccatoribus, nunc, & in hora mortis nostræ*. Luc. 1. *Quod nascetur ex te Sanctum vocabitur Filius Dei*. Tum quia illa verè est Mater alicujus, quæ illi, cujus dicitur Mater, ministrat in generatione materiam, ex qua conficitur corpus; sed Maria Filio Dei nascituro cum humanis membris, de factò ministravit materiam suam purissimam: ergo &c. Tum quia Christus est verè Filius Dei, ut probant plures scripturæ Textus; sed Maria peperit Christum, ergo verè est Mater Dei. Nec valet cum Nestorio dicere, Deus non potest nasci ex homine, ergo Maria cum sit homo, non potest esse Mater Dei; nam licet Christus, quæ Deus, sit ab æterno genitus, nec possit nasci in tempore, nec ab homine, attamen certum est, quod persona Verbi unita est humanitati in tempore, ex qua unione resultavit Christus Dominus, qui licet sit Deus, & homo,

homo, non duo tamen, sed unus est Christus, qui de facto natus est de Maria Virgine, ergo Maria verè est Mater Christi, ergo verè dici debet Mater Dei, cum ille quem genuit, verè sit Deus. Insuper Maria quando genuit habuit terminum generationis, sed terminus generationis fuit homo Deus, ergo Maria verè est Mater Dei, quia genuit hominem subsistentem divino supposito; Argumenta verò adversariorum, probant quidem Mariam non esse Matrem Divinitatis, quod ultrò concedimus, sed non evincunt haud quam esse Matrem Christi, qui verè est homo Deus: Nam ut Maria sit Mater Dei, debet verificari, quod dederit initium existendi homini Deo, sive humanitati subsistenti subsistentia Divina, sicut de facto fecit, concipiendo hominem subsistentem subsistentia Verbi, quia homo Christus, eo quod subsistat subsistentia Verbi, verè in concreto est Deus, ergo si Maria verè dicitur Mater Christi, etiam dici debet Mater Dei.

V. ANASTASIUS DICORS. Sic nuncupatus à discoloribus oculorum pupillis, quarum una erat nigra, alia cærulea. Obtinuit Imperium post Leonem Isauricum anno 497. liberum erat sub ejus Imperio in quacumque lege, aut hæresi vivere, excepta orthodoxa evangelica, cujus inimicissimus, in ejus odium plura scelera patravit, inter quæ non est silentio prætereundum, quod trecentum quinquaginta Monachos, Romanæ fidei defensores, jussit gladio perire. Qui plura de Anastasio desiderat, Baronium consulat ab anno 497. usque ad annum 518. Quantum ad nostrum institutum spectat, fuit Euthichianæ hæresis acerrimus propugnator, supra, quam addidit aliam impietatem.

1. Dicens non Trinitatem, sed Quaternitatem adorandam esse in Divinis. R. essentia non est quid realiter distinctum à tribus Personis, ceterum nec Pater, nec Filius, nec Spiritus Sanctus essent Deus; ergo essentia Divina, si est idem realiter cum tribus Personis, non quaternitas, sed Trinitas admittenda est in Divinis. Tum quia legimus: *Tres esse, qui testimonium dant in Cælo Pater, Ver-*

bum, & Spiritus Sanctus; Item si essentia Divina esset realiter distincta à tribus Personis, verus esset conceptus, quo quis conciperet Personam Divinam, sine divinitate, sed implicat concipere Personam Divinam, reduplicativè quæ talem, sine divinitate; ergo implicat concipere essentiam realiter distinctam à Personis, & consequenter implicat concipere quaternitatem in Divinis. Tum quia in Divinis, nulla potest esse realis distinctio, nisi inter producentem, & productum, inter generantem, & genitum, sed essentia divina, nec est producta, nec genita, nec est procedens aut generans, cum sit eadem in tribus Personis, ergo non potest concipi, ut realiter distincta; ergo essentia divina non constituit quaternitatem in divinis, ut vult Anastasius. Nec valet dicere quod natura divina, in suo conceptu formali, non est Pater, nec Filius, nec Spiritus Sanctus, ad inferendum esse realiter distinctam à tribus Personis; quia licet natura divina, in suo conceptu formali, non sit Pater, tamen tam Pater, quam Filius, quam Spiritus Sanctus includunt essentialiter divinitatem, ex quo inferitur quod natura Divina, non constituit quaternitatem; ceterum si teneret ratio adversaria, non modo quatuor, sed sex entitates in Divinis essent admittenda, ut consideranti patet. In Deo esse solam Trinitatem, non quaternitatem, definitum est in Conc. Florent., & in Later. cap. *Dominamus*.

2. Papam debere parere Imperatori, quod asserens, renuit obedire Papæ, ejusque legatis, & Episcopo Constantino-politano. Repr. Potestas Pontificis, quæ est immediatè à Deo, nullum superiore agnoscit. Imperator est una ex ovis Ecclesiæ; ergo debet obedire Pastori, non enim ovis esse potest supra Pastorem, scilicet Pontificem, cui soli Christus dedit potestatem super universos Christianos, non autem hanc potestatem dedit Imperatoribus. Tum quia Imperatores Christiani, Anastasii prædecessores, Pontifici Romano se submiserunt, eique obtemperarunt, ut colligitur ex Annalibus Ecclesiasticis. Tum quia Summus Pon-

Pon-

Pontifex est Supremus Iudex controversarum, ut probatur contra *Marsilium de Padua*, nec potest ab aliquo iudicari, sed hoc non subsisteret, si Papa deberet parere Imperatori.

VIII. ANASTASIUS Abbas Monasterii S. Euthymii in Siria, anno 749. extinctam hæresim perditissimi Gnaphæi in lucem revocare studuit, cui malo opportunè occurrit S. Joannes Damascenus, qui eumdem confutavit. Ex Baron.

V. ANATOLIUS Patriarcha Constantinopolitanus, suæ urbis fretus potentia, voluit se totius Ecclesiæ primatem constituere, detrahendo Sedi Romanæ, cujus urbis Episcopus Supremus Pontifex, & totius Ecclesiæ Caput agnoscitur. Hæc Anatoli hæresis, colligitur ex litteris Leonis Papæ ad Marcianum Imperatorem; vixit circa annum 450. R. verbo *Armeni*, contra quos probabitur Episcopus Romanum esse totius Ecclesiæ primatem.

XVI. ANDREAS SMIDELINUS in Ducatu Witembergensi ortus anno 1582. parentibus pauperrimis, aliorum ope, qui pueri ingenium mirabantur, studiis fuit addictus, in quibus cum mirabiliter profecisset, Cancellarius Universitatis Tübingensis constitutus, unus fuit ex potioribus Ministris Protestantibus, Lutheranae sectæ propugnator acerrimus, & pro unione Principum Augustanæ confessionis nullis pepercit laboribus: plura opera edidit, quorum potissimum est inscriptum *Liber Concordiæ*. Sunt qui in extremis positum, respuisse asserant, & sensibus orthodoxis mortuum anno 1590. Ex vita Theolog. Germ.

XVI. ANDREAS DUDITHIUS Episcopus Civitatis Quinque Ecclesiarum in Hungaria, regnante Sigismundo Augulo Poloniæ Rege, novorum Arrianorum, & Semiarianorum erroribus fuit infectus. Ex hist. Regni Hungar.

Dixit sufficere ad salutem credere in solum Deum, & legem servare naturæ. R. Præter fidem, & observantiam legis naturalis necesse est primò ad salutem servare præcepta positiva Evangelii, & leges Ecclesiasticas, quæ obligant in foro interiori conscientiæ, & quidem leges

Ecclesiasticas imponere veram coram Deo obligationem, habetur ex Script. nam Matth. 18. dicitur: *Si Ecclesiam non audierit, sit tibi sicut Ethnicus, & Publicanus*; sed qui tanquam Ethnicus, & Publicanus haberi debet, eo quod Ecclesiam non audierit, gravis peccati coram Deo reus est; ergo &c. Luc. 10. sic Christus suos Apostolos, eorumque in Episcopali officio successores alloquitur: *Qui vos audit, me audit*; ergo qui non audit Ecclesiam aliquid præcipientem reus est, quasi Christum ipsum non audierit. Idem ostenditur ex Conc. œcumenicis, quæ nonnunquam in eos qui Ecclesiasticis legibus non parent, suspensionis, depositionis, imò & anathematis pœnam comminantur, at gravissimæ pœnæ non infliguntur, nisi iis, qui coram Deo gravem habent reatum.

Necesse est secundò ad salutem servare leges civiles, quæ etiam subditos obligant coram Deo, quod sic probatur ad Rom. 13. expressè Paulus asserit eum, qui potestati non obtemperat, Dei ordinationi resistere. *Itaque* (inquit) *qui potestati resistit, Dei ordinationi resistit*; sed ille, qui Dei ordinationi resistit, coram Deo reus est, ut ibidem ait Apostolus: *Qui autem resistunt, ipsi sibi damnationem acquirunt*. Etiam monet subditos esse oportere potestati fideles, non tantum propter pœnam, sed etiam propter conscientiam. Idem ait: *Necessitate subditi estote, non solum propter iram, sed etiam propter conscientiam*.

XVI. ANDREAS TIRAQUELLUS ad c. 27. lib. 5. Alexandri ab Alexandro genialium dierum; putat Dæmonum apparitiones, & spectra mera esse somnia. R. ex Gen. 3. vers. 1. psal. 90. vers. 5. Matth. 4. 1. ex quibus textibus comprobatur de factò Dæmones realiter apparere in corporibus assumptis, eorumque apparitiones non esse somnia; quæ veritas toties comprobata est experientia, pluribus in casibus à Sac. Congregatione examinatis, ut jam nullus remaneat dubitationi locus.

III. ANGELICI. Circa annum Domini 150. apparuerunt quidam hæretici, dicti Angelici, cujus nominis diversam assignant causam Auctores; alii enim volunt

lunt distos Angelicos, quia in Angelorum ordine se constituebant, alii quia persuadebant Colloquensibus superstitionem Angelorum venerationem; alii quia in finibus Mesopotamiz, è loco cui nomen Angelines prodierunt. Quatenus se constituebant in ordine Angelorum. R. ex differentia specifica, quæ est inter hominem materia, & forma compositum, & Angelos, qui sunt spiritus sine corpore. Quatenus prædicabant superstitionem Angelorum venerationem. R. verbo *Apulejanii*. Demum quatenus.

Dicebant Mundum ab Angelis esse factum. R. ex sacris paginis, ubi omnia à Deo facta esse legitur: *In principio creavit Deus calum, & terram. Omnia à Deo facta sunt, & sine ipso factum est nihil*. Tum quia Angeli sunt creaturæ; ergo non possunt creare, quia potentia creativa competit soli Deo. Si dicas non esse creaturas, ergo sunt Dei, & tot erunt Dei, quot sunt Angeli: ex quo pluralitatem Deorum, quæ repugnat ex intrinsecis principiis, opus esse adstruere. Vide verbo *Arcotici*. Sunt qui asserant Angelicos ortum habuisse initio secundi seculi, sub Victore I. & Severo Imperatore, cum potiori tamen, eos seculo tertio constitimus. De Angelicis agit S. Epiph. hæ. 60.

XVI. ANGELICI NOVI. Alia Angelicorum species, ex secta Anabaptitarum, prodit in Silesia, & in Bohemia anno 1596. referente P. Joseph de Turrit. 4. quæst. 7. art. 8.

1. Dicebant habere unumquemque ex illa secta Angelum familiarem, plura secreta revelantem; sed gratis asserabant, quod tamen ut verum esse ostenderent, eidem Angelo familiari superstitionis verborum formula fidem, obedientiam, & homagium, qui sunt actus Deo debiti, exhibebant. Utique Christiana Religio docet unicuique concessum fuisse à Deo Angelum Tutelarem; sed tanquam Dei ministros, in nostrum subsidium Angelos destinatos veneratur, & in ipsis Deum honorat, non verò tanquam Deos esse docet, quos constat esse opera manuum Domini.

V. ANGELITE ex Niceph. lib. 8. cap. 49.

emerferunt anno 494. sic dicti à loco, in quo cœperunt propagare suum errorem, cui nomen Angelii, propter Alexandriam. Eorum Dux fuisse creditur Theodosius Menophistarum hæresis princeps: aliquando vocantur Sabelliani; quia Sabellii erroribus adhæserunt: cum quo negabant quidē Trinitatis mysterium, sed diverso modo suam hæresim explicabant.

Dicebant Patrem, Filium, & Spiritum Sanctum, non tantum habere communem Deitatem, sive Deitatem in eis existentem, quemlibet esse Deum; & esse unam solam substantiam, sed etiam esse unam solam Personam. R. Deitatem sine Deitate existentem asserere, idem est, ac Deum, qui non sit Deus adstruere; ergo &c. Insuper si essent una sola Persona Pater, Filius, & Spiritus Sanctus, quidquid dicitur de Patre, deberet posse asseri de Filio, & Spiritu Sancto. Quidquid prædicatur de Filio, posset prædicari de Spiritu Sancto, & Patre; sed hoc est falsum, quia de una Persona dicitur, quod sit generans, de alia, quod sit genita, de alia quod sit spirata. Nec potest dici de genita, quod sit generans, vel viceversa, vel de spirata, quod sit spirans: ergo falsum est, quod Pater, Filius, & Spiritus Sanctus sit unica tantum Persona.

XVI. ANGLOCALVINIANI, de quibus Natal. Alex. agit sec. 15. art. 22. §. 3. inter sectas, quæ ex Calvinii schola prodierunt videntur mitius contra Romanam Ecclesiam sentire, magisque ejus ritibus adhærere; sed tum in disciplina, tum in dogmatibus toto cælo differunt à Lutheranis, & Reformatis. Admittunt ergo Anglocalviniani Episcopalem ordinem de jure Divino cæteris superiorem, quamvis nunc temporis veri Episcopi ibi non reperiantur. Venerantur signum Crucis, quo utuntur in Baptismo: multum conformantur in ordinatione Presbyterorum cum Ecclesia Romana. Habent Ecclesias Cathedralis, in quibus sunt Canonici, qui celebrant Matutinum, & Vesperas: Superpelliceo utuntur in suis functionibus;

bus; nullam tribuunt Regi facultatem, quoad prædicandum, vel conferenda Sacramenta, sive quoad ferendas censuras, quamvis.

1. Tanquam Summum Ecclesiæ Caput, Regem Angliæ agnoscant, in quo censent esse unitam, cum Regno omnem jurisdictionem Ecclesiasticam. R. Tum ex his, quæ dicta sunt verbo *Anastasiæ*. Tum quia si summa potestas esset penes Regem, cum plures sint Reges, sequeretur quod summa potestas Ecclesiæ esset in pluribus Regibus, & consequenter non unum, sed plura suprema Capita haberet Ecclesiæ: nec una foret, sed tot esset Ecclesiæ, quot sunt Regna. Sed Ecclesiæ, quæ est una, non potest habere nisi unum supremum Caput; ex quo liquidò inferitur hunc non posse esse Regem. Tum quia si Rex esset supremum Caput, sequeretur auctoritatem Ecclesiæ, jure hæreditario in Regibus de patre in filium transire; sed Deus nemini dedit hoc jus hæreditarium. Succedit enim ad regimen Ecclesiæ, qui est canonicè electus per suffragia electorum. Tum quia ex ipso Christo patet, quod Reges non sunt Caput Ecclesiæ. Dixit enim ad Apostolos: *Reges terræ dominantur eorum, vos autem non sic*. Ex quo potest inferri, diversam esse jurisdictionem, & regimen Regum, à jurisdictione, & regimine Ecclesiastico: quandoquidem Apostoli docentur diverso modo se gerere, ac se gerant Reges terræ. Demum non dixit Christus ad Reges, sed ad Petrum: *Tibi dabo claves*; ergo &c.

2. Dicunt Regem posse condere novas leges circa cæremonias, consentiente Metropolitano, & judicare posse de causis fidei, cum quis ad Tribunal Regium appellat. R. ex his, quæ antecederet dicta sunt; nam cum hæc agere spectet ad caput Ecclesiæ, & offensum sit Regem seculari non posse, esse supremum in Ecclesiæ Pastorem, sequitur quod neque possit instituire cæremonias, vel decidere in causis fidei, quarum appellatio non potest devolvere ad Forum Regium, cum non sit com-

petens Tribunal pro decidendis causis fidei, in quibus ab ipsa fundatione Ecclesiæ usque ad hæc tempora, semper omnes consueverunt appellare, & recurrere ad Pontificem, non ad Regem. Exempla harum appellationum copiosa colliguntur ex annalibus, ex quorum serie satis confutantur hæretici. Præterquamquod si Reges possent condere novas leges, & judicare de causis fidei, jam non ampliùs esset unus in Ecclesiæ consensus circa Divinum cultum; diversi enim Reges diversa sentirent, & diversimodè de causis fidei judicarent, ex quo non eadem esset apud fideles norma fidei, quæ tamen una tantùm esse debet, & potest. Vide verbo *Turritani*.

XVI. ANGLOPAPISTÆ, qui Archiepiscoporum, Episcoporum, Decanorum, Canonicorum, Abbatum, aliorumque Prælatorum gradus observant, & repræsentant in superpelliceis suis, templa frequentantes, in cæteris autem plerumque Calvino adhærent. Ex Gault.

XIII. ANGELUS innominatus; ex Spondano anno 1140. Apud Cantabrigiam captus fuit, qui gestabat habitum Carthusianorum, licet esset Phantasticus, & sub e mentito Religionis habitu, contra veram Religionem sequentes promulgabat insanias, ob quas ductus ad Othonem Legatum, inclusus est Turri Londinensi.

1. Dicebat omnes Ecclesias esse profanas, idè illas intrare renuebat. R. Nam fortè Ecclesias omnes dicebat esse profanas, quia omnis Ecclesiæ, in qua orant Christiani, & verum Sacrificium Deo offerunt Sacerdotes, tam est aperta justis, quàm peccatoribus; sed per hoc quod peccatores ingrediantur Ecclesiam Ecclesiæ non est profana, quia idè aperta est peccatoribus, ut per Sacramenta, quæ ibi ministrantur reviviscant, non ut ibi per opera peccaminosa pollutam reddant Ecclesiam, quæ similis Virginibus prudentibus, & fatuis esse perhibetur, quia tam justos recipit, quàm peccatores.

2. Papam non esse caput Ecclesiæ. R. verbo *Armeni*.

3. Christum carnem sumpsisse, in Virgine, non de Virgine. R. Nam non modo in Virgine, sed ex Virgine carnem sumpsisse Christum probant omnia argumenta, quibus evincitur Christum esse verum hominem, verbo *Euthyches*. Insuper omnibus rationibus, quibus evincitur Mariam esse veram Christi Matrem, etiam probatur Christum assumpsisse carnem de Virgine. Vide verbo *Anastasio Presbyter*. Demum Ecclesia sic orat: *Deus, qui de Beata Maria Virginis utero, Verbum tuum Angelo annunciant, carnem suscipere voluisti*. Vide verbo *Albanenses*.

XI. ANNA COMNENA Græcorum Imperatrix, vixit XI. currente seculo, literis dedita, Alexii Imperatoris, sui Patris vitam scripsit, in 15. libros divisam: in ea fuit opinione, ut censeret primatum Ecclesie ad Constantinopolitanum Episcopum esse delatum. R. Nam cum Ecclesie Primatus constanter permaneat, ex Christi institutione, in illo qui succedit Petro in Episcopatu, & hic solus sit Romanus Pontifex, consequenter Romanus Episcopus, non Constantinopolitanus habet Ecclesie primatum, quam prerogativam in Romano Pontifice agnoverunt ipsi Concilia Constantinopoli legitime congregata, in quibus presentes aderant Patriarchæ Constantinopolitani, nullo ex ipsis reclamante; ergo &c. Ratio autem, propter quam Anna Comnena volebat primatum Ecclesie esse delatum ad Episcopum Constantinopolitanum erat, quia ad illam Urbem delata erat Sedes Romani Imperii, sed nulla est, quia quando Christus creavit Petrum Ecclesie caput, nullatenus respexit ad Urbem Imperii Sedem, ceterum debuisset illum non Hierosolymis, sed Romæ statim creare, & constituere suum Vicarium, ubi tunc sedebant Imperatores. Demum Primatum Ecclesie esse in solo Romano Pontifice, probatur contra *Armenos*.

V. ANNIANUS Celedensis Diaconus, secta Pelagianus, quam toto conatu defendere studuit, plura scri-

pfit, ut hanc propugnaret, & promulgaret; præcipue impugnavit Sancti Hieronymum, De eodem mentionem facit S. Doctor in epistola ad Alpium. Summoque eferbuit odio in S. Augustinum.

IV. ANOMÆT, sive Anomi. Idem. sonat hæc vox ac inæquales, sive dissimiles, sic dicti quia circa medium quarti seculi dixerunt Filium dissimilem in Deitate esse cum Patre. Exer sunt Ariannorum. Ducem habuerunt Aetium, & Eudoxium; unde etiam Actiani, & Eudoxiani appellantur; quia tamen ex Aetii, & Eudoxi sectatoribus plures hunc mordicus profitebantur errorem, quo Filium dissimilem Patri prædicabant; hinc Anomæorum secta originem habuit, quæ præter hunc errorem, etiam alium propugnavit, asserens Christum nullam legem instituisse, ex quo errore alii censent Anomæos esse dictos, & volunt nomen *Anomæi* significare, virum sine lege, potius quam explicare inæqualitatem. Ceterum sunt qui Anomæorum sectam omnes errores Aetii, & Eudoxii amplexatam esse referant, quos verbo *Actius*, & *Eudoxius* reprobatos exhibemus. Agit de Anomæis S. Epiph. hæref. 76.

1. Dixerunt Filium esse dissimilem Patri in Deitate. R. Filius est consubstantialis Patri: *Deus de Deo, lumen de lumine, Deus verus de Deo vero*; ut constat ex his, quæ dicta sunt verbo *Aetius*, verbo *Acaciani*, & ex his, quæ dicuntur verbo *Arius*, ergo non potest esse dissimilis. Tum quia si Filius esset dissimilis Patri in Deitate, vel non obstante hac dissimilitudine adhuc esset Deus, vel non. Si primum ergo duo Dii, si secundum ergo Filius non est à Deo Patre genitus, quia Deus Pater non potest generare nisi Filium. Deum, sibi consubstantialem.

2. Christum nullam legem instituisse, ideoque nullum ejus præceptum, admittendum. R. ex sacris paginis, ubi Christus præcipit observantiam mandatorum suorum, dicens: *Hæc mando vobis*,

bis. Hoc est praeceptum meum; ex quibus locis constat Christum praecepisse observantiam eorum, quae ipse instituit; sic praecepit omnes baptizari; Lex autem de Baptismo instituta est à Christo; non enim in veteri lege erat talis institutio; sic de aliis pluribus legibus Evangelicis discurrendo, quas Christus absolute instituit, & observari praecepit. Evangelium autem veram legis rationem habere, probabitur contra *Arentium*. Ceterum, quod legitur: *Non veni solvere legem, sed adimplere*; non suffragatur Adversariis, hinc probare conantibus, Christum nullum dedisse praeceptum; potius enim contrarium evincitur; nam cum lex Moysis esset imperfecta, Christus per nova praecepta addita super legem Moysis, legem fecit perfectam. Sic cum in lege Moysi solum esset praeceptum de diligendo proximo, Christus addidit praeceptum de diligendo etiam inimico, ut patet ex illo Mat. cap. 7. vers. 43. Nec verba Apostoli ad Rom. 6. intelligenda sunt de solutione legis absolute, sed restrictè, scilicet quoad legalia, & de libertate à servitute peccati, & à morte aeterna: ut alibi idem Apostolus exprimit.

XVI. ANTELAPSARIi didi sunt illi, ex Calvinianorum secta, qui docebant Deum ante lapsum hominis, aliquos ad vitam, alios verò ad mortem aeternam praedestinasse; illis opponuntur Postlapsarii, qui post lapsum duntaxat hominis, eoque supposito, docent Deum aliquos nolle salvos fieri, sed aeternis destinare supplicis. Ortum dedit his duabus sectis Calvinus, cum enim in suo opere de aeterna praedestinatione, passim doceat Deum nolle omnes homines salvari, nec fas constare sibi videatur, ut statuatur, an illa Dei voluntas, quae ex ejus mente, Deus non vult omnes homines salvos fieri, prior sit, vel posterior praevisione peccati originalis, hinc ex illa non satis perspecta Calvini sententia, subortae sunt inter Calvinianos duae istae sectae, quarum error confutabitur verbo *Praedestinati*, quo in loco probabimus Deum, suppo-

sito, vel non supposito Adami lapsu, verè, & propriè velle omnes homines salvos fieri, quae de re ad Theologos Scholasticos Lectorem remittimus.

XVI. ANTICALVINIANI. Prodierunt anno 1553. à Joachino Vvestfalo; secta sunt Confessionistae rigidi; in omnibus conveniunt cum Calvino, & in hoc differunt, quod

Dicunt Corpus Christi verum, & naturale esse in Eucharistia, sed iterum, postea cum Calvino, dicunt solum esse praesens in usu; negant insuper ullam fieri transubstantiationem. R. quoad permanentiam Corporis Christi in Eucharistia verbo *Bucerus*, quoad transubstantiationem verbo *Lutherus*.

XVI. ANTICATHOLICI omnia rejiciunt, quae docet Rom. Ecclesia circa ritus, & caeremonias, & solum doctrinae Lutheri, quoad ritus, & caeremonias adherere gloriantur.

XVI. ANTICHRISTIANI. Hoc nomen licet omnibus Christi inimicis conveniat, diversis tamen, & peculiaribus sectariorum conventiculis tribuitur. Sic Lindanus vocat Antichristianos, sequaces cujusdam apostatae, cujus nomen, & Patria ignoratur *Præmonstratensis* dictus, de quo suo loco. Insuper alii sectarii, qui meretriculam quamdam Lovaniensem nudam adorabant, ex qua Messiam nasciturum asserabant, didi sunt etiam Antichristiani: Osus nomen Antichristianorum tribuit aliis sectariis, qui in colloquio Aldeburgensi, ut suos pseudo doctores honorarent æquiparabant Lutherum Christo. Verbum Lutheri, cum verbo Dei, Melanctonem cum Paulo, Calvinum cum Marco; sed proprium, nomen Antichristiani convenit sectatoribus, cujusdam haeretici, cujus nomen *Bertoldus de Borbaco*, qui vixit anno 1540., & adeo in impietate excessit, ut diceret.

Christum fuisse peccabilem, & de facto peccasse peccato desperationis, cum dixit in cruce: *Deus meus, Deus meus, ut quid dereliquisti me?* Reprobatur ex sacris paginis, ubi Christi sanctitas commendatur. Christum esse impeccabilem,

apertè legitur Isaïæ cap. 53. vers. 9., & epist. 1. D. Petri cap. 2. vers. 12., Certè quis arguet Christum de peccato, non nisi impius, & blasphemus? quomodo potuisset Christus mediator esse inter Deum, & peccatorem, si peccatis ipse etiam fuisset obnoxius? Repugnat in Christo peccabilitas ratione unionis hypostaticæ, ita ut idem sit dicere Christum esse peccabilem, quàm Christum non esse Deum asserere. Ceterùm verba illa: *Deus meus, ut quid dereliquisti me?* Non sunt verba desperationis, ut dicunt Antichristiani, sed potiùs verba filii amantis, & dolentis. Sicut legitur in psalmo 21. *Deus, Deus meus respice in me, quare me dereliquisti?* Alii scripturæ textus, ex quibus hæretici contendunt evincere Christum de facto peccasse, ostendunt Christum assumpsisse peccata nostra expianda, non autem peccata commississe; hac ratione de eodem dicitur, quod apparuerit; *In similitudinem carnis peccati*, quia supra ejus dorsum fabricaverunt peccatores. Christi impeccabilitas decisa habetur quoad potentiam, & quoad actum in Conc. Ephesino, celebrato anno 431. Can. 10.

XVI. ANTIDEMONIACI prodierunt anno 1545. germen Lutheranorum, & Anabaptistarum, parentibus Osiandro, & Georgio David.

1. Dicunt nullos esse Dæmones, nulla maleficia, nullas præstigias. R. ex sacris paginis, ubi sæpè de malis Angelis, sive Dæmonibus fit mentio, quibus paratum esse ignem æternum asserit ipsa veritas. Videri poterunt loca Scripturæ ad rem Matt. cap. 4. ad Eph. 4. epist. 1. Petri cap. 5., sed etiam ex illo, quod legitur. *Erat Jesus ejiciens Dæmonium, & illud erat mutum.* Constat ope Dæmonis fieri maleficia, & præstigias. Vide lib. 1. Reg. cap. 28. Dicunt hæretici nomine Dæmoniorum intelligendos esse homines; sed falsum est, quia si nomine Dæmoniorum intelligerentur homines, ille locus Scripturæ: *Ita in ignem æternum paratum Diabolo, & Angelis ejus*, non plus significaret, quàm hæc propositio, ite in

ignem æternum paratum hominibus, & hominibus ejus, quod est falsum, quia hic Christi sermo erat directus ad homines reprobos, & superfluum esse dicere, ite homines in locum paratum hominibus. Adde, quod quamvis alieubi Christus nomine Dæmonis intellexerit homines, ut Joab. vers. 71. *Unus ex vobis Diabolus est*, scilicet Judas, qui dicebatur Diabolus à Christo ratione peccati, quod suadente Diabolo erat commissurus; attamen in superiùs citatis scripturæ Testimoniis, nullatenus nomine Dæmonis, Diaboli, Satanæ, venire possunt homines, sed intelligendi sunt mali Angeli, qui iidem sunt, ac Dæmones, quos de facto dari, evincitur ex Conc. Braearensi cap. 8., & ex Trid. sess. 5. Demùm mali Angeli, quando peccarunt, non sunt annihilati; ergo adhuc existunt, sed horum nomine intelliguntur Dæmones, ergo de facto dantur.

XVI. ANTIDIAFORISTÆ initium habuerunt anno 1560. Adiaforistis omninò adversantur, & inter Lutheranos rigidos adscribuntur. Eorum Dux Flaccus Illyricus nuncupatur. Vide verbo *Flacciani*.

1. Dicebant nullas cæremonias in Ecclesia esse debere. R. Qui non admittit cæremonias Ecclesiasticas negat consequenter Dei cultum, quem potissimum promovere debet Ecclesia; ergo in Ecclesia esse debent cæremoniæ, quarum aliquæ sunt immediatè cultus Dei, utpotè sacrificium, oratio, venerationes; aliæ sunt dispositiones ad cultum Dei, scilicet habitus Religiosus, vestes Sacerdotales. Tum quia concessum est Sinagogæ, diversas habere cæremonias: ergo hoc non est denegandum Ecclesiæ. Vide verbo *Adiafurista*.

2. In Episcopis nullam jurisdictionem agnoscebant. R. Ex D. Paulo, scimus Christum constituisse Episcopos regere Ecclesiam, quam acquisivit sanguine suo; sed qui debet regere alius præminet, omnis autem præminencia necessàriò importat aliquam jurisdictionem, ergo si Episcopi munus est regere Ecclesiam, debent habere jurisdictionem. Tum quia Episc.

Episcopi sunt successores Apostolorum; sed Apostoli habebant jurisdictionem, ipsi à Christo traditam: ergo etiam Episcopi debent habere jurisdictionem. Tum quia, contra Actianos probatum est Episcopum esse eminentiorem Presbytero. Tum quia jurisdictionem Episcoporum agnoverunt ipsi Imperatores, quorum plures eorundem judicio se submisserunt.

XVI. ANTILUTHERANI. Sunt illi, qui inter Lutheranos in plures sectas dividuntur. Eorum dogmata recensere est difficile; nihil enim apud ipsos certi; ferè quot capita, tot dogmata, in sola impietate conveniunt.

IV. ANTIMARIANITÆ, sive Antidomarianitæ, quod idem est, ac viri Adversarii Mariæ, circa medium quarti seculi Helvidium Dueem habuerunt. Ex S. Hieron. contra Helvid.

1. Dicebant Mariam habuisse ex Joseph alios filios, præter Jesum, ac proinde eam Virginem non fuisse. R. Et primò quidem Virginitas Mariæ ante partum, in partu, & post partum inviolata commendatur in Conc. Ephes. Cæterùm deiecit Dei Matrem omnibus ornatam esse, prærogativis: ergo etiam prærogativa virginitatis præ exteris eminentem corroborare, ut possit de ipsa asseri, quod supergressa est universas Virgines, quæ congregaverunt divitias. Quanta esset eminentia hujus virtutis, etiam ab infantia, perspectum habuit Virgo, quæ gratia erat plena, quomodo ergo eum cognoverit hujus virtutis pretiositatem, eandem non custodierit? Quidquid effusant hæretici, Maria est virgo ante partum, in partu, & post partum; quis mihi det pro defensione hujus veritatis posse ponere animam meam? Ex eo autem, quod legitur Matth. cap. 1. *Antequam convenirent* non sequitur, quod postea convenirent, quia vox *antequam* in Sacra Scriptura, non dicit semper respectum ad futurum; sic Isaïæ cap. 65. vers. 14. legitur: *Antequam clament, ego exaudiam*; ly *antequam* non significat, quod semper Deus præveniat exaudiendo clamores nostros, vel quod semper exaudiat, eum, clamamus; quia certum est, quod sæpe

clamamus, & non exaudimur, aliquandò non clamamus, & exaudimur. Inventa est ergo Maria in utero habens antequam convenirent, quia nunquam convenirent. Neque sequitur Mariam alios habuisse filios, quia Jesus vocatur Mariæ primogenitus; nam *Primogenitus* appellare potest supra filios, & supra matrem; prout appellat supra matrem (ut ibi accidit) non dicit generationem aliorum filiorum ex eadem matre, sed dicit primum partum ab aliqua matre productum, sive deinde alios producat, sive non. Omnis mater in primo partu dicitur, primò generasse, ex quo consequens est, quod primus partus vocatur primogenitus. Hinc bene Christus dicitur primogenitus matris, quia primogenitus appellat supra matrem, quod si appellaret supra fratres, deberet dici primogenitus fratrum, idest, qui inter fratres fuit primogenitus. Dices: de facto aliqui in Scriptura vocantur fratres Christi; ergo Christus habuit fratres &c. sed hoc non officit, quia consuevit Scriptura vocare fratres illos, inter quos aliqua sanguinis est necessitudo, licet ex eadem matre non sint geniti; sic Loth, & Abraham gen. 13. vers. 8. vocantur fratres, eum tamen essent ex diversis, tum patre, tum matre geniti, erat enim Loth filius Aram, fratris Abrahæ; sed commune est etiam inter Latinos, filios fratrum vocare fratres.

Virginitatem majoris non esse meriti, quam conjugium. R. ex his, quæ Christus ipse in laudem virginitatis dixit, & ex his, quæ D. Paulus, & ceteri SS. PP. de virginitate supra conjugium commendabili scripserunt; quam etiam inter Gentiles commendatam seimus, quippe qui vestales virgines, penè tanquam deitates venerabantur.

XVI. ANTIMARIANI NOVI: Novos virginitatis Mariæ hostes suscitavit seculo 15. inimicus communis: fuerunt aliqui, quos secta Anabaptistas eredit Lindanos; ad gregem Lutheranitarum spectare censet Gravina. Erant autem Lutheranitæ, quædam muliercularum congregatio, quarum petulantia illò devenit, ut easdem prærogativas soli Mariæ Virgini, ex ple-

ex plenitudine gratiæ, qua Virgo Maria affluebat peculiare, sibi metipsis etiam concessas afferent.

VII. ANTIMIUS Episcopus Trapezuntinus, Constantinopolitanam Sedem, ope Theodoræ Augustæ conscendit. Factus acerrimus Euthichianæ sectæ Defensor, & Propagator. In Synodo Constantinopolitana, ab Agathone Pontifice, qui tunc Constantinopolim venerat, omni Dignitate exautoratur.

XVI. ANTIMI ex Jot Islebio, dicto Agricola, Lutheri discipulo, ortum habuerunt Wittembergæ anno 1538. & à Gravina inter Lutheranos rigidos computantur. Dicti sunt *Antimi*, idest viri legi Divinæ contrarii, quorum hoc erat principium dogmatum, quæ profitebantur: *Quidquid libet licet, dummodò in Christum credas.*

1. Dixerunt legem Dei esse prorsus inutilem. R. Matth. 11. Christus nos hortatur ad observantiam legis, quod superfluum foret, quando hæc esset inutilis. Tum quia hoc dato, legi contraire non imputaretur ad peccatum: constat tamen ex ipsa lege; inobservantiam legis facere reatum. Tum quia utilitas Divinæ legis sufficienter comprobatur ex iniquitatibus, quæ committuntur, ubi est ejus inobservantia: Constat enim Divinam legem, non tantum non esse inutilem ad salutem, sed & ad convivendum humaniter, non modò esse utilem, imò necessariam: Si enim non observarentur præcepta, de abstinendo à furto, ab homicidiis, & similia, non possent homines convivere.

2. Bona opera esse inutilia, ad quæ credebant nullum Christianum obligari. R. Si Christianus non obligaretur ad bona opera, falsum esset quod legitur, quia Deus retribuet unicuique secundum opera sua, hoc asserit Propheta psal. 61. Insuper D. Petrus cap. 1. vers. 10. *Frates magis satagite, ut per bona opera certam vestram vocationem faciatis*, quod utique superfluum esset dixisse, si Christianus non teneretur bene operari. Tum quia bona opera sunt digna laude digna gloria, sicut mala merentur vituperium, & pœnam. Nec est rationis compos, qui hoc neget.

Omnis natio hoc axioma probavit: *Bonum bonè, malum malè operanti*; ergo si opera bona sunt digna laude, & Deus utpote iustus Iudex, omnibus operibus bonis in genere moris; vult correspondere debitum præmium; sequitur quod opera bona non sint inutilia. Deus præcipit bona opera, ergo Christiani tenentur ad observantiam bonorum operum, quæ cadunt sub præcepto. Item lex Christiana obligat, sed in lege Christiana præcipiuntur bona opera, ergo &c. Major non potest negari, nisi ab illis, qui asserunt legem Christianam non esse veram legem, sed esse veram legem probant testimonia Scripturæ veteris, & novi Testamenti: evincunt rationes omnes, quibus probatur Ecclesiam Romanam esse veram, & unicam Ecclesiam. Tandem bona opera non esse inutilia, constat ex illo, quod legitur Matth. 19. *Si vis ad vitam ingredi, serva mandata*. Vide quæ dicta sunt contra *Amsdorfianos*.

3. Solam fidem sufficere ad salutem consequendam, quare hoc erat illorum axioma: *Quidquid libet, licet, dummodò in Christum credas*. R. ex hoc eodem axioma, quod contradictionem involvit; nam si opus est credere in Christum, cum Christus dicat, non licere quidquid libet; ergo credenti in Christum non licet quidquid libet: credit enim in Christum sicut oportet ad salutem, qui obtemperat ejus mandatis. Tum quia si sola fides sufficeret ad salutem, vel est fides quæ creditur quidquid est de fide, vel quæ aliter creditur, quàm credendum sit; Non secundum, quia etiam per ipsos hæreticos, qui aliter credit quàm credendum sit, non potest salvari; ergo primum, sed fides quæ creditur quidquid est de fide, docet credere opera esse necessaria, non inutilia ad salutem; ergo ex ipso hæreticorum principio evincitur opera bona non esse inutilia, sed necessaria ad salutem. Vide quæ dicta sunt contra *Actianos*.

IV. ANTIOMOUSIASTÆ Ducem habuerunt anno 365. Valentem Ariamum Mursianorum Episcopum, qui in Concilio Ariminensi, professus est, se nequaquam cum Ario sentire, licet in re Arii esset de-

fensor

fenfor, ut alios Episcopos ad Arianismum induceret.

1. Dixit abstinendum à vocibus *substantia, essentia*. R. Quæ Ecclesia Romana profitetur, non omnia sunt explicitis verbis in Scriptura Sacra significata, licet implicite omnia, quæ Ecclesia profitetur, in verbo Dei scripto, vel tradito contineantur. Scimus autem quod Sacra Scriptura continet omnes interpretationes, quas Spiritus Sanctus Ecclesie in dies suggerit, & suggeret indefinenter usque ad consummationem sæculi; ideo illas voces debemus recipere, in explicandis mysteriis nostræ Religionis, quas recipiendas esse proponit, quibusque utitur Ecclesia, quam Spiritus Divinus illuminat, & docet omnem veritatem; & certè omnia quæ proficitur Ecclesia, contineri explicitè in verbo Dei, sufficienter colligitur ex illis verbis: *Cum veneris Paracletus, quem Pater mittet vobis, ipse vos docebit omnem veritatem.*

XVI. ANTIOSIANDRI prodierunt anno 1553. & Osiandri doctrinam in materia justificationis omnino averfantur; sed adhuc adinvicem divisi, certam doctrinam non prostentur; major tamen eorum pars tenet hominem dici justum imputativè, non re. Consultabuntur verbo *Melanthonici*. Vocantur etiam *Osiandristæ*, & sustinent.

1. Christum esse justificatorem nostrum, secundum solam humanitatem, exclusa Divina natura. R. ex Scriptura, ubi Christum non modò qua hominem, sed qua Deum esse justificatorem nostrum declaratur. Prima Jo: 4. *Misit filium suum propitiationem pro peccatis nostris.* Ad Galat. 4. *Misit Deus filium suum, factum ex muliere, factum sub lege, ut eos, qui sub lege erant redimeret;* Ex quibus locis constat Christum, non modò qua hominem, sed qua Deum, esse justificatorem nostrum; quod etiam evincitur ex prima ad Timot. cap. 2. vers. 5. ad Cor. cap. 5. ad Heb. cap. 2. vers. 10.

2. Eucharistiam datam esse tanquam pignus corporis Christi. Repr. illis omnibus rationibus, quibus evincitur realis existentia corporis Christi in Eucharistia.

XVI. ANTIPAPI quos Gravina recenset inter Semilutheranos, prodierunt à quodam viro nomine Joannes Papa anno 1579.

Dixerunt Christi corpus esse ubique, & omnipotens. R. quoad primum, quia non minùs esset adorandum in pane consecrato, quàm in tabula, in carta, in calamo, in omni pulmento. Tum quia Christi corpus esse sub speciebus panis Eucharistici, constat ex Christi institutione; nullatenus autem legitur Christum dixisse, suum corpus esse ubique. Repr. quoad secundum, quia corpus Christi fuit in Virgine formatum, fuit passibile; ergo non potest esse omnipotens, quia omnipotentia est Deus, & corpus Christi cœpit esse in tempore.

XVI. ANTIPAPI FURIOSI, reponuntur à Gravina inter Lutheranos rigidos: dicti fuerunt furiosi, quia nonnisi furiosus potest concipere istorum sensus, qui blasphemabant per necem Pontificis, Cardinalium, Episcoporum, Sacerdotum, Monachorumque omnium, querendum esse veram pacem. Ducem habuerunt quemdam hominem perditum, qui in Comitibus Augustanis adeo furiosam propositionem ausus est pronunciare.

XVI. ANTIPURITANI. Idem mihi videntur, qui vocantur Anglocalviniani; Si enim quis conferat, quæ de Anglocalvinianis habet Natalis Alex. cum his, quæ de Antipuritanis refert Gualterius, statim non differre animadvertet. Horum causa prævaluit contra Puritanos, in collatione facta coram Rege anno 1604. & probabile est Anglocalvinianos etiam Antipuritanos fuisse nuncupatos, quia Anglocalviniani in ritibus, & caeremoniis, omnino adversantur Puritanis. Anglocalviniani dicti sunt etiam Calvino papistæ à Puritanis: imò Simiz Catholicorum, ab iisdem Antipuritanorum adversariis etiam vocabantur, quia Antipuritani in pluribus cum Catholicis (qui ab hereticis Papistæ sunt dicti) conveniunt; ubi è converso Puritani omnino disconveniunt. In Synodo Anglicana congregata ab Antipuritanis Londini anno 1603. & 1604. Canones 141. constituti sunt, quo-

quorum plures Catholicæ doctrinæ adherent; siquidem per prædictos Canones Antipuritani crucem venerant; Puritani despiciunt. Illi titulos Episcopatus, & aliarum dignitatum Ecclesiasticarum, juxta veteris Ecclesiæ formam retinere voluerunt, isti abhorrent. Illi calices in cœna adhibent, isti vulgaria pocula propinant. Illi cantum, organa, vestes sacras recipiunt, isti detrectant. Illi nullos dies festos celebrant, isti aliquos observant. Cæterum Antipuritani, etiam inter Sacramentarios locum habent, quia in materia Eucharistiæ sentiunt cum Zuinglio.

XVI. ANTISCRIPTURIANI etiam ex Calvini schola progeniti, gloriantur se habere eundem spiritum, quem habuerunt Apostoli, & Prophetæ: idcirco totam Scripturam contemniunt; qua fronte, quo fundamento id asseruerint, si attendat lector, simul & semel satis perse reprobata horum temeritatem animadvertet: Siquidem *Apostoli repleti sunt omnes Spiritu Sancto, & ceperunt loqui prout Spiritus Sanctus dabat eloqui illis*, ex actibus Apost. cap. 2. Item Deus *Locutus est per os Sanctorum, qui à seculo sunt Prophetarum ejus*. Ex Luc. 1. *Et olim Deus loquebatur Patribus in Prophetis*, ut legimus ad Hebr. 5. hinc facile erit discernere an Novatores eodem, quo Apostoli, & Prophetæ Spiritu præditi, se jure gloriantur, qui Divini Spiritus sermonem abiciunt, & suas versutias eidem præferunt.

XVI. ANTISTANCARIANI ex Musculo geniti, anno 1575. Stancari sententiæ se opposuerunt, sed in alium inciderunt errorem, dum Stancari sententiam de Christo mediatore redarguebant, dicentes Divinam naturam Christi simul cum humana mortuam esse; ut hinc asseruerent contra Stancarum, Christum fuisse mediatorem secundum utramque naturam. Repr. verbo *Musculus*.

XVI. ANTISTURMIANI recensentur à Gravina inter Antilutheranos, prodierunt anno 1570. & opponuntur Sturmio, qui maluit subscribere confessioni Augustinæ, potius quàm concordiæ Bernensi, proinde Sturmium maledictis prosequun-

tur. Ducem habuerunt Osiandrum Sturmii Antagonistam.

XVI. ANTISVENKSFELDIANI Secta Lutherani rigidi, oppugnant Svenksfeldium, qui viam salutis, totam reponebat in spiritu, nullo verbo scripto recepto; isti è converso, omnes spiritus impulsus secludentes, totam viam salutis constituent in vocali verbo ministerii Ecclesiastici, sine quo neminem salutem consequi posse asserunt. R. Christus enim dixit Joan. 4. vers. 23. *Nunc est, quando veri adoratores adorabunt Patrem in spiritum, & veritate. Nam & Pater tales querit, qui adorent eum*. Tum quia, si nemo sine vocali verbo ministerii Ecclesiastici posset salvari: omnes tenerentur tali ministerio incumbere, & qui nescirent, essent exclusi à salute. Insuper muti, & amentes, qui non possent verbum exprimere, & surdi, qui non possent recipere, non possent salvari; sed hoc falsum esse, per se patet: Deus enim dedit media ad salutem omnibus applicabilia; quoniam vult omnes salvos fieri; ergo &c. Vide verbo *Adelphus*.

II. ANTITACTÆ. Ad tantam deveniunt impietatem isti hæretici, ex Gnosticis progeniti, ut tanquam ipsius impietatis idololatræ, non erubuerint asserere peccatum non esse malum, imò etiam mercede dignum. Non eget reprobatione tanta dementia, quam vel irrationale animal profiteretur inter omnes demantias absurdissimam. Clemens Alexandrinus lib. 3. Stromatum, asserit hæreticos Antitactas sic dictos, en quod licet assererent Deum universi Patrem bonum esse, & justum; nihilominus ex ejus creaturis unam fuisse asserabant, quæ totius mali naturam procreaverat, ex qua homines fuerunt infecti: qui error reprobatur à D. Augustino. lib. 12. de Civit. Dei cap. 7.

XVI. ANTITRINITARIJ. Licet Antitrinitarij, scilicet Trinitatis hostes possint vocari quicumque contra Trinitatem blasphemant, communiter tamen Antitrinitarij vocantur illi, qui ex secta Luthero Calviniana progeniti, dum Trinitarios, prædictæ sectæ pariter succu-

los,

los, impugnare contendunt, & Arianismum devitare; novo errore decepti, Sabellii impietatem renovant, & subscribunt. Natalis Alexand. fest. 15. art. 13. dicit: Michaelen Servetum Antitrinitariorum agmen duxisse. Eius peculiares errores verbo *Servetus* commodius erit referre, & reprobare.

XVI. ANTONIUS CORVINUS: ad Evangelium Dominicæ quartæ post Pascha, negat Episcopos in Conciliis legitime congregatos habere Spiritum Dei, & vera docere. Vixit, prout refert Coelius, circa annum 1538. R. Episcopi in Conciliis congregantur in nomine Dei, sed inter illos, qui congregati sunt in nomine Dei, Deus specialiter est assistens, ut constat ex illo Matth. cap. 18. *Vbi enim sunt duo, vel tres congregati in nomine meo, ibi sum in medio eorum*, & ubi Deus specialiter assistit nulla potest irumpere falsitas, quia Deus veritas est; ergo &c. Tum quia legitur Joel cap. 1. quod Deus promisit specialem spiritus sui assistentiam Ecclesie congregatæ, de qua prophetabat Joel loco cit. unde sententia Apostolorum in concilio congregatorum dicta est *sententia Spiritus Sancti*, juxta illud Actuum 15. vers. 28. *Visum est Spiritui Sancto, & nobis*. Tum quia Ecclesia non potest errare, ut suo loco probabitur, ergo neque Episcopi in Concilio congregati, ubi representant universam Ecclesiam.

XVII. ANTONIUS POQUINUS. Non alium esse hunc Poquinum, quam Coppinum crediderim. Vide *Coppinus*.

* XV. ANTONIUS VISIGNANI Brixie in carcere detentus ob suas hæreses sibi earnixit factus, ibidem vestis suæ cingulo se suspendit. Animæ immortalitatem, negavit. R. verbo Arabes. Resurrectionem mortuorum non admittebat. R. verbo Basilidiani: Sacramenta Ecclesie rejecit. R. verbo Bisaceni, & verbo Calvinus.

* XVI. ANTONIUS, ac PAULUS MOVANI fratres genere nobiles, sedantes hæresi avitam pietatem, & nobilitatem in provincia Phœneci Calvinianam perfidiam dilatarunt.

Tom. I.

ANTROPOLATRE. Vide *Nestoriani Moderni*.

IV. ANTPOMORPHITE. Tempore Valentis Imper., & Damasi Papæ, Seleucius, & Hermias, ambo Galatz, censentur fuisse parentes Antropomorphitarum, qui circa annum Christi 390. in partibus Ægypti sequentes disseminarunt errores: ab aliquibus etiam Vadiani nuncupati. Alii Audzum Antropomorphitarum auctorem faciunt. Ex Damase lib. de hæres.

1. Dixerunt Deum esse corporeum. R. ex Scriptura, ubi Deus dicitur Spiritus. Joani cap. 4. vers. 24. *Spiritus est Deus*. Tum quia si Deus esset corporeus, esset compositus, esset imperfectus, esset terminis inclusus, quæ omnia infinitæ perfectioni Divinæ repugnant. Tum quia natura spiritualis est longè perfectior corporea; ergo cum omnis perfectio in eminentissimo gradu Deo competeat, dicendum est Deum esse Spiritum, neque habere corpus. Nec obstat, quod Saera Scriptura pluribus in locis Deo tribuat membra humana; nam in his locis Scriptura se accommodat humano intelligenti modo, ut homo facilius intelligat, sic ubi legitur: *Manus Domini tetigit me*, significat Deum tribulationibus visitasse, & probasse servum suum. Reprobantur etiam aliis gravissimis rationum momentis: & primò omne corpus moveri potest, vel motu locali, transendo ab uno loco ad alium, vel motu alterationis recipiendo novum aliquod accidens, quo vel minuat, vel augeatur: at qui Deus moveri non potest nec motu locali, eum sit immensus, & omnia repleat, nec motu alterationis cum sit immortalis, & immutabilis; ergo Deus non est corporeus.

2. Si Deus est corporeus, constat necessariò partibus, quæ possunt à se invicem separari, atque ita Deus erit divisibilis in varias partes, sicut continuum, quod eertè pugnat eum idea entis perfectissimi, qualis Deus est.

3. Deus est ens omnium nobilissimum, & tale non foret si corpus haberet, siquidem vel corpus illud esset vivens, vel non vivens, si secundum, ergo non est res omnium nobilissima, eum

H

ex fe

ex se longè nobiliùs sit vivere, quàm non vivere; si est vivens, ergo vel per formam superadditam ipsi advenientem, vel vivit per ipsam proprii corporis substantiam: si prius dicitur, ergo non est ens omnium nobilissimum, quandoquidem datur aliquid eo nobiliùs, videlicet anima, per quam vivit: si posterius, non potest vivere nisi vita ad summum sensitiva, ex quo sequeretur Deum non esse ens omnium nobilissimum, si dicatur esse corporeum. Vide S. Thom. 1. par. q. 3. art. 1. ubi præfatas rationes proponit.

2. Dixerunt imaginem Dei, ad quam factus est homo esse in corpore, non in anima. R. Homo est imago Dei in eo, per quod assimilatur Deo, sed est similis Deo per intellectum, & voluntatem, non per corpus; ergo imago ad quam factus est homo non est in corpore, sed in spiritu. Tum quia si imago Dei esset in corpore, non in anima, etiam statua representans hominem dici posset esse imaginem Dei, & quamvis legatur Sap. 9. *Ad imaginem Dei factus est homo*, & homo reduplicative ut talis includat corpus, & animam, non hinc debet inferri imaginem, de qua agitur, consistere in utroque, scilicet in corpore, & anima; nam cum homo potius dicatur homo ratione animæ, quàm corporis, licet ratio hominis utrumque dicat: hinc est quod cum homo, quoad animam, sit ad imaginem Dei, nihilominus non dicitur quod anima hominis, sed homo est ad imaginem Dei.

3. Dixerunt Bestos videre Deum, oculo corporeo. R. ex ipso eorum fundamento, hoc enim in tantum dicebant, quia sustinebant Deum esse corporeum; loca verò Scripturæ, quæ adducuntur, ad probandum Deum videri oculis, non sunt intelligenda de oculis corporeis, sed spiritus, scilicet intellectus. Nec valet paritas de igne Inferni, qui licet sit corporeus torquet spiritus, ut hinc inferatur oculis corporeis posse Deum videri: disparitas enim est, quod ad torquendum non requiritur actio vitalis, ideò ignis corporeus potest elevari ad torquendum spiritum; sed ad videndum requiritur

actio vitalis, quæ protrahi non potest extrà propriam spheram, ideò oculus corporeus nequit elevari ad videndum id, quod est extrà suam spheram. Vide verbo *Cape*.

X. ANTROPOMORPHITÆ NOVI; excitarunt in Italia, decimo currente seculo, veterum Antropomorphitarum errorem jam extinctum, quorum insolentiam repressit lingua, & calamo N. N. Veronensis Episcopus, deinde Leodiensis, ut refert Sigebertus ad annum 934. quem, summis laudibus celebrant Tritemius, Honofrius, & Canisius.

VI. APAMEJANI. Dux sunt Apameæ, ambæ sedes Archiepiscopales, una in Syria, alia in Phrigia; ab Apamea Syriæ vocati sunt Apamejani, Duce Petro illius Ecclesiæ, non Episcopo, sed invasore; quale monstrum fuerit impietatis videre est apud Baronium: Nomina Sanctorum ex albo Ecclesiæ expunxit, & Dioscorigi, aliorumque hæreticorum nomina, & imagines sublituit. Canones Romanæ Ecclesiæ abolere enitens; tanta fuit impietate sedatus, ut vel ipsis impiis odio fuerit, paucis admodum inventis impietatis suæ discipulis, ferè tota urbe contra eundem ad Pontificem, & Imperatorem reclamante, ut illius violentiam comprimerent. Ex Baron.

II. APPELLITÆ Apelles Marcionis discipulus, à quadam virgine, cui nomen Philomena, depravatus, cujus inventiones, revelationes esse prædicabat, circa annum 146. nomen dedit huic sectæ. Habebat Apelles libros *Syllogismorum* inscriptos, quibus probare contendebat omnia de Deo à Moyse scripta esse falsa. A communione Marcionis ratione impudicitæ expulsus, novæ hæresis inventor factus, unum Deum propè infinitis compositum partibus somnnavit. Præter errores, quos habebant Apellitæ cum Marcione communes, peculiariter sequentes præstebantur. Ex S. Epiph. hæres. 44.

1. Duos Deos admittebant, unum bonum, alium malum. R. verbo *Polytheismus*.

2. Dixerunt Christum corpus ex elementis

mentis accepisse, quod iterum solum in elementa reddidit mundo, cum surrexit à mortuis; negantes ascendisse corporaliter in cælum. R. ex ipso Christo, qui veritatis hujus testimonium perhibuit D. Thomæ Apostolo, cum dixit: *Infer digitum tuum huc &c.* Deinde corpus Christi non ex elementis, sed ex carne constare, sicut cætera hominum corpora, probatur ex eo quod certum est fuisse à Virgine conceptum. Luc. 1. *Concipies in utero, & paries filium.* Veritatem hanc testantur Concilia, Nicænum in Symbolo, Rom. sub Damaso. Qua de re vide, quæ dicta sunt contra Albanenses, & Anglum innominatum. Insuper Christus post resurrectionem apparuit per quadraginta dies in corpore suo visibili, & tangibili Apostolis, cum quibus conversabatur, ergo post resurrectionem non fuit solum Christi corpus in elementa. Viderunt Apostoli Christum, ascendentem in cælum: in corpore visibili venturus est judicare vivos, & mortuos, ergo &c. Item ex his, quæ dicuntur contra Hermiam, negantem Christum sedere à dextris Dei, evincitur Christum ascendisse corporaliter in cælum, quod confirmatur ex verbis Jo: 20. *Noli me tangere, nondum enim ascendi ad Patrem.* D. Thomas, præcipiente Domino, tetigit ejus corpus, & cicatrices, ergo Christus surrexit de facto in corpore, non autem reddidit corpus mundo solum in elementa, cum surrexit, ut blaterant Apellitæ. Christum ascendisse corporaliter in cælum, & sedere ad dextram Patris, constat ex Evangelio Marc. 16. vers. 59., & ex 2^o Apost. cap. 1. quam veritatem asserit Paulus ad Rom. cap. 8. vers. 24., & ad Heb. 1. vers. 7. Nec valet objicere, quod legitur ad Eph. 4. vers. 10. *Qui descendit, ipse est, & qui ascendit super omnes cælos.* Nam licet verbum Divinum non descenderit cum corpore de cælo, sed descenderit assumendo corpus, nondum enim prius corpus assumpserat, idem tamen est, qui ascendit quoad suppositum, de quo loquitur Apostolus loco cit., qui tamen non negat Christum ascendisse corporaliter in cæ-

lum, cum hoc alibi expressè asserat. Vide verbo *Hermias*.

3. Prophetas fuisse falsos, & malos, & falsa vaticinatos. R. ex ipso fundamento suæ assertionis, in tantum enim dicebant Prophetas fuisse falsos, & malos, quia duos Deos Apellitæ adittebant, unum bonum, à quo bona facta essent, alium malum, à quo omnia mala, & à Deo malo dicebant esse factos Prophetas; sed cum involvat contradictionem ex intrinsicis principiis, sive admittere plures Deos, sive admittere Deum malum; ratio enim Divinitatis excludit à se omne malum, hinc corruit Apellitarum assertio. Prophetas autem falsa non esse vaticinatos, constat ex eventu; quandoquidem quæ prædixerunt verificata sunt: ut patet legentibus; & licet in aliquibus Textibus aliquando contrariari videantur Prophetæ; attamen in re nulla est contradictio, sicut apud Sacros Expositores videre est. Sanctitatem Prophetarum testatur ipsemet Deus Matth. 23. vers. 28. Luc. cap. 1. vers. 70. Tum quia si Deus locutus est per os Prophetarum, ut constat Luc. cap. 1., & Deus est ipsa veritas, non potuerunt falsa vaticinari.

4. Nullam futuram carnis resurrectionem. R. verbo *Basilidiani*.

5. Unumquemque in ea, quam semel amplexatus est lege debere perseverare. R. Deus enim, non modò ad peccatores, qui sunt in lege Evangelica, sed etiam ad cor hæreticorum loquitur dicens: *Convertimini ad me, derelinquite vias vestras, & audia vestra &c.* Tum quia Deus misit Prædicatores Evangelicos ad omnes gentes, ad quas jam direxerat Apostolos, ut per eorum prædicationem veram fidem gentes omnes amplecterentur, & obtinerent salutem; sed hoc fuisset superfluum si unusquisque teneretur sequi legem, quam semel professus est; ex quo etiam sequeretur quod plures, qui eo quod cognoverint falsitatem suæ legis, & conversi de facto sunt ad veram fidem, obligati fuissent nihilominus ad profitendum falsum, contra mentem, & contra rationem, quod nemo rationis capax asserat, sicut enim intellectus non

potest non amplecti verum; cognitum ut verum, ita non potest obligari ad erendum, tanquam verum falsum, cognitum ut tale, & tamen hoc sequeretur, si unusquisque deberet in sua lege persistere, cum una tantum sit vera lex, in qua potest homo salvari. *Vide qua dicta sunt in preparatione ad opus.*

VIII. APHONETIS fuit unus ex pertinacissimis Manichæismi sectatoribus, qui Episcopum, vieum quemdam in Plurgia se confrens, ibi ab aliis Manetis Affectis honorifice receptus, affirmabat se esse Epaphroditum Pauli discipulum, ab eoque ad ipsos missum, cum quibus, postquam ad 30. annos conversasset, prædicans impia Manetis dogmata, tandem in loco cui nomen erat *Efotocopium* vivere desistit: ex Bar.

VI. APHTARTODOCITE. A'Gaino, secta Euthichiano, circa initium seculi 6. originem habuerunt. Diverfus est hic Gainas ab illo, qui secta Arianus, sub Areadio Imperatore fuit præfectus exercitus, cui S. Chrisostomus silentium imposuit. Porro Aphantartodocitarum causa prævaluit contra corrupticolas, sub Justiniano Imperatore, ut refert Baronius in suis annalibus anno 335.

Dixit Gainas Christum assumpsisse corpus alienum à corruptione mortis, & impassibile. R. Christum plura passum esse effectivè, non apparenter, constat ex historia Evangelica ejus passionis, & ex facto Christi cum D. Thoma, probatur Christi corpus fuisse passibile, de quo legitur: *Oportuit Christum pati, & ita intrare in gloriam suam.* Insuper corpus Christi erat ejusdem speciei cum nostro, ergo quantum est ex se erat corruptibile. Est quod divinitas fecerit ut earo Christi non videret corruptionem, sicut de facto omnes Christiani consentunt. Deinde si corpus Christi non erat passibile, ergo corrumpit tota historia Ecclesiastica de Christi passione. Ad hoc argumentum respondent Adversarii, dicendo quod spontè sua passus est Christus, exterùm quod ejus corpus erat impassibile; sed contra est, quia licet Christus spontè sit passus, tamen verè, & rea-

liter est passus, & certè spontè pati non potuisset, nisi corpus habuisset passibile, sicut qui spontè se offert Tyranno, licet spontè patiat, tamen verè patitur: ergo stat quod corpus Christi verè fuerit passibile, ut declarant Conc. Toletanum primum, & plura alia.

III. AP-CARITE. Prodiierunt anno 278. à Manichæis propagati. In multis sentiebant cum Gnosticis. Ex Præteolo.

Dixerunt animam rationalem esse substantiam inereatam, & æternam, & esse ex Dei substantia. R. Anima in sacris paginis à Deo creata dicitur, & certè si quæ anima esset ab æterno, forte illa Adæ, sed de hae præcipue legitur fuisse ereatam; in Gen. enim habetur. *Formavit Deus hominem, & inspiravit in faciem ejus spiraculum vite.* Tum quia si anima esset æterna, vel ex substantia Dei, esset Deus, & substantia Dei esset divisa in tot partes, quot animæ, quæ omnia implicant; ergo &c. Animæ creari communis est SS. PP. consensus, & definitum est in Conciliis, Lateranensi sub Innocentio III., Braecarenensi sub Joanne Papâ III. ubi anathemate percutiuntur, qui dixerint animam substantiam Dei, ergo anima creatur.

XVI. APOCRIPHT vocantur illi, qui solum Prophetas, & Apostolos recipiunt, de reliquo rejiciunt vetus, & novum Testamentum. Quicumque canonicas scripturas contemnunt, & scripturam reconditam, & ab Ecclesia non approbatam, vel ab hæreticis depravatam legunt, Apocriphi dicendi sunt; quapropter, omnes Novatores, inter Apocriphos recensendos esse crediderim: de his agit Philastrius. Vide etiam Canum de locis Theologicis.

IV. APOLLINARISTÆ Duceem non habuerunt Apollinarium Seniore, ut aliqui sentiunt, Laodiceæ in Syria professione grammaticum, ex Alexandria oriundum, mortua uxore Sacerdotio initiatum, dictum Seniore, ut distingueretur à Filio, cui etiam nomen erat Apollinarius, qui fuit Laodiceæ Presbyter, & excellenti donatus ingenio,

nio, hic plura scientiæ suæ monumenta reliquit; ob sui ingenii perspicaciam pluribus sanctis viris, utpotè Basilio, Athanasio, Gregorio Nazianzeno, aliisque sanctis Episcopis, quibus familiaris fuit innotuit; sed cum eundem in hæresim illapsum animadvertent, contra ipsum, quem laudibus prius prosequerantur, coacti fuerunt calamum æquere. Hinc colligitur Apollinarium Juniorem fuisse Apollinaristarum primipillum, de quo ferè omnes antiqui Scriptores mentionem faciunt, & de eodem novissimè scripsit disertè Natalis Alex. seculo 4. cap. 3. art. 14. Episcopum Laodiceæ in Syria electum fuisse sunt qui asserant. Vir fuit litterarum scientia celeberrimus, qui omnem vim, & conatum, adhibuit, ut contra Juliani Imperatoris edictum (qui Christianos humanioribus litteris vacare prohibuerat) litterarum scientia inter Catholicos divulgaretur, editis hac de re eruditissimis libris, non minus soluta oratione, quàm versibus; sed cum interim litterarum scientia, qua excellabat abuteretur in hæresim incidit, cui ejus sectatores etiam novos adstipularunt errores, ex Manichæis, Tertullianistis, & Sabellianis desumptos. Condemnatus fuit Apollinaris pluribus in Conciliis, & primo à Divo Athanasio in Conc. Alexandrino, habito anno 362. postmodum Romæ sub Damaso Papa anno 377. iterùm Antiochiæ anno 378., & demùm Romæ in alio Conc. Rom. anno 382. Apollinaris errores fuerunt proscripti. Hæc hæresis in plures sectas deinde fuit divisa, & ab eadem Euthychianam hæresim habuisse originem sunt qui autumant. De Apollinari, ceterùm propter suam scientiam spectabili, plures SS. PP. & recentiores Scriptores, mentionem faciunt. Apollinaristarum errores, præter illos, quos cum Manetæ, & Tertulliano præstebantur, sunt sequentes; quos paulò post medium quarti seculi disseminatos, colligitur ex Socrate, & Sozomeno; quare autem Apollinaris hæresim instituerit. Vide verbo *Gregorius Laodirensis*.

1. Dixit. Verbum Divinum assum-

psisse quidem naturam humanam quoad corpus, non verò assumpsisse integram cum anima; ita ut in corpore assumpto, Verbum gereret vires animæ. R. Christus moriturus se commendavit Patri: *Jon. cap. 19. vers. 30.* legitur, quod *Inclinato capite tradidit spiritum*; mors autem posita est in separatione animæ à corpore; ergo si Christus tradidit spiritum, veram assumpsit animam. Tum, quia Christum habuisse veram animam constat *Jo. 10.* Christus enim dixit: *Tristis est anima mea*, sed Verbum non potest trisari, nec corpus sine anima, ergo verè Christus habuit animam. Tum, quia natura humana non potest assumi, nisi assumatur corpus, & anima, natura enim humana dicit utrumque, ergo si Christus est verus homo, assumpsit utramque naturam, neque ex eo, quod legitur: *Verbum caro factum est*; valet inferre Verbum assumpsisse solam carnem; nam ibi nomine carnis venit tota natura, sicut ubi legitur *Luc. 3. ver. 6. Videbit omnis caro salutare Dei*, sermo est de hominibus, non qua corpus tantùm habent, quia corpus sine anima non potest videre, sed quatenus habent animam rationalem, & capacem visionis.

2. Spiritum Sanctum esse magnum, Filium majorem, Patrem maximum. R. Dato hoc asserto non essent unus Deus, sed tres Dii; imò sequitur in sententia Apollinaris, quod solus Pater esset Deus. Vide quæ dicta sunt verbo *Ariani* ad probandam consubstantialitatem S. Spiritus, & contra *Arium*, & alios ad probandam consubstantialitatem Filii.

3. Aliquod Verbi conversum esse in carnem. R. Spiritus increatus non potest converti in corpus creatum, sicut corpus non potest converti in spiritum. Tum quia in Verbo Divino non possunt concipi partes. Tum quia Verbum assumens corpus, mansit quod erat. Demum substantia Divina est immutabilis.

4. Mille annos post resurrectionem ritus Judaicos esse instaurandos, & ad usum

usum revocandos . R. Post extremum Judicium , gloria Electis , & pœna Dam-natis dabitur in æternum ; sed nec illi in gloria , nec isti in pœna possunt ob-servare ritus Judaicos . An autem Deus post extremum Judicium sit creaturus alios homines , & sub qua lege , nec directè , nec indirectè potest ex sacris paginis de hac re judicium ferri . Tum quia si quæ lex esset revocanda , po-tius esset lex gratiæ , quam scripta . Urget argumentum , lex enim Judaica non potest revocari in usum , quia illa est figura legis gratiæ , & jam verifica-ta sunt , quæ lex Moysæ figurabat .

5. Peccatum esse verum naturæ in-sinctum . R. Si peccatum esset verus naturæ insinctus , Deus creasset natu-ram cum insinctu ad malum , quod re-pugnat dicere , Deus enim benè omnia fecit : tum quia homo non peccat , si facit id , quod est insinctum à natura , in se præcisè considerata (aliud enim est loqui de insinctu naturæ , prout à Deo creata est ; aliud est loqui de proclivitate naturæ , prout est circumval-lata passionibus , & peccato vitata .) Natura secundum insinctum , quem ac-cepit à Deo in sui creatione , nullatenus est mala ; idèò dici nequit quod peccatum sit verus insinctus naturæ . Aliud , ut dixi , est loqui de natura humana post lapsum , in qua conside-ratione licet sit proclivis ad malum , adjuvatur tamen à gratia ne cedat pro-clivitati , dummodò velit gratiæ coo-perari . Cæterum semper stat peccatum esse contra inclinationem naturæ in se consideratæ ; ideoque non esse verum naturæ insinctum . Aliqui ex Apollina-ristis Christum è cælo corpus attulisse , alii corpus sine anima assumpsisse blate-rabant , sicut & alii asserabant , non assumpsisse intellectum , nec fuisse per-fectum hominem , nec Verbum perfectè fuisse incarnatum , qui sic sentiebant *Dimetrita* vocati sunt . Sub hoc nomine reprobandi .

IV. APOLLINARISTÆ ALII. Theodo-retus hæret. fabul. lib. 4. constituit se-cundam Apollinaristarum speciem , qui

dicebant corpus Domini descendisse de cælis , nam cum scripta Apollinaris , di-versa continerent falsa dogmata , hæc quidem his , alia aliis placuerunt , ex quo diversæ originatæ sunt sectæ .

XVI. APOLOGISTICI sequuntur do-ctrinam Apologiæ Anglicanæ , discre-pant à Lutherò in materia Eucharistiæ , secta sunt Sacramentarii . Anno 1544. prodierunt ex sectariis , cum quibus conveniunt , novis insuper additis er-roribus , quos profitentur , & sunt se-quentes .

1. Dicunt , quod unitas non est Ecclesiæ nota . R. Nam D. Paulus ad Eph. expressè requirit in Ecclesia uni-tatem fidei , & unitatem spiritus . Tum quia , sive nomine unitatis intelligant multitudinem credentium ex omni na-tione , qui in unam fidei confessionem conveniunt , & perseverant in una , & eadem doctrina ab Apostolis tradita , sive intelligant unionem membrorum inter se , & cum capite , certum est quocumque modo de unitate differant , unitatem esse Ecclesiæ notam : sicut enim ad discernendam alienus rei veri-tatem , circa quam plures plura sentiunt , illi parti adharemus , circa quam plu-res conveniunt , & eò magis si sint cor-dati viri , & omni exceptione majores , ita ut penè impossibile credamus tot vi-ros doctos , & probatæ virtutis posse errare in sustinenda unanimiter aliqua assertionem ; ita à pari certum est , quod cum fides Catholica Apostolica Romana teneatur à tot viris sanctis , doctis , di-gnitate conspicuis inviolabiliter , & suc-cessivè per tot secula , & e converso in omnibus aliis sectis , tot penè sint sen-tentiæ , quot capita ; utique talis , ac tanta fidelium unitas , & concordia in una , & eadem doctrina probanda , sus-tinenda , ac confirmanda , esse debet Ec-clesiæ nota , & tanti ponderis est hæc ratio , ut benè considerata , sola per se deberet sufficere ad aperiendos cæco-rum oculos , qui in tenebris ambulant , ut ab iisdem recederent , & ad veræ Ecclesiæ lumen accederent . De unitate autem corporis morales Ecclesiæ , de qua etiam

etiam Paulus loco cit., alibi agemus.

2. Quod levis est quæstio de Paschate, & fermentato. R. Esse non potuit levis quæstio de Paschate, quandoquidem hæc incipit anno 154. sub Aniceto Papa, & duravit usque ad annum 325. sub S. Silveſtro Papa, quando congregato Concilio Nicæno, decisa fuit contentio, in qua agebatur de non conveniendo cum Hebræis in re gravis momenti, qualis est celebratio Paschalis: & certè si non fuisset res magni momenti, non fuissent celebrata plura Concilia, cum gravi Episcoporum incommodo, & dispendio, pro hujus quæstionis decisione ut refert Eusebius lib. 5. Hist. Eccles. Similiter neque levis est quæstio de fermentato, quæ etiam causa fuit, ut Græci ab Ecclesia Rom. discederent, negantes Eucharistiam posse confici in pane azymo, ideò vocabant Latinos *Azymistas*, circa quod. notandum, quod licet tam in fermentato, quàm in azymo pane, confici validè possit Eucharistia, est tamen hæreticum asserere, solùm in uno, vel altero posse confici; non est ergo res levis momenti, ubi de conficiendo magno nostræ Religionis mysterio agitur.

3. Ad Principes laicos spectare in Conciliis de dogmatibus judicare. R. Claves Ecclesiæ non sunt datæ à Deo Principibus, sed Ecclesiæ, ergo spectat ad Pontificem, non ad Principem laicum de dogmatibus judicare. Posuit enim Christus Episcopos, non Principes regere Ecclesiam Dei. Tum quia sæpè Principes laici judicati fuerunt in Conciliis, & plures ex ipsis Conciliorum sententiæ acquieverunt; ergo &c. Tum quia si possent judicare de dogmatibus in Conciliis, possent & congregare Concilia, atquæ talis potestas competit soli Pontifici, ut probatur contra Lutherum: ergo &c.

4. Ad laicos pertinere antiquam fidem instaurare. R. Fides fundata à Christo, promulgata ab Apostolis, ab eorum successoribus debet instaurari, sed Episcopi, non laici sunt successores Apostolorum. Tum quia si omnes laici pos-

sent instaurare fidem, omnes laici essent ministri Sacramentorum, essent Concionatores, sed talis potestas solis Sacerdotibus data est, quibus dixit Christus: *Ite, docete, baptizate, predicare Evangelium*, & similia, quæ ad instauracionem, & propagationem fidei spectant, ergo &c.

5. Malos, corpus Christi non comedere. R. ex Apost. ad Cor. dicente: *Qui indignè manducat, Judicium sibi manducat*. Judas in ultima cæna, cum cæteris Apostolis, accepit corpus Christi, quod ipsum Christum distribuisset omnibus discumbentibus, constat ex Hist. Evang. Vide D. Thomam 3. part. quæst. 80. artic. 3., & Trid. sess. 3. cap. 8.

6. Illicitum esse uno die, eodemque in templo, plures Missas celebrare. R. ex antiqua, & contraria Ecclesiæ praxi, imò in die natalis Domini, unus plures Missas celebrat: ergo à fortiori poterunt plures Sacerdotes, singuli singulas Missas celebrare: nec ullum inconveniens potest adduci, imò communis utilitas poscit quod plures Missæ celebrentur, ut detur singulis commodum audiendi Missam, & assilendi tanto Sacrificio, simulque offerendi cum Sacerdote, atque participandi de oratione Sacerdotis, & de oblatione, quæ singulariter in Missa fit pro circumstantibus. Demum dixit Christus: *Hæc quotiescumque feceritis*, ex quo colligitur dedisse facultatem, ut omnes sæpe celebrarent, non autem prohibuisse, ut volunt hæretici; sciebat enim Christus, maximè ratione persecutionum, in aliqua secreta domo futurum, ut plures Sacerdotes congregati celebrare cogerentur, quibus utique per plura secula permittum non fuisset diversas habere Ecclesias ad Sacra faciendâ.

7. Infantes antequam fidei Sacramento iniciuntur ad populum Dei, pertinere. R. Ecclesia describitur, quod sit: *Congregatio hominum baptizatorum, qui sub regimine Romani Pontificis, in unam eandemque fidem consentiunt, & eorundem Sacramentorum Communionem ligantur*; sed infantes nondum baptizati non sunt

sunt in hac congregatione ; ergo nondum pertinent ad populum Dei , prout nomine populi Dei intelliguntur illi , qui sunt Cives Ecclesiz ; prout enim omnes sunt creaturæ Dei , omnes pertinent ad populum Dei . Tum quia per Baptismum homo subijcitur Ecclesiz , & hæc nullam habet jurisdictionem super non baptizatos . Apostol. ad Cor. 5. loquens de non baptizatis ait : *Quid enim mihi de his , qui foris sunt ; ergo non baptizati nondum pertinent ad populum Dei , quatenus pro Dei populo intelliguntur illi , qui sunt de corpore Ecclesiz , sive qui vocati sunt ad hæreditatem .*

8. Ecclesiam posse errare in fide . R. verbo *Joannes Vespheus* .

I. APOLLONIACI illi sunt , qui tempore S. Pauli proprio Prædicatore , qui Dei Verbum ipsi annuntiaverat , denominari volebant , & cum alii ab Apollo Apolloniaci , à Petro Petriciani , à Paulo Pauliciani denominarentur , schismata faciebant , unde ipsos redarguit D. Paulus 1. ad Cor. 3. , & meritò ; per hoc enim quodammodò fit , ut evacuetur Crux Christi , & hoc æmulati sunt ferè omnes hæretici , ut à proprio nomine suos sectarios nominarint . Catholici verò , exemplo Apostolorum , hoc maxime sunt avversati , qui non nisi à Christo unanimiter Christiani voluerunt nuncupari . Videatur hac de re Bar. ad ann. 57.

L. APOLLONIUS , TIANUS dictus , præstigiis suis egit : ut tanquam numen haberetur , ejus famam propagavit Philostratus , res illius gestas conscribens , & mendacis amplificans . Ephesini illum , ut Deum coluerunt , sub nomine *Herculis Alexiani* . Hierocles Philosophus , unus ex Areopagitis judicibus , commentario in Christianos edito , ostendere aggressus est Apollonium æqualem Christo extitisse . Alexander Imperator , Christi , & Appollonii imagines , inter Deorum suorum simulacra collocavit . Apollonii præstigia recenset , & detegit Eusebius , sicut , & Philostrati mendacia , edito ea de re libro contra Hieroclem .

III. APOSTOLICI . Sunt in quadruplici specie . Prima de qua hic agitur Encratarum germen esse creditur , quod repullulavit circa annum 260. quibusdam apocrophis actibus S. Andree , & S. Thomæ (referente D. Epiphano) utebantur ; omnibus renuntiabant facultatibus , ideò se Apostolorum veros successores esse gloriabantur .

Dicebant nullatenus licere Christianis terrena possidere , & terrena possidentibus nullam spem esse salutis , hoc ducti falso motivo , quod crederent in lege Christi nulla esse consilia , sed omnia esse præcepta . R. ex sacris paginis , ex quibus colligitur , aliud esse agendum ab eo , qui vult ad vitam ingredi , debet enim *servare mandata* , aliud superaddendum ab eo , qui vult perfectus esse , debet enim *vendere , quæ habet &c.* Et certè si nullum esset consilium in Evangelio , omnes deberent contineri , & sic extingueretur genus humanum . Omnes deberent esse mendici ; in quo casu eum non esset , qui propria possideret , & posset erogare elemosinam , sequeretur , quod omnes Christiani deberent ex necessitate perire . Non igitur virginitas , paupertas , & alia hujusmodi sunt de præcepto , sed de consilio , sic de virginitate fateatur D. Paulus dicens : *Consilium autem do* . Cæterùm licere Christianis bona possidere , probabitur infra verbo *Apostolici* ex tertia specie . Adducunt hæretici plura testimonia ad probandum , saltem paupertatem esse de præcepto , sed ex illis nihil evincitur ; nisi quod Deus prohibuit nimium affectum circa bona temporalia , non verò prohibuit honestum eorumdem usum . De his Apostolicis scribit S. Ephrem .

XII. APOSTOLICI ex secunda specie illi sunt , qui circa annum 1140. (quorum caput quidam fuit nomine Pontius , & duodecim alios sub suo Imperio habebat Magistros) se jactabant veros Apostolorum successores . Cæterùm homines erant rustici , illiterati , & om-

& omnino contemptibiles, quos egregiè confutavit S. Bernardus; præter errores veterum Apostolicorum, alios etiam profitebantur quos refert S. Doctor.

1. Nuptias damnabant, & habitabant luxuriosè cum mulieribus. R. ex sexto præcepto Decalogi, in quo prohibetur fornicatio. Matrimonium non esse execrandum, probatum est verbo *Adamita*, sed satis sunt reprobati hujusmodi hæretici, quia fundamentum hujus hæresis erat sola libido, adeò expressè prohibita in sacris litteris.

2. Abstinentiam à carnibus, & ab omnibus ex coitu genitis prædicabant. R. verbo *Eucrasita*.

3. Baptismum Parvulorum non admittebant. R. verbo *Anabaptista*.

4. Orationes pro Defunctis rejiciebant. R. verbo *Aeriani*.

5. Dicebant Sanctos non invocandos. R. verbo *Vigilantius*.

6. Presbyteros, ac Prælatos peccato coinquinatos, nullam habere potestatem ad conficiendum Sacramentum asserbant. R. verbo *Abigenes*. Nec vult dicere, quod impii non habent Spiritum Sanctum; ergo nequeunt ministrare Sacramentum poenitentiae, in quo remittuntur peccata; nam quamvis non habeant Spiritum Sanctum, si nomine Spiritus Sancti veniat gratia gratum faciens, habent tamen Spiritum Sanctum, prout hic intelligitur potestas conficiendi, & ministrandi Sacramenta. Vide verbo *Jacobus præpositi*.

7. Omne juramentum illicitum reputabant. R. verbo *Catari*. Adde his omnibus, quod pro defensione suorum errorum cum gaudio flammam patiebantur, credentes suam sectam esse veram Ecclesiam; sed satis erant de falsitate convicti, nam cum vera Ecclesia, sit sancta, utique non poterat esse vera Ecclesia, quæ tot docebat iniquitates. Vide Auctores agentes de signis Ecclesie Catholice, quæ de re nos etiam alibi in hoc Opere tractamus.

Tom. I.

XIII. APOSTOLICI ex tertia specie prodierunt circa annum 1295. eorum Dux fuit quidam Gerardus Zagarelus Parmensis, vir plebejus; qui ut imitaretur Apostolos, eo modo quo eodem pictos aspicebat, habitum induens, sectam laidissimam instituit, imitaturus Christum circumcidi voluit, in præsepio aliquandiu jacuit, & alia similia fecit deliramenta, in quibus cum pertinaciter persisteret, fuit vivus exustus. Disti sunt etiam isti hæretici *Pseudo-Apostolici, Fraticelli*.

1. Dicebant Apostolos nihil neque in communi habuisse, proinde non licere eorum successoribus aliquid possidere. R. ex Sacra Scriptura, ubi constat, quod ex Apostolis, unus, scilicet Judas, curam gerebat eorum, quæ Apostoli in communi possidebant, quibus legitur plura bona oblata fuisse à noviter conversis ad Christum. Insuper Joan. 10. perhibet, quod in Civitate Samaritanæ Apostoli emerunt cibos, ergo possidebant pecuniam; & certè quod licitum esset Apostolis aliquid in crastinum reservare, patet ex Actibus Apostolorum cap. 11. & cap. 27. Quidquid verò ad pauperem spectat in Evangelio non est præceptum, ut volunt Apostolici, sed consilium, nisi sermo sit de paupertate spiritus, quam contra vitia concupiscentiæ omnes tenemur servare; quod si omnimoda paupertas esset præceptum, soli mendici salvarentur, sed mendici ut subsistant debent invenire qui possideant bona, & erogent in eleemosynam. Demùm Deus hortatur fideles ad virtutem eleemosynæ; ergo hinc satis evincitur Christum permittere fidelibus possessionem bonorum temporalium.

2. Decimas non esse solvendas. R. ex Sacra Scriptura Levit. ult. Numeri 18. Malach. 3. Luc. 10. Prima ad Cor. 9. ex quibus auctoritatibus colligitur decimas esse solvendas de Jure Divino, quod nos alibi cum pluribus aliis sustinebimus. Constat etiam ex auctoritate Ecclesie, quæ id lege sancivit, ut patet ex Decretali tit. de decimis ex Conc. Con-

I

stan-

stantiensi fests. 8. ubi hic error damnatus fuit: ex Conc. Trid. fests. 23. cap. 12. Patet etiam ratione, quia cum Deus sit supremus Dominus bonorum, ipsi debetur aliqua recognitio, sicut quia Princeps habet altum dominium in ditionibus suis, hoc jure exigit à subditis tributa, & vestigalia.

3. Coniugia debere solvi pro eorum secta suscipienda, quam credebant esse veram Ecclesiam. R. Quia in vera Ecclesia matrimonium est indissolubile, ut probabitur verbo *Armeni*. Tum quia nullum est præceptum de cælibatu servando, eo minùs de matrimonio solvendo pro his, qui fidem ab Apostolis prædicatam suscipiunt. Convertebantur etiam tempore Apostolorum ad veram fidem uxorati, nec legitur obligatos fuisse conjuges ad dimittendas uxores, vel uxores ad dimittendum maritum, imò oppositum habetur prima ad Cor. cap. 3.

4. Vota esse perniciofa meritis liberi arbitrii, & quæ sine voto fiunt, esse magis meritoria, quàm quæ ex voto solvuntur. R. Scriptura nos hortatur ad emittenda vota, sed Scriptura nos hortatur ad majus bonum; ergo emissio votorum est majoris meriti; Major patet ex psalmo 75. *Vovete, & reddite Domino*, psalmo 46. vers. 14. *Redde Altissimo vota tua*, sed frustra daretur tale consilium, quandocumque esset perniciosum merito liberi arbitrii, cum sine libero arbitrio nequeant fieri opera meritoria. Tum quia non potest esse perniciosum libero arbitrio, quod provenit ex libero arbitrio, hujusmodi est emissio votorum, imò in tali emissionem votorum, liberum arbitrium comprobatur se esse sui juris; urget adhuc ratio, nam homo probus, qui passionibus solo verbo firmatis se alligat, tandem stat passionibus solo verbo firmatis, quàm juramento sanctis, sed per primum non præjudicat merito liberi arbitrii, quamvis inviolabiliter observet promissa, ergo neque secundum.

5. Ecclesiam non plus valere ad

orandum, quam stabulum. R. ex sacris paginis, quæ nos docent orare, serventer in Ecclesia, quod frequenter repetit Psalmista. Tum quia Ecclesia specialiter vocatur *Domus orationis*; tum quia faciliùs ibi Deus exaudit preces orantium, quæ omnes veritates constant ex sacris paginis; ergo Ecclesia est locus præ omnibus aptior ad orationem; tum quia si oratio in templo non esset majoris utilitatis, Deus non præcepisset illius constructionem, nec tot ditasset privilegiis, ut videre est in libris Paralipom.

XVI. APOSTOLICI. Quarta Apostolicorum species apparuit anno 1528. ex Anabaptistis exorta, Antilutheranis à Gravina adscriptulata. Porro isti Apostolici omnia in commune reponentes, per agros, & villas vagabantur otio dediti, & potiùs fures, quàm alio nomine nuncupari debent, quia cum omnia dicerent esse communia, quæcumque ipsi necessaria, nullatenus attento aliorum dominio, accipiebant, sicque aliorum assumebant facultates, quo vivendi modo, gravatos cum se animadverterent alii Consecrarii Anabaptistæ, rei indignitate perspecta, cautum est, ut in homines adeo perditæ viventes unusquisque irrueret, & talis vivendi modus in communi, communitatibus summè obnoxius, abrogaretur.

III. APOCTACTICI iidem sunt de quibus locuti sumus verbo *Apostolici* primo loco, voluerunt autem etiam Apotactici, id est, renunciantes, nominari, quia bonis terrenis renunciabant.

II. APULEJANI Ductorem habuerunt Apulejum, natione Asrum, patris Madaurum, secta Platonice, circa medium secundi seculi, sanguinis cognitione Plutarco affinem. Carthagine studuit, & Athænis Platonis doctrinæ adhaesit; Romæ excellens Orator apparuit. Philosophiæ tamen studio flagrans, hanc juris prudentiæ prætulit. Uxoratus fuit cum Prudentilla vidua divite. In sui defensione de homicidio accusatus, Apologeticon habuit. De Apulejanis scribit S. Au-

S. August. lib. 9. de Civitate Dei cap. 22. quos inter paganos potius quam inter hæreticos recenserem.

Dixit Angelos esse mediatores inter Deum, & homines; proinde esse colendos. R. prima ad Tim. cap. 2. ubi unus Christus mediator esse asseritur. Tum quia mediator ab Apost. ad Heb. cap. 2. vers. 17. *Debuit per omnia fratribus assimilari, ut misericors fieret, ut reprophetaret delicta populi*, sed Angeli non sunt per omnia nobis similes, ergo non possunt esse mediatores. Tum quia Angeli ipsi testantur Christum esse mediatorem, sic Matth. cap. 1. vers. 21. Angelus ad Joseph dixit de Christo: *Ipse salvum faciet populum suum*. Tum quia mediator est ille, qui reconciliat, reconciliator non debet infinite distare, inter partes reconciliandas; sed Angelus infinite distat à Deo; ergo &c. Vide D. Aug. lib. 9. de Civ. Dei cap. 15. Quod si in aliquibus Scripturæ locis legitur, per Angelos datam libertatem hominibus, significant quidem huiusmodi textus summa beneficia, quæ recipimus ab Angelis, ut custodibus nostris; non verò innuunt reconciliationem nostram, de qua hic agitur, esse opus Angelorum. Tum quia si Angeli essent reconciliatores, unusquisque homo haberet suum reconciliatorem peculiarem, sed unus est Reconciliator, & Redemptor, ergo &c. Ex quo sequitur Angelos non esse adorandos tanquam mediatores, nec eodem cultu quo adoratur Christus, quia Angeli, ut legitur in Scriptura, *ministrabant ei*. Angeli Christo famulatum præbent, quoniam tanquam suum Regem Christum adorant; ergo &c. Nota hic me uti nomine Angelorum more Ecclesiæ, quamvis Angeli ab ethnicis cogniti non fuerint. Vide Navarrum Ordinis S. Benedicti in prolegomenis de Angelis, qui de hac materia diffusè disserit.

III. AQUARI. Probabile est circa medium tertii seculi emeruisse; fuerunt dicti Aquarii, quia solam aquam in consecratione sanguinis apponendam ascribebant. A Theodoretò vocantur etiam

Encratitæ. Ferunt hanc hæresim originem habuisse ex eo, quod cum Christiani tempore persecutionum noctu in antris, ad sacra faciendâ convenirent, eorum aliqui abstinerebant à vino, ne opportunò mane erumpentes è latebris, ab odorifera vini exhalatione detegerentur; sed si, ut probabilius est, Aquarii Tertianum habuerunt auctorem, secundo currente seculo hæc hæresis initium habuit, de qua scribit S. Augustin. hæres. 64.

1. Solam aquam in consecratione sanguinis adhibebant. R. In materia Sacramenti standum est institutioni; sed Christus instituit, ut consecraretur vinum cum aqua, quemadmodum ipsum fecisse traditur: ergo &c. Vide Trident. sess. 22. cap. 7. Major est certa, minor probatur; nam constat rei veritas, ubi legitur, quod Christus, cum instituit hoc Sacramentum in ultima cœna, instituit in vino, unde dixit: *Modo non bibam de hoc genimine vitis &c.* Constat etiam ex traditione Apostolica, quæ nobis certè innuit in hac materia per illos, qui tempore Apostolorum vixerunt; talis fuit S. Clemens I. ipse autem lib. 8. constitutionum cap. 17. asserit Christum consecrasse vinum, modica aqua mixtum, quod certè oportet se didicisse ab Apostolis, idque valdè roborat traditio Ecclesiæ, dum in re tam gravis momenti, assertivè scripsit, Christum consecrasse vinum modica aqua mixtum; hinc est, quod sic de facto faciendum esse, sæpius contra Aquarios, qui solam aquam, & Armenos, qui vinum purum adhibeant, definitivit Ecclesia in Concilio congregata, sicut videre est in Carthag. Can. 24. Aurelian. 4. Can. 4., Floren. sub Eugenio III., & Trid. sess. 22. Adducunt insuper hæc Concilia motiva, propter quæ aqua est apponenda in consecratione sanguinis, scilicet ad significandum sanguinem, & aquam, quæ exiit de latere Christi; ad significandam unionem Christi cum Ecclesia, & Populi Christiani cum Christo. Nec valet opponere in oblatione Melchisedech, quæ fuit figura huius Sa-

erificii, non fuisse aquam, nam figurans non potest omnia adamussim repræsentare, quæ sunt in figurato; cedit enim umbra corpori; Sacrificium Melchisedech significavit Sacrificium in lege gratiæ influendum in pane, & vino, quod erat principalius; deinde ad alia significanda non potuit se extendere, quia ut dixi, figurans non potest tam bene exprimere, sicut figuratum.

II. AQUILA dictus Ponticus, quia ex Sinope in Ponto oriundus, ab Imperatore conspicuis distinctus fuit officiis, à quo rexdificationi Urbis Hierusalem prapostus, Imperatoris nutibus obtemperans, jamque Hierosolymis remagens, Religionem Christianam est amplexatus circa annum 129. cum vanæ astrologiæ summæ deditus esset, monitus à Catholicis, ut desisteret, respuit, sed iterum vano studio astrologiæ animum applicans, tanquam inutilis Ecclesiæ, ab eadem fuit expulsus, ex quo factio summæ indignatus, Religionem Christianam abnegat, & 71. Interpretum versionem depravat, ut testimonia de Christo in Scripturis probata, aliter ederet; cujus libri lectionem Imperator Justinianus Judæis prohibendam censuit, sicut de facto prohibuit.

III. ARABES, referente D. Augustino, de hæresi cap. 38. orti sunt in Arabia, & à regione nomen sortiti anno 107. Sub Zephirino Papa in Arabia secundum Concilium contra hos hæreticos constitutum est, qui eum se viderent ab Ecclesia proscriptos, suos abjurarunt errores: disputante contra eos, & convincente Origene.

Dixerunt animam rationalem simul cum corpore mori, & cum corpore resurgere. R. Sap. 3. Insuper veritatem hanc, quod scilicet anima sit immortalis, profitentur SS. PP. inter quos Sanctum Bernardum placet adducere, qui immortalitatem animæ sic comprobavit sermone 87. in Cantica: *Immortalis anima est, quoniam cum ipsa sibi vita sit, sicut non est quo cadat à se, sic non est quo cadat à vita.* Tum quia anima ut moreretur deberet annihilari, vel cor-

rumpi; non primum, quia Deus non annihilat, quod fecit ex nihilo, & creavit: neque secundum, quia quod corrumpitur, debet vim pati à contrario agente, & dissolvi in partes, sed anima non potest dissolvi in partes cum sit indivisibilis, neque potest vim pati à contrario agente; quia spirituale non habet contrarium. Animam esse spirituales declarat Concilium Lateranense 5. sub Julio II., & Leone X. Nec valet obijcere quod legitur ad Tim. 6. *Ipsæ est Rex Regnum, qui solus habet immortalitatem*: Hoc enim verum est de immortalitate in se, & per essentiam, non verò de immortalitate participata, quam Deus animabus rationalibus dignatus est impertiri.

II. ARCHONTICI anno 160. à quodam Anacoreta cui nomen Arehon sentiunt aliqui suam duxisse etymologiam, sicut ab eodem verum est habuisse originem. Alii volunt Archonticos fuisse sic dictos, quia venerabatur Archangelos, ut creatores mundi. Cæpit autem hæc hæresis serpere in Palæstinorum Provincia, deinde translatum est hoc venenum in magnam Armeniam. Mos erat Archonticis oleo, & aqua defunctos inungere: immunditiis sensus omnino erant dediti, & ut suos stabiliarent errores, disseminabant quosdam libros, inscriptos: *Revelationes Prophetarum*. De Archonticis scribit S. Ephraem hæres. 40.

1. Vetus Testamentum calumniabantur. R. Verbo *Ambrosiani*.

2. Omnia Sacramenta despiciebant. R. verbo *Manichæi*.

3. Dixerunt Deum non esse Creatorem mundi, sed esse Archangelos. R. Ex primo Genes. item psalm. 95. 101. & 121. ex Evangelio Jo: cap. 1. ex Symbolo Apostolorum, & Niezno, ex Concilio Lateranense sub Innocentio V. ubi Deus mundi Creator asseritur. Tum quia potentia creativa competit soli Deo. Tum quia, vel creatura, vel Deus crearent mundum; non primum, quia qui indiget creari, non potest creare, ergo secundum. Tum quia supra Ar-

ehangelos sunt Throni, Dominationes, Potestates &c. ergo non est potior ratio cur asseratur Archangelos, quàm alios Spiritus ordinis superioris, creasse mundum. Nec valet dicere Archangelos, idest Angelos, qui maxima annunciant (hac enim ratione Angelos intelligit Sanctus Gregorius homil. 34.) esse Ministros virtutis Dei, ideoque ab ipsis creatum esse mundum; nam officium Angelorum est laudare Deum, legationes Dei ferre, homines adjuvare, non autem mundum creare. Tum quia Angeli non fuerunt creati extrà mundum, ut communior est sensus; ergo jam mundus erat creatus, cum creati fuerunt Angeli. Vide verbo *Angelici*.

4. Nullam futuram resurrectionem. R. verbo *Basiliiani*.

5. Baptismus non esse spiritualem regenerationem. R. ex sacris paginis, ubi de Baptismo legitur Jo. 3. vers. 3. *Nisi quis renatus &c.* Tum quia Christus præcepit Apostolis, ut omnes baptizarent in remissionem peccatorum, quod expresse legitur Actuum 1. vers. 28. Tum quia spiritualis regeneratio consistit in hoc, quod ex filiis regneretur in gratia, per infusionem gratiæ, qua filii Dei efficiuntur, ut habetur ad Tim. 2. vers. 12. hoc autem contingit in Baptismo, ut legitur ad Galat. 3. *Quicumque baptizati estis, Christum induistis.* Porro Christum induere nihil aliud est, quàm ejus gratiam acquirere; ergo Baptismus est spiritualis regeneratio. Vide verbo *Albanenses*.

6. Dixerunt redemptionem consistere in cognitione mysteriorum. R. ex sacris paginis, ubi mysterium redemptionis à Christo per suam passionem operatum asseritur. Tum quia si redemptio esset mysteriorum cognitio, unusquisque esset sui redemptor, quod esse nequit; fatui autem, & qui non possunt mysteria cognoscere excluderentur à beneficio redemptionis, quod est universale. Demum adeo impii fuerunt Archontici, ut Deum, à quo omnia bona, inventorem pravitatis asserere non erubuerint. Dei bonitas, quæ etiam animantibus innotescit, non indiget adminiculo mei calami ad

reprobendam Archonticorum blasphemiam. Vide S. Aug. lib. 12. de Civit. Dei à cap. 7. usque ad 9.

IV. ARIANI, sive Ariomanitæ, ut eos vocat S. Epiphanius hæres. 79. illi sunt, quorum perfidia adeo dilacerata, est Ecclesia eurrente seculo 4., ut nunquam horribiliorem passa sit, inter ipsas Tyrannorum persecutiones, tempestatem, excitatam ab Ario natione Lybico (est autem Lybia Urbs Ægypto contigua) Presbytero Alexandrino, cujus Ecclesiæ Episcopatum eum obtinere non potuerit, agrè ferens alium sibi præferri; inconstitum Ecclesiæ vestem, totis viribus dilacerare nixus est, circa annum 317. Fuit Arius Logicæ artis peritissimus, Meletio novitates mollienti se adjunxit. Copiosè de eodem differunt sennales Baronii, Socrates lib. 1. cap. 2. Teodoretus lib. 1. cap. 14. S. Augustinus lib. de hæresi cap. 49. Proscripti fuerunt errores Arii in Conc. Nicæn. 1. Composuerat Arius adversus sanam Ecclesiæ doctrinam scripta, ac præcipuè librum, inscriptum *Thalia*, sive crapula, quem Constantinus comburi jussit cum cæteris ejus scriptis, & cantilenis, quæ inter crapulas cantabantur, ut refert D. Athanasius oratione 2. contra Arium, qui anno 336. eadem qua Judas morte Constantinopoli decessit, effusa siquidem sunt omnia viscera ejus.

1. Dixit Verbum incarnatum, non esse ejusdem substantiæ cum Patre, consequenter non esse Deum, sed creaturam. R. Ex Jo. cap. 14. vers. 9. *Qui videt me, videt & Patrem meum.* Certè hic Christus voluit docere Apostolos, se esse consubstantiali Patre, scilicet habere unam naturam cum Patre, unam essentiam, unam substantiam, eum talis unitas non possit esse respectu Personarum, quæ realiter distinctæ sunt in Divinis; ergo ratione substantiæ, sive essentia Divinæ, unde, & dixit Christus Jo. 10. *Ego, & Pater unum sumus.* Tum quia Sacra Scriptura, pluribus in locis, adeo aperte tribuit nomen Veri Dei Filio, ut de ejus Divinitate reali dubitari non possit, quæ omnia, ut ait Joan. 10. 31.

scri-

Scripta sunt, ut credatis quia Iesus est Christus Filius Dei. Cum tamen in Christo sint duæ naturæ; aliquando Scriptura loquitur de Christo prout habet naturam humanam; de Christo autem ut homine, interpretandi sunt textus, quos adducunt hæretici, ut probent Filium esse minorem Patre, non esse consubstantialem Patri, non habere eandem essentiam cum Patre; qua distinctione adhibita, concurrunt omnia hæreticorum argumenta. Negant Ariani consubstantialitatem Filii cum Patre, quia non inveniunt expressè in sacris paginis hanc vocem *Consubstantialem Patri*, sed non valet hoc argumentum, quandoquidem æquivalentia hujus vocis *Consubstantialis*, expressè habetur in Scriptura, ut constat ex supra adductis textibus, qui non aliud significant, quam Filium esse consubstantialem Patri.

2. Christum solam carnem assumpsisse, absque anima. R. ex ipso Christo dicente: *Nemo tollit animam meam à me; sed ego pono eam &c. Tristis est anima mea.* Tum quia Christus, est verus homo, ergo debet habere animam, ut ceteri homines.

3. Christum multa ignorasse, nostrosque more, propter ætate crescebat, didicisse. R. verbo *Agnosca.*

4. Concilia generalia etiam legitime congregata, esse errori obnoxia. R. Deuteronomii 17. ubi Deus præcipit populo facere quæcumque decrevisset Concilium, à Moysè Dei jussu adunatum, quod si veteris Testamenti Concilia errare non poterant, à fortiori Concilia novæ legis errori nequeunt esse obnoxia. Probat insuper ex Matth. cap. 18. *Ubi enim sunt duo, vel tres congregati in nomine meo, ibi sum in medio eorum.* Sed Concilia generalia congregantur in nomine Christi; ergo si Christus specialiter ibi assistit, errare non possunt. Tum, quia si Concilia possent errare, semper Christiani fideles possent dubitare de recto consensu in fide, sed nequit dubitari, quod omne determinatum à Concilio legitime congregato, in materia fidei non sit de fide. Tum quia si Concilia appro-

bata à Pontifice possent errare, Ecclesia non esset bene à Christo ordinata, quia esset minoris auctoritatis, quam fuerit Synagoga. Demùm nunquam contigit aliquod Concilium legitime congregatum, & à Pontifice approbatum errasse, ergo &c.

5. Christum non esse verè mediatorem, quasi propria virtute mediationem Dei, & hominum perfecit, sed Christum fuisse simpliciter ministrum, cujus temperamento Deus usus est ad tractandam mediationem cum hominibus. R. ex prima ad Tim. cap. a. ubi asserit Christum Dei Filium esse verum mediatorem, qui suo Sanguine, & propria virtute nos liberavit, ergo non fuit simpliciter minister, vel temperamentum quo &c. Fuit autem Christus mediator ratione utriusque naturæ, quam in una Persona copulavit, ut veri mediatoris partes posset explere. Tum quia si Christus fuisset simpliciter minister mediationis, & non fuisset verus mediator, non dedisset ipse pretium redemptionis, qui enim solum tanquam minister conciliat partes, ratione alicujus debiti, inter se divitas, exponit simpliciter hinc inde rationes, non verò de proprio solvit debitum; sed Christus proprio Sanguine nos redemit, conciliavit in pace cum Deo, & solvit debitum, quo tenebamur ratione culpæ, ergo verè fuit mediator.

6. Non Jesum, sed Christum tantum invocandum. R. ex Scriptura, ubi Jesum invocatum legitimus, *Jesu Fili David miserere mei*, similes invocationes plurimi habentur. Tum quia nomen Jesu est nomen, quod solum invocatum operatur prodigia, ut patet ex actibus Apostolorum, ubi D. Petrus dixit Paralytico: *In nomine Jesu surge, & ambula*, ergo est invocandum. Tum quia est nomen sanctum, sic de eo legitur: *Es sanctum nomen ejus*; nomen inquam in quo solo oportet nos salvos fieri, ut habetur in actibus Apostolorum cap. 3.

XVI. ARIANI NOVI. Fororum nomine, qui primi inter Antichristianos à Gravina describuntur, veniunt Novatores hæretici, ex Lutheri secta progeniti;

ti; qui Trinitatis mysterium evertunt; præcipue Arianæ hæresim renovantes, negando Filium esse Patri consubstantialem; sed non una apud eosdem est sententia: licet enim omnes Trinitatem oppugnent, & idèò dicantur Trinitarii, diversas tamen in factiones divisi, diversimodè de Trinitatis mysterio, & de Filii consubstantialitate sentiunt, unanimes tamen contra verum Ecclesiæ sensum blasphemant. Horum blasphemias, sub proprio, cuiuscumque ex sectariis, qui tanquam factionum capita habentur, nomine, recensendæ remittimus, & reprobandas.

XVII. ARIOCALVINISTÆ. Dari etiam nunc temporis in Anglia, qui à puro Calvinismo in Arianæ persuasum declinarunt, constat plurimum testimonio qui Angliam peragrantes, plures ex hac farina detexerunt; duo ex his hæreticis initio seculi 17. fuerunt in Anglia combusti: multi etiam in Hollandia liberè vivere permittuntur, qui Ario adhærent.

IV. ARISTOTELICI sunt iidem, ac Arianæ, ut constat ex D. Epiph., qui quotiens Syllogizantes de generatione Filii, quam nemo potest enarrare, quia non poterant secundum Philosophica principia, de eadem discurrere, contra eandem blasphemabant, negantes Filium, esse posse coeternum Patri, sic insipienter blaterantes, non philosophantes. Si Verbum erat, quomodo genitum est; si verò genitum est, quomodo erat? Solvit hoc Aristotelicorum sophisma S. Epiphanius.

XIV. ARMACANUS. Riccardus (ex Spond.) fuit natione Hibernus, scientiarum eruditione clarus, dictus Armacanus, quia in Hibernia Armacensis Sedis Archiepiscopus fuit; cum primum in Oxfordiensi Universitate, Doctoratus esset lauream assecutus, ejusdem etiam Cancellarius eligitur. Videtur de Ordinibus mendicantibus non rectè sensit, quapropter ab Innocentio VI. Avenione accersitus, ut causam suam coram quatuor Cardinalibus diceret, antequam à iudicibus causa fuisset expedita, ut ad propria reverteretur, iter arripuit. Cer-

tum est doctrinam suam, & scripta Ecclesiæ judicio submisisse, imò miraculis clarum decessisse, sunt qui asserunt. Propositiones erroneæ, quæ Armacano adscribuntur, sunt sequentes.

1. Occultæ Sacerdotes in absentia, Episcopi posse illa omnia, quæ muneris Episcopali sunt perficere, scilicet Ordines conferre, Chrisma consecrare, consecrare Ecclesias, & similia peragere. R. primum quoad Sacramentum Confirmationis, quia soli illi sunt ordinarii Confirmationis ministri, qui soli eam in Scripturis ministrasse leguntur; atque illi soli Episcopi, nam actorum 8. Petrus, & Joannes Samaritanos, à Philippo Diacono baptizatos, confirmarunt. Actorum 19. Paulus iis quos baptizari jussit manus imposuit; at qui Petrus, Joannes, Paulus erant Episcopi, ergo &c. Presbyteri quoties sibi jus illud arrogare ausi sunt damnati fuerunt ab Ecclesia: Sic Innocentius Papa I. in Epist. ad Decentium proseripit Eugubianos Presbyteros, qui sibi jus illud arrogarunt. Sic etiam Gregorius Magnus lib. 3. epist. 9. damnavit Calaritanos Presbyteros, eo quod contenderent apud ipsos esse jus confirmandi. Presbyteri (inquit) baptizatos infantes, signare in fronte sacro Chrismate non presumant. Demum Conc. Trid. sess. 7. Can. 3. anathema intorquet in eos, qui negaverint solum Episcopum esse ordinarium Confirmationis ministrum. Si quis dixerit sancta Confirmationis ordinarii ministrum, non esse solum Episcopum, sed quemvis simplicem Presbyterum, anathema sit. R. secundò quoad Ordines, quia sacri Codices, solis Episcopis jus conferendi sacros Ordines tribuunt. Soli Episcopo illud jus adscribitur, tum in Conciliis, tum à Patribus, tum in Gregorii Sacramentario, tum in Eucharologio Græcorum; & qui ausi sunt asserere Ordinationes ad Presbyteros pertinere; proscripti fuerunt ab Ecclesia, ut videre est in Collutho, de quo loquitur Athanasius in secunda Apologia; in Aerio, de quo agit Epiphanius hæresi 56., in Wiclepho, cujus meminit Conc. Constant. sess. 8. & tandem in Lu-

Lu-

Luthero, & Calvino, quorum in hac materia praxim, & dogma Conc. Trid. damnavit fefs. 23. cap. 4., & Can. 7. Tandem una est vox SS. Patrum, in hoc præsertim eminere Episcopos, quod soli ordinationum jus habeant. Sufficit adducere Hieronymum, qui in epistola ad Eugenium sic ait: *Quid facit Episcopus excepta ordinatione, quod Presbyter non faciat?* R. tertio auctoritate Conc. Trid. fefs. 23. cap. 4. ubi hæc habet: *Sacrosancta Synodus declarat, præter ceteros Ecclesiasticos, gradus, Episcopos, qui in Apostolorum locum successerunt, ad hunc Hierarchicum ordinem præcipuè pertinere; & positos, sicut Apostolus ait, à Spiritu Sancto regere Ecclesiam Dei, eosque Presbyteris superiores esse, ac Sacramentum Confirmationis conferre, ministros Ecclesie ordinare, atque alia plura peragere ipsos posse, quarum functionum potestatem, reliqui inferioris ordinis non habent.* Idem Conellium ibidem Can. 7. anathema intorquet in contrarium asserentes, his verbis: *Si quis dixerit Episcopos non esse Presbyteris superiores, vel non habere potestatem confirmandi, vel eam quam habent, illis esse cum Presbyteris communem, anathema sit.*

2. Dicebat turpe esse Christianos sua sponte mendicos esse. R. ex Scriptura, quæ pluribus in locis voluntariam paupertatem commendat, quam Christus ipse, suo docuit exemplo. Insuper de paupertate servanda consilium Evangelium stat. Paupertas voluntaria valde ducit ad acquirendam perfectionem; ergo non est turpe Christiano sua sponte mendicum esse.

3. Dicebat tantæ necessitatis esse, aquam in Eucharistiæ Sacramento, ut sine ea confici illud non possit. Hunc errorem viguisse suo tempore significat S. Bernardus ep. 69. ad Guidonem. R. ex silentio Scripturæ; quæ solius vini mentionem facit, ubi agit de consecratione calicis. S. Chrysost. homil. 33. in Matth. ad illa verba: *Non bibam amodò de hoc genimine vitis, confutans Aquarios ait: Quæ cerè vitis, non aquam, sed vinum producit.* Neque Christi exemplum op-

poni potest, siquidem & azyum panem adhibuit, qui tamen ad substantiam Sacramenti, ut azyum est non pertinet. Tum quia sicut constat ex Catechismo Romano par. 2. & ex Conc. Trid. fefs. 2. cap. 7. aqua ponitur in sacrificio ex præcepto Ecclesiæ. Demum nec Trullana Synodus, nec Eugenius IV., nec alii, qui Armenos, aquam in calice non miscentes, damnarunt, unquam objecerunt irritum fieri idcirco ab ipsis Sacramentum, quod certè non siluissent, si persuasum eis fuisset, aquam esse necessariam ad Sacramenti substantiam; sed solum objecerunt, aquam non apponentes in Sacramento, graviter delinquere contra Ecclesiæ præceptum.

V. ARMENI Populi à S. Bartholomæo in sancta Fide instructi, in ejusdem candore per quatuor secula perseveraverunt, potissimum in illa parte, quæ est inter Taurum, & Caucasum Montem constituta. Quo verò Duce, quinto corrente seculo, à vera Fide declinaverint, varia sentiunt Historici. Volunt aliqui à Jacobo genere Syrio perditos fuisse in pravæ rationem, qui Jacobitarum Dux fuit. Sed est quòd decursu temporis Armeni, etiam Jacobitarum errores sine amplexatibus attamen constat antequam Jacobus Syrius suos disseminasset errores, jam pluribus erroribus Armenorum Fidem fuisse contaminatam; contra quos jam in Armenia celebratum fuerat Concilium circa medium seculi quinti, ut notat Ophmanus, verbo *Armeni*. Jacobus autem Syrius anno 580. suos promulgavit errores, quos verbo *Jacobita* reprobamus. Cæterum in tot, tantosque errores paulatim impieperunt Armeni, ut vix Catholice Religionis umbra in iisdem permanferit, quandoquidem potiora Fidei dogmata, aliquo errore permixta ab iisdem profitentur. In Concilio Florentino sub Eugenio IV. Ecclesiæ Catholice uniti fuerunt Armeni, qui ad propria reversi, iterum ad pristinos declinarunt errores, quorum plures receuset Nicephorus in sua Ecclesiastica Historia lib. 3. cap. 13. sed longè plures commemorat Gualterius, quos confutationis gratia hic exhibeo: in quos

quos omnes Armenos incidisse, profectò asserere non audeam; maxime eum ex decreto unionis Armenorum, liquidò colligi valeat, ad quos, & quales errores declinassent Armeni, postmodum in Concilio Florentino Ecclesiæ Romanæ uniti. Præterquamquod plures errores, qui ab auctoribus attribuantur Armenis, ita sunt à ratione alieni, ut vix credibile sit, Armenos adduci potuisse ad huiusmodi errorum professionem, qualis, inter ceteros, est asserere, quod *Deus sit mendax*: Blasphemia utique adeò immanis, ut ab ea non modò quicumque mali, sed & pessimi homines, quibus vel ratio nis crepusculum insit, debeant averfari. Sed quidquid sit de quantitate errorum, in quos Armeni impingere potuerint, certum est non omnibus Armenis, notam hæreseos inurendam esse; cum sint, & hodie in Oriente plures Armeni Romano-Catholici, qui continuò ab aliis Armenis sive schismaticis, sive hæreticis vexantur. Porro, qui Armenis tot adscripserunt errores, utique illos cum aliis orientalibus hæreticis confuderunt, de quibus nos singillatim sub proprio nomine in hoc opere agimus. Deinde claritatis ergo, modernorum Armenorum errores subilicemus, quorum noticiam exhibuit Abbas Stephanus Evodius Assemani Syrus Maronita sacræ Theologiæ Doctor, Scriptor linguarum Syriacæ, & Arabicæ in Bibliotheca Vaticana, cui etiam debitores sumus, notitiæ errorum aliarum sectarum orientalium, quos hodie profitentur moderni Græci, Nestoriani, Jacobitar, & Copti: de quibus omnibus sub proprio nomine sermonem instituiamus, ad eruditionem Lectoris benevoli, ut scilicet discernere valeat, quos errores antiquitus profiterentur huiusmodi sectæ, quos verò nunc temporis sustineant, ne quid sinceræ eruditionis Lectorem lateat, sive quoad veterum, sive quoad modernarum hæresum noticiam.

1. Deum esse mendacem dixerunt. R. hæc blasphemia potius, quàm hæresis ex Scriptura Num. cap. 23. vers. 19. Sap. cap. 18. vers. 1. ex Symbolo Nicæno, in quo canit Ecclesia *Deum verum de Deo*

Tom. I.

vero. Tum quia, qui mendax est, est mutabilis, Deus autem nulli subjacet mutationi. Tum quia mentiri est summa imperfectio in homine, ergo nequit esse in Deo. Probare nituntur Armeni Deum esse mendacem, quia Cain occisus fuit à Lameche, cum tamen Deus promississet Cain, quando timebat occidi, *Nequaquam ita fiet*. Sed estò Cain fuisse occisum, adhuc non evineitur Deum fuisse, mentitum, quando dixit *Nequaquam ita fiet*, promissit enim Deus Cain, quod primus, qui eum invenisset, non occideret: hoc enim timebat Cain eum dixit *Omnis qui inveniet me, occidet me*. Constat autem Cain adhuc per plures annos post occisionem Abel conversatum cum hominibus, quem fortuitò Lamech occidit in sylva, credens eum esse feram, quem si novisset esse Cain, utique non occidisset. Vide verbo *Jacobita*.

2. Spiritum Sanctum à solo Patre procedere. R. verbo *Græci*.

3. In Christo unicam esse voluntatem, & hanc Divinam. R. verbo *Monotelita*.

4. Christum non resurrexisse die Dominico, sed die Sabbathi, & idèò secunda, non tertia die post crucifixionem resurrexisse. R. Quia Christus tertia die se resurrectum dixit Apostolis, ut aperte constat ex Matth. cap. 16. vers. 21. ex eodem c. 20. vers. 19. Luc. cap. 24. vers. 33. Insuper Symbolum Nicænum docet hanc veritatem. Dicunt Armeni, quòd si resurrectio facta fuisset die Dominico, inter resurrectionem, & Pentecostes, non intercederent quinquaginta dies; sed hoc falsum est, & eorum assertio fundatur in falso supposito, credunt enim Spiritum Sanctum descendisse die Sabbathi, sed certum est descendisse die Dominico.

5. Crucem non esse adorandam modo, quo eam adorant Latini, sed prius debere lavari, & in medio clavum configi, unctum sanguine sacrificii, & sic dieunt Crucem esse exponendam adorationi, quæ omnia de facto ipsi peragunt. R. hic modus adorandi Crucem, nam Cruci debetur cultus, ut probabitur expresse contra Claudium Taurinensem; certum autem est, quod

K

ipà

ipſi debetur cultus , non modo quatenus fuit altare , in quo maſtata fuit Chriſti viſtima , ſed etiam quatenus ipſum Chriſtum reprefentat , qua de re vide D. Thomam par. 3. quaſt. 21. art. 5. de quo cultu ex Apoſtolica traditione contra Claudium agetur . Attamen certum eſt , quòd Apoſtoli nunquam docuerunt crucem eſſe adorandam ritu , quo illam adorant Armeni ; nam improprium videtur , ſanguine ſacrificii inuncto clavo crucem adorare ; ſic enim non adoraretur crux in ſe , ſed quatenus habet illum clavum ſanguine ſacrificii inunctum . Tum quia non poſſunt ad libitum inſtitui ceremoniæ Eccleſiaſticae ; ſed illæ ſolùm ſunt cuſtodientiæ , quas Eccleſia Romana inſtituit , vel alibi inſtituitur , Eccleſia Romana , vel actualiter , vel virtualiter approbat ; ſed Eccleſia Romana improbat ritum Armenorum quoad adorationem crucis , ergo &c.

6. Dixerunt , quòd ſi primi Parentes perfeveraffent in ſtatu innocentiz , non habuiſſent copulam carnalem , ſed humanam ſpeciem aliter , quam per coitum , propagandam in ſtatu innocentiz , ex quo inferrebant modum propagandi genus humanum per coitum , provenire ex culpa Protoparentum . R. Quia quando Deus fecit Adæ adjutorium ſimile ſibi , Adam adhuc erat in ſtatu innocentiz , hoc autem adjutorium fecit Deus ad propagationem , ut aſſerit S. Auguſtinus lib. 9. de Gen. ad litteram cap. 3. Inſuper quando Deus benedixit Protoparentes ; dixitque illis : *Crefcite , & multiplicamini* , ut legitur Gen. cap. 1. verſ. 23. nondum peccaverant , imò ante peccatum dixit Adam Gen. 2. verſ. 24. *Relinquet homo Patrem ſuum , & Matrem , & adheret uxori ſuæ , & erunt duo in carne una* : loquebatur tunc Adam de propagatione humana , utique adhuc ſincis culpæ , quam poſtea patravit , ergo hinc benè inferitur , quòd homo , & mulier etiam in ſtatu innocentiz fuiſſent duo in carne una , & per coitum generaffent , & conſequenter modus propagandi genus humanum per coitum , non provenit ex culpa , neque talis modus

generandi eſt per ſe illicitus , & inconveniens ſtatu innocentiz , ut volunt Armeni : non enim coitus eſt illicitus per ſe , ſed quando malitioſè habetur , & inter illos , inter quos haberi prohibitum eſt , ergo etiam in ſtatu innocentiz , naturali modo , ſicut nunc , propagatum fuiſſet genus humanum . Verùm quidem eſt , quod in ſtatu innocentiz , homo non habuiſſet coitum cum ardore immoderate libidinis , quem nunc habet propter peccatum ; habuiſſet coitum cum ſolo fine propagandi genus humanum , & illo uſus non fuiſſet ad intemperantiam .

7. Parvulos nullam contrahere maculam originale , ſed Adamum ſibi tantùm nocuiſſe . R. verbo *Pelagius* .

8. Euchariſtiam neque utilem , neque noxiam eſſe . R. verbo *Adelpius* .

9. Negabant Purgatorium . R. verbo *Albanenſes* .

10. Aſſerebant Baptiſmum non eſſe neceſſarium ad delendum peccatum originale , quod negabant contrahi ab hominibus , ſed ſolùm eſſe neceſſarium ad conferendam gratiam . R. Quia neceſſitas Baptiſmi , quæ colligitur ex Scriptura , non eſt ad conferendam præciſè gratiam , ſed etiam eſt ad delendam culpam originale , ſed enim lavacrum regenerationis , ſeu reſtitutionis filiationis per gratiam , quam per peccatum originale amiſimus ; eſtò igitur quòd conferat ſimul , & ſemel gratiam ſanctificantem , tamen pro collatione gratiæ ſimpliciter , non erat neceſſè inſtituere hoc Sacramentum , cum gratia conferatur per Sacramentum Euchariſtiæ , & ſic ſufficeret pueris dare Euchariſtiam , & adhuc haberetur intentum , ex quo ſequitur Baptiſmum , non eſſe neceſſarium ad conferendam gratiam , ſed ad delendam originale culpam .

11. Aſſerebant , quòd pueri decedentes ſine Baptiſmo , ſi ſunt filii fidelium collocantur in paradifo terreſtri , ſi verò ſunt filii infidelium , vel hæreticorum , collocantur cum ſuis parentibus in inferno . R. quoad filios infidelium , nam *Filius non portat iniquitatem patris* . Fze-

Ezechiel. 18. vers. 19. ergo filii infidelium præcise per hoc, quod sint filii infidelium, si decedant sine Baptismo non debent collocari in inferno. Et nota me non tangere sententiam S. August. ser. 14. de verbis Apostoli, & aliis in locis, ubi S. Doctor asserit, parvulos decedentes sine Baptismo, sustinere pœnam sensus ratione peccati originalis: neque sententiam S. Thomæ, oppositum asserentis part. 3. quæst. 69. artic. 6. Quod autem filii fidelium decedentes sine Baptismo non sint collocandi in paradiso terrestris, habetur ex prælaudato S. Augustino lib. de origine animæ cap. 9., ubi valide probat, non esse medium inter gloriam competentem pueris decedentibus cum Baptismo, & pœnam inferni, debitam ratione originalis peccati: sed fortius evincitur ex Evangelio, ubi legimus: *Nisi quis renatus fuerit ex aqua, & Spiritu Sancto non potest introire in regnum Dei.*

12. Dicebant, quod nullum fuisset peccatum, si nulli fuissent Dæmones tentatores impellentes ad malum, ex quo inferrebat, quod cum homo nequeat resistere Diabolo, non potest propter peccatum iuste puniri, sed Diabolo imputari debet omne peccatum commissum ab hominibus. R. Quia si peccatum esset à Diabolo, frustra Deus in sacris paginis hortaretur homines, ut declinarent à malo, sed potius deberet providere, ne Diabolus tentaret, autem Dominus dat cum tentatione proventum, & supra vires nostras non permittit nos tentari, ut asserit D. Jacobus, & D. Petrus hortatur nos resistere fortis Diabolo, ergo peccatum non est à Dæmone, sed ab homine, quia unusquisque tentatur à concupiscentia sua; & quidem si homo non posset resistere Diabolo, jam non voluntarie, sed coactè peccaret, nullum autem peccatum est, nisi voluntarium, ergo homo cui imputatur peccatum, voluntarie peccat, & media gratia, quæ nunquam deest, potest resistere Diabolo; quod si non resistit, jam illi concinit illud Osee: *Perditio tua ex te*; ideo frustra homo,

cum sit liberi arbitrii, se excusat à peccato. refundendo illud in tentatore, sicut fecerunt Protoparentes, qui dixerunt: *Serpens decepit me.* Tum quia si homo non posset resistere malis inspirationibus, neque posset acceptare bonas, & sic opera bona, quæ Deo inspirante fiunt ab hominibus, neque deberent homini imputari ad meritum, in quo casu homo esset ejusdem conditionis cum animantibus, quatenus nihil ipsi posset ad meritum, vel demeritum imputari.

13. Dari aliqua peccata irremissibilia sustinebant. R. Isaïæ cap. 1. vers. 18. Matth. 16. ubi Christus conferens auctoritatem Ecclesiæ absolventi, dixit sine restrictione: *Quodcumque solaveritis erit solutum.* Nec aliquid vincit, quod legitur Matt. 12. vers. 32. *Qui autem dixerit contra Spiritum Sanctum, non remittetur ei*; ibi enim est sermo de impenitentia finali, quæ utique non remittetur; qui autem vult finaliter perseverare in peccato, se privat voluntarie beneficio absolutionis, quæ perseveranti finaliter in malo, non potest impendi.

14. In resurrectione omnes resurrecturos in corpore virili. R. verbo *Almaricus.*

15. Omnes homines, qui Christi passionem præcesserunt esse damnatos, non ratione peccati originalis, sed ratione peccati personalis Protoparentum, quod ita fuisse Deo injuriosum asserbant, ut Deus omnes damnaverit, usque ad Christi adventum. Repr. Quia vetus Testamentum mentionem facit de pluribus viris iustis, qui fuerunt Deo grati, sed Deus non damnat homines iustos, & amicos suos: *Iustorum enim anima in manu Dei sunt*; ergo ante Christi adventum non omnes damnati fuerunt, secus dicendum foret in lege veteri nihil profecisse iustitiam, & nihil obfuisse peccatum personale, si omnes æqualiter erant damnandi, non propter peccata propria, sed propter peccatum Protoparentum. Non omnes in lege veteri damnandos; sed iustos salutem consequuturos, sciebant ipsi Iudæi, quan-

doquidem Machabæus misit offerri sacrificia pro peccatis mortuorum; ad quid hæc sacrificia, nisi sperasset iustos salutem consequuturos? & David dicebat: *Credo videre bona Domini in terra viventium.*

16. Dona gratiæ, & fidei, & dignitates Ecclesiasticas, posse licite pecunia comparari. R. verbo *Simon Magus.*

17. Beatos non posse videre Divinam essentiam. R. verbo *Arnaldus Brix.*

18. Beatos videre tantum quandam claritatem essentia, & per illam beatus consistui. R. Nam per claritatem essentia, vel intelligunt exprimere, quod Beati videant aliquid Divinum, vel non. Si primum, cum non possint Beati in sententia Armenorum videre essentiam Divinam, neque videre poterunt claritatem Divinam; eadem enim est difficultas, tam in prima, quam in secunda visione: si secundum, negatur quod per ubi. Quod, quod immediate non sit Divinum, possit homo beati, quia id, quod beatus debet esse essentialiter beatum, sed nullum datur obiectum essentialiter beatum præter Deum, ergo &c. Tum quia plura sunt loca Scripturæ, quæ adducuntur communiter à Theologis ad probandam visionem intuitivam, juxta illud: *Videbimus eum sicuti est.*

19. Pœnas Dæmonum esse temporales. R. Matt. 25. vers. 24., ubi ignis paratus Diabolo, & Angelis ejus, dicitur æternus. Tum quia, si pœnæ Dæmonum essent temporales, idem asserendum foret, & de pœnis peccatorum, sed peccatores cruciantur pœna æterna, quia in inferno nulla est redemptio, ergo &c. Quamvis autem pœnæ Dæmonum sint æternæ, adhuc illos Deus punit citra condignum, & verum est, quod ait de Deo Psalmista, quod: *Continet in ira sua misericordias suas.* Ratio autem ipsa suffragatur, quod jussit peccatores, & Dæmones debeant subire pœnam æternam, quia in punitione delicti non solum attenditur à Deo tempus quoque perseverat in peccato, sed potissimum quo perseverare vellet in peccato, si posset, sive finalis impenitentia, quæ

vocatur peccatum in Spiritum sanctum, nunquam remittendum, ut expressè asserit Evangelium juxta communem Patrum expositionem super Luc. 12. 10. & 1. Jo. 5. vers. 6. vid. S. 1. hom. 2. 2. quæst. 14. art. 3. sed Dæmones, sicut & peccatores, voluntariè, & affectu semper perseverantes in peccato, ita ad viam terminam pervenerunt, ut adhuc peccarent, si posset, & si morte, aut termino viæ non impedirentur, ergo merentur pœnam æternam.

20. Episcopum Rom. non esse totius Ecclesiæ Primatem. R. ex Matt. cap. 16. vers. 17. ex quo constat Christum dedisse claves Ecclesiæ Petro; & ex Joanne cap. 21. vers. 15., ex quo similiter constat Christum specialiter præcepisse Petro, ut pasceret oves. Nec à Moritis ligandi, solvendi, & pascendi potest pertinere ad totam Ecclesiam, ut perperam volunt hæretici. Cæterum oves etiam essent pastores; tot Ecclesia haberet capita, quot fideles; reus se ipsum posset absolvere; quæ omnia patet, quam sint incongrua, ergo etiam incongruum est dicere, quod illa verba, quæ habentur Matth. 16. vers. 17. Joan. 21. vers. 15. dicta sint ad totam Ecclesiam, id est ad singulos, qui sunt de corpore Ecclesiæ. Insuper Petrum esse Primatem Ecclesiæ constat ex aliis Scripturæ locis, ubi D. Petrus semper primus inter Apostolos numeratur. Divo Petro speciales revelationes factæ sunt à Deo, ubi agebatur de instituenda, & erudienda Ecclesia Gentium. D. Petrus primus in Concilio Hierosolymitano, ubi prima vice congregata est Ecclesia locus est, & præfuit Concilio, licet Hierosolymis esset alius Episcopus, scilicet D. Jacobus. Petrus à SS. Ecclesiæ Doctoribus vocatur Princeps Apostolorum. D. Petri successores, semper in hujus Primatus possessione fuerunt: eisdem D. Petri successores, scilicet Romanos Pontifices, utpote Ecclesiæ Primates venerati sunt Imperatores, & Reges. Imò ipsi Imperatores gentiles, scientes Romanum Episcopum esse Ecclesiæ Principem, in suis persecutionibus potissimum statuerunt Romanos Pontifices.

Pontifices ad prævaricationem induere, vel morti tradere. Christus specialiter oravit pro Petro, ut non deficeret fides ejus. In causis gravioribus omnes Ecclesiæ Episcopi semper recursum habuerunt ad Romanum Episcopum, utpotè primum Ecclesiæ Pastorem, quem inter omnes Ecclesiæ Episcopos primum prioritate jurisdictionis agnoscebant. Nemo D. Petrus sua auctoritate congregavit Apostolos, ut ageretur de substituendo Apostolo pro Judæ prævaricatore. Insuper universalem jurisdictionem datam esse à Christo Petro, specialem verò tantum aliis Apostolis, aperte constat ex eo, quod Christus dixit S. Petro. Matt. 16. *verbi 19. Quodcumque ligaveris super terram, erit ligatum, & in calis, & quodcumque solveris super terram, erit solutum & in calis*; Sed aliis Apostolis Matth. 18. Christus solum dixit: *Quodcumque ligaveritis super terram, erit ligatum & in calo, & quodcumque solveritis super terram, erit solutum & in calo*. Dixit ergo Christus D. Petro, & in calis, Apostolis autem, & in calo, ut hinc aperte discerent Episcopi, qui sunt Apostolorum successores, quod habent solum jurisdictionem in celo, scilicet in sua Diocesi, dependenter tamen à primo capite; Petrus autem haberet jurisdictionem in celis, scilicet in omnibus Diocesium, & in omni Ecclesia, quæ jurisdictioni, utique transire debet ad Petri successores; sedens enim dicendum foret, quod solum vivente Petro, Ecclesia fuisset benè ordinata, & habuisset suum caput visibile, & quod post mortem D. Petri, non habuisset suum caput visibile, & consequenter nec amplius fuisset benè ordinata, quod asseri non potest. Tum quia si jurisdictioni ab Apostolis transire ad alios Episcopos, quia sunt Apostolorum successores; ergo jurisdictioni collata D. Petro debet transire ad alios Romanos Pontifices, eò quod sunt D. Petri successores; Pontifex enim, tanquam Ecclesiæ caput visibile, gubernat corpus Ecclesiæ visibilis, cujus primum caput invisibile Christus est, sub quo, tanquam caput secundarium, visibile, est Romanus Pontifex, qui

jure ordinario regit totam Ecclesiam, & Ecclesiæ fundamentum; ideò Christus præcisè allatus est D. Petrum, enim dixit *Super hanc petram edificabo Ecclesiam meam*. Quod autem facta sit contentio inter Apostolos: *Quis eorum videretur esse major?* non probat Apostolos esse æquales Petro in jurisdictione, nam talis contentio facta est antequam Petrus designaretur à Christo ejus Vicarius; post hæc enim Apostoli, semper agnoverunt D. Petrum, tanquam Ecclesiæ Primatem. Vide verbo Joannes 1. *fundamus*.

21. Nullum Sacramentum, etiam dignè suscipienti, asserere conferre gratiam, licet admitterent per Sacramenta; deleri peccata, distinguebant enim inter hoc quod est remittere peccata, & hoc quod est conferre gratiam, quare volebant de facto remitti peccata, sine infusione gratiæ. R. Et quidem quod Sacramenta conferant gratiam patet ex ipsis Domini verbis, qui non nisi renatum per Sacramentum Baptismi, posse hominem fieri coheredem regni celestis, asserit Jo: 3. S. Bernardus ser. 5. de Circumc. hæc ait *in peccatis scilicet nascimur omnes, necesse habemus renasci in gratia, quam in Baptismo quidem recipimus*, ex quo aperte patet Sacramenta conferre gratiam, quod negant Armeni, qui ex suo met asserito reprobantur. Nam si concedunt quod per Sacramenta delentur peccata, debent admittere quod per Sacramenta infundatur gratia, cum non possint deleri peccata, nisi per infusionem gratiæ, quod probatur; nam Sacramenta non solum faciunt reum formaliter absolutum, sed etiam Sanctum, & Filium Dei, juxta illud D. Pauli ad Titum 3. *Secundum suam misericordiam salvos nos fecit per lavacrum regenerationis, & renovationis Spiritus Sancti*. Quoniam autem hæc filiorum denominatio est realis, ut ex ipso textu constat, juvabit etiam ut ratione scholastica. Omnis denominatio realis provenit à forma reali; ergo dum Sacramenta delent peccata, denominant hominem absolutum, sanctum, & filium Dei, debent producere in ipso ho-

homine aliquam formam, à qua homo recipiat talem denominationem realem; hæc autem forma alia esse nequit, quam gratia, quam Sacramenta produunt; ergo de facto Sacramenta, non modò delent peccata, sed conferunt gratiam, quod ulterius probatur: Nam vel homo est amicus Dei, vel inimicus, quando est à peccatis absolutus, nec datur de facto status medius, sed si homo posset absolvi à peccato sine infusione gratiæ, jam daretur status medius, quem nemo, quod hæcenus viderim, admisit; ergo probatum remanet quod si per Sacramenta delentur peccata, etiam per eadem fiat infusio gratiæ.

22. Baptisma collatum ab hæreticis non esse validum; hæc ratione rebaptizabant eos, qui baptizati fuerant in Ecclesia Romana, quia dicebant veram Ecclesiam non esse Romanam, sed Armenam. R. circa primum verbo *Agrippiniani*, & *Anabaptista*, quod autem Ecclesia Armenorum non sit vera Ecclesia satis patet, quia vera Ecclesia est illa, à qua hæretici per suos errores variis temporibus sunt separati: illa eadem semper manente. Tum quia Romanus Pontifex est successor D. Petri; dixit autem Christus Petro: *Super hanc petram edificabo Ecclesiam meam*; ergo non potest esse vera Ecclesia illa, quæ non obedit Petri successori, cuiusmodi est Ecclesia Armenorum.

23. Volebant Baptisma non posse alicui validè conferri, nisi simul & semel conferatur Eucharistia, etiam si baptizandus sit adhuc infans. Repr. quia nullum extat præceptum in sacris paginis de conferenda Eucharistia simul cum Baptismo. Tum quia constat Jo. cap. 3. quod Christus, antequam institueret Eucharistiam, baptizabat. Tum quia, qui esset aliquo morbo impeditus, & morti proximus, ita ut non posset Eucharistiam recipere, si nondum esset baptizatus, non posset regenerari. Nec ex consuetudine, quæ aliquando fuit in aliqua particulari Ecclesia, conferendi simul utrumque Sacramentum, aliquid evincunt Armeni; consuetudines enim particulares non sunt

leges universales, acceptæ à tota Ecclesia, ideò non sunt necessariò observandæ. Demum Concilium Trident. sess. 21. Can. 4. dicit anathema iis, qui volunt pueros non posse baptizari, nisi simul Eucharistiam recipient.

24. Baptisma non posse validè conferri, nisi baptizatus simul, & semel Christum ungatur. R. Quia nullum hac de re extat in sacris paginis præceptum. Tum quia facile est habere aquam, in quo casu nihil prohibet baptizari, sicut dixit Eunuchus Regiæ Candacis Philippo, sed difficilior est semper habere Christum, in quo casu, si Christum semper esset necessarium ad Baptisma, sæpè ob deficientiam Christum non posset provideri plurimorum salutem, & de facto Philippus baptizavit Eunuchum, quando venerunt ad aquam, sed non adhibuit Christum. Tum quia quando Christus præcepit Apostolis ut irent in universum orbem baptizantes, non præcepit ut adhiberent Christum, & licet nunc Christum adhuc beatus à Sacerdote quando baptizat, non evincitur hanc unctionem esse de necessitate Baptismi: potest enim Ecclesia, salva Sacramentorum substantia, in illorum dispensatione statuere, vel mutare, prout magis expedire censuerit; sic colligitur ex Conc. Triden. sess. 21. cap. 2.

25. Esse hæreticos illos, qui conficerent Eucharistiam in pane azymo. R. Nam licet etiam possit validè confici in pane fermentato, attamen non sunt dicendi hæretici, qui conficiunt in pane azymo, sicut fit in Ecclesia Latina, ut se conformet Christo, qui de facto consecravit in pane azymo, ut probabilior tenet sententia, quandoquidem certum est ex quatuor Evangelistis, Christum instituisse Sacramentum Eucharistiæ in prima die azymorum, quando prohibitum erat, manducare panem fermentatum. Nec valet opponere, quod legitur Joan. 13. *Ante diem festum Paschæ*, Evangelista enim dicendo Christum instituisse Eucharistiam ante diem festum Paschæ, insinuat solum, quod ortus nondum erat sol diei Paschatis: cæterum jam erat inceptus dies naturalis Paschatis, quia

quia dies naturalis incipit ab ocaſu ſolis diei antecedentis, & ab ocaſu ſolis ante diem feſtum Paſchæ, incipiebat vigere præceptum de non manducando pane fermentato: idcirco non potuit Chriſtus adhibere hunc panem, quandoquidem hoc Sacramentum inſtituit poſt cœnam, immediatè antecedentem ortum ſolis diei Paſchæ. Euangelifta igitur dicendo *Ante diem feſtum* oftendit, quod nondum inceperat dies artificialis, quoniam dies artificialis incipit ab ortu ſolis, cæterùm jam inceperat dies naturalis obſervatus à Judæis, conſequenter jam vigeat præceptum de non comedendo pane fermentato.

26. Vinum purum debere apponi in confeſſatione ſanguinis. R. verbo *Aquarii*.

27. Matrimonii Sacramentum, licet per ſe bonum, non eſſe tamen à Chriſto inſtitutum, imò negabant eſſe Sacramentum. R. ex Apoſtolo ad Ephēſ. cap. 5. ex Conc. Trid. ſeſſ. 24. Can. 1. Tum quia per Sacramentum Matrimonii Deus largitur conjugatis gratiam, ut conſtat prima ad Tim. 2. ſed quod confert gratiam ex opere operato eſt Sacramentum, & eſt à Chriſto inſtitutum, ergo &c. Et hinc notandum, copulam carnalem non eſſe de eſſentiali ratione contractus matrimonialis, ſed eſſentialem rationem hujus contractus conſiſtere in mutuo conjugum conſenſu, ex quo reſolvitur difficultas Armenorum, qui in tantum negant matrimonium eſſe Sacramentum, quia dicunt eſſe incongruum aſſerere, quod per copulam carnalem conferatur gratia, ſed hoc non aſſerimus, quoniam eſſentiam hujus Sacramenti conſtituimus in mutuo conſenſu; & quando exhibetur mutuus conſenſus, tunc acquiritur gratia hujus Sacramenti, quamvis etiam copula conjugalis, debito modo, & in debitum finem ordinata ſit meritoria.

28. Negabant matrimonium eſſe indiſſolubile. R. ex reſponſione data, Marci 10. à Chriſto Phariſæis interrogantibus eum, an liceret viro dimittere uxorem? *Quod ergo Deus conjunxit, homo non ſeparet*. Deinde Diſcipulis, hac de re etiam interrogantibus, re-

ſpondet nullatenus licere viro, ob quæcumque cauſam dimittere uxorem, & aliam ducere. Dixi, ob quæcumque cauſam, quia abſolutè Chriſtus nullam poſuit limitationem, vel adulterii, vel mutui conſenſus, vel ſimilium, ſed dixit quicumque dimiſerit uxorem ſuam, & aliam duxerit, adulterium committit; quod ſi aliqua de cauſaliceret uxorem dimittere, & aliam ducere, debuiffet Chriſtus ſpecificare, dicendo non licet dimittere, & aliam ducere, excepta hac, vel illa cauſa, ſed nulla proſus adhibita limitatione, dixit Chriſtus, non licere uxorem dimittere, & aliam ducere; ex quo ſatis conſtat Matrimonium eſſe indiſſolubile, ſicut declarant plura Concilia, inter quæ Milevitanum ſub Innocentio I., & noviffimè Tridentinum ſeſſ. 24. Can. 7. Et certè ſi liceret dimittere ob adulterium uxorem, & aliam ducere, periculum eſſet ne uxores aliquando infamarentur à viris, ut poſſent aliam ducere, Inſuper dixit Apoſtolo, quod *Mulier alligata eſt legi, quanto tempore vir ejus vivit*; quod falſum eſſet, ſi aliqua de cauſa poſſet mulier alium virum ducere, vel è converſo. Nec valet dicere, quod mulier adultera occidit virum vitio adulterii, ideòque poſſe in tali caſu virum aliam ducere; nam Apoſtolo non eſt locutus de vita civili, ſed de vita corporea viri, quando dixit, quod *Mulier alligata eſt legi, quanto tempore vir ejus vivit*; à quo ſolum liberatur, quando vir mortuus fuerit. Inſuper etiamſi conjuges liberè conſenſerint, non tamen poſſunt liberè à conſenſu retrocedere, ut volunt hæretici, quia hoc dato jam nulli conſiſterent perpetui contractus. Tum quia in conſenſu conjugum accedit voluntas Dei, qui conjuges liberè volentes indiſſolubiliter unit; ideòque ad ſolutionem contractus conjugalis, non modò oportet reſpicere ad voluntatem conjugum, ſed etiam ad voluntatem Dei; qui prohibet expreſſè diſjungi, quod ipſe conjunxit; unde legitur Matt. 19. verſ. 9. *Dico autem vobis quia quicumque dimiſerit uxorem ſuam, niſi*
pro

propter fornicationem &c. Hinc hæretici intelligunt deducere, quod ob fornicationem licet uxorem dimittere : sed eisdem quod propter fornicationem liceat viro uxorem dimittere, idest se separare ab uxore, quoad habitationem, non autem licet viro aliam ducere, ideoque semper remanet vinculum conjugale. Illa ergo particula nisi refertur ad dimissionem uxoris, non autem refertur ad id, quod sequitur in allato Textu, scilicet, & aliam duxeris maritatur, & qui dimissam duxerit, maritatur; ex quo vineitur manere utrinque ligamen; & certe non posse virum ob adulterium dimittere uxorem, & aliam ducere, satis constat ex eo quod legitur Mat. cap. 5. ver. 32. *Qui dimissam duxerit, adulterat.* Utique enim patet, quod non adulteraret, qui dimissam duceret, si liceret dimittere unam, & aliam ducere; dicente autem Christo, quod homo non potest ducere dimissam; consequens est, quod dimissio tota se teneat quoad habitationem, non quoad vinculum.

XVIII. ARMENI MODERNI.

Transmittitur brevis Dissertatio pro clariori intelligentia errorum, quos nunc temporis Orientales Nationes, sive schismatica, sive hæreticali labe infectæ, præsentantur.

Orientales nationes, primis Ecclesiæ temporibus, unam eandemque Catholicam Fidem, variis licet ritibus, ministris, & linguis professas esse, testantur antiqua Orientalis Ecclesiæ monumenta, & unanims tam veterum, quam recentiorum Scriptorum consensus. Successu tamen temporis, ob humanarum rerum vicissitudinem, & inconstantiam, ineunte scilicet seculo tertio, ob exortas hæreses, & schismata, ab universalis Ecclesiæ corpore fuerunt divisæ, ac in tot, & in tam varias sectas, usque ad quintum, & sextum seculum divisæ, ut ferè totus oriens hæreseo veneno fuerit pollutus. Verùm exeunte seculo sexto, cum Orientale Imperium, sævientibus Turcarum armis, fuerit penitus expugnatum; ejus

Populi in tantam vitæ necessitatem, æquo Dei judicio, ita fuerunt redacti, ut litterarum suorum prædecessorum, proinde etiam dogmatum obliiti, in negotiis secularibus, ad vitæ nutrimentum erogandum, totum studium, ac operam ad hæc usque tempora potissimum adhibuerint, atque impenderint. Hinc factum est, ut tanta sectarum, hæreticorumque multitudo, ac varietas, quibus oriens inficiebatur, in quatuor nationes duntaxat coaluerit. Quatuor enim Christianorum Nationes, nunc temporis Orientalem plagam incolunt, *Nestoriani* videlicet, *Monophysita*, *Melchita*, & *Maronita*, quarum tres primæ sunt hæreseos labe infectæ; quarta verò, quæ est Maronitarum, à recto fidei Catholicæ tramite nunquam desievit. De erroribus Nestorianorum tam antiquis, quam modernis, sicut etiam Græcorum agimus sub eorum nomine. Quoad Monophysitas spectat, sub nomine Monophysitarum, sub quo includuntur *Jarobita*, *Coptita*, *Armeni*, & *Ethyopes*: hæc porro quatuor Nationes, licet in erroribus primariis secum invicem convenient, ritibus tamen, linguis, aliisque peculiaribus erroribus differant. Jacobitæ enim sunt, qui incolunt Mesopotamiam, & aliquam partem Syriæ, citra Euphratem, & in sacris obeundis Syriaca utuntur lingue. Armeni incolunt Armeniam majorem, & minorum, & alibi sparsim: in sacris verò, & publicis officiis, peculiari utuntur Armena lingua. Ethyopes, seu Abissini Ethyopiæ sunt incolæ, & utuntur in sacris peragendis lingua, quam sacram, seu liberam vocant, Chaldaicam esse ajunt. Coptitæ demum, qui non ab Urbe Copto, ut nonnulli somniantur originem, aut nomen trahunt, cum nullibi Urbs hæc reperiatur, sed unice sic dicti, quia Ægyptum incolunt: idem enim sonat Arabicè *Coptus*, ac Latine *Ægyptius*, ut clarissime ostendit doctissimus Abbas Assemani, in Dissertatione de Coptis: in sacris, & publicis Officiis utuntur lingua Ægyptiaca, in profanis verò, Arabica. His præmissis, quoad modernos errores orientalem spe-

speſat, hic iterum recolenda, quæ diximus, circa multipliciter errorum, in præfatione operis ad Lectorem, & etiam quæ verbo *Græci*, & ſupra verbo *Armeni* præmiſimus, ad vindicandos orientales à multipliciter errorum, qui à pluribus perperam ipſis adſcribuntur, quibus prælatis, modernorum Armenorum errores ſubnectimus, quos nunc temporis eſſe ſequentes, ex ipſis Armenis novit, mihiq; indicavit ſæpè laudatus in hoc opere, & in hac materia peritiſſimus Epifcopus Stephanus Evodius Aſſemanni.

1. Unam in Chriſto naturam admittunt. R. verbo *Monophyſita*.

2. Ex duabus naturis, unam omnino naturam in Chriſto factam eſſe poſt unionem, hanc verò eſſe totam Divinam, eo quod Deus Verbum (ut ajunt) humanitatem aſſumptam, ita in Deitatis naturam tranſmutaverit, ut omnia attributa Divinitatis, verè de humanitate prædicentur; idque ne Divina Trinitas, per alterius naturæ acceſſionem, evadat quaternitas. R. verbo *Polemiani* ex quo ſequitur Trinitatem per alterius naturæ acceſſionem, non poſſe evadere quaternitatem. Vide verbo *Anaſtaſius Dicors*.

3. Unam tantùm in Chriſto voluntatem, & generationem Divinam admittunt. R. verbo *Monothelita*.

4. Divinitatem in Chriſto natam eſſe, paſſam, & mortuam, quapropter in Triſagio *Sanctus Deus*, quo trium Perſonarum Divinitas collaudatur, ſuperaddunt Theopafcitam appendicem illam: *Qui crucifixus eſt pro nobis*; cumque Chriſti humanitatem impaſſibilem, & immortalem evaſiſſe dicant; non erubuerunt paſſam, & mortuam ejus Divinitatem aſſerere. R. ex contradictione, quæ reſperitur inter hanc, & ſecundam Armenorum propoſitionem. Item R. verbo *Theopafchita*, *Lutherus*, *Muſculus*.

5. Chriſtum non ſuſcepſiſſe in natura humana defectus pœnales, ſed habuiſſe corpus cœleſte, glorioſum, leve, ſubtile, ſpirituale, incorruptibile, fulgidum,

Tom.I.

forte, impaſſibile, & immortale, conceptum, natum modo quodam corruptibile, atque comediſſe, & bibiſſe, non ex fame, ſiti, & neceſſitate naturali, ſed ex placito voluntatis ipſius Chriſti, ſicuti comedit poſt reſurrectionem. R. ex his, quæ diximus ad probandum Chriſtum fuiſſe verum hominem, contra *Chriſti familiam*, *Albanenſes*, *Anglum Innominaſum*. Item contra *Aphartodocitas*, probantes corpus Chriſti non fuiſſe impaſſibile, & contra *Gajanitas*, oſtendentes non fuiſſe alienum à corruptione mortis.

6. Chriſtus non ſuſcepit in natura humana defectus animæ pœnales, atque adeò non verè timuit, non eſt verè triſtatus, ſed has animæ paſſiones, ſolùm per ſpeciem in oculis hominum, ad noſtram eruditionem ſuſtinuit. R. *Quia* Chriſtus licet voluntariè ſit paſſus, ut oſtendimus contra *Corrupticolas*, tamen verè, & realiter eſt paſſus; ergo verè, & realiter eſt triſtatus, & timuit: dixit enim *Triſtis eſt anima mea, & timens oravit: Pater ſi poſſibile eſt, tranſeat à me calix iſte*; ergo verè ſuſcepit defectus animæ pœnales, ſuſcepit enim veram animam ejusdem ſpeciei, & conditionis, ac noſtram, ut eſſet verus homo: & ſi liceret aſſerere quod ſolùm per ſpeciem ad noſtram eruditionem paſſiones animæ ſuſtinuiſſet, à fortiori liceret aſſerere quod ſolùm per ſpeciem paſſionibus corporis fuiſſet obnoxius, ſed verè, & realiter ſuſtinuit paſſiones animæ, nempe timoris, triſtitix &c. & certè ſi, ut poſſentur Armeni, Chriſtus ſuſtinuiſſet paſſiones animæ, ſolùm ſpecie tenus ad noſtram eruditionem, has paſſionum ſpecies debuifſet ſuſtinere in conſpectu diſcipulorum, ſed ſolus erat cum triſtatus eſt, & timuit orans in orto: quod ſi ſolus, non poterant diſcipuli erudiri; ergo verè, & realiter ſuſtinuit paſſiones, cæterùm non eſſet realiter, ſed ſolum ſpecie tenus noſter Redemptor.

7. Aſſerunt Verbum aſſumpſiſſe, non ſolùm naturam humanam, ſed etiam perſonam, & utramque converſam eſſe in naturam, & perſonam Divinam à Verbo.

L

bo. R. Ex implicitantia intrinseca, quam habet omne creatum, ut possit divinizar. Vide quæ dicta sunt contra *Polemiolos*, & *Arnaldum de Villanova*.

8. Omnes animas ab initio seculi fuisse creatas, & esse extra corpora asserunt. R. verbo *Origeniani*, *heretici de Barilo*, *Leontius Cozorense*.

9. Animas rationales traduci ex parentum propagine solum. R. verbo *Tertullianus*.

10. Christum descendentem ad inferos, liberaſſe omnes animas, etiam malas. R. verbo *Addeceditis*, *Joan. Præmonstr.*

11. Christum inferorum loca post ejus descensum destruxiſſe, & substituiſſe aeris regiones, ad animas peccatorum deinceps suscipiendas. R. Quia expressè legimus in Evangelio inferni ignem futurum æternum, peccatores in æternum ibi cruciandos; nihil autem de substitutione aeris, somniata ab Armenis, legimus.

12. Negant judicium particulare, singularum animarum, statim post mortem. R. verbo *Graci*, *Millenarii*.

13. Rejiciunt visionem Dei intuitivam. R. verbo *Antropomorphite*, *Gregorius Pauli*, *Almaricus*, *Arnaldus Brix*.

14. Excludunt Purgatorium. R. verbo *Albanenses*.

15. Post legem Evangelicam, etiam observanda esse cæremonialia legis Moysæ. R. verbo *Cerinthus*.

16. Christum Sacramentum volunt non perſici in obſignatione frontis, sed in consecratione Christum, cujus ordinarii minister, dicunt esse Presbyterum. R. ex Conc. Trid. in tribus Canonibus de Sacramento Confirmationis contrarium dicente: ex antiqua Ecclesiæ traditione, & SS. Patrum consensu, quorum plura testimonia ad rem congerit Coccius. Vide verbo *Armacanus*.

17. Pœnitentiæ Sacramentum, non esse ab extrema Unctione distinctum. R. ex Conc. Trid. sess. 7. Can. 1. ubi numerans septem Ecclesiæ Sacramenta, Pœnitentiam ab extrema Unctione distinguit.

Tum quia pœnitentia est simpliciter necessaria lapsis, non verò extrema Unctio. Tum quia cum extrema Unctio non datur, nisi in articulo mortis, sequeretur peccatorem nunquam posse remitti in gratia, nisi in mortis articulo; & peccatorem qui in mortis articulo, non haberet minister extremæ Unctionis, non posse salvari: ubi deficiente ministro pœnitentiæ, adhuc potest peccator, cum actu contritionis, & Sacramento in voto salvari: quia Christus simul, & semel providit media necessaria, & facilia ad salutem.

18. Funus supra defunctos, asserunt esse septimum Ecclesiæ Sacramentum. R. Nam licet sepelire mortuos sit opus misericordiæ, nullibi tamen legimus Christum elevaſſe hoc opus ad rationem Sacramenti. Tum quia omne Sacramentum institutum est in materia, & forma, nulla autem specialis forma destinata est à Christo, adhibenda in sepultura mortuorum, in qua solum pias preces, vel in toto, vel in parte adhibendas, colligimus ex Rituali Romano, & ex pia sepelientium devotione recitandas. Tum quia inter septem Sacramenta, de quibus Ecclesia in Conciliis, tam in Oriente, quam in Occidente congregata, mentionem facit, nullatenus sepulturam recenset. Tum quia omnia Sacramenta conferunt gratiam suscipienti, sepulturam suscipit mortuus, & exhibet vivi, sed mortui sunt incapaces gratiæ; ergo superfluum esset hoc Sacramentum, quod solum posset suscipere mortui, sine effectu gratiæ.

19. Christum obſignationem esse ad Baptismatis essentiam necessariam.

20. Invocationem Trinitatis, non esse in forma Baptismi necessariam.

21. Baptismum, sive in re, sive in voto, non esse necessarium necessitate medii ad salutem; quapropter mori sinunt infantes sine Baptismo, eo quod non possint solemniter baptizari.

22. In Baptismo trina immersionis, licet posse minister, ter repetere totam formam; quinimo, ita faciendum in Rituali iniungunt.

23. Absente Sacerdote neminem, posse,

se, etiam in periculo mortis, ministrare Baptisma: quos errores ad Baptismum spectantes, alibi in hoc Opere reprobatos exhibemus.

14. Transubstantiationem munerum, inchoari, ajunt, in oblatione Missæ, ac deinceps successivè, per reliqua Sacerdotis verba compleri. R. Nam Christus in ultima cœna verè consecravit, & nihilominus Evangelistæ non innuunt aliquam præmississe oblationis formam ad transubstantiationem necessariam, quod certè in re tam gravis momenti non prætermisissent; Oblatio enim quæ fit à Sacerdote in Missa, est pia deprecatio, quam ad excitandum Sacerdotis animum ad devotionem, instituit præmittendam antè consecrationem Ecclesiæ: Verba autem per quæ fit transubstantiatio munerum, à solo Institutore Sacramenti, scilicet Christo, postulat institui: Christus verò, qui erat impeccabilis, non potuit ad consecrationem præmittere oblationem, quam nunc præmittit Sacerdos, qui offert pro suorū, & adstantium expiatione peccatorum. Sed & in diversis liturgiis, diversis verbis, & expressionibus constat oblationem fieri à Sacerdote; quo posito, sequeretur diversas esse formas hujus Sacramenti, cum tamen una tantum eadem, & invariabilis esse possit, & debeat forma, quæ adhiberi debet in consecratione Sacramenti, & hæc esse debeat illa omnino, quæ à Christo fuit instituta, qui solus potestatem habet instituendi Sacramenta, & determinandi formam necessariam.

15. Formam hujus Sacramenti, non esse hæc Christi verba: *Hoc est corpus meum*, sed orationem Sacerdotis. R. ex his, quæ dicta sunt ad vigesimum quartum, supra reprobato errore.

16. Vino consecrando non licere, omnino admiscere aquam. R. verbo *Aquarii*.

17. Parvulis, dementibus, & omnibus præbendam esse communionem sub utraque specie. Repr. verbo *Bohemi*. Parvulis autem & dementibus sub neutra specie prohibet Ecclesia exhiberi communionem, propter incongruam quæ seque-

rentur; hoc enim esset exponere tantum Sacramentum irreverentiæ, quam omnino præcavendam in administratione Sacramentorum, non est rationis compos, qui negare valeat. Quod si ipsas terrenorum Regum imagines cum respectu tractamus, quanto magis Regis Regum corpus, & sanguinem debemus cum veneratione, & timore tractare.

XVII. ARMINIANI dicti Remonstrantes à Jacobo Arminio, qui fuit Calvinianæ Theologiz, in Academia Leydensi Professor, circa annum 1604. originem habuerunt. Multorum errorum à suis accusatur, eo quod germanam Calvinī doctrinam, maxime in materia prædestinationis rejiceret, quam tuta conscientia sequi haud quaquam posse protestabatur; quid verò ipse circa prædestinationem senserit, apertè colligi non potest, quia suos errores scripto ipse non promulgavit, sed per Concionatores, quos ad hoc eligebat, propagavit. Cæterum Arminius homo fuit confusæ mentis, quem ex suis erroribus, quos effutiebatur, nunc Pelagianum, nunc Socinianum, nunc Ariarium fuisse credideris. Arminiani præcipuè in Holandia, & Frisia vigent, quorum quinque Articuli, quos ab Arminio se accepisse profitentur, refert Nat. Alex. sect. 15. art. 1. a. 5. 3. Porro hi quinque articuli versantur circa materiam prædestinationis, circa Christi mortem, circa gratiam, & liberum arbitrium, circa virtutes, & circa perseverantiam. Variis thesibus, quas itidem refert loco cit. Natalis Alex. explicare conati sunt suos articulos per se satis obscuros. Vingtī & una circa prædestinationem. Sex circa Christi mortem. Septem circa fidem, & virtutes, & iterum septem circa perseverantiam, quas theses ex professo hic impugnare non expedit, cum ad hoc præstandum, penè integros tractatus Theologicos opus esset adducere: hoc unum est, theses illas contradicere sanæ Ecclesiæ doctrinæ, circa prædestinationem, Christi mortem, gratiam, liberum arbitrium, virtutes, & perseverantiam, de quibus omnibus contra Lutherum, & Calvinum acturi, ibi easdem theses Arminianas con-

sequenter, unâ cum doctrina Lutheri, & Calvini reprobabimus. Nemo non est reticendum, quod Arminiani, sive Remonstrantes, habuerunt suos Antagonistas, qui Gummariiani, & contraremonstrantes, appellantur, inter quos factum est implacabile bellum. Utriusque sectæ celebriores qui fuerint, videre est apud Nat. Alex., qui eorundem nomina, & dignitates recenset. Obiit Arminius Lugduni Batavorum Patria sua, anno 1609. ubi Theologiam Calvinianam publice erat professus, Ecclesiæ Romanæ implacabilis hostis.

II. ARMONIUS fuit Bardezanes filius, eundem cum Patre professus est errorem, ad quem tutandum plura scripsit lingua Syriaca.

XII. ARNALDUS Brixienſis. Hunc nebulonem Brixia genuit, Gallia nutrit, Abbailardus edocuit. Clericatu cum se addiſſet, suo Magistro in defendendis, & propagandis ejus erroribus pertinacior factus, incorrigibilis perseverans, ab Adriano Pontifice Urbis Præfesto traditus, vivus combuſtus est, ejusque cineres in Tyberim projecti. Impugnatores habuit S. Bernardum, ejusque errores primò condemnati fuerunt in Concilio Senonenſi. Plura de eodem congerit Spondanus ab anno 1139. usque ad annum 1135. De Arnaldo utpote sectæ Politicorum primpilo, vide verbo *Politici*.

1. Dixit in Christo non fuisse spiritum timoris Domini. Repr. Spiritus timoris Domini est donum Spiritus Sancti, sed omnia dona Spiritus Sancti fuerunt in Christo, ergo etiam habuit spiritum timoris Domini, qui timor utique non est timor committendi peccatum, qui esse non poterat in Christo, utpote impeccabili, nec timor judicii, cum ipse sit Jdex, sed est timor filialis, timor includens aversionem à malo, quatenus repugnante excellentiæ Divinæ. Hinc dictum de Christo per Isaian: *Requiescet super eum spiritus Domini, spiritus sapientiæ, & intell. eius, spiritus consilii, & fortitudinis, spiritus scientiæ, & pietatis, & replebit illum spiritus timoris Domini.*

2. Deum non esse omnipotentem. R.

Ecclesi. cap. 1., & alibi sæpè legitur: *Deus omnipotens. Dixit Dominus omnipotens.* Tum quia, vel oportet negare Deum, vel admittere in Deo attributum omnipotentis; quia ratio Divinitatis importat infinitatem in omni genere perfectionis. Tum quia si Deus non esset omnipotens, deberet posse assignari aliquid producibile, ad quod se non extenderet Divina omnipotentia, quam prædicat Symbolum Nicænum, & Matth. cap. 19. ver. 26. legitur *Apud Deum omnia possibilia sunt.* Nec valet dicere, Deus non potest peccare, ergo non est omnipotens; nam hoc esset velle mensurare perfectiones in Deo ex imperfectionibus, quod est ridiculum. Tum quia facultas peccandi non est potentia, sed effectus potentis, ut asserit S. Aug. lib. 12. de Civ. Dei cap. 7. Neque juvat instare Deum facere omnia ex necessitate, quasi non possit aliter facere, quàm faciat; corrumpit enim hoc hæreticæ fundamentum, ad negandam Divinam Omnipotentiam, quandoquidem scimus Deum aliter operari ad intra, aliter ad extra. Tum quia dictum hæreticorum fundamentum, superfluum esset Deum orare, ut in necessitatibus nostris nobis esset propitius; legimus autem psalmo 93. quod *Deus ultionum liberè egit, omnia quæcumque voluit fecit.*

3. Deum esse omnino invisibilem à Beatis. R. ex Davide dicente: *Satiabor cum apparuerit gloria tua,* ex Jo. cap. 3. *Videbimus eum sicuti est;* ad Cor. 1. cap. 13. Matth. cap. 5. Tum quia si Deus esset invisibilis potentia intellectiva non posset beari. Damna fuit hæc hæresis, denegans Beatis visionem beatificam, in Conc. Tridi. sess. 25. Auctoritates desumptæ ab hæreticis ex Scriptura, ad probandum Beatos non videre Deum, intelligendæ sunt de oculo corporeo, non autem intellectu. Vide quæ dicta sunt contra *Almaricum.*

4. Fidem non esse puram credulitatem, sed discursum rationis, ita ut ubi deficeret discursus rationis, deficeret etiam fides. R. Si ea dumtaxat essent credenda, quæ mens nostra media ratione posset discernere, intelligere, & com-

pre-

prehendere, sequeretur quod homo placeret Deo non per fidem, sed per propriam rationationem. Quid verò competat fidei, quid circa fidem rationi ratiocinanti, consule D. Thomam par. 1. quæst. 1. artic. 8. Dixit autem Apostolus, quod *Sine fide impossibile est placere Deo*. Insuper sequeretur fidem se extendere juxta capacitatem humanam, ita ut in uno perspicacioris intellectus esset amplior, in alio debilioris intelligentiæ, circa minima objecta contineretur. Una autem est fides, quæ quantum est ex se, omnia credibilia omnibus indifferenter proponit credenda. Tum quia fides definitur ab Apostolo: *Argumentum non apparentium*. Nec valet obicere illud Ecclesiastici cap. 19. *Qui cito credit, levis est corde*; nam ibi sermo est de fide humana, non de fide in Deum, in cuius obsequium opus est mentem captivare, quare teneamus credere id, quod ad credendum proponit Ecclesia; & ubi dicit Apost. 1. ad Thes. cap. 1. *Omnia probate, quod bonum est tenete*; Intendit quidem exprimere, quod oportet investigare, an id, quod ad credendum proponitur sit verè ab Ecclesia propositum ut tale, non autem vult, quòd teneamur scrutari rationem de rebus, quas novimus de facto esse ab Ecclesia propositas, tanquam objectum fidei; undè celebre illud D. Augustini: *Evangelio non crederem, nisi me Ecclesia commoveret auctoritas*.

5. Plenam esse potestatem in Patre, minorem in Filio, & nullam in Spiritu Sancto. R. verbo *Arians*, ubi Verbum Divinum verè esse Deum asseritur, & verbo *Arianis*, ubi Spiritum Sanctum esse consubstantiali Patri, & consequenter esse Deum ostendimus. Tum quia si Filius esset minor Patre, & Filio minor Spiritus Sanctus quoad potestatem, jam tres essent essentia, potestas enim, & essentia. Dei, sunt idem, hoc non, ergo &c.

6. Christum non esse mortuum pro redemptione humana, sed tantum ad ostendendam charitatem suam, & ad nostram eruditionem. R. ex Scriptura, ubi Christus verè mundi Salvator asseritur

Isaia cap. 53. Jo. 4. vers. 42. ad Heb. c. 10. vers. 19. Item in Symbolo Nicæno legitur: *Propter nostram salutem descendit de celis*. Tum quia si Christus non redemit hominem, ergo homo est adhuc filius iræ, & sic desperata erit omnium salus. Tum quia ille verè ostendit charitatem, qui animam suam ponit pro amicis suis, ergo si Christus mortuus est ut ostenderet charitatem, posuit animam suam pro nobis, ergo verè est noster Salvator.

7. Unumquemque sibi posse constituere doctrinam ad placitum, declinando ab illa Sanctorum Patrum. R. ex Sacra Scriptura, quæ SS. Patres, tanquam Spiritus Sancti organum nobis proponit Luc. 10. *Qui vos audit, me audit*; item epist. 2. Petri cap. 1. 20. Eorumdem auctoritas commendatur ad Eph. 4. Tum quia propositiones, in quibus asserendis conveniunt Sancti Patres, sunt de fide, ergo non licet declinare à doctrina SS. Patrum. Quod si liceret unicuique novam sibi constituere doctrinam; ergo neque standum esset Evangelio, nam SS. PP. nova dogmata non proponunt, sed simpliciter aperiunt nobis sensum Scripturarum. Tum quia Conc. Trid. sess. 4. expressè prohibet, ne quis contra unanimum SS. PP. consensum sentire audeat.

8. Pelagium rectè docuisse circa peccatum originale, & circa gratiam, & Nestorium rectè docuisse de Christo. R. verbo *Pelagius*, & *Nestorius*.

9. Deum non esse auctorem omnium bonorum. R. ab Ecclesia, quæ canit: *Deus à quo bona cuncta procedunt*. Tum quia identidem in sacris paginis: *Deus bonorum omnium auctor commendatur*. Tum quia si esset aliquid bonum, quod non esset à Deo, Deus non esset infinitè bonus, & jam non esset Deus. Tum quia potentia creativa competit soli Deo, creare enim dicit facere ex nihilo. Solus autem Deus ex nihilo fecit cælum, & terram, mare, & omnia, quæ in eis sunt. Vide verbo *Albigenses*.

10. Alia inveniri æterna præter Deum. R. Quia quod est æternum est à se, quod est à se est Deus, ergo si invenirentur

tur alia æterna, præter Deum, darentur alii Dii.

11. Deum esse compositum. R. Quia omnis compositio dicitur imperfectionem in Deo. Tum quia omnis compositio est distinctorum unio, sed nulla unio potest in Deo admitti. Primum exclusum est à Deo compositio ex materia, & forma, quia hæc supponunt aliquam causam efficientem, quæ partes disjunctas uniat, sed Deus est prima causa, ergo &c. Neque potest in Deo admitti compositio ex subiecto, & accidente, quia subiectum susceptivum accidentium est mutationi obnoxium. Neque potest dari in Deo compositio ex genere, & differentia, quia ubi est actus, & potentia, unum præsupponit ad aliud, prioritate salutem naturæ, quæ implicat in Divinis. Vide S. Thomam 1. par. tota quæst. 3.

12. Angelos habere potestatem creandi. R. Quia creatio est productio rei ex nihilo sui, & subiecti, sed talis potestas competit soli Deo. Tum quia, qui potest creare, non debet creari, sed Angeli creati sunt. Tum quia Angeli hanc potestatem vel habent à se, vel à Deo. Non primum, quia omnis potestas à Deo est, neque secundum, quia nullibi legitur in sacris paginis Deum dedisse hanc potestatem Angelis; imò nulli creaturæ potest à Deo conferri hæc potestas, ut probant Philosophi.

13. Motivum principale decernendæ Incarnationis, non fuisse redemptionem generis humani, quæ propositio, qua ratione intelligenda sit, videlicet de adventu in carne passibili, vel impassibili, Scholasticis disputanda relinquatur. R. Luc. 19. *Veni Filius hominis salvum facere, quod perierat.* Jo: 10. *Ego veni ut vitam habent.* Ad Galatas 4. *Misit Deus Filium suum, ut eos qui sub lege erant, redimeret;* item Joan. 4. Matt. 20. constat motivum principale Incarnationis, fuisse redemptionem nostram, in qua summè enitet charitas, & manifestatur Dei gloria.

14. Christum venisse in mundum tantum ad nostram instructionem, non verò ad satisfaciendum pro peccatis no-

stris. R. ex Scriptura, quæ pluribi asserit Christi satisfactionem, non modò fuisse sufficientem pro expiandis omnibus peccatis universi generis humani, sed superabundantem ad Rom. 5. *Sicut enim per inobedientiam unius hominis peccatores constituti sunt multi: ita per unius obedientiam iusti constituentur multi;* ubi autem abundavit delictum, superabundavit, & gratia. Luc. 9. Elias, & Moyses loquebantur cum Christo de sua passione, & dicebant excessum ejus, quem completurus erant in Hierusalem; idest declarabant, quod Christi passio debebat excedere in ratione satisfactionis. Quòd autem Christi satisfactio processerit ex rigore iustitiæ, etiam probat S. Bernardus tractatu de erroribus Abailardi, ad quem Lector remittitur.

XIV. ARNALDUS MONTANERI hunc genuit Catalaunia, fuit ex Opidio Podii Caritani, tempore Gregorii IX. prædicabat certa signenta de Ordine Sancti Francisci, cujus erat professor. Condemnatus fuit ab Eymerico Inquisitore tanquam hæreticus: ex Nat. Alex.

1. Dixit Sanctum Franciscum semel quotannis descendere in Purgatorium, & liberare omnes fratres sui Ordinis.

2. Nullum posse damnari, qui deferat habitum S. Francisci. Repr. Quia hæc promissio nullibi legitur. Tum quia si ita esset, & ad salutem sufficeret deferre habitum S. Francisci, ferè omnes, ut impunes peccata facerent, hunc Ordinem profiterentur, ex quo patet quod non esset status ad perfectionem, qualis esse debet omnis institutio regularis, sed potiùs sentina vitiorum; cum tamen hic Ordo à sui institutione usque ad hæc tempora, magna sanctitate floruerit, bono publico, & Ecclesiæ utilitati. Tum quia si deferens habitum S. Francisci non posset damnari, jam esset certus de sua salute, contra illud Scripturæ. *Nemo sit an odio, vel amore sit dignus.*

XIV. ARNALDUS DE VILLANOVA Parisiis studiis operam dedit, Italiam, & Hispaniam percurrens, scientiarum acquisitionis æmulator, Græcæ, Hebræicæ, & Arabicæ linguam didicit, præter His-

Hispanam, Gallicam, & Latinam. Astrologiæ captus desiderio, & futurorum investigationi inherens, quæ soli Dei scientiæ reservantur, in hæreses incidit. Natione Gatalanus in vico de Villanova, a quo & nomen duxit, ortum habuit; professione autem medicus fuit; contra ejus errores facta Parisiis perquisitione, Gallia discessit, & Siciliam apulit. Apud Fridericum Aragonensem Siciliæ Regem, à quo & humanissimè acceptus, refugium inveniens, & honoribus cumulatus, ejusdem Regis Orator ad Clementem destinatur, tunc Avenionē sedentem; ut legationem impletet, per mare iter arripiens, orta tempestate, in Januensi Pelago circa initium seculi 14. miserè fecit naufragium. Ipsius errores à Theologia Universitatis Parisiensis primò fuerunt reprobati, deindè à Fratre Zongherio contra hæreticam pravitatem Inquisitore, demùm anno 1317. ab Ecclesia proscripti.

1. Dixit naturam humanam à Verbo assumptam esse æqualem Deo in omnibus suis bonis, & tantum posse, quantum possit ipsemet Deus. R. Quia creatura nunquam potest æquari Creatori, sed natura humana à Verbo assumpta fuit creata. Tum quia Christus se commendavit Patri, & adhuc in Calo interpellat pro nobis; sed si natura humana esset æqualis Deo, & tantum posset quantum ipsemet Deus, frustra erat se commendare Deo Patri. Tum quia natura humana à Verbo assumpta est ejusdem omnino speciei, ac natura cujuscumque hominis; nec per hoc quod fuit à Verbo assumpta mutavit speciem. Estò quod ratione unionis, hypostaticæ fuerit dignificata super omnes alias naturas humanas, non tamen fuit deificata, ergo tantum posse quantum possit ipse Deus falsum est; Tum quia quidquid est æquale Deo est Deus, sed non potest dici quod natura humana à Verbo assumpta sit Deus, ergo &c.

2. Dixit quod Diabolus fecit apostatare à fide omnes Christianos, & consequenter omnes esse damnandos. R. ex alio ejusdem errore, in quo asseruit

neminem damnari, nisi per peccatum publicum, & scandalosum, nam hoc supposito sequitur, per apostasiam à fide, quæ potest esse vera apostasia, licet occulta, non omnes Christianos esse damnandos. Sed hoc dictò ad ostendendum simpliciter Arnauldum in suis erroribus sibi contradixisse, ut hinc appareat ejus assertionis insufficiencia, iterum reprobat quoad primam partem, quia scriptum est, quod portæ inferi non prævalebunt adversus Ecclesiam. Tum quia Diabolus non habet hanc potestatem inducendi omnes Christianos in apostasiam; scimus enim quod latrare potest, mordere non potest, nisi volentem. Tum quia de facto plures sunt, qui vivunt secundum fidei præcepta, & credunt, & ita credunt ut parati sint mori, uti fuerunt Martyres, sed illi qui moriuntur pro defensione fidei, non possunt esse apostatæ à fide. R. quoad secundum, ubi asserbat Deum neminem damnare nisi ratione scandalii, *Nam qui non credit in Deum, jam judicatus est*, & tamen hic, qui non credit, si sit hæreticus occultus, nemini est scandalum. Tum quia in extremo Judicio manifestantur peccata occulta, & puniuntur. Tum quia sequeretur Deum dare ansam omnibus peccatis, quæ occultè, & sine scandalum fieri possent: demum Christus dixit; *Si vis ad vitam ingredi serva mandata*; sed potest quis plura mandata transgredi sine scandalum, ergo &c.

3. In inferno puniri tantum peccata publica. R. Deus nudum publica, sed etiam occulta prohibet peccata, ut constat ex aliquibus Decalogi præceptis. Tum quia in die Judicii, peccato etiam occulta esse puniendi, constat ex verbis Sophoniæ cap. 1. vers. 12. *Scrutabor Hierusalem in lucernis, & visitabo super viros defixos in facibus suis: qui dicunt in cordibus suis: Non faciet bene Dominus, & non faciet male*; Propheta Regius orabat: *Ab oculis meis munda me Domine*. Tum quia Deus condemnat hypocritas, in quibus peccata sunt occulta. Tum quia cum peccata occulta

verè

verè sint peccata, peccatum enim est dictum, factum, vel concupitum contra legem Dei, & omnia peccata à Deo puniuntur; ergo etiam occulta, quæ coinquinant animam, quia nihil coinquinatum intrabit in Regnum cælorum. Denique odium, invidia, & similes interni actus, à Deo prohibentur sub pœna gehennæ, ergo &c.

4. Religiosus omnes esse charitate, destitutos, & in æternum damnandos. R. Quia status Religiosus est status perfectior, in quo non modò facilius observantur Christi præcepta, sed etiam consilia, ergo &c.

5. Studium philosophiæ præcui à Christianis esse abdicandum. Repr. Studium philosophiæ per se honestum est, & juvat ad intelligentiam Theologiæ. Huic studio plures Sancti etiam se addixerunt, maxime Ecclesiæ Doctores, quorum scripta ab Ecclesiâ commendantur, ergo &c.

6. Revelationem factam Cyrillo, cunctis Scripturis sacris esse pretiosior. R. Scriptura Sacra est verbum Dei, sed revelationes factæ Cyrillo non habentur pro verbo Dei; licet Ecclesiâ commendat revelationes factas Sanctis, non tamen scientia, quæ habetur per revelationem, æquiparanda est cum verbo Dei, quod est infallibile: in revelationibus autem potest contingere deceptio, sæpè enim Angelus Satanæ se transformat in Angelum lucis. Et sæpè mens ipsa phantasmatibus obumbrata decipit meditantem.

7. Opera misericordiæ esse Deo gratiora sacrificio Altaris; idè reprobabat fundationes Cappellarum, & Missarum pro defunctis, quæ opera, dicebat, non esse opera charitatis, & ad vitam æternam promerendam utilia esse negabat, imò dicebat eum damnari, qui fundat Missas, potius quam subveniat pauperibus. R. Altaris sacrificium est opus misericordiæ summè excellens, maxime quando offertur pro animabus Purgatorii; & in sacrificio, quod Christus fecit in Altari Crucis, summè enituit ejus misericordia, ergo hæc etiam

enitet in sacrificio Altaris, quod fit in memoriam passionis Christi, ipso præcipiente, qui dixit: *Hæc quotiescumque feceritis in mei memoriam facietis*. Fundationes Missarum sunt Deo acceptæ, promulgant enim venerationem erga SS. Sacramentum; sacrificio Altaris suffragantur defuncti, & major charitas est orare pro defunctis, qui omni alio subsidio sunt destituti, quàm subvenire viventibus pauperibus, qui si ibi subsidium non inveniunt, alibi subveniunt. Non nego esse opus misericordiæ valde Deo acceptum subvenire pauperibus, sed erroneum est dicere damnarium, qui potius elargitur elemosynam pro sacrificio, quàm offerat opem pauperi: Cæterùm defuncti non possent subveniri medio sacrificio incruento, quod est majus subsidium, quo defuncti à pœnis sublevantur.

8. Passionem Christi magis representari elemosynis, quàm Altaris sacrificio. R. sacrificio Altaris expressè est à Christo institutum in memoriam suæ passionis; & ipsemet dixit: *Hæc quotiescumque feceritis in mei memoriam facietis*, de elemosyna autem nullibi constat à Christo dictum, esse representativam suæ passionis.

9. Non opere, sed oretens in sacrificio Missæ Deum laudari. R. Sacrificium Missæ propriè dicitur sacra actio, & est opus sacrum, in quo fit transubstantiatio, ergo falsum est quod non opere, sed oretens in sacrificio Missæ Deus laudetur.

10. In Pontificiis Constitutionibus solum esse scientiam operum humanorum. R. Pontifices in suis Diplomatibus, concernentibus doctrinam fidei, & morum, habent specialem Spiritus Sancti assensum, & illa ordinantur ad bonum spirituale animarum, & ad bonum regimen Ecclesiæ, ergo &c.

11. Mundum anno 1335. destitutum aſſeruit.

XVII. ARNAUDUS Antonius. Tempore Innocentii X. fuit celebris Janfenista, in libro suppresso nomine, ab ipso edito, & inscripto *De magnitudine Ecclesiæ*

sue Romana, & SS. Petri, & Pauli supremo Pontificatu, ostendere nititur nullam fuisse subordinationem inter Petrum, & Paulum, sed omnino fuisse in potestate æquales. Condemnatus fuit cum suis erroribus, ab Alexandro VII. & ab Universitate Sorbonensi, quæ neminem post hac consuevit admittere, qui unâ cum doctrina Arnaudi, Arnaudum ipsum non condemnaret. R. ex his quæ dicta sunt contra vigesimum Armenorum errorem. Tum quia auctoritate Petri constat congregatum fuisse Concilium Hierosolymis: non verò auctoritate D. Pauli. Tum quia Paulus non fuit inter Apostolos computatus Christo vivente, & post primam persecutionem factam Ecclesiæ à Judæis, Apostolatus dignitatem obtinuit; ergo antequàm D. Paulus esset Christianus, jam D. Petrus regere Ecclesiam; ergo &c. Tum quia si D. Paulus, qui Apostolatuum obtinuit mortuo Christo, pluribus post annis, Petro esset æqualis in dignitate, hoc fortè esset ratione Apostolatus, ergo propter eandem rationem, dicendum esset omnes Apostolos fuisse cum D. Petro in potestate æquales, quod asserere est contra Scripturam, traditionem, Concilia. Patres, & Theologos. Constat enim omnes Apostolos honorem detulisse D. Petro tanquam Ecclesiæ Principi; Tum quia cum inter omnia regimina Monarchicum sit optimum, & sub optimo regimine Christum Ecclesiam suam constituisse, dicere par sit, venit de consequenti, quod unicui tantum possit esse Ecclesiæ Princeps. Nec valet dicere cum Arnaudo, ad probandam æqualitatem jurisdictionis inter Petrum, & Paulum, quod in Bollis Pontificiis, Pauli effigies collocatur in dextra, vel quod Paulus, aliquando à SS. Patribus vocatus etiam fuit Romæ Episcopus, & quod uniformibus encomiis celebratur cum D. Petro, ut colligi videtur ex Sancto Epiphonio hæresi 27. S. Leone, serm. 1. de SS. Apostolis, Adriano I. epist. 89. & aliquibus aliis. Nam præterquam quod primum argumentum nimis probat, ut consideranti patet; evin-

Tom. I.

cit enim Paulum esse superiorem Petro; adhuc nihil evincere facillè dignoscet, qui in antiquis ritibus versatus, perspectum habet apud Græcos latus sinistrum tanquam dignius haberi, quod imitati sunt deinde aliqui pictores latini; hinc est quod Paulus à dextris Petri collocari consuevit: de qua questione consule Franciscum de Mendoza in suo Viridario, qui de hac materia expressè disserit: consule etiam Musantium in sua Face Cronologica. Ad aliud argumentum, constat ex citatis SS. Patribus, & aliis qui adduci possent, Paulum dictum esse Romæ Episcopum, non in rigore, sed quia Petro adjutor fuit in fundatione Romanæ Ecclesiæ, ut clarior dictorum Patrum scripta seriò legenti patebit: iidem enim SS. PP. alibi sæpè solum S. Petrum fuisse universalis Ecclesiæ Principem, & Romanum Episcopum protestantur.

V. ARNOBIUS dictus junior, fuit Pelagianus, & plura scripsit pro defensione hæresis Pelagianæ, cujus scripta Gelasius Papa in Romana Synodo censorio stygmate confixit.

X. ARNULPHUS ex Regia stirpe, in Aurelianensi Episcopatu per vim intrusus, Romanæ Ecclesiæ, sive potestatis Pontificiæ infensissimus hostis, probra contra Pontificem hæretico stylo disseminare conatus est. In Concilio Gallicano postmodum ab ipsi Pontificibus damnatus. De quo plura vide apud Baronium.

I. Dixit Romanum Pontificem novam Constitutionem edere non posse. R. Exemplo Concilii Antiocheni, præside D. Petro, Antiochiæ celebrati anno 57. in quo editi sunt diversi Canonēs, in Origenis bibliotheca postea reperti à Pamphilo Martyre, sicut referunt Baronius, Brixius, & Turrianus, in libro adversus Magdeburgenses edito, pro defensione Canonum, Decretaliumque Pontificum. Tum quia omnis Princeps in sua ditione habet auctoritatem promulgandi leges pro bono regimine, ergo &c. Tum quia si Pontifices non possunt Constitutiones promulgare, ne-

M

que

que possunt Ecclesiam regere, abusus corrigere, Ecclesiasticam disciplinam promovere, quæ omnia per Constitutiones suas facere consueverunt, utique necessàriò promulgandas, cum opportunitum arbitrantur; maxime cum decursu temporis semper aliqua de novo emergant, quibus opus est providere. Hanc auctoritatem habent necessàriò à Christo Pontifices, sine qua non possent pascere gregem, ut consideranti patet. Tum quia Deus jubet nos parère præceptis superiorum Potestatum, quod superfluum esset, si Pontifex, qui inter superiores Potestates primus est, non posset per suas Constitutiones præcipere, & leges condere, quibus tamen nos obedire inculcat Dominus, dicens per D. Paulum Apostolum: *Obedite Superioribus vestris etiam discipulis*, ex quibus verbis, argumento deducto à fortiori, patet insubsistentia sequentis asserti, quo sustinuit.

2. Leges à Pontifice latas, nullius esse roboris, si ille moribus, scientiaque non fulgeat. R. facile si hie conferantur quæ dicta sunt verbo *Albigenses*, de Pontificibus, & Sacerdotibus, quantum spectat ad mores; unde etiam corruiat aliud ejus figmentum, scilicet

3. Pontificem charitatem destitutum, & scientia inflatum esse Antiebristum; si verò Pontifex sit absque scientia, dicebat, est tanquam statua, & idolum. R. Scientia, licet sit decus in Pontifice, attamen potior scientia, qua Pontifex regit Ecclesiam, est specialis assistentia, quam habet Spiritus sancti, ubi agitur de regimine Ecclesie, quam Spiritus sanctus nunquam subtrahit à Summis Pontificibus quorum aliqui licet fuerint discipuli, licet superbi, licet avari, ambitiosi, attamen ubi actum est de Religione, semper experientia constat, præstitisse quæ erant ad melius esse Ecclesie, ex quo evincitur continuata Spiritus sancti assistentia supremis Pontificibus, præstitisse quæ erant ad Ecclesie; & hinc optime probatur charitatis deficientiam, vel superbie abundantiam, nihil officere dignitati Pontificis, in se præcise spectatæ; Pontifex

enim qua talis, seu quatenus Christi Vicarius, *Vicarius Domini*, *Sacerdos magnus*, considerandus est, cui in rebus Ecclesie gerendis, specialiter Spiritus sanctus assistit: nec deficit etiam ipsi humani studii scientia, ratione plurimum viro- rum, qui pietate, & scientia præditi, regnanti Pontifici assistunt in regimine Ecclesie.

4. Potius aliorum Episcoporum judicium subeundum, quam illius Urbis, quæ venalis est, & ad numerorum quantitatem judicia trutinat. R. Nam Ecclesia, non requirit aurum, aut argentum in agendis, quæ ad regimen spirituale spectant: quod autem exigit à fidelibus, qui propter dispensationes ad Ecclesiam recurrunt, perspicuum est hoc totum insumere in operibus piis, & in subsidium Ecclesiarum, & pro sustentatione fidei; quis enim enumerare valeat, quot mille argentea, quotannis infumuntur à Camera Apostolica, pro alendis pauperibus Romæ, & alibi egentibus, qui ex toto Orbe Christiano Romam adveniunt? Quis numeret expensas, quæ itidem sunt pro subveniendo Imperatore, quando agitur bellum contra Turcas, vel pro propaganda Fide? Porro istæ sunt venalitates Ecclesie Romanæ. Estò quod aliqui minutri sint aliquando in Curia, qui venales appareant, certe sunt Pontifici occulti, & quotiescumque contigit eos revelari, dignas pœnas subeunt. Frustrà ergo ex venalitate, quærebat Arnulphus transferre in alios Episcopos dominium appellationum, quod soli Romanæ Ecclesie competere, hinc satis constat, quòd ab initio Ecclesie usque ad hæc tempora, solum à Sedem Petri habuerunt Christiani fideles in causis suis ultimum refugium. Tum quia judicium aliorum Episcoporum subest judicio Pontificis; ergo falsum est potius apud alios Episcopos, quam apud Romanum, querendum esse judicium. Tum quia alii Episcopi, extrà suam dioccesim, nullum jus habent judicandi. Tum quia debet dari judicium à quo nulla amplius sit appellatio, quod solum est apud Romanum Pontificem, apud quem resileat tota, summa, & in-
fal-

fallibilis auctoritas cathedræ S. Petri extra, & supra Concilia quælibet, atque in totam Ecclesiam. Videatur hac de re Cardinalis de Aguirre in opere inscripto *Defensio Cathedralis S. Petri adversus declarationem Cleri Gallieani*, ubi ex monumento antiquitatis Christianæ, & perenni doctrina, ac praxi Sedis Apostolicæ, per singula secula, multiplici eruditione auctoritatem Summorum Pontificum, extra, & supra Concilia quælibet, infallibilem, & summam esse demonstrat: ex quo sequitur posse Pontificem in materia morum, & fidei ex se solo absque Concilio, diffinitivam promulgare sententiam, cum nulli possit esse errori obnoxius, quandocumque loquitur ut Christi Vicarius, & Petri successor; licet qua Doctor particularis possit errori subesse; nihil enim plus evincunt argumenta, quæ possunt in contrarium adduci, quæ solvit Franciscus Leytam in libro cui titulus: *Synopsis de Ecclesia militante, discept. 6. sect. 2.*

XVI. ARRHABONARII illi sunt, qui circa Eucharistiam novum dogma proposuerunt in Polonia, & Transilvania anno 1543. à Stancaro potissimè propagatum. Lutheri soboles pariter fuerunt Ex Staphilo.

Dicebant Eucharistiam dari credentibus tanquam Arrhabonem corporis, & veluti investituram donati prædii. R. Eucharistia continet realiter Corpus Christi, ut probabitur expressè contra Sacramentarios, ergo non potest se habere tanquam investitura. Tum quia adeò disparata est ratio investituræ à ratione Sacramenti Eucharistici, ut satis hinc appareat, quam insipienter de hoc Sacramento senserint Arrhabonarii.

XIV. ARRAGONENSES. Populi de quibus mentionem facit Nicolaus Eymericus par. 2. quæst. 10. Dicebant sine peccato posse Dæmones adorari latræ. R. Exodi 20. vers. 3. *Non habebis Deos alienos coram me*; Et certè cum soli Deo debeat cultus latræ, Angelos, tanquam Deos credere par est, qui cultu latræ eodem adoratis, quomodo Dei, qui sunt Dei ministri, qui nec audent respicere in fa-

ciem Domini? Cultum latræ solum Deo debitum esse, constat ex definitionibus Ecclesiasticis. Vide verbo *Dæmonicole*.

III. ARTEMON fuit Theodoti Bizantini coetaneus, tempore Zephirini Papæ; ejusdemque Theodoti impietati hæsit, quam refellit Anonimus apud Eusebium lib. 5. histor. Eccles. cap. 27. Vide S. Epiph. hæres. 54.

1. Dixit Christum esse purum hominem; addens insuper, quod hoc ipsum Apostoli prædicaverunt. Artemonis sequaces asseverabant, hoc esse dogma traditione firmatum, sed à Zephirino Papa interruptum. R. Constat Ecclesiam semper docuisse Christum fuisse verum Deum, & hominem, ideò Zephirinus, qui cepit regnare anno 203. ab Ecclesia ejecit Theodotum Bizantium, ab arte sua dictum etiam Coriarium, quia docebat Christum esse purum hominem; Deinde penè in omnibus Conciliis Ecclesia constituit Christum esse verum Deum, & hominem; & certè non modo Humanitas, sed etiam Divinitas Christi, ex ipso Symbolo Apostolorum tam apertè innotescit, ut apertè convinceret Artemon, dicens Apostolos docuisse Christum Jesum fuisse purum hominem. Insuper ex ipsis Apostolorum epistolis, ubi frequenter Christus Dei Filius nuncupatur, de quo audierunt Discipuli, voce de cælo delapsa: *Hic est Filius meus dilectus*, satis patet Artemonis assertum fuisse impium signum, & una cum discipulis suis ignorasse Scripturas, quæ adeò manifestè eos convincunt mendacii. Tum quia si Christus fuisset purus homo, non potuisset esse mediator, ergo &c. Vide *Ariani, Cerinthus*.

II. ARTOTHYRITE. Dicti sunt etiam Panicasiani, vel Pepuziani: circa annum 182., patria Galatæ, prodierunt ex secta Montani, cujus profitebantur errores, quibus sequenter addiderunt.

1. Dixerunt materiam consecrationis Corporis Christi esse panem, & caseum. R. Christus instituit hoc Sacramentum in pane, ut patet ex Matth. 26. sed in hoc standum est Christi institutioni, quæ invariabilis est. Deinde solum

panem triticeum esse materiam Corporis Christi, affirmant Concil. Apost. Can. 3. Carthaginense sub Siricio Papa; neque potest ratio asserri, quare Christus potius in pane triticeo, quam in alia materia comestibili, voluerit instituere hoc Sacramentum; multæ tamen hac de re sunt congruentiæ, quia cum Corpus Christi verè sit cibus, quo anima reficitur, voluit instituere Sacramentum Corporis sui in pane triticeo, qui verus est cibus communis. Insuper panem omnes manducant: quod si in alio cibo instituisset, fuissent plures, qui præ nausea naturali ad alios cibos, non potuissent sumere hoc Sacramentum, & spiritaliter refici; quod autem institutum est pro omnibus, debet ab omnibus, posse sumi. Nec valet dicere, quod primi homines offerebant de fructibus terræ, & ovium; idè etiam in caseo offerendum hoc Sacramentum, oblatio enim primorum hominum, non erat Sacramentum: idè quod aliquantulum esset figura huius Sacramenti, maxime oblatio facta à Melchisedech. Tum quia si teneret ratio Pepuzianorum, deberet potius offerri in simplici lacte, vel in lacte quomodocumque conscolato, non autem determinatè in caseo.

III. ASCETÆ iidem sunt, ac Ascodrogitæ, dicti etiam Acodrobitæ, qui bacchanalia in Ecclesia invexerunt; ipsæ etiam ad Montani sectam, cujus spiritu se plenos dicebant. Montanum enim tanquam paraclytum venerantur. Dicti sunt à tem Ascitæ, ut notat D. Augustinus hæc. si 62. quia utrum inflatum ponebant in Ecclesia, illumque circumbant infantes potibus, & bacchantes, velut pagani, aut potius infani, sicut notat etiam Philastrius hæc. 129. Translato itaque nomine de græco in latinum Ascitæ, quasi utres dicuntur, & se tanquam Evangelicos novos, nova doctrina eruditos iactabant.

III. ASCLEPIADOTÆ fuerunt circa principium seculi tertii, sic dicti ab Asclepiadoto, Theodoti Bizantini discipulo.

1. Dixerunt Christum non esse Deum,

sed purum hominem. R. verbo *Cerintibus*, *Artemon*, *Ariani*.

II. ASCONDRITÆ in omnibus sequebantur Archonticorum errores: quare sic dicti, non constat: fortè à diversâ regione quam inhabitabant; ceterum fuerunt Archonticis coevi. De his agit Theodoretus hæret. fabul. lib. 1.

ASELIONES. Vide *Bisaceni*.

IV. ASSURITANI ex secta Donatistarum, & Semiarianorum prodierunt in Africa, anno 318. Donatus enim plures docuerat errores. Hinc factum est, ut in plures factiones divisa sit ejus secta, quarum una est Assuritanorum, de quorum erroribus mentionem facit S. Augustinus lib. 3. contra epist. Parmeniani: qui etiam refert, quod apud ipsos, solam veram Ecclesiam esse gloriabantur.

1. Dixerunt Filium esse minorem Patre, & Spiritum sanctum minorem Filio. R. Eadem est natura, ac essentia Divina in omnibus tribus Personis: ergo dici nequit, quod una sit major altera: ubi enim una tantum est essentia indivisibilis, non datur majus, & minus; vel dicendum, quod diversæ sint essentia, & naturæ Divinæ, si datur una Persona major altera; sed admittere plures essentias, & naturas Divinas, est idem absurdum, ac admittere plures Deos, ergo &c. Ex Symbolo S. Athanasii evincitur quod una est Divinitas, æqualis gloria, coeterna Majestas. Insuper Jo. 1. cap. 5. legitur: *Tres sunt, qui testimonium dant in celo, Pater, Verbum, & Spiritus sanctus, & hi tres unum sunt*; Ergo unus non potest esse major altero, quandoquidem unum sunt. Vide verbo *Arius*, *Agellanes*, *Asomai*, *Aracciani*, *Aeriani*, *Achillas*, contra quos de Divinitate Filii, & Spiritus sancti agitur.

2. Dixerunt esse rebaptizandos baptizatos à Catholicis. Repr. verbo *Agripiniani*, ubi probavimus non esse rebaptizandos jam baptizatos ab hæreticis; ergo à fortiori non sunt rebaptizandi jam baptizati à Catholicis.

3. Dixerunt intrâ Ecclesiam solos bonos contineri. R. Ecclesia dicitur con-

congregatio hominum Baptizatorum (de schismaticis, & hæreticis quid sentiendum, alibi dicturi sumus) ergo &c. quia si Ecclesia esset solum congregatio hominum iustorum, cum nemo sciret, an sit iustus, an non, nemo pariter sciret an esset de corpore Ecclesiæ. Tum quia Matt. 22. legitur: *Multi sunt vocati, pauci vero electi*, ex quo patet etiam plures, qui non sunt electi, esse vocatos, idest contineri in Ecclesia, quam veritatem apertius declarat S. Paulus 2. ad Tim. 2. Tum quia in Ecclesia est Sacramentum Pœnitentiæ pro malis, qui continentur in Ecclesia, & vana fuisset huius Sacramenti institutio, quod propriè dicitur Sacramentum mortuorum, scilicet peccatorum, nisi peccatores essent in Ecclesia. Nec valet dicere, quòd Apostolus ad Eph. cap. 5. dicit: *Ecclesiam non habere maculam*, quia ibi Apostolus loquitur, vel de Ecclesia triumphante, ut sentit S. August. lib. de perfect. iustitiæ, vel de Ecclesia militante ratione fidei, ut explicat B. Bened. Papa XI. in cap. 5. Matth. num. 4. non de militante absolute loquendo, ut clarius patet ex reliquis, quæ in eodem capite continentur. Insuper falsum est, quòd boni ex communione cum malis inficiantur: nam unusquisque reddit rationem villicationis suæ, non alienæ. Præterquamquod bonorum exemplo sæpè mali convertuntur, & qui bonus eorum modum habet devitandi malorum exempla. Damnata fuit hæc hæresis in Conc. Carthag., Bracharen., & Constantiensis contra Joannem Hus. Vide quæ dicta sunt verbo *Adamita*.

IX. *ASTATI*, dicti etiam Instabiles. Fuerunt sectatores Sergii, qui se Pauli discipulum iactitabat, & Manichæorum errores prohibebatur, de quo sub nomine *Sergius* agitur. Mihael Imperator coactus fuit severis legibus horum hæreticorum insolentiam compescere, quæ sub auctoritate prædecessoris Nicephori multum invaluerat. Ex Baron.

IV. *ASTERIUS*. Adhæsit hæresi Ari-
 Filium circa annum 340. sub Imperio

Constantii. Fuit Sophista, genere Cap-
 padox, plura scripsit contra Divinitatem Verbi, ut Occidentales Ecclesias in
 Arianam hæresim pertraheret. Impu-
 gnatorem habuit S. Alexandrum Alexan-
 drinum Episcopum, qui validè scripsit
 contra Asterii litteras, in quibus etiam
 effutiebatur Jesum Christum esse virtutem
 Dei, eo passio, quo dixit Moyses, locu-
 stam, & brachum esse magnam Dei
 virtutem; aliasque stiles nugas pro-
 mulgavit. Sub Maximiano Herculeo sa-
 crificavit Idolis, qua de re, licet Arii
 defensor acerrimus, ab Arianis dignita-
 tes Ecclesiasticas obtinere nunquam po-
 tuit. A Divo Athanasio Arianorum ad-
 vocatus dicebatur. Refert D. Hieronymus
 Asterium scripsisse commentaria in
 Psalmos, in Evangelia, in Epistolam
 ad Romanos, quæ opera ab Arianis se-
 ria lectione percurrerantur.

ASTON Joannes. Vide *Jo: Wiclefus*.

VI. *ATHALOCUS*. De Athaloco sic
 loquitur Baronius ad annum 585. Erat
 enim tunc Arianzæ sectæ Episcopus Atha-
 locus, qui ita per propositiones varias,
 & interpretationes falsas Scripturarum,
 Ecclesias Dei conturbabat, ut putaretur
 quòd ipse esset Arius.

IV. *ATHANASIUS ANAZARRENSIS*.
 Fuit ex præcipuis Arii fautoribus, ut
 asserit S. Athanasius: Dicitur est Anazar-
 renus, quia ejusdem urbis Episcopatum
 obtinuit. Scripsit ad S. Alexandrum Episcopum
 Alexandrinum pro defensione
 Arianzæ hæresis. Ex Baron.

V. *ATHANASIUS*, dictus Herniosus,
 fuit Patriarcha Alexandrinus, & Petri
 Moggi successor in hæresi. Ex Baron.

I. *ATHEUS*. Cognomine Atheus fuit
 quidam Diagoras Atheniensis philoso-
 phus, qui hoc cognomen, quod signifi-
 cat idem ac *sine Deo* sortitus est, quia
 negabat dari Deum. Ab hoc Atheo di-
 cti sunt Atheistæ, quotquot in Deum
 non credunt. Cum quinque seculis an-
 te Christi adventum viquerit Atheismus,
 in ordine chronologico hæreticorum,
 in primo seculo Atheum constituimus.
 R. ab ipso lumine naturali, quod indi-
 cat debere dari primam causam, cum
 dari

dari nequeat processus in infinitum ; & certè adeò evidens est hæc ratio , ad probandam necessariam Dei existentiam , ut unusquisque , solo luminis naturæ ductu , cum symbolo Apostolorum subscribere debeat : *Credo in Deum* , ita ut nonnisi *insipiens dicere possit in corde suo , non est Deus* . Profligat Atheismus Concilium Nicænum , celebratum anno 325. sub Sylvestro Papa . Constantinopolitanum primum sub Damaso Papa , & deinde omnia Concilia quotquot fuerunt , in quibus semper confessio fidei præmittitur . Nec valet dicere quòd si daretur Deus , daretur summum bonum excludens omne malum , & summa providentia providens omnia necessaria ; nam utique Deus , qui est ens continens in se omne bonum , excludit omne malum à se , licet non excludat ab alio , scilicet à creaturis , quatenus permittit causas secundas agere motus suos . Profectò pertinet ad Dei bonitatem permittere causas secundas exercitium facultatis ipsi collatæ . Insuper Deus , quatenus est summa providentia , utique , providet omnia necessaria omnibus in communi , quod si desunt alicui in particulari , deficiunt ratione humanæ malitiæ , quatenus unus subtrahit alteri necessaria , ut faciunt divites , qui non subveniunt pauperibus .

Ille opportunè notandum , plures nunc temporis ex Novatoribus , inter Atheos esse merito reeensendos . Tales sunt , qui Bezam sequuntur in eo , quod docuit licitum esse dubitare an Deus sit . Sic Ochimus Deum esse negavit . In quodam libro inscripto *Simonis Religio* , qui prodiit anno 1588. legebatur : *Credo in tria calum , atque terram , in calum Patrem , in terram Matrem , in calum formam omnia sentientem , & intelligentem ; ede itaque , bibe , Inde , jam Deus figmentum est* . Cæterum ut contra Atheos Dei existentia comprobetur , melius suaderi nequit , quam proponendo cum D. Thoma quinque rationum momenta ad persuadendum efficacissima , quibus veluti quinque limpidissimis lapidibus frons Atheismi feritur . Sit igitur

MOMENTUM PRIMUM .

Admittendus est unus primus motor omnino immobilis ; sed ille est Deus , ergo existit Deus . Minor constat , nomine enim Dei intelligimus ens perfectissimum , & actum purum , quæ puritas actus perfectissimi non convenit nisi enti omnino immobili : nam quod imperfectum est , potest moveri acqui-
rendo novam perfectionem ; subindèque quod omnis mutationis est incapax , perfectissimum esse necesse est . Major verò probatur : videmus multa moveri , ut patet experientia ; sed illa omnia debent moveri à motore omnino immobili , seu qui moveat , & non moveatur , ergo admittendus est unus primus motor immobilis . Probatur minor ; omne quod movetur , ab alio movetur , ergo vel ab agente immobili , vel moto ; si ab immobili , habemus motorem immobilem , quem quærimus ; si ab agente moto , hic rursus ab alio , & dabitur processus in infinitum , nisi perveniatur tandem ad unum motorem immobilem . Antecedens sic ostenditur : Omne quod movetur , est in potentia ad id quod movetur ; omne quod movetur est in actu ; moveri enim est recipere motum , movere est illud producere , juxta definitionem Aristotelicam motus : *Quod sit actus entis in potentia , prout in potentia* : atqui repugnat idem esse in actu , & in potentia respectu ejusdem , ergo necesse est , quod omne quod movetur , ab alio moveatur ; ne potest idem esse movens , & motum respectu ejusdem . Si omne quod movetur debet moveri ab alio , certè deveniendum est tandem ad aliquod immobile , quod moveat , & ipsum non moveatur ; cæterum , ut dixi , daretur processus in infinitum . Illud autem immobile est Deus ipse optimus maximus .

MOMENTUM SECUNDUM .

Admittenda est aliqua causa prima , cui cæteræ omnes subordinentur : namque vel existit causa illa prima , vel admitti debet aut progressus in infinitum in causis producentibus , aut saltem mutus quidam circulus inter causas sese invi-

invicem producentes; atqui nec progressus ille in infinitum defendi potest, nec circulus: non circulus, qui absurdus est, quandoquidem res eadem suimet ipsius causa foret, saltem mediata, quod implicat: non progressus in infinitum; quia in causis necessariis debet admitti ordo secundum prius, & posterius; at progressus ille hunc ordinem tolleret. Si enim nulla supponetur causa prima, omnes causarum mediarum forent, quæ semper causam aliquam se superiorem agnoscerent. Imò, & nulla esset causa, quæ infinitas ante se causas non supponeret, quod certe perabsurdum est. Si enim ante omnes, & singulas causas infinitæ causarum forent, sequeretur primò ante totam causarum multitudinem, & collectionem, esse infinitas causas; & ita collectionem illam totam non esse, quod implicat: qui enim totam collectionem dicit, nihil supponit extra illam, quod sit ejusdem ordinis. Sequeretur secundò, effectum numquam produci posse, quia produci non potest, nisi percurratur infinita causarum series, ac multitudo; at quod infinitum est percurrere non potest.

Præterea: esset demus hoc Atheorum pervicaciæ, fingi posse progressum in infinitum in causis univocis, nec ullum v. g. primum hominem posse assignari, à quo exteri via generationis procreati sint: at saltem in causis æquivocis, ac diversis generis, quæ nullam ad se invicem dependentiam, ac subordinationem habeant, quales sunt v. g. cæli, quæ sunt astræ &c. necessario recurrendum est ad aliquam primam, & universalem causam à qua sint. Neque enim sunt à seipsis, cum nulla res sibi existentiam dare possit; ergo sunt ab aliqua causa superiori, intelligente, eaque infinita; causa illa Deus est, ergo existit Deus.

MOMENTUM TERTIUM.

Existit ens necessarium, sed Dens est illud ens necessarium, ergo existit Deus. Major propositio probatur, quia vel existit necessarium, vel omnia sunt contingencia, sed omnia non sunt contingencia; quia si forent contingencia, suppo-

ni possent non esse, quod enim contingens est, potest esse, vel non esse. At si supponerentur non esse, impossibile foret ea esse: quod enim est, vel est à se, vel ab alio; sed illa entia, neque ab alio, neque à seipsis esse possent: non ab alio, quia in hypothesi Atheorum, nihil est à quo entia illa possint esse: non à seipsis, quia nihil potest sibi metipsis existentiam dare, aliàs esset seipso prius, & posterius, quod manifestè contradictionem implicat; ergo illa entia esse non possent; ergo non essent contingencia; ergo admittendum est aliquod ens supremum, increatum, necessarium, à quo cætera omnia, tanquam à prima causa dependeant, ac deriventur.

Probatur minor propositio. Nominè Dei intelligimus ens infinitum, intelligens, summè perfectum, quo nihil melius est, aut cogitari potest. Hæc est ipsissima Dei idea, ac notio, de qua consentiunt omnes Theologi, ac Sancti Patres: *Credimus* (ait Sanctus Anselmus in protologio cap. 2.) *Deum esse aliquem, quo nihil majus cogitari potest*. Atqui tale ens est ens necessarium, quod necessitate suæ naturæ existit: ergo ens necessarium, seu quod necessitate suæ naturæ existit, est Deus. Probatur minor, nempe ens illud, quod necessitate suæ naturæ existit, esse infinitum, ac perfectissimum, ideoque Deum ipsum; quia scilicet ens, quod à nullo ad certas quasdam perfectiones limitari potest, ex se infinitum est in omni genere perfectionis: atqui tale est ens necessarium, quod ex naturæ suæ necessitate existit. A quo enim limitari potest? Non à se, sui enim causa non est: quod si esset, haud dubie eam omnem perfectionem sibi conferret, quæ posset excogitari possibilis. Non ab alio, quia nullam agnoscit se superiorem causam; ergo coarctari, & ad certas quasdam perfectiones limitari non potest: ergo eas omnes in se continet, quæ possibiles sunt. Quæmadmodum enim si corpus aliquod in spatio infinito, in quo nullum aliud corpus esse supponitur, moveretur, in infinitum moveretur, & quod nullo alio corpore retineri, & retardari pos-

set.

set: ità servata proportionē ens necessarium, quod à nulla causa, neque interna, neque externa limitatur, tantum est in omni genere perfectissimum, quantum esse potest.

MOMENTUM QUARTUM.

Agnosci necessariò debet suprema quædam, & incommutabilis veritas, quæ sit norma, & regula ejuscumque veri; supremum quoddam & absolutum bonum; atqui suprema veritas, supremum bonum, Deus est, ergo necessariò existit Deus. Major propositio probatur. Primò, vel admittenda est suprema quædam, & incommutabilis veritas, quæ sit norma, & regula ejuscumque veri: vel mens humana ex sese regula est veritatis, atqui postremum istud planè absurdum, est: cum experientia quotidiana unieuique nostrum compertum sit, humanam mentem tenebris obscuratam, sapissimè à vero aberrare. Secundò, dantur bona alia, aliis majora, aut minora; sunt creaturæ alie, aliis perfectiores; sed illa majoris, vel minoris bonitatis participatio non æstimatur, nisi pro majori, vel minori accessu ad ens summè bonum, & summè perfectum, Creaturæ quippe à seipsis perfectiones illas non habent; alias omnes omninò haberent, cum supponerentur esse à seipsis, adeoque à nulla causa essent limitatæ, & ad certum perfectionis gradum restrictæ. Ergo necesse est agnoscere ens supremum, infinitè bonum, ac perfectum, à quo, & sint, & suam perfectionem mutuentur creaturæ.

MOMENTUM QUINTUM.

Admittendus est supremus Provisor, & Gubernator; ergo & Deus, quo intelligimus supremum aliquid Numen, quod cuncta regat. Probatur antecedens, videmus ea, quæ cognitione carent, dirigi ad certum finem boni universi, & eodem atque uniformi modo operari; ergo diriguntur ab aliquo intelligente, sicut sagitta dirigitur ad scopum à sagitario. Et licet quælibet res habeat certam propensionem, qua veluti pondere, fertur ad eentrum, hoc tamen dirigentis necessitatem non excludit, cum sæpè appareat inanimata,

contra proprias inclinationes, pro bono universi, sui oblita operari; ut cum gravia ascendant, descendunt levia, ad vacuum propulsandum, vel servandum æquilibrium; quod argumento est, id non efficere ex suæ formæ propensione, sed ex directione supremæ intelligentiæ, cui parent. Et hoc sanè confirmat formosa illa, & omnium quantumvis rusticorum hominum oculis, sese ingerens naturæ pulchritudo, decor, harmonia, consilientia, quæ in tanto rerum fluxu, diuturna esse non possent, nisi res omnes, in aliquod eorum commune, bonum, tanquam in finem, non à se quidem, sed à suprema intelligentiâ, intentum conspirarent.

Stupidus sit oportet, quem in admirationem, etiam invitum non rapiat eximia mundi pulchritudo; summa rerum, quæ in eo sunt, multitudo, & varietas; æqualis temporum series; fixa tempestatum vicissitudo, immensa calorū moles, syderum definitæ conversiones; constans denique naturæ totius ordo. Quis porrò sanæ mentis unquam cogitaverit, hæc omnia casu, ac fortuito contingere, non autem suprema quadam intelligentiâ, ac sapientissimo Dei consilio regi, ac ordinari; Perinde est, ac si quis ordinatissimam, suisque legibus benè temperatam Rempublicam cogitaret, sinè Rectore, ac Moderatore: vel exercitum ad pugnam aptè dispositum, sinè Duce; vel ædificium ad gratiam, & commodam habitationem, sinè Architecto.

Homo ipse solus, & si cætera desissent, invictum suppeditaret existentis supremi Numinis testimonium, & argumentum: qua de causa *Magnus miraculum* appellatur à Divo Augustino lib. 10. de Civit. Dei cap. 12. Unde enim corpus tam admirabile, ac planè stupendo extructum artificio! Undè tot disparia membra, mutuo intertextu concreta, & tam aptè ad propria euique munia disposita, nisi ab immenso spiritu? mens verò hominis, tot facultatibus instructa ad intelligendum, & cognoscendum; tot dotibus ornata ad benè, beatèque vivendum.

dum. Unde nisi à suprema intelligentia: *Nescio qualiter in utero meo apparuistis?* (dicebat Machabæorum Mater) *neque enim ego spiritum, & animam donavi vobis, & vitam, & singulorum membra, non ego ipsa compegi.* Ergo necesse omnino est agnoscere supremam aliquam mentem, & intelligentiam: hæc autem Deus ipse est.

IV. ATHLETE, seu Athletritz, sic vocabantur ab Actio ejus Sodales, ut perhibet Petavius in animadversione super Epiph. lib. 3. tit. 1.

V. ATTICUS Presbyter dubiz fidei, tempore S. Leonis, ambiguis verbis subscripsit damnationi Euthychetis, ex quo inferitur fuisse secta Euthychianum. Ex Natal. Alex.

IX. ATTINGANI in Phrigia, & Liæonia constituti anno 810. idem sunt qui Pauliciani, sub hoc verbo reprobandi. Ex Baron.

IV. AUDAUS, ex quo Audiani, sive Odiani, aut Vadiani, genere Syrus, de Mesopotamia oriundus, post multos exantlatos pro vera fide labores, laboribus victus, jam propè senio confectus, à fide declinavit: plura de eodem scibit D. Epiphanius hæres. 70. ubi colligitur; hunc Audeum fuisse in Ecclesia pluribus annis virum celeberrimum, Ecclesiasticæ disciplinæ zelantissimum. Tanti viri deplorabilior casus fuit, cum siquidem in opinione sanctitatis vixisset, quando à fide declinavit, plures ejus sanctitatis fama jam antea permoti, eundem secuti sunt, & hæreticum. Audeum Antropomorphitarum ducem aliqui constituunt. Ab Imperatore Constantio in Scythiam relegatus, plures ibi promulgavit errores, inter quos, præter sequentes infra reprobandos, sunt qui afferant, etiam in illo fuisse sensu, ut crederet tenebras, ignem, & aquam ab æterno exstitisse, suosque sectatores nulla imposita pœnitentia absolvebat, iungens solum pœnitentibus, ut inter sacros libros, quos hinc inde apponebat, pertransirent, consistentes peccata sua. Audei discipuli vitam omnino solitariam agebant, fugientes Catholicos.

Tom. I.

rum Ecclesias, quia in ipsis peccatores admittebantur. Mortuo Audeo circa medium seculi quarti, ejus sectatores prope Euphratem, & Mesopotamiam, in duabus villis convenerunt, & quinto ineunte seculo Audeanorum secta, omnino jam erat extincta.

1. Dixit Deum esse corporeum. R. verbo *Antropomorphita*.

2. Novum invenit absolvendi modum, divisit enim hinc inde sacris libris, jubebat, ut dixi, inter ipsos peccatorem transire, & sic absolutum dimittebat. R. Quia cum solus Christus possit instituire Sacramenta, & nullibi constat de hac institutione ab Audeo somniata, satis patet insubsistentia, hujusmodi absolutionis. Tum quia si hoc sufficeret ad absolutionem, quisquis sacros libros secumferret, continuu absolutionis beneficium reciperet, adeo ridiculus hic absolvendi modus videtur, ut ex se satis reprobatus appareat.

3. Imaginem Dei, ad quam factus est homo, dixit esse in corpore, non in anima. R. verbo *Antropomorphita*.

4. Pascha cum Judæis celebrabat. R. verbo *Quartodecimani*.

5. Damnabat Episcopos, quia habebant temporales facultates. R. verbo *Apostolici*, & verbo *Ætiani*.

XII. AVERROES fuit Gentilis. Corduba in Hispania sub Maurorum jugo hunc virum insignem Aristotelis interpretem genuit 12. corrente seculo, decessitque ineunte 13. In Regno Valentiz Judicis primarii munus exercuit, patri in honorifico munere substitutus, & in jurisprudentia celeberrimus, scientiæ physicæ addiditissimus, non minus quàm astrologiz, & mathematicæ, à Rege Marochii, etiam in toto Regno Judex fuit electus. Interim tanquam hæreticus accusatus, officiis, & facultatibus expoliatus, etiam carceri mancipatur; sed iterum libertati restitutus, celeberrimæ commentaria super Aristotelem edidit. Religionem Catholicam vocabat *Religionem impossibilibus*, Judaicam *Religionem infantium*, Mahometanam verò

N

Rf.

Religionem porcorum. Sunt qui asserant, quòd negaverit Deum esse provisorem universalem. R. ex Apostolo dicente: *In ipso vivimus, movemur, & sumus*, ex psalmo: *Dat escam pullis carvorum invocantibus eum*. Math. 10. *Nonne duo passeris esse veniens, & unus ex illis non cadet super terram sine patre vestro*. Singularem Dei providentiam proclamant creaturæ omnes; quis enim non videat, quòd in virtute Dei, ejusque providentia germinat terra, secundæ sunt aquæ, sol oritur super bonos, & malus? Quis non discernit, quòd Dei providentia attingit à fine, usque ad finem fortiter, & disponit omnia suaviter? Deus omnia dirigit in finem, ergo Deus est provisor omnium. Certum enim est, ut ait Apostolus ad Rom. 13. quòd *Quæ autem à Deo sunt ordinata sunt*, & ut ait S. Bernardus lib. de gratia cap. 10. *Nihil horum evenit, quod non prout vult, potenti ordinet providentia*. Providentia Dei evincitur illis omnibus rationibus, quibus necessariam esse Dei ejusdemque comprobatur. Nec valet dicere, quòd si Deus provideret circa hæc inferiora, utpotè summum bonum, nullum permetteret malum; quia malum permittit ad emendationem nostram, & finit causas secundas agere motus suos, accomodans se causis secundis, subministrans illis media secundum exigentiam naturæ earum, ut suos producant effectus. Hinc est, quòd providentia, non tollit libertatem humanam, ut volunt Ethnici. Vide *Atheni*.

I. AUGURES. Auguriorum inventio primò ex *Ægyptiis* profecta est. Augures sunt, qui rerum eventus inquirent ex motu cælorum, ex garritu avium, ex intestinis victimarum, & ex similibus superstitionibus, ad quas declinarunt aliquando etiam aliqui Christiani, qui ut ventura prædicerent, similibus superstitionibus se contaminarunt, & à fide, quæ vera est, recesserunt, ut ad falsa dæmonum oracula accederent, prohibente Domino Deuter. 16. *Non invenietur in te qui observet auguria*.

XVII. AUGUSTINIANI, ex Lindano,

à quodam Sacramentario, cui nomen erat Augustinus, dicti fuerunt, qui novis sectariorum erroribus, hunc addidit.

1. Dixit cælum nondum esse apertum, & illud hominibus usque ad ultimum diem clausum esse futurum. R. quia Christus in corpore ascendit in cælum, ubi Abraham esse, & plures SS. PP. ex Scriptura colligitur; non quidem in corpore (sola enim Virgo post Christum, ex speciali prærogativa fuit in cælum cum corpore assumpta) sed in anima; futuri etiam in corpore post diem judicii. Insuper apertum esse cælum, animabus in gratia decedentibus, asserunt omnes SS. PP. sed & Christus dixit latroni pœnitenti *Hodie mecum eris in paradiso*; ergo cælum est apertum, & falsum est, quòd usque ad diem judicii futurum sit clausum. Vide verbo *Millenarii*.

XVI. AUGUSTINO BOHEMI orti sunt in Bohemia, Duce Augustino Bohemo anno 1544. partim cum Sacramentariis, partim cum Anabaptistis conveniunt, novis dogmatibus etiam propositis.

1. Dicunt fores Paradisi nondum esse reſeratas. R. verbo *Augustiniani*.

2. Dicunt animas iustorum, ante resurrectionem corporum, non videre Deum. R. verbo *Millenarii*.

3. Dicunt non dari Purgatorium. R. verbo *Albanenses*.

4. Docent suffragia non prodesse defunctis. R. verbo *Ariani*.

XV. AUGUSTINUS DE ROMA regulari militiæ nomen dederat circa initium seculi 15. deinde ob suam scientiam ad Archiepiscopatum Nazarenum electus, librum edidit, qui damnatus fuit in Concilio Basileensi sess. 22. illæso tamen authore, quia scripta sua Romanæ Sedis judicio submiserat, propositiones autem, ratione quarum, præfatus liber damnatus fuit, sunt sequentes. Vide Natal. Alexandr.

1. Christus quotidie peccat, & ex quo fuit, quotidie peccavit, & quavis Augustinus de Roma non intelligeret hoc de persona Christi, sed de illius membris, quæ cum capite unum Chri-

Christum esse dicebat, nihilominus. Rep. hæc propositio, quia membra Christi, quorum Christus est caput, non ita faciunt unum cum capite, ut actiones deficientiæ membrorum, possint etiam prædicari de capite, ergo neque ratione unionis membrorum cum capite, scilicet fidelium cum Christo, dici potest quod Christus peccat; quia peccata sunt defectiones. Vide S. Augustin. lib. 12. de Civit. Dei cap. 7.

2. Dixit solos electos esse membra Christi. R. Nam quia Christus est caput Ecclesiæ, omnes qui sunt in Ecclesiâ, quatenus moraliter uniti sunt cum Christo capite, & ab ipso habent influum, dicuntur illius membra; & certè cum Ecclesia sit cætus vocatorum, quorum Christus est caput, legitur autem Matth. 22. *Multi sunt vocati, pauci vero electi*, sequitur non solos electos esse membra Christi. Tum quia Judas, quando fuit aggregatus Collegio Apostolorum, utique esse debebat membrum Christi, & tamen non erat prædestinatus. Tum quia si soli prædestinati sunt membra Christi, sequitur aliquem Turcam, aut Gentilem, qui persequeretur membra Christi, dummodò esset prædestinatus, dici debere membrum Christi; illum verò qui manet in charitate, de quo dicitur: *Qui manet in charitate in Deo manet, & Deus in eo*, si non perseverat in charitate, dici non posse membrum Christi. Vide verbo *Affuriantur*.

3. Dixit, quod secundum infallibilem præscientiam Dei sumuntur membra Christi, ex quibus constat Ecclesia, quæ tamen non constat nisi ex illis, qui secundum propositum electionis vocati sunt. R. Quia cum Ecclesia sit visibilis, ejus membra debent etiam esse visibilia, & Ecclesiæ cognita, sed si membra Ecclesiæ sumerentur secundum infallibilem præscientiam Dei, secundum quam quis est electus, Ecclesia non posset discernere sua membra: quis enim scire potest an sit electus? ergo membra Ecclesiæ non debent sumi secundum infal-

libilem præscientiam Dei, sed sumi debent ex aliquo signo sensibili, cujusmodi est Baptismus: Omnes ergo qui sub regimine Romani Pontificis, in una fide perseverant, rectè inter Ecclesiæ membra debent computari.

4. Dixit non sufficere uniri Christo vinculo charitatis, ut aliqui efficiantur membra Christi, sed requiri aliam unionem. R. ex prima Joan. 4. *Deus charitas est, & qui manet in charitate in Deo manet, & Deus in eo*. Tum quia charitas est id, per quod Deus magis unitur cum homine; ergo unio charitatis erit id, per quod homo uniri potest cum Deo.

5. Humana natura in Christo est persona Christi. Rep. Nam si humana natura in Christo est persona Christi, duæ essent personæ in Christo, quod dicere est cum Nestorio sentire. Tum quia si humana natura in Christo est persona Christi, ergo natura Divina in Verbo erit persona Verbi, hoc non; ergo neque primum. Tum quia ratio naturæ, & ratio personæ sunt essentialiter rationes diversæ, ergo natura non potest esse persona.

6. Natura humana assumpta à Verbo, ex unione personali, est vera ceter Deus naturalis, & proprius. R. Nam cum natura humana in Christo sit genita, passa &c. si esset veraciter Deus naturalis, & proprius, hoc idem dici deberet de Deo, sed hoc dici nequit, ergo neque illud. Tum quia Christus quæ homo, genitus fuit in tempore, ex natura corruptibili.

7. Christus secundum voluntatem creatam tantum diligit naturam humanam unitam personæ Verbi, quantum diligit naturam Divinam. R. Quia natura humana, etiam prout est subsistens, per subsistentiam Divinam in Verbo, est realiter distincta à natura Divina, est creatura, est genita, ergo non potest tantum diligi, quantum natura Divina, quæ est ipsemet Deus increatus, & ingenuus. Tum quia objectum amoris est bonitas, & quod magis objectum est bonum, eò magis est diligibile, sed nulla

est æquiparatio inter bonitatem naturæ Divinæ, quæ est infinita, & bonitatem naturæ humanæ Christi, quæ est finita, quamvis utpote unita personæ Verbi, sit summæ excellentiæ supra reliquas omnes creaturas, ergo &c.

8. Sicut duæ personæ in Divinis sunt æqualiter diligibiles, ita duæ naturæ in Christo divinæ, & humanae sunt æqualiter diligibiles, propter personam communem. R. ex eo, quod diximus in reprobatione antecedenti; & certè natura humana in Christo, etiam unita Verbo, est longè inferior natura Divina; Christus enim quando dixit: *Pater major me est*; loquebatur de seipso secundum naturam humanam, non divinam, quæ utique est major in omni genere; ergo non possunt hæc duæ naturæ in Christo æqualiter diligi, etiam attentè unione naturæ humanæ, cum natura divina.

9. Anima Christi videt Deum tam clarè, & intensè, quam clarè, & intensè Deus videt seipsum. Repr. Deus comprehendit se ipsum, & non potest comprehendere, nisi ab intellectu infinito, sed Anima Christi est finita in suis potentiis, licet habeat potentias longè nobiliores, & perspicaciores cæteris animabus, & donis supernaturalibus longè ditiores; ergo &c.

XIII. AUGUSTINUS STREVCUS Eugubinus, incidit in errorem Photini, negando Deum esse immensum; quod autem in talem errorem inciderit, constat ex ejus explicatione in psalm. 138., quo tempore vixerit satis perspectum non habetur. Probabile est vixisse currente seculo 13. R. verbo *Photinus*.

XVI. AUGUSTINUS MARLORATUS. Tempore quo cæpit grassari Luthero Calvinismus eo devenit impietas, ut penè unusquisque sibi crederet licitum nova proponere dogmata. Inter hos impudentissimos viros adscribitur Augustinus Marlhoratus, qui vixit circa annum 1550.

1. Dixit, quod quæ de Christi ad inferos descensu disputantur, supervacaneæ sunt. R. Nam disputatio, quæ instituitur de Christi descensu ad inferos,

est ad reprobandos hæreticos, qui expressè hoc negant, convincente eos Scriptura, quæ apertè in Apostolorum Symbolo veritatem hanc profitetur: *sed & Ecclesiastici cap. 24. vers. 45. jam prædictus fuerat descensus Christi ad inferos, qui etiam comprobatur ex illo ad Eph. cap. 4. vers. 9. Quod autem ascendit, quid est, nisi quia & descendit primùm in inferiores partes terræ? Qui descendit, ipse est & qui ascendit super omnes calos*. Præstat autem de hac veritate confundere hæreticos contradicentes hoc dicti motivo; ut scilicet ex hujusmodi contradictione alios errores inferant; quæ propter negant Patres liberatos ab inferis, cum Christo ascendisse in cælum, & alia similia proferunt. Perstringuntur tamen de veritate descensus Christi ad inferos, tum ex dictis, tum ex epist. 1. Petri cap. 3. *In quo & his, qui in carcere (id est in Limbo) erant spiritibus veniens prædicavit*. Tum quia unanimis est Patrum consensus, qui Christum descendisse ad inferos, & ascendisse cum Patribus, quos de inferis liberavit, asserunt. Nec valet obijcere, quod si Christus descendisset ad inferos, de hoc descensu mentio facta fuisset à Patribus in Concilio Nicæno. Omiserunt autem in Symbolo Nicæno Patres hunc articulum: *Descendit ad inferos*. Nihil utique evincit argumentum, nam unum Concilium non tenetur definire omnes fidei articulos; sed de illis, ut plurimum tantum specialiter agit, de quibus agere expedit ad perstringendos hæreticos, contra quos Concilium est congregatum. Tempore Concilii Nicæni, nondum orta erat quæstio de descensu Christi ad inferos, idè de tali descensu nullam mentionem fecit. Demùm ab argumento negativo ad positivum nihil concludi, vel levis Logicus statim dignoscit.

2. Dixit, quod anima non significat spiritum immortalis essentia, sed vitam ipsam dumtaxat. R. Nam licet verum sit, quod anima hominis aliquando sumatur pro vita ipsius, quæ per nobiliorem partem exprimitur, ut Gen. 37. vers. 22. *Non interficiatis animam ejus*;

atta-

attamen negari nequit, ut plurimum in sacris paginis nomine animæ designari spiritum immortalem, qualem esse animam probatum est verbo *Arabes*; quæ veritas confirmatur ex Constitutionibus Apostolicis lib. 6. cap. 11. ubi legitur: *Nos animam incorpoream, & immortalem affirmamus*, quam veritatem declarat etiam Concilium Lateranense 5. sub Julio II., & Leone X. Et certè si anima non esset immortalis, ad quid illa verba Math. 25. *Venite percipite Regnum: Ite in ignem æternum*? Demùm animam esse spiritum immortalem, colligitur etiam ex illo Matt. 10. vers. 28. *Nolite timere eos, qui occidunt corpus, animam autem non possunt occidere*. Insuper accipitur anima pro spiritu 1. ad Cor. cap. 2. *Quis hominum scit, quæ sunt hominis, nisi spiritus hominis, qui in ipso est* Ergo falsum est quod anima non significat spiritum immortalis essentia, sed solam vitam.

3. Videtur etiam negasse Immunitatem Ecclesiasticam, ex eo quod scripsit ad cap. 17. super Matt. Repr. verbo *Petrus Martyr*.

V. AVITUS, & AVIDUS ambo hic simul recensentur, quia secundus primo cessit. Avidus sequebatur errores Victorini, quare dictus fuit Avidus Victorinus. Avitus autem doctrinam Origenis propugnabat, & dictus fuit Avitus Origenista. Eutropius, & Paulus Episcopi Hispani, Orisum Presbyterum in Africam ad S. Augustinum delegarunt, ut tanti Doctoris contra præfatos hæreticos consilium acciperent, quibus præstò fuit S. Augustinus. Cedente interim Avido, Avito, ambo ceperunt in Hispania disseminare errores Origenis, cum illic ex longa peregrinatione, ab uno, ex Urbe Roma, ab altero ex Urbe Hierosolyma facta, apulissent. Scripserat ad Avitum S. Hieronymus, sic ab Avido rogatus, missa ad eum epistola, in qua signabat errores Origenis. Sed huic

salutari monito non acquievit Avitus, qui omnes Origenis professus errores, h. ne etiam de novo promulgavit. Vide Bar. anno 414.

Dixit, Verbum antequàm carnem assumeret, omnium ordinum Angelorum sumpsisse formam, cum in cælo singulis prædicaret. R. Sicut enim de Incarnatione facta à Verbo tot præcesserunt Scripturæ testimonia, etiam aliqua præcessissent de Angelizatione, si facta esset à Verbo antequàm naturam sumpsisset humanam. Tum quia Verbum, quod semel assumpsit nunquam dimisit, ergo si semel assumpsisset naturam Angelicam, adhuc nunc terminaret hypostaticè talem naturam, sicut adhuc de facto terminat naturam humanam, quam assumpsit. Tum quia Deus ut alloquatur Angelos, non opus habet assumere illorum formam, ergo propter hanc rationem nihil evincit Avitus. Adde, quod expressè legimus ad Heb. cap. 2. *Nunquam enim Angelos apprehendit*.

XVI. AUTODOXI, qui credunt, quod sibi placet, & quilibet sibi fingit pro libito suo novam Religionem, nec unus alterius documentis vult alligari.

XVI. AUTOTHEANI ex Lutheranismò propagati illi sunt, qui solum Patrem, esse verum Deum credunt, & Filium Patre minorem faciunt, hujus blasphemix auctor censetur Blandrata. R. verbo *Arius*.

IV. AUXENTIUS Episcopus Mediolanensis, ad propagandam hæresim Arianam, unà cum Asterio Sophista nullum non movit lapidem; impiissimi Elvidii fuit Magister. Divum Martinum ab Urbe Mediolanensi expulit, timens nè illius prædicatione Ariani à suis erroribus deficerent. Sanctus Hieronymus Auxentii malitia quanta esset, sicut & Asterii, ostendit scribens ad Damasum Papam.

II. AXIOMIUS Antiochiz Dogmata Valentini hæretici docebat anno 145. R. verbo *Valentinus*.

B

IX.



BAANITE ducem habuerunt quemdam nomine Baanein, qui fuit discipulus Epaphroditii, & Manichæorum errores prædicabat. Vide *Manichæi*. De his agit Spondanus anno 810.

XV. BACIARI secta sunt Anabaptistæ, sortiti sunt hoc nomen seculo 15. ex eo quod nefas esse dicebant accusare quemquam in iudicio, vel alia ferre arma, quam baculum; afferentes Scripturam prohibere ne gladium, aut peram portemus. Dicti sunt etiam Stable-ri. R. Quoad id quod sustinebant nefas esse accusare in iudicio; quia in lege veteri constituti erant iudices, qui decidebant controversias contendentium. Tum quia Deus dedit potestatem iudicibus iudicandi, & puniendi, ut constat ex Deuter. cap. 17. vers. 10, & præcepit stare eorundem sententiæ: *Facies quodcumque dixerint*, sed talis potestas esset nulla, quando causæ non possent deferri ad iudices; daretur etiam ansa ad facinora liberè, & sine timore perpetranda, quando facinorosi non possent adduci in iudicium: In nova lege etiam Christus dixit, *Dic Ecclesiæ*. Ad id quod dicunt Scripturam prohibere gladios, verum est ad offensionem, non ad defensionem: unde dixit Petrus ad Iesum: *Sunt duo gladii hic*.

VIII. BAGNOLENSES. De Bagnolensibus, sive Bajolensibus scribit Gualterius in tabul. seculi septimi, quos eosdem cum Albanensibus errores habuisse refert, quod pariter recenseret S. Antoninus in 4. par. summæ tit. 11. cap. 7. Dicti sunt etiam Concordenses: & licet aliqui sentiant sectam Concordensium fuisse à Bagnolensi distinctam, certius tamen est solum circa nomen discrepare; omnes enim Bagnolensium errores à Concordensibus profitentur, & quisquis agit de Concordensibus, etiam Bagnolensibus omnino coevos reponit, nec quid peculiare de

illis asseritur, quod etiam de illis non asseritur. Unica ergo fuit Bagnolensium, & Concordensium secta, hoc duplex nomen sortita; hinc deducere est diversos esse hos Bagnolenses à Bagnolensibus hæreticis, de quibus agit Spondanus sub anno 1225. quos etiam Concorretios, sive Concorrenses vocat. Porro hos Bagnolenses, de quibus agit Spondanus, sectam fuisse Catarorum ex progenie Valdensium certum est, sicut ipsemet Spondanus asserit. Malè ergo hos Bagnolenses cum Bagnolensibus, de quibus agit Gualterius, quem citat in margine, confundit; siquidem si, ut ipse ait, Bagnolenses fuerunt ex progenie Valdensium, cum Valdensis circa medium seculi duodecimi debuerint, non potest eorum progenies confundi cum Bagnolensibus, de quibus agit Gualterius, qui fuerunt Albanensibus seculo corrente octavo cævi. Opiniones autem quas habuerunt Bagnolenses à Cataris distinctas refert Spondanus sub anno 1252. & sunt sequentes.

1. Errabant circa Trinitatis mysterium, sed in quo consisteret eorum error circa Trinitatem, ignoratur.

2. Dicebant Diabolum de limo Dei creasse mundum, & corpus hominis, in quod insuaderit optimum Angelum, qui in modico jam peccaverat. Reprobatione non indiget hoc delirium, quid enim intelligerent, dicendo Diabolum de limo Dei creasse mundum, difficultas est explicationis. Certum est Diabolum non habere potentiam creativam, ut dictum est contra Arnaldum Brixiensem. Certissimum est non Angelum, sed animam rationalem infusam esse in corpus humanum, & ratione peccati Angelum non infusum in corpus humanum, sed in infernum intrusum satis manifestè declarant sacræ paginæ. Cæterum Angelum non posse informare corpus, probat ipsa philosophia. Nullum enim compositum completum, cuiusmodi est Angelus, potest informare materiam, & unum cum

cum illa facere compositum, materia enim unick formà, quæ habeat rationem potentiz, est actuabilis.

3. Afferbant animas extractas esse à dicto Angelo. R. ex Gen. cap. 2. *Formavit igitur Dominus deus hominem, & inspiravit in faciem ejus spiraculum vitæ, & factus est homo in animam viventem*. Creata est ergo anima à Deo, non autem extracta est ab Angelo. Insuper animam hominis à Deo creari, definitum est in Conc. Later. sub Innocentio III. Tum quia in Bagnolensium supposito, dictus Angelus deberet esse infinitus, cum infinitæ animæ possint creari, sed nulla est substantia infinita præter Deum, & Concilium Braccarense celebratum anno 563. anathemate percutit eos, qui dixerint animam hominis esse substantiam Dei, ergo neque esse potest de substantia Angeli.

4. Dicebant Christum non assumpsisse humanam animam, sed Angelicam naturam. R. ex illo quoddam legitur ad Heb. 2. *Nusquam enim Angelos, sed semen Abrahæ apprehendit*. Insuper Christum assumpsisse animam rationalem, probatum est verbo *Apollinarista*; quæ veritas definita est in Concil. Constantiens primo, & in Concilio Rom. sub Damaso Papa. Tum quia si assumpsisset Angelicam naturam, & solum corpus humanum, Christus non deberet dici factus homo, sed factus Angelus; Non enim homo dici potest, qui animam rationalem non habet. Verum quidem est, quod si Verbum voluisset, potuisset sibi unire hypostaticè naturam Angelicam; sed quæstio est de facto, & absolute constat ex sacris paginis, Verbum naturam Angelicam non assumpsisse; sed animam rationalem. Unde legitur Joan. 10. *Potestatem habeo ponendi animam meam, & potestatem habeo iterum sumendi eam*.

5. Dicebant B. Virginem fuisse Angelum. R. Nam licet dignitate, & meritis B. V. sit supra Angelos, non tamen habuit Angelicam naturam, sed humanam, ab homine conceptam, & genitam, cujus Pater Joachim, & Anna,

Mater, ut tenet Ecclesiæ traditio; & si fuisset Angelus, Christus non fuisset homo: non enim verè filius hominis diceretur, si originem non haberet ab homine: colligitur enim apertissimè ex sacris paginis, Mariam fuisse de domo, & familia David, ergo habuit naturam humanam, ergo non fuit Angelus.

6. Reprobabant ferè totum vetus Testamentum. R. verbo *Albanenses*.

VII. BAIRAS, qui apud S. Petrum Paschasium vocatur Bahiosa. Hist. Mahum. cap. 1. profitebatur Jacobitarum errores, & fuit Mahometis magister, quem Mahometanam docuit perfidiam, circa initium seculi septimi; siquidem cum Mahometes esset vilissimæ conditionis, & principatum nihilominus per novæ sectæ prædicationem asseclaret, Bairam in magistrum suæ perfidiæ assumpsit, cujus errores verbo *Mahometes* convelluntur. Bairas in componendo Alcorano Mahometem adjuvit. Ex præcit. S. Petro Paschasio cap. 8.

XVI. BAIUS Michael, cujus vita in ejus operum initio, quæ Coloniz anno 1646. impressa fuit, legitur, fuit vir in Theologicis scientiis eruditissimus, Lovaniensis Academiæ Decanus, tanquam oraculum erat apud alios ejusdem Academiæ Doctores; necnon apud Reges, ratione suæ scientiæ gratiam invenit. Proinde à Philippo II. Hispaniarum Rege in Theologum Consiliarium assumptus, & ad Conc. Trident. delegatus, apud posteros futurus in opinione celeberrima, si famam suam erroneis scriptis non contaminasset. Porro ejusdem errores in Bulla S. Pii V. expressè leguntur, qui ex ejusdem Bii scriptis, 79. propositiones decerptas damnavit; non tamen damnavit auctorem, siquidem S. Sedis judicio se submisit. Vixit circa medium seculi 16. ætatis ann. 77. Lovanii decessit, cum ad 40. annos in Lovaniensi Academia Theologicas facultates docuisset. Dux primæ ex ejus propositionibus contentis in Bulla *In eminenti* sunt sequentes.

1. Nec Angeli, nec primi hominis adhuc integri merita, rectè vocantur gra-

gratia. R. ex D. Pauli *Quid autem habes quod non acceperis, si autem acceperis, quid gloriaris quasi non acceperis?* Ex quo deducitur omne meritum nostrum in quocunque statu esse à Deo, sine cuius gratia, necessarii concurrente ad actiones nostras, nullum bonum meritum possumus operari. Unde S. Augustinus cap. 10. de correptione, & gratia ait: Deum in operibus bonorum Angelorum ostendisse *quid posset gratia beneficium*, id ipsum de homine in statu naturæ integræ dicendum, nemo potest in dubium revocare.

2. Sicut opus malum ex natura sua est mortis æternæ meritum, ita opus bonum ex natura sua est vitæ æternæ meritum. Repr. *Quia prædestinatio est gratuita, & quantumvis Deus velit præmiare merita gloriæ æternæ, hoc gratis facit quantum ad intentionem prædestinationis; nulla enim merita, quantum est ex se, sufficiunt ad comparandam gloriam, sed ex sola gratuita sua benignitate voluit Deus se obligare ad præmianda ita copiose merita, quæ etiam sine præmio, potuisset Deus relinquere, & absque mercede, sine injuria creaturæ, quæ cum bene operatur, quæ præcepta sunt, agit id, ad quod obligatur; ideoque quantum est ex vi bonorum operum, nullam potest præstare remunerationem; ex quo sequitur, quod opus bonum, quantum est ex natura sua, non sit vitæ æternæ meritum; ubi è converso opus malum, utique ex natura sua est pœnæ meritum, quia iustitia postulat, ut mala opera consequatur pœna, & dum creatura malè operatur, injuriam facit Creatori, ideo iustè punitur; dum verò bene agit, præstat obsequium debitum Creatori, qui ad hoc creaturas ponit in esse, ut bene operentur, ideoque ex natura bonorum operum, non potest creatura præstare vitam æternam, juxta illud Evangelii Luc. 17. *Cum feceritis omnia, quæ præcepta sunt vobis, dicite: servi inutiles sumus: quod debemus facere, fecimus.**

Superfluum censui septuaginta.

novem propositiones adamussim reprobare; cum ad easdem refellendas, ferè integra confecta sit bibliotheca, ut jam penè ad nauseam prolizè scripserint plures Theologi, à decessu Baii usque ad hæc tempora. Earumdem propositionum insubsistentia, constat ex triplicata confixione contra ipsas, à tribus Pontificibus successivè promulgata, scilicet à Pio V. à Gregorio XIII., & Urbano VIII., quorum decretis præstat humiliter subscribere, cuicumque cum Ecclesia Catholica sapere, & sanam doctrinam profiteri desideranti; neque prætermittendum censeo (ut benignus lector animadvertat, quam consultò propositiones Baianas, ex professo reprobandas non assumimus) quod S. Pius V. has propositiones damnavit, absque declaratione, quæ nam unicuique propositioni censura conveniret, quemadmodum jam præstiterat Leo X. contra Lutherum; & Concilium Constantiense, contra Wicleffum. Certum est quod plures ex damnatis Baii propositionibus, nonnisi sanam Ecclesiæ doctrinam, apparenter continere videntur, ad quod animadvertens prælaudatus S. Pontifex, aliquas ex dictis propositionibus, posse quodammodo suslineri, in ipsamet Bulla asseruit, quæ nam alia de causa damnatæ videntur, nisi quia nimis asperam oppositæ sententiæ continent censuram; sufficere autem hanc causam, ad configendam propositionem, ex eo satis patet, quod si permitterentur propositiones, quæ asperam continent, oppositæ sententiæ non damnatæ censuram, essent continuum rixarum, & jurgiorum seminarium. Hinc jure merito Summi Pontifices, qui pacem fovere in Ecclesia, & contentiones cujuscumque causam amovere nituntur, bene illas propositiones configunt, quæ licet aperte hæreticam, aut scandalosam non contineant doctrinam, ceterùm nimis asperam, oppositæ sententiæ censuram, continere videntur, & viam sternunt ad jurgia.

IV. BALATIUS fuit Ægypti Dux circa annum 315., acerrimus Arianz hæresis

cognomen, ad sceleratissimam eorum audaciam utrumque signum ficandam; Borboriani ea de causa cognominati sunt. Porro, quantum liquet ex dicto Theodoro colligere, ponebant Aeonem, quemdam, ab interitu alienum, de genere in spiritu virginali, quem nominant *Barbeloti*, à quo, ut ajunt, processit incorruptibilitas, & vita æterna. Barbeloti concepisit, & peperisse lucem dicebant, quæ vocatur Christus, cui Pater adjecit rationem. His & pluribus aliis fabulis, quas prosequitur narrare Theodoretus loco cit. totam sacrarum Scripturarum seriem, tam de mundi creatione, quam de incarnatione, imò & Trinitatis mytheria, pervertere conabantur, cum inter alia signa, ex primo Angelo conceptum esse Spiritum sanctum, proferrent.

II. BARDEZANUS genere Syrius, Edesæ ortus, sub Marco Aurelio, & Antonino floruit, paulò post medium seculi secundi, vir fuit probitate conspicuus, & scientia præclarus, multa pro veritate tutanda scripsit, & plura perpeti paratum se obtulit: sed in Valentini schola educatus, famam suam, aliis erroribus probatis, contaminavit. De eodem etiam scribunt Theodoretus, & S. Augustinus. Eundem confutavit S. Ephrem Syr.

1. Nrgavit mortuorum resurrectionem. R. verbo *Basilidiani*.

2. Dixit hominem non habere liberum arbitrium, & esse stellis, & fato subjectum. R. Ecclesiast. 15. vers. 14. *Deus ab initio constituit hominem, & reliquit illum in manu consilii sui. Adjecit mandata, & præcepta sua, si volueris mandata servare, conservabunt te. Apposui tibi ignem, & aquam: ad quodcumque volueris, porrigere manum tuam.* Ex quibus, & aliis sequentibus verbis, clarè evincitur hominem esse liberi arbitrii, quod ipsa experientia comprobatur in omni rationis compote, qui eligit quod sibi magis arduet in operationibus suis; electio autem est liberi arbitrii. Insuper psalm. 94. legitur; *Hodie si vocem ejus audieritis, nolite obdurare corda vestra;*

ergo est in arbitrio nostro sequi Dei vocem, vel obturare aures, & illam non sequi. Sæpè in sacris paginis Deus conqueritur de peccatoribus, quos vocat, & renunt. Frustrà autem lamentaretur, quando homo non esset liberi arbitrii, ejusque peccata non possent homini imputari; sicut quia non est in electione nostra nobiles, vel ignobiles nasci, nemini imputatur ad culpam, quod nobilis, vel ignobilis prodeat in vitam. Nec valet opponere illud Jo. 15. *Sine me nihil potestis facere*; nam ibi ostenditur necessarium esse, cum libero hominis arbitrio, Divinum præsidium, quod utique nunquam deest ad bonum faciendum. Imò & ad malum ipsum materialiter, sive quatenus bonum physicum est, Deus concurrat tanquam causa prima, sine ejus concursu, causa secunda nequit exire in actum: idem à pari dicendum de illo, quod legitur Jo. 6. vers. 44. *Nemo potest venire ad me, nisi Pater, qui misit me, traxerit eum*; Non enim *traxeris* significat, ut volunt hæretici, hominem cogi à Deo ad bene operandum, sed necessarium esse Divinum auxilium. Cæterùm si trahente Domino homo cogeretur, dicendum foret, quòd quoties Deus trahit, homo necessario sequi debeat Deum trahentem. Constat autem hominem voluptate trahi, sicut & voluntate: juxta illud: *Trahit sua quemque voluptas nullo detrimento voluntatis*. Vide S. Augustin. tract. 26. in Joannem. Ex dictis facile est solvere alias objectiones, quas ex Scriptura adducunt hæretici, ad impugnandum liberum arbitrium.

XIV. BARLAAMUS, Sub Henrico Imperatore, & Joanne XXII. Pontifice, eandem cum Accidino professus est impietatem. Vide verbo *Accidinus*.

VI. BARSANIANI, de quibus scribit S. Jo. Damascenus, dicti etiam *Semidalista*, descenderunt à Barsonio, Gajanonum, & Theodosianorum dogmata propugnabant, sequenti addito sigmento, ut à reliquis Theodosianis, & Gajanitis dignoscerentur.

In sacrificio modicum farinæ extremo digito

digito apponebant, nec aliud erat donarium, vel oblatio, sed istud erat sacrificium, quod Deo offerebant: quo fundamento, hunc novum sacrificandi modum invexerint Barfaniani, iudicet lector.

XII. HÆRETICI DE BARULO, de quibus Sanderus hæresi 144. in duobus potissimum erraverunt.

1. Censebant animas ante mundi constitutionem creatas fuisse, & ex tunc peccasse. R. Quia nulla sit mentio de creatione mundi in sacris paginis, ex quibus contrarium evincitur, juxta illud Genesius. *Inspiravit in faciem ejus spiritum vitae*. Tum quia si animæ creatæ essent ante mundi constitutionem, dici etiam posset esse creatas ab æterno, sed animas ab æterno esse creatas non est qui asserat. Tum quia cum anima sit actus ad humanum compositum constituendum, creatur cum potest actuare, ideòque creatur, cum infunditur in corpus organizatum; Tum quia si animæ creatæ fuissent ante mundi constitutionem, adstitissent in creatione mundi, sed in Genesi nulla sit hac de re mentio; imò nec à tot seculis ulla anima in corpore vixit, quæ aliquando, datæ quacumque occasione, sive attendendi motivo, talium rerum recorderetur: unde ergo hujusmodi commentum habent illius assertores? Scio Macrobius, & alios Platonicos excogitasse tantæ oblivionis causas; sed tales quidem, ut sola earum lectio appareat, mera esse signenta hominum, à Divinæ fidei lumine remotorum.

Demum declaratum est in Conc. Later. 4. & 5. animam creari, cum infunditur in corpus; nec valet instare dicendo *Nihil sub sole novum*, ut astruatur animas creatas esse omnes simul, quia Ecclesiastes, non intellexit de creatione singulorum individuorum, cum dixit *nihil sub sole novum*, sed voluit significare, rerum omnium idæas præcessisse in mente Divina, quoniam Deus ab æterno videt omnia, & continet tempora in æternitate sua; vel intendit exprimere successionem circularem rerum sensibilem.

2. Dicebant Christum corpus celeste assumpsisse, non autem humanam carnem ex utero Virginis. Rep. verbo *Albanenses*.

XVI. BARTHOLOMEUS FERNHARTUS præpositus in oppido Remberg, præp. Wittembergam, primus fuit, qui sequens doctrinam Carlostadii, docentis in libro ab ipso inscripto: *De Conjugio Sacerdotum*, licitum esse Sacerdotibus nubere, uxorem duxit anno 1522. ideò inter hæreticos primarios, hac de causa reponendus, quippe, qui licet hæresim non iñstiterit, primus tamen factis probaverit, quem postmodum plures, sensu impellente, sunt imitati.

XIV. BARTHOLOMEUS JANOVESIUS Majoricanus, librum composuit, in quo sequentes errores detesti fuerunt ab Eymérico Aragonix Inquisitore, qui librum publicè cremari jussit, sed Bartholomæum pœnitentem Ecclesiæ gremio restituit anno 1539. Ex Spondan.

1. Dicebat anno 1560. Antichristum venturum, quem reprobat, præter experientiam, illud, quod legitur Act. cap. 7. *Non est vestrum nosse tempora, vel momenta, quæ Pater possit in sua potestate*.

2. Omnes Christianos ab Antichristo ita pervertendos, ut damnationem nullatenus fugere possent. R. Christiana Religio perseverare debet usque ad extremum judicium, & plures perseverantes in fide se opponunt Antichristo, ut colligitur ex ipsa Scriptura, præsertim in Apocalypsi; ergo falsum est, quod Antichristus debeat pervertere omnes Christianos.

3. Omnes hæreticos cujuscumque sectæ, extincto Antichristo, iterùm debere ad Christum converti, non autem Christianos, semel ab Antichristo seductos, posse iterùm converti. R. In tali casu videretur melior hæreticorum, quam Christianorum conditio. Tum quia extincto Antichristo fiet unum ovile, & unus pastor, ergo Christiani multi perseverabunt in fide. Sed hæc Janovesii signenta, manifesta ita per se apparuerunt, ut nullum habuerint

patrocinatorem, præter ipsum Janoveſum, qui cum ſuarum aſſertionum inſufficientiam dignoſceret, & ipſe eadem eſt deſectatus.

1. **FAULIDIANI** à Baſſide genere Alexandrino, Saturnini condiscipulo, Menandri auditore, ortum habuerunt. Proſeſus in Egyptum, ibi ſuas impudentiſſimas hæreſes diſſeminavit, additis, ſupra præceptorum ſuorum Simonis, & Menandri blaſphemias, novis erroribus, & figmentis, quæ ut ſuſtineret, S. Matthæ doctrinam ſe profiteri aſſerebat, quam à quodam nomine *Glaucias*, quem etiam præceptorem habuit, ſe didiciſſe eſtutiebatur. Eò arrogantiz devenit, ut auſus ſit componere Euangelium, ſuoque nomine illud inſcribere, ut reſert Origenes homil. 28. in Matth. Ejus ſecta, in qua omnes permittit impuritates, uſque ad quintum ſeculum perduravit. Filium habuit nomine *Iſidorum*, qui Patris impia dogmata ſuſtinuit. Scripſerunt adverſus ejus errores S. Ignatius Martyr, Irenæus, Clemens Alexand., & S. Epiphanius. Ejus autem errores ſunt ſequentes, quos divulgavit ſeculo primo, deceſſit autem ineunte ſecundo, ſub Imperio Adriani.

1. Ingenitum Aeonum principium adſtuebat, ſive ſummam virtutem, quam barbaro vocabulo vocabatur *Abraxas*, à qua dicebat procreatam mentem, à mente Verbum, à Verbo prudentiam, à prudentia virtutem, & ſapientiam, ab utraque conditos fuiſſe Principatus, Potèſtates, & Angelos; ab his conditum ſupremum cælum, & alios Angelos propagatos; ab illis alium cælum creatum, & alios Angelos, atque ita deinceps donec 365. cæli perfecti eſſent. R. Nam licet virtutis ingenitæ nomine intelligi poſſit Deus, non tamen ſub nomine *Abraxas* reperitur Deus in ſacris paginis; neque Deus procreavit mentem, nec à mente procreatum eſt Verbum, quia Verbum procreatum non eſt, ſed genitum, & creatio dicit novæ naturæ productionem ex nihilo. Inſuper creatam eſſe à Verbo prudentiam, à prudentia ſapientiam, purum eſt fig-

mentum; nam Deus eſt ipſa prudentia, & ſapientia. Eſſe Angelos à ſolo Deo creatos, cui ſoli competit virtus creandi neque poſſe creare, probatum eſt contra Arnaldum Brixienſem. Demùm contra ea, quæ leguntur in Gen. de creatione mundi, & cælorum contra initium Evangelii S. Joannis, ſunt Baſilidiana figmenta.

2. Ab Angelis creata cenſebatur hæc omnia inferiora. R. ex Evangelio Joannis: *Omnia per ipſum, id eſt Deum, facta ſunt*. Tum quia Angeli non habent virtutem creandi, ut ſupra diximus. Tum quia Deus omnium Creator proclamatur in ſacris paginis. Tum quia, qui creat dat primum eſſe rei, ſed creatura non poteſt dare primum eſſe creature, cum ipſa non habeat primum eſſe à ſe, ſed à Deo, ergo ſolus Deus, qui eſt à ſe, poteſt dare primum eſſe rebus, & eas creare ex nihilo. Vide verbo *Arnaldus Brixienſis*, *Angelici*, *Archontici*.

3. Somniavit Deum Judæorum eſſe Angelum creatum, contra quem Pater miſerit Filium, ſcilicet Chriſtum, ut homines à poteſtate Angelorum, mundi hujus conditorum, liberaret.

4. Dixit Chriſtum, ſolùm apparenter aſſumpſiſſe carnem, & Simonem Cyreneum fuiſſe pro Chriſto crucifixum, quem Simonem, à Chriſto in ſuam figuram commutatum, aſſerebat. R. verbo *Albanenſes*.

5. Martyres non mori pro Chriſto, ſed pro Simone Cyreneo, ideò damnavit martyrium.

6. Credendum non eſſe in Chriſtum crucifixum, ſed in eum, qui viſus eſt crucifigi, ſcilicet in Simonem Cyreneum. R. hæc omnia figmenta, quæ procedunt ex falſo principio, quo Baſilides credebat Simonem, non Chriſtum fuiſſe crucifixum; ſed cum de falſo Chriſtus ſit crucifixus, ut ipſemet proteſtatur: *Ego pono animam meam*, corrumpit præſata deliria; & certè Chriſtum, non apparenter, ſed realiter incarnatum, & mortuum, conſtat Jo. 1. *Verbum caro factum eſt; ex eiſdem.* epiſt. 1.

epist. 1. cap. 4. *Qui constituitur Iesum Christum in carne venisse, ex Deo est; ad Philipp. 2. Humiliavit semetipsum, factus obediens usque ad mortem.* Tum quia si Christus non esset realiter incarnatus, cum de Incarnatione Verbi tot legantur manifestæ Prophetarum prædictiones, adhuc deberemus expectare Messiam, quem de facto realiter venisse, non apparenter, evincunt sacræ paginæ novi Testamenti. Tum quia si Christus solum specie tenus suscepit carnem, ergo solum specie tenus nos redemit; quid autem clarius colligi potest ex sacris paginis, quam Christum nos verè redemisse? Tum quia si Christus putativè homo dicitur, etiam putativè poterit dici Deus, cum æquè evidenter Scriptura asserat Christum fuisse hominem, ac Deum. Tum quia non erubuit homo videri, ergo realiter natus est, ergo realiter per triginta tres annos, cum hominibus est conversatus. Nec valet dicere, quòd in sacris paginis legitur, Deum misisse Filium in similitudinem carnis peccati, in similitudinem hominum factum, ergo solum specie tenus, non realiter Christum fuisse hominem; nam in Scripturis nomen *similitudinis*, frequenter accipitur pro veritate rei; dictus autem est Christus in similitudinem hominum factus, non quia non fuerit de facto verus homo, sed quia ineffabili modo, & diverso conceptus est, ac concipiantur homines. Ceterum fuit in omnibus nobis similis, quantum spectat ad habendam essentiam naturæ humanæ. Insuper non valet dicere, Christus carnem damnavit, ergo veram carnem non assumpsit; damnavit siquidem opera carnis, non naturam humanam. Vide verbo *Agar. 1.*

7. Negavit futuram corporum resurrectionem. R. ex 1. ad Cor. 15. ver. 13. *Si autem resurrectio mortuorum non est: neque Christus resurrexit. Omnes quidem resurgemus &c.* Insuper ex 2. ad Tim. cap. 2. Job. 19. Jo. cap. 11. ex Symbolo Apostolorum, ex Conc. Constantin. Basilidis error reprobatur. Tum quia resurrectio corporum fieri potest à Deo; est

conveniens, quia Deus creavit totam naturam humanam ad sui gloriam, ergo tota debet glorificari; ergo de facto corporum resurrectio est futura. Tum quia congruum est, ut corpora nostra, quæ sunt templum Dei resurgant. Tum quia Christus in carne resurrexit, ergo etiam nos in carne debemus resurgere; pignus enim resurrectionis nostræ est resurrectio Christi. Tum quia anima per carnem Sacramenta suscipit, per carnem coronatur martyrio, & exercet plures alias virtutes, ergo debet cum carne resurgere; de qua resurrectione adeò clarè vaticinati sunt Prophete, maxime Ezechiel. cap. 37. Tum quia homo totus à Deo judicari debet sicut vixit, sed vixit in carne, ergo debet judicari in carne. Nec valet opponere contra resurrectionem carnis, illud 1. ad Cor. 15. *Caro, & sanguis regnum Dei possidere non possunt*; nam ibi Apostolus intelligit de corpore per se sumpto, non vero cum anima unito, quod utique per suas dotas, quas acquirit, eo modo quo poterit, possidebit regnum Dei: vel dicendum Apostolum intelligere de illis, qui carnaliter, & more animalium vivunt, qui utique regnum Dei possidere nequeunt.

8. Prophetias fuisse ab Angelis factas, legem verò à principe Judæorum. R. Nam ex ipsis Prophetiis intelligitur Deum locutum fuisse per os Prophetarum, & unus est legislæ noster Christus, qui venit legem gratiæ dare mundo, ut per ipsius observantiam salva fieret omnis caro, & liberaremur à graviore iugo legis Moysæ. Deinde ex 2. Petri 1. 21. constat catholica assertio.

9. Nova Angelorum nomina est adinventus, quæ refert Irenæus lib. 1. adversus hæreses cap. 23.

10. Asseruit animas in altera vita peccasse, propterea hic pati supplicium. R. Ex eo quod supra diximus, animas creati cum infunduntur corpori, ergo non potuerunt in alia vita, quam non habuerunt, antequam corpori infunderentur, peccare. Vide D. Augustinum lib. 11. de Civ. Dei cap. 23.

11. Non omnia peccata dimitti à Deo, sed solum involuntaria. Repr. ex iis quæ dicuntur contra Sacramentarios, de efficacia confessionis. Tum quia actiones involuntariæ non sunt per se peccaminosæ, ergo dicendum est, vel nulla, vel omnia dimitti posse à Deo, qui Petrum docuit dimittere usque septuagies septies, idest quotiescumque peccator ad Sacramentum Confessionis accederet. Tum quia si peccata voluntaria non dimitterentur à Deo, cum nullum sit peccatum, nisi voluntarium; ergo nulla esset remissio peccatorum: ergo desperata esset omnium peccatorum salus; ergo Sacramenta nullam haberent efficaciam. Sed verè peccata etiam turpissima condonari à Deo per pœnitentiam, habetur Isai. 1. 18. & sæpius in Scripturis.

12. Fidem esse proprietatem, & dotem naturæ. R. Nam hoc posito, etiam nostra fides debuisset esse ante Christi adventum cognita, cum ad ipsam habendam, requiratur sola naturæ potestas; ergo sine prædicatione evangelica poterit haberi cognitio mysteriorum fidei; sed sine speciali illuminatione à Deo facta, & sine prædicatione, legimus neminem habuisse cognitionem fidei, ergo ad fidem habendam sola naturæ vis non sufficit. Tum quia naturæ vis ex se non extenditur ad invisibilia; ergo non potest ex se fidem attingere, quæ est argumentum non apparentium. Deinde ex Evangelio: *Cave, & sanguis non revelavit tibi, sed &c.*

13. Non esse alias peccatorum pœnas, nisi transmigrations animarum. R. ex iis, quæ dicta sunt contra Albigenes, ubi offendimus animas post mortem non informare aliud corpus, nec nobilius, nec ignobilius, pro diversitate meritorum, vel peccatorum; & ex iis, quæ dicuntur contra Millenarios, ubi ostendimus, animas post mortem statim deputari vel ad pœnam, vel ad gloriam. Tum quia involvit contradictionem transmigrationis animarum de corpore ad corpus; nam sequeretur unam animam posse simul beari, & damnari; beari siqui-

dem in suppositione, quod in uno corpore benè vixisset, in alio verò peccata commississet. Vide S. August. lib. 10. de Civit. Dei cap. 30. & lib. 12. cap. 26.

14. Discipulos suos, tempore persecutionis, docuit Deum negare, nec proinde peccare contra illud Scripturæ: *Qui negaverit me coram hominibus, negabo eum coram Patre meo*, adducens pro ratione, quod illitantum sunt homines, qui Basilidianam doctrinam sequuntur, alios verò, qui ab ipsa recedunt esse canes, idè nec peccari, negando Deum coram aliis. Verè beluino more locutum esse Basilidem, satis perfectum est, qui dogmata docens, potius brutalia, quàm humana, eò dementiæ devenit, ut quoscumque à sua doctrina recedentes, belvas esse effutiret.

15. Suis discipulis, cum primùm se illius in disciplinam tradebant, quinquennii silentium præcipiebat; ratio hujus præcepti erat, quia videns quam nefaria essent sua dogmata, timebat ne evulgarentur.

16. Usus ciborum Idolis immolatorum indifferentem esse sustinuit. R. Quia manducare immolata videtur approbatio superstitionis, & communicatio cum idololatriis. Exempla etiam habentur in sacris paginis Sanctorum virorum, qui potius se morti, quàm contaminari, manducando cibos vetitos, vel Diis gentium immolatos. Legendi hac de re Macchabæorum libri, in quibus hujusmodi exempla describuntur.

17. Magicis artibus, maleficiis, & incantationibus deditus erat. R. ex sacra Scriptura Exod. 22. *Maleficos non patieris vivere*, Levit. 24. *Non declinetis ad magos, neque ab ariolis aliquid discite*, ut polluamini per eos. Ego Dominus. Item Levit. 20. Deuter. 18. Eccl. 14. reprobantur magi, malefici, & incantatores.

18. Novos Prophetas, quos vocabat *Barasban*, & *Barocph*, ad errores suos nobilitandos excogitavit, de quibus cum nulla sit in sacris paginis mentio, satis constat fuisse figmenta,

19. Dixit quemlibet coitum esse licitum. R. verbo *Florinus*.

BASILIVS. Vide *Bagomill*.

IV. BASILIUS Episcopus Anciræ, Semarianorum caput. Vide *Semiariani*.

V. BASILISCVS Imperator Tyrannus, & hæreticus, Ecclesiæ persecutor constitutionem promulgavit contra Concilium Chalcedonenſe, quod rejecit. Plura de eodem videre est apud Baronium.

II. BASSVS. Tres insignes hæresiarcas habuit præceptores, Cerinthum, Ebionem, & Valentinum, circa medium secundæ sæculi, sub Antonino Pio, & Hygino Summo Pontifice; præter errores Magistorum, quos profitebatur, hunc de novo addidit, teste Philastrio.

Rerum omnium perfectionem, unâ cum vita, & generatione hominum, in viginti quatuor litteris, & septem astris constituebat, non autem in omnipotentia, & providentia Dei; idè negabat spem veræ salutis constituendam esse in maiestate Christi, & filium Dei dicebat non assumpsisse carnem, ut hominem liberaret. R. Et quidem Deum omnium esse creatorem, satis proclamant sacræ paginæ; Christum autem pro omnium salute incarnatum esse, & omnium esse Redemptorem, pro omnibus sanguinem fuisse, constat ex illo Joan. 3. *Misit Deus filium suum. ut salvetur mundus per ipsum*, ex 1. Pet. cap. 3. ver. 18. *Christus semel pro peccatis nostris mortuus est, iustus pro iniustis*. Ex 1. ad Tim. cap. 1. ver. 15. *Christus Jesus venit in hunc mundum peccatores salvos facere, quorum primus ego sum*. Ad Cor. 2. cap. 5. ver. 15. *Pro omnibus mortuus est Christus*. Ex Symbolo Nicæno *Propter nostram salutem descendit de calis*. Tum quia Christus solvit, mediante pretio sanguinis sui, debitum nostrum; ergo verè est omnium Redemptor. Tum quia Christus est secundus Adam, ergo sicut primus Adam omnes perdidit, secundus Adam debuit omnes salvos facere, juxta illud ad Tim. 1. cap. 2. ver. 5. *Unus mediator Dei, & hominum, homo Christus Jesus: qui dedit Redemptionem semetipsum pro*

omnibus; & alibi: *Qui venit salvum facere quod perierat*. Certum est beneficium redemptionis commune esse omnibus, quantum ad ejus sufficientiam; viderint ipsi qui se volunt à beneficio communi excludere, negantes Christum esse omnium Redemptorem. Objectiones quæ contra fieri solent, commodiùs solvantur verbo *Janſenius*.

XVI. BATTEMBURGICI ducem habuerunt Joannem Battemburgum, sectæ Anabaptistam anno 1550. Librum edidit, inscriptum: *Nova præliæ gerendi bellum*, in quo docet detestari pacem, & omnes ad arma, & seditiones excitat, ad cædes, ad incendia, ad vastationes: qua de causa, asserit Lindanus, quod cæteri Anabaptistæ adeo nefandum virum ex sua secta prodissi erubescant, negantes Battemburgicos suæ esse synagogæ. Vix quid magis à Deo pacis inculcatum, quam pacem, videre est in sacris paginis.

IV. BAUCALIS Alexander, hoc cognomen adeptus, ex supererectis carnis pondere, in dorso ejus collecto, testacei vasis formæ, quod Alexandrini vernaculo sermone *baucalam* nominare solent, primus auctor creditur Arianzæ dissensionis, circa annum 315. Dicunt enim, quod cum Baucalis prælatum sibi honore Arium agrè ferret, novitatem dogmatis illi adscripserit, quo Filius consubstantialis Patri negatur, & in tempore genitus adstruitur. Facta est dissensio inter Baucalum, & Arium, quos Alexander Alexandriæ Episcopus ad sanam mentem, & concordiam, sed frustra, reducere studuit; quare utrumque anathemate percussit, referente Niceforo Eccles. hist. lib. 8.

XV. BEDRICVS. Ex Adamitarum secta, in diversas divisa sæctiones, prodixit Orebistarum hæresis, cujus dux refertur Bedricus Presbyter, natione Moravus, qui publicè uxorem duxit. Sectæ, ab Adamitis in Germania propagatæ, aliquando inter se dissentientes præliabantur, ubi tamen externa vis ingrueret, junctis viribus sese defendebant. Maximè oderant Teutones, quorum

rum

rum alios Pbilistæos, alios Idumæos, alios Moabitas vocabant. Bohemiam, verò terram promissionis esse asserabant. Orbicularum tandem errores, cum Adamitis communes fuerunt, & solo nomine discreparunt. Ex Spond.

XIII. BEGUARDI. A quo hoc nomen sortiti sint incertum: sub e mentita professione religiosa, per inferiorem Germaniam grassari cœperunt, in fine seculi 13. quorum sequentes errores seculo 14. sub Clemente V. in Concilio generali Viennensi damnati fuerunt. Beguardorum ducem aliqui faciunt Bogonatum, Musantius Faz chron. vel Bononatum bist. haret. Van Ransl. Spondanus credit ab idiotis viris propè Coloniam habuisse originem, qui sine Apostolicæ Sedis facultate, propria temeritate, sub umbra paupertatis, novam religionem inducere ausi sunt, quos Henricus Archiepiscopus Colonienfis condemnavit: Beguardorum errores sunt.

1. Homo in hac vita, tantum perfectionis gradum potest acquirere, ut reddatur penitus impeccabilis, & amplius in gratia proficere non possit. R. ex Scriptura, quæ nos docet semper timere, ne offendamus Deum: *Beatus homo, qui semper est pavidus*, & D. Paulus nos hortatur cum timore, & tremore operari in iis, quæ ad salutem pertinent. Certè si homo posset tantum perfectionis acquirere, ut redderetur penitus impeccabilis, contra præfata, & plura sacre Scripturæ testimonia, deberet omnem abicere timorem. Tum quia hinc oriretur damnabilis præsumptio sui ipsius; nemo autem potest de sua salute præsumere; quis enim scit utrum parcat, & ignoscat Deus? tantum sperare debemus ratione suæ infinitæ misericordiæ, non autem hoc licet præsumere, confidentes in nostra perfectione: falsum itidem est, quod homo tantum perfectionis gradum possit acquirere, ut in gratia amplius proficere non valeat; dicit enim Scriptura: *Qui iustus est, iustificetur adhuc*. Tum quia certum est per dignum accessum ad Sacramenta, & per opera meritoria au-

geri gratiam; sed homo quantumvis perfectus potest, imò debet ad Sacramenta accedere, & opera meritoria exercere; ergo potest maiorem gratiam acquirere; Cæterum dicendum esset Sacramenta in homine iusto non conferre gratiam, & superfluum esset exercitium bonorum operum in homine perfectò; tantum autem abest, quod sit superfluum, ut quò magis homo perfectus est, eo ardentius in bonis operibus exerceatur; nec valet dicere cum Beugardi, quod si homo semper posset proficere, posset ad Christi perfectionem pervenire; nam perfectio Christi, ratione unionis hypostaticæ est infinita, quam nulla pura creatura potest attingere.

2. Natura humana intellectualis propriis viribus, sine lumine gloriæ, & gratiæ, potest beatitudinem consequi in hac vita, ita perfectè sicut in patria. R. Isaïæ 64. ver. 4. *Oculus non vidit, Deus absque te, quæ preparasti expectantibus te*. Ad Rom. 6. vers. 23. *Gratia Dei, vita æterna*. Tum quia si homo suis viribus posset videre Deum, visio beata non esset merces; unusquisque posset ex natura sua esse beatus. Sequeretur insuper contra Scripturam, beatitudinem perfectam non esse in cælis, sed haberi posse in terris. Nec valet dicere, quod Deus continetur intra objectum intellectus creati, quod est ens verum, ergo potest naturaliter videri; nam licet Deus sit ens intelligibile, non est tamen objectum proportionatum intellectus creati, sed super excellens, idè debet intellectus adjuvari a lumine gloriæ, ut videat Deum; sed satis constat intellectum se solo non posse videre Deum, cum si hoc esset possibile, unusquisque propriis viribus enteretur, ut posset frui tanto bono, scilicet Dei visione; quantumcumque autem quis enitatur videre Deum, si non sit à lumine gloriæ elevatus, constat non posse ad hanc visionem assurgere. Vide S. Thom. 1. par. tota quæst. 12.

3. Dicebant esse peccatum mortale osculari fœminam, quia ad hoc natura non inclinât, non autem esse peccatum for-

fornicari, quia est secundum inclinationem naturæ. R. Quia si peccatum mortale sunt oscula, & tactus impudici, à fortiori erit peccatum fornicari, quoniam fornicatio excitat ad oscula, & tactus, & viceversa hæc sunt dispositiones ad illud, sed est peccatum mortale agere, quæ excitant ad peccatum mortale, ergo cum fornicatio excitet ad oscula, fornicatio erit peccatum mortale. Sed non indiget reprobatione hæc nova Beguardorum pseudo Theologia, à Patre luxuriæ dictata.

4. Hominem in perfectionis gradu constitutum, non teneri obedire Ecclesiæ præceptis. R. Quia perfectio hominis in eo consistit, quod usque adeo studiosè tendat in observantiam mandatorum, ut abneget seipsum; ergo perfectio hominis non absolvit ab observantia mandatorum, sed potius ad exactè observandam legem inclinat. Tum quia ex hac Beguardorum pseudo Theologia, sequitur perfectionem consistere in imperfectione, ut patet. Sequitur magis impium censendum esse magis perfectum: hæc & similia absurda sequuntur ex præfatis, & sequentibus Beguardorum erroribus, in quibus asserunt.

5. Quod homo perfectus habet sensualitatem ita perfectè spiritui, & rationi subiectam, ut non amplius opus habeat orare, vel pia opera exercere. R. ex pluribus Sacre Scripturæ textibus: *Qui sanctus est, sanctificetur adhuc: Oportet semper orare, & non deficere: Sine intermissione orate*: de necessitate verò orandi doctè agit Card. Rosens. Tum quia imperfectio valde perniciofa est, & superbia summa, se perfectum credere in hac vita, in qua hortamur semper æmulari Charismata meliora. Tum quia alibi in sacris paginis hortamur semper insistere ferventi orationi. Tum quia perfectio christiana, sine bonis operibus mortua est, idest nulla esse perhibetur, & odio habet iniquitates, quibus indubitanter coinquatur quisquis concedit corpori quicquid libuerit; imò corpus debet in servitutem redigi, juxta doctrinam Apostoli, quam proprio

Tom. I.

comprobavit exemplo; ex quibus satis patet, quàm sint bestiales, & à ratione alienæ sequentes propositiones.

6. Hominem perfectum, concedere posse corpori quicquid libuerit.

7. Quod se in actibus virtutum exercere, est hominis imperfecti.

8. Quod perfecta anima licentiat à se omnes virtutes.

9. Quod cum elevatur Eucharistia, non oportet illam adorare, quia dicebant, imperfectionem esse contemplationis altitudine indignam, attendere ad myseria humanitatis Christi, & ad Sacramentum Eucharistiæ. R. ex omnibus SS. PP., qui de adoratione huic debita Sacramento nervosè scripserunt. Cultu latræ adorandam esse Eucharistiam definivit Conc. Trid. sess. 13. cap. 5. De hujusmodi Sacramento intelligitur illud Davidis psalm. 21. vers. 30. *Manducaverunt, & adoraverunt omnes pingues terræ, in conspectu ejus cadent omnes, qui descendunt in terram.* Tum quia Deus est adorandus, sed Christus exiens sub speciebus Eucharisticis verè est Deus, ergo adorandus. Nec valet dicere cum hæreticis, nullum extare præceptum in sacris paginis de adoranda Eucharistia, quia stat pro verbo Dei sola traditio Apostolica: Tum quia Christus in carne adoratus est ab Apostolis; sic D. Thomas dixit ad Christum: *Dominus meus, & Deus meus.* Tum quia non est opus expressis verbis præcipere, quod ex ipso naturæ lumine innotescit, sed lumen naturæ dicat Deum esse adorandum, ergo etiam Christus, qui est Deus. Supposito igitur lumine fidei, per quod infallibiliter nobis innotescit Christum esse Deum, evidenter deducitur Christum esse adorandum. Tum demùm humanitatem Christi adoraverunt Magi, ergo cum vera humanitas Christi sit in Eucharistia, hæc de facto est adoranda: nec est indignum altissimæ contemplationis attendere ad myseria humanitatis, dum Christus in Eucharistia adoratur, quandoquidem ad renovandam incarnationis, passionis, & mortis suæ memoriam, per quam redempti sumus, Christus instituit

P

hoc

hoc Sacramentum ; unde dixit : *Hæc quotiescumque feceritis , in mei memoriam facietis .*

XIV. BEGUINI in eadem constitutione Jo22. sunt cum Beguardis proscripti . Gualterius verò distinguit à Beguardis . Emerferunt autem s. b. initio seculi 14. eodem tempore q. o. Beguardi , Ecclesiam infestantes sequentibus erroribus , præter quos , etiam aliquos supersticiosos ritus habebant . Cujusmodi erat in suis Oratoriis humi sedere , versò ad orientem vultu orare , & oculos in cælum non levare , & similia . Sunt itaque , qui inter Beguardos , & Beguinos discrimen faciunt , eandem tamen fuisse sectam crediderim , progressu temporis in deteriores errores , quam in initio suæ institutionis prolapsam : juxta illud *abyssus abyssum invocat* : cujus sectæ professores , alibi Beguardi , alibi Beguini sint nuncupati .

1. Dicebant non licere his , qui Christianam Religionem profitentur possidere aliquid , nec in commune , quoniam Christus , & Apostoli (dicebant) nihil possederunt , vel proprium , vel commune . R. verbo *Apostolici* -

2. Summum Pontificem non posse dispensare in regula S. Francisci asserbant . R. Ex Scriptura , quandoquidem Christus dedit Pontifici auctoritatem ligandi , & solvendi . Tum quia regula S. Francisci non magis obligat , quàm obligent præcepta Ecclesiastica , sed in iis potest Summus Pontifex dispensare , ubi urget causa ; ergo &c. Tum quia regula S. Francisci est approbata à Pontificibus , ergo possunt dispensare in eo genere vivendi , quod ipsum est approbare , vel reprobare .

3. Dicebant statum Fratrum Minorum , perfectiorem esse statu Episcopo- rum . R. Quia Episcopi in sacris Scripturis vocantur Apostoli . Sunt superiores cæteris quibuscumque Presbyteris in Ecclesia , ergo sunt in statu exigente majorem perfectionem ; quò enim quis magis sublimatur in Ecclesia , eò magis perfectioni studere tenetur . In Episcopis est ius consecrandi Sacerdotes ; tenent in

Ecclesia locum Apostolorum ; repræsentant Christum secundum majorem perfectionem , quàm Presbyteri . Episcopus dicitur specialiter sponsus Ecclesiæ , ergo status Episcopalis est status majoris perfectionis , quàm simplex status Religiosus ; quòd etiam constat ex virtutibus , quæ in Episcopo debent elucere , quas enumerat D. Paulus ad Tim. , & ad Titum . Quinimò Religiosorum status est *proficientium* ; status verò Episcoporum est *perfectiorum* . Vid. S. Thom. 2. 2. qu. 184. art. 7.

4. Asserbant Papam non posse in voto simplici dispensare , neque pro bono pacis , vel ad conversionem Regni . Propositio adeò erronea reprobatione non indiget ; quia non esset bene provisum Ecclesiæ , nisi haberet Ecclesia potestatem dispensandi in necessitatibus ; præterquamquod his de causis Pontifices , à Populis exoratos , dispensasse aliquando , certum est ; & veritatem banc , quicunque rationis compos , facile sibi potest persuadere .

5. Dicebant neminem teneri respondere ad interrogationes Inquisitorum , nisi versentur circa articulos fidei , vel Sacramentorum . R. Quia Inquisitores sunt j. dices specialiter ab Apostolica Sede delegati ; sed tenemur obedire iudicibus ; ergo &c.

XIV. BEGUINÆ . Sermo non est in præsentem de Beguinis , quæ juxta constitutiones sibi traditas à S. Bega , S. Geltrudis sorore , vel ut alii opinantur à quodam pio , sanctoque Presbytero , Lamberto Bego nuncupato , vivunt in Belgio , sed sermo est de Beguinis , quæ à quamdam Margarita Porreta ex Hannonia , ortum duxisse creduntur . Hæc librum composuerat , multis repletum erroribus , in quo præter alia dicebatur animam annihilatam in amore Conditoris , sine ullo conscientie metu , aut moris , posse , & debere naturæ indulgere , quidquid appetit , & desiderat ; qui error verbo *Molinistæ* reprobabitur . Fuit autem Parisiis combusta , eo quòd errores suos retractare noluerit . Beguinæ itaque , quas aliqui à dicta Porreta ortum habuisse credunt

dunt, tempore Begnardorum, sub ementio statu moniali degebant, sine emissione aliqua votorum, liberè recedentes à suscepto statu quancumque liberet, Begnardorum imbutæ erroribus, quorum institutum in *Clementina*, fuit etiam penitus proscriptum.

XVI. *BELLIANI* originem habuerunt à Bellio Montfortio; secta verò sunt Confessionistæ rigidi, & Semilutherani: prodierunt anno 1556. Scripsit Bellius contra Calvinum, ut authumare videtur Lindanus. Sunt qui asserant, hæc sectam fuisse imaginariam, & hoc nomen sortitos esse quosdam defensores cuiusdam libri, cui titulus: *Martinus Bellius*, in quo auctor sustinere nititur, hæreticos non esse persecutionibus vexandos; quæ opinio reprobatum verbo *Confederati*.

XVI. *BENEDICTUS ARETIUS* an. 1560. in problematibus Theologicis; per descensum Christi ad inferos, interpretatur manifestationem de adventu Christi, factam malis spiritibus. R. ex Symbolo Apostolorum, in quo expressè habetur, quod Christus descenderit ad inferos. Vide verbo *Bucerus*.

2. Ad cap. 21. Joannis vertit in dubium, an Christus ingressus sit ad Apostolos januis clausis. Repr. ex aperto Scripturæ testimonio, quod de hac re dubitationi locum non relinquit.

3. Parte secunda problemæ asserit Christum esse solum Redemptorem electorum: nec Deum velle omnes homines salvare, sed tantum aliquos. R. verbo *Prædestinationi*.

4. Super Lucam pag. 332. solum symbolice Christum esse in Eucharistia videtur asserere, & consequenter negare videtur realem existentiam corporis Christi in Eucharistia. R. verbo *Berengarius*.

XVI. *BENEDICTUS TALMANUS* in libro ab ipso exarato anno 1578. cui titulus *Affertio vera sinei* pag. 3. scribit Deum non posse efficere, ut Christi corpus sit in uno loco circumscriptum, definitum, visibile, & palpabile; alibi autem incircumscriptum, indefinitum, invisibile, impalpabile: ideò pag. 94.

dicat per panem Eucharisticum, solum nobis obfignari beneficia Christi. R. Quia contradictionem non involvit idem corpus esse in pluribus locis, ut efficaciter sustinent plures Philosophi, ergo neque à fortiori illam involvit asserere, quod idem corpus in uno loco sit circumscriptum, non in alio; quia esse in uno loco definitè, in alio indefinitè, in uno incircumscriptè, in alio non, nullam dicit implicationem ex intrinsecis principiis rei, quæ sic ponitur, quod probatur; nam creaturæ omnes habent potentiam obedientialem ad ea, quæ non implicat ex intrinsecis principiis, sed esse in uno loco definitè, in alio indefinitè, non implicat ex intrinsecis principiis, quia per hunc diversum, & simultaneum existendi modum, non variatur essentia rei, sed variatio se tenet respectu diversorum locorum; ergo &c.

XV. *BENZENHAGEN*. Joannes Vvolini in Pomerania ortum habuit anno 1485. Sacerdotio initiatus, inter celeberrimos scientificos sui ævi habebatur. Lutheri librum legens de captivitate Babilonica, de Luthero malè sensit, sed postmodum mutato sensu, Luthero irrevocabiliter adhæsit: quem sine intermissione, ubique commendans: usque ad Lutheri tempora mundum ignorantæ tenebris obnubilatum asserens, ejusdem erroneam doctrinam pluribus in Germaniæ Provinciis primus invehit, maxime in Regno Danimarchæ: ex Presbytero uxoratus factus, Wittembergæ Minister decessit, anno 1558. ætatis annorum 73. Ex Meleh. Adam. in Vita Theolog. German.

XVIII. *BEQUARELLI*. Vidimus ineunte hoc seculo excitatam Bergomi Molinisticam sectam à quodam Presbytero, cui nomen *Bequarelli*, sed statim in suo ortu à superiorum vigilantia suffocata.

XI. *BERENGARIUS* dictus Sacramentariorum parens, quippe qui primus realem existentiam Corporis Christi in Eucharistia negasse videtur. Non desunt tamen, qui Berengarii hæresim, jam à Basilde professam asseverent: & certè de consequenti Basildes negare debeba-

realem existentiam Corporis Christi in Eucharistia, cum expresse negaret Christum veram carnem assumpsisse. Berengarius tamen primus communiter confetur Sacramentarium parens, cui fuit Patria Turones, jam propè cadente nono seculo natus, in Ecclesia S. Martini Turonensis dignitatibus Camerarii, ac Thesaurarii insignitus, postmodum Andegavensis Archidiaconus constituitur, ubi cœpit suam hæresim promulgare. Quinque potissimum errores disseminavit, sed in plurimis Conciliis proscriptus, & à pluribus viris convictus, quatuor erroribus abiectis, in illo defendendo pertinax perseveravit, quo negabat realitatem corporis Christi in Eucharistia, & transubstantiationem panis, & vini in corpus, & sanguinem Christi. Berengarii hæresis, ut primum orta, non modò fuit à doctissimis viris impugnata, sed in Concilio Rom. sub Leone IX. damnata, & iterùm in Concilio Veracellensi confixa; mox in Synodo Parisiensi: quartò à Victore II. in Synodo Florentina: quintò ab eisdem Victoris Legatis in Synodo Turonensi: sextò à Nicolao II. in Synodo Rom. repetitis vicibus fuit damnata, & in hac ultima Synodo Berengarius ejuravit errores; sed ad vomitum suum iterùm reuersus, denuò fuit in Synodo Rothomagensi proscriptus: deinde in Pictaviensi anno 1075. mox à Gregorio VII. in duabus Synodis Romanis hæresim suam iterùm fuit ejurare coactus. Tandem divino affante numine, ex pertinacissimo hæretico orthodoxus factus, Turonem reuersus, in Insula, quæ dicitur S. Cosmæ, per octo annos penitentiis se afflictiens, in bona opinione decessit anno 1088. ejus autem errores sunt sequentes.

1. Magis deditus erat . R. verbo *Basilides*.

2. Baptismum rejiciebat . R. verbo *Armeni, & Anabaptista*.

3. Matrimonium solvi posse asserbat . R. verbo *Armeni*.

4. In Eucharistia esse verum corpus, & sanguinem Christi negabat. R. Jo: 6.

Tanis quem ego dabo, caro mea est. Item: Caro mea vere est tibus, & sanguis meus verè est potus, ex cap. xi. ad Cor. I. ver. 20. Qui enim manducat, & bibit indiguè judicium sibi manducat; demùm ex illis verbis Jo: Accipiet (scilicet Christus) panem, benedixit, dedique discipulis suis dicens: Hoc est corpus meum. Manifestè constat in pane Eucharistico esse realiter corpus Christi; non symbolicè, ut perperam interpretantur hæretici, quia de symbolo dici nequit: *Hoc est corpus*, sed tantùm: *Hoc representat corpus*. Tum quia dogmata, & præcepta, verbis in proprio sensu, non figurato, & symbolico accipiendis, debent proferri. Quòd si in sacris paginis dogmata aliquando proferantur verbis figuratis, statim ibi subsequitur hujusmodi verborum explicatio; sed si in sensu symbolico accipienda essent hæc verba: *Hoc est corpus meum*: ergo etiam illa: *Ite, baptizate in nomine Patris &c.* sed ista, per ipsos hæreticos, in sensu reali accipienda sunt, quia ibi agitur de præcepto, & Sacramento; ergo etiam illa.

5. Negavit transubstantiationem . R. Quia si non effet vera transubstantiatio, hæc verba: *Hoc est corpus meum. Hic est calix sanguinis mei, qui pro vobis effundetur in remissionem peccatorum*, hæc inquam verba non essent vera, ut consideranti patet. Tum quia id quò datum est Apostolis ad manducandum, quando Christus dixit: *Manducate hoc est corpus meum, quod pro vobis tradetur*, datum est Judæis ad crucifigendum, sed Judæis datum est corpus Christi ad crucifigendum, ergo etiam Apostolis datum est corpus Christi ad manducandum, ergo verè sit transubstantiatio . Tum quia si non fieret transubstantiatio, illa propositio: *Hoc est corpus meum*, effet falsa, significaret enim, quòd panis est corpus Christi, sed Christus mentiri nequit, ergo &c. Sententia de transubstantiatione subscripta fuit à Patribus tum Latinis, tum Græcis in pluribus Conciliis, præcipuè in Florentino . Nec valet instare, quòd in pluribus Scriptu-

rx te-

raz textibus Eucharistia vocatur panis; nam licet fiat transubstantiatio, bene adhuc dicitur panis, quia est cibus animarum; quia remanent species panis; quia terminus à quo transubstantiationis Eucharistiae est verè panis. Vide verbo *Sacramentarii*.

III. BERILLUS BOSTRORUM in Arabia erat Episcopus; aliquos docuit errores, sed ab Origene convictus, ad meliorem frugem fuit pariter revocatus; contra Berillum celebrata est Synodus in Bostira, circa annum Christi 247. ex Eusebio lib. 6. cap. 26.

Dicebat Filium Dei non antea fuisse, quam in humanam carnem immigraret. R. illis omnibus rationibus, quibus Divinitas Filii Dei asseritur. Vide verbo *Arius*, & verbo *Anomai*. Tum quia contradictionem involvit asserere Deum, cui coessentialis est aeternitas, incipere existere; Filius autem Dei, Deus est, ut testatur Euangelium Joannis. Tum quia si Filius Dei non antea fuisset, quam in humanam carnem immigrasset, Pater ab aeterno non fuisset secundus, ergo &c.

XVI. BERNARDINUS OCHINUS apostata vitæ à Fide, & Religione, quam professus erat anno 1547. Genevæ confugiens, ibi cum Calvino inivit amicitiam; parùm tamen, cum Calvini doctrina sibi arrideret, plus Serveti dogmatibus adhæsit, quæ de causa Angliam progressus, deinde Poloniam, & Transylvaniam peragravit, ubi plura scripsit contra Christianam religionem. Ex ejus dialogis facillè colligit lector, eundem Atheum fuisse: sed Dei misericordia ante mortem resipuisse, & hæreses abjurasse, ac denique verè contritum inter manus Sacerdotis Catholici, & Apollolici decessisse plures asseverant.

1. Polygamiam, idest pluralitatem uxorum, licitam esse prædicabat. R. Quia polygamia; sive uxorum pluralitas, de jure Divino post promulgatum Euangelium, quod sit prohibita, ex eodem Euangelio habetur; quid verò dicendum de lege naturæ, relinquimus Scholasticis disputandum? Quod si polygamiam voluisset Deus absolute permit-

tere, maximè Adæ permisisset, ad propagationem tunc incipientis generis humani, quod tamen non fecit; scimus enim unicam Adæ fuisse mulierem. Item ex Matt. 19. vers. 5. legitur: *Dimittet homo patrem, & matrem, & adhaerebit uxori suæ*; sed si licita fuisset uxorum pluralitas, debuisset dicere, & *adhaerebit uxoris suis*; notanter autem dixit *Uxori suæ*, ut hinc convincerentur hæretici, qui prætendunt asserere, licitam esse polygamiam. Demum ex prima ad Cor. cap. 7. vers. 2. comprobatur hæc veritas, legitur enim: *Propter fornicationem autem unusquisque suam uxorem habeat, & unaqueque suum virum habeat*; ergo unus vir uni uxori, & una uxor uni tantum viro permittitur. Suffragatur etiam ratio, quia matrimonium est contractus, quo vir tradit corpus suum in potestatem mulieris, & mulier in potestatem viri, juxta Apost. 1. Cor. 7. ergo qui dedit corpus suum in potestatem uni uxori, & viceversa, non potest nubere alteri, quia non potest amplius dare corpus suum in potestatem alteri, quod jam uni traditum est; & licet homo possit generare cum pluribus mulieribus, hinc non sequitur (ut volunt hæretici) quod propter hanc rationem, possit homo dare corpus suum in potestatem pluribus uxoris; nam si in hoc attendere-tur potentia generativa viri, vix posset uni viro determinatus numerus mulierum assignari. Tum quia non esset æqua compensatio: cum enim mulier uni tantum viro ad generationem possit tradere corpus suum; ut subsistat contractus, etiam uni tantum mulieri, debet vir corpus suum tradere ad generationem. Quod autem in veteri Testamento licita fuerit aliquibus polygamia, hinc non sequitur hanc debere nunc temporis induci; nam ex certis motivis, tunc Deus cum aliquibus viris voluit dispensare, ut possent plures uxores habere: an cum omnibus, vel etiam Gentilibus? Theologis aliis disputandum relinquimus. Vide Bellar. de matrim. lib. 1. cap. 2. & alios.

2. In Dialogo, quem scripsit de Trini-

Trinitate, dixit Deum non adorandum. R. ex verbis, quæ dixit Christus ad tentatorem: *Deum tuum adorabis, & illi soli servies*. Tum quia ratio docet creaturam esse subiectam Creatori; ergo debet adorare Creatorem suum: adoratio enim fundatur in subiectione unius ad alium, & juxta subiectionem tribuitur adoratio; sed cum creatura sit summè subiecta, & totaliter dependeat à Deo, ergo debet Deo summum cultum. Deum adorandum esse agnoverunt ipsi Gentiles.

3. Dixit à Deo præsidium non expectandum. R. Ab ipso naturæ lumine; nam natura ipsa nos docet per suspiria ad Deum clamare in necessitatibus nostris, qui solus potens est eripere nos de angustiis. Veritatem hanc sæpè decantatam in sacris paginis, præcipuè à Rege Davide, non est rationis compos, qui possit negare, unde clamabat præfatus David: *Ad Dominum cum tribularetur clamavi, & exaudivit me*.

BERNARDUS ROTMANUS. Vide *Clanctularis*.

II. BERO Valentini discipulus, magistro deterior, unam Verbi, & carnis operationem constituit; & Divinitatem eadem cum carne passam esse docuit; quapropter hæresi Monophysitarum, & Monotelitarum aditum reseravit: referente Hippolyto Portuensi, in fragmentis, quæ Anastasius collegit.

XIV. BERTOLDUS DE ROUBACH, quem ex Beguardorum secta prodierat referunt aliqui; certum est quòd quasdam blasphemias propositiones, quas Herbipoli proferebat, fuit abjurare coactus Wittembergæ in Germania; sed relapsus in hæresim, dum sua falsa dogmata iterùm Spira prædicare præsumit, iudicii sæculari traditus, vivus comburitur, ex Spond.

1. Dixit Christum sic fuisse in cruce derelictum à Patre, ut dubitaverit de sua salute. R. ex his, quæ dicta sunt verbo *Antichristiani*, ubi ostendimus Christum, nec fuisse peccabilem, nec peccasse peccato desperationis. Tum quia Christus nunquam fuit à Patre

derelictus, nisi quantum ad naturæ sensibilis passionem; ipse enim est dilectus Filius in quo Pater sibi benè complacuit. Tum quia Christus non potuit dubitare de sua salute, de qua erat certus, utpote qui simul erat beatus, quam etiam promisit latroni poenitenti, dicens: *Hodie mecum eris in paradiso*. ex quibus verbis constat, quod Christus certus erat suæ salutis, qui propter nostram salutem passus est, & crucifixus.

2. Maledixit B. Mariæ Virgini. R. Et quidem Mariam virginem benedictam ab Angelo, legimus in salutatione Angelica: *Beatam me dicent omnes generationes*, ait in Cantico; ejus laudes Scriptura. & Patres commendant; per ipsam accepimus beneficium Incarnationis; est misericordix Mater, Advocata apud Deum; ergo dignis laudibus nunquam satis potest commendari.

3. Dixit hominem in hac vita tantum proficere, ut nec orare, nec jejunare necesse habeat. R. verbo *Beguardi*.

4. Laicum illuminatum, adeò posse proficere prædicando, ut magis ei sit credendum, quàm Euangelio. R. Quia quæ in Euangelio habentur, sunt de fide, non autem tenemur de fide credere, quæ laicus illuminatus prædicat, quatenus sunt ab ipso prædicata; sed quatenus sunt conformia legi, & Euangelio. Tum quia difficile est cognoscere hominem illuminatum, & facile est alucinari in hujusmodi illuminationibus; unde monet D. Paulus, quòd non credamus cuicumque prædicanti aliter, ac illa quæ nobis annunciant sacrx paginæ, etiam si foret Angelus, quia sæpè Demon se transformat in Angelum lucis, ut decipiat homines. Tum quia si magis teneremur credere laico prædicanti, quàm Euangelio, deberemus talem hominem venerari tanquam legislatorem nostrum. *Unus autem est Legislator noster Christus Jesus*.

5. Dixit hominem devotum, in perceptione cibi communis posse percipere tantam gratiam, quantam in per-

ce-

ceptione Santissimæ Eucharistiæ . Rep. Quia neque Sacramenta legis veteris, sunt æquiparanda cum Sacramentis novæ legis, quoad abundantiam gratiæ, & modum conferendi illam, nempe ex opere operato, quemadmodum illam hæc, præ illis, conferunt; ergo à fortiori &c. Tum quia blasphemum est comparare perceptionem cibi communis, cum Sacramento Altaris, & cibo Eucharistico, qui est vita animæ; Cibus autem communis est vita corporis; Tum quia sola Sacramenta sunt instituta ad conferendam infallibiliter gratiam, dummodò non ponatur obex ex parte fuscipientis.

IX. BERTRAMUS . Fuit Presbyter, vixit circa annum 808. quo tempore edidit librum (ut asserit Coccius) in quo evocat in dubium, an corpus quod est in Eucharistia, sit illud idem, quod de Virgine natum est. R. Quia unicus tantum est Christus crucifixus, qui Mariam Virginem Matrem habuit, ut constat non modò ex quatuor Evangeliiis, sed etiam apertè deducitur ex Prophetis, qui Christum se Virgine nasciturum, & Redemptorem futurum, prænucliarunt. Fundamentum autem ejus dubii fortè esse potest, quòd alius homo à Christo, nempe Simon Cyrenæus fuerit crucifixus; sed remanet solutum verbo *Agareni, Basilidiani*, contra quos probatum est, Christum, non alium hominem pro Christo, fuisse crucifixum.

XVI. BEZA Theodorus, patria Velsius, in Burgundia anno 1519. natus, Aureliani primùm, deinde Burgis, sub magisterio ejusdem Melchioris Wolmar Germani, litteras græcæ, & latinæ didicit: ab hoc perverso magistro stimulatus fuit ad Calvinianam hæresim fuscipiendam. Aureliani Lectoratus laurea obtenta, Poëtiæ artis amantissimus, huic potissimum se addixit, & publici juris factis diversis opusculis, præcipuè apud Poëtarum amatores, nominis sui famam propagavit. Interim Genevæ se recipiens, quemdam nomine Joannem Crispinum, ejus intimum ami-

cum in hoc itinere comitem habuit. (Crispinus hic, ille esse perhibetur, qui Protestantium martyrologium scripsit) Lausane postmodum ad græcæ litteras edocendas se recipiens, ibidem Abrahæ sacrificantis Tragicon composuit. Interim Genevam revocatur: & inde Parisios revertitur; sed ob turpissimam vitam nulli viro, quantumvis sanctissimo vix secundus, timens iudicium Magistratus Parisiensis, Genevam iterum confugit, & apertè apostatavit à fide. Quanta fuerint ejus impiissima scelera, referre abhorrent ipsimet hæretici: non est igitur quod hic referantur, sufficit lectori scire, quòd Tilmanus Heshusius Lutheranus, Bezae epicureum, blasphemum, & impudentissimum vocat. Interfuit colloquio Possiniacensi, ubi impiè, & cavillatoricè se gessit. Hujus nebulonis impiam audaciam in Ecclesiam S. Medardi, refert Spondanus ad annum 1561. Successit Calvinio Genevæ in Calisatu, Calvinianæ hæresis non modò propagator, sed novus hæresiaræ factus, aliis de novo promulgatis erroribus. Vix ullum hæresiaræ est invenire, in quem adeò vehementer, non modò Scriptores Catholici, sed etiam hæretici inveci sint. Sectatores Bezae, etiam Bezani dicti fuerunt: mortuus est autem Genevæ, præcipuus author tot eladium, quas attulit hæresis Calviniana, anno ætatis suæ 86. Calvini potius idololatra, quàm sectator dicendus, quem irreprehensibilem vocabat, cui post Deum honorem deberi asserbat.

1. Omnipotentiam Dei in constitucendo substantialiter uno corpore pro eodem tempore in pluribus locis negavit. R. Ex principiis philosophicis, ex quibus constat non repugnare, quòd idem corpus pro eodem tempore possit à Deo, saltè definitivè, aut per modum substantiæ, in pluribus locis constitui, cum nulla sit implicancia, ex parte Dei, qui omnia potest, quæ ex intrinsecis principiis non implicant. Idem autem corpus posse esse in pluribus locis; non implicat ex intrinsecis principiis, ut videri potest apud

apud Philosophos, qui ex professo hanc difficultatem cum rationibus objectis enodant.

2. Dixit non esse in hoc mundo orandum pro reprobis, ut convertantur. R. Ex ipso Christi exemplo, qui oravit pro Judæis, qui eum crucifixerunt: exemplo D. Stephani, qui deprecatus est pro lapidantibus. Tum quia tenemur ex præcepto Evangelico orare pro inimicis nostris; Tum quia Eccles. cap. 21. vers. 1. hortantur peccatores, ut orent pro se; ergo bonum est orare pro ipsis: *Filii peccasti? non adicias iterum, sed & de pristinis deprecare, ut tibi dimittantur.* Tum quia Christus mortuus est pro omnium salute, quam vult omnibus dare, ergo bonum est orare pro reprobis, ut convertantur, & salutem consequantur. Hic notandum S. Augustinum lib. de correptione, & gratia, dicere pro reprobis non esse orandum; sed S. Doctor intelligit de reprobis reduplicativè ut reprobis; nam S. Thomas 2. 2. q. 83. art. 7. asserit orandum esse pro reprobis, & ratio est, quia licet pro talibus non essent exaudiendæ preces, tamen charitas hoc requirit, ut pro omnibus oremus.

3. Electos nullum peccatum mortale committere, reprobos vero neque veniale, effutiebatur. R. Nam ex ipsa Scriptura constat magnos peccatores fuisse salvatos. Sic Magdalena pœnitens, sic Lathro, sic Matthæus, qui peccata commiserant; an non electus D. Petrus, qui Christum negavit? an non D. Thomas, qui incredulus fuit? utique electi erant, & tamen unus negando, alter non credendo, mortaliter peccaverunt; ergo falsum est electos nullum peccatum mortale committere, sicut falsum est reprobos neque mortalia perpetrare, cum Deus sit justus Juxta, & neminem damnet, nisi propter mortale peccatum, non emendatum.

4. Dixit Deum non esse omnipotentem, nisi asseratur esse autorem peccati. R. Deus, qui Sanctus est per essentialiam, est impeccabilis, sanctitas enim essentialis, & peccabilitas involunt contradictionem ex inrinsicis prin-

cipiis; sed omnipotentia non commensuratur ad ea, quæ inferunt contradictionem ex intrinsicis principiis; sed solum ad ea, quæ non involunt contradictionem, Deus autem potest quidquid vult, nec vult nisi quidquid bonum est; ergo non potest velle peccatum, nec esse author peccati; & consequenter ejus omnipotentia non potest commensurari, ex eo quod peccare non possit: imò peccare posse est defectus potentie. Deum omnipotentem esse evincit ratio, suadent miracula, clamant Scripturæ testimonia. Vide *Arnaldus Brixienfis*.

5. Dixit Virginem, & Sanctos non esse honorandos. R. ex Collectaneis Anastasi Bibliothecarii par. 73. ubi legitur: *Quisquis venerabilem, semperque Virginem, Matrem scilicet Domini nostri non honorat, anathema sit.* Maria honorata est ab Angelis, ut constat ex salutatione Angelica; Maria Virgo est excelsa super omnes creaturas, est Sancta; ergo debet honorari, quia Sanctitas est honoranda: ex quo inferitur Sanctos etiam esse honorandos, de quibus legitur Eccles. cap. 44. vers. 1. *Laudemus viros gloriosos, & parentes nostros in generatione sua*, & vers. 7. *Omnes isti in generationibus gentis sue gloriam adepti sunt, & in diebus suis habent in laudibus.* Sanctos esse honorandos colligitur etiam ex Conc. Trid. sess. 25. Tum quia Moyses honorabat sanctos Patres prædecessores suos Abraham, Isaac, & Jacob, ut per eorum merita, placabilis fieret Deus super peccata populi, sicut constat Exodi 32. vers. 13. & 14. Tum quia Sancti semper fuerunt honorati in Ecclesia Romana; unde legimus, quod in primitiva Ecclesia conveniebant Christiani ad celebrandas Sanctorum memorias, & laudes. Tum quia dignum est honorare illos, in quibus tot mirabilia fecit Deus, qui *Mirabilis est in Sanctis suis*; quæ veritas claris patebit verbo *Vigilantius*, ubi ostendemus Sanctos, non modo esse honorandos, sed invocandos. Tum quia dignum est honorare illos, per quorum merita Deus nobis tot bona largiri dignatur. Tum quia Abraham pronus

pronus in terram adoravit Angelos, ut constat Genesi 8. ergo licet etiam adorare Sanctos, & à fortiori licet honorare Mariam, utpote Angelorum Reginam; & certe si nulla esset adoratio, nisi latræ, ut volunt hæretici, qui solum Deum adorandum esse asserunt, Abraham non adorasset Angelos. Verum quidem est, quod adoratio latræ soli Deo debetur, minori ergo honore, juxta majorem, vel minorem dignitatem, honorantur Sancti; & quidem, cum objectum dulci sit Sanctitas creata, communis honor dulci tribuitur omnibus Sanctis; cum objectum hyperdulci sit Sanctitas excellentior communi, cujusmodi est sanctitas Virginis, soli Virgini tribuitur honor hyperdulci; & soli Deo datur honor latræ, quia objectum latræ est Sanctitas increata.

6. Sanctis Conciliis Dæmonem, non Spiritum sanctum præfuisse asserere. R. Sancta Concilia sunt in Dei nomine congregata, legimus autem Matt. cap. 18. vers. 20. *Ubi enim sunt duo, vel tres congregati in nomine meo, ibi sum in medio eorum.* Tum quia Deus præcipit nos obedire Conciliorum ordinationibus, sicut patet Deuter. 17. vers. 10. de Concilio celebrato à Moyse, de quo dixit Deus: *Et facies quodcumque dixerint, qui præsum loco... sequerisque sententias eorum;* ergo si Deus præcipit obedire Conciliis, Deum, non Dæmonem ipsis præesse dignoscitur. Vide Joannes Vvesfalus.

7. Dixit Christum in inferno pœnas damnatorum sustinuisse. R. ex alio Bezzæ mendacio, in quo descensum Christi ad inferos detorquet ad uterum Virginis; est quod utraque Bezzæ propositio sit falsa: nam verè Christus descendit ad inferos, ut constat ex Symbolo; nec Christus ibi passus est damnatorum pœnas, sed liberavit sanctos Patres, qui expectabant redemptionem: attamen ex ipsa contradictione, quam habet Beza in assertis suis, satis eorumdem constat insubstantia. Plures alias contra Deum, Virginem, & Sanctos evomit Beza, blasphemias, quas nonnisi à Dæmone,

& ab inferis revocatas facillè colligit, quisquis eas intelligit; itaut prolixiori probatione non opus sit circa illas immorari. Vide verbo *Infernales*.

8. Negat Deum dare cuilibet homini Angelum Custodem. R. verbo *Calvinus*.

9. Negat perpetuum in materia fidei consensum, esse Ecclesie Orthodoxæ signum. R. Joan. 17. 11. *Pater Sancte serva eos in nomine meo, ut sint unum sicut & nos.* Prima ad Cor. 1. 10. *Obsecro vos fratres per nomen Domini nostri Jesu Christi: ut idipsum dicatis omnes, & non sint in vobis schismata, sitis autem perfecti in eodem sensu, & in eadem scientia;* ad Eph. 4. vers. 3. *Solliciti servare unitatem spiritus in vinculo pacis. Unum corpus, & unus spiritus, sicut vocati estis in una spe vocationis vestrae. Unus Dominus, una Fides. unum Baptisma, unus Deus, & Pater omnium.* Tum quia sicut temerarius meritò reputaretur, qui vellet negare factum, de quo plures cordati viri convenirent, cum argumentum irrefragabile ad probandam veritatem, sit unanimis cordatorum virorum consensus; sequitur perpetuum in materia fidei Romanæ consensus tot cordatorum virorum, ab adventu Christi, usque ad hæc tempora, tot Martyrum, Sanctorum, Doctorum, Regum, Scriptorum, tot demum populorum, esse irrefragabile Ecclesie Orthodoxæ signum.

VIII. Bæzer fuit Leoni Imperatori in Leonoclastiarum secta promovenda primus Confiliarius. Natus quidem erat Bezer Christianus, sed captivus in Syriam ductus, hinc refuga, Arabum dogmata amplexus est, & à Leone Isauro ob consensum suæ prave opinionis, quam in Bezer radicatam invenit, honoribus cumulatus, factus est ejusdem Imperatoris fautor in sanctas Imágenes persequendas, Ex. Bar.

XVI. Hæretici sunt de numero mollium Confessionistarum, quorum caput fuit Lutherus, qui tamen sententiam suam retractavit, ut constat, ex libro quem anno 1544. edidit, de *restauratio*

stione Scholarum; sed errorem à Luthe-
ro retractatum, proprio exemplo edo-
cere aggressi sunt Melancton, & Car-
lostadius; cum enim ea esset Biblista-
rum sententia, ut solum sacra Biblia,
omnibus aliis libris abdicatis, fore in
scholis proponenda assererent: exterum
debere unumquemque non per scientias,
sed per opus manuum sibi vltum com-
parare, iuxta illud: *In sudore vultus
tui veseris pane tuo*; idco Melancton,
& Carlostadius, ut suo exemplo hanc
propagarent doctrinam, ad artem quam
à juventute exerceuerant, primus qui-
dem Pittoris, secundus verò agricul-
turæ redierunt; errores itaque Biblista-
rum, qui anno 1543. à Melanctone, &
Carlostadio propagari cæperunt, sunt
sequentes.

1. Dicebant non debere recipi, aut
legi, aut proponi, vel populo in Ec-
clesia, vel iuventuti in scholis, nisi so-
lum, ac nudum Bibliorum Textum: ex
quo etiam sequitur, quod negabant tra-
ditiones. R. Scriptura sacra non est so-
la regula fidei, cum præter verbum
Dei scriptum, detur etiam verbum Dei
traditum, cui tenentur Christiani assen-
tiri, de quo verbo Dei tradito scribit
D. Paulus ad Thessalon. 2. cap. 1. vers. 14.
*Itaque fratres scite, & tenete traditio-
nes, quas didicistis, sive per sermonem,
sive per epistolam nostram*; Ergo falsum
est, quod scilicet Bibliorum liber debeat
recipi, aut proponi Christianis: certum
enim enim est, quod plura quæ spectant
ad fidem nostram, scripta non sunt,
sed solum nobis innotescunt per infalli-
bilem traditionem, cui par cum Divini
scripturis adhibenda est fides. Insu-
per præter verbum Dei scriptum, dari
traditum, constat Jo: ultimo: *Sunt au-
tem & alia multa, quæ fecit Jesus: quæ
si scribantur per singula, nec ipsum ar-
bitror mundum capere posse eos, qui scri-
bendi sunt, libros*; & 1. ad Cor. c. 11.
vers. 2. *Laudo vos fratres, quod per om-
nia mei memores estis, & sicut tradidi
vobis, præcepta mea tenetis*. Tum quia
si scripturis tantum adhibenda esset fi-
des, & non traditionibus, sequeretur

ab initio Ecclesiæ, cum nondum scripta
erant Evangelia, Christianos nullam
habuisse fidem, nec ea credidisse, quæ
nos credimus, siquidem nondum scripto
fuerant comendata. Insuper D. Lucas act. 1.
v. 3. refert quod Christus post suam passio-
nem seipsum vivum præbuit in multis
argumentis, loquens de Regno Dei,
ex quibus sequitur, præter Bibliorum
librum, dari etiam traditiones; inde
infertur non solum sacra Biblia, sed
etiam ea quæ *Patres nostri annuntiave-
runt nobis*, proponenda esse fidelibus
in Ecclesia. Verbo tradito non minùs
dandam esse fidem, quam scripto, &
consequenter, non solum verbum scrip-
tum proponendum esse fidelibus; ex
eo satis constat, quod per solam tra-
ditionem sciamus v. g. quod Epistolæ
D. Pauli sint de factis D. Pauli, sic &
de cæteris aliis Scripturis sacris loquen-
do; ergo si solum verbum scriptum
esset proponendum, sequeretur neque
verbo scripto adhibendam esse fidem:
ergo præter verbum scriptum, neces-
sario proponendum est etiam verbum
traditum: ergo non modò verbo scrip-
to, sed etiam tradito adhibenda est
fides. Nec valet instare Jo: cap. 20. vers. 31.
Hæc autem scripta sūt, ut credatis;
ergo solum verbo scripto adhibendam
esse fidem. Nam præterquamquod, ex
eodem Joanne supra citato legitur non
omnia scripta esse; dico ibi D. Joannem
præcisè exprimere adhibendam esse fi-
dem verbo tradito: insuper nihil evin-
citur ex eo, quod legitur ad Galatas
cap. 1. vers. 8. *Licet nos, aut Angelus
de calo evangelizet vobis præter quàm
quod vobis evangelizavimus, anathema
sit*. Nam cum Paulus non modò euan-
gelizaverit, quæ scripta sunt, sed etiam
plura quæ nobis innotescunt per infal-
libilem traditionem, unde scribit ad
Thessal. *Tenete traditiones quas didici-
stis, sive per sermonem, sive per episto-
lam nostram*; potiùs ex hoc textu aper-
tè concluditur, non modò verbo scrip-
to, sed etiam tradito, adhibendam
esse fidem: & sicut mandatum Principis
eandem vim habet apud subditos,
sive

sive scripto, sive voce proferatur; sic etiam verbum Dei, sive scriptum, sive traditum.

2. Nulla opus esse interpretatione, ad intelligentiam sacræ Litteræ, quia omnes, dicebant, à Deo esse edoctos. R. Quia si nulla opus est interpretatione, quare Lutherus tot edidit commentaria in sacram Scripturam? Estò quod male eandem sit interpretatus, hinc nihilominus corrui Biblistarum assertum, quandoquidem eorum dux Lutherus interpretari est aggressus sacram Scripturam; sed adhuc reprobatur, quia si omnes circa Scripturam sacram essent à Deo edocti, ergo etiam qui ignorant litteras, deberent Scripturam sacram intelligere; quod constat falsum esse, quandoquidem ignaris ad manifestandum illis sensum Scripturæ, opus est eandem explicare, & interpretari. Tum quia cum diversi, diversa sentiant, si omnes essent à Deo edocti circa sensum Scripturæ, non una esset omnium fides. Tum quia scimus etiam inter viros doctos, exortas quæstiones circa sensum Scripturæ, ad quas decidendas congregata sunt Concilia, in quibus Spiritus sanctus, genuinum sensum, Scripturæ manifestavit, apertis Patrum suffragiis, & Rom. Pontificis approbatione, utpotè illius, qui in decidendis rebus fidei, non potest errare; ex quibus evincitur, opus esse interpretatione ad intelligentiam Scripturæ, nec omnes esse à Deo specialiter edoctos, sed edoceri debere ab Ecclesia, cui Spiritus sanctus verum sensum Scripturæ revelare dignatur. Ergo Scripturæ interpretatio, non est cuiusque arbitrio relinquenda, sed à supremo iudice scilicet Rom. Pontifice exigenda, qui non potest errare, quippe cui dictum est: *Rogavi pro te ut non desicias fides tua*, & licet aliquibus Sanctis, & doctis viris, Deus concesserit interpretationem verbi Dei, non hinc sequitur omnes esse edoctos. Nam ex speciali gratia concessum est hoc à Deo aliquibus sanctis, seu doctis viris, qui tamen suas interpretationes submitserunt Ecclesiæ

iudicio, ut sciremus Spiritum interpretativum sacræ Scripturæ, certo & infal libiliter soli Pontifici esse concessum. Vide S. Thom. 2. 2. quæst. 1. art. 10.

3. Vivendum esse solo opere manuum, & nullam scientiam esse adscendam. R. Scientiarum studium ab initio Ecclesiæ, in qua floruerunt tot Doctores, fuit semper Christianis concessum; ergo &c. Tum quia scientiæ nos conducunt ad Dei clariorem cognitionem, sed bonum est Dei cognitionem acquirere; ergo etiam scientiis vacare. Tum quia Deus dedit scientiam infusam Adæ, Salomoni, & pluribus sanctis viris, qui unctione magistra, evaserunt in viros doctos, quod certè Deus non fecisset, si solum liceret vacare operi manuum. Quòd autem legitur: *In sudore vultus tui vesceris pane tuo*, non significat prohiberi studium litterarum, & solas artes mechanicas exercendas; sed significat, quòd omnis homo, ratione peccati primi parentis, vexationem spiritus habuisset, ut protoparentis exemplo vivere posset; & quod terra fructum non daret opportunum ad victum, nisi fuisset exulta: ubi si homo perseverasset in statu innocentie, absque cultura tellus germinasset. Cæterum data Biblistarum sententia, sequeretur ex allegato textu omnes, etiam Reges, etiam mulieres debere agriculturam, exercere: necessitatem autem scientiarum, etiam ad politicum regimen non est qui non videat, & commendat: unde & laudatur Moyses, quod eruditus fuerit in omni sapientia Ægyptiorum.

XVI. BIDUITÆ numerantur à Grævina inter Antichristianos, illos scilicet qui evertunt præcipua mysteria fidei; vocantur etiam *Duisti*, quia duos Deos distinctos esse asseriebant Patrem, & Filium. Eorum dux creditur Petrus Govez. Emerferunt circa 1570. in Lithuania, & in Prussia, ut refert Grævina: eorum errores sunt duo sequentes.

1. Duos Deos fatentur Patrem, & Filium, sed hunc dicunt esse Deum minorem Patre. R. verbo *Polythei* circa pluralitatem Deorum; quòd autem:

Q 3

Filius

Filius non sit minor Patre, probatum est verbo *Anomai*.

2. Spiritum sanctum negant esse Deum, quia nihil de eodem dicunt esse revelatum. R. verbo *Arani*: ubi ex textibus Scripturæ adductis, constat Divinitatem Spiritus sancti aperte nobis in sacris paginis esse revelatam.

XVI. BIFIDI. Reponuntur etiam Bifidi à Gravina in sua Tabula Analytica inter Antichristianos, quorum alii sunt liberæ fidei, cuiusmodi sunt Bifidi, qui ex Lutheri schola progeniti, circa annum 1560. mundanæ, sive diabolicæ politiz studentes, pro bono publico asserabant quemlibet tuto conscientia posse sequi duas fides, nempe unam Romanam, alteram Protestantium. Possunt Bifidis, & Trifidis addipulari, qui non modò duas fides recensitas, sed etiam tertiam, scilicet Calvinianam, addebant: dicentes nullo modo unitati religionis officere diversas fidei professiones, & cæremónias, dummodò populus Divini iudicii fide, ac timore Dei contineatur, quia, dicebant, unus & idem est Deus, qui pari fide à Romanis, & Protestantibus honoratur, & idem est cultus, licet diversus sit ritus. R. Una est vera fides, quam Christus promulgavit necessaria ad salutem; sed hæc est Romana, cui aliam originem nemo assignare potest; cum tamen de aliis sciamus origines modernas æquæ, ac pravas: ergo solam fidem Rom. licet, & expedit profiteri, volenti salutem. Tum quia fides Protestantium, & Calviniana in pluribus sunt ex diametro oppositæ Romanæ fidei, ergo una tantum ex his vera esse potest, hæc autem esse non potest Calviniana, aut Lutherana, quæ solùm duobus abhinc seculis excitatæ sunt; quarum insubstantia ex eo satis patet, quòd Calvinistæ Calvinistis, & Lutherani Lutheranis opponuntur; ergo sola fides Rom., quæ viget invariabilis, à Christi promulgatione usque ad hæc tempora, & vigebit perpetuis temporibus, vera est. Cæterum dicendum esset à tempore Christi usque ad Lutherum, & Calvinum nullam fuisse in mundo veram le-

gem; nam ipsi Lutherani, & Calvinistæ concedunt legem Judaicam, post Christi mortem cessasse, ergo si Romana fides non esset vera, nulla certa fides, & lex data esset hominibus à tempore Christi usque ad Lutherum, & Calvinum, per cuius observantiam possent homines salvari; ergo dicendum, quòd sola Romana fides est vera; sed non licet profiteri aliam fidem, quàm veram; ergo si sola Romana fides est vera, hanc solùm licet profiteri. Tum quia fides est vinculum, quo membra Ecclesiæ uniantur capiti, sed per fidem Lutheranam, & Calvinianam, membra non uniantur capiti, immò ab eodem separantur, ergo Lutheri, & Calvinistæ fides non est vera, ergo non licet hæc profiteri. Tum quia fides licet sit invisibilis, videtur tamen per professionem externam, sed professio externa fidei Lutheranae, & Calvinianæ differt essentialiter in pluribus à Romana, ergo est diversa fides à Romana, ergo pari fide Deus non colitur à Romanis, & Protestantibus, & Calvinianis, ergo &c. Tum quia si quilibet in sua fide posset salvari, superfluum esset tot lites, & controversias excitare de fide inter Lutheranos, & Calvinistas, inter utroque & Catholicos: Lutherani autem negant Calvinistas in sua fide salvari posse, vicissim Calvinistæ Lutheranos, sic de aliis sectis discurrendo, quarum unaquæque credit veram docere viam salutis; ergo una tantum esse potest vera fides.

XVI. BINDERLIANI progeniti sunt currente anno 1544. & communiter censetur eorum institutorem fuisse quemdam Anabaptistam, nomine Binderum, qui fictis miraculis, studuit ignaram plebem in sui trahere sequelam: eorum dogmata cum Anabaptistarum erroribus conveniunt. Ex Prateolo.

IV. BISACIENTI dicti etiam Afeliones, eo quòd ararent asino, secuti sunt Donatum, circa medium seculi 4. verbo *Donatus* reprobandi. Ex Sirmondo de Hæresi.

XVI. BISSACRAMENTALES secta sunt Confessionistæ rigidi, emerferunt circa an-

ca annum 1549. ut plurimum ex illis emergunt, qui recedentes à Luthero, Illyricum secuti sunt. Præteolus asserit plures Calvinianos, ac multos Confessionistas rigidos, scilicet Placum cum sociis suis, constituisse hanc sectam. Dicuntur etiam Trisacramentales, qui pro tertio Sacramento habent absolutiorem; pluresque molles Confessionistæ, & præcipuè Lipsienses sunt in hac sententia. Idem Quartisacramentales vocantur, qui Presbyteriatum etiam inter Sacramenta recipiunt, & in hac sententia sunt molles Confessionistæ Wittembergenses. Ex Gaulterio.

1. Duo tantum admittunt Sacramenta, Baptismum scilicet, & cœnam. R. Et quidem tot sunt Sacramenta, quot sunt signa à Christo instituta ad conferendam nobis infallibiliter gratiam, sed hæc septem esse, nec plura, nec pauciora in sacris paginis, vel exprimuntur, vel insinuantur, atque Divinis traditionibus, perpetuaque Ecclesiæ fide perhibentur; ergo Sacramenta sunt septem; & quidem circa Sacramentum Baptismi habetur testimonium Marci ultimo. Circa Confirmationem habetur Jos. 27., & secunda ad Cor. 1. Circa Eucharistiam Luc. 22. 17. Jos. 6. 51. Circa Pœnitentiam Marci 1. 14. Jos. 20. 22. Circa Ordinem Actor. 6. 5. & 14. 22. Circa Matrimonium ad Eph. 5. Quæ omnia sacri Textus loca, licet Sacramenti rationem non æqualiter expriment, tamen eo sensu, vel per adumbrationem, vel per insinuationem esse significata iis in locis Sacramenta, semper creditum est. Alia efficax probatio est unanimis consensus SS. PP. & Ecclesiæ, ab ejus initio usque ad hæc tempora, in admittendo hoc septenario numero. Nec valet dicere, quòd in sacris paginis non sit expressè mentio de numero septenario; nam argumentum retorquetur contra adversarios, dicendo, quòd neque in sacris paginis sit expressè mentio de numero ternario, vel duo: non sic autem mentio de numero septenario, quia res est adeò certa, septem esse Sacramenta, quòd opus non erat, per expres-

sa verba rem adeò certam declarare.

XIII. BIZOCNI. Quidam sub specie Anachoreticæ vitæ gerendæ in finibus Aprutii, & Marchiæ Anconitanæ latitantes, quasdam perniciosas doctrinas disseminare cœperunt; sese appellabant Bizochos. Gaultierius, cui adhæret Spondanus anno 1297. putant Bizochorum sectam eandem fuisse ac sectam Fraticellorum, quorum caput fuit quidam nomine Ermannus Pongiluppus, patria Ferrariensis, qui cum suæ pravitatis esset ab Inquisitoribus convictus, simulat se orthodoxum ostendit; sed cum de facto in suis erroribus cum pertinacia decessisset, nec rei veritas, nonnisi viginti annis ab ejus decessu fuisset comperta, sic præcipiente Bonifacio VIII. Pontifice Summo, extumulatus fuit, decimotertio currente seculo, ejusque ossa in sterquilinum projecta. Fuit etiam dictus Ermannus accusatus, quòd nonnullis hæreticis, in contumacia mortuis, cultum impendisset, multasque blasphemias in Eucharistiam, Deum, & Sanctos evomisset. Porro Bizochorum errores, auctore dicto Ermanno, sequentes recensentur.

1. Uxorum communitatem inducebant, absolutis enim suis conventiculis, extinctis luminibus cum ea quisque se commiscebat, quæ illi proximior extitisset. R. ex his quæ dicta sunt verbo *Bernardinus Ocbinus*; nam si non licet unum virum plures habere uxores, à fortiori neque licet unum virum cum aliorum uxoris commisceri, quas concupiscere expressè prohibitum est in decimo præcepto decalogi. Vide verbo *Adamita*.

2. Eorum Pontifex ille eligebatur, in cujus manu infans ex prædicto coitu natus, mortuus fuisset, quem statim natum, per omnium manus agebant, & ille, in cujus manu infans sic agitatus expirasset, Pontifex constituebatur.

3. Nihil proprium posse Christianum possidere dicebant. R. verbo *Apostolici*.

4. Rempublicam non esse à Christianis administrandam. R. In lege veteri,

teri, qui erant de populo Dei administrabant Rempublicam; ergo etiam hoc licitum est Christianis. Tum quia ille, per quem Reges regnant, jubet nos obedire superioribus. Tum quia si Christiani non possent administrare Rempublicam, foret, vel quia Magistratus essent abolendi; & hoc non, ut probatum est contra Anabaptistas; vel quia, aliis committendum esset regimen Christianæ Reipublicæ, qui non essent Christiani, sed neque hoc. Tum quia nulli prohibetur Christianis administratio Reipublicæ. Tum quia plures, qui Rempublicam administrarunt sanctè vixerunt, & piè mortui sunt, ergo licet, imò convenit Christianis administrare Rempublicam, ut etiam eorum zelo Christiana Religio dilatetur.

5. Dei visionem Animabus sanctis, usque ad ultimum diem differri asserbant. R. verbo *Millenarii*.

6. Creabant puerum ex illicito coitu natum, & super ejus cineres infuso vino, inde eorum novitii initiabantur. Nec inter Barbaros, imò & feras tanta impietas.

XVI. BLANDISTÆ. Georgius Blandrata patria Salutiensis in Subalpinis, professione Medicus, fuga lapsus è Ticino, ubi inquisitus fuerat, in Transylvaniam penetravit, & Lutheranum se fingens, Arianorum, & Antitrinitariorum errores prædicavit; penè universa Transylvania fuit ab ejus prædicatione corrupta. Scriptit, unà cum Francisco Davide, duos libros contra Sanctissimam Trinitatem. Varadini contra Calvinistas disputans mirabiles de sua disputatione, contra eosdem, quasi ab ipso coactos, egit triumphos. Transylvaniam à Joanne Sigismundo acceperat, eundem suis seduxit erroribus. In medicinæ professione celebris, tum in Transylvania, tum in Polonia apud Principes, & Magnates vir magni nominis evasit, quorum fretus protectione, facilius suos potuit propagare errores. Valentinum Gentilem, & Socinum suæ perfidiæ coadjutores habuit, à proprio nepote, dum in lecto decumberet, suffocatur. Ex Spond.

1. Ab Apostolis solum Deum Patrem, & unum hominem Jesum Christum fuisse prædicatum asserbat, postmodum verò à Catholicis excogitatum fuisse Trinitatem, duosque Christos in mundum invehos. R. Apostoli baptizabant in nomine Patris, & Filii, & Spiritus sancti; ergo non solum Deum Patrem prædicabant. Tum quia tam de Patre, quàm de Filio, quàm de Spiritu sancto in Evangelis, & præcipue in Epistolis Apostolorum adeò clara fit mentio, ut apertè constet hoc mysterium fuisse ab Apostolis prædicatum; & nescio quomodo hanc veritatem negare audeat Blandrata, stante contra ipsum præ aliis testimoniis illo, qui habetur *Jo. 1. c. 5. v. 7. Tres sunt, qui testimonium dant in celo, Pater, Verbum, & Spiritus Sanctus*. Insuper Apostoli non solum prædicarunt Christum esse hominem, sed hunc eundem prædicarunt esse filium Dei, sic legitur: *Qui suscitavit filium suum à mortuis*; Christum non purum hominem, sed Deum, & hominem esse, & ut talem fuisse ab Apostolis prædicatum, constat ex confessione Thomæ: *Dominus meus, & Deus meus*; atque ex actibus Apostolorum, & ex eorum epistolis, ubi adeò authentica sunt hujus veritatis testimonia, ut mirum sit, quomodo Blandrata ausus fuerit contrarium asserere, convincentibus eum mendacii, tam claris Scripturæ testimoniis. Videantur hic circa Christi Divinitatem; quæ dicta sunt contra *Acacianos, Anomæos, Beëllum, Apollinarem, & Arium*.

2. Dixit Apostolos prænucciasse illud post ascensionem venturum Antichristum, & Ecclesiam aboliturum: & de facto hoc jam evenisse, ut jam Christi Regnum penitus interierit. R. Quia nulli hæc somnia, immò insaniam in Scriptura est reperire, ubi è contra legimus Ecclesiam usque in finem seculi duraturam, quod portæ inferi non prævalebunt adversus eam: & tempore prædicationis Antichristi, neque deficiet Ecclesia. Scimus etiam multos permanentes constantes in fide, & quod *Propter electos breviantur dies illi*. Infu-

Insuper Christus ostendit, quæ signa præcedent adventum Antichristi, hæc autem signa nondum apparuerunt, ergo Apostoli non potuerunt prædicare Antichristum venturum statim post Christi ascensionem: & certè cum unum ex signis præcedentibus Antichristum, sit universalis Evangelii prædicatio, juxta illud quod legimus, *Matt. 24. Et prædicabitur hoc Evangelium regni in universo Orbe, in testimonium omnibus gentibus: & tunc veniet consummatio.* Scimus autem in pluribus locis nondum prædicatum esse Evangelium, cum partes mundi extent adhuc incognitæ, ad quas nondum apertus est aditus catholicis; ergo si nondum præcessit hoc signum his temporibus, quibus multæ partes terræ adhuc non innotescunt, à fortiori non præcessit hoc signum tempore Apostolorum, & consequenter non potuerunt prædicare Antichristum venturum statim post ascensionem. Verum quidem est, quod nomen Antichristi, cum non modò significet illum hominem venturum in fine seculi, qui extollet se contra Christum, & ejus legem, sed etiam Antichristus vocetur quicumque destruens falsis dogmatibus Christi legem, videtur velle se anteponeere Christo, cujusmodi sunt hæresarchæ; sub hac secunda significatione intelligendum est, quod legitur epistola 2 Joann. 7. *Quoriam multi seductores exierunt in mundum, qui non consentunt Jesum Christum venisse in carnem: hic est seductor, & Antichristus.* Ubi D. Joannes vocat Antichristum quemcumque non consententem Jesum Christum venisse in carne, cujusmodi fuerunt quidam hæretici, qui à tempore D. Joannis cœperunt hanc hæresim disseminare; & certè D. Joannem non prædicasse per hæc verba adventum Antichristi, sed solùm hoc nomen Antichristi tribuisse præfatis hæreticis, apertè constat ex eodem D. Joanne epist. 1. cap. 2. vers. 18. sic scribente: *Filioli sicut audistis quia Antichristus venit, & nunc Antichristi multi facti sunt.* Voluit per hæc verba exprimere S. Joannes plures decessisse à fide, nam si lo-

cutus fuisset de adventu Antichristi, qui venit in fine mundi, non dixisset: *Antichristi multi facti sunt*; unus autem tantum erit Antichristus, qui extollet se contra legem, & Evangelium, qui à Judæis tanquam Messias adorabitur, qui quantum poterit erit destructor Evangelii.

3. Dixit tres personas esse tres Deos, non minus inter se diversos, quàm sint inter se diversi tres homines. R. ex sacra Scriptura *Joan. 1. 3. Tres sunt, qui testimonium dant in celo, Pater, Verbum, & Spiritus sanctus, & hi tres unum sunt;* non unum in persona, ut concedit ipse hæreticus, qui tres admittit personas, ergo unum in natura Divina, ergo tres personæ sunt unus Deus; ergo non sunt in Divinitate distinctæ, sicut tres homines, quæ veritas clariùs constabit verbo *Polytheismus*, ubi ostendemus Deum esse essentialiter unum, & plures Deos implicare ex intrinsicis principiis.

II. *BLASTUS* Romanæ Ecclesiæ Presbyter, Florini socius, cum quo Romæ schisma fecit: ob suam malitiam (ut referunt Eusebius, & Theodoretus) ab Eleuthero Pontifice de gradu depositus, non cessavit ad suam impietatem alios allicere. Profectebatur autem Valentini errores, aliis de novo supra ipsos excogitatis, ratione quorum inter hæresiarcas recensetur à Tertulliano, & Eusebio. Confutavit egregiè Blastum S. Irenæus. Ex Bar.

1. In celebratione Paschatis judicabat, docens Pascha celebrandum esse cum Judæis luna 14. quicumque ille esset hebdomadæ dies, quo luna decima quarta posset contingere. R. verbo *Quartadecimani*.

2. Communitatem uxorum licitam esse blaterabat, & sic satisfieri asserabat illi præcepto: *Crescite, & multiplicamini*. R. verbo *Adamitæ* circa Communitatem uxorum; illa autem verba *Crescite & multiplicamini* non inducunt pluralitatem uxorum, sinè qua de facto inter Catholicos crescit, & multiplicatur genus humanum.

3. Dixit Deum provocare homines effe-

effectivè ad malum. R. ex his, quæ dicuntur contra Calvinum, ubi probabimus Deum esse non posse auctorem peccati, qui autem provocat ad malum auctor mali est; quippè est causa moralis illius. R. etiam ex Synodo Arausica. Can. 23. ubi sic: *Suam voluntatem homines faciunt, non Dei quando id agunt, quod Deo displicet*, & psalmo 5. *Non Deus volens iniquitatem tu es*. Patet etiam hæc veritas Eccles. cap. 15. vers. 20. *Insuper ex severitate, & iustitia, quam exercet Deus in punitione peccatorum, constat Deum neminem provocare ad peccatum; Demùm Deus manifestè nos admonet psalmo 36. vers. 27. Declina à malo, & fac bonum*, ergo esse non potest auctor peccati, nec provocare ad peccatum. Nec obstat quod legitur Exodi 4. *Indurabo cor Pharaonis*. Hinc enim deducitur Deum permittere malum; negare quidem iustè gratiam; non tamen inducere malitiam. Quoniam autem Deus ad phisicas peccatorum actiones concurrat, sequitur Deum concurrere ad materiale peccati, non verò concurrere ad formale, idest ad malitiam, quæ est carentia rectitudinis debita in actu: quæ carentia rectitudinis debita in actu provenit, non à principio efficiente; sed deficiente.

XVII. BLONDELLUS fuit Calvinista, & edidit librum inscriptum: *Apologia S. Hieronymi*, quo conatur ostendere Presbyteros Episcopis ordine, & jurisdictione esse æquales; circa quod. R. verbo *Aerius*. Fuit Blondello nomen David, natione Gallus, à juventute studiis addictus, in quibus multum profecit, sed præcipuè historicæ eruditioni operam dedit, & linguarum peritiz: emenso Theologiæ cursu, hæreticorum conciliabulis sæpè interfuit, quibus tanquam minister pluribus præfuit in locis. Demum Amstelodami historiarum professor, studio consumptus, ætatis suæ anno 64. occubuit, circa medium seculi 17. ex Baylo Dict. Crit.

XII. BOGOMILII. Bogomilles nomen est Sarsinum, & idem significat ac gens

miseri cordiam implorans. Originem habuerunt à quodam viro professione medico, cui nomen Basilii, quem cremare fecit Alexius Comnenus Imperator, circa annum 1118. Porro Alexius ut Basilii Bogomillorum capitis impietatem detegeret, ei se consentire simulavit, ejusque impietate detecta, in equestri theatro impostorem comburi iussit; qui impostor cum annis quindecim sua perniciofa dogmata didicisset, & quinquaginta duobus ducisset, totum ferè Orientem, imò & Occidentis partem sua labe infecerat. Scripsit contra Basilium, & suos sectatores Euthymius Zigabenus Monachus Græcus. Ex Natal. Alex. scilicet. 13.

1. Rejecit omnes Mosaycos libros, & reliquum sacræ Scripturæ, excepto Psalterio, sexdecim Prophetis, quattuor Evangeliiis, actibus Apostolorum, illorum Epistolis, & Apocalipsa. R. Verbo *Albanenses*.

2. Cum Manichæis dicebat vetus Testamentum, non esse à Deo bono factum. R. Verbo *Albanenses*.

3. Dicebat se credere in Patrem, Filium, & Spiritum sanctum, sed reverè Patri hæc tria nomina tribuebat unde negabat Trinitatis mysterium. R. Nam Trinitatis mysterium evincitur adumbratum in veteri Testamento: *Tres vidit, & unum adoravit*, ex novo Testam. Jo. 1. c. 5. *Tres sunt qui testimonium dant in celo, Pater, Verbum, & Spiritus sanctus*. Matt. ultim. *Enutes docete omnes gentes, baptizantes eos in nomine Patris, & Filii, & Spiritus sancti*. Cum autem non possint Theologi demonstrativè præbare mysterium Trinitatis, sicut nec ullum ex fidei mysteriis, certum tamen est ab iisdem adhuc congruenter suaderi, supposita revelatione, ex certis vestigiis, v. g. ex numero ternario in natura ferè ubique commendato, imò ferè apud omnes nationes, & barbaras religiones in speciali veneratione habitus est numerus ternarius, ita ut tacito quodam arcano naturæ instinctu, servatus sit numerus ille, in quo Sanctissimæ Trinitatis latet mysterium: manifestè demùm

mum in lege gratiz revelatum ; novum enim Testamentum disertis verbis Divinitatem Patris, Filii, & Spiritus sancti commendat. Nec valet objicere contra mysterium Trinitatis illud axioma, *Qua sunt eadem uni tertio, sunt idem inter se*, quia naturalis rationis principia, longè inferiora sunt supernaturali veritati. Nec propterea Trinitatis mysterium est contra illud principium ; sed est supra illud, ut demonstrant scholastici ; quia ly *idem* denotat esse, quod unicum est in Divinis, sive naturam consideres, sive personas. Similiter ubi legitur Jo:16. *Ego, & Pater unum sumus*, hoc verificatur omnino quia terminatio neutra *unum* denotat essentiam, non personam ; ut ex D. Augustino tradunt communiter Theologi ; nempe terminatio neutra pertinet ad esse ; cæteræ ad modos, proprietates, sive terminationes essendi, aut subsistendi, quæ particulares distinctionum rationes important ; nempe oppositiones relativas, quæ sunt inter Patrem, & Filium, similiter loquendo de Persona Spiritus sancti respectu Personæ Patris, & Filii. Vide verbo *Blondissa*.

4. Fingeat Patrem corporea forma præditum esse, ex binis cerebri panvulis binos radios emittere, alterum Spiritum sanctum esse dicebat. R. Quia Deum purum Spiritum esse proclamant sacræ paginæ. Tum quia omne corporeum est defectibile, est compositum, & est creatum, dicitur imperfectionem maximam, ergo Pater in Divinis nequit corpus habere ; Deus autem est simplicissimus : ergo &c. ex quo reliquum nefariæ hæresis commentum corrui.

5. Dicebat Filium, & Spiritum sanctum in Patrem rursus resolveri, & qui à multis retrò seculis tres personæ fuerant, rursus unam factam esse personam. R. Quia Deus est immutabilis. Præter alia absurda, quæ ex hac ineptia sequerentur, ut patet consideranti, unde opus non est in ejusdem sacrilegæ fabulæ reprobatione commorari.

6. Filium, & Spiritum sanctum, usque ad quinquies millesimum, & quin-

Tom.I.

gentiesimum annum existisse negabat. R. ex D.Jos: *In principio erat Verbum, & Verbum erat apud Deum, & Deus erat Verbum*. Similiter, & Spiritum sanctum esse Patri consubstantialem, probatum est contra *Arianos* ; non esse creaturam, ostensum est contra *Actianos* ; demùm Spiritum sanctum, unum cum Patre, & Filio Deum esse, perhibent sacræ paginæ ; quæ Spiritum sanctum creatorem omnium testantur. Sic psalm.32. *Verbo Domini cali firmati sunt, & Spiritu oris ejus omnis virtus eorum* ; ergo si Spiritus sanctus est creator, non potuit incipere esse. Cæterùm non esset Deus ; sed Spiritum sanctum esse Deum, constat ex formæ Baptismi, à Christo præscriptæ ; constat ex Symbolo Nicæno, ex actibus Apostolorum cap.5. vers.3. ex Matt. cap.12. vers.32. ex prima ad Corint. cap.6. vers.19. ex prima Petri cap.1. vers.12. Sapientiz 1. ex psalm.118. *Athor-um* 2. psalm.103. *Judit.* 16. ex prima ad Cor. cap.12. Jo:14. vers.26. Jo:15. ad Rom. cap.8. ex secunda Petri cap.1. Nec valet objicere ad reprobendam Spiritus sancti Divinitatem, quòd aliquando in Scriptura fit solùm mentio de Patre, & Filio, non verò de Spiritu sancto, quia ab argumento negativo nihil concluditur. Tum quia aliquando in Scriptura fit solùm mentio de Patre, aliquando de Filio, & aliquando de solo Spiritu sancto ; ergo si argumentum hæreticorum concluderet, sequeretur neque Patrem, neque Filium esse Deum. Tum quia pluribi in sacris paginis fit mentio unà simul de tribus Divinis personis.

7. Filium à Patre, Spiritum sanctum à Filio genitum, hunc autem Judam proditorem, & undecim Apostolos genuisse effutiebatur. R. Nam Spiritum sanctum non esse genitum, sed spiratum ; nec à solo Filio, sed à Patre, & Filio, contra Græcos commodius probabitur. Reliquum fabulæ non indiget reprobatione.

8. Dæmonem, qui à Salvatore appellatus est Satanas, Filium etiam Dei

R

Pa-

Patris esse, & vocari Satanael, esse Filio verbo natu majorem, præstantioremque, sed sua dignitate elatum, de dejectione cogitasse, & ministras tentasse potestates somniavit.

9. Satanaelem è cælo dejectum, Angelis quos secum traxerat audaciam inieciisse, & habito cum ipsis consilio, firmamentum produxisse, terram ornatse, plantas, animantia, ipsumque hominem proceßisse blaterabat.

10. Cum homines acerbo Dæmonum imperio premerentur, crudeliterque perderentur, vix paucos ex parte Patris perstitisse, & in Angelorum ordinem ascendisse, eos nimirum, qui in Genealogiis Evangelii secundum Matthæum, & secundum Lucam recensentur. Tandem aliquando Patrem se decipi, atque injuria affici animadvertisse, qui cum præstantiorem hominis partem tribuisset, majore tamen hominum numero privaretur, animæque misertum, quam insufflarat, ad ultionem Verbum ex corde suo eructasse, idest Filium, & Deum. Hunc esse, Michaelem Archangelum, descendisse de cælis, & per aurem Virginis dexteram influxisse, carnem induisse, quæ specie tenens ex materia constet, & humano corpori est similis; cum tamen verè materiz sit expers: passionem, mortem, resurrectionem simulasse; ac demùm peracta scena, ac deposita persona, confudisse desertorem, ipsum in Tartara detrussisse, illiusque nomini ademisisse syllabam *el*, quæ est Angelica, voluisseque, non ut *Satanael*, sed *Satana* deinceps nominaretur: expleto autem ministerio, reversum ad Patrem, & ad illius dexteram ascendisse in solio, ex quo Satanael fuerat ejectus.

11. Fingebat insuper Angelos, qui ceciderunt, cùm intellexissent Satanaelem Patri esse pollicitum loca ipsorum, ex hominum genere completa, in filias hominum impudicè conspexisse, easque in uxores accepisse, quo semen ipsorum in cælum reverteretur ad loca patrum suorum.

12. Moysen à Satanaele deceptum Judæorum populum eduxisse de Ægypto

portentis, & signis virtute Satanaelis ejusdem patris, & ab ipso legem accepisse in monte Sinai, illamque infinitam hominum multitudinem perdidisse. Hæc omnia figmenta esse quis non animadvertat? ita quidem, ut quisquis rationis compos, alia reprobatione non egeat ad confutanda hæc ineptissima commenta.

13. Eos tantùm Sanctos prædicabat, qui apud Matthæum, & Lucam in genealogis commemorantur, & sexdecim Prophetas, Apostolos, & Martyres, qui ne idola adorarent (ut ipsi dicebant) occisi sunt. Sacerdotes autem, & Patres omnes tanquam idolorum cultores reprobos esse. Cultum enim imaginum, idololatram appellabat. R. verbo *keno-clasta*.

14. Dicebat Dæmones assidere sepulchris Sanctorum, & sub eorum personis miracula edere, ut deciperent homines. R. Nam Deum mirabilem esse in Sanctis suis, miraculorum operatione, sive ad eorum sepulchra, sive aliàs orantibus, illosque invocantibus, est luce solis clarius, cum miracula ejusmodi per intercessionem Sanctorum patrata maxime ad confirmandum Evangelicam Fidem, adeò sint authentica, ut de illorum veritate dubitare non liceat, nisi quis velit pertinaciter omnia in dubium revocare. Cæterùm tam ex veteri, quàm ex novo Testamento miraculorum veritas comprobatur; Et quidem celebre est miraculum resurrectionis hominis mortui ex contactu ossium Elisæi, ut Scriptura narrat. Insuper Ecclesia tanta cautela procedit in examinandis Sanctorum miraculis, ut semel ac proponit aliquid Christianis piè credendum tanquam miraculosum, de rei veritate dubitare non modò Christianis non licet, sed neque rationis compoti. Dæmon autem non potest operari aliquid supra naturam; id enim pertinet ad eum, qui naturæ dominium habet: ideo dici nequit, quòd dæmon assilens sepulchris Sanctorum faciat miracula; nam ad summum dæmon facit aliquid, quod licet videatur miraculosum, in re tamen tale non est, quia

quia operatur applicando activa passiva; & cum habeat peculiarem cognitionem rerum, aliqua facit quæ nobis mirabilia videntur, quia tantam cognitionem rerum non habemus; Cæterum verissimum est, quod solus Deus potest patrare miracula, quippe qui solus est supra naturam. Vide S. Thom. 2. 2. q. 173. Possunt viros sanctos in Dei virtute operari miracula, definitum est in Concilio Constantinop. 3. sub Agathone Papa; quæ manifesta veritas etiam ad hæreticorum confusionem, evincitur ex illo Jo. 14. ver. 12. *Amen Amen dico vobis, qui credit in me opera quæ ego facio, & ipse faciet, & majora horum faciet*; Nec valet inflare solum Deum posse efficere miracula, quia legitur psalm. 71. ver. 18. *Benedictus Dominus Deus Israel, qui facit mirabilia solus*; ergo Sanctos non efficere miracula; nam quando dicimus Sanctos efficere miracula, non dicimus ea efficere tanquam causa principalis, & in propria virtute, sed tanquam causa meritoria, & in virtute Dei, quem solum credimus causam principalem, & in propria virtute posse mirabilia operari.

15. Singulis hominibus singulos dæmones inhabitare asserbat. R. Nam licet, permittente Deo, aliquandò dæmones fiant hominum invasores, scimus autem in Dei virtute, homines sic de tentos per Sacerdotes liberari, sicut de facto Christum sepè liberasse energumenos legimus in Evangelio, quod falsum esset, quandò singulis hominibus, singulos dæmones inhabitare verum esset. Tum quia Deus deputavit Angelos ad nostram custodiam, nullibi autem legimus contrariam facultatem dedisse in communi dæmonibus. Tum quia homines sancti imperant dæmonibus; ergo falsum est singulis hominibus, singulos dæmones inhabitare.

16. Dæmones habitare in templis, & Satanam sibi elegisse celeberrimum Jerosolymorum templum, quo everso templum S. Sophiæ Constantinopoli suscepisse blaterabat. R. Quia scimus dæmones fugere signum Crucis, à rebus facris abscedere, sicuti sæpè experientia

manifesta comprobavit. Tum quia templum specialiter est domus Dei; ergo esse nequit dæmonis habitaculum. Insuper Deum specialiter elegisse templum Jerosolymorum, ut ibi exaudiret supplicum preces, constat ex Scriptura; ergo falsum est &c.

17. Crucem Christi adorandam, esse negabat. Repr. verbo *Claudius Taurinensis*.

18. Baptismum nostrum dicebat esse Baptismum Joannis, quod fit per aquam, suum verò vocabat Baptismum Christi, quod fit per Spiritum. R. ex Conc. Trid. sess. 7. c. 1. Tum quia noster Baptismus purgat ab originalibus, & actualibus. Unde de eo dixit Dominus: *Nisi quis renatus fuerit ex aqua, & Spiritu sancto &c.* quam virtutem non habebat Baptismus Joannis. Noster Baptismus est necessarius ad salutem, quod dici nequit de Baptismo Joannis; ergo noster Baptismus non est Baptismus Joannis. Catholicorum Baptismus non est à Joanne, sed à Christo institutus. Demum diversus est ritus in Baptismo nostro, ac in Baptismo Joannis, ergo &c.

19. Catholicos ad Bogomillos declinantes rebaptizabat. R. verbo *Anabaptiste*.

20. Hæc verba Matt. 23. ver. 30. *In resurrectione neque nubent, neque nubentur* adducebat ad celibatus necessitatem adstruendam, & ad reprobandum matrimonium. R. Quia celibatus est solum consilium, ut constat ex D. Paulo. Matrimonium non est reprobandum, ut probatum est contra *Adamas*; & illa verba Matt. 23. non patiuntur hanc extortionem, ut apud Sanctos verbi Dei Interpretes videre est; ergo &c.

21. Pro resurrectione, pœnitentiam, & vitam Evangelicam intelligebat. R. Nam resurrectionem corporum de facto futuram, probatum est contra *Basiliianus*. Estò quod pœnitentes dicantur etiam resurgere à peccatis: sed hoc moraliter dicitur; illa autem verba Symboli *Carnis resurrectionem*, nullatenus extorqueri possunt ad significandam pœnitentiam, vel vitam Evangelicam. Legge Actor. cap. 23.

22. In Ecclesia orandum esse negabatur & illa verba Matth. 6. *Tu autem cum oraveris, intra in cubiculum tuum*; sic explicabat, ut romine cubiculi intelligeret mentem. R. ex his quæ dicta sunt verbo *Apostolici*, & *Albigenses*.

23. Negabat realem existentiam corporis Christi in Eucharistia. R. verbo *Berengarius*.

24. Unicam esse orationem à Deo præceptam, scilicet *Pater noster*; alias precardi formulas rejiciebat. R. Exemplo Christi, qui cum prolixius oraret in horto, certè non solum orationem Dominicam recitasse, sed & alios pios affectus habuisse erga Patrem suum, consonum est. Tum quia Psalmista, qui sepius in die laudem dicebat Domino, orabat, & tamen orationem Dominicalem recitare non poterat; ergo falsum est alias orationes rejiciendas, & solum Dominicalem, esse à Deo præceptam. Tum quia Ecclesia speciales orationes vocales, præter Dominicalem, approbavit. Tum quia nullum extat præceptum de recitanda sola oratione Dominicali. Tum quia plures precandi formulæ, quibus Catholici utuntur, continent pios, & sanctos affectus erga Deum, Virginem, & Sanctos; excitant nos ad bona opera; ergo sunt bonæ, ergo non sunt rejiciendæ: cæterum dicendum foret rejiciendas esse laudes Dei, Virginis, & Sanctorum, quæ in diversis orationibus exprimuntur. Tum quia oratio Dominica, quæ communis est, non excludit orationes particulares, de quibus plura exempla habemus in sacris paginis; orationes autem particulares bonas esse, & Deo acceptas, probatur contra *Infabbator*, qui volebat solum orandum in communi; idè solum orationem Dominicam, quæ communis est, effutiebant esse recitandam.

25. Plura alia hæretica figmenta somniavit Bogomilles, cujusmodi illud est; quod asserbat, omnes suos esse Spiritus sancti habitaculum, & Dei parentes, quod Verbum Dei conciperent in utero, docendo parentem; & nihil amplius præ ipsis Mariam habuisse. Dicebat suos non mori, sed solum veluti in somno tran-

smutari. Se non in somnis, sed reverà vidisse Deum Patrem: ut senem dens à barba ornatum; Filium tanquam juvenem, & Spiritum sanctum tanquam adulescentem. Monachos dicebat esse volucres in columnis, & domunculis habitantes, qui cum inertem vitam ducant, tamen à Patre cælesti nutriuntur? Deum sequaces suos esse lilia agri propter morum candorem, ornatumque virtutum gloriabatur. His, & consimilibus hæreticalibus fabulis pessima Bogomilorum hæresis, deceptos homines, à via veritatis avertebat.

XV. BOHEMI. Ex his, quæ gesta sunt in Concilio Basileensi sub Martino V. & Sigismundo Imperatore anno 1431. cum Bohemorum causa discussa est, eorumdem errores constat esse sequentes.

1. Clericis dominium civile Divina lege interdictum esse dicebant. R. Nam licet in Ecclesia plures sequantur consilium Evangelicum relinquendi omnia, & voto ad hoc se adstringant; attamen potest quis vivere secundum præcepta Evangelica, & Sacerdotio initiari, etiam si tali voto se non adstringat, quia consilia Evangelica non obligant, nisi spontè voventem eorum observantiam. Quod autem possit cum dominio civili, & Sacerdotium conjungi probatur; nam Christus non obligavit Apostolos, quando eos elegit, vel ordinavit sacerdotes, ad renuntiantium dominio rerum, sive mobilium, sive immobilium: ergo nulla lege dominium civile interdictum est clericis. Tum quia scimus plures ex discipulis Domini, habuisse dominium civile, v. g. Lazarum, qui Dominus erat potens in Judæa, & Castellorum ditionem possidebat, postmodum Masiliæ Episcopum constitutum, nullibi legimus dominio suo renuntiasse; imò in sac. pag. nullum hac de re extat præceptum; quod si extaret, certè tot sancti sacerdotes, & Episcopi, qui dominia civilia à Regibus oblata acceptarunt, utique non acceptassent, si contrarium in sac. pag. novissent exhiberi mandatum. Vide Bellarminum lib. 1. de clericis cap. 26.

2. Prædicationem Verbi Dei omnibus

bus liberam, & permissam esse arbitrabantur. R. Quia prædicationem Evangelicam, specialiter discipulis à Deo demandatam, quos misit in universum orbem prædicare Evangelium, ex ipsius Evangelii testimonio certò deprehendimus. Tum quia prædicatio Evangelica, est juris Episcopalis; siquidem Episcopi sunt Apostolorum successores, ergo illis solum competit, quibus tale jus est ab Episcopis, vel à summo Romano Episcopo communicatum. Tum quia si libera esset prædicatio Evangelica, facilè ab indoctis concionatoribus, per erroneam doctrinam propositam, possent decipi auditores. Tum quia hoc ministerium nunquam alicui laico demandatum legitur, & solos Ecclesiasticos hoc exercuisse, ab initio Ecclesiæ, usque ad hæc tempora comperimus. Tum demum cum dignis de causis Ecclesiæ iudicet, & velit à solis sacerdotibus prædicari Evangelium, Ecclesiæ autem cum habeat auctoritatem condendi leges, hoc satis est ad eos convincendum, qui talem auctoritatem ad alios, præter sacerdotes, extendere contendunt.

3. Circa cohibitionem, & correptionem omnium peccatorum mortalium, publicorumque delictorum, etiam proposuerunt articulum, quo videbatur eos contendere, quòd peccata mortalia publica, non Ecclesiæ, sed secularis potestas deberet reprimere; sed quia non semper eodem tenore suum exprimebant sensum Bohemorum Legati ad Concilium; idè difficile est intelligere quid expressè in hoc tertio asserto contenderent.

4. Communionem sub-utraque specie necessariam esse omnibus ad salutem asseriebant. R. ex Concilio Constantiensi sess. 13. Coloniensi 3. celebrato sub Paulo III. Demum ex Trident. sess. 21. cap. 1. & 2. Tum quia Christus dixit Joannis 6. *Si quis manducaverit ex hoc pane, vivet in æternum*: non autem subiunxit, & *biberit ex hoc vino*; ergo ex Christi verbis, æquè valet ad salutem communicatio sub tantum specie: Deinde si necessaria esset sumptio Eucharistiæ sub utraque specie, hoc foret per adversarios,

quia per sumptionem Sacramenti Eucharistici sub una tantum specie, non consequeretur communicans effectus huius Sacramenti, sed ex verbis ipsius Christi, constat hoc esse falsum: legitur enim 1. ad Cor. v. 27. *Quicumque manducaverit panem hunc, vel biberit calicem Domini indigne: reus erit corporis, & sanguinis Domini*; ubi notanda est illa particula disjunctiva *vel*, ex qua manifestè evincitur, quòd sicut est reus qui sumit indigne panem, vel calicem, ita consequitur effectum Sacramenti, qui sumit solum panem, vel solum calicem. Insuper notandum in citato textu, quòd qui sumperit solum panem indigne, reus erit corporis, & sanguinis Domini: sicut qui sumperit solum calicem: ex quo evidenter deducitur, quòd qui sumit solum panem, æquè sumit corpus, & sanguinem Christi, similiter ac qui sumit solum calicem; quomodo enim esset reus sanguinis Domini, qui solum panem sumit, nisi quia sub speciebus panis non modò est corpus, sed etiam sanguis Domini, simili proportionali modo loquendo de calice? Insuper in primitiva Ecclesiâ Discipulos congregatos, saltè aliquando sumpsisse Eucharistiam sub sola specie panis, constat ex illo Actuum 2. *Erant perseverantes in doctrina Apostolorum, & communicatione fractionis panis*. Luc. 24. Discipuli euntes in Emaus cognoverunt Christum in fractione panis; ex quo communis sensus est, Christum in hoc casu, se dedisse in cibum Discipulis sub sola specie panis: ergo communicatio sub utraque specie non est de necessitate præcepti, quod in tali casu difficulter posset adimpleri ab abstemiis. Ex illis autem verbis Jo: 6. *Nisi manducaveritis carnem filii hominis, & biberitis ejus sanguinem, non habebitis vitam in vobis*; non potest inferri necessitas communionis sub utraque specie, ut volunt hæretici; sed deducitur tantum, quòd necessè est manducare corpus, & sumere sanguinem Christi, quod exequitur sumendo Eucharistiam sub una specie, sub qua cum sit corpus vivum, necessà-
riò

riò etiam est sanguis Christi; ex quo sequitur, quòd qui sumit corpus, simul & semel bibit sanguinem, & consequenter satisfaciatur praecepto, quòd extenditur solum ad communionem sub una specie, ut supra probatum est. Neque potest deduci, quòd extendatur ad communionem sub utraque specie, ex illis verbis Matt. 27. *Bibite ex hoc omnes*; nam satis constat illa verba dicta à Christo in ultima cæna, directa fuisse ad solos Apostolos, non autem ad omnes Discipulos; cæterum falsum esset, quòd subjungit Euangelium, *Biberunt ex illo omnes*: non enim omnes Discipuli erant in cænaculo, & consequenter non omnes biberunt: quapropter ex illis verbis, quæ dicta sunt ad solos Apostolos, non potest probari praeceptum universale sumendi corpus, & sanguinem sub utraque specie: Nec inde sequitur, quòd superflua fuerit institutio Sacramenti Eucharistici sub specie vini; nam cum hoc Sacramentum rationem habeat etiam sacrificii, voluit Christus per institutionem Sacramenti sub specie vini, fieri expressè mentionem de effusione sanguinis. Constat ex hæcenus dictis, nullum esse praeceptum de sumenda Eucharistia sub utraque specie: imò usum sumendi sub una tantum specie, Christum & verbis, & factò comprobasse: qui usus, etiam tempore Apostolorum viguit (nemine usque ad 15. seculum contrà reclamante) ut constat Act. v. 42. Act. 20. 7. & deinde successivè semper data est laicis communio sub una specie. Hac de re tractatum edidit lectu dignum Joannes Hofman Episcopus Misnen. ann. 1571.

XIV. BONONATUS fuit natione Catalanus, inter Beguardorum duces à Sandero hæref. 160. adscribitur. Porro cum Beguardorum errores, nimis pertinaciter, non obstante eorum condemnatione, promulgaret, vivus in erroris, & pertinaciæ penam combustus fuit.

IV. BONOSTIANI à Bonoso Sardigeni Episcopo in Macedonia, eorum principe, sic dicti fuerunt, causa cujus in Concilio Capuano anno 389. cum delegata esset Anisio Episcopo Thessalonien-

si, ab eodem damnatus fuit Bonosus, tanquam Photinianæ hæresis fædator: quare etiam à Gelasio Papa, unà cum Photino proscriptus: demum Capuana Synodus anno 389. eidem Bonoso anathema dixit.

1. Senferunt Bonosiani Christum purum hominem esse. R. verbo *Artemon.*

2. Duos in Salvatore filios agnoscebant, unum naturalem, & æternum, alterum adoptivum, & temporalem. R. Si essent duæ filiationes in Christo, etiam necessariò essent duæ Personæ; sed in Christo unica est Persona, ut probabitur contra *Nestorium*, ergo una filiatio; & quidem naturalis, & æterna esse debet, non verò dari potest in Christo filiatio adoptiva, quia ad adoptionem requiritur, quòd persona adoptata sit totaliter extranea respectu adoptantis; sed Persona Christi, cum sit eadem, ac Persona Verbi, non potest esse extranea respectu Patris; ergo neque Christus, quæ homo, potest dici filius adoptivus; quia adoptio principaliter respicit personam, & cum Persona Christi non possit adoptari, est enim filius naturalis; ergo neque Christus dici potest filius adoptivus; sicut de sancto definivit Concilium Francofordiense, contra Felicem, & Ellipandum, qui duas filiationes admitterebant in Christo, unam naturalem, aliam adoptivam; quæ de re damnati fuerunt, quia cum, ut dixi, filiatio respiciat personam, impossibile est duas admittere filiationes adeò diversas, nisi etiam multiplicitas personarum admittatur in Christo, quod est cum Nestorio sentire.

3. Dixerunt Mariam Virginem, Christi Matrem, post partum Virginem non permanisse, sed alios filios habuisse. R. verbo *Antimariani*.

XVI. BOQUINIANI prodierunt à quodam ministro Sacramentario, cui nomen Petrus Boquinus, qui Burgis in Belgio institutum religiosum professus, doctoratus lauream ibidem assumpsit, & Religiosis sui Ordinis aliquandiu in suo Conventu præfuit. Deinde Basileam professus, mox Wittembergam; cum Lu-

Luthero amicitiz fœdus pepigit, & Melanctone, quorum hortato apostata- vit à Religione, & Fide, Strasburgi minister constitutus, apud Margaritam de Valois gratiam invenit, à qua vitalitium stipendium obtinuit. Deinde Heil- debergz, rogante Electore Palatino anno 1517. Theologiam docuit; sed aliquos post annos hinc eiec- tus, Lausanam se contulit, ubi in suis erroribus dec- cavit. Potissimi errores sunt duo sequen- tes; quos certum est à Boquino non fuisse adinventos, sed renovatos; jam enim ex Concilio Arelatensi 3. celebrato cir- cā annum Christi 455. constat in eodem errore fuisse quemdam Lucidum Presby- terum, de quo suo loco.

1. Docuerunt Boquiniani, Christum non esse pro omnibus peccatoribus cru- cifixum, sed tantum pro fidelibus, & probis. R. verbo *Transitus*.

2. Dixerunt solum fideles in Eucha- ristia manducare corpus Christi, scilicet solum electos, non autem impios, & reprobos. R. Ex verbis D. Pauli: *Qui indignè manducat, judicium sibi manducat*, ex quibus verbis apertè con- stat etiam reprobos manducare corpus Christi. Tum quia si impius non man- ducaret corpus Christi in Eucharistia, sed solum fideles, & electus; sequeretur corpus Christi non esse in Eucha- ristia ex vi consecrationis, sed ex vi communionis factū à fidele, & electo: in quo casu omnis electus, etiam lai- cus, conficeret hoc Sacramentum, quod neque admittunt ipsi adversarii.

Demum Christus sicut pro omnibus mortuus est, sic etiam pro omnibus Sa- cramenta instituit. Enō quoddā aliquando impii abutantur hoc Sacramento; hoc tamen non officit, quin accedentes ad mensam, & recipientes Eucharistiam, verè recipiant corpus Christi.

XI. BORBORIANI ex cœnosa Gnosti- corum propagine prodierunt, seculo secundo; dicti etiam Borbonitz, qui præter errores Gnosticos communes, re- ferente Philastrio.

Negabant futurum esse universale ju- dicitium. Repr. ex Symbolo Apostolo-

rum, & Nicæno, in quibus Christum venturum judicare vivos, & mortuos asseritur: Concilio Nicæno subscripsit, Toletanus 4. & Lateranense 4. sub In- nocentio III. Apertè veritas hæc legitur in Evangelio Mat. & 2. ad Cor. 5. v. 10. *Omnes enim vos manifestari oportet ante Tribunal Christi, ut referat unusquisque propria corporis, prout gessit, si- ve bonum, sive malum*, qui tex- tus stat pro manifestatione generali in ictu oculi, in novissima tuba, ab om- nibus simul faciendā, non verò quem- admodum ex torquere conantur hæreti- ci stat pro manifestatione particulari, quæ sequetur etiam post uniuscujusque mortem. Demum Christum judicaturum orbem in æquitate, constat ex psalm. 95. & 97. & ex Actibus Apost. cap. 17. ver. 31. Nec valet instare, quod Jo: 12. legitur: *Nunc judicium est mundi*, & Jo: 3. *Qui credit in eum non judicatur, qui autem non credit, jam judicatus est*, ad ex- cludendum universale judicium; nam in primo textu sensus est, quod diabo- lus à mundi possessione in Christi morte fuit eiec- tus; unde statim legitur: *Nunc princeps hujus mundi ejicitur foras*; In secundo autem textu, sensus est, quod qui vivit infidelis Christo, infallibili- ter condemnabitur in extremo judicio; idè de eo dicitur *Jam judicatus est*, sicut statim ac aliqui patravii enorme delictū, quod pœna mortis punitur, cum innotescit dicimus de eo, mortuus est, quia sci- mus infallibiliter à judice morte dam- nandum. Nec valet dicere superfluum esse judicium universale, cum statim post mortem sequatur particulare; quia licet homo statim post mortem justè ju- dicetur, attamen adhuc ad judicium universale vocabitur, ut omnibus ap- pareat, quā justè fuerit unusquisque à supremo Judice judicatus, in judicio particulari.

IV. BORRUS Author fuit in Asia, schismatis, quod postea vocatum fuit à Donato schisma Donatistarum, quia cum Episcopatum ambiret Carthaginensem, & in illo susceptum esse reperiisset Cæci- lianum, se ab Ecclesia separavit. schis- mate

mate fufcitato, adjuvante etiam Celſio, & quadam ſcœmina, potenti quidem, ſed faſtioſa, nomine Lucilla, quam ſæpè Czœilianus correxerat; ſed cum Czœiliani correptionem ægrè ferret, occasione arrepta, Botro contra Czœilianum ſe adiunxit; de hæreſi autem Botri in ſchiſma commutata, agetur verbo *Donatus*.

III. BRACHITA prodierunt ineunte ſeculo 3. & in multis ſentiebant cum Gnoſticis, in multis verò cum Manichæis.

XVI. BRANDEBURGENSES ARTICULI Anno 1614 menſe Februario Elektor Brandeburgenſis, cum aſſiduïs contentionibus Lutheranos, & Calviniſtas diſtinctionis ſuz digladiari cerneret, juſſit eun-ctos ſibi ſubditos miniſtros juxtà Auguſtanæ Confeſſionis, ejuſque Apologiæ correptionem Evangelium prædicare, conſtitutis ſequentibus articulis.

1. Imagines è ſuis Templis exterminandas. 2. Altaria demolenda, & in eorum locum die Cœnæ menſas ligneas ſubſtituendas, eas quidem panno nigro, & alba mappa coopertas. 3. Statuas, & Cruces rejiciendas. 4. In locum hoſtiarum die Cœnæ, tortis panis utendum, in longiora fruſtra diſcerptis, quæ in pelvi, diſcove majori, Cœnam ſuſcepturis offerantur; hi verò panem ſuis manibus ſumant, frangant, & comedant. 5. In Cœna caliceibus utendum non eſſe, ſed patenis, aut ſeipſis. 6. Nullas preces ante collectam fundendas. 7. Superpelliceis utendum non eſſe. 8. Neque candelis. 9. Nullum lintheum, aut umbellam iis, qui ſe ad ſumendam Cœnam offerrent, ſuperponendam. 10. Cœnam ſumendam nequaquam ſeſtendo genua, tametiſi in ea Chriſtus exiſteret. 11. Nullum Crucis ſignum poſt benedictionem faciendum. 12. Terga Miniſtris minimè vertenda. 13. Nec preces, nec epittolas cantu recitandas, ſed legendas. 14. Abjiciendam eſſe Confeſſionem auri-cularem. 15. Preces alta voce fundendas, non ſubmiſſa. 16. Cœnam ægrotis minimè tribuendam eſſe, præſertim tempore peſtis, ob periculum, quod im-

minere poſſet deferenti. 17. Amovendos à Templis fontes Baptiſmatis, & in eorum locum ſubroganda eſſe vaſa, manibus abluendis appoſita. 18. Nullum in Templis epitaphium tolerandum eſſe, nullum Crucifixum. 19. Reformandum eſſe Decalogum, & Catheciſmum. 20. S. Trinitatem, nec ſculptura, nec pictura repræſentandam. 21. Verba Cœnæ rectè expoſi, intelligique debere. 22. Solitam diebus Dominicis Epittolarum, & Evangeliorum anni explicationem abrogandam; legendum verò aliquem Bibliorum textum, & de eo prædicandum. Horum errorum reprobaſiones hic non inferuntur, quia ſparſim ſub aliis hæreticis adductæ exhibentur.

XVI. BRENTIUS Joannes, natione Sævus, ex Sacerdote, & Canonico Witembergenſi, factus apoſtata, uxorem duxit. Scdram Semilutheranorum amplexatus, etiam novæ ſectæ vexillum erigere ſtudit, novos diſſeminando errores, maximè circa exiſtentiam corporis Chriſti in Euchariftia, quod cum ratione unionis hypoſtatiz, ubique eſſe adſtrueret, factum eſt ut ejus ſectatores *Ubiquiſte* nuncuparentur. Scripſit Homilias in Evangelium Luc. pluribus reſertas erroribus. Vix duodecim annos natus vni cum Melanctone, & Bueero Heildebergam ſe contulit; ibi ſtudiis addiſtus, magiſteri gradum ætatis ſuz anno 15. obtinuit; ſed cum Lutheri ſcriptis, plus quàm par eſſet inſiſteret, & eidem ſe nimis ſceſſet ſoda-lem, ejuſdem Lutheri doctrinæ propagandæ ſe addixit, licet non omnes Lutheri novitates ſibi arriderent; Miſſam enim quamvis Lutheranus factus, ſemper celebravit. quam tamen ſolùm pro vivis offerbat, non pro defunctis, quipè qui illis nihil prodeſſe aſſereret. Contra Zuinglium præſentiam realem corporis Chriſti in Euchariftia ſuſtinuit. Maximè cum Tubinges Theologiam explanaret. Bis uxoratus, à prima uxore ſex, à ſecunda duodecim filios ſuſcepit. Brentio imputatum fuit bellum Germanicum, quod anno 1546. commiſſum fuit; quare ab Imperatore Carolo V. ad puni-

punitionem quaesitus, sub protectione Ducis Witembergenſis fugam arripiens; deſuncto Luthero, Lutherana ſynagoga anteſignanus conſtituitur: variis tamen editis ſue fidei confeſſionibus anno 1570. ætatis ſue 72. hominem exiit: ejus errores ſunt ſequentes.

1. Homilia 73. & 74. in Luc. affirmat in corpore Chriſti glorificato nullas ampliùs apparere vulnerum cicatrices. R. Luc. cap. 24. verſ. 39. *Videte manus meas, & pedes meos, quia ego ipſe ſum . . . Et cum hac dixiſſet, oſtendit eis manus, & pedes*, in quibus cum D. Thomas deteguiſſet vulnere cicatrices, ſtatim exclamavit: *Dominus meus, & Deus meus*; Joſ. cap. 20. verſ. 27. *Affer manum tuam, & mitte in latus meum, & noli eſſe incredulus, ſed fidelis*, quæ omnia contigiſſe poſt glorioſam Chriſti reſurrectionem, negari non poteſt; ergo in corpore Chriſti remaſerunt vulnerum cicatrices, cum quibus iterum apparebit in extremo judicio; legitur ſiquidem, in actibus Apoſt. cap. 1. verſ. 11. *Hic Jeſus, qui aſſumptus eſt à vobis in cælum, ſic veniet, quemadmodum vidisti eum euntem in cælum*. Nec valet objicere illud ad Cor. cap. 15. *Mortui reſurgent incorrupti*, quia ſignum præteritæ paſſibilitatis, nullatenus officiit corporum incorruptioni, nec cicatrices dicunt imperfectionem in corpore Chriſti, quin imò tanquam gemmæ ſplendidiffimæ erunt ornameto.

2. In recognitione ſue doctrinæ de Chriſti majeſtate, negat Chriſtum aſcendiſſe corporaliter in cælum. R. verbo *Auguſtiniani*.

3. Erravit in explicatione unionis hypoſtaticæ. R. verbo *Smidelinus*.

4. Dixit Evangelium veram legis rationem non habere, & Chriſtum in Evangelio nihil nobis præcipere, ſed ſolùm enunciare ea, quæ ſperanda ſunt, quia Evangelium *bonum nuntium* ſignificat. R. ex Concilio Trid. ſeſſ. 6. Can. 24. ubi aperte dicit anathema negantibus Chriſtum eſſe Legislatorem, de quo vaticinatus eſt Iſaias cap. 33. verſ. 22. *Dominus legiſer noſter*, & Jeremias cap. 31.

Tom. I.

Dabo legem meam in viſceribus eorum. Inſuper ex Evangelio conſtat Chriſtum inſtituiſſe præcepta, ad quorum obſervantiam nos obligat; ergo Evangelium verè habet vim legis. Antecedens patet ex illo Matth. *Euntes ergo docete omnes gentes, docentes eos ſervare omnia, quæcumque mandavi vobis*, Joſ. 14. *Si diligitis me, mandata mea ſervate*, Matt. 19. *Si vis ad vitam ingredi, ſerva mandata*. Tum quia ſi Evangelium non haberet vim legis, non peccaret qui baptiſmum non ſuſciperet; quod tamen neque admittunt ipſi hæretici, qui idèd baptizant ſuos parvulos, quia hoc aſſerunt eſſe in Evangelio præceptum. Si Evangelium non haberet vim legis, cum ceſſaverit lex Moſayca, nulli legi homo teneretur, quod falſum eſt, cum Joannis 13. Chriſtus dicat: *Novum mandatum dedi vobis*. Nec valet dicere, ad probandum quòd Chriſtiani non ſint ſub lege, illud ad Rom. 6. *Non eſtis ſub lege, ſed eſtis ſub gratia*, & ad Corinth. 3. *Ubi ſpiritus Dominus, ibi libertas*, vel ad Galatas 3. *Chriſtus nos redemit de maledictio legis*; nam per hos, & ſimiles textus, probatur Chriſtum nos liberaſſe à gravi lege Moſayca, quoad cæremonialia; ita ut non teneamur ampliùs circumciſionem pati, abſtinere à certis cibis, & ſimilia; ſed non probatur Chriſtum legem gratiæ non promulgaſſe, cui omnes parère tenemur, juxta illud: *Si vis ad vitam ingredi, ſerva mandata*, & aliud: *Niſi quis renatus fuerit &c.* Si Evangelium non haberet vim legis, ſuperfluo erat Chriſtum Evangelii obſervantiam præcipere: non ergo Chriſtus nos liberavit à lege, ſed à peccato, & à damnatione æterna; in quo ſenſu intelligendi ſunt alii Scripturæ textus, qui contra adduci ſolent ab hæreticis. Ceſſiorem hujuſmodi rei conſiderationem, ſi quaeras, facilè inveniens apud S. Auguſtinum paſſim explicantem, quomodò antiquus populus timore legis, propter ejus duram cervicem, ducebatur: Chriſtianus autem amore finis. Unde illis lex per Moysen, nobis autem ſpecialiter gratia per Chriſtum? ait Apoſtol.

S

5. Ec-

5. Ecclesiam non posse præcipere Jejunium. R. verbo *Aeriani*.

6. In suo catechismo cap. de Baptismo, dixit Baptismum esse validum, si Minister post recitatum à Cathecumeno symbolum, baptizet in hac forma: *Audi jam ex te confessionem fidei tue, quod credas in Deum Patrem, & Filium, & Spiritum sanctum, in hanc igitur confessionem, intingo te in aquam, ut hoc signaculo certus sis te in Christum insertum esse; ex quo sequitur per Brentium, virtutem Baptismi, non esse alligatam ad certam formam. R. ex Conc. Later. cap. Firmiter; ex Florentino in Decreto Eugenii, & ex Trid. sess. 7. Can. 3. ex quibus constat hanc solam, & non aliam esse veram formam Baptismi: Ego te baptizo in nomine Patris, & Filii, & Spiritus sancti: quam nimirum docuerat Christus, juxta Evangelium Matt. cap. ultimo. Nec valet dicere, quòd Christus quando contulit Discipulis potestatem ejiciendi dæmonia, dicens Marci ultimo: *In nomine meo dæmonia ejicient*, non præscripsit Apostolis, ut dicerent, ejicio te in nomine Christi; ergo neque præcepisse ut baptizarent sub dicta forma, quando præcepit eis ut baptizarent; nam disparitas est, quòd in casu de Baptismo, agitur de institutione Sacramenti, circa quam standum est Christi verbis, cum solus Christus habeat auctoritatem instituendi Sacramenta: in casu autem de ejctione dæmonum, Christus non instituit Sacramentum, sed simpliciter contulit potestatem ejiciendi dæmonia, virtute nominis ejus. Vide verbo *Actiani, Agnoeta*.*

7. Per Baptismum deleri solum peccatum originale. R. verbo *Fulgentius*.

8. In confessione Witembergensi cap. de Eucharistia, dixit Missam non esse Sacramentum. R. verbo *Le Brun*.

9. Voluit Eucharistiam dandam esse laicis sub utraque specie. Rept. verbo *Bobemi*.

10. De doctrina Religionis, dixit, unumquemque sibi posse arrogare judicium. R. Quia hoc posito unusquisque

posset, juxta proprium genium sentire circa dogmata fidei, & sic una non esset certa fides, & lex servanda, sed tot essent leges, quot de doctrina Religionis fierent pro libito unusquisque judicia. Cum tamen scriptum sit: *Unus Dominus, una fides*. Ad Ephes. 4. 5. Tum quia constat de facto exortas lites circa doctrinam Religionis, in quo casu controversia deducta est ad Supremum Pontificem, qui Judex certus est in materia fidei, & solus errare non potest, quippe cui dictum: *Rogavi pro te, ut non deficiat fides tua*; ergo solus Pontifex habet auctoritatem judicandi in doctrina Religionis, & nemo potest sibi de eadem arrogare judicium. Tum quia materia legis debet esse certa, quod falsum esset, si unusquisque posset de doctrina Religionis pro libito judicium proferre.

11. Præter Scripturas, nihil recipiendum fore. R. verbo *Bibliste*.

12. Traditiones Patrum omnino rejiciendas. R. ex Scriptura, quæ Luc. 10. vers. 16. de Sanctis Patribus ait: *Qui vos audit me audit*. Et Matthæi 10. vers. 20. *Non enim vos estis qui loquimini, sed Spiritus Patris vestri, qui loquitur in vobis*; ex quo patet, per unanimum Sanctorum Patrum consensum, nobis Spiritum sanctum loqui, & explicare Scripturam sacram. Item ad Eph. 4. ipse (idest Christus) dedit quosdam quidem Apostolos, alios autem Pastores, & doctores ad consumptionem sanctorum, in opus ministerii, in adificationem corporis Christi, ut jam non simus parvuli fluctuantes, & circumferamur omni vento doctrina. Quibus verbis asseritur, sanctorum Patrum explanationes fuisse à Christo traditas, ut insisteret eorum scriptis, & doctrinis, constantes in fide essemus. Demùm standum esse doctrinæ SS. PP. asserit Conc. Tridentinum sess. 4. Vide verbo *Bibliste*.

13. Ecclesiam non esse visibilem. R. ex ipsa definitione Ecclesie, quæ nihil aliud est, quàm societas hominum sub Christi capite, & legitimis Pastoribus Deo servientium; hujusmodi societas est visibilis; de ipsa enim, Scriptura ubique

que loquitur, tanquam de congregatione visibili: Matt. 18. habentur ad rem hæc verba: *Dic Ecclesia, si Ecclesiam non audierit &c.* Quæ verba de visibili catu intelliguntur: quomodo enim quis peccata fratris ad eum invisibilem deferre posset? De catu quoque visibili necessario debent intelligi hæc verba: Act. 20. vers. 8. *Attendite vobis, & universo gregi, in quo vos Spiritus sanctus posuit Episcopos regere Ecclesiam Dei*; sed super Ecclesiam societates invisibilis intellexeretur, utique gubernari non posset ab Episcopis: nec enim grex, qui non cognoscitur custodiri potest à pastore. Tandem teneretur quisque audire Ecclesiam, ad illam redire, si per schisma, aut hæresim sit extra illius sinum; neque enim aliquis extra Ecclesiam positus salutem consequi potest: at quomodo quis Ecclesiam audire, illi adhærere, ad illam redire poterit, si Ecclesia non sit visibilis? Vide verbo *invisibilis*.

14. Dixit corpus Christi esse ubique, idem non minus esse in pane Eucharistico, quam in alia re. R. Quia si ex unione corporis Christi cum Persona Verbi, corpus Christi esset ubique, ut asserit Brentius; sequeretur quod corpus Christi non minus esset adorandum in pane Eucharistico, quam in ligno, quam in qualibet alia re: item sequeretur quod hoc Sacramentum non foret à Christo institutum, sed quod ex necessitate corpus Christi esset in pane, & in omni alio subiecto materiali. R. etiam à Conc. Eph. quod definitivè contra Nestorium, volentem duas naturas ita esse simul unitas, ut quidquid de una dicitur, etiam de alia posset affirmari. Demum ubiquitas corporis Christi pugnat cum scriptura dicente, Christum hominem ratione humanitatis alibi non fuisse; sic Matth. ultimo legitur: *Non est hic surrexit enim.* Nec valet dicere corpus Christi non esse quidem ubique localiter, bene tamen esse ubique Divino modo; quia implicat corpus finitum posse esse Divino modo, & habere attributa propria solius Divinitatis: tandem si corpus Christi est ubique, illa verba consecrationis, per quæ

sit transubstantiatio: *Hoc est corpus meum*, dicendum foret esse superflua, quod neque ipse Brentius absolutè concedit.

15. Negat spectare ad Pontificem præsidere Concilio generali, sed vult spectare ad Imperatorem: afferens in veteri testamento primarios Iudices, in causis etiam spiritualibus, fuisse Principes, ut patet de Moyse, Josue, Davide, Salomone, Ezechia, Josia. R. ex Conc. Apostolico Act. 15. in quo Sanctum Petrum præsedisse S. Hieronymus affirmat. Item ex continua praxi. Tum quia illius est præsidere, vel per se, vel per suos legatos, qui omnes in Ecclesia præillius, talis est Rom. Pontifex. Exempla verò adducta nihil evincunt, quia in lege veteri Reges fuerunt vel Sacerdotes, vel Prophetæ, quibus aliquando Deus quædam extraordinariè committebat, quæ ad sacerdotes spectabant. Demum Malach. 2. vers. 7. legitur: *Labia sacerdotis custodient scientiam, & legem requirunt ex ore ejus.* Patet autem illi continere præscientiam, ad quem scientiam Dei proficere, & legem pronuntiare spectat. Vide infra num. 17.

16. Dixit descendere ad inferos esse penitus interire. R. verbo *Augustinus Marturatoris*, contra quem probavimus animam esse immortalem. Tum quia datur supplicium ignis æterni in inferno pro peccatoribus, ut probatum est contra Albanenses; ergo descendere ad inferos, non est penitus interire.

17. Dixit Romanum Pontificem non esse summum judicem in causis Religionis. R. Deuteronom. 17. vers. 8. *Si difficile, & ambiguum apud te iudicium esse perpexeris inter sanguinem, & sanguinem, causam & causam, lepram & non lepram . . . Surge, & ascende ad locum, quem elegerit Dominus Deus tuus, veniesque ad Sacerdotes Levitici generis, & ad judicem, qui fuerit illo tempore: quæresque ab eis, qui iudicabunt tibi iudicii veritatem. Et facies quodcumque dixerint. Qui autem superbievit, nolens obedire sacerdotis imperio, morietur.* Item ex lib. 2. Paralip. c. 19. v. 11. *Amarias autem Sacerdos, & Pontifex vester*

(inquit Rex Josaphat) in his , quæ ad Deum pertinent , præsidebit . Pontificem esse supremum Judicem in causis Religionis nervosè ostendunt plures SS. PP. inter quos eruditè perfringit hoc argumentum S. Bernardus in libris de consideratione , & epist. 189. ad Innocentium . Suffragatur etiam ratio , quia in causa Religionis , debet esse Juxta communis in tota Ecclesia , sed hic solus Romanus Pontifex esse perhibetur . Contra errorem istum Brentii graviter scripsit Card. Hosius librum de legitimis judiciis : alios etiam ejusdem errores egregiè reciecit .

XVI. BROCARDUS Jacobus Venetus , celeberrimus seculi 16. Fanaticus , à Catholica Religione defecit , ut Calvinismum amplecteretur . Inanibus præcipue visionibus studuit , & chimericis interpretationibus de prophetis quæ extant in scriptura sacra , quas in particularibus ejusdem seculi eventibus completas fuisse docebat . Quæ libertas interpretandi Scripturas , ab ipsi Calvinistis rejecta fuit , atque damnata in nationali eorum Synodo , Migdeburgi habita , anno 1581 .

XVII. BRUNISTÆ , ET BROCTUNISTÆ . Inter Calvinianas seisiones connumerantur Brunistæ , & Broctunistæ , dux scilicet , quæ in Hollandia anno 1619. vixerunt , occasione dissensionis factæ inter Arminianos , & Gommaristas : an autem in toto , vel solidum in parte sequerentur Arminium , vel Gommarum , incertum est ; sicut , & unde sibi hoc nomen assumpserint Brunistarum , & Broctunistarum , compertum non habeo . Ex Spond.

XII. DE RAVIS . Petrus de Brui Petrus Brufianorum hæresis Corifeus , in Delphinatû montibus ortus , duodecimo currente seculo , cum per viginti circiter annos errores suos in Provincia Arelatensi , & finitimis locis disseminasset , tandem captus , in urbe S. Agidii Nemovicensis Diæcesis , vivus igni traditus est ; cum ipse in die Parasæves plures cruces comburens , hoc igne uteretur , ad conficiendas epulas , quas suis sectatoribus aponebat . Impugnatores habuit Venera-

bilem Petrum Cluniacensem : ejus præcipui errores sunt sequentes .

1. Negat parvulis ante usum rationis prodesse Baptismum . Repr. Verbo *Anabaptista* , *Bucerus* , *Eleutheropapista* .

2. Non esse necessariam Christianis templorum constructionem , quia æquè Deus exaudit orantes in Ecclesia , ac in taberna . R. Verbo *Enstatius* . Idem ex his , quæ leguntur in sacris paginis de dedicatione templi facta à Salomone , ex cujus sacre historię serie , constat quàm accepta sit Deo oratio , quæ fit in templo , tanquam in domo , Deo specialiter dicata , ubi decentius , & Deus colitur , & à nobis exoratur . Vide verbo *Fausus Manichæus* , *Apostolici* .

3. Cruci sacre nullum deberi cultum asseruit , ideoque cruces confringi præcepit , quia (ut ipse blaterabat) fuit in cruce Christus dirè tortus , idè ad ultionem crucis , debet crux succendi . R. Verbo *Claudius Taurinensis* .

4. Negat in Missa offerri corpus Christi , & Missæ sacrificium nihil esse affirmat . R. Verbo *Fausus Manichæus* , *Confessionista Provinciales* .

5. Eleemosynas , & sacrificia oblata à vivis pro defunctis nihil mortuis prodesse . R. verbo *Aeriani Novi* .

XVI. BUCERUS Martinus natione Germanus , patria Argentinensis , apostatavit à Religione , quam professus erat . Negat tamen Picinardus professionem emisisse , sed adhuc novitium , spontè habitum dimisisse , asserit in libro de approbatione doctrinæ S. Thomæ . Circa annum 1530. suos caput evomere errores , junctus incestuoso , & sacrilego connubio cum Moniali , quæ fuit tredecies puerpera . Linguarum peritia celebris , primò inter Sacramentarios , & Lutheranos pacem , & concordiam stabilire plurimum est aggressus ; Hermano Colonienfî Archiepiscopo in suam hæresim inducto . Cum Lutherò Heildurgii aliquos habuit congressus , sed Zuinglianam Lutheranæ doctrinæ præferens , Ausburgim legatus ab hæreticis ut conventionem *interim* dictam subscriberet , non approbavit . Vix est inter Pro-

Protestantes invenire, qui copiosius; Bucero scripserit, & magis pro stabilienda hæresi insudaverit: deinde Angliam professicem, Apostolicæ reformationis disciplina in Anglia condita, traxit in suam sententiam de Eucharistia ipsum Lutherum. Obiit Cantabrigiæ, & à diabolo strangulatum fuisse traditur, ætatis annorum 61. Cujus ossa exhumata, jussu Mariz Regina Catholicæ, igne consumpta fuerunt: anno 1560. quinto ab ejus decessu.

1. Docuit corpus Christi esse substantialiter præsens in Eucharistia in solo usu; proinde extra usum Sacramenti nullatenus inveniri in Eucharistia. R. ex verbis ipsius Christi, qui cum dixit: *Hoc est corpus meum*, habebat panem præ manibus, & nondum dederat Apostolis, consequenter extra usum Christus asseruit corpus suum esse in pane consecrato: dixit siquidem: *Accipite, & manducate, hoc est corpus meum*. Tum quia si corpus Christi esset tantum in usu sub speciebus, sequeretur quod usus haberet efficaciam transsubstantiandi panem, & vinum in corpus, & sanguinem, non verò talis transsubstantiatio dependeret à prolatione verborum institutionis, facta per legitimum Ministrum. Tum quia supponamus Sacerdotem distribuere calicem vino plenum pluribus, sequeretur toties sub talibus speciebus inveniri, & non inveniri corpus Christi, quotquot essent, qui ad potum calicis accederent; nam dum primus bibit est usus calicis, & per Bucero ibi erit sanguis: dum secundus bibit de eodem calice, iterum est usus, & iterum erit sanguis, & sic successivè discurrendo, qui modus loquendi pater quam sit ineptus. Tum quia Eucharistia sit ut sumi possit, ergo non potest consistere in usu. Tum quia si consisteret in usu, minister hujus Sacramenti non esset Sacerdos, sed qui sumeret Eucharistiam, & sic omnes laici, imò etiam mulieres essent ministri hujus Sacramenti; Nec valet inferre ex illis verbis Matt. cap. 26. vers. 26. *Cænantibus autem eis, accepit Iesus panem,*

& benedixit, ac fregit, deditque Discipulis suis, & ait: Accipite, & comedite, hoc est corpus meum. Sacramentum Eucharistiæ consistere in usu, quia scilicet videatur ex illis verbis deduci prius Christum dedisse panem manducandum, deinde consecrassè, quia prius dixit: *Comedite*, deinde dixit: *Hoc est corpus meum*; non valet, inquam, hic discurrendi modus hæreticorum, quia illa verba Christi: *Accipite, comedite*, ab eodem præmissa, antequam diceret: *Hoc est corpus meum*, sunt verba invitantis discumbentes ad manducandum. Tum quia id quod Christus fecit prius, vel posterius in hac cæna, non est colligendum ex ordine verborum, sed ex eorum sensu, & certè sicut cibus est in mensa, antequam sumatur; ita prius corpus Christi debet esse sub speciebus antequam sumatur. Hanc hæresim damnavit Concilium Trid. sess. 13. Nec item valet instare, quod alia Sacramenta consistant in usu, ergo etiam istud. Disparitas enim est, quod Sacramentum hoc institutum est à Christo tanquam convivium animæ, ideoque debet esse permanens, ut ad illud possint accedere fideles. Tum quia hoc Sacramentum non modò cum cæteris causat gratiam, cum applicatur, sed etiam cum non applicatur continet substantialiter Christum, à quo est omnis gratia, unde debet esse permanens, non verò in solo usu. Demum est, quod Eucharistia sit instituta ut fideles illa utantur, idest ut manducent, non tamen fuit instituta per manducationem; cæterùm dicendum foret, quod manducatio esset actio consecratoria, qua posita ineptia, quam tamen fugere nequeunt adversarii, in eorum sententia, multa, ut leviter speculanti patet, sequuntur absurda.

2. Negat Christum post mortem ad inferos descendisse. R. verbo *Augustinus Marloratus*.

3. Corpus Christi in Eucharistia, quod in solo usu esse asseruit, dixit ore non percipi, sed fide, & consequenter qui fidem non habent, solum panem, & vinum, non Christi corpus, & sanguinem.

guinem sumere . R. Et quidem corpus Christi in Eucharistia non manducari per fidem, sed verè, & realiter sumi, constat ex illis omnibus textibus Evangelii, ex quibus evincitur in Eucharistia esse verè, & realiter corpus Christi : quæ de re videnda, quæ infrà dicentur contra Calvinum, & Sacramentarios . Item corpus Christi non manducari per fidem, constat ex verbis D. Pauli, ex prima ad Corinth. desumptis, ubi monet, quod probet seipsum homo, antequàm de pane edat, quia qui indignè manducat, iudicium sibi manducat : superflua autem foret hæc D. Pauli admonitio, si corpus Christi manducaretur solum per fidem, cum enim per ipsos hæreticos, sola fides iustificet; nemo posset indignè sumere corpus Christi; nam qui haberet fidem dignè sumeret, qui fidem non haberet, nullatenus sumeret corpus Christi . Tum quia si Sacramentum Eucharistiæ perciperetur sola fide, minister huius Sacramenti esset, quisquis cum fide panem susciperet, imò non modo panis Eucharisticus, sed quicumque alius panis usualis, cum fide susceptus, haberet rationem Sacramenti . Tum quia si existentia corporis Christi in Eucharistia dependeret à fide suscipientis, non esset miraculosa talis existentia, quam tamen miraculosam esse, non est qui neget . Tum quia si sola fide perciperetur corpus Christi, non dixissent Capharnaitæ : *Quomodo potest hic nobis carnem suam dare ad manducandum ?* ex quibus verbis evidenter colligitur, Christum naturali verborum sensu, locutum fuisse de reali corpore suo, quod volebat dare ad manducandum; quandoquidem talis propositio admirationem concitavit in Capharnaitis; quod si Christus expressisset, sola fide corpus suum suscipi posse, non fuisset quòd illi mirarentur . Nec valet dicere Christum de facto correxisse errorem Capharnaitarum, & eorum admirationem, dicendo : *Spiritus est qui vivificat, caro non prodest quidquam*, quibus verbis dicunt hæretici, Christum instruxisse Capharnaitas, quòd sola fide per-

ciendum erat corpus Christi; sed non est ad rem hæreticorum interpretatio; nam cum Christus alloqueretur Capharnaitas de hoc mysterio, ipsi credebant corpus Christi eodem modo manducandum, ac manducantur carnes cæterorum animalium, scilicet sub propria specie carnis mortuæ; idèò Christus ut Capharnaitarum errorem corrigeret, dixit : *Spiritus est qui vivificat*, scilicet, quòd non sub apparenti specie carnis, sed sub speciebus panis, sub quibus inveniretur totum, & realiter spirituali modo, præbuisset suum corpus ad manducandum, idèò dixit *Spiritus est qui vivificat, caro non prodest quidquam*; idest caro carnaliter accepta, sub apparenti forma carnis, eo pacto, quo caro animalium sumitur, non prodest quidquam; & quidem non profuisset ad salutem caro Christi, si quis Christo mortuo illius corpus dentibus dilaniasset, hoc enim fuisset scævire in corpus Christi, non Sacramentum sumere . Tum quia Christus voluit corpus suum esse cibum, sed Sacramentale : corpus autem Christi, prout est in cælo, non est Sacramentum, sed solum est Sacramentum, prout tegitur sub speciebus panis Eucharistici, & ibi est modo intensivo, & impassibili . Demum non valet instare, impossibile esse, quòd idem corpus possit simul, & semel esse in pluribus locis, & hinc benè evinci Christum non esse realiter sub speciebus panis; nam licet repugnet idem numero corpus esse in pluribus locis circumscriptivè (quòd Scholasticis disputandum relinquimus) nullatenus tamen implicat, quòd idem corpus sit in uno loco circumscriptivè, & in pluribus aliis Sacramentaliter, hoc enim dicit solum multiplicationem præsentis realis; non verò multiplicationem corporis . Et quidquid dixerint hætenus hæretici, nullam invenire poterunt rationem contrariam convincentem, scilicet esse impossibile idem corpus præsentialiter multiplicari . Debent hæretici probare hoc miraculum multiplicationis præsentialis ejusdem corporis, esse supra virtutem Divinæ omnipotentis,

tix, quòd hactenus non præstiterunt; quia cum hoc miraculum nullam dicat implicantiam ex intrinsecis principiis, ut constat ex solutionibus, quas adducunt Catholici contra objectiones hæreticorum: hinc manifestè evincitur posse à Deo fieri. Vide verbo *Boguiniani*.

4. Dixit parvulis Baptismum non esse necessarium ad salutem, & posse salvari etiam non baptizatos. R. Et quidem Baptismum esse necessarium necessitate mediæ, non modò parvulis, sed omnibus, & singulis juxta plurimum Conciliorum definitiones, quod postremo Concilium Tridentinum præstitit sess. 7. de Baptism. cap. 5. satis evincunt illa verba Jo: 3. vers. 5. *Nisi quis renatus fuerit ex aqua, & Spiritu sancto, non potest intrare in regnum Dei*; & Christus præcepit Apostolis, ut baptizarent omnes. Nec valet dicere illa verba Joann. 6. *Nisi manducaveritis carnem filii hominis* non inferre necessitatem omnibus sumendi Eucharistiam: ergo à pari, neque ista. *Nisi quis renatus erit*, non debere inferre necessitatem omnibus sumendi Baptismum. Disparitas enim est, quòd circa sumptionem Eucharistix Christus alloquebatur solùm adultos, ideò dixit *Nisi manducaveritis*; sed circa sumptionem Baptismi, omnes absque exceptione allocutus est, quod satis expressit dicendos *Nisi quis renatus fuerit*; sed & quare in hoc loco omnes intelligit; secus verò in illo? ratio est, quia regenerari ad vitam omnium spiritualiter viventium est; manducare autem est eorum, qui jam vivunt: ut patet exemplo rerum humanarum.

5. Dixit, quòd in solis libris Canonici est quicquid spectat ad salutem, quapropter reprobat traditiones. Repr. verbo *Biblistæ*.

6. Asseruit, quod nulla est in terris Ecclesia, quæ non erret, tam in fide, quàm in moribus. R. Nam Ecclesia Apostolica Romana, cui specialiter assistit Spiritus sanctus, qui, ut legitur Jo: 16. *Eam docet omnem veritatem*, contra quam dixit Christus, quod neque portæ inferi prævalerent, nunquam erravit

in doctrina fidei, vel morum, & eadem quæ ab initio proposuit credenda, adhuc nunc invariabiliter credit; ex quo satis evincitur Ecclesiam Romanam esse indefectibilem, & veram esse Ecclesiam, quandoquidem certum est, omnes alias Ecclesias, fuisse Ecclesias malignantium, in quibus fuere penè quor capita, tot sententiæ, ut videre est in Lutherana, & Calviniana, quæ ab ipsis Calvinistis, & Lutheranis, ad invicem contraria sentientibus, dilaniantur. Quòd si hæretici volunt Ecclesiam orthodoxam errare posse, imò errasse; assignent ipsi tempus in quo erraverit, & quando ab errore revoverit: si res ita contigisset, ut de factò Ecclesia errasset, & ab errore revixisset, dicendum foret, medio illo intervallo temporis, neminem potuisse salvum fieri, quia nemo salvari potest in Ecclesia errante. Quis autem hoc asserat, dari tempus in quo nemo possit consequi salutem? Adde, quòd si vera Ecclesia posset errare, cum Christus sit caput veræ Ecclesiæ, etiam talis error tribueretur Christo, cujus influxus defecisset; sequitur ergo veram Ecclesiam debere esse indefectibilem. Tum quia si nulla esset in terris Ecclesia, quæ non errasset, cum homo necessariò debeat esse de aliqua Ecclesia, non posset non errare: nec valet dicere, quòd in tri-duo mortis Christi omnes Apostoli amiserunt fidem, hoc enim falsum est; nam Christus post resurrectionem, exprobravit quidem eos, quod fuissent tardi ad credendum, non verò quòd amiserint fidem, quam neque amisit Petrus, cum negavit Christum, quia non corde, sed ore solo, & præ timore negavit. Nec Ecclesia erravit, etiam si probare possent hæretici aliquos Pontifices errasse in rebus fidei; nam si qui fuissent hujusmodi, errassent tanquam homines particulares, non tanquam Ecclesiæ caput, loquens ex cathedra. Neque inde posset inferri, quòd tota Ecclesia defecisset; nam errante aliquo Pontifice, Ecclesia immobilis permaneret in vera fide. Adde, quòd nemo potest extrà veram Eccle-

clesiam salvari, sed semper aliqui salvati sunt; ergo semper permansit vera Ecclesia, quæ errare non potest; in Ecclesia enim quæ errat, nemo salvatur. Tum demum, quæ de perpetua conjunctione Christi cum Ecclesia à Prophetis, & Apostolis dicta sunt, evincunt veram Ecclesiam non posse errare; quod necessarium est, ad hoc ut securi esse possimus de nostra fide; secus si Ecclesia posset errare nemo esset de sua fide securus. Vide verbo *Albigenses*.

7. Dixit, quod iram Dei in nos provocet, quidquid boni operis facere videmur; justificati autem, bona opera facimus necessarii. R. Nam Deus nos hortatur sæpe in sacris paginis ad bona opera, sed certe non hortatur ad ea, quæ possunt iram ejus provocare, ergo &c. Quod autem bona opera liberè faciamus post justificationem, probatur: quia homo justificatus tam est sui juris, postquam ante justificationem; ergo certe ante illam liberè operabatur, etiam idem asserendum post illam; cæterum dicendum foret justificationem esse privilegium onerosum, si per illam amitteremus libertatem, & inde meritum: citò quod non possit homo aliquid boni agere absque Divino auxilio; hoc tamen non tollit, quin actiones nostræ dicantur liberæ. Vide verbo *Bardehanes*.

8. Dixit esse quosdam homines sic factos à Deo ad conjugium, ut Deo repugnent, si non nubant. R. Nam licet possit admitti in homine major, vel minor propensio ad unum potius, quam ad alium statum, certum tamen est, hominem esse liberi arbitrii, & Deum reliquisse hominem in manu consilii sui, qui si velit nubere bene faciet, si non velit, melius facit. Tum quia si daretur homo ita à Deo factus ad conjugium, ut peccaret, si non nuberet; cum difficile sit discernere quis sit ita à Deo factus, omnibus enim datus est stimulus carnis, jam omnes tenerentur nubere, nè cuiquam contingeret se infcio, Deo repugnare, & sic superfluum foret con-

gillum Evangelicum, de servanda castitate.

9. Conjugibus qui simul habitare nequeunt, dixit permittendum alterum conjugium. Rep. Verbo *Armeni*, ubi ostendimus matrimonium quicumque de causa, esse indissolubile.

10. Dixit usuram non esse peccatum. R. verbo *Albanenses*.

Præter hos errores habuit alios cum Luthero, mox cum Galvino, communes; sed in illis asserendis constans non fuit, quippe ex Judæo oriundus; tandem à Luthero, & Galvino in morte decessisse, & Judæismum amplexatum esse aliqui asserunt, cum moriendo dubitaverit ad Christum fuerit Messias.

11. Dixit per baptismum deleri solum peccatum originale, quia asserbat, Baptismo suscepto, adhuc remanere carnis concupiscentiam, quam volebat esse peccatum. R. Quoad primum verbo: *Fulgentius*, quo ad secundum. R. Quia concupiscentiæ motus, non esse peccatum, constat ex D. Paulo, qui licet esset Apostolus, confirmatus in gratia, tamen de se ipso dicebat: *datus est mihi stimulus carnis &c.* Vide verbo *Albanenses*, *Arcontici*. Quis autem dicat Apostolum fuisse in peccato mortali, quia experiebatur motus carnis? utique peccatum est concupiscentiæ non resistere, non autem est peccatum concupiscentiam colaphizantem experiri. Tum quia concupiscentia residet in carne, non in anima; ergo non potest esse peccatum. Tum quia quantum est de se, non opponitur formaliter legi, aut rationi, sed tantum casualiter. Tum quia media gratia concupiscentiæ motus sunt vincibiles. Demum contra concupiscentiam omnes Sancti usque ad extremum spiritum semper decertarunt: ergo illam semper habuerunt, & tamen mortui sunt in gratia; ergo concupiscentia quantum est de se non est peccatum, quia ipsam contra voluntatem nostram exprimitur, & nullum est peccatum, nisi voluntarium.

12. BUDDAS Saraccus, Scythiani famulus, una cum Domino suo Manctem do-

docuit; diſus eſt etiam Therebintus; Empedoclis hæreſim ſecutus, gloria-
batur ſe ex Virgine natum, & in monti-
bus educatum. Compoſuit libros; quos
aliqui ſentiunt hæreditate à Scytiano ac-
cepiſſe, inſcriptos *De Myſteriis, de
Euangelio, de Theſauro*, multis reſertos
erroribus. Manetis præcurſor factus, à
Judæa pulſus, tranſiit in Perſidem, &
nè cognosceretur, immutato nomine,
Buddæ nomen aſſumpſit: profugus apud
viduam, dum dæmones ex teſto domus
invocat, divinitus percuſſus, proſtratus
eſt, & extinctus. Ex Suida.

Docuit duo eſſe contraria principia
rerum omnium, unum bonum, ſcilicet
amicitiæ; aliud malum, nempe diſcor-
diam. R. verbo *Manes*.

XVI. BUDNEITA. Sectæ Budneita-
rum parentem, quæ in Lithuania vaga-
batur, conſtituit Lindanus: *Adamum
Tailoris*. Videtur tamen probabilius à
Simone Budneo originem habuiſſe an-
no 1583. ſiquidem commune ferè eſt
omnibus ſectis, vel ab eorum auctore,
vel à ſpeciali errore auncupari; ſed cum
ex erroribus Budneitarum, eorum ſe-
quaces hoc nomen ſortiri non poſſint, à
Budneo auctore nomen habuiſſe credibi-
le eſt.

1. Dixit Chriſtum non eſſe ab æter-
no Deum, ad quam hæreſim aſtruen-
dam, centum & viginti loca Scripturæ
Budneus depravaverat, R. ex D. Joanne:
*In principio erat Verbum, & Ver-
bum erat Deus*; ly *In principio* ab omni-
bus Expoſitoribus intelligitur *ab æterno*.
Tum quia Chriſtus Deus eſt, & Deus
immutabilis; ergo & æternus. Tum
quia ſi Deus eſt, neceſſariò eſt: ergo
æternus. Tum quia incipere eſſe dicit
imperfectionem; ſed Dei eſſe excludit
à ſe omnem imperfectionem, ergo eſt ab
æterno. Vide verbo *Artemon*.

2. Spiritum ſanctum Deum eſſe ne-
gavit: ad hoc probandum falſificavit un-
decim loca Scripturæ. R. verbo *Airan*.

4. Articulum *Deſcendit de calis* nihil
aliud ſignificare, dixit, quàm concep-
tionem de Spiritu Sancto; Sanctificatio-
nem, & annunciationem voluntatis Dei,

Tom. I.

per miraculorum exhibitionem. R. Ex
omnibus Scripturæ locis, ex quibus
evincitur de factis Verbum Divinum in
utero Virginis incarnatum, quæ loca
non patiuntur aliam expoſitionem, ſe-
cundùm Sanctos Patres, quàm littera-
lem: huiusmodi eſt illud Joannis: *Ver-
bum caro factus eſt*, juxta quod legitur
in Symbolo, *Et incarnatus eſt de Spiritu
ſancto, natus ex Maria Virgine, & ho-
mo factus eſt*. Poſſibilitas incarnationis,
quæ nihil aliud eſt, quàm unio naturæ
humanæ cum Verbo in unitate ſuppoſiti,
quamvis poſitivo argumento probari non
poſſit; tamen ſacrarum Scripturarum au-
toritate aperitè ſuadet; & ex eo ſatis
patet, quòd concorditer Prophetæ om-
nes de hoc myſterio prædixerunt. Tum
quia nulla ratione naturali demonſtrari
poſſeſt impoſſibilitas Incarnationis, ut
latius probant Theologi. Tum quia ſe-
queretur, toties actum myſterium Incar-
nationis, quoties voluntas Divina nobis
eſt annuntiata, & miracula facta ſunt;
ſed nemo dixerit miraculum, quòd Petrus
ambulavit ſuper aquas, eſſe Incarnatio-
nem, ſic de reliquis miraculis diſcurren-
do; ergo falſa eſt Budneitarum inter-
pretatio.

4. In libris novi Teſtamenti multos
eſſe errores, ac falſitates aſſeruit. R.
Quia libri Canonici, qui Spiritu ſancto
revelante ſcripti ſunt, de quibus ait
Chriſtus: *Calum, & terra tranſibunt,
verba autem mea non prateribunt*, non
poſſunt ſubeſſe falſitati; cæterùm dicen-
dum foret Spiritum ſanctum falſa reve-
laſſe; ſed Spiritus ſanctus, ut ait Chri-
ſtus, qui eſt veritas: *Docet omnem ve-
ritatem*; ergo &c. Tum quia tot Doctores,
qui libros novi Teſtamenti inter-
pretati ſunt, nullam in iſtis deperire
potuerunt falſitatem, imò miram con-
cordiam in eſſe, omnes teſtantur.

BUGARI. Vide verbo *Sodomitici*.

VI. BUGAURIUS de Monte Falcone
oriundus, fuit à Sanctio Tarraconenſi
Archiepiſcopo publicè, & ſolemni-
ter condemnatus, in Synodo Tarraconæ
celebrata. Quo tempore Catalauniz Bu-
gaurius ſuos produxit errores, incer-
tum

T

tum

tum est. A Patre Josepho de Turre, Tomo 4. suarum Institutionum ad verbi Dei intelligentiam, reponitur inter hæreticos sæculi 6. Durandus dicit probabile esse, quòd post Lutherum dogmatizaverit; sed cum post Lutherum, in Synodis Tarraconensibus nulla fiat mentio de condemnatione Bugauri, multò ante Lutheri tempora, eundem vel per se, vel per discipulos suos, promulgasse erroneam doctrinam evincitur.

Ducit nullum esse opus bonum, nisi fiat ex puro, & sincero amore, quacumque ex causa fiat, etiam spe mercedis æternæ, seu animo videndi Deum intuitivè in gloria; unde improbabat eos, qui opera misericordiæ, & charitatis exercebant, præcisè pro vita æternæ consequenda; asserens nulli quantumvis iusto, licere in bonis actibus suis, respicere Deum tanquam remuneratorem. R. Quia in sacris paginis sæpè hortamur ad opera bona exequenda, ut æternam gloriam mereamur; unde Propheta: *Inclinavi cor meum* (inquit) *ad faciendas justificationes tuas in æternum, propter retributionem.* Et hoc innuit Apostolus prima ad Corinth. 9. vers. 24. *Sic currite, ut comprehendatis.* Insuper & Dominus in Evangelio: *Facite vobis amicos de mammona iniquitatis, ut cum defeceritis recipiant vos in æterna tabernacula.* Tum quia bonum est bene operari, ut gehennam fugiamus. Vide Conc. Tridentinum de justificatione; ergo bonum est operari ut gloriam eternam acquiramus. Tum quia actus attritionis, elicitus ex supernaturali timore gehennæ, est bonus; ergo etiam actus attritionis, elicitus ex timore amissionis gloriæ, est bonus. Tum quia quando Deus promittit æternam mercedem pro bonis operibus, non obligavit ad eligenda bona opera ex solo motivo amoris; imò ut ad bona opera nos aliceret, proposuit gloriam; cæterum debuisset proponere solum Divinam bonitatem, si opera ex quocumque alio motivo, quàm amoris elicita, non fuissent bona. Tum quia Christus ducit, ad acquirendam vitam sufficere mandato-

rum observantiam, juxta illud: *Si quis ad vitam ingredi, serva mandata*; Deum Conc. Trident. sess. 6. Can. 31. habet: *Si quis dixerit justificationem peccatorum intuitu æternæ mercedis operari, anathema sit*; & loca Scripturæ desumpta à Bugaurio, ex illo Matth. 19. & alibi, non evincunt Deum præcipere, ut ex solo motivo amoris bene operemur, sed solum, quòd nihil contra Deum mali faciamus; vel dico ex illis textibus evinci, opera propter solum Dei amorem elicita, magis esse Deo grata, quod conceditur; non autem evincitur mala esse opera bona, quæ sunt intuitu æternæ mercedis, respectu cujus ad bona opera excitamur à Christo, sicut patet ex prælaudatis Scripturæ textibus.

XII. BULGARI alio nomine vocantur etiam Mysii; habitant inter Istrum, & ænnem, multis annis in vera, & sancta Fide perseverarunt; sed cum ob locorum confinia, cum Orientalibus communicassent, in ritus Græcorum impigerunt, in quibus hucusque permanent. Vide verbo *Græci*.

XVI. BULINGERIUS. Tiguri in Cathedra pessilentis Zuinglii successit Henricus Bulingerius Helvetius, ex Presbytero Apostata uxoratus, qui longo tempore, ferè solus, dogma Zuinglianum de Eucharistia, libris editis, propugnare non erubuit. Perspicaci dotatus ingenio, vix annos undecim natus, Magisterii gradum Tholosæ obtinuit. Melanctonis scripta pervolvens, ab erronea doctrina captus, dum in Helvetia humaniores litteras edoceret, cum Zuinglio amicitia inita, ejus sensui firmiter adhæsit: sibi que valde complacuit, cum dirutas in Helvetia ab hæreticis Ecclesias, & projectas Sanctorum Reliquias conspexit; acres cum Brentio sæpè habuit disputationes: ætatis annorum 71. anno 1575. morte corripitur.

1. In præfatione suarum Homiliarum in Apocalypsim, scripsit non alium Antichristum in mundum esset venturum, quàm qui jam venit in Romanis

manis Episcopis . R. verbo *Blandiffa* .

2. S. Joannem Evangelistam, idololatricæ ob honoratum Angelum, accusavit . R. Iisdem rationibus, quibus ostenditur Sanctus esse honorandos . Vide verbo *Vigilantius* .

XVI. **BURRELISM** . Sic dicti sunt à quodam Adamo Burrelo Zelando, qui hæbraicam, latinam, & græcam linguam callebat . Memnonitarum placita plerumque sectantur, quamvis eorum Conventibus non adsint . Strictioris vitæ genus fingentes, facultates suas distribuendis elemosynis impendunt . Universas adversantur Ecclesias, Sacramentorum usum rejiciunt, preces publicas damnant, & exteriores quibus Deum colimus functiones condemnant ; Ecclesias (quotquot Apostolos, primosque eorum successores subsequutæ sunt) ab illibata eorum doctrina defecisse contendunt ; quod infallibile Dei verbum in veteri, novoque Testamento contentum, fallibilium Doctorum commentis explicari, & corrupti permiserint ; quod confessiones, catechismos, liturgias, & homilias hominum opera, tanquam Divina nobis exhibeant . Solum Dei verbum, absque hominum explanatione legendum affirmant .

XVII. **BURRUS** Joseph Franciscus Nobilis Mediolanensis, currente seculo 17. acutum fortius ingenium ; emenso Romæ Theologiæ studio, chemicæ arti applicavit, ut illa mediante, portentosas infirmorum curationes, magni nominis famam, & gloriam acquireret : sensui illecebris deditus, ex quibus in alios declinavit excessus, timore carceris in Ecclesia asyllum querens, ibique diu visitans, novus homo sanctimonix deditus, sed reverà hypocrita, apparere curavit . Novam sectam instituens, se novum Christum predicans, duodecim Apostolos congregavit, & quasi spiritu prophetix esset illustratus, ventura prædicere contendens, cum Angelis sæpè loqui blaterabant . Romæ cum suis sequacibus aufugens, Mediolanum se contulit, ubi quadriennio occultus hæreticus suam fecit mansionem ; sed tan-

dem detectus, apud Lutheranos in Germaniam fugivit, deinde Amstelodamum, ubi tanquam novus Apollolus habebatur, propter prodigiosas infirmorum curationes, quas occultis remediis efficiebat ; sed ibi patris excessibus, Danimarcam, Moraviam, aliasque regiones profugus peragravit : tandem jubente Imperatore conquistus, & detentus Romam transmittitur, ubi tanquam hæreticus damnatus, perpetuo carceri anno 1672. mancipatur, & in Castro S. Angeli pœnitens decessit . Deitatem, tertiam in Trinitate entitatem esse prædicans, mox Arianus, mox Nestorianus apparebat, suis sectatoribus amplas divitias, patrimonia, possessiones, principatus, omnesque felicitates promittens, quibus promissionibus plures allucinati, eundem secuti, sed postmodum capti, tanquam hæretici, debitam perfidix pœnam luerunt .

1. Sanctam Virginem verè Deam esse docebat . R. verbo *Collidiant* .

2. Eandem in Augustissimo Eucharistiæ Sacramento, realiter esse presentem asseverabat . R. Nam ex vi verborum institutionis hujus Sacramenti, patet nullatenus corpus Virginis esse sub speciebus Eucharisticis : Christus enim, ubicumque de hoc Sacramento disseruit, nunquam de Virgine Matre mentionem fecit .

3. Mysteriorum intelligentiam per illuminationis viam se communicare posse jactabat . R. Nam Divinorum mysteriorum intelligentia est specialis Dei gratia, à Deo communicata, quibus sibi placuerit ; ergo per illuminationis humanæ, & naturalis viam, communicari nequit mysteriorum supernaturalium intelligentia, de quibus loquitur Psalmista : *Tenebræ aque in nubibus aeris*, significans obscuram esse in hac vita mysteriorum Divinorum intelligentiam, ad quam non nisi per Dei gratiam potest homo pertingere . Adde, quòd ut plurimum contingit, ut qui per Dei gratiam habet mysteriorum intelligentiam, neque, possit eandem communicare . Sic Paulus vidit Arcana, quæ tamen non licuit homini loqui .

XIV.



ABASTIAS natione Græcus, nomine Nicolaus, scripsit contra Sarracenum Thomam Aquinatem de Spiritu sancto.

Ab intercessionem à solo Patre, cui respondit Demetrius Sydonius pariter Græcus. Ex Cocchio.

XVI. CACANGELI, sive pseudo Evangelici, sunt illi, qui etiam tempore Apostolorum, se in Apostolos Christi transfigurantes, cum potius essent demonis ministri, erroneam doctrinam promulgabant; sed jam hoc nomen melius congruit sectariis Calvinianis, & Lutheranis, qui novam, & inauditam promulgantes doctrinam, mundum Christianum suis infernalibus dogmatibus pervertere student. De quibus agit Præteolus.

XI. CADALOITE. De Cadaloitis mentionem facit Baronius ad annum 1061. qui utique novam sectam non invenerunt, sed sic asserit nuncupatos fuisse à Cadaloo Parmensi Episcopo, qui Antipapa electus, contra Alexandrum II. prævalente factione Henrici IV. Imperatoris, sub nomine Honorii II. salutatus fuit, qui milite stipatus Romam venit, ut urbis dominium acquireret, sed à Godefrido Etruræ Marchione expulsus, iterum numerosiori collecto milite, Romanæ urbis possessionem, sed incassum tentavit; hoc malum provocante Gerardo Galsæ Comitæ, ob sua flagitia à Nicolao Pontifice excommunicato: adeo turpem vitam ducebat cum suis similibus incontinentibus Clericis, ut qui hætenus dicti erant ab auctore Nicolaitæ, deinceps dicendi essent à propagatore Cadaloitæ: teste Leone Hostiensis, veridico illius ætatis Scriptore. Damnatus fuit Cadalous in Concilio Germanico, præsentem Rege, rursusque in Mantuano anno 1064. præsidente Annone Archiepiscopo Colo-

nienfi, in quo Cadalous reprobatus, & Alexander, utpotè legitimus Pontifex, receptus fuit.

XVI. COBLESTES PROPHETA, Secta sunt Anabaptistæ, inter Antilutheranos recensentur à Gravina. Hostius credit illorum ducem fuisse Montzerium, circa annum 1525.

Dicebat non esse credendum verbo Dei scripto, sed illi, quod in corde hominis internus spiritus testaretur. Rep. Quia in hac sententia non esset una certa regula fidei; sed tot essent regulæ fidei, quot forent internæ inspirationes; una autem est fides, ergo una solum certa esse debet regula fidei. Tum qui sequeretur quoddam unum & idem dogma, prout uni inspiratum esset bonum; & prout alteri non inspiratum esset malum, & per vias omnino contrarias, possem homines consequi salutem. Tum quia sæpe credimus bonas esse internas inspirationes, quæ de facto malæ esse perhibentur, & facile est in his discernendis decipi; ergo homo non debet sequi, tanquam verbum Dei, internas inspirationes, sed sacram Scripturam; quia cum internæ inspirationes tunc solum reperiantur esse bonæ, quando sunt conformes regulis fidei, quæ exhibentur in sacra Scriptura, sequitur sacram Scripturam esse habendam pro verbo Dei.

II. CAIANI, dicti etiam Caini, circa medium secundi sæculi debacharunt: Caini nuncupati sunt, quia patrem suum Cain faciebant, cum impiissimis viris Caino, Core, Sodomitis, & Juda proditore cognitionem habere gloriabantur, tribuentes Judæ proditori, præ cæteris Apostolis, majorem cognitionem: idcirco dicebant pudam effecisse proditoris mysterium: sub nomine ejusdem Judæ Evangelium promulgantes. Dicebant etiam Jdam tradidisse Christum, quia præcognoverat Christum voluisse doctrinam legis per-

vertere. Insuper illum tradidisse, quia sic erat prædeterminatum: proinde Judam, ac Judæos nullum peccatum commississe in occisione Christi; imò Judam tanquam Sanctum predicabant, propter beneficium exhibitum generi humano. Promulgant libellum impietatis refertum, cui erat titulus: *Asseñsus Pauli*; horum hæreticorum insaniam fustus refert, & confutat S. Epiphanius hæres. 38., & certè quantum spectat ad consuetam sanctitatem Judæ, falsi sunt reprobat à Scriptura, quæ Judam proditorem damnatum testatur: Joannis siquidem 6. vers. 71. Judas diabolus dicitur: *Vnus ex vobis diabolus est*, & Act. 1. vers. 18. usque ad 25. agitur expressè de Judæ iniquitate, & damnatione.

1. Dicebant neminem salvari posse, nisi omnia peccata commississet. R. ex eo, quod dixit Christus: *Si vis ad vitam ingredi, serua mandata*, sed mandata Dei prohibent omne peccatum, ergo &c. Tum quia legimus Christum promississe gloriam benè operantibus, & pœnam malè agentibus, quod ex sententia, quam proferet in extræma discessione, clare constat. Tum quia legimus, quòd nihil coinquinatum intrabit in regnum cælorum. Demùm ex psal. 14. *Domine quis habitabit in tabernaculo tuo &c. qui ingreditur sine macula &c.*

2. Unumquemque esse secundum naturam, vel bonum, vel malum. R. verbo *Saturninus*.

3. Cum peccatum committebant, Angelum invocabant, in cuius opere, & actione se malè operari protestabantur. R. Quia homo liberè operatur: est siquidem liberi arbitrii, ut contra *Bardanes* probatur; ergo non operatur malè, in actione alterius, quia opera hominis, sive bona, sive mala, homini imputantur, quoniam actiones sunt suppositorum; Tum quia si homo malè operaretur in actione Angelorum, Angelis non hominibus imputaretur peccatum, sed Angeli dati sunt hominibus, ut eos adjuvent ad bonum, ut custodiant nos in omnibus viis, ne forte offendamus ad lapidem; ergo &c.

VI. *CALDEI* Monothelitarum hæresim amplexati, eandem sub Pauli Quinti Pontificatu publicè affirmavit Christus nec esse aliud, nec aliud à Patre. R. Ex omnibus Scripturarum locis, in quibus Christum Patrem esse minorem asseritur, & ibi Christus homo esse perhibetur. Hinc enim esse Christum, & alium, & aliam Personam à Patre evincitur (licet aliud à Patre dici non possit; quia ly *aliud*, juxta S. August. significat diversitatem essentia) Christum tamen quia homo est, aliam etiam habere naturam negari nequit, dicitur enim de Christo, non de Patre, quod sit natus, quod sit passus, mortuus; ergo &c.

IV. *CALISTUS* Unà cum Botro, Episcopatum Cæciliano collatum ambiens, Botri errorem; & factionem promovit. Vide *Botrus*.

IV. *CALISTUS* Fuit Sabelij hæresi contaminatus, & à Silvestro Papa in Conc. Rom. damnatus; ex Bar.

XV. *CALIXTINI*. De Calixtinis mentionem facit Spondanus anno 1421. quos eosdem esse asserit, ac Pragenfes, qui ferè in omnibus cum Ecclesia sentiunt, excepto quod sustinent necessarium usum Calicis, scilicet communionem sub utraque specie esse exhibendam; unde & Calixtini vocati sunt. Calixtini verò, de quibus agit Spondanus, facta collatione temporis, iidem sunt, ac Bohemi, de quibus sub nomine *Bohemi* actum. Porro hæc hæresis juxta Gravinam innovata est circa annum 1561. à quibusdam Semilutheranis, qui in usu Calicis vitam constituentes, ubique locorum, hæc verba: *Bibite ex eo omnes*, scribebant; adhærentes Luthero in usu Calicis, in reliquis ei adversantes: ex quo constat Calixtinis, de quibus agit Gravinam, diversos esse ab illis, de quibus mentionem facit Spondanus, licet posteriores priorum hæresim tantummodo innovaverint. Contra usum communionis sub utraque specie, disertè scripserunt.

runt plures auctores Catholici, facili negotio solventes omnes rationes, ab hæreticis in contrarium adductas, quod novissimè præstitit Martinus Becanus in suo manuali controversiarum.

XVI. CALVINUS. Joannis Calvini vitam, scripsit Theodorus Beza ejus discipulus, sed plurimis refertam mendacijs, utpotè ab adulatore discipulo, & cum magistro iniquitatis complice exaratam. Scripsit insuper Hieronymus Bolzeri Medicus Lugdunensis, & Jacobus Saingei Doctor Sorbonicus, quam sparsim refert Spondanus, ab anno 1534. usque ad 1564. Natus est apud Novionum, olim Noviodunum in Galliis anno 1509. parentibus ignobilibus. Fratrem habuit nomine Carolum, Presbyterum, qui nocturno tempore sepultus est inter quatuor columnas furcæ publicæ. Adolescens Novioduni studuit, & ab ejus affine Gerardo, duo beneficia Ecclesiastica sibi renuntiata suscepit, quæ Simoniacè vendidit. Parisiis ad Juris Prudentiæ studium animum applicuit, & inde Bitturings professus, magnam Andream Alciatum audiuit, leges explicantem, ubi cum Volmario, qui Lutheranus erat, amicitiam iniens, & hæresi Lutherana, ab eo infectus, re detecta [alij sentiunt ob Sodomiam] exulare cogitur, & apud Angolismam divertens, ibi suppressa causa sui exilij, & nomine literas Græcas, quas à Volmario didicerat, docuit, sub nomine *Deparchan*. Hinc Germaniam post triennium peragratus, Galliam progressus, Piclavium se contulit, ubi suos cepit disseminare errores, & præcipuè suum signum circa Eucharistiam. Edidit Basileæ suos libros, quos vocavit *Institutionum*; primùm Gallicè, deinde repetitis vicibus Latine, & Gallicè pro animi levitate, sæpè ab ipso confectos, resectos, & defectos. Quot erroribus refertæ sint institutiones Calvini, quis enarrare valeat? nullam est antiquam hæresim invenire, quam ipse non refri-caverit, sicut eruditè ostendit Gaultierius, qui centum ejus capita examinat, in quibus præcipuè defecti. Alii ducen-

tos & trigintasex errores in ejus operibus signarunt, sicut videre est apud Conradum Schluserburgium Lutheranium. Franciscus Fevardentius Ordinis Minorum, mille & quadringentes Calvinistarum errores excussit, ac refellit. Primi Calvini discipuli fuerunt *Antonius Dugujus* Professor Academicus, *Philippus Verosius* sedis Procurator, *Aberius Papingus*, & *Juanues Vernovius* Piclavienfes, à Calvino dimissi ad Piclavienfes, Sanctones, Angolismenses, Burdigalenses, Aquitanos, Tholosanos, ut suæ falsæ doctrinæ semina spargerent. Interim Calvinus Genevæ receptus, paulò post pellitur in exilium, & Argentoratum se recipit, ubi sit uxoratus anno 1542.

Extinctis ejus Adversariis, quorum opera fuerat à Genevensibus dimissus, Genevam revertitur, ubi scripsit contra *Interim Casareum*, & hortatus est Angliæ protectorem ad necem Catholicorum: nihilominus hæreticos puniendos censuit, ejusque censuram primus expertus est *Servetus*, Calvino impellente combustus. Sed & ipse Calvinus, quam tetra morte anno 1564. decesserit, notum est omnibus, licet occultare studuerint ejus sectatores. Certum est testimonio, non solum Scripturam Catholicorum, sed etiam aliorum Calviniana labe infectorum, qui tantam veritatem occultare nefas esse duxerunt; certum est inquam, Calvinum demones invocantem, sibi maledicentem, & intollerabilem fatorem ex ulceribus emittentem, quem adhuc vivum *Bucerus* ejus intimus amicus, canem rabidum vocabat, canis ad Insular decessisse. Diversæ sectæ ab ipso denominatæ sunt, de quibus sub proprio nomine agemus. Calvinismus esse gradum ad Atheismum, & Turcismo esse conformem, non negabit, qui hujusmodi sectæ exprobandos errores considerans, eisdem cum Turcarum moribus, non parvo fœdere junctos reperiet. Ut Calvinianæ doctrinæ insufficientia appareat, satis erit dicere, quòd vix est inter Calvinistas, in eadem domo invenire, eadem

dem sentientes circa Religionem; ferè quot capita, tot sententiæ. Scimus tam sectam mollium, quam rigidorum, à Calvino originem habuisse, & toto cælo esse contrarias. Compertum habemus Calvinistas Gallos, dissidere à Zuinglianis, & Tigurinis: Constat Calvinistarum in Anglia divisionem, in Anglo-Calvinistas, & Puritanos factam. Quomodo vera ejusdem promulgatoris esse potest doctrina, quæ tot schismata patitur? Una hæc sola ratio bene à Calvinistis perpenfa, sufficeret ad eosdem convincendos, & ad viam veritatis, quam profert sola Romana Ecclesia perducendos: patet ipsis hæc veritas. Audivi ego (cum Calvinistis sermone inito de vera Religione) Calvinistas, Religionem nostram tanquam unicam, veram, & bonam ad salutem obtinendam consistentes. Ipsi viderint, qui vident meliora, probantque, & deteriora sequuntur. Jam, ut nostri est instituti, brevitatis limites propositos pertransimus, breviter præcipui Calvinii errores proponendi, & reprobandi occurrunt.

1. Libro Gallico de æterna Dei prædestinatione fol. 239. sic loquitur; Non recipio hoc mendacium, & delirium, quod Deus fit sine reprehensione, quidquid faciat, propterea quod nulli legi devinctus sit. R. lib. Num. 23. 19. *Non est Deus quasi homo, ut mentiat, nec ut filius hominis ut mutetur*, Jacobi c. 1. 17. *Omne datum optimum, & omne donum perfectum deorsum est, descendens à Patre luminum, apud quem non est transmutatio, nec vicissitudinis obumbratio*; Tum quia de essentia Deitatis est, quod sit irreprehensibilis, & indefectibilis. Deus odio habet malum. Deus neminem provocat ad malum, ut visum est contra Blastum, ergo Deus est irreprehensibilis, cæterum non esset infinite bonus. Demum omnia laudant, & enarrant ejus gloriam, ejus bonitatem; ergo &c. Vide verbo *Beza*, contra quem probavimus Deum esse impeccabilem.

2. Ad caput 25. Isaïæ asserit: Commentum illud de absoluta potentia Dei, quod Scholastici invexerunt, exectan-

da blasphemia est; simile habet ad caput 11. Job concione 45. & lib. 3. institutionum cap. 24. §. 2. R. verbo *Arnaldus Brix*: ubi probatum est Deum esse omnipotentem; & certè absoluti potentia Divina, de qua loquuntur Scholastici, præterquamquod tot miraculis est comprobata, ut jam penè ipso naturæ lumine nota videatur, deducitur etiam apertè ex Scriptura Matth. 19. vers. 26. *Apud homines hoc impossibile est, apud Deum autem omnia possibilia sunt*. Hanc absolutam potentiam, per quam Deus omnia potest, novit Job 42. vers. 2. *Scio quia omnia potes*; & Psalmo 105. 2. *Quis loquatur potentias Domini*; & Luc. 1. *Non erit impossibile apud Deum omne verbum*; ergo præter ordinariam potentiam, qua Deus ut author naturæ operatur effectus naturales, datur in Deo absoluta potentia, per quam operatur mirabilia, & supernaturalia. Vide verbo *Arnaldus Brix*: & verbo *Bassus*.

3. Lib. adversus Valentinum gentilem, refutatione 10. ait: Patri subiectum Filium, etiam secundum Divinitatem: Impropriam, & duram esse locutionem Symboli Nicæni: *Deum de Deo, lumen de lumine*; ex quo manifestè deducitur, negasse filium in Divinis esse consubstantialtem Patri. Idem evincitur ex eo quod scribit Calvinus ad caput 14. Gen. vers. 18. in Armonia Evangelica ad caput 22. Matthæ ad illa verba: *Dixit Dominus Domino meo*, ad caput 26. Matthæ. vers. 64. ad cap. 18. Marc. vers. 19. ad caput 1. Jo. vers. 9. ad cap. 6. vers. 55. & 57. ad cap. 17. Jo. vers. 12. lib. gallico de actis Servet. impresso anno 1554. fol. 219. lib. 1. Insa. cap. 13. §. 19. & 23. epist. 2. ad Polonos, ubi asserit Christum secundum naturam etiam Divinam, Patre minorem esse, ex quibus omnibus locis constat Calvinum negasse cum Ario consubstantialitatem Filii cum Patre: Repr. verbo *Arius*.

4. Lib. 1. Institutionum cap. 13. §. 9. 23. & 24. duas in Christo Personas confingit, quandoquidem proficitur se ibi discurre de Christo, quatenus est Persona Divina, & nondum loqui de Christi,

sto, quatenus gerit Personam mediatoris. R. verbo *Nestorius*.

5. In Armonia Evangelica ad cap. 3. Matt. vers. 16. ad cap. 9. vers. 2. ad cap. 21. vers. 18 ad cap. 24. vers. 36. ad cap. 2. Luc. vers. 40. Christum ignorantia laborasse, asserit. R. verbo *Agnostia*.

6. Libro 22. Institutionum cap. 16. §. 9. ad cap. 30. Job, in Cathéchismo edito anno 1562. negat Christum descendisse ad inferos: diversimodè interpretatur illa verba: *Descendit ad inferos*. Deinde eodem capite, Christum damnatorum penas, in suo ad inferos descensu, passum blasphemam. R. verbo *Augustinus Marloratus*.

7. Lib. 4. Institutionum cap. 17. §. 29. negat Christum clauso monumento resurrexisse, & clausis januis ad Discipulos intrasse. Rex aperto testimonio Matth. 28. vers. 11. & Jo. 20. vers. 19. Tum quia Christus majora his miracula perpetravit, utpotè resuscitare mortuos, multiplicare panem, ergo potuit ad confirmandam fidem nostram hæc miracula facere, quandoquidem similia operatus est in Sanctis suis. Deinde resurgens corpus spirituale, ut ait Apost. 1. ad Cor. 15. vers. 44. dotibus spiritus auctum, nulla impeditur quantitate.

8. Scribens ad Polonos contra Stancharum, Christum mediatorem esse asserit, etiam secundum Divinam naturam, ita ut natura Divina, etiam ante Incarnationem mediatrix officium exercuerit. R. Quia Scriptura testatur Christum mediatorem esse, prout est homo: ait enim Apostolus ad Tim. 2. *Unus mediator, Dei & hominum, homo Christus Jesus*: at cur Apostolus addidit vocem *homo*, nisi ut significaret Christum esse mediatorem in humana natura, quatenus simul habet utramque in una persona? Tum quia Dei Filius, ante Incarnationem nullatenus fuit mediator inter Deum, & homines, qui nullo ex officiis, quæ mediatori propria sunt perfunctus est, tunc enim non fuit Dei Patris ad homines nuncius; tunc pro hominibus non oravit, nec orare potuit, tunc etiam non potuit se ipsum pro hominibus propitia-

tionem offerre. Vide verbo *Concordista*.

9. Deum facit autorem peccati, quandoquidem lib. primo Instit. cap. 17. §. 11. asserit Deum imperare peccatum, & divinitus efficaciam erroris, & seductionis immitti; ita ut homines peccando, se habeant præcisè tanquam instrumentum, quod aliud facere non potest, quàm quod voluerit artifex, quam blasphemiam confirmat lib. 2. Instit. cap. 4. §. 5. R. Quia Deus est essentialiter Sanctus, & essentialis sanctitas est incompatibilis cum omni, vel levi macula peccati, & si Deus non esset essentialiter Sanctus non esset perfectus, neque esset Deus. R. etiam ex his, quæ dicta sunt contra *Blasium*.

10. Lib. 3. Institutionum cap. 23. hominis lapsus, non tantum à Deo præscitum asserit, sed decretum, & prædestinatum à Deo esse contendit; quapropter non solum ad damnationem, sed ad illud peccatum, quod erit causa damnationis, vult reprobos Dei ordinatione prædestinari. R. verbo *Blasius*.

11. Lib. 11. Instit. cap. 2. & lib. Responsionum contra Pighium, dicit in homine, etiam post Baptismum, remanere concupiscentiam, quæ est peccatum. R. Unica auctoritate Conc. Trid. sess. 7. in decreto de peccato originali, ubi ait: *Manere autem in Baptizatis concupiscentiam, vel fomitem hæc Synodus facit, & sentit, quæ cum ad agonem relitta sit, nocere non consentientibus, sed utiliter per Jesu Christi gratiam repugnantibus non valet, quin immò qui legitime certaverit, coronabitur*. Hanc autem concupiscentiam, quam Calvinus peccatum appellat, S. Synodus declarat Ecclesiam Catholicam, nunquam intellexisse peccatum appellari, quod verè, & propriè renatis peccatum sit, sed quia ex peccato est, & ad peccatum inclinat; si quis autem contrarium senserit, anathema sit.

12. Lib. 3. Instit. cap. 13. §. 15. & 16. asserit hominem non justificari per gratiam sanctificantem; quam mediis bonis operibus Deus nobis concedit, sed per solam fidem, ideo negat necessitatem bono-

bonorum operum ad salutem . R. Ex his quæ dicta sunt contra *Antinomus*, *Aetianos*, & *Amfidorium*.

13. In Antidoto Conc. Trid. & lib. 3. Institut. cap. 2. §. 16. docet oportere eos, qui verè justificati sunt, absque dubitatione apud se ipsos statuere, se esse justificatos; Maximè improbitatis esse asserere, quòd nemo scire fidei certitudine potest, se gratiam Dei consecutum; fidem justificantem hanc certitudinem, & securitatem involvere; neminem esse justificatum, nisi qui se justificatum crediderit. Rep. Hæc omnia quæ ad unicam propositionem reducuntur, nimirum justificationem esse certam respectu nostri. Hanc tamen incertam esse constat. Primò ex Scriptura, proverb. 20. *Quis potest dicere mundum est cor meum, purus sum à peccato Ecclesiastici 9. Nescit homo utrum amore, an odio dignus sit.*

Prima ad Cor. 4. ait Paulus: *Nihil mihi conscius sum, sed non in hoc justificatus sum.* Constat. 2. ex eo quòd scire non possumus, an totam legem in qualibet materia gravi servaverimus, per ignorantiam enim vincibilem aliquando graviter sumus culpabiles, & in gravia crimina nonnumquam clavis oculis incidimus. Sæpè opera quæ nobis recta videntur Deus odit; ut Prov. 14. vers. 12. quia sæpe prodeunt ex aliqua occulta concupiscentia, quæ larvata videatur charitas, vide Conc. Trid. sess. 6. cap. 6. ubi ait, quemlibet de sua gratia formidare, & timere posse, cum nullus scire valeat certitudine fidei, cui non potest subesse falsum, se gratiam Dei esse consecutum. Vide idem Conc. eadem sess. can. 12. 13. 14. & 15. ubi satis perspicue hoc fidei dogma contra Calvinistas decernit. Hoc tamen notandum est, quòd certitudo de præsentia Spiritus sancti, quæ Paulus nonnumquam in suis Epistolis recenset, intelligi debet, vel de certitudine morali, non metaphysica, vel de præsentia per potentiam, & per miracula, non verò per sanctificationem formalem, ni-

Tom. I.

si Deum speciali privilegio revelet.

14. Lib. 3. Institut. cap. 2. §. 11. & 12. docet fidem, & justitiam propriam esse electorum, & semel verè acceptam, nulla ratione amitti posse, & qui ab ea excidere videntur, nunquam eam verè habuisse. Insuper docet in Antidoto Conc. Trid. in Can. 28. §. 11. 6. peccata omnia ex infidelitate manare, vel saltem ex fidei defectu. R. Primò probando fidem esse amissibilem: ex sacra Scriptura, qua docemur orasse Christum pro Petro, ut ejus fides non deficeret. Deinde ipse Dominus monuit: *Habete fidem Dei*: poterant ergo illam amittere. Justos in gravia scelera posse incidere quæ ipsos habeant à regno calorum excludere, patet ad Rom. 8. *Si secundum carnem vixeritis, moriemini.* Ezech. 18. Deus inquit: *Si avertitis se Justus à justitia sua, & fecerit iniquitatem, morietur.* Ex doctrina de inamissibilitate justitiæ sequitur, vel plures parvulos non justficari dum baptizantur, vel semel eo Sacramento justificados, nunquam excidere ex sua justitia, quamvis postea per multos annos ita impiè vivant, ut excommunicationis pœna mulctentur; certi nimirum de sua in bono perseverantia; quemadmodum ex eo quòd certi sint de suæ animæ immortalitate, timere non possunt, ne anima moriatur, sed hoc repugnat his Christi verbis apud Matt. 10. v. 28. *Time te cum qui potest & animam, & corpus perdere in gehennam.* R. 2. altera pars quæ dicit, omnia peccata ex infidelitate manare, contra definitionem Concilii Trid. sess. 6. cap. 17. ubi ait: *Si quis dixerit nullum esse peccatum mortale, nisi infidelitatis, aut nullo alio quantumvis gravi, & enormi, præterquam infidelitatis peccato semel acceptam gratiam amitti, anathema sit.* Calvinus fundat hoc suum falsum dogma contra Tridentinum in hoc, quòd solam fidem justificare, solamque satis esse ad vitam æternam assequendam, sufficere, asserat; verum hoc est omnino erroneum, quia hæc vox sola conjuncta cum fide justificante, nullibi in Scriptura reperitur; imò fidem non satis esse,

V

ut

ut quis iustificetur D Jacobus expresse asserit in sua Epist. Canon. c.2. *Videtur* (ait) *quoniam ex operibus iustificatur homo, & non ex fide tantum*. Vide verbo *Actiani*, *Antinomi*.

15. Lib.2. Instit. cap.8. §.19. & alibi dicit omne peccatum esse mortale. R. verbo *Lutherus*.

16. Fidelium peccata mortem non mereri, non quia mortalia non sint, sed quia ipsi à Dei misericordia non imputantur. R. Ex his, quæ modò in superiori reprobatione diximus, ostendendo solam fidem non iustificare; nec satis esse ad vitam æternam consequendam; deinde D. Jacobus in sua Epistola Can. cap.2. ait: *Quid prodest fratres mei si fidem quis dicat se habere, opera autem non habeat?* Constat igitur ex sacra Scriptura alia peccata præter infidelitatem à Deo imputari; quod si imputantur, & mortalia sunt, utique mortem merentur, juxta enim gravitatem peccati, à iusto Iudice infligitur pœna. Quia tamen Canonicas Epistolas Calviniani non recipiunt; recolant saltem veteris, & novi testamenti libros, in quibus nihil crebrius, aut fortius commendatum, quàm bene operari.

17. Ex mandatorum observantia non pendere salutem adstruit; & in hoc differre vult legem ab Evangelio, quia Evangelium non promittit vitam sub conditione operum, sicut promittebat lex, sed ex sola fide Evangelium vitam promittere: In Antidoto contra Tridentinum Can. 20. R. sit satis constat falsitas ex eo, quod sæpè hortamur in sac. pag. declinare à malo, & facere bonum; & in psalmo 14. expresse legimus necessitatem bonorum operum, ut possideamus hæreditatem Domini; ex quo deducitur necessaria mandatorum observantia; ex qua si non pendet salus, ut contendit Calvinus, superfluum fuisset quòd Deus mandata sua exhiberet. Item in Evangelio legitur: *Si vis ad vitam ingredi serva mandata*, ex quo evincitur falsum esse, quòd ex sola fide Evangelium vitam promittit; & tàm in lege scripta, quàm in lege Gratiz, semper ne-

cessaria fuit mandatorum observantia ad obtinendam vitam; & certè fidem sine operibus mortuam esse, nec solam sufficere ad salutem (ut moris sui est sibi contradicens) Calvinus etiam dixit cum lib.3. Instit. cap.11. §.19. de hac materia differens scripsit, *fides tamen qua iustificat, non est sola*.

18. Confessionem peccatorum dicit non esse institutam jure Divino, ejus usum olim fuisse liberum; satisfactionem ad pœnitentiam non esse necessariam, nec Deum posse pœnis satisfactoriis placari, & satisfactiones nostras pugnare cum satisfactione, & efficacia mortis Christi, lib.3. Instit. cap.4. R. Christus Jo: 20. post resurrectionem suam discipulis dixit: *Accipite Spiritum sanctum, quorum remiseritis peccata, remittuntur eis, quorum retinueritis, retenta sunt*; quibus verbis, juxta sententiam omnium sacrorum Doctorum, potestatem dedit Sacerdotibus absolvendi homines à peccatis, sed Sacerdotes non possunt peccata dimittere, nisi priùs illa cognoverint, quoniam qui sententiam de aliqua re debet dicere, oportet ut plenè rem eandem priùs cognoscat, qui enim judicat quæ non novit, Iudex injustus est. Peccata autem aliorum, maxime quæ secretò, & intra cordis latebras commissa sunt, Sacerdotes non possunt agnoscere, nisi ipsimet peccatores Sacerdotibus revelent. Qui ergo Sacerdotibus potestatem remittendi peccata dedit, illis eisdem verbis, peccatoribus obligationem confitendi peccata sua injunxit. Nec valet dicere laudatæ Christi verba: *Accipite Spiritum sanctum &c.* intelligenda esse, de potestate prædicandi Evangelium, vel consilium innuere, non autem præceptum. Nullius roboris esse istam responsionem constat ex Conc. Trid. quod sess. 14 Can.3. hæc ait: *Si quis dixerit verba illa Domini Salvatoris: Accipite Spiritum sanctum, quorum remiseritis peccata, remittuntur eis, & quorum retinueritis, retenta sunt, non esse intelligenda de potestate retinendi, & remittendi peccata in Sacramento Pœnitentiæ, sicut Ecclesia Catho-*

Catholica ab initio semper intellexit; detorserit autem contra institutionem istius Sacramenti ad auctoritatem prædicandi Evangelium, anathema sit, & Can. 6. iterum ait: Si quis negaverit Confessionem Sacramentalem, vel institutum, vel ad salutem necessariam esse jure litvino, aut dixerit, modum confitendi secreti soli Sacerdoti, quem Ecclesia Catholica ab initio semper observavit, & observat, alienum esse ab institutione, & mandato Christi, & inventum esse humanum, anathema sit. Insuper R. Calvinus in eo quod dixit, satisfactionem ad penitentiam non esse necessariam. Evangelium Luc. 3. expressè præcipit lapsis, ut Deo per penitentiae labores satisficiant. *Facite ergo fructus dignos penitentiae.* Item à primis Ecclesiae temporibus fuerunt plures Canones penitentiales, ad quorum normam lapsi post Baptismum debebant satisfacere: nec valet dicere, quòd si satisfactiones essent lapsis necessariae, Christus per suam passionem plenè non satisfecisset pro peccatis nostris, contra illud, quod dicitur prima Jo: 2. *Ipse est propitiatus pro peccatis nostris, non pro nostris autem tantum, sed etiam pro totius mundi:* non valet inquam; nam non idè nostræ satisfactiones cum Dei auxilio exhibitæ requiruntur, quia non addit satis virtutis in satisfactione exhibitæ à Christo; sed in tantum requiruntur, quia Christi satisfactionis virtus, nobis non applicatur, nisi interpositis nostris satisfactionibus, quæ & procedunt ex gratia, & suam vim habent, & fortiantur ex Christi satisfactione. Vide Conc. Trident. sess. 14. cap. 9.

19. Lib. 3. Institut. cap. 5. asserit Indulgentias esse Sanguinis Christi profanationem. R. Verbo *Lutherus.*

20. Lib. 3. Institutionum cap. 5. §. 6. negat dari Purgatorium; orationes, & suffragia oblata pro mortuis, ipsis proficere. R. quoad primum, quia plures sunt animæ, quæ descendentes ab hoc seculo plurimas habent peccatorum venialium sordes, quas numquam, dum hic viverent mundaverunt, tales autem animæ non descendunt in infernum, quo-

niam nullus in charitate decedens, propter sola venialia perpetuò damnatur; nec ad gloriam ascendunt, quoniam ad eam gloriam non transibit pollutus, ut ait Isaías 35. cui consentit Jo: Apocalypsis 21. *Non intrabit in eam aliquid coinquatum,* ergo oportet dari locum in quo animæ illæ recipiantur, quousque sint tanquam aurum in fornace mundatæ, ut sic possint intrare in patriam, in qua nihil coinquatum admittitur. Quòd autem hujusmodi animæ adjuvari possint suffragiis, elemosynis, & piis Fidelium precibus, probatur ex lib. 2. Machabæorum cap. 12. in quo dicitur, quòd *Vir fortissimus Judas duodecim millia drachmas argenti misit Jerusalem offerri pro peccatis mortuorum sacrificium,* deinde concluditur: *Sancta ergo, & salubris est cogitatio pro defunctis exorare, ut à peccatis solvantur.* Rejicit quidem, Calvinus librum istum; sed adeat Concilium Florentinum: ex Evangelio, & ex Paulo Purgatorium probatur. Vide verbo *Albanenses,* contra quos probata est existentia Purgatorii.

21. Lib. 2. Institut. cap. 17. admonitione de reliquiis, ubi agit de ligno Crucis, dicit adorationem Crucis, esse reprobam diabolicam. Repr. verbo *Claudius Taurinensis.*

22. In armonia Evangelica ad cap. 1. Luc. vers. 34. ait non magnopere laborandum est, ut Mariam purgemus ab omni vitio, ex quo asserto, & sequentibus, videtur prætere de Mariam peccasse. R. verbo *Lutherus.*

23. Item loco supracit. vult Mariam non fuisse Virginem, sed cognovisse virum. R. verbo *Antimariani.*

24. Lib. 1. Institut. cap. 14. §. 8. habet. De ordinibus Angelorum qui definire audent, videant quales habeant fundamentum. R. ex sac. pag. ubi de ordinibus Angelorum fit mentio, in Testamento veteri de Angelis sermo habetur Gen. 3. vers. 24. Isaías 6. 1. Dan. 10. 13. sed clariùs ad Eph. 1. 20. ad Colos. 1. 16. prima Petri 3. 22. demùm in Liturgia. D. Petri, D. Marci, & D. Jacobi de ordinibus Angelorum clarè disseritur.

25. Ad cap. 32. Gen. vers. 1. lib. 1. Inſtit. cap. 14. §. 7. ad pſalmum 90. negat unicuique deputatum eſſe Angelum cuſtodem. R. Pſalmo 90. verſ. 11. & 12. *Angelus ſuis mandavit de te, ut cuſtodiant te in omnibus viſis tuis.* Item, pſalm. 33. *Immittet Angelus Domini in circuitu timentium eum.* Matth. cap. 18. verſ. 10. *Videte ne contemnatis unum ex his puſillis; dico enim vobis, quia Angeli eorum ſemper vident faciem Patris,* ex quo evincitur unicuique noſtrum datum eſſe Angelum tutelarem, cui ex adductis verbis conſtat quòd debemus honorem deferre. Nec dicendum quod hæc Angelorum cuſtodia detrahat humanæ libertati, vel eſſe injurioſam Deo; nam potiùs contrarium evincitur; cuſtodia enim Angelorum nobis inferuit, ad faci-liùs ſuperandas tentationes Dæmonis; & cum Angeli ſint Dei miniſtri, ad noſtrum ſolamen etiam nos commiſit Angelorum, tutelæ; ex quo ſequitur non eſſe Deo injurioſam hanc cuſtodiam, imò potiùs vergit in Dei laudem, qui licet ſit primarius cuſtos hominum, adhuc ſibi complacuit deputare in cuſtodiam noſtram ſingulari ſuos miniſtros, ſcilicet Angelos, ut ſpiritualem ordinem uſque ad inſimum gradum per miniſteria rectiſſimè diſponat: qui inſimus gradus eſt humanæ naturæ.

26. Lib. 1. Inſtit. cap. 14. §. 12. ad cap. 24. Gen. verſ. 27. ad cap. 2. Epistol. ad Coloſ. negat Angelos pro nobis orare, eſſe adorandos, & invocandos. Repr. Gen. 48. verſ. 16. *Angelus, qui eruit me de cuſſis malis, benedicat pueris iſtis, & invocetur ſuper eos &c.* Gen. 19. verſ. 1. *Venerunt duo Angeli &c.* Adoravitque pronus terra. Numitum cap. 22. verſ. 11. Joſue 5. 15. lib. 1. Paralyp. cap. 11. verſ. 16. Job. 5. 1. Tobie 12. 12. dixit Angelus ad Tobiam: *Quando orabas cum lacrymis, ego obtuli orationem tuam Domino.* Angelos eſſe honorandos probatum eſt contra Bullingerium. Vide etiam verbo *Vigilantius*.

27. Lib. 4. Inſtit. negat dæmones torquentes humana corpora poſſe ab Exorcistis, & ſanctis hominibus ejici.

R. Matth. 8. 28. *Cum veniſſent tranſfretum in Regionem Geraſænorum, occurrerunt ei duo habentes dæmonia...* Et ecce clamaverunt dicentes *Quid nobis, & tibi Jeſu filij Dei? Veniſti hic ante tempus torquere nos, &c.* Item Matth. 9. 32. Matth. 17. 14. Marci 1. 23. Luc. 11. 14. & alibi in ſac. pag. exempla proferuntur, per quæ comprobatur Chriſtum ejeciſſe dæmonia, quam poteſtatem contulit Sacerdotibus, unde legitur Matth. 10. 1. *Et convocatis duodecim Diſcipulis, dedit illis poteſtatem ſpiritus immundorum, ut ejicerent eos.* Marci 16. 17. *Signa eos, qui crediderint, hæc ſequentur: In nomine meo dæmonia ejicient.* Sed & in ſac. hiſtoriis innumera exempla hujus authoritatis à Deo collatæ Eccleſiæ ejiciendi dæmonia proferuntur, & frequenter in Eccleſia experimur. Vide Card. Bona lib. de diſcretionem ſpiritus cap. 11. num. 14.

28. Lib. 3. Inſtit. cap. 25. §. 6. habet. Stultum & temerarium eſt inquire-re in quo loco ſint animæ juſtorum, & an gloria fruuntur, nec ne; ex quo dicendi modo, videtur cum negare ſanctas animas poſt diſceſſum ex hac vna, frui gloriâ æternâ. R. Luc. 23. verſ. 43. *Hodie mecum eris in Paradiso.* Joſua 26. *Ubi ſum ego, illic & miniſter meus eris.* Joſua 14. 2. *In domo Patris mei manſiones multe ſunt, quia vado parare vobis locum.* Joſua 17. 24. Secundà ad Cor. 5. 1. & 16. evincitur Sanctos poſt diſceſſum à corpore frui gloria; unde deſiderabat Apoſtolus diſſolvi, & eſſe cum Chriſto. Demùm animas ab omni peccato purgatas, ſtatim obtinere præmium, probabitur verbo *Millenarii*.

29. Lib. 1. Inſtit. cap. 11. §. 11. & alibi non patitur cultum exhiberi Sanctis, vel Angelis. Repr. verbo *Beza*, & *Bullingerius*.

30. Imagines Chriſti, & Sanctorum, in Eccleſiis retinendas eſſe, negare videtur ex eo, quod habet lib. 1. Inſtitut. cap. 11. §. 3. R. verbo *Iconoclaſta*.

31. Sanctorum reliquias religioſè ſervandas, & colendas eſſe negavit, in admonitione de reliquiis. R. verbo *Eudoxius*.

32. Peregrinationes ad loca Sanctorum dicit esse inanes . R. 1. Regum cap. 1. vers. 3. *Et ascendebat vir ille statim diebus ut adoraret in Silo* . Actuum 20. 16. *Festinabat Paulus, si possibile sibi esset, ut diem Pentecostes faceret Ierosolymis* . Sed & Christi exemplo, atque parentum eius confirmatur, quàm sanctum sit ad loca sancta peregrinari, legitur enim Luc. 2. 41. *Et ibant Patres Iesu per omnes annos in Ierusalem, in die solemnium Pascha* ; Tum quia est signum honoris, quod defertur locis sanctis ad ea peregrinari ; ergo bonum, & sanctum est devotionis ergo loca sancta adire . Vide verbo *Claudius Taurin* .

33. Ad cap. 4. Luc. dicit Scripturam sacram sub Papatu obsolevisse . R. verbo *Lutherus* .

34. Calvinus, testante Beza in ejus vita, Librum Canticorum, impuram esse cantionem blasphemavit . R. Testimonio unanimi Græcorum, & Latinorum Patrum, qui hujus libri sacra mysteria per explanationes ab ipsius factas exposuerunt ; inter quos eruditè S. Bernardus , ab ipso Calvino commendatus, scripsit in Cantica .

35. Lib. 1. Institutionum cap. 11. §. 8. quædam quæ in Sapientia lib. scripta sunt, falsa esse contendit . R. verbo *Albanenses*, ubi etiam reprobatum circa alia sua signa, deliria, & blasphemias, quas evomit in alios Scripturæ libros, quos vel in toto, vel in parte rejicit .

36. Lib. 2. Instit. cap. 16. §. 18. dubitat an symbolum Christianæ fidei, fuerit ab Apostolis conscriptum . R. Testimonio Clementis I. epist. 1. S. Ignatii epist. ad Magnesianos, S. Irenæi lib. 1. cap. 2. & sic successivè omnium Sanctorum Patrum, qui symbolum fidei, ab Apostolis conscriptum fuisse, indubitanter asserunt .

37. Monarchicum regimen esse optimum etiam pro regenda Ecclesia negat Calvinus lib. 4. Institutionum cap. 6. §. 9. R. Jeremiæ 12. vers. 10. *Pastores multi demoliti sunt vineam meam, quam calamitatem experta est Ecclesia, tempore*

quo fuerunt schismata . Item Jos 10. 16. *Fiet unum ovile, & unus Pastor* . Tum quia sub regimine monarchio Christus constituit Ecclesiam, quandoquidem dedit claves soli Petro, ergo dicendum monarchicum regimen esse optimum, si hoc præ aliis fuit à Christo stabilitum pro regenda Ecclesia . Tum quia si in Ecclesia non esset regimen monarchicum, neque haberi posset una certa fides, plures enim in potestate pares, diversimodè sæpè sentirent in rebus fidei, & sic non posset haberi una certa fides . Tum quia regimen monarchicum inter omnes, utpote excellens, commendatur ab ipsis Gentilibus poetis, atque philosophis, imò ab ipsa natura . Tum quia ab orbe condito, usque ad annum præfentem, perpetua successione, semper fuit unus Ecclesiæ præfex, & Monarcha, sicut videre est apud eos, qui ea de re catalogum texuerunt .

38. Lib. 4. Instit. cap. 6. §. 7. negat Petrum fuisse principem à Deo constitutum, sed parem, non superiorem cum reliquis Apostolis potestatem habuisse . R. verbo *Lutherus* .

39. Ad cap. 22. Jeremiæ, negat Petrum fuisse Romæ Episcopum . R. verbo *Carolus Molinæus* .

40. Lib. 4. Instit. cap. 6. scribit non esse ex Christi instituto primatum Romanæ Ecclesiæ, neque Papam posse esse totius Ecclesiæ caput . Repr. verbo *Lutherus* .

41. In Gregorium VII. dictum Hildebrandum debacchatur in scholiis, quæ scripsit in epistolam Pauli . R. Quia de ipso tanquam Sancto officium celebratur . Eundem celebrant summis laudibus Scriptores omni exceptione majores, quorum hac de re testimonia, in unum collegit Coccius lib. 7. de Hierarchia Ecclesiæ artic. 17.

42. Lib. 4. Instit. cap. 7. §. 24. dicit Rom. Pontificem esse Antichristum . R. verbo *Lutherus*, *Bartholomeus Janovicius*, *Blandifla* .

43. Lib. 4. Instit. cap. 4. §. 2. Episcopum parem facit Presbytero in dignitate, & jurisdictione . R. verbo *Aeriani* .

44. Lib. 4.

44. Lib. 4. Inſtit. cap. 3. §. 1., & in reſponſione ad Sadoletum, Eccleſiam deſeciffe contendit, & eodem modo eſſe extinctam, ac cum homo jugulatus, dicitur mortuus. R. Matth. 16. 18. *Super hanc petram aſedificabo Eccleſiam meam, & porta inferi non prevalebunt adverſus eam*. Item Matth. 28. 20. Luc. 21. 32. 33., & pluribi aſſeritur Eccleſiam Chriſti nunquam deſecturam adeò expreſſis verbis, ut circa hanc veritatem non ſit dubitationi locus. Tum quia cum lex Evangelica ſit lex gratiæ, conveniens eſt legem gratiæ utpoſt jugum leve, & onus ſuave, permanere uſque ad conſumationem ſeculi.

45. Lib. 1. Inſtit. cap. 15. §. 8. deſcribens primi hominis conditionem, nullam facit mentionem ſupernaturalium donorum; & integritatem, quam habuit in ſtatu innocentiz, fuiſſe ipſi naturalem contendit. Repr. verbo *Lutherus*.

46. Lib. 2. Inſtit. cap. 3. §. 7., & 11. negat dari liberum arbitrium. R. verbo *Bardeſanes*.

47. Lib. 2. Inſtit. cap. 18. §. 1. & 9. Item lib. 3. Inſtit. cap. 23. §. 8. aſſerit, quòd ex Dei impulſu homo peccat. R. verbo *Blafius*, & *Beza*.

48. Admonitione 2. contra Weſtphalum contendit infantes ex fidelibus genitos ſanctos eſſe, & Eccleſiæ membra cenſeri debere, etiam antequam baptizentur. R. Quia tam filios fidelium, quàm infidelium contrahere eulpham originale, conſtat Job. cap. 14. verſ. 4. *Quis poteſt facere mundum de immundo conceptum ſemine? nonne tu qui ſolus es?* ergo per hoc, quòd quis naſcatur à fideli, non remanet immunis à culpa, ergo non gignitur ſanctus, ergo non poteſt inter Eccleſiæ membra cenſeri; nam Eccleſiæ membra per ſolum Baptiſmum diſtinguuntur. Tum quia omnes naſcuntur filii iræ: dicit enim abſque ulla exceptione Apoſtolus ad Romanos 5. *In omnes homines mors pertransiit, in quo omnes peccaverunt*; ergo omnes naſcuntur filii iræ: Unde Joann. 3. legitur, neceſſitatem Baptiſmi ad omnes omninò extendi: nec valet probare peccatum

non extendi ad omnes, textu Apoſtoli ad Rom. cap. 5. verſ. 14. *Regnavit mors ab Adam uſque ad Moſen, etiam in eos qui non peccaverunt in ſimilitudinem pravaricationis Adæ*: Ex quo inferunt hæretici, ergo aliqui non peccaverunt in ſimilitudinem pravaricationis Adæ; ſed contra eſt, nam in eodem textu Apoſtolus aſſerit mortem regnaſſe in omnibus, etiam in lege naturæ, quamvis peccatum perſonale non commiſerint; regnaſſe, inquam ratione peccati originalis, unde ſequitur, textum potiùs ſtare contra adverſarios; ex eo enim inferitur, quòd etiam qui non peccant perſonaliter, ſcilicet in ſimilitudinem Adæ pravaricationis, adhuc contrahunt peccatum originale.

49. Lib. 2. Inſtit. cap. 7. ſcribit. Sit extrà controverſiam, impoſſibile eſſe in hac carne legis implementum. Rep. verbo *Lutherus*.

50. Negat realem exiſtentiam corporis Chriſti in Euchariſtia, dicendo panem, & vinum in hoc Sacramento ſe habere præciſe ut ſymbolum, revocans ad noſtram notiſſimam paſſionem Chriſti. R. verbo *Anabaptiſta*, contra quos probatur realis corporis Chriſti exiſtentia in Euchariſtia. Tum quia, ſi ut ait Calvinus, ad rationem Sacramenti Euchariſtie ſufficeret aliquod ſignum revocare memoriæ paſſionis Chriſti, & ejus mortem, omnes imagines repræſentantes hoc myſterium forent Sacramentum; imò ſpecies impreſſæ hujusmodi imaginum, remanentes in phantaſia, quæ aliquando nos excitant ad memoriæ paſſionis Chriſti, forent Sacramentum, & ſic haberemus hoc Sacramentum in noſtra phantaſia.

51. Lib. 3. Inſtit. cap. 20. negat Sanctos in cælis pro nobis intercedere. R. Lib. 2. Machabæorum cap. 15. Judas in viſu vidit Oniam, qui fuerat ſummus Sacerdos orare pro omni peccato *Judeorum*. Ab eodem etiam Onia audivit: *Hic eſt fratrum amator, & populi Iſrael; hic eſt qui multum orat pro populo, & univerſa ſancta Civitate, Jeremias Prophetæ Dei*. Angelus Zachariæ primo ſpeciali-

cialitèr pro Juda, & Jerusalem orat : *Domine exercituum. usquequo. tu non miseraberis Jerusalem, & urbem Juda, quibus iratus es ? Iste jam septuagesimus annus est.* Tobiz cap. 12. Angelus Raphael sic Tobiam alloquitur : *Quando orabas cum lacrymis Ego obtuli orationem tuam Domino.* Quæ mox prolata sunt ex Scripturis, à Patribus laudantur, ut beatorum spirituum pro hominibus intercessionem asserant. Vide verbo *Albertus, Vigilantius.*

52. Lib. 4. Instit. cap. 10. negat Ecclesiam habere potestatem ferendi leges, quæ obligent in conscientia; nam Christus Luc. 10. Apostolos, eorumque in Ecclesiastico regimine successores sic alloquitus est : *Qui vos audit, me audit, & qui vos spernit, me spernit.* Apostolus 1. ad Thessalonic. 4. asserit se non ex surrepta sibi temerè, sed accepta divinitus potestate, leges præscripsisse. Scribit enim : *Quæ præcepta dederim vobis per Dominum Jesum.* Eamdem potestatem ipse Christus comprobavit, hisce verbis Apostolus alloquens Matth. 18. *Si autem Ecclesiam non audierit: sit tibi sicut ethnicus, & publicanus.* Declaravit insuper Christus, se ratum habiturum in Cælis, quicquid Apostoli in terra acturi essent : *Quæcumque alligaveritis super terram, erunt ligata & in calo, & quæcumque solveritis super terram, erunt soluta & in calo.*

53. Lib. 4. cap. 12. Calibatam Saccerdotum, legem tyrannicam vocat. R. Equum enim est, ut qui constituitur minister, & dispensator mysteriorum Dei, sit sanctus corpore, & spiritu: sollicitus sit quæ Domini sunt, quomodo placeat Deo: non quæ sunt mundi, & quomodo placeat uxori. Perperam igitur sentit Calvinus, asserendo esse tyrannicam legem hanc, quam tot cordati viri; nam pietè, religiosèque eolunt. Vide verbo *Carlostadius.*

54. Verba, quibus Sacramentum conficitur, concionatoria solum, non

consecratoria esse contendit, idest, ad instructionem populi, non ad materiæ consecrationem proferenda esse; licet ea necessaria ad Sacramenti consecrationem videatur admittere. R. Et quidem offendendo verba, ex institutione Christi prolata in consecratione Sacramenti, non esse concionatoria, sed consecratoria; nam Paulus Apostolus prima Corinth. ait: *Non misit me Dominus baptizare, sed evangelizare:* diversa ergo munia sunt concionari, & Sacramenta conficere: quod si diversa sunt; eertè non pertinent concionatoria verba ad substantiam Sacramentorum; & aliud est concionari, aliud est consecrare. Deinde cum Dominus, Marei ultimo misit Apostolos, primum præcepit, ut docerent: & postea ut baptizarent in nomine Patris, & Filii, & Spiritus sancti: ergo verba hæc, quæ sunt forma Baptismi, non pertinent ad doctrinam; sed post doctrinam pertinent dumtaxat ad consecrationem. Satis hæc, non enim desunt aliæ rationes à Theologis adductæ.

55. In Antidoto Conc. Trident. negat necessariam esse intentionem ministri ad conficiendum Sacramentum. R. Nam hoc posito sequeretur quòd sacerdos, etiam ipso infcio, posset consecrare. Supponamus enim sacerdotem animi gratia legere evangelium, ubi continentur verba consecrationis, si quis, sacerdote infcio apponeret panem in mensa, dum legit verba consecrationis, dicendum foret in illo casu panem esse consecratum, si non requireretur intentio: ibi enim esset materia præsens, ibi verba consecratoria prolata à sacerdote, ergo dicendum foret etiam ipso infcio, posse Sacramentum conficere, si verum esset non requiri intentionem ministri ad conficiendum Sacramentum. Nec valet objectio de baptizatis ab Athanasio puero, quos Patriarcha Alexandrinus censuit benè baptizatos; nam puer Athanasius, sicut de factis interrogatus respondit, in illa actione, licet facta per oblationem, intendebat facere, quod facit Ecclesia. Observandum autem in presententi

senti quæstione non disputari, quænam requiratur intentio; scilicet an illa quæ appellatur externa sufficiat, an non; hoc enim Scholasticis relinquimus discutendum.

56. Lib. 4. Infit. cap. 14. negat Sacramenta conferre gratiam ex opere operato, sed solum vult excitare fidem, sicut facit prædicatio verbi. R. Marci ultimo: *Qui crediderit, & baptizatus fuerit salvus erit*; ex quibus verbis conflat, quod statim post baptismum sequitur justificatio: nempe *Salvus eris*; & non interponitur alia causa excitans: ergo Sacramenta immediatèificant; ergo immediatè conferunt gratiam. Tum quia si Sacramenta se haberent solum, tanquam concio, ad excitandam fidem, superfluum esset baptizare infantem, qui concionem non intelligit, nec posset consequenter excitari media concione ad fidem. Tum quia ipsi hæretici infantem recentem natum, baptizatum, & mortuum; credunt esse in statu salutis; sed hoc esse non potest si fide excitata per Sacramentum, tanquam per concionem; cum infans recentèr natus sit incapax intelligendi concionem, & ab hac excitari; ergo salus infantis debet reponi in efficacia Sacramenti, quod confert absolutè gratiam.

57. In Antidoto Conc. Trident. in Can. 9. characterem Sacramentalem habet tanquam signum. R. ad Ephes. 1. *In quo credentes signati estis* ad Corin. 1. *Unxit nos Deus, & signavit nos*. Tum quia Baptismus, etiam per hæreticos, non potest iterari, quia semper manet ejus effectus, qui non alius esse potest, nisi quantum ad characterem spectat; ergo Sacramenta, quorum semper manet effectus, dici debet quod de facto imprimant characterem indelebilem, semel enim, ac quis est ordinatus, semper manet in tali ordine suscepto constitutus.

58. Lib. 4. Infit. cap. 18. solum admittit tria Sacramenta, Baptismum, Cœnam, & Ordinem. R. Nam ratio, propter quam negat septem Sacramenta hæc est, quia in Scripturis non habetur expressa

mentio de numero septennario, sed argumentum etiam retorquetur contra hæreticos, qui duo, vel tria tantum admittunt Sacramenta; nam neque in Scripturis habetur expressa mentio de binario, vel ternario numero; Certum autem est Ecclesiam universalem semper recepisse numerum septennarium Sacramentorum, de quibus omnibus separatim constat in Scripturis mentionem fieri. Unanims etiam urget Sanctorum Patrum consensus; & quidem de Baptismo fit mentio Matth. ultimo, de Confirmatione Joan. 14., de Eucharistia Luc. 22. 17., de Pœnitentia Marc. 1. 14. Joan. 29. 22., de Extrema unctione Marci 16. 13., Jacobi 5. 14. de Ordine Act. 6. 5. 14. 22., de Matrimonio ad Eph. 5. Adeo certus est hic septennarius numerus, ut de ipso expressè nunquam mentionem fecerit Ecclesia in Conciliis congregata, nisi cum veritatem hanc, à temerario Novatorum ausu impugnatam audivit. Vide verbo *Bissacramentales*.

59. Fidem nostram solis Scripturis, non verò Apostolicis traditionibus niti asserit: in Antidoto Conc. Trident. ad sess. 4. R. Ex Concil. Nicæno, in quo standum esse traditionibus asseritur, & anathema dicitur non accipientibus traditiones Ecclesie, sive scriptis, sive consuetudine valentes. Tum quia non nisi per traditiones Apostolicas scimus Evangelistas scripsisse, præcipiente Domino, Evangelium; ergo standum est traditionibus Apostolicis, quibus abrogatis, consequeretur etiam abrogari Evangelium. Quod autem traditionibus Apostolicis teneamur obedire, non minus quàm verbo Dei scripto, ex eo factis patet, quod apud omnes legales, consuetudo laudabiliter recepta, habeat vim legis; teneamur obedire legibus, ergo & traditionibus. Vide verbo *Biblistæ. Breuilius*.

60. Assignat tantum duas pœnitentiæ partes, nempe mortificationem, & vivificationem, sed longè alio sensu à Luthero: nempe per mortificationem, non intelligit terrores incusos, sed mortificationem vitiorum, sive abnegationem

nem sui, & spoliationem totius veteris hominis; per vivificationem verò, non intelligit fidem, vel fiduciam ex Evangelio, aut absolutione conceptam, ut Lutherani; sed pium bene vivendi studium, atque assiduum ad bona opera, quæ dici esse non partem, sed fructus pœnitentiæ. Rep. nam vel confundit Calvinus pœnitentiam cum justificatione; vel posteriorem ipsa justificatione eam esse contendit; dicit enim pœnitentiam esse fructum fidei justificantis, & per mortificationem, & vivificationem, intelligit refrænationem vitiosarum affectionum, & pium studium bene operandi, quæ in reconciliatione inchoantur, ac deinde totâ vita perficiuntur. Sed Scripturæ Divinæ, docent pœnitentiam viam esse ad justificationem, & proinde priorem esse justificatione, ut constat Actuum 11. Hicrem. 8. quod si pœnitentia via est ad remissionem peccatorum, & prior justificatione, multo majori ratione mortificationem illam, & vivificationem præcedet, quæ in Calvinistarum opinione, fructus est fidei justificantis, & justificationem ipsam consequitur, quare Lutherani, & Calvinistæ in extremas abeunt partes, & sicut errant Lutherani, quia pœnitentiam in his motibus constituunt, qui veram pœnitentiam antecedunt, ita quoque errant Calvinistæ, qui eam in his actionibus ponunt, quæ veram pœnitentiam consequuntur; contra quos omnes stat Catholica veritas, in Concilio Tridentino declarata sess. 14. cap. 3.

XVI. CALVINISTÆ CAUSARII Disti etiam Consecratoriales, inter Sacramentarios novos reponuntur. Ortum habuerunt anno 1572. à Petro Carpentario, & plus armis, quam hæresi grassari exeperunt, licet non modò hæretici, sed Atheistæ sint nuncupandi, imò & Barbari, quatenus nedum homines, sed Deum despiciunt. Funesta bella, non minù quam erudelia gesserunt in Gallia anno 1572. & Lutetiz Baitavorum anno 1579. contra Christianos, quorum sanguine tingebantur; imò Sacerdotum necem Sacrificium arbitrabantur; qua-

Tom. I.

propter eum quibusque Catholicis, non minù essent terrori, quam prout poterant exterminio, merito de illis à quodam scriptum est, *qui Causarios novit, furias Infernales novit*. Hæc sunt Calvinianæ hæresis germina, ut à fructibus, qualis fuerit arbor, cognosci possit à sensato lectore. De his agit Grævina.

XVI. CALVINOMASTIGÆ. Author istorum fuit Lodovicus Alemanni Italus, anno 1566. non recipiunt doctrinam Calvinii circa Eucharistiam, negant siquidem Eucharistiam dari per fidem, ut vult Calvinus. Negant insuper in Eucharistia esse verum corpus Christi, & prout constat ex thesibus Lugduni promulgatis à Claudio Sanctio.

Afferunt corpus Christi dari quodam modo incomprehensibili. R. Quia modus ille incomprehensibilis, ita ab iis ponitur, ut excludendo sensum Ecclesiæ, verè negent dari in Eucharistia verum corpus Christi, quod de facto realiter esse in Eucharistia, probatum est contra *Berengarium*; ceterùm admissa reali existentia, circa quam debemus captivare intellectum nostrum in obsequium fidei, neque nos Catholici asserimus posse comprehendere modum existentie corporis Christi in Eucharistia: ex quo patet quatenus non absolute, per præfatam propositionem reproberentur Calvinomastigæ, sed quia præfata propositione, abutuntur, ad negandam veritatem Catholicam.

XVI. CALVINOPAPISTÆ. Vide *Anglo-calviniani*, sive *Antipuritani*.

De his omnibus sectis quæ Calvinii nomen præferunt mentionem facit Spondanus agens de Calvino, & de sectis ab eo propagatis; sed & alias seisiones edidit Calviniana hæresis, de quibus sub proprio nomine agetur.

XVI. CALVINISTÆ LIBERÆ prodierunt anno 1570. Novis Sacramentariis adimplantantur, ideò liberi nuncupantur, quia mediant inter Calvinistas consecratoriales, & Calvinistas pacificos, cum istis cædes abhorrent, prout imperatas à consecratorialibus, quia prout tales, impias reputant; remittunt siquidem pæ-

X

rère

rere concistorialibus . Ceterum etiam licitas cades credunt , imò inferunt , dummodò à Concistorialibus non impentur .

XVI. CALVINISTÆ PACIFICI . Inter novos Sacramentarios reponuntur etiam à Gravina , & ex Resio , tales dicuntur illi , qui dogmata Calvinii sectantur , sed omnia illa detestantur , quibus publica pax turbari potest ; solent appellari etiam *Jacobini* , & aliquando *Pacifici* , insurrexerunt circa annum 1570. ex Gravina .

XVII. CAMERONUS . Joannes natus Glascoevii in Scotia , vixit currente seculo 17. tam in Patria , quàm in pluribus Galliz civitatibus , more Protestantium Theologiam docuit ; sed cum Calvinii sententia circa gratiam , liberum arbitrium , & prædestinationem ipsi non arideret , novum systema circa gratiam invenit , & docuit opinionem , quæ Arminianorum sententiæ consentanea esse videtur . Varia ejus opera Leodii anno 1622. impressa fuerunt ; sicut & Genevæ anno 1632. alij ejusdem elucubrations typis mandata apparuerunt .

XVII. CAMERONENSES Presbyteriani , in Scotia , scissione ad invicem facta , in duas se diviserunt cohortes , quarum una ab Archiboldo Camerone nomen sortita , qui publicæ conscientie libertatem prædicabat , à Carolo Secundo Rege concessam . Contendebant aliqui Regem jure suo uti , cum suis subditis libertatem conscientie concedebat . Negabant è converso alij Regem hanc habere facultatem . Plures hac de re factæ inter Presbyterianos ministros disputationes , sed nihil conclusum . Crescente itaque rebellionè Cameroniensium , iidem contra Regem arma susceperunt . Interim ad regnum assumpto Guillelmo III. ejus nutibus tam quoad leges civiles , quàm Ecclesiasticas se submisserunt Cameronenses ; & suppressa est , quæ fuerat excitata rebellio . Ex Dictione Anglice .

XVI. CAMPANUS . Dicitur Joannes , natione Germanus , patria Juliacenſis , fuit biennio Witembergæ Lutheri discipulus , renovavit antiquas hæreses Sabellij , Arij ,

& Macedonij . Clivix in carcere detentus , suum illinc prophetavit egressum , sed pseudo-propheta inventus est . Publicè docuit Witembergæ , Filium , & Spiritum sanctum unam esse cum Patre personam . R. Verbo *Begomilli* ; contra , quos offensum est dari mysterium Ss. Trinitatis . A Campano originem habuerunt Campanistæ , qui à nonnullis Antilutherani vocantur , quia quamvis discipuli essent Lutheri , propugnabant tamen aliquos errores à Luthero impugnatos .

1. Verba consecrationis : *Hoc est Corpus meum* , sic interpretabatur . *Hic panis est creatura corporalis à me creata , propterea meum corpus appello* . R. Quia cum omnis creatura corporalis sit à Deo creata , non minùs de pane , quàm de quacumque alia creatura potuisset in sensu Campani Christus dicere : *Hoc est Corpus meum* ; ita ut nulla facta rei immutatione , sed sola appellatione extrinseca , omnis res posset dici Corpus Christi , sive cælum sit , sive terra , lapis , ignis , bestia &c. & jam non fuisset institutio nova Sacramenti Eucharistici , à Christo facta , Prorsus ridicula fatui hominis excogitatio ; & quæ vel impugnetur indigna . Constat in Eucharistia esse verum Corpus Christi ex supra dictis contra Calvinum ; apage ergo nugæ Campani .

IV. CAMPATIS . Vocantur etiam Montenses ; insurrexerunt circa annum 321. Fuit hæc secta à Donatistis propagata ; gloriabantur solum apud ipsos esse veram Ecclesiam .

1. Baptizabant Catholicos ad ipsos fugientes . R. verbo *Anabaptista* .

2. Dicebant in Ecclesia bonos solum , non verò bonos , & malos contineri . R. verbo *Assuriani* .

3. Omnes qui mortem ultroneè subeunt , sive ab aliis insidiam , sive etiam sibi ipsis infligant , dicebant tanquam Martyres esse habendos . Repr. verbo *Circumcelliones* .

IV. CAMPENSES . De quibus agit D. Hieronymus Ep. 57. ad Damasum , circa medium seculi quarti , erant Arianis multum affines .

Tres substantias , & tres essentias diversas

versas admittebant in tribus Divinis personis: quia verò tres personas Divinas, etiam tres hypostases Catholicè dicimus, volebant cum Ecclesia Catholica communicare, æquivoocatione nominis tutantes errorem, ipsi siquidem nomen hypostasis ad essentias diversas, non ad diversitatem personarum significandam extorquebant. R. Quia admissis pluribus essentis in Divinis, necessariò plures Deos admittendos fore constat. Insuper ex his quæ dicta sunt ad ostendendam Divinitatem, & consubstantialitatem Verbi cum Patre, & Spiritus sancti, cum Patre, & Filio, constat non posse admitti tres substantias diversas in Divinis. Vide hæc de re, quæ dicta sunt contra *Arium*, *Accacianos*, *Anomeos*, & *Arianos*. Cæterùm nomen hypostasis quamvis à Græcis pro substantia accipi possit, tamen non significare essentiam, sive *Ousiam*, sed personam, latè probant Thologi.

V. CANDIDIANUS erat Comes domesticorum Theodosij Junioris Imperatoris, à quo missus fuerat ad Synodum Ephesinam, ut tranquillitate curaret, sed fautor Nestorii ibidem factus, omnia egit adversus Orthodoxos, falsisq; relationibus Imperatorem decipere studuit, cujus fraude detecta ab Imperatore exautoratur Ex Bar.

V. CANTOABDITAS, sive ut aliis placet Caucobadditz sectà fuerunt Severiani, quia Severi hæresis in plures factiones divisa, genuit *Angelitas*, *Damianistas*, *Tetraditas*, *Petritas*, *Paulitas*, sicut & *Caucobadditas*; fortè sic dicti, ab eorum autore, sicut Damianistæ à Damiano, Tetraditz à Tetradio, & sic de cæteris, sunt nuncupati. Sed probabilius est sic dictos, à quodam loco cui nomen *Caucobab*, ubi debæchabantur seculo quinto. Ex Niceph.

Præter Severi errores abominabantur Episcopos, illisque subesse renuebant. R. verbo *Beguardi*, ubi Ecclesiæ præceptis Christianos debere se submittere, offendimus, & verbo *Antidiaphorista*, ubi probavimus habere Episcopos jurisdictionem in Ecclesia.

XVIII. CAPS. Anno 1719. in Gallia in diocesi Xantonensi denuntiatus fuit apud Episcopum Parochus quidam, *Capsè* agnomine, in academia Burdigalensi doctus, quod circa gratiam, falsam promulgaret doctrinam, quam Scripturæ testimoniis, perperam acceptis, sustinere conabatur; sed à Theologis, & iudicibus, erroris convictus, promissit resipiscantiam: Vix dimissus, iterùm in suos errores labitur; iterumque captus, scripta sua igni subjecit: denudè ergo dimissus, statim jam tertio ad vomitum rediit suæ hæreticalis doctrinæ, quam majori nisu, e suggestu persuadere studuit in suâ paræci; quapropter tertio iterum captus, carceri fuit mancipatus: *Ex hist. hæretic. Francisci Van-Ransl.*

1. Docebat æqualem tam justis, quam peccatoribus tribui à Deo gratiam. R. nam licet Deus nemini denegat gratiam sufficientem, dat tamen pro suo beneplacito, uni præ alio gratiam ampliorem; gratia enim gratis à Deo datur, & quod gratis datur, potest à donatore copiosius uni præ alio erogari, absque eo quod possit in recipientibus habere locum iusta querimonia: quod aperte indicat parabola operariorum, de qua in Evangelio. Certè ampliorem gratiam habuisse D. Joannem Baptistam, qui fuit sanctificatus in utero, quam S. Latronem, qui in instanti suæ mortis ad Deum conversus est, nemo sanæ mentis negaverit. Quod si æqualis gratia daretur victoribus, tam justis, quam peccatoribus, omnes pari fervore deberent in observantia mandatorum Dei festinare: videmus autem diversos in legis Divinæ observantia progressus, juxta majorem, vel minorem gratiam, à Deo datam: superfluum autem esset Deum orare pro augmento gratiæ, si æqualem gratiam Deus omnibus largiretur. Verum quidem est, quod ei, qui Divinæ gratiæ cooperatur, Deus gratiam impertitur ampliorem; quare qui desiderat augmentum gratiæ, debet Divinæ gratiæ cooperari.

2. Docebat Deum, etiam in hac vita, videri ab hominibus, licet minus clarè

clarè à peccatoribus. R. verbo *Eunomius*, & *Beguardi*.

IV. *CAPITO* fuit Donatista, & unà cum collegis suis, petiit à Constantino Iudices pro causâ Ecclesiastica componendâ, in Africa exorta, quem ideò pius Imperator redarguit, dicens: *Petis à me in seculo iudicium, cum ego ipse Christi iudicium expectem*, significans hac responsione, causas Ecclesiasticas, non à Principibus secularibus, sed ab Episcopis, maxime à Christi Vicario executandas.

XVI. *CAPITO*, alio nomine dictus Wolfangus Fabricius Germanus, in Alsatiâ natus anno 1478. professione medicus, etiam Theologiæ studuit; postmodum linguæ Caldaicæ. Apud Buccerum, & Æcolampadium diversatus, cum iisdem amicitiam iniiit, eorumque doctrinæ adhæsit, ducta in uxorem Æcolampadii Viduâ, postmodum alia muliere nomine *Agnete*, quæ litteris instructa, quandocumque vir ejus aliquo impedimento erat detentus, ejus partes concionando agebat.

XIV. *CAPUCIATI* sic dicti sunt quidam hæretici in Angliâ, Wiclephianæ hæresis sectatores, qui ad elevationem Corporis Christi caput non detegebant. R. verbo *Beguardi*, ubi ostendimus Eucharistiam esse adorandam. Apostasiam *Petri Angli*, qui ab Ordine Regulari auferat, defendebant. Hic enim factus Apostata, in Angliâ apud hos hæreticos asyllum quæsierat.

2. Dicebant tantum inesse cuicunque simplici Sacerdoti auctoritatis, quantum ipsimet Pontifici Romano, huncque errorem ad potestatem Ordinis extendentes, excludebant Episcopos; ideòque ipsi ordinabant Presbyteros, qui Sacramenta omnia ministrabant. Repr. verbo *Armeni* ubi ostendimus Papam esse totius Ecclesiæ primatem. Tum; quia si omnes Presbyteri haberent eandem auctoritatem, quam habet Papa, aut Episcopi, Christianifideles deberent subdi omnibus Presbyteris. Tum quia, quantum ad potestatem Ordinis; constat Christum illam Apostolis contulisse, quos Epis-

copos constituit: ideoque, non nisi legitimi eorum successores, illam habent. Tum quia Episcopos quoad jurisdictionem, est supra Presbyterum, ut ostensum est contra *Arianos*; ergo &c. Vide verbo *Armacanus*.

IX. *CARREAS* Manichæismum revocare studuit, & Manichæorum caput se constituit: quanta flagitia perpetravit, refert Baronius anno 812.

XVI. *CARGIUS* fuit unus ex illis Lutheranis, qui specialiter a factione Lutherana delegati fuerunt disputationi Wormatiensî, habitæ inter Lutheranos, & Catholicos.

XVI. *CARLOSTADIUS*. Andreas natus in Oppido Carlostati in Franconiâ propè Herbipolim, à quo & nomen accepit, Archidiaconus Witembergensis electus, ab eodem Luthero, doctoratus laurea condecoratus, Lutheri propositiones propugnandas assumpsit, quare unâ cum Luthero Lipsiæ contra Echium insignem doctorem Orthodoxum, nascentis Lutheranismi strenuum impugnatorem disputavit. Interim, cum in taberna, unâ cum Luthero luderet, & Lutherus florinum aureum amisisset, hinc facta est inter utrumque contentio, quâ nunquam sedata, usque ad ultimum spiritum tanquam infensissimi hostes vixerunt, sequè invicem exagitarent; quapropter Carlostadius aliqua Lutheranæ doctrinæ principia contrariis sensibus cœpit impugnare; & cum Witemborgæ, absente Luthero, publicè suos promeret peculiatos errores, tumultus excitavit, ad quos componendos, & sedandos, statim Lutherus reversus est Witembergam, ubi Carlostadius persuadebat studiosis, ut Philosophiam, & omnes scientias abicerent, dicens fas non esse Christianis hominibus, litteris deditam aditare vitam, sed ab omnibus faciendum, quod in Genesi scriptum est. *In sudore vultus tui vesceris pane tuo*. Quod ut proprio doceret exemplo, ex Archidiacono factus est agricola, in rure Witembergensi. Librum ediderat de conjugio Sacerdotum, & de votis Monasticis rescindendis; juxta quam doctrinam uxorem duxit.

duxerat; sed cum infcio Luthero (qui neminem patiebatur, propter superbiam libidinem, sine suo consensu docere in materia fidei) suam promeret doctrinam, factum est inter utrumque novum dissidium; quare multum à Luthero fuit Carlostadius exagitatus, & in extremam pœnæ miseriam Lutheri persecutione redactus, cunctis factus ludibrium, donec ab omnibus se contemni videret, ad Helvetios transiit, à quibus benignè exceptus, iterum Tiguri doctor apparuit, ubi cum diù vixisset, tandem Basileæ ad munus concionatoris evectus, in ipsa concione anno 1543. viso spectro terribili, intimo terrore exagitatus, post triduum moritur, & ab eodem spectro post mortem raptum fuisse asseritur. Primus fuit Carlostadius ex Germanæ Sacerdotibus, qui publicè, & solemniter uxorem duxerit, & tanta fuit Carlostadii discipulorum audacia, & impietas, ut orationes in Missa concinendas composuerint, commendantes in illis Carlostadii matrimonium.

1. Decebat scientias esse abjiciendas, excepto studio Bibliorum. R. verbo *Bibliste*.

2. Imagines sacras à templo dejecit. R. verbo *Iconoclasse*.

3. Laicis potestatem faciebat Eucharistiam profano ritu manibus tractandi, & absque præmissa confessione sumendi. R. Quoad primum exemplo Scripturæ, ubi legitur improvisa morte correptos illos, qui arcam fœderis manibus tangere ausi sunt, cum non essent ex ministerio Sacerdotali, quanto magis abstinere debent laici à pertractanda profanis manibus Eucharistia, in qua non virga, non manna, sicut in arca, sed corpus sacratissimum Christi realitèr continetur: ex quo à fortiori deducitur, neminem debere, absque præmissa confessione, Eucharistiam recipere, monente Apostolo: *Qui indignè manducat, judicium sibi manducat*.

4. Esu carnium diebus ab Ecclesia prohibitis permittebat. Repr. Quia Ecclesia habet auctoritatem constituendi leges, quibus Christiani tenentur par-

re, ut alibi probatum est; ergo si determinatis diebus Ecclesia prohibet esum carnium, non potest his diebus permitti. Quòd Ecclesia habeat auctoritatem condendi leges, constat ex auctoritate data à Christo D. Petro, ligandi, atque solvendi. Tum quia quisquis habet supremum regimen in Republica, potest condere leges, quas judicat opportunas ad bonum regimen Reipublicæ; ergo cum Pontifex habeat supremum regimen in Ecclesia potest &c. Quòd autem Christiani teneantur parère legibus, asserit D. Paulus, dum nos monet obedire Superioribus; suadent insuper ea, quæ dicta sunt contra *Albanenses* de legibus; contra *Acephalos* de obedientia præstanda Episcopis. Demùm in lege veteri Judæi abstinere à certis cibis vetitis à lege, ergo etiam in nova debent Christiani à cibis vetitis, diebus ab Ecclesia præscriptis abstinere.

5. Sacerdotibus licitum esse uxorem ducere, assererat. R. ex Concilio Neocesariensi celebrato sub Silvestro Papa, ex Tridentino sess. 4. Can. 9. Justissimè quidem, & congruentissimè lex ista inducta est; quia matrimonium est impedimento muneri Sacerdotali multum, enim impedit orationem sacerdotio fungenti necessariam; uxorati siquidem implicentur in negotiis secularibus, debent habere anxietatem sustinendi familiam; unde cor eorum dividendum est, & cogitare tenentur, quomodo placeant uxori, juxta doctrinam Apostoli. Tum quia si Sacerdotes essent uxorati aspernarentur à laicis, qui potissimum ratione continentis servatæ à Sacerdotibus, illis deferunt reverentiam. Tum quia Ecclesia novæ legis, quæ est perfectior synagoga, debet etiam habere Sacerdotes perfectiores, qui quantum possunt, summum Sacerdotem, scilicet Christum, impollutum, sanctum imitentur. Tum demum Sacerdotes in veteri lege, qui erant uxorati, quando debebant Sacrificium offerre, abstinere à consortio cum uxore; ergo Sacerdotes novæ legis, qui quotidie sacrificium offerunt, vel quos impediri, ne quotidie offerant

non

non decet, nullam debent habere uxorem. Nec valet obficere exemplum aliquorum Apostolorum, & Episcoporum, qui uxores habuerunt; nam nullibi legitur, quòd qui erant ordinati Sacerdotes uxorem duxerint, licet fuerint aliqui, qui duxerint eam antequàm essent initiati Sacerdotio; convenientius autem decrevit sacra disciplina, ut neque uxorati ad sacerdotium ascenderent, ob rationes supra insinuat; Cælibatus observantiam, etiam ab ipso Ecclesiæ exordio, inter sacros Altaris ministros laudabiliter fuisse introductam, enixè ostendunt varii auctores. Ex illis autem verbis Apostoli 1. ad Tim. cap. 3. *Oportet Episcopum esse unius uxoris virum*, inferitur quidem, quòd bigami ordinari non possunt, non autem inferendum est, ut volunt hæretici, quòd qui debent ordinari Sacerdotes, debeant uxorem ducere: Et ubi Apostolus ad Corinth. 1. cap. 7. vult, quòd propter fornicationem unusquisque uxorem habeat, non loquitur de Sacerdotibus, sed de laicis, qui non possunt contineri; idem intendit per illa verba ad Corinth. 1. cap. 7. *Melius est nubere, quàm uri*. Cæterùm sicut plures laici mediâ Divinæ gratiæ assistentia, possunt contineri, hoc à fortiori debent præstare Sacerdotes, quibus Deus subministrat ad hoc efficaciora suæ gratiæ auxilia.

6. Vota Monastica improbat. R. verbo *Confessio Augustana*.

7. Renovavit hæresim Berengarii, circa existentiam corporis Christi in Eucharistia. R. verbo *Berengarius*.

8. Hæc verba: *Hoc est corpus meum* sic exponebat: Hoc corpus meum, quod hic assidet mensæ. R. ex verbis D. Pauli 1. ad Corinth. deinde ex ipsis verbis statim subsequenibus, nempe: *Hoc facite in meam commemorationem*, nam si priora verba essent intelligenda in sensu Carolitadii, & non in sensu, in quo accipiuntur ab Ecclesiâ, sequeretur, quòd ad faciendam Christi commemorationem, sufficeret assidere mensæ; sed Christus non præcepit assidere mensæ in sui commemorationem, sed conficere

corpus suum; ergo illa verba: *Hoc est corpus meum* non significant, hoc corpus, quod assidet mensæ; sed hoc corpus, quod habeo præ manibus sub speciebus panis, est corpus meum; Quo posito benè intelligitur, quomodò Christus statim per subsequenter verba, præcepit Sacerdotibus idem facere in sui commemorationem. Tum quia si Christus intellexisset loqui de suo corpore, pro ut assidebat mensæ, superfluum erat, quòd diceret: *Hoc est corpus meum*, jam enim sciebat, & videbant Apostoli, quòd Christus in corpore assidebat mensæ. Dixit ergo *Hoc est corpus meum*, quia loquebatur de mysterio sacrosancto, & inaudito ab Apostolis Eucharistiæ; quos, ut clarè doceret in re tanti momenti, non ampliùs locutus est in parabolis, sed apertè professus est, quòd panis Eucharisticus verè erat corpus suum. Unde & carnem suam appellavit verè cibum, & sanguinem suum verè potum. Joan. 6.

XVI. CARNESECHUS Petrus, Clericos Florentinus, hæreticorum sui temporis consuetudine depravatus (de quo plura recenset in suis annalibus Laderchius tom. 22. continuat. annal. Bar.) sub S. Pio V. tanquam hæreticus incorrigibilis captus, capite damnatur, & Romæ comburitur, cum 34. propositiones hæreticales evomisset, quæ omnes per extensum in præfato annal. tom. referuntur, jam in hoc opere, vel implicitè, vel explicitè confutatas; quapropter hic iterum refricare non juvat. De pluribus aliis hæreticis, qui seculo 16. inter Calvinistas, aut Lutheranos celebres debaccharunt, mentionem facit præfatus annalium continuator, tom. cit. ad quem lectorem remittimus, si fortè de eorundem patria, vita, & moribus notitiam desiderat, qui tamen cum nullum de novo errore invexerint, sed solum pro Calvinismo, & Lutheranismo dilatando laboraverint, ideò ab ampliori eorundem notitia abstinemus, cum Hæreticos, sive Lutheranos, sive Calvinistas, qui aliquem supra magistros suos propagarunt errorem, jam

in

in corpore operis insertos exhibuerimus.

XVI. CAROLUS MOLINEUS Parisiensis Jurisconsultus, multum se inexit contra Concilium Tridentinum. Quòd Calvinistæ sectæ adhæserit, ex ejus scriptis videtur facili colligi. sed cum Germaniam peragrasset, potius se Confessionistam, quàm Calvinistam comprobasse refertur. Si vera sunt quæ de eodem scripsit Massonus in suo elogio: Carolus Molineus in mortis articulo respuit, & orthodoxus decessit, advocatis ad se viris Religiosis, & facta peccatorum suorum exomologesi. Erroris qui ei attribuuntur sunt sequentes.

1. Christum non habuisse omnem scientiam asseruit. R. verbo *Agnosca*.

2. Dixit Christum nascentem aperuisse Virginis uterum. R. ex sacra Scriptura, quæ Mariam, Virginem appellat, non modò in conceptione, sed etiam in partu. Dicit enim Isaias *Ece Virgo concipiet, & pariet filium*; ergo si Virgo pariet; Christus nascendo non aperuit Virginis uterum. Hòc refertur, quòd legitur Ezechielis cap. 44. vers. 3. *Porta hac non aperietur*, quem textum interpretantur omnes Expositores sacri de integritate Mariæ in partu. Fateri semper debemus ineffabilem nobis esse veritatem istam: illiusque altitudinem credere nostrum est; non verò comprehendere. Siquidem quomodò corpus, non penetratione, sed vera nativitate è clauso utero exiverit, ille solus comprehendit, qui fecit. Hinc Beata Maria catholicè appellatur, fide solum docente, semper Virgo, quam præcognatam non haberet, si non fuisset etiam Virgo in partu: violatur enim integritas in aliis virginibus, non modò per conceptionem, sed per partum; sed integritas Virginis Mariæ est inviolata, quemadmodum canit Ecclesia; quæ præterea veritatem hanc in pluribus Conciliis confirmavit, maxime in Lateranensi sub Martino V. Can. 3. Nec valet dicere, quòd Maria post partum adivit templum ut purificaretur; nam hoc fecit, ut servaret legem, sicut Christus licet non

haberet opus circumcisione, voluit tamen circumcidi. Non igitur purgatio Mariæ facta est, quia eadem opus haberet, sed ad servandam legem; ne si secus fecisset, scandalo foret aliis; qui non novent tantum mysterium. Vide verbo *Adamus*.

3. Docuit errare Doctores Orthodoxos, dum extollunt merita Incarnationis, & Nativitatis Christi, quæ nihil nobis prodesse asseribat, sed solam dumtaxat ejus mortem nobis profuisset, ad expianda peccata nostra, & ad æternam vitam obtinendam. R. Nam certum est, quòd Christus per opera sua nobis promeruit redemptionem, & quòd ejus opera erant, ratione unionis hypostatice, infinite Deo accepta; ergo per opera, quæ fecit ante mortem, nobis promeruit. Cæterum dicendum foret nobis inutilem fuisse circumcisionem, & alia tormenta, quæ Christus pro nobis pati dignatus est ante mortem; sed hoc non, quia Christus toto tempore vitæ suæ operatus est nostram redemptionem, propter quam venerat. Eitò quòd opus nostræ redemptionis, in mortis sacrificio consumaverit; attamen Christus, etiam antequàm mortem subiret, verè operabatur nostram redemptionem, ergo ejus opera jam nobis proderant; Tum quia certum est quòd Christus propter hoc est natus, circumciscus, & passus, propter quod est mortuus, sed mortuus est propter nostram redemptionem, ergo etiam propter eandem est natus, circumciscus, & passus; ergo non solum nobis promeruit in morte, sed etiam in nativitate, atque in circumcisione, & in passione. Tum quia Christus non est passus, & mortuus propter se, sed propter nos; ergo sicut quia mortuus est propter nos, nobis promeruit in morte, etiam quia natus est propter nos, nobis promeruit in nativitate; quòd idem dicere juvat de incarnatione, circumcisione & aliis operibus Christi, quæ omnia Christus fecit propter nostram salutem.

4. Asseruit Petrum Romæ nunquam fuisse. R. Testimonio Sybillæ, quæ longè antè prædixerat Piscatorem futurum, qui

qui Romam subiceret. Citatur hæc prophetia Sybillæ à Francisco Petrarca lib. 1. de otio Religioforum. A Bernardino Senensis par. 6. ferm. 1. de festo Mariæ. Ab Antonino in Chronicis par. 1. tit. 3. R. Testimonio Lini, Petri successoris, de passione Petri differentis, his verbis: Ut Petrus voluit egredi portam Civitatis Romæ, vidit sibi Christum occurrere, & adorans eum ait: *Domine quo vadis?* respondit Christus: *Romam venio iterum crucifigi.* Hujus facti veritas comprobatur monumento marmoreo, quod hodie adhuc videtur in Ecclesia Sancti Sebastiani extra muros, in quo Christus, ut supra, alloquens Petrum, pedum suorum sacra vestigia impressit, R. Ex epistola, quam ipse Petrus Romæ scripsit, ubi Romam ænigmaticè Babylonem vocat. Quod Petrus Romæ fuerit, testantur ejus memoriarum, quæ ibi extant: ejus reliquiæ, de quarum translatione nullibi fit mentio. Sed si Petrus alibi mortuus esset, utique fieret mentio alicubi de translatione ejus reliquiarum; sicut scimus, quando aliorum Apostolorum reliquiæ Romam fuerunt translatae. Nec valet dicere, quod ex epistola ad Galatas 2. colligitur factam fuisse conventionem inter Petrum, & Paulum, ut ille prædicaret Judæis, hic verò Gentilibus; ergo solum Paulum Romam venisse; nam non obstante hac conventionem, poterant ubique prædicare, sicut de facto scimus Paulum etiam Judæis prædicasse non solum Gentilibus; ita etiam Petrus, licet prædicaverit primò Judæis, deinde Gentilibus, & licet Paulus in epistolis, quas scripsit ab urbe Roma ad Galatas, & ad Ephesios, nullam faciat mentionem de Petro; sicut quod Lucas in actibus Apostolorum, quæ Romæ scripsit, non asserat Divum Petrum Romæ fuisse, ratio est, quia Paulus scripsit præfatam epistolam, & Lucas acta Apostolorum, tempore quo D. Petrus, pro bono regimine novellæ Ecclesiæ, ab urbe Roma discesserat, ut aliò se conferret ad visitandas gentes de novo conversas ad fidem, ut eas erudiret, & confirmaret in suscepto proposito. Deinde temeritas est negare assertum, in

quo suslinendo conveniunt omnes Scriptores, & Carolus Molinæus primus fuisse videtur, qui cepit sentire contra hanc veritatem.

II. CARPOCRAS. Circa initium sæculi 2. suas phreneses promulgavit patria fuit Alexandrinus, Simonis Magi discipulus: Basilidem hæreticum impugnavit, non veritatis gratia, sed ut hæresim Simonis, post Basilidem ferè sopitam, iterum excitaret: dictus sæx omnium hæreticorum, & sæx totius incontinentiæ. Fuit Carpocrati filius, nomine Epiphanius, paternæ impietatis hæres, qui licet juvenis, in malitia tamen consumatus, septemdecim annorum decessit. In Caphalonía, unde ex matre, nomine Alexandra, erat oriundus, tumulatus, divinos ab hæreticis obtinuit honores. Consueverunt ejus discipuli postero-em auris partem perforare, ut sic ab aliis dignoscerentur; imaginibus Gentilium cultum, impendentes, inter eas collocarunt Christi imaginem, quam dicebant à Pilato factam, unde meritò Carpocratianos idololatrias esse dixeris. Nec omnittendum quod S. Irenæus adeò horrenda de Carpocratianis se accepisse scribit, ut ad ea credenda, vix induci posset. Carpocratiani, etiam Agnoscici dici voluerunt. Renovarunt Adamitæ Carpocratis impudicitias, cujus errores sunt frequentes, quos quædam mulier ex Carpocratis secta, sub Aniceto Papa, Romæ propagavit.

1. Dicebat Christum à Joseph esse, natum, & solum in hoc à cæteris hominibus differre, quod habuerit animam virtute insignem. R. Et quidem Christum operante Spiritu sancto in utero Mariæ Virginis incarnatum, docet symbolum Apostolorum, Nicænum, & plura alia Concilia huic veritati subscripserunt. Sed apertè ex Scriptura confunditur Carpocras; legimus enim, quod cum Joseph compererit Mariam concepisse, voluit dimittere eam, & Angelus ei adstitit dicens: *Quod in ea est, de Spiritu sancto est*, adeò clarum est hoc Scripturæ testimonium, ut majoris reprobationis non egeat Carpocratis blasphemia. Convin-

vincitur enim ex omnibus etiam Scripturæ locis ex quibus Mariæ Virginitas manifestatur.

2. Omnia irreligiosa, omnia impudica, licita esse asseriebant Carpocratiani. Hinc est, quod ad cænam convenientes viri, & mulieres, amoto lumine, turpiter commiscebantur. Reprobatione non indiget tam turpis sensus, quem nulla natio non detestatur.

3. Dicebant Mundum non esse creatum à Deo, sed ab Angelis, unde volebant Deum esse creatorem rerum spiritualium, & Angelos rerum materialium. R. verbo *Arnaldus Brixienfis*.

4. Docebant transmigrationem animarum, donec omnia vitiorum genera complevisset. R. verbo *Albigenses*.

5. Nullum esse peccatum natura sua malum effingebant, sed peccatum omne in sola opinione consistere. R. *Quia à pluribus peccatis natura ipsa abhorret, ex quo satis constat, dari aliquas actiones, quas esse malas, & execrandas lumen ipsum naturæ significat: certum est, quod licet plura sint mala, quia prohibita, negari tamen non potest, quod plura sunt prohibita, quia mala; quis enim negat odium Dei esse formaliter malum? ergo falsum est nullum esse peccatum natura sua malum. Tum quia si peccatum in sola opinione consisteret, ex sola opinione, omnis homo esset bonus, vel malus, quod nemo cui insit rationis crepusculum, certe audeat asserere.*

6. Vetus testamentum rejiciebant. R. verbo *Albanenses*.

7. Negabant resurrectionem mortuorum. R. verbo *Basilidiani*.

8. Negabant infantes contrahere culpam originale. R. verbo *Pelagius*.

IV. CARPONAS unus ex primariis collegis Arii, professione Diaconus, qui ejusdem epistolam ad Alexandrum Episcopum Alexandrinum missam subscripsit, in qua Arii impietas profitebatur; fuit etiam Romam Legatus ad Julium Papam à Gregorio Ariano, Episcopo Alexandrino.

II. CASSIANUS. Julius, Valentini
Tom. I.

hæresiarchæ discipulus, conspiravit in eandem sententiam cum Tatiano, damnans nuptias. Princeps fuit hæresis Docitarum, qui docebant Christum corpus fuisse phantasticum. Scripsit librum de continentia, ut probaret Tatiani dogma; perperam interpretatus est Genesim, & ad roborandos suos errores, utebatur pseudo evangelio. Vide verbo *Docita*.

II. CATA-ÆSCHINEM Ipso sectæ Montani exordio, ejus affectu inter se dividi cœperunt, & unusquisque suo nomine sectam confecit. Sic Æschines sectam instituit, quæ ex ejus nomine, superaddito verbo Græco, *Cata*, dicta est *Cata-æschinem*; qui erant ex hæc secta, præter errorem Montani, peculiarem habebant blasphemiam.

Dicebant Christum esse Filium, & Patrem. R. ex pluribus Scripturæ locis, ubi Christus Patrem alloquitur, tamquam personam distinctam. Tum quia si Christus esset Filius & Pater, esset generans & genitus, quod impossibile est stante oppositione relativa.

XVI. CATABAPTISTÆ quasi Baptismum oppugnantes, iidem sunt ac Anabaptistæ, qui vel sibi, vel aliis in adultæ ætate reiterant Baptismum. Vide *Anabaptista*.

III. CATHARISTÆ. Manetis discipuli, aut sectatores, in plures sectas dividebantur; quidam nomen authoris retinentes, dicebantur *Manichei*, alii *Maccharii*, alii verò *Catharisti*, hoc est *mundatores*, sive *purificatores* à purificationibus quas faciebant, & ii sunt, qui propriè constituunt Catharistarum sectam; cæterum Cathari dicti sunt etiam alii plures hæretici, ut infra videbimus, ex quo fit ut ab aliquibus confundantur; hoc enim nomine sunt etiam distincti *Negativiani*, *Albigenses*, *Albanenses*, qui propriè non constituunt Catharorum sectam, licet hoc nomen assumpserint; quod puritatem significat, quia proprium est vitii, virtutis nomine se tegere. Igitur de Catharorum secta (quatenus ab aliis hæreticis, qui etiam Cathari sunt dicti, distinguitur) quoad propria eorum

eorum dogmata hic agimus: Cathari dicti ab aliis *Catharisti*, vel *Catharista*, sunt quidam Manichæi, qui ut magis reformati à cæteris Manichæis existimarentur Catharistarum sibi nomen usurparunt, quasi inter omnes Manichæos puriores, ac reformati essent, qui præter Manichæorum infanias, adhuc sequentes profitebantur.

1. Nusquam Christianis, etiam jubente Iudice, licere jurare, asseriebant. Repr. ex pluribus Conciliis, quæ exigerunt juramenta, ut firmarent inter controvertentes, quos composuerunt, dissidia, sic Constantiense sess. 20. Tum quia constat ex Constantiensi, quod juramentum valide factum est observandum; quæ de re extant Canones; sic in Concilio Toletano 4. Can. 27. declaratur Juramentum fidelitatis factum erga Principes esse inviolabiliter observandum. Item ex Sac. Scripturis jurare per Deum, tanquam actus Religionis frequenter commendatur. Atqui Christianis maxime commendabiles sunt actus Religionis; ergo &c. ex quo deducitur aperte juramentum non esse illicitum. Insuper sæpè Paulus Deum vocat in Testimonium veritatis, quam prædicabat, ut patet ex Epist. ad Rom. 2. vers. 9. & alibi; ergo &c. Tum quia juramentum ostendit fidem, quam jurans habet in Deum, tanquam infallibilem rerum omnium cognitorem; ergo est licitum. Est, quod ex mala intentione jurantis, sive ex defectu necessitatis, iustitiæ, aut veritatis, aliquando sit malum, hoc tamen non efficit, quod sit malum in se. Ubi ergo ex intentione jurantis, vel alio defectu non videtur, bonum est juramentum, quod confirmat veritatem; & ex locis Scripturæ, quæ in contrarium adducuntur ab hæreticis, non evincitur prohiberi juramentum, sed perjurium, vel juramentum factum per cælum, ac terram, aut alias creaturas, nam cum jurans veneretur id, per quod jurat tanquam Deum; in solo Dei nomine licet jurare; & ob hanc rationem prohibetur in sacris pag. juramentum per creaturas; nullibi autem prohibetur

juramentum per Deum, cum debita cautela factum. Vide verbo *Apostolici*.

2. Nullum hominem posse citrà peccatum vinum bibere effutiebant. Rep. verbo *Eucratita*.

3. Asserbant nullo pacto ex pane, aqua, & igne confecto posse confici Corpus Christi, eo quod panem creaturam diaboli esse crederent, undè, inquietabant, ut ex pane conficiatur Eucharistia rejicienda est aqua, & apponendum est semen humanum, ut farina purificetur, sitque propria, ac debita materia ad conficiendum Eucharistiæ Sacramentum; quare D. Augustinus propter has ciborum execrandas purificationes, eos non *Catharos*, quod latine sonat mundos, sed potius *Catharistas*, hoc est purificatores vocat, credebant siquidem solum semen humanum esse mundum, & ipso semine cætera esse purganda. R. Ab ipsa natura, quæ abhorret audire, non modò facere adeo execranda, impura, & sacrilega. Sed & Job hominem dicit de immundo conceptum semine. Præter dictos errores, per quos à Manichæis distinguuntur, omnes Manichæorum hæreses unà simul profitebantur.

III. CATHARI. Hoc nomine, quod munditiam significat, voluerunt Novatiani appellari, qui se nunquam lapsos gloriabundi, neque cum lapsis consortium habere patiebantur, candidisque vestibus ornati incedere solebant, ex quo Cathari sunt dicti. Vide *Novatiani*.

XII. CATHARI dicti fuerunt Albigenses, alia etiam nomina sortiti, utpotè *Pathareni*, *Publicani*, de quibus suo loco agetur.

XIII. CATHARI. Diversi sunt Cathari de quibus hic agimus, ab illis de quibus supra. Sunt autem hi Cathari Valdensium germen; vocantur etiam ab aliquibus *Gazari*; in tres sectas sunt divisi, nempe in Albanenses, Concorrenses, & Bagnolenses, de quibus suo loco. Vocantur autem Cathari in Germania, *Piphes* in Flandria, & *Tizerantes* in Gallia; discernabantur verò Cathari puri ab Albanensibus, & aliis, in hoc

in hoc, quòd Manichæorum impuritatibus tenaciùs adhererent.

1. Quatuor tantùm admittebant Sacramenta, nempe manus impositionem, benedictionem panis, Pœnitentiam, & Ordinem. R. verbo *Calvinus*, contra quem probatum est septem esse Sacramenta.

2. Quatuor assererebant esse Ordines, scilicet Episcoporum, filiorum majorum, filiorum minorum, & Diaconatum, reliquos omnes, Christianos vocabant. R. Nam septem esse Ordines constat ex Concilio Carthaginensi 4. in quo omnes Ordinis gradus describuntur, & modus quo illorum ordinatio facienda est, declaratur. Hoc autem Concilium, in quo agitur de ordinatione Episcopi, Presbyteri, Diaconi, Subdiaconi, Acolyti, Exorcistæ, Lectoris, ac Osiarii, celebratum est cum interventu ducentorum quatuordecim Episcoporum, inter quos erant plures Sancti, & præ cæteris D. Augustinus. Insuper Conc. Trid. sess. 23. Can. 2. dicit anathema negantibus in Ecclesia esse Ordines majores, & minores supra recensitos; ergo de facto dantur septem Ordines, non quatuor; Tum quia de filiis majoribus, vel minoribus nullibi fit mentio; ergo &c. Ad majorem hujusmodi Catharorum notitiam, non erit abs re consulare, quæ de iisdem scribit Natalis Alexander seculo undecimo.

XVI. CATHARI. Anno 1540. nova Catharorum turba apparuit, qui secta erant Anabaptistæ, & inter Antilutheranos apponuntur, tam à Lindano, quàm à Gravina: vocat autem Lindanus hos Catharos etiam *Sanctulos*, quia

1. Sinè peccato se esse gloriabantur, quare recitando orationem Dominicam, omittebant clausulam: *Dimitte nobis debita nostra*. R. ex eo quod legitur *sepius in die cadit iustus*; Tum quia nemo scit an sit odio, an amore dignus; Tum quia gloriari se esse sinè peccato, est actus vanæ gloriæ, & consequenter esse peccatum. Tum quia majores Sancti se constabantur peccatores; Tum quia sinè speciali revelatione, nemo scire

potest certò se esse in gratia; ergo &c. 2. Infantes, sinè peccato nasci dicebant. R. verbo *Pelagius*.

3. Orationes nihil pendebant. Rep. verbo *Calestius*.

4. In materiâ Eucharistiæ Luthero adhererebant. R. verbo *Lutherus*.

III. CATHAPHRYGI sic dicti fuerunt, quòd auctores hujus hæresis ex Phrygia ortum habuerint, ejusque sectatores maxime in Phrygia versarentur. Fuit autem primipilus hujus hæresis Montanus. Cathaphrygi igitur, solùm quoad nomen sortitum à Regione, differunt à Montanistis, verbo *Montanus* reprobandi. Porro Cathaphrygi omnes à Zephirino Papa fuerunt excommunicati, quorum occasione orta est quæstio de iterando Baptismo hæreticorum, eorumque causa rursùm tractata, & discussa in Conc. Nicæno. Refert insuper Philastrius, quòd baptizabant mortuos, qui absque Baptismo decessissent.

III. CATHAPROCLI. Hæc pariter secta fuit Montanistarum, à Proclo propagata, de quo sub nomine *Proclus* fustior notitia dabitur: distinguebantur Cathaprocli à simplicibus Montanistis per sequentes errores.

1. Mentiebantur doctrinam suam, non ab homine, sed à Paraclete, qui descendisset in homines, se accepisse.

2. Jejunia austeriora, instinctu spiritus servanda dicebant. R. verbo *Arianus*, ubi jejunia ab Ecclesia præcepta servanda esse ostendimus; Tum quia, cum difficile sit rectam habere discretionem proprii spiritus, ideò satius est in observantia jejuniorum se accommodare præceptis Ecclesiæ, quàm sequi proprium spiritum, qui aliquando errat; ut sæpè compertum est, nam non semper est spiritus bonus, qui loquitur in nobis, sed aliquando spiritus malus, sub specie boni, tentationibus nos urget. De discretionem spirituum consule Cardinal Bona, qui præ cæteris eruditum in hac materia tractatum edidit, ab omnibus comendatissimum. Bonum est jejunare ex devotionis instinctu, sed jejunia ab Ecclesia præcepta, debent jejunii ex devotio.

votionis inclinatio assumptis, præferri. Vide verbo *Aeriani*, *Agapeta*. Confule etiam librum *de discretione perfectionis* Coloniz impressum anno 1737. pag. 106. ubi ex professo agitur de modo discernendi bonas inspirationes à falsis.

3. Tempore Martyrii. non licere fugam arripere asserbant. R. ex Scriptura: *Cum persecuti vos fuerint in una civitate, fugite in aliam*; quod confirmatum est exemplo S. Pauli primi Eremitæ, S. Athanasii, & plurium aliorum, SS. ut constet ex historiis Ecclesiasticis, quod certè non fecissent tot Sancti, si tempore martyrii non liceret fugam arripere. Martyrium subire utique sanctum est, sicuti probavimus contra Adamitæ; sed qui timet se exponere periculo, & potest fugere, licet hoc faciat; non enim Christus præcepit nos ultroneè martyrium subire; nec semper licet se ultro offerre.

VII. CAZINZARII à nomine Cazus; quod in Armenia crucem significat; dicti sunt Cazinzarii, qui seculo 7. originem habuerunt. Ridiculum planè est, quod de eis refertur. Jejunium statutis diebus servabant, ad deplorabilem memoriam excitandam cujusdam canis, cujus nomen erat *Araiburi*, sic dicti à suo hæro *Sergio*; qui Sergius fuit Cazinzariorum pseudo-propheta, & quoties ad suos adibat, Araiburum canem suum, tanquam Prodròmum præmittebat. Dicti sunt etiam Cazinzarii *Stanvolatra*, hoc est crucis adoratores, ex Nicæph. l. 18.

1. Nullam imaginem, excepta cruce, adorabant. R. verbo *Iconoclasm*.

2. Duas in Christo admittebant personas. R. verbo *Nestorius*.

XIV. CACCUS. Franciscus Asculanus in Italia, Caroli Ducis Calabriæ Astrologus, damnatus de hæresi ab Inquisitore Florentiz, crematur Bononiz, ubi ediderat tractatum in Sphæram, pluribus refertum erroribus; dicitur tamen post damnatum Bononiz librum, suos abjurasse errores anno 1327. ex Spond.

1. Scripsit in superioribus cælis malignos spiritus generari, qui per incantationes constringi poterant ad mirabi-

lia faciendâ. R. Quia maligni spiritus sunt Angeli rebelles, à Deo damnati, qui non generantur, sed creati fuerunt: sunt puri spiritus, ergo non possunt generari; nam vel generarentur ad invicem, vel à corpore; non à corpore, quia corpus spiritum generare nequit, neque ab invicem, quia purus spiritus non habet potentiam generativam. Quod non possint constringi per incantationes ad mirabilia faciendâ, constat Exod. 23. Levit. 19. & 20. Deuteron. 18. Ezechielis 14. ubi reprobandur à Deo recurrentes ad dæmones, qui sine Dei permissione nihil agere possunt, & sæpè in his quæ agunt decipiunt homines, qui illis se fidunt, sicut multoties experientia comprobavit.

2. Dicebat stellarum influxibus hominem subditi, & necessitari ab illis ad agendum quæ agit; hinc deducebat Christum incarnatum, conformante se Deo cum stellarum influxu, & ex stellarum influxu evenisse, quod natus sit pauper, in cruce sit mortuus, & Antichristum ex stellarum influxu nasciturum divitem, & potentem. R. Quia stellæ propter hominem, non homo propter stellâ factus est. Tum quia si omnia evenirent ex stellarum influxu, tolleretur Dei providentia, & liberum hominis arbitrium. Hominem esse liberi arbitrii, & non esse fato, & stellis subiectum, probatum est verbo *Bardeanes*. De Christo autem, quod voluntarie sit passus, constat Joan. 10. vers. 18. *Nemo tollit animam à me. sed ego pono eam à meipso*; ergo etiam voluntariè passus est; sic etiam ex suavi Dei dispositione cetera evenire, abundè probant Theologi, conciliantes Dei providentiam cum libero hominis arbitrio, ubi agitur de actionibus humanis. Circa illa verò, quæ à libero hominis arbitrio non dependent, solum Deum auctorem, provisorem, & dispositorem cognoscendum, satis constat ex eo, quod omnia debent à primo principio esse, & regulari; sed Deus solus est principium, & causa rerum omnium; ergo omnia in suo esse dependent à Deo.

III. CA-

III. Cæcilius tempore Zephirini Papæ vivebat, fama eloquentiæ rethoricæ insignis; religione autem gentilem fuisse probabile est, quantum liquet ex disputationibus conjectari, quas contra ipsum instituit Minutius Felix, Romæ insignis Causidicus, à quo tandem convictum fuisse, & in Christum credidisse arbitrat Spondanus in sua Epitome ad annum 209. & hunc Cæcilium eundem fuisse censet, qui Cyprianum Carthaginensem edocuit. Certum est Cæcilium objecisse Octavio secum disputanti, quod Christiani in primitiva Ecclesia nullas aras, nulla templa habuerint; sed falsitatis manifestè convincitur, quandoquidem ab ipso exordio nascentis Ecclesiæ Christianos templa habuisse, sive domos in Ecclesiis consecratas, in quibus Sacerdotes vero Deo sacrificium incruentum offerebant, & Eucharistiam distribuiebant, constat ex irrefragabili Historicorum, qui omni exceptione majores sunt, testimonio. Quod etiam deducitur ex D. Pauli ep. 1. ad Cor. c. 11. *Convenite mihi vobis in unum, jam non est Dominam cenam manducare &c.* Domum S. Pudentianæ Romæ sitam in vico Patritio à S. Pio Papa consecratam fuisse in Ecclesiam, constat ex antiquis monumentis; profitentur, & probant plures Historici; hoc autem contigit circa medium secundi seculi. In dicta Ecclesia S. Pudentianæ asservatur etiam altare super quod S. Petrus Sacra faciebat. De Cæcilio mentionem etiam facit Hieronymus differens de Scripturis Ecclesiasticis ad Minutium. Cæterum Cæcilius, si ex Gentili factus est Christianus, non erat in hoc Catalogo recensendus, sed ratione objectionis factæ, de qua supra, ut aliqua apponeretur eidem reprobatio, de eodem fuit agendum, cum eandem objectionem successu temporis, ab aliis hæreticis contra Catholicos factam, & ipsius Cæcilit testimonio reprobata compererim.

V. Cælestius. Sunt, qui asserant Cælestium patriam fuisse Britannum. Nobilibus certum est natum parentibus, à natura eunuchum, ardenti, & sublimi

spiritu dotatum, unà cum magistro suo Pelagio Romam venit, deinde Africam reversus, Siciliam petransiit, ubi Presbyter ordinari voluit, ut majorem suis erroribus, quos disseminare meditabatur, adderet auctoritatem; & de facto Presbyter ordinatus, majori cum audacia cœpit, factio suarum hæresum halitu, Siciliam infectare; unde factum est ut Pelagiani à Cælestio etiam Cælestiani nuncuparentur. Fuit Cælestius primarius Pelagii discipulus; quicquid Pelagii armiger, magister, & ductor totius impietatis, à S. Hieronymo nominatus. Cum fuisset Carthagine Judicio Episcopali, scilicet ab Aurelio damnatus, appellavit ad Innocentium Romanum Pontificem; deinde in Concilio Carthaginensi convictus, mox à Zosimo Papa universali decreto anathematizatus, ab Honorio Imperatore cum omnibus suis sectatoribus proscribitur; sed rursus in urbem se inferens, iterum pellitur à Constantino Imperatore. Nec omittendum quod Cælestius, ut se ab hæresi excusaret, dixit hæreses à se editas assertiones fuisse questionum, non verò hæreses; sed hoc veterrimum fuit Pelagii consilium, qui ut suas pravas opiniones facilius introduceret, nec tamen de hæresi damnari posset, ita subdole agere consuevit, & quasi per questiones veritatem inquireret, falsitatem disseminabat. Cælestium Carthage oppugnavit Paulinus Diaconus Mediolanensis, qui contra eundem disceptans, ab eo querens, cujus esset doctrina, quam prostebatur, respondit, se à Rustino Presbytero Aquilejensi didicisse, ex quo factum est Rustinum Pelagianæ hæresis primipilum, tunc fuisse detectum, qui in suo occultando veneno, summa usus dexteritate, orthodoxos videbatur. Visus autem est Cælestius Romæ in Basilica S. Clementis recantare palinodiam, cum urbem accessisset, causam suam acturus apud Innocentium. Sed quia tergiversationes nunquam desinit querere Cælestius, studuit etiam processum temporis fallere, sed frustra, ipsum Summum Pontificem Zosimum, Innocen-

centii successorum, à quo licet auditus, non tamen absolutus fuit, imò tandem damnatus, & iubente Imperatore Constantino, non modò Roma, sed ab Italia proscriptus. Errores Cælestii iidem sunt ac errores Pelagii, eosque recenset D. Augustinus lib. de heresi 88. qui egregiè, rogante Hilario Episcopo Siracusano, Cælestii errores confutavit, & quantum ex diversis Auditoribus colligere potui sunt sequentes

1. Dicebat Christum Dominum consecutum fuisse Divinitatem in resurrectione, & hoc meritis suæ passionis. R. Quia in Christo ab instanti quo fuit conceptus, fuit facta unio Divinitatis cum humanitate in unitate suppositi; de Christo enim adhuc in utero Virginis existente dixit Angelus: *Concipies filium, hic erit magnus, & filius Altissimi vocabitur*, sicut vivens inter mortales vocatus fuit; ergo Christus non est consecutus Divinitatem in resurrectione. Tum quia de Christo, ut Deo, pluribi loquitur Scriptura, antequàm pateretur, & resurgeret; ergo &c. Tum quia Verbum est incarnatum in utero Virginis; ergo Christus non est consecutus Divinitatem meritis suæ passionis in resurrectione.

2. Afferuit Adamum fuisse creatum à Deo mortalem, & moriturum, etiam si non peccasset. Repr. Gen. 2. vers. 17. *In quocunque die comederis, morte morieris*, ex quo evidentè deducitur Adamum non fuisse mortuum ex prima conditione naturæ, cui immortalitatis privilegium fuerat concessum; sed ex culpæ demerito; hùc spectat, quod legitur Sapient. cap. 12. vers. 24. *Invidia diaboli mors introiit in orbem terrarum*: sed & Apost. ad Rom. 8. vers. 10. aperte innuit mortem corporalem subire homines propter peccatum: *Corpus quidem mortuum est propter peccatum*. Insuper in paradiso erat lignum vitæ, de quo quisquis comedisset, non erat moriturus; ergo si Adam perseverasset in paradiso, à quo fuit ejectus propter peccatum, non fuisset mortuus; hinc legitur Genes. 3. vers. 22. *Ne foris mittat manum suam, & sumat etiam de ligno vitæ, &*

comedat, & vivat in æternum &c. Nec valet dicere, quòd Adam adhuc fuisset mortuus ex conditione naturæ; quia mori, & corrumpi absolutam conditionem naturæ, quæ quantum est de se, semper tendit ad conservationem sui. Cum autem in statu innocentie nihil fuerit adversi, quod posset timere homo, quia Deus ita custodisset, ut nec ferz, nec alii casus potuissent illi mortem inferre, evassisset proculdubio immortalis sub cura Dei.

3. Docuit, quòd neque per mortem Adæ omne genus humanum moritur, quia neque per mortem Christi, omne genus humanum resurrexit. R. quoad primum verbo *Pelagius*, ubi ostenditur peccatum Adæ lædere totum genus humanum: quoad secundum verò. R. verbo *Bassus*.

4. Afferuit oblivionem, & ignorantiam, etiam vincibilem, non subiacere peccato, quoniam non secundum voluntatem eveniunt, sed secundum necessitatem. R. Quia sæpè contingit oblivionem provenire ex parte nostra, quia scilicet debitum examen non adhibemus opportuno tempore circa ea, quæ exercere debemus; in quo casu constat, quòd qui sic dat motivum oblivioni, peccat, dum non agit, quæ agere deberet; & juxta gravitatem negligentie adhibitz, commensuratur peccatum, sicut etiam gravitas peccati, in tali casu, commensuratur à gravitate præcepti, quòd transgreditur per oblivionem. Sic etiam plures ignorant, quia negligunt discere, quæ adhibita necessaria diligentia, tenentur scire, & scire possent, si velent, in quo casu ignorantia est vincibilis, & non excusat à peccato, & hi sunt, qui nolunt intelligere, ut bene agant, & de quibus legitur: *Ignorans ignorabitur*; idem enim est vincibiliter ignorare, ac velle ignorare; ergo sicut imputatur culpæ, si quis velit legem, ignorare, ne obediat, ita etiam quando quis vincibiliter ignorat, quæ scire tenetur, à culpa non excusatur.

5. Dicebat ignorantiam, & difficultatem, sine quibus nullus homo nascitur, non supplicia esse peccati, sed naturæ primordia. R. Quia Deus creavit homi-

hominem in statu innocentie tot tantisque donis gratiæ munum, ut per eamdem facile, & absque difficultate posset bonum operari; Creaverat siquidem cum iustitia originali, quæ reddebat naturam humanam expeditam ad operandum bonum, sed iustitiam originalem homo amisit propter peccatum; & ex amissione iustitiæ originalis, certum est provenire difficultatem, quam nunc experimur; ergo difficultas, & ignorantia, cum qua homo nascitur, non sunt naturæ primordia, sed supplicia; unde Ecclesiastici 7. legitur: *Deus ab initio fecit hominem rectum*, id est dederat ei scientiam infusam, & iustitiam originalem, cum quibus donis, nullam patiebatur ignorantiam, & difficultatem. Tum quia licet natura humana quantum est de se, non exigit illa dona, cum quibus creata fuit ab initio, attamen certum est quòd quantum est de se, non exigit naturaliter subjacere ignorantie, & difficultati in operando; ergo dici nequit quòd ignorantia, & difficultas, cum quibus homo nascitur, sint naturæ primordia, sed quidem peccati supplicia; indebitis enim donis meruit carere, cum iisdem bene uti recusaverit.

6. Juramentum penitus damnabat. R. verbo *Cutharista*.

7. Negabat orationem esse bonam, & utilem, vel habere aliquam virtutem. R. Quia Christus, non modò nos monet orare, sed etiam nos docet quomodò debeamus orare, ut constat Luc. 18. *Oportet semper orare, & in cœnaculo, & in horto Christus oravit, & monuit Apostolos ut orarent, quod certè non fecisset, nisi utilitatem orationis cognovisset, quæ sapè commendatur in sac. pag. sic psalm. 119. vers. 1. Ad Dominum cum tribulaberis clamavi, & exaudivit me? Jacobi epist. Canonica cap. 5. vers. 13. Tri-natur aliquis vestrum? orat? A quo animo est psallat. Infirmatur quis in vobis, inducat. Presbyteros Ecclesiam, & orent super eum, ex quo textu constat bonum esse orare, non modò pro se, sed etiam pro aliis: item Matt. 21. vers. 23. Luc. 11. vers. 10. orationis efficacia commenda-*

tur; & vix est qui in seipso non experiatur quantæ sit utilitatis oratio, ex qua interna pax oritur, mens purificatur. De efficacia orationis de modo orandi cum fructus consulè librum de discretione perfectionis impressum Colonia anno 1737. c. 29. Sed in tantum Cælestius dixit orationem esse inutilem, quia volebat solum arbitrium, sine gratia valere ad salutem consequendam, circa quòd. R. verbo *Pelagius*. Alios Cælestii errores de quibus mentionem facit D. Augustinus hær. 81. & D. Hieronymus adversus Pelagium verbo *Pelagius* reprobantur.

V. CÆLICOLÆ. Hoc nomine primum nuncupati fuerunt aliqui Judæi, circa annum 60. eo quòd. astræ colerent. Sic Hieronymus exponens illa verba ad Colos. 2. *Nemo vos seducat, volens in humilitate, & religione Angelorum*, exponit enim Hieronymus, requisitus super hæc verba; quòd Paulus fugillare voluerit eos, qui erant ex-circumcisione, colentes astræ Cæli, atque Angelos, qui error est & in posteros propagatus. Cælicolæ siquidem dicti fuerunt quidam hæretici in Theodosiano, & Justiniani Codice proscripti, circa initium sæculi quinti, quia colebant cælestè Idolum Carthagine erectum; sed quantum colligere fas est ex Honorii Imperatoris sanctione, apparet illos dictos esse Cælicolas, qui ex Christiana fide transierunt ad Judaismum: noluerunt autem Judæi nuncupari, sed Cælicolæ, siquidem novam sectam introducere conabantur, quam repræsentavit Honorius Imperator; in qua secta præter Judæorum errores, etiam astrorum cultum prostabantur. R. psal. 104. vers. 26. *initio tu Domine terram fundasti, & opera manuum tuarum sunt celi; ipsi peribunt, tu autem permanes*, dein milles in Scriptura sacra reprobantur adorantes, erigentes altaria, & sacrificantes Militia Cæli, id est astris. Ergo Cæli, & astræ non sunt adoranda tanquam Deus, cum sint opus Dei. Vide verbo *Polytheismus*. Quoad legem Judaicam, quam revocabant in usum. Vide verbo *Apollinaris*.

II. Cæsus à S. Epiphanio hær. 51. reprobatur.

reponitur inter Philosophos Græcos, qui subversionem Evangelicæ translationis moliebantur; quare idem Epiphanius scripsit contra hæresim, quæ non suscipit Evangelium, de qua sub hæz. 51. agit; & vocabatur *hæresis dæmonium*, & *hyntorum*. Celsus itaque secta Epicureus, edidit adversus Christianam, & Judaicam Religionem commentarium, quod inscripsit: *Veri sermo*, ubi plura ex his, quæ in Evangelio scripta sunt sugillare, ac blasphemias impetere videtur. Fuit autem egregie confutatus ab Origene, rogante quodam pio viro, cui nomen erat Ambrosius. Obiciebat præcipue Celsus Christianis multitudinem hæresum, quæ erant in Ecclesia; sed satis soluta est obiectio à Divo Paulo dicente 1. ad Corint. 11. *Oportet & hæreses esse, ut & qui probati sunt, manifesti fiant in vobis*. Permittit Deus Ecclesiam ab hæresibus agitari, cum magno Christianæ veritatis emolumento, quæ inter hæresum nebulas lucidior splendet, & inconcussa triumphat. Cæterum nulla est obiectio Celsi dicentis: In Ecclesia plures esse hæreses, cum hæretici non sint intra Ecclesiam; quisquis enim cum Ecclesia non sentit, est extra Ecclesiam; ideo Paulus epist. ad Tim. 3. eundem monet, ut hæreticum hominem devitet. Tum quia qui vult esse de corpore, debet habere unionem cum corpore, sed hæretici non uniuntur cum corpore Ecclesiæ; ergo &c. Ergo male obiciebat Celsus in Ecclesia plures esse hæreses. Calumniabatur etiam Celsus Christianos dicens

Christum non præscivisse quæ passurus erat. R. Luc. 18. *Assumpsit Jesus duodecim, & ait illis, ecce ascendimus Jerusalem, & consummabuntur omnia, quæ scripta sunt per Prophetas de filio hominis; tradetur enim Gentibus, & illudetur, & flagellabitur, & conspuetur; & postquam flagellaverint, occident eum, & tertia die resurget*. Dicebat etiam Celsus, quod terræmotus, Christianorum culpa contingerent, cum potius eorumdem precibus sedatos deberet profiteri.

II. CENONES vocabantur quidam

apud Montanistas in dignitate Ecclesiastica ab ipsis constituti, qui erant sub Patriarchis, & præcedebant Episcopos; sed de hac dignitate, in veræ Ecclesiæ Hierarchia nullibi est mentio. Tum quia Episcopi cum sint Apostolorum successores, nullum supra se agnoscunt, quoad jurisdictionem, nisi solum Pontificem Romanum.

XVI. CENSORES reponuntur à Gravina inter Antichristianos liberæ fidei, & illi sunt, qui singulis articulis reformatæ religionis suas affigunt censuras, in quibus decernunt quid credendum sit, quid respuendum; ita tamen ut unicuique liberum sit, vel acceptare, vel respuere quid sit credendum; quo admissio unusquisque esset sibi auctor fidei, nec una esset fides.

XVI. CENTURIATORES illi sunt, qui quidquid in Centuriis legitur, pro puro Dei verbo recipiendum putant. Centuriæ autem compositz fuerunt à ministris Magdeburgensibus, quorum Princeps erat Illyricus, qui historiam suam Ecclesiasticam, sub Centuriarum nomine edere cepit, & eandem Elisabethæ Reginae Angliæ dicavit. Scopus hujus operis fuit Augustanam confessionem reddere probabilem, ostendendo mediis Centuriis, continentibus historiam Ecclesiasticam, sed pluribus refertam mendaciis, primitivam Ecclesiam in suis dogmatibus conformem fuisse confessioni Augustanæ. Cum tamen reperirent Centuriatores facili antiquorum Patrum testimonio convinci mendacii, & falsa esse, atque aliena à vera fide, quæ in confessione Augustana profitebantur, cludebant testimonio Patrum contra illos adducta, dicendo sanctorum Patrum codices fuisse corruptos. Sed nullam esse hanc responsionem, constat ex scripturis originalibus aliquorum Patrum, quæ usque in præsens asservantur, cum quibus facta collatione, facili est convincere mendacii Centuriatores, ideoque cum repererint hoc modo non posse effugere vim legitimarum auctoritatum sanctorum Patrum, quæ contra illos adducuntur, ut aliâ viâ eluderent difficulta-

cultatis pondus, ausi sunt asserere SS. PP. in his adituendis quæ contraria sunt confessioni Augustinæ lapsos fuisse, & hoc quantum spectat ad SS. PP. qui à Christo nato usque ad 5. seculum inclusivè scribere; nam illos, qui posteriori tempore fuerunt, penitus rejiciunt. Illyrico in Centuriarum continuatione, præcipue adjutores fuerunt Jo: Wigandus Manspheldiensis, Mattheus Judex, & Basilius Faber, qui subscripti reperiuntur in Epistola dedicatoria. Continentur Centuriæ in tredecim voluminibus, ad quas perficiendas prædicti ministri Magdeburgenses socios laboris, sive potius impietatis habuerunt Nicolaum Gallum Saxonem, Scelestinum Hutevum, Gasparem Nidrupium Consiliarium Cæsareum, & Joannem Baptistam Hiencecium Augustanum. Confutavit Centurias Alanus Coppius Anglus. Fuerunt autem Centuriæ in tredecim libros divisæ; cum enim compactæ sint ad formam historiarum Ecclesiasticarum, usque ad 13. seculum inclusivè deductæ, unusquisque liber uni seculo correspondet; unaquæque Centuria in sexdecim capita est partita; in quorum primo habetur summarium eorum omnium, quæ in libro differuntur; Secundum agit de loco, & extensione Ecclesiæ. Tertium de Persecutionibus. Quartum de Doctrina. Quintum de Hæresibus. Sextum de Cæremoniis, & ritibus. Septimum de Regimine. Octavum de Schismatibus. Nonum de Conciliis. Decimum de Vitis conspicuorum Prælatorum. Undecimum de Hæreticis. Duodecimum de Martyribus. Decimumtertium de Miraculis. Decimumquartum de spectantibus ad Judæos. Decimumquintum de Religionibus ab Ecclesia separatis. Decimumsextum de Mutatione, ac politicâ regnorum. Hoc opus nonnisi mutilata, depravata, ac mendax historia potest nuncupari, ut potè ab hæreticis compactum contra Romanam Ecclesiam, ad stabiliendam præteritam reformatam Synagoga; in qua tantum abest, quòd sit una Religio, & consensus in articulis credendis, ut ferè quot capita, tot sint sententiæ:

Tom. I.

Quot enim sunt civitates hæresi contaminatæ in Germania, tot scimus esse diversas confessionis formulas, de quibus sub proprio nomine agemus; quæ diversæ confessionis formulæ toties confectæ, defectæ, & refectæ sunt, ut hoc sit validius argumentum, ad probandam insubstantialitatem Religionis præteritæ reformatæ, & ad constituendam insubstantialitatem fidei, quam Ecclesia Catholica Romana proficitur; quandoquidem à prædicatione Christi, usque ad hoc momentum, semper una, & eadem fides inconcussa, apud Orthodoxos profuitur.

II. CEPHALENIIS. Populi sunt, qui Epiphaniem in urbe Cephalenia sepultum, Carpocratis filium, tanquam Deum adorabant; recurrente nova luna ipsi sacrificantes. Epiphanes licet junior decesserit, in multa tamen malitiâ consumatus, & in paternâ hæresi sustinendâ pertinacissimus fuit. Cephalenios, Carpocratianos errores professos esse probabile est, præter quos.

Dicebant uxores debere esse communes. R. verbo *Adamita*.

II. CARPON fuit tempore Antonini Pii Magister Marcionis, & Simonis discipulus: à Syria digressus, Romam profectus, sub Hygino Papa cepit docere errores, quos jam in Syria promulgaverat. Sæpè, sed siccè pœnitens, de respiscencia dedit indicia; idèd priusquam Româ discederet, sub Hygino Papa abjuravit: sed vix ab urbe secesserat, cum iterum ad impietatem accessit. Romam secundo reversus sub Aniceto Papa, pro sui animi inconstantiâ, non religionis zelo, iterum palinodiam recantat; post quæ pertinacior factus, non desistit promulgare suos errores. Strenuè pugnavit contra hunc hæreticum S. Apollonius Corinthiorum Episcopus, & in Orientali Synodo eum damnavit.

1. Duo introduxit principia, unum dicens esse Deum Patrem Christi, non cognitum Prophetis, aliud esse Deum universi effectorem, & Legislatorem, hunc justum, & severum, illum mi-

Z

gelio

gello Joannis, in quo unus creator omniū aſſeritur. Ex Symbolo Nicæno, ubi Deus Pater Jeſu Chriſti, omnipotens creator cæli, & terræ conſtituitur. Convincitur ex principiis bonæ philoſophiæ, quæ omnia neceſſariò reducit ad unum principium, propter implicantias, quæ deſequentur, admiſſis duobus principiis. Fuſius reprobat verbum *Manes*.

2. Dixit Chriſtum veram carnem non aſſumpſiſſe, ſed ſolùm apparenter, & omnia phantaſticè feciſſe. R. verbo *Albanenſes*, & *Agarenſi*.

3. Reſurrexerunt animæ concedit, negans reſurrexerunt corporum. R. verbo *Baſſidiant*.

4. Teſtamentum vetus repudiat, ut pote à Moyſe, & Prophetis traditum, & tanquam à Deo alienum. R. Quia Deus ipſe, ſe locutum fuiſſe per Moyſen ad populum, & per os Sanctorum, & Prophetarum, teſtatur in ſacris paginis; neque eſſe poteſt à Deo alienum, quod Deus ipſe promulgari præcepit. Vide verbo *Albanenſes*.

5. Solùm Evangelium Lucæ, nec tamen totum recipit, reliquum Scripturæ repudiat. R. verbo *Albanenſes*.

6. Dicebat Chriſtum deſcendiſſe è cælo ab ignoto Patre, ut everteret imperium ac tyrannidem, quam exercebat conditor mundi. R. nam Chriſti Patrem non eſſe ignotum comprobant, quæ Chriſtus ipſe de ſuo Patre docuit Apoſtolos, cum ipſis per ſæpè de Patre æterno ſermone inſtituto, quem Deum eſſe novit Chriſtus; noverunt illi, quibus ipſe revelavit, & per quos univerſali Ecclæ facta eſt revelatio. Conſitemur itaque Filium Dei unigenitum deſcendiſſe de cælo à Deo, Deum de Deo, lumen de lumine, Deum verum de Deo vero, quem mundi hujus conditorem eſſe ſcimus, & credimus, & conſequenter nullum Imperium tyrannicum exercuiſſe, imò in ſolâ miſericordiâ, & gratiarum abundantia, mundum gubernari à Deo quotidie experimur.

1. CERINTHUS Simonis magi diſcipulus, prædicationi ſuæ initium dedit Antiochiæ in Syria; fuit circumciſus, & ex

ipſâ circumciſione occaſionem deſumpſit excitandi turbas contra Orthodoxos; unus ex illis eſt, qui reſiſterunt S. Petro, eo quòd baptizaret Cornelium. Inſuper inter illos connumeratur, quiurbationem operati ſunt, quando D. Jacobus ſcripſit io Antiochia his verbis: *Novimus quosdam ad vos veniſſe, ac turbare vos ſermonibus, quos non narravimus*. Cerinthus ille eſt, qui ſeditionem excitavit Jeruſolymis, quando Paulus rediit cum Tito. Magna fuit ioter Cerinthus, & Ebionem neceſſitudo, ideò cum ambo ſemel in balneo exiſtere, S. Joann. Evangeliſta compertum habuiſſet, ſtatim è balneo tanquam ab eorum impietate, contaminato, egreſſi voluit. Cum mortuo Domitiano, S. Joannes ab Urbe Epheſina reverſus eſſet Jeruſolymam, exorantibus Chriſtiſidelibus ſuum ſcripſit Evangelium, ad convellendos errores Cerinthi, qui Redemptoris Divinitatem negabat, tùm Antiochiæ, cum Jeruſolymis diſſidiis excitatis, eo quòd circumciſionis neceſſitate ſuſtinere contenderet. Aliqui ex Cerinthianis, referente S. Epiphanio, reſurrexerunt negantes, etiam Chriſtum nondùm reſurrexiſſe eſtuebant. Philaſtrius aſſerit Cerinthianos Judam in honore habuiſſe, & inimicos illorum ſe probaſſe, qui ſuſtinebant martyrium. Apocalypſim ſcripſit Cerinthus, quàm cum Apocalypſi Joannis quidam voluerunt confundere. Somniarum revelationes, quas Cerinthus in ſua ſcripſerat Apocalypſi, unicuique erant fundamentum errorum, quos propugnabant ejus ſeſtatores; tandem in ætate decrepita obiit, cum do-cuiſſet.

1. Hominem poſſe ſalvari ſinè Baptiſmo: inſuper pro deſuncto ſinè Baptiſmo vivum baptizans, voluit ſufficere in tali caſu Baptiſmum à vivo vice deſuncti ſuſceptum. R. verbo *Bucerus*. Tanta autem ſtulticia eſt vivum pro deſuncto baptizare, quanta eſſet medicinam vivo, ut deſunctus reſurgeret, exhibere. Hujus erroris meminit S. Paulus 1. Cor. 15. 29. redarguens ad hominem eodem reſurrexerunt negantes.

2. Ma-

2. Mariz Virginitatem oppugnavit. R. verbo *Antimariani*.

3. Unum quidem esse Deum universum, non tamen eundem esse conditorem mundi, sed ab incognitis potestatis mundi fuisse conditum asserbat. R. ex Gen. cap. 1. ex Evang. Joann. ex Symbolo Niezno, & Apostolorum. Tum quia si Deus non esset conditor mundi, neque unus esset Deus universum; conditor enim mundi necessariò Deus est, cum solus Deus possit creare; sicut contra Arnaldum Brixientem ostendimus.

4. Dixit Christum in Jesum jam ad ultimum descendisse, in cuius virtute Jesus operatus est miracula, & quando Jesus est passus, Jesum in terra remansisse; Christum autem ascendisse in cælum, unde Christum facit alium à Jesu. R. verbo *Nestorianus*. Item in Evangelio Matth. legitur: *Jesu filii David &c. Patres Filium, & vocabis Jesum*, & de eodem *Filius Alisimi vocabitur*. Ex quibus verbis evincitur Christum non esse alium à Jesu. Item legitur: *Liber generationis Jesu Christi*; sed si Christus esset alius à Jesu, Evangelista non dixisset *Liber generationis Jesu Christi*, sed solum generationis *Jesu*; Demum ex S. Joanne cap. 10. *Ut credatis quoniam Jesus est Christus Filius Dei*.

5. Somniavit Regnum Christi futurum post judicium universale in oblectamentis veneris, & ventris. R. ex ipso Christo dicente: *Regnum meum non est de hoc mundo*. Matt. 22. *in resurrectione, neque nubent, neque nubentur, sed erunt sicut Angeli Dei*; Tum quia Christus semper redarguit oblectamenta carnis, ergo in his oblectamentis non potest Regnum Christi constitui. Tum quia Christus promisit Apostolis se iturum parare Regnum in cælo; ergo &c. Vide verbo *Chiliasse*.

6. Christum non esse Deum, sed purum hominem pronunciavit. R. Luc. cap. 1. *Hic eris magnus, & filius Alisimi vocabitur*; quod nascetur ex te Sanctum, vocabitur filius Dei; Insuper Magi Christum, non ut purum hominem, sed etiam ut Deum adoraverunt. Tum quia Evangelium à D. Paulo vocatur ad

Roman. 1. vers. 1. *Evangelium Dei*; Joannis cap. 10. vers. 3. *Ego, & Pater unum sumus*, ergo Christus qui est unum cum Patre, non potest esse purus homo, sed Deus homo; siquidem quia Deus, est unum cum Patre; Tum quia Christus instituit Sacramenta, hæc à Divo Paulo, prima ad Cor. cap. 4. vers. 1. vocantur mysteria Dei, ergo Christus est Deus. Nec valet dicere Messiam in sac. pag. promitti ut purum hominem; nam sac. paginz aliquando loquuntur de Christo ut Deo; aliquando de Christo ut homine; aliquando de Christo ut Deo, & homine; idè ex eo quod alicubi sac. pag. loquantur solum de Christo ut homine, non potest inferri, quod Christus non sit Deus. Vide verbo *Artemon*, *Budeista*.

7. Asseruit legem Mosaycam cum Evangelio fore servandam, ut salutem consequamur; idè circumcisionem, æquè ac Baptismum, necessariam esse dicebat. R. verbo *Ararius*. Tum quia si lex vetus, unà simul cum nova foret servanda ad salutem, gravior esset hominum conditio post Incarnationem, quam ante, sed post Incarnationem homines vivunt in lege Gratiz, quæ respectivè ad legem Mosaycam, dicitur jugum leve, & onus suave; ergo lex vetus quoad legalia non debet amplius servari, unde Apost. ad Heb. cap. 7. vers. 12. habet: *Translato enim Sacerdotio, necesse est ut legis translatio fiat*; & ad Galatas 5. *Eccce ego Paulus dico vobis, quoniam si circumcidamini, Christus vobis nihil proderit*.

8. Sustinuit errorem Millenariorum, idè solum mille annis electos futuros gloriosos, & hanc gloriam, & gaudium reponebat in oblectamentis carnis. R. ex his quæ supra dicta sunt in reprobatione quinti erroris; Item regnum Dei in sac. pag. dicitur æternum, Matth. 24. legitur Christum vocaturum electos, ut possideant regnum paratum à constitutione mundi, & ibunt in vitam æternam. Definitum est ab Ecclesia, cujus regni non erit finis, ergo saltem est electorum gaudium, solum duraturum mille annis,

& regnum paratum Electis, consilere in oblectamentis carnis. Diverfus est autem error Cærinthi, ab eo, de quo agemus verbo *Millenarii*.

9. Refecit plures Scripturæ libros, & maximè Epistolæ D. Pauli, & Genealogiam, quæ continetur in Evangelio Matt. R. verbo *Albanenses*.

10. Petro, & Apostolis, hoc est Papæ, & Episcopis, dixit fore resistentem. R. verbo *Accessali*.

VI. CHAVARIGTES. *Charazi* lingua Arabica, idem significat ac *rebellis*, ex hoc itaque nomine, quod in plurali dicitur *Chavarigtes*, dicti sunt aliqui hæretici, scilicet Mahometani, qui.

1. Negant Deum aliquando misisse Prophetam, qui esset infallibilis, & auctoritatem haberet inter homines condendi novam legem, & quod si necesse aliquando erit mittere Prophetas, hoc munere, dicebant, posse fungi quemcumque hominem iustum, & fidelem. R. quia *Prophetia est Divina revelatio alicui homini facta, rerum eventus immobili veritate denuncians*, sed plures fuerunt, qui denunciarunt immobili veritate ventura, quæ ipsi fuerunt Divinitus revelata, ut constat ex Scripturâ, ubi legimus Prophetias factas de venturo Messia, de Virgine nascituro tali tempore, tali loco &c. ergo de facto Deus misit Prophetas, qui fuerunt infallibiles; quod negare non poterit, nisi qui universam Scripturarum seriem, velit rejicere. Tum quia non implicat Deum alicui revelare ventura, & hunc revelata exprimere; ergo nulla est implicantia quod Deus possit mittere Prophetas. Verum autem est, quod solus Deus potest esse legislator noster; potest tamen per Prophetas legem suam promulgare; sicut fecit per Moysen in lege scriptâ; & tandem per seipsum in carne assumpta, voluit explicare legem Gratiz: est autem falsum, quod omnis homo iustus possit esse Propheta, nam cum Prophetia sit donum gratis datum, potest homo sanctus esse, & non habere spiritum Prophetiæ; quod si sufficeret iustitia, & sanctitas ad habendum

spiritum Propheticum, omnis qui esset in gratia, deberet prophetare. Ceterum Chavarigtes Mahometo adherentes, necesse est, ut aut magis hunc destruant, aut Prophetas admittant, quippe qui, licet perperam, Mahometem Prophetam fuisse gloriantur. Vide Morer. in dictâ.

III. CHILIASTÆ *Chille* est vox græca, quæ latine significat *mille*; ex errore itaque, quem profitebantur, dicti sunt *Chiliastæ*, qui in loco quodam Ægypti *Arsenites* nuncupato, cæperunt disseminare sequentem ineptiam, dicentes Christum post diem iudicii mille annis cum Beatis in hoc mundo temporalitè regnaturum, constituentes beatitudinem in deliciis corporis, qui itaque hunc profitebantur errorem, non modò *Chiliastæ*, sed etiam *Millenarii* sunt dicti. Advertendum tamen, hos *Chiliastas*, sive *Millenarios* confundendos non esse cum *Millenariis*, de quibus sub tali nomine agemus, diverfus siquidem error est *Millenariorum*, de quibus infra aëuri, ab errore præsentium *Chiliastarum*, de quibus hic differimus: Porro *Millenarii*, de quibus verbo *Millenarii* sermo instituitur, quorum auctor creditur Papias Hieropolitanus, non constituebant Christi regnum in deliciis corporalibus, sed dicebant animas iustas, non introducendas ad Dei visionem, nisi post resurrectionem universalem, quando simul cum corpore glorificabuntur, & hæc necessariò erat præmittenda notitia, ut discernuerentur *Millenarii*, & quibus infra, ab illis de quibus hic agimus, quorum principis creditur Cærinthus deinde quidam Episcopus Ægyptius nomine *Negos*, postremò huius hæreticis doctrinæ princeps fuit *Coraion*. Hanc hæresim confutavit egregiè Dionysius Episcopus Alexandrinus, qui triduo contra *Millenarios* disputans, eosdem cum eorum principe ad sanum Ecclesiæ sensum restituit. R. igitur *Chiliastæ* circa hoc quod dicebant, regnum Christi cum Beatis futurum mille annis in hoc mundo in deliciis corporalibus, tum ex his quæ dicta sunt verbo *Cerinthus* tum quia

regnum Christi erit æternum, legitur enim in Symbolo: *Cujus regni non erit finis*. Credimus insuper vitam æternam, ergo regnum Christi non erit millenarium. Tum quia pœna est æterna, ergo præmium debet esse æternum, non millenarium. Non autem potest Christi regnum consistere in deliciis corporalibus hujus mundi, quia Christus dixit quod Beati regnaturi erunt cum ipso, ubi ipse est; *Pater, ut ubi ego sum, illi sit & minister meus*, sed Christus est in cælis, ubi sedet ad dexteram Patris, ergo cum Christo in cælo regnaturi sunt Beati. Tum quia Apostolus ad Rom. 14. ait, quod *Regnum Dei non est esca, & potus, sed justitia, & pax, & gaudium in Spiritu sancto*, ergo non potest consistere in deliciis corporalibus. Tum quia Christus Matth. 26. promittit electis vitam æternam, sed vita æterna non habetur in hoc mundo. Nec quia alicubi Christus invitat Beatos ad cœnam, deducendum est Regnum Christi consistere in deliciis corporalibus, nam ibi Christus metaphorice locutus est, sicut ipse metaphorice vocatur agnus, idè ad cœnam agni dicit invitandos esse Beatos. Quod autem legitur Apocalypseo 20. vers. 4. *& regnabunt cum Christo mille annis*, non probat regnum Christi futurum millenarium, nam mille in sac. Script. sæpè accipitur pro numero indefinito, idem itaque est mille annis, ac in æternum.

2. Dixerunt resurrectionem hominum non futuram pro eodem tempore, sed pro diversis, ac distinctis temporibus homines resurrekturos, ita ut primam resurrectionem sint Electi, & postquam ipsi regnaverint mille annis, sint resurrekturi & ceteri omnes. Rex Scriptura Matth. cap. 25. vers. 31. *Cum venerit filius hominis in majestate sua, congregabuntur ante eum omnes gentes*, ergo si omnes debent congregari in universali judicio, omnes simul resurgent, non autem fiet primatum resurrectio Justorum, deinde peccatorum: quod fortis suadet etiam ex illis verbis, quæ rursus leguntur loco mox citato: *Sepa-*

rabit eos ad invicem, sicut Pastor segregat oves ab hædis, & statuet oves quicquid a dextris, hædos autem a sinistris, ergo si Deus separabit Justos à peccatoribus in extremo judicio, tam Justis, quam peccatores, ab invicem discernendi resurgent. Tum quia sicut in judicio universali Deus vult præmiare merita, æquum est ut simul, & semel castiget demerita. Tum quia scimus Christum dicturum Justis in illa die: *Venite Benedicti, & reprobi: Ite maledicti in ignem æternum*, ergo tam Electi, quam Reprobi comparebunt, & resurgent simul. Demum prima ad Cor. cap. 15. vers. 51. & 52. *Omnes quidem resurgemus: In momento, in illu oculi, nec valet dicere in Apoc. cap. 20. vers. 4. mentionem fieri de duabus resurrectionibus*, nam Apostolus ibi loquitur de resurrectione animæ post mortem, quæ, si pie homo moritur, statim ascendit ad gloriam, vel post expiatas in purgatorio sordes transfertur ad cælum, qui ascensus utique est quædam species resurrectionis, & post hanc resurrectionem, quam S. Apostolus vocat primam, regnabunt sic resurgentes in Christo mille annis, idè usque ad diem Judicii, & tunc unientur Animæ cum corporibus, & iterum resurgent: & hæc secunda est resurrectio, de qua sermonem habet idem Apostolus: ex quo dicendi modo nihil potest inferri in favorem Chiliarum ut patet; non enim dicit S. Apostolus quod primò resurgent Justi, & post mille annos resurrekturi sint reprobi, ut volunt Chiliaræ; sed dicit animam primò resurrekturam post mortem, quandoquidem resurget anima Justa ad gloriam, injusti verò, morietur ad pœnam ipsi debitam, deinde in die Judicii, una cum corpore, omnes animæ resurgent, & hæc erit resurrectio universalis, à qua nemo excipitur.

IV. CHRÆSTOLOGO dicebantur illi, qui cum bene loquerentur, malè agebant, de his mentionem facit Baron.

XVI. CHRISTIANUS FRANCUS scilicet Lutheranus, qui vixit circa medium sæculi 16. lib. contra Trinitatem Cracoviz edito,

edito, Trinitatem Personarum adorare, dicit esse idem, ac adorare multitudinem Deorum. R. Joany. 7. *Tres sunt qui testimonium dant in celo, Pater, Verbum, & Spiritus sanctus, & hi tres unum sunt.* In Trinitate itaque Personarum, unitatem essentiae Divinae adoramus, non autem multipliciter Deorum. Item ex liturgia Jacobi; constat in Trinitate nos unum Deum adorare, ibi enim sic legitur: *Semper, & perpetuo glorificemus te solum viventem, & verum Deum nostrum, sanctam, & consubstantialem Trinitatem, Patrem, & Filium, & Spiritum sanctum.*

2. In eodem libro contra Trinitatem, negat Filium in Divinis esse ab aeterno. R. verbo *Arius, Agelanes, Anomei, Assuriani, Accaciani, Achillas.*

3. In eodem libro negat dari tertiam personam in Divinis, nempe Spiritum sanctum, & hunc esse Deum, & à Patre, Filioque procedere. R. verbo *Airas, Dulta.*

XV. CHRISTIANUS RODINGUS secta Calvinista, qui vixit post medium seculi 16. invehitur contra Beatissimam Virginem, negat in celo pro nobis orare, apud Filium patrocinari, rectè à nobis invocari. R. ex liturgia D. Petri Apostoli, ex qua constat Mariam Virginem, statim in celo assumptam, fuisse etiam ab Apostolis, & à Christifidelibus invocatam, ut ab omnibus malis, ejus intercessionibus liberarentur. Item, idem constat ex liturgia D. Jacobi Apostoli. Vide verbo *Beza, Lutherus.*

XVI. CHRISTIFAMILIA, alio nomine dicta *Familia amoris*, institutorem habuit anno 1579. Hermanum Nicolai. Sequitur Pelagianismus; alias rejiciendum: negat Christum esse hominem. Repr. ex Evangelio, ubi Christus se nominat *Filium hominis*. Insuper ex Christi operationibus, Christum fuisse hominem comprobatur; habet corpus, quod de facto tradidit crucifigendum, quod palparunt Apostoli, habet animam, ut ipse protestatur Jo. 10. v. 17. *Ego pono animam meam; ergo verè est homo.* Vide verbo *Albanenses, Anglus innotinatus.*

VI. CHRISTOLITAE. Ex eorum haeresi sortiti sunt hoc nomen, qui sexto currente seculo somniarunt Christum, apud inferos corpus, & animam reliquisse, & sola Divinitate caelos ascendisse. R. ex Scriptura in psal. 15. *Quoniam non dereliques animam meam in inferno, nec dabis sanctum tuum videre corruptionem.* Tum quia Verbum, quod semel assumpsit nunquam dimisit; ergo si Divinitate ascendit in caelum, etiam corpore, & anima. Tum quia Christi corpus, & animam non remansisse in inferno, constat ex testimonio Scripturae, pluribus asserentis Christum resurrexisse à mortuis, & post resurrectionem saepe in corpore redivivum apparuisse discipulis, quibus videntibus elevatus est, & ascendit in caelum; ergo non ascendit sola Divinitate, quia Divinitas nequit videri oculo corporeo; ergo si videntibus discipulis Christus ascendit in caelum, non ascendit sola Divinitate, sed corpore, & anima. Vide verbo *Augustiniani.* De Christolitis agit Sanctus Damascenus.

XVI. CHRISTINI reponuntur à Gravina inter Antichristianos Semiatheos. Refert Rescius sic esse dictos quosdam viros anno 1593. Londini, sequaces cujusdam Lutherani, qui se Christum esse jactabat, & Apostolos suos destinabat ad praedicandam novam fidem, qui omnes, Hattovi Cancellarii Regis Anglicani opera, fuerunt supplicio addicti, quod pertinaciter subierunt, asserentes Evangelium esse suam praedicationem. Sunt qui referunt hos demonis Apostolos, jam propè centum mille homines sequaces habuisse in Anglia.

V. CHRISIPPUS erat eunuchus, Theodosii junioris cubicoli praefectus, & multae auctoritatis in aula, Flaviano Episcopo Constantinopolitano insensus, suscepit defensionem Eutichetis: tandem abdicatus fuit, & occisus.

VIII. CHRISTIANOCATEGORICI. Notat S. Joannes Damascenus sub hoc nomine quosdam haereticos, qui octavo currente seculo imagines sacras, Christi, B. V., Angelorum, & Sanctorum, numinis

minis ad instar adorabant : dicti etiam Christianorum accusatores, quia Christiani in cultu imaginum cum ipsis non consentiebant. R. Quia imagines sacræ, licet sint adorandæ, non tamen adorantur per se præcisè, sed respectivè ad id, quod-representant; per se enim absolute consideratæ, sunt opera manuum hominum; neque prout tales sunt adorandæ, sed ipsæ exhibemus venerationem, prout excitant ad cultum Dei, & Sanctorum, non tanquam idola. In imaginibus non adoratur à fidelibus *medium quod*, hoc enim est adorare sculptile, quodd Deus prohibuit Exod. 20. vers. 4. sed imagines sunt *medium quo* fideles, adorant Deum, & Sanctos ejus; ideoque non debent adorari tanquam numen, sed prout representant Deum, & Sanctos ejus, quibus debetur honor, & in quorum honorem exponuntur.

XVI. CHRISTODINI. Inter illos Antichristianos à Gravina reponuntur, qui præcipua gratiæ oppugnant mysteria, Auctorem habuerunt Martinum Marloratum anno 1560. qui Salvatorem nostrum, non Jesum, sed Christum tantummodò appellandum fore dicebat, ideo ejus sequaces dicti sunt Christodini. R. Luc. 1. *Pariet filium, & vocabis nomen ejus Jesum*. Ex Symbolo, *Et in Jesum Christum filium ejus*. Vide *Cerintbus*.

XVII. CHRISTOPHORUS SANDIUS nobilis Polonus, Electoris Brandeburgensis Consiliarius, à cujus aula ejectionis, quia Arianismum profitebatur, vixit circa medium seculi xvii. filium habuit, cui cum nomine etiam hæresis communis fuit, ut Arianismum sustineret librum edidit, cui titulus *Nucleus Historiæ Ecclesiasticæ*, qui liber potius Arianorum historiam complectitur. Collegit insuper plures auctoritates Scripturæ, per quas Arianismum comprobari (sed ab ipso perperam intellectas) opinabatur. Auctor fuit Bibliothecæ Antitritiorum, in qua Soenianorum opera expendit, decessit Amstelodami, ætatis suæ annorum 36. currente anno 1680.

XVI. CHRISTOPHORUS SCAFLERUS se-

cta Lutheranus, unus ex primariis ducebus belli rusticorum, quorum exercitum ad centum millia congregaverat Montezerus, ferro, & igne omnia sibi obvia devallans, de quo actum verbo *Anabaptista*, & iterum agitur verbo *Montezerus*. Scripsit 12. articulos de Christiana libertate, in quibus docebat nullam Magistratibus præstandam obedientiam, & solvendum tributum. R. Exemplo Christi dicentis : *Reddite quæ sunt Cesaris Cesari*. Tum quia Magistratus à Deo constituti sunt, dicente Scriptura : *Per me Reges regnant*, ergo ipsis præstanda est obedientia, unde Apostolus : *Obedite præpositis vestris*. Tum quia si subditus non tenetur obedire Magistratui, non posset exerceri justitia, ad quam ministrandam Deus Magistratus constituit. Vide verbo *Anabaptista*.

IV. CIRCUMCELLIONES. Sub Donato hæresiarca orta est Circumcellionum secta, Donatistarum germen; vocabantur etiam Circelliones à Donato *Agonistici*, *duces Sanctorum*, quoniam jactabant se esse publicæ justitiæ vindices; sed potius justitiæ subvertores dicendi, quantum liquet ex eorum operibus argumentari: Cum itaque Circumcelliones ubique vagarentur in Africa, ex qua discurfione nomen sortiti sunt; nulli licuit, iisdem debacchantibus, in propriis possessionibus securum esse. Illorum judicio mutabatur conditio servi in dominum, & domini in servum; creditores per minas gratiæ dimittere debitoribus obstrangebant, itaut nullus creditor tunc temporis habuerit libertatem exigendi. Sancto Augustino sæpè molliori sunt necem. Quam acriter exviverint in Christianos refert idem S. Doctor contra litteras Pettilianæ, & epist. 68. suamque persecutionem in Ecclesiam iterum inflammaverunt anno 410. 412. quando Maerobius Episcopus Donatista, Circumcellionum stipatus exercitu, quot, quantaque mala fecerit deplorat S. Augustinus ep. 127. & 128. Dicti sunt etiam *Scotopita*. Primi Circumcellionum duces fuerunt *Maxidus*, & *Fiferus*. Unusquisque ex hac secta baculum deferrebat, quod Israelitarum

Repr. verbo *Erasmus*, *Apollinaris*, & *Cerinthus*.

XVI. CLANCULARII progeniti sunt decimo sexto currente seculo, dicti sunt etiam *Frater borisenses*, quia in hortis conveniunt, & clancularii quia secretè doceant. Illorum sequaces sensum circa Scripturam amplectuntur, quem ex veteri testamento Pater familias, & è novo Mater familias exponunt. Ex Anabaptistis progeniti, à Lindano inter Antilutheranos reponuntur; à Staphilo inter Anabaptistas Lutheranos, quorum pater fuit *Bernardus Romannus*; homo laicus, & indoctus, à quo plures Anabaptistarum sectæ prodierunt, quas in sua tabula analitica recenset Staphilus. Clancularii, cum in hortis, vel in abditis doceant, Ecclesiâ non introeunt; multùm dilatata est hæc secta, ex qua plures ita vivunt secreti, ut *Occulti occultorum* nomenclentur.

Dicunt sufficere unicuique scire quid credat, non autem teneri, si interrogetur, respondere quid credat, imò posse contrarium asserere; idè si Clancularii interrogentur an sint Anabaptistæ, tales se esse libere negant, cum de factò Anabaptistis adhæreant. R. Nam si sufficeret ad fidem habendam, scire unicuique quid intra se credat, tot essent fides, quot diversi diversa crederent, sed una tantùm est fides, quam ubi se exhibeat opportunitas, debemus etiam palàm profiteri, non autem negare possumus; hinc Christus: *Qui me confessus fuerit coram hominibus, confitebor, & ego enim coram Patre meo*; & D. Paulus: *Corde creditur ad iustitiam, ore autem confessio fit ad salutem*. Tum quia cum fides, quantum est de se, sit invisibilis, manifestatur solum per professionem externam, quam unusquisque tenetur emitte, cum urget occasio. Est autem, Ecclesia Christi congregatio visibilis, à qua qui docet licitum esse occultare fidem, manifestè recedit. Demum non licet mentiri, ergo neque aliud intus credere, aliud exterius profiteri.

IX. CLAUDIUS TAURINENSIS Hagiomachus, natione Hispanus, alii dicunt

Tom. I.

fuisse Anglum, & certè cognomen Hispanum non est, fuit discipulus Felicis Urgelitani, in Conc. Francfordiensi damnatus. Hunc Claudium cum Lodovico Imperator, in cuius aula aliquandò presbyter vixerat orthodoxum crederet, ad Episcopatum Taurinensem promovendi curavit, ut ibi evangelicam explanaret doctrinam; cum autem non esset orthodoxus, sed Arianus, Nestorianus, Vigilantii, & Eustatii erroribus imbutus, propinavit pro medicina venenum. Scripsit Apologeticum adversus Theodorum Abbatem, qui Claudium ad sanam frugem reducere studuerat, eundemque confutavit Jonas Aurelianus Episcopus in tribus libris, quos eruditè adversus Claudium conscripsit, qui præter Nestorianos errores, referente Baronio.

1. Nullum adorationis signum S. Crucis deferendum esse prædicabat. Repr. Quia in ara Crucis Christus operatus est nostram redemptionem, unde quòd psalm 98. vers. 5. legitur: *Adorabimus te, bellum prædum ejus: quoniam sanctum est*, & psalm 131. vers. 7. *Adorabimus in loco, ubi steterunt pedes ejus*, à pluribus Expositoribus interpretatur de Cruce, quam esse adorandam constat ex traditione Ecclesiæ. Hanc Andreas Apostolus, hanc Constantinus Imperator adoraverunt. Plura miracula per virtutem Crucis Deus operatur: ad ejus præsentiam contremiscunt dæmones; est ergo singulari titulo adoranda, ut statim exponam, idque profitentur omnes SS. PP. Professò Cruce summam excellentiam obtinuit à Christo, qui opus redemptionis nostræ in ea consummavit; unde non consideratur tanquam instrumentum mortis, quando adoratur; sed tanquam instrumentum redemptionis. Nec valet dicere quòd si debent adorari omnes Cruces, quia Crux fuit instrumentum redemptionis, etiam debent adorari omnes clavi, lanceæ, funes, flagella, ut enim probè docuit S. Thom. 2. a. q. 103. art. 4. ad 3. & 3. p. q. 25. art. 4. Crux propria Christi adoratur adoratione latræ, non solum ex contactu, & sanguine; sed quia ipsum Christum repræsentat; aliæ autem Cru-

A a

ces,

ces, quæ sunt illius Crucis imagines, adorantur eadem oratione, in quantum repræsentant Christum tantum. Sed alia passionis instrumenta, cum non repræsentent Christum, adorantur solum ratione contactus; ut ipse docet 3. p. q. 25. ar. 3. Unde instrumenta eis similia, vel ipsa repræsentantia, non adorantur; quia nec Christum repræsentant, nec contactu ejus sunt nobilitata. Ideo propter illam repræsentationem, omnis Crux bene colitur, & solum clavi, & lancea adorantur propter contactum, quem habuerunt cum corpore Christi. Cum autem, ut dixi, non omnes clavi, & lanceæ tetigerint corpus Christi; illi soli clavi, & illa lancea adorantur, quæ Christum tetigerunt. Neque est actus idololatriæ adoratio Crucis, sed actus iustitiæ, & religionis; nam Crucem adoramus respectivè ad Christum, quatenus in ea Christus vita nostra pendit, & quia quoties Redemptionis nostræ, in Cruce à Christo oblato recordamur, ideò omnes Cruces veneramus; non quatenus sunt ex ligno, vel auro, vel argento, vel ære, sed quatenus repræsentant nobis Dei filium, pro nostra salute patientem; hinc est, quòd cum Apostolo gloriamur in Cruce Domini nostri.

2. Sanctas imagines eiecit è templo. R. verbo *Iconoclasmæ*.

3. Peregrinationes ad loca sancta damnabat. R. Quia peregrinorum cura plurimum commendatur in sac. Script. ut patet Exod. 23. ver. 9. Levit. 23. ver. 23. Deuter. 14. vers. 21. Ergo si peregrinorum cura adeò commendatur, hinc evidenter colligitur bonum esse ad loca sancta peregrinari; circa quod legimus Deuter. 16. Deum instituisse ut omnes filii Israel ad templum Domini peregrinarentur, quod ipsum Christum fecisse legimus Luc. 2. Neque est tollere honorem Deo, peregrinari ad invisendas Sanctorum reliquias, ut asserunt hæretici, quia omnis peregrinatio primò fit in honorem Dei, quem mirabilem prædicamus in Sanctis suis; ad quorum reliquias

invisendas peregrinamur, ut earum præsentia magis excitetur fides, & devotio. Vide verbo *Calvinus*.

4. Baptismus censetur irritum, & nullum, nisi fronti signum Crucis imprimeretur. R. Quia Christus non præcepit ut in Baptismo feret Crucis signum: in fronte baptizati; esso laudabiliter fuerit ab Ecclesia institutum ut in baptizato Crucis signum exprimeretur, non tamen essentia Baptismi consistit in signo Crucis, sed in materia, & forma, à Christo præcepta; & in materia Sacramenti, quoad essentiam spectat, standum est Christi institutioni.

XVI. CLAUDIUS GUILIANDUS Patria Bellouacensis, hæreticus Lutheranus, in commentario ab ipso edito super ultimum caput Epistolæ 2. ad Tim. docet eum Luthero hominem teneri credere se esse in gratia. R. verbo *Lutherus*.

XVII. CLAUDIUS CALVINISTA minister Carentoniensis; qui vixit initio seculi 17. ut ad religionem Calvinianam profitendam ignaros allieceret, ostendere natus est, quòd Calvinistæ circa fidem sentiunt hoc ipsum, quod Orientalis sentit Ecclesia, quod quam falsum sit, evincit Synodus Bethlemitica, habita sub Dositheo Jerosolymorum Patriarcha adversus Calvinistas anno 1672. impressa. Parisiis, anno 1676. in qua videre est, quàm longè à doctrina Græcæ Ecclesiæ recedunt; immò hodie Angli quidam in Syria errores Calvini disseminare student, magna etiam schismaticorum contradictione, & illarum gentium turbatione. Contra Claudium doctissime scripsit Benignus Bossuet Episcopus Melensis, sicut & alii Catholici viri.

V. CLAUDIANISTÆ. Quidam nomine Claudius fuit auctor sectæ Claudianistarum, quæ à Donatistis propagata est; Siquidem cum primò Donatistæ ab Ecclesia sunt separati, inter se ipsos, plures in factiones scissi, ab auctoribus scissionum nomen sortiti sunt; sic à Claudio dicti sunt Claudianistæ. In quo autem Claudianistæ à Donatistis differrent perspectum non habetur; probabile est in erroribus convenisse, & in solo schisma-
te fuisse

te fuisse differentiam, quatenus Claudianis, Claudium ducem ſequebantur, Donatiſta Donatum; ſic de aliis ſchiſmibus, inter Donatiſtas factis, diſcurrendo.

VIII. CLEMENS SCOTUS, ſic dictus quia ex Scotia oriundus pseudo episcopus, unā cum Aldeberto fuit damnatus à Zacharia Pontifice, repetitis vicibus in Concilio Germanico, & Romano proſcriptus. Erroneæ doctrinæ Clementis Scoti reſtitit fortiter Bonifacius Episcopus Moguntinus, cujus ope in Concilio Germanico damnatus fuit, & à Summo Pontifice exauſtoratus.

1. Abnegavit Canones ſacros, expoſitiones SS. Patrum, ac Concilia Synodalia. R. Quia his omnibus præſtandum eſſe fidem, conſtat ex his quæ dicta ſunt contra Brentium, & contra Aceſalos.

2. Affirmavit poſt plures filios ex adulterio ſuſceptos ſe poſſe eſſe Legis Chriſtianæ Episcopum, impudicitiam jungens cum Sacerdotio. R. ex Epist. 2. ad Titum, ubi D. Paulus aſſerit Episcopum debere eſſe pudicum, caſtum, continentem.

3. Judaïſmum ex parte introducebat, aſſerendo juſtum eſſe Chriſtiano viduum fratris defuncti accipere uxorem. R. verbo *Apollinaris*, & *Cerinthus*, item ex eo, quod Herodem redarguit S. Joannes Baptiſta, improbens impudicitiam Herodis cum uxore fratris ſui. Quæ autem ratione poſſit ſuper hoc à Pontifice Romano diſpenſari, noſtri inſtituti non eſt. Vide eruditum opusculum Joannis Roſſenſis pro validitate matrimonii Henrici VIII.

4. Aſſeruit Chriſtum reſurgentem ab inferis nullum ibi reliquiſſe, ſed omnes liberaſſe. R. verbo *Aldebertus*.

5. Dixit in lege Gratia nullum amplius exiſtere infernum. R. ex Evangelio, ubi Chriſtus in die judicii minitatur infernum peccatoribus, cujus æternitas probata eſt verbo *Ampullianus*.

J. CLEORIUS, à quo Cleobiani, ſuit unus ex primis hæreticis, qui Eccleſiam ſub impio magiſterio Simonis Magi turbarunt. R. verbo *Simon Magnus*.

V. CNAPEUS Petrus à primâ arte dictus Fullo, ſectâ Eutyſchianus, inſtigante Simplicio Papa exilio damnatus à Leone Imperatore, fugâ ſibi conſuluit, & mortuo Leone Antiochiam revertitur. Sub protectione Zenonis Imperatoris vehementer turbavit Antiochenam Eccleſiam; condemnatus fuit in Synodo Conſtantinopolitana, contra ipſum ab Accacio Patriarcha congregata, & iterum Romæ ſub Felice Pontifice, anno 484. ſed magis, ac magis furens in Eccleſiam, nec à ſuis erroribus reſipiens, Xeniam virum plebeium auctorem Iconoclaſtarum, etiam ſine pravio Baptiſmo, ordinavit Episcopum Hieropolitanum; tandem anno 486. moritur, cui ſucceſſit Palladius, eadem hæretica pravitate infectus.

1. Corrupt ſacrum Triſagion execrando additamento, quo aſſerebat tres Perſonas SS. Trinitatis fuiſſe crucifixas. Eſt autem Triſagion Canticum illud, quod ex Iſaia cap. 6. & Apocalypſi 4. frequenter Eccleſia in honorem SS. Trinitatis, ſcilicet: *Sanctus, Sanctus, Sanctus Dominus &c.* Inde Triſagion, id eſt, ter Sanctus, nomen habet, cui Cnapheus addidit verſiculum, quo ſignificabat Trinitatem crucifixam eſſe pro nobis. R. Quia ſolum Chriſtum crucifixum, non autem SS. Trinitatem conſtat ex Evangelio, cujus veritatis proteſtatio facta, etiam fuit in Symbolo Nicæno; Tum quia Trinitas non eſt incarnata, ergo neque crucifixæ; Tum quia legimus de Patre quoddam tradiderit Filium ſuum crucifigendum, non autem quoddam unum ſimul cum Filio, ſit Pater crucifixus; demum Trinitas eſt impaſſibilis; ergo &c.

2. Dixit ordinationem Episcopalem poſſe ſupplere pro Baptiſmo. R. Quia ſi poſſet ordinatio ſupplere pro Baptiſmo, non eſſent absolute vera illa verba: *Niſi quis renatus fuerit ex aqua &c.* Tum, quia conſtat Apoſtolo prius fuiſſe baptizatos, antequam ordinarentur Episcopi; nec ullibi legitur aliquem fuiſſe ordinatum, niſi præmiſſo Baptiſmo; & cum per ſolum Baptiſmum homo fiat de corpore Eccleſiæ, non poteſt conſtitui ad re-

regendam Ecclesiam, & consequenter non potest quis ordinari Episcopus, nisi præniso Baptismo. Demùm Baptismus est Janua Sacramentorum omnium.

XVII. COCCJANI, à Joanne Coccejo Voetii antagonista originem habent: vigent etiam nunc temporis in Hollandia utriusque sc̃e professores Voetiani scilicet, & Coccejani; ministri enim hinc inde divisi, alii cum Voetio rigidum Calvinismum profitentur; alii cum Cocceo Calvini doctrinam in pluribus temperant. Fuit Cocceus natione Germanus; patrè Bremensis, primò Bremæ, mox Fraucheti in Frisa Theologiz professor, anno 1669. decessit, circà quæ tempora paulò ante Voetius hominem exuerat.

1. Afferuit, quòd fideles veteris testamenti fuerunt omnes impuri, habuerunt non redempti peccatum, propter sacrificii expiatorii dilationem. R. Nam plures Sanctos Patriarchas veteris testamenti mortuos fuisse in gratia constat ex ipsà Scripturà, justificabantur autem, & purgabantur à peccatis, per fidem mediatoris venturi, quò propter mors Christi, illis qui vixerunt secundùm legem scriptam, etiam profuit per fidem, quam habebant in futurum Redemptorem.

2. Tria sunt testamenta æternum, vetus, & novum. Rep. si rigorosam ille tripartitionem intelligat, quia unicum testamentum Christus suo signavit sanguine, ut morte intercedente repromissionem accipiant, qui vocati sunt æternæ hereditatis. Æternum itaque est testamentum, sive ratione æternæ Dei præordinationis, sive ratione signatæ hereditatis, quæ in æternum durabit. Dicitur autem vetus, & novum, quia Deus partem hujus testamenti manifestavit ante suum adventum, partem verò post suum adventum: plura etiam, quæ sunt in testamento voluit adimpleri tantùm, & observari ante suum adventum, plura post suam mortem voluit executioni mandari; hinc est, quòd testamentum bifariam dividitur, in vetus & novum, quod unicum est, & æternum, ut supra explicavimus; sicut etiam unicum dicitur confecisse testamentum te-

stator, qui plura vult executioni mandari solum pro aliquo tempore, alia verò perpetuis temporibus vult observari.

II. CODIANI iidem fuerunt ac Gnolici, quos diversis nominibus appellatos fuisse testatur Epiphanius, & inter alia nomina, Codianos dictos esse significat.

II. COLARBASIUS, qui & Colarbasius vocatur ab Epiphanio, Colobrasius ab Augustino, Colobrosus ab Eusebio, fuit discipulus Valentini. Philastrius censet hunc Colobrasium eundem fuisse, ac Bassum, de quo sub tali nomine actum; sed alium à Basso fuisse videntur asserere Augustinus de hæresi cap. 14. & Theodoretus hæretic. fabul. lib. 1. Fortè quia in eandem hæresim confenserunt Bassus, & Colarbasius, de qua hæresi actum sub nomine Bassus, eosdem non distinct Philastrius quantum ad hæresim; perspicuum tamen est, distinctos fuisse quoad personam, licet ambo fuerint Valentini discipuli; Cum verò plures Scriptores distinctos fuisse autem, eisdem subscribendum censeo, quibus adscripturatur & Damascanus; immò inter Bassum, & Colarbasium tanta est nominis differentia, ut coincidere nequeant. Itaque Colarbasius non modò Bassi, sed & Marci fuit condiscipulus, à quo prodierunt Marcitæ, & unà cum Marco (ut refert Tertullianus) novam hæresim ex Græcorum alphabeto composuit, infra adducendam; sed processu temporis à Marco divisus, deteriora coagmentavit deliria, quæ refert S. Epiphanius hæz. 35. Certè in hæresibus suis, sive potius fabulis componendis, & proponendis, adeò magnam inanum verborum cavillationem prætexit, ut facti appareat Colarbasium nec sui compotem fuisse, quid vellet, quid diceret, quid sentiret; sed per confusam inanis discursus cavillationem, studuisse aliquid novi proponere, ut posset inter hæresiarchas adscripturari. Vera esse, quæ hic de Colarbasio asseruntur facillè judicabit lector, si quæ D. Epiphanius hæz. 35. de Colarbasio, ejusque somniis enarrat, velit percurrere. Errores autem Colarbasii

ex Epiph. Irenæo, Augustino, & ex Symondo hæc. 15. collecti, sunt sequentes

1. Negabat veritatem sine Græcorum litteris posse inveniri, sed: totam plenitudinem, & perfectionem veritatis in primâ, & ultimâ littera Alphabeti Græci contineri dispositam asserbat, & ob id Christum Alpha, & Omega esse pronunciatum in Divinâ Scripturâ autumabat. R. Nam Christus est, qui veritas est, ut de seipso loquitur *Ego sum veritas*: dictus Alpha, & Omega exemplariter, scilicet principium & finis, sunt enim istæ litteræ, primæ, & ultimæ in Alphabeto Græcorum, quia omnia ab ipso principium habent, & in ipso finem habere debent: Cæterum perspicuum est non in litteris veritatem constituendam, sed litteras esse veritatis expressivas, quatenus ad veritatem exprimendam assumptas.

2. Vitam omnem hominum in septem stellis positam asserbat, & has esse septem Ecclesias, & septem Candelabra aurea conabatur adstruere. R. circa hunc errorem à S. Theodoro de Pergamo Episcopo, qui habita Synodo septem Episcoporum, eundem anathematizavit, docens unam esse veram Ecclesiam à septiformi munere Spiritus consecratam, nec septem esse Ecclesias distinctas, quasi septem sint fides diversæ, sed una fides, una Ecclesia, unus Deus. Quod autem vita hominum ex sideribus non dependeat, constat ex his, quæ dicta sunt contra *Cæcum*, & *Albanenses*.

3. Docuit Christum non fuisse verum hominem, & Salvatorem. R. verbo *Christifamilia*.

4. Docuit Baptismum non esse conferendum in nomine Trinitatis, sed in suo nomine baptizandos quotquot salutem consequi volunt. R. Quia in materiâ Sacramentorum standum est Christi institutioni; Christus autem docuit baptizare in nomine SS. Trinitatis. Marc. cap. ultimo.

5. Dixit dari duo principia contraria. R. verbo *Manes*.

IV. COLLIRIDIANI. A quibusdam mulieribus in Arabia in partibus Thra-

ciz originem habuit hæc hæresis, de qua sic loquitur Epiphanius. *Quædam mulieres currum quemdam, sive cellam quadratam ornantes, expanso super ipsum linteo, in quadam illustri die anni, per aliquot dies panem proponunt (sive Colliridem, id est placentam, ex quo Colliridiani sunt dicti) & offerunt Colliridem in nomine Mariæ; omnes autem de pane participant. Habuerunt istæ mulierculæ sectatores, qui Colliridiani ex pane oblato sunt dicti, quorum errores sunt sequentes.*

1. Credebant Mariam non habuisse humanam naturam, sed divinæ naturæ fuisse consortem, unde tanquam Deum Mariam adorabant, & illi sacrificabant. R. Quia Mariam ex humanis parentibus, quorum nomina ad nos majores nostri transmiserunt; Joachim scilicet, & Anna progenitam fuisse, constat ex Scriptura secundum quam debuit Christus nasci ex progenie David, debuitque M. V. habere humanam naturam, quandoquidem in ipsâ Verbum humanam naturam assumpsit, alioquin non potuisset in ipsâ fieri Incarnatio, sive ex eâ carnis assumptio. Tum quia Maria se ancillam Domini esse dixit, ergo non habuit Divinam, sed humanam naturam. Demum ex omnibus Mariæ operationibus constat eandem de facto fuisse sicut cæteri homines, humanæ naturæ participem, ex quo sequitur non esse tanquam Deum adorandam, licet excellentiori cultu, ratione Maternitatis adoretur, non tamen tanquam Deus, qui unus tantum est, cui se submissam Mariam semper ostendit: propterea non debet ei sacrificium offerri, nec in nomine ejus; id est; neque ad instar Numinis invocari, ut hæretici illi faciebant, quia sacrificium est cultus soli Deo debitus: Quando autem celebratur Missa de Sancto, Ecclesia non offert Sacrificium in nomine Sancti, illum tanquam Numen invocando (Vide Trident. sess. 22. c. 3.) sed in nomine Dei, & in commemorationem, atque honorem Sancti, de quo agitur commemoratio: Sacrificium enim est actus Religionis, qui in nomine solius Dei offerri debet, atque elici.

elici. Nec valet dicere, quòd cum Sacrificium offeratur Filio, debet etiam offerri Matri, ceterùm fieret injuria Matri; nam Maria licet sit Mater Dei, non est tamen Deus; & licet Filius, qui est purus homo, non sit naturâ dignior parentibus, Christus tamen cum non sit purus homo, sed homo Deus, idèd est laude dignior matre; quia æqualis est Patri Deo; in eadem natura subsistens, nec fit injuria Matri, si Filia plus honoretur quam Mater, quæ tamen plus debet honorari, quam ceteri Sancti, quia sanctitas Mariæ est eminentior sanctitate aliorum Sanctorum, idèd ipsi datur cultus hyperdulæ; motivum enim cultus est sanctitas rei, quæ colitur; & cum sanctitas Christi sit infinita, sanctitas Mariæ sit finita, sed longè eminentior sanctitate aliorum Sanctorum, idèd inter cultum Christi, Mariæ, & Sanctorum distinguimus. Christum quidem cultu latræ, Mariam hyperdulæ, sanctos cultu dulæ honorando. Vide S. Thom. 2. 2. q. 103. art. 4. ad 2. & 3. p. q. 25. art. 5. & item 2. 2. q. 84. art. 1. ad 1. Errabant etiam Colliridiani in hoc, quòd sacrificium offerri patiebantur à mulieribus, quas D. Paulus nec patitur concionari; ergo multò minùs possunt Sacrificium offerre. Minister enim Sacrificii est ille solum qui ritè ad Sacerdotium est promotus, mulieres non possunt ad illud promoveri, quia sunt incapaces, ergo non possunt sacrificium offerre. Quòd autem sint incapaces, constat ex Christi institutione, qui nullam mulierem in sacerdotissam ordinavit, imò nec in lege veteri mulieres poterant sacrificium offerre; ergo à fortiori, neque in novo Testamento. Ratio autem congrua est; quia caput mulieris est vir, summum autem ministerium non erat committendum, nisi capiti; & certè si mulieres possent sacrificium offerre, Maria Virgo, quam hæretici isti parem filio in Divinitate credebant, hoc præstitisset; sed solos Apostolos, & ab ipsis ordinatos in Sacerdotes, legimus Sacrificium obtulisse; ex institutione summi Sacerdotis Christi; nunquam autem le-

gitur hoc Mariam, aut aliam mulierem præstitisse; ergo &c. Nec valet dicere, quòd efficacia Sacramenti non nititur qualitati personæ, ergo etiam mulieres possunt offerre sacrificium; nam aliud est essentia, aliud efficacia; essentia quidem Sacramenti non salvatur sine vero ministro, & idèd virilis sexus pertinet ad essentiam Sacrificii, siue hujus Sacramenti; salvis verò essentialibus, verum est quòd qualitas ministri non refert ad Sacramenti veritatem; non enim hæc nititur in accidentalibus.

XVI. COLLINI FRATRES. Cum essent in Galliâ ex principum sanguine, progeniti, quorum uni erat nomen Franciscus, alteri Gaspar, plurimos proprio exemplo, auctoritate, atque hortationibus corrumpentes, ad Calvinianam hæresim, quam profitebantur, induxerunt.

VII. COLMAN. Scoti in celebratione Paschæ per centum quinquaginta annos ad hæserunt Quartadecimanis, sed hunc errorem fuisse illis venialem ostenditur, quòd non ex contumacia, & schismate esset exortus, sed ex inciticia Paschalis computi. Facta autem est hac de re contentio inter Colman, & Agilbertum, qui ambo erant Episcopi, coram Rege; prævaluit Agilbertus, qui Romæ edoctus fuerat; cui tamen Colman non acquievit, idèdque relicto Northumbriorum Episcopatu in patriam suam reversus est, in suo errore circa celebrationem Paschatis persistens; idèd Colman ab errore non est excusandus.

XVI. COLLOQUIUM. Inter Antichristianos à Lutherò propagatos, qui vocantur liberæ fidei, reponuntur à Gravina; insurrexerunt anno 1535. Isti dum agitur de Religione, emergente super eam aliqua dubitatione, colloquium instituunt, & nihil resolventes, ad aliud colloquium se remittunt, & sic deinceps, ita ut liberæ fidei sint nuncupandi; quippè qui nihil in colloquiis resolventes, interim sine certa lege vagantur: aut si quid resolvant, ipsum colloquium habent pro decretoria auctoritate, scilicet Synagoga Sathanz.

XVI. COL-

XVI. COLLUDENTES. Inter Semilutheranos reponuntur à Gravina in sua Tabula Analytica. Rescius refert colludentes illos sic dici, qui quasi ludere videbantur in articulis Religionis acceptandis; minutiora obscurant, & graviora spernunt; sic psalmos cantari, candelas accendi, & similia permittunt. Volunt autem Sacerdotes debere esse uxoratos. Repr. verbo *Confessio Augustana*.

Communione sub utraque specie laicis esse exhibendam. R. verbo *Bohemi*.

IV. COLLUTUS Presbyter Alexandrinus, natione Ægyptius, uni ex Ecclesiis ejusdem civitatis præpositus; licet non esset consecratus Episcopus, cœpit Episcopum agere, & ordinare Presbyteros. Damnatus fuit in Concilio Alexandrino coram Osio Apostolicæ Sedis Legato. Taxatur ab Alexandro Episcopo Alexandrino Colluti ambitio; ejus sequaces dicti sunt Collutiani: ambitio erigendi suam Ecclesiam in Episcopatum, causa fuit prævaricationis Colluti. Cæterum subscripsit in Concilio Alexandrino habito anno 321. damnationi Arii, non tanquam Episcopus, sed tanquam Presbyter Ecclesiæ Alexandrinæ. Paucis annis invaluit Colluti hæresis, quare ejus sectatores Arianis se conjunxerunt, atque Meletianis adversus Catholicos: ejus error præcipuus fuit, quod

Dicebat Deum non esse malorum Creatorem, & quamvis hoc verum sit, tamen sensus ejus pravus erat, intelligebat siquidem malum pœnæ non esse à Deo. R. Quia Deus Iudex iustus præparavit pœnas peccatoribus: Deus est, de quo dicitur, quod vivificat, & mortificat. Deus est, qui ut superbiam Davidis prosterneret, pestilentiam misit in populum Israeliticum. Deus est, qui Sodomam igne consumpsit; ergo &c. Item Deut. cap. 32. *Congregabo super eos mala*, & licet Deus sit summè bonus, non officit ejus bonitati, quod etiam ut summè iustus malum pœnæ immittat, quia iustitia est quasi tutela bonitatis; idèò dum Deus punit, non potest dici malus, sed iustus. Sirmundus lib. 1. de hæresi cap. 65.

dicat: Collutum asseruisse Deum esse Creatorem malorum, desumpta occasione ex illis verbis Isaie 45. 7. *malè intellectus: Ego Dominus faciens pacem, & creans malum*, ac si mala aliquid essent, aut Deus esset, qui malum culpæ committeret: sed Deum esse impecabilem, satis constat ex his quæ dicta sunt verbo *Blastus*. Nec ibi omittendum, quod Arius consuevit vocare sodales suos Collutianistas, ut notat Baron. anno 318.

IV. COLLUTUS junior: fuit alius à Colluto de quo supra, ille enim nominatur Episcopus, hic Presbyter; porro hic Collutus fuit secta Arianus, Sancto Athanasio insensus, qui, ut accusationes contra Athanasium ab Ischyria productas corroboraret, curavit apud Imperatorem, ut Ischyrias Episcopus eligeretur, ipsique Ecclesiæ edificaretur in quodam pago propè Alexandriam, in quo pauci admodum erant habitatores, & nunquam Episcopus, imò ne quidem Corepiscopus habitaverat.

XVI. COMMUNITA HABENTES, secta sunt Anabaptistæ, & inter Antilutheranos, qui in multis à Luthero discordant, reponuntur à Gravina; non modò bona temporalia, sed etiam uxores faciebant communes. R. verbo *Adamita*.

XVI. COMMUTATORES. Ortum habuerunt anno 1565, ex schola Lutheri progeniti, & illi sunt, qui supplicem libellum Maximiliano Imperatori obtulerunt, in quo exponebant se in omnibus, & per omnia Romano Pontifici parituros, si trium articulorum commutatio fieret, idèl si in tribus sequentibus articulis, eorum doctrinæ Catholicæ adhæssissent, quorum primus erat, ut Catholici in materia justificationis doctrinam sequerentur ab Augustana confessione propositam; secundus, ut Sacerdotes possent uxores ducere; tertius, ut laicis daretur Communio sub utraque specie. De his erroribus aliàs egimus.

CONCORDENSES. Vide *Bagnolenses*.

XVI. CONCORDISTÆ. Ad plenam sectæ Concordistarum intelligentiam, sciendum tantum fuisse, & esse inter Lutheri alumnos, imò vivente ipso Luthero, in-

ter

ter ipsum & suos opinionum varietatem, & discordiam, ut quibus standum esset, neque ipsi hæretici compertum haberent; idè sæpè nonnulli contenderunt, sed frustra, modum aliquem invenire, quo possent omnes in unam doctrinam esse concordēs; ad hunc finem obtinendum primò Lantgravius anno 1539. id sollicitè curavit, ut Lutherus, & Zuinglius invicem se viderent, & colloquerentur Morpongi, Lutherum comitantibus Melanctone, Osiandro, Brentio cum aliis aliis, Zuinglium verò Decolampadio, Bucero, & Gaspare Hedione, unà paritèr cum aliis aliis. Conveniunt itaque, & facta per triduum disputatione, maxime de cœna Domini, nihil conclusum; sed hinc inde in sua respectivè opinione obdurati persisteant; Ne tamen in hoc conventu nihil actum videretur, capita 14. de aliis quæstionibus divulganda censuerunt, utriusque partis subscriptione firmata, & fuit hoc primum genus concordie discordis. Sed cum pessimè audirent Lutherani, & Zuingliani esse inter utrosque discordiam, maxime in materia Eucharistie, missi sunt denuò anno 1536. Witembergam hinc inde ministri, qui cum Luthero ibi degente concordiam aliquam circa dogma Eucharistie stabilirent. Factus est congressus, sed nulla inde secuta est conclusio; congregati enim fortiter in sua respectivè sententia persistentes, emendicata excusatione, dixerunt, nihil se posse concludere, eò quòd pauci convenissent ad tractandam rem summè ponderis; ubi verò in majori numero indictus esset congressus, omnes libenter subscripturos confessioni Augustanæ, quantum spectabat ad articulum Eucharistie; quare iterùm anno 1562. Luneburgi conventu factò Principum, & ordinum imperii Circuli inferioris Saxonie, iterùm tentata concordia, sed frustra, quam cum summopere desiderarent Principes protestantes, eorum industria celebratum est in Germania anno 1564. colloquium propè Spiram, cui præter multos selectos hinc inde, scilicet tam ex parte Lutheri, quàm ex par-

te Zuinglii Theologos, interfuerunt Dux Witembergius, & Elector Palatinus.

Res grandi apparatu, & grandiori expectatione instituta, abiit in fumum, quo sese invicem denigrarunt; colloquium enim, quod causa concordie institutum fuerat, majori dissidio occasionem præbuit. Non dispar fuit exitus concordie tentatæ anno 1586. quando Monbelgradi conveniunt hinc inde hæretici Lutherani, & Calviniani, disputantibus Andrea Schmidelino, tunc temporis Lutheranorum principe, & Theodoro Beza Calvinistarum calipha, in nullo enim articulo ex propositis convenire valentes, acerbis irritatæ ad invicem partes recesserunt, quàm fuissent congregatæ. Demùm anno 1580. editus fuit in lucem, in Germania liber specioso titulo *Concordia*, ejus libri doctrinam profitentes, dicti sunt *Concordisse*. Præcipui hujus libri concinnatores fuerunt Lucas Osiander, & Balthasar Bidembachius doctores Witembergenfes. Compilatum fuit hoc opus ex Augustana confessione, & articulis Smalchaldicis, in quo abdicabantur interpretationes mollium Witembergenfium, & Cyprenfium. Oblatum deinde Augusto Electori Saxonie, & approbatum à Jacobo Andrea Schmidelino, Martino Kemnizio, Nicolao Selnechero, & quibusdam aliis, qui inter Lutheranos erant præcipui nominis. Interim circumcursante Schmidelino, hujus libri approbationem ab eò mille hominibus, partem suasionibus, præsentationibus, circumventionibus, dolis, ac versutis obtinuit, qui tamen subscripti, ut plurimum, erant indocti, artifices, seu fabri, & nullius momenti viri, ex quo factum est, ut liber concordie vocaretur verbo Germanico *Pappenschuch*. Testatur autem ipse Osiander unus ex libri concordie concinnatoribus, à pluribus fuisse librum rejectum, plerosque tam Lutheranos, quàm Calvinistas contra eundem calumiam perstrinxisse, ita ut facta sit ipsis Lutheranis odiosa Concordistarum secta, ejus præcipua dogmata erant.

1. Christus secundum quod Deus ob-

obediens fuit Patri. R. Nam dicere, quòd Christus secundum quòd Deus obediens fuit Patri, idem est ac dicere, quòd Deus obediens fuerit Deo; Christus enim quòd Deus, eandem omnino voluntatem indivisibilem habet cum Patre, & operatur eadem actione, qua vult Pater; ergo Christus qua Deus non potest dici quòd fuerit obediens Patri. Deinde obediens, inferioris personæ est: Trinitatem autem Divinam ita profitemur æqualem, ut nulla persona minor alia sit.

2. Christus etiam secundum Divinam naturam fuit mediator. Rep. hæc propositio, quia ratio mediatoris importat utriusque naturæ in una persona copulationem; & sicut medius est Christus inter Deum, & hominem, quatenus habet utramque naturam ita exercet, quatenus utramque habet, mediatoris officium, significando opera hominis, & valorem illis tribuendo; quia simul est Deus; & operando meritorie, & satisfactorie, quia simul est homo. Unde si consideretur aliqua ex duabus naturis seorsim à modo subsistendi simul cum alia, non potest intelligi ratio mediatoris. Idem est falsa propositio illa; quia cum dicit, secundum quòd Deus, naturam humanam, sive ejus similitudinem in Divino supposito cum Divina, à propria mediatoris notatione excludit. Vide verbo *Calvinus*.

3. Humana natura Christi verè, & realiter est ubique. R. verbo *Brensius*.

4. Humanæ naturæ Christi collata sunt omnia Divina attributa, in qua collatione unio hypostatica consistit. Repr. Nam attributa Divina, & attributa humana in Christo remanere impermixta certum est; quandoquidem dici nequit de humana natura, quòd sit beata, quòd sit infinita, quòd sit omnipotens; & licet in Christo detur communicatio idiomatum; hæc tamen datur, & exprimitur per nomina concreta, importantia suppositum; non verò per nomina à ratione subsistendi abstracta, sicut dici non potest humanitas est Divinitas licet dicatur de Christo, quòd sit homo Deus. Insuper certum est, quòd unio hypostatica,

non est facta in unitate naturæ, sed in unitate personæ, quare sequitur, quòd ex unione hypostatica non possint probare hæretici in suo sensu communicationem idiomatum realem respectu naturarum, quam illi prætendunt. Quod unio hypostatica non possit esse facta in unione naturæ, constat quia nec natura humana conversa est in Divinam, nec Divina in humanam; neque facta est quædam tertia natura ex duabus unitis; sed unum ex tribus debuisset sequi, quando unio hypostatica facta fuisset in unitate naturæ; ergo dicendum unionem, hypostaticam factam esse in unitate personæ, impermixtis remanentibus naturæ humanæ, & Divinæ, & consequenter humanæ naturæ Christi non potuerunt conferri Divina attributa, neque consentaneè dici potest, quòd in hac collatione attributorum, consistat unio hypostatica. Denique non possunt finitæ naturæ communicari attributa infinita, ceterum idem jam esset finitum, & infinitum; ergo &c.

5. Totus Christus Deus, & homo descendit ad inferos. R. Nam si totus Christus Deus, & homo descendisset ad inferos, sequeretur quòd etiam descendisset eum corpore, nec remansisset usque ad resurrectionem in monumento. Descendit quidem anima unita Verbo; sed anima non est homo.

6. Tres Christi ascensiones singunt, unam in conceptione, alteram in morte, & tertiam cum visus est ab Apostolis ascendere, licet non ascenderit. R. verbo *Augustinus*, ubi Christum de facto in corpore & anima ascendisse in cælum, quando nubes suscepit eum ab oculis Apostolorum, probatum est. Alias duas ascensiones, quas singunt de Christo, non indigere reprobatione constat; quis enim dicat ascensionem Christi, fuisse conceptionem? cum potius tunc filius Dei descenderit de cælis, ut legitur in Symbolo: *Propter nostram salutem descendis de cælis*. Similiter mortem Christi ascensionem non esse, satis per se patet. Præter hos sex speciales errores, qui in libro concordia notantur,

continet præfatus liber confusionem, dogmatum Lutheri Calvinismi, quem librum impugnarunt Linjanus in commentario inscripto *Concordia diffora*, & Bellarminus in iudicio, quod de illo edidit, apud quos auctores videri fufius poterunt libri concordie discordantie, & deliramenta.

CONCORDIÆ, sive Concorezenfes. Vide *Bagnolenfes*.

XVI. CONDORMIENTES sunt Antilutherani, sectæ Anabaptistæ. Emerferunt anno 1544. quorum doctrinam præcipuè in Bohemia, & Brabantia multi sunt amplexati: Mulieres, & viros in eodem conclavi promissè se commiscere docebant. R. verbo *Adamita*. De his agit Præteolus.

XVI. CONSIDERATI inter Antichristianos, qui vocantur politici, reponuntur à Gravina. Anno 1576. originem habuerunt, qui volentes impunè debacchari.

1. Dicebant Hæreticos nulla de causa posse vocari in iudicium, neque ab ullâ potestate puniri. R. Deuter. 13. Deus jubet falsos prophetas debere absque ulla commiseratione occidi, & e. 17. legitur: *Qui autem superbierit volens obedire Sacerdotis imperio, decreto iudicis morietur*. Simile habetur a. Regum cap. 18. quarto Regum cap. 10. Item a. Regum 13. legitur quòd Paulus falsum prophetam, conversionem Proconsulis impedire conantem, erexit, percussit. Tum quia si hæretici non possent puniri, grave damnum oriretur Christianæ Reipublicæ. Tum quia Ecclesia habet jus supra omnes baptizatos, ergò potest jus suum exercere supra hæreticos, qui sunt baptizati, & illos punire. Nec valet objicere, quòd legitur prima ad Cor. 11. *Oportet hæreses esse*: ad inferendum hæreticus non posse puniri; nam Apostolus solum intendit exprimere, quòd Ecclesia semper vexabitur ab hæreticis, non autem prohibet, quin possit hæreticos punire. Quod autem, legitur Matth. 13. de zizania & tritico: *Sinite utraque crescere*, significat zizaniam, idest hæreticos commonendos ef-

se ut convertantur, dandum illis esse tempus penitentiz, si velint resipiscere, non verò significat non posse puniri, nam si perseverarent obdurati, tunc alligandi sunt in fasciculos, ut ait Christus. Hæreticos esse puniendos, asseruit etiam Calvinus, quod & comprobavit suæ decretoriæ sententiæ, cum Servetum propter hæresim à Gebenens magistratu igni adjudicandum censuit.

2. Principibus parendum esse asserbant, si libertatem conscientiz permittant, nec ullas pœnas in eriminosos decernant. R. Nam auctoritas data Magistratibus in subditos, non est data cum hac conditione, quòd permittant libertatem conscientiz, imò Principes, quos constituit Dominus, ut faciant iudicium, debent zelari, ut lex Dei observetur. Sui Principi unumquemque respectivè subditum teneri obedire, sæpe legitur in sacris paginis; Deus enim est, qui constituit Reges super terram, per quem Reges regnant, & Principes imperant. Obedire dominis, subditos esse potestatibus, docet etiam D. Paulus. Demùm si Principibus permittentibus libertatem conscientiz solum esset obtemperandum, sequeretur unumquemque pro libito posse Religionem profiteri, sed hoc fieri nequit, ut offensum est verbo *Bisidi*; ergo &c.

XVI. CONFESSIO SAXONICA, sive à Saxoniz hæreticis exhibita Concilio Trid. improbat olei, & Chrismatis benedictionem, & eorum usum in Baptismo, Ordinatione, Confirmatione &c. Rep. Exemplo testamenti veteris, ubi Exod. 30. vers. 30. primo Regum 10. primo Regum 16. legimus Deum præcepisse, ut certæ personæ sibi specialitè dicatæ oleo ungerentur: usum olei in Baptismo, Ordinatione, Confirmatione, & extrema Unctione colligimus ex Constitutionibus Apostolicis, ut videre est lib. 3. cap. 16. 17. lib. 7. cap. 23. lib. 8. cap. 29. De usu Olei sancti mentionem faciunt Patres primi seculi, Clemens Romanus, Dionysius in Ecclesiastica Hierarchy, & successivè ceteri SS. PP.

XVI. CONFSSIONISTÆ AUGUSTANI. Cum

Cum Imperator Carolus V. Augustus Windelicorum indixisset generalia comitia : Lutherus à Joanne Electore Saxonico , protestantium capite rogatus , septemdecim condidit articulos , in quibus velut in synopsis summam doctrinæ suæ breviter complexus est , in comitiis proponendam , ex quâ synopsis Melancthon composuit confessionem , fusiùs tractatam , & meliori stylo exaratam , quam idem Lutherus approbavit , & fuit exhibita in comitiis Imperatori , anno 1530. ab Electore Saxonico , qui eidem confessioni subscripserat unâ cum Marchione Brandeburgensi , Ducibus Luneburgi , & Assiæ Lantgravio , atque aliis Principibus ; & hæc est celebris illa Lutherana doctrinæ confessio , à loco ubi primùm Imperatori oblata est , *Augustana dicta* ; à qua Melancthonis sectatores , qui potiorem partem in ejusdem confessionis exaratione posuerat , *Confessioniste* sunt dicti . Hæc autem confessio pluries fuit à Melancthone confecta , defecta , resecta , qui pro animi sui levitate , mox duo , mox tria Sacramenta tantùm suscipienda proponebat , sic de cæteris articulis discurrendo , ita ut quæ fuerit , & sit tam Melancthonis , quàm Confessionistarum fides , vix unquam dignosci potuerit . Ab anno 1530. usque ad 1540. tria exemplaria hujus confessionis , ita variata apparuerunt , ut vix in uno articulo cum prothotypo Cæsari oblato concordarent . Anno 1552. confessioni Augustanæ additi fuerunt Articuli Smalcaldici , ab hæreticis Protestantibus pariter conscripti , qui aliud non continebant , quàm deliberationem de his , quæ Protestantes in materia fidei defendere contendebant , sed adeò patebat omnibus diversitas , & confusio doctrinæ , in confessione Augustana sæpiùs resectâ , propositæ , ut publicè non *confessio* , sed *confusio* vocaretur . Ipsi Protestantes vocabant confessionem Augustanam *Cotburnum* ; calcamenti scilicet genus , utrique pedi aptum : alii vocabant ipsam magnam matrem , tot diversorum filiorum procreatricem . Zuingliani verò , & Calviniani illam Spingem appellare

consueverunt , proinde facti sunt confessionistæ in tres partes Mollium , Rigidorum , & Extravagantium . Deinde istæ partes in alias factiones sunt subdivisæ , de quibus omnibus sub proprio nomine , quod sortitæ sunt hujusmodi sectæ divisæ , & subdivisæ agitur in hoc opere . Sed ut ad confessionem primam Augustanam recurat sermo , & quales contineret errores perspectum habeatur . Sciendam hanc confessionem in duas partes fuisse divisam , quarum prima continebat , centum supraviginti articulos , anno 1530. Augustus Windelicorum in comitiis Imperatori propositos ; secundam partem verò componunt septem Articuli Smalcaldici anno 1552. confessioni Augustanæ à Protestantibus adjuncti . Sed pro majori horum articulorum intelligentia : notandum hanc confessionem ita fuisse à Protestantibus concinnatam , ut in aliquibus articulis dolose exprimat hæreticorum sensum , qui sub talibus verbis conceptus , potest apparere in sensu Catholico accipi . Quare advertendum , ex dictis articulis , aliquos verè esse Catholicos , in aliis , ut vulgò dicitur : latet anguis in herba ; aliqui enim sunt omnino hæretici ; alii continent doctrinam mixtam ex quibusdam veritatibus , quas annexi errores deformant , alii ita sunt expressi , ut difficile sit cognoscere an in hæreticum , vel in Catholicum sensum declinent .

PROPONUNTUR ARTICULI
PRIME PARTIS
AUGUSTANÆ CONFESSIONIS .

1. Articulus concedebat id , quod in quatuor Conciliis generalibus circa mysterium SS. Trinitatis continebatur .

2. Dicebat peccatum originale aliud non esse , quàm concupiscentiam . Rep. Quia S. Jacobus in Epistola Catholica , discernit concupiscentiam à peccato his verbis : *Unusquisque tentatur à concupiscentia sua abstractus , & illeceus* . Deinde *concupiscentia* , cum conceperit , parit peccatum . Tum quia concupiscentia remanet in Baptizatis , unde Apostolus

B b 2 ad

ad Rom. 7. *Sentio in membris meis legem repugnantem legi mentis meae*; ergo concupiscentia non potest esse ipsum peccatum originale; quandoquidem remanet post Baptismum. Tum quia concupiscentia est appetitus delectationis sensitivæ, ut rectè D. Thom. 1. 2. q. 30. art. 1., qui appetitus est naturalis homini, & fuit in homine etiam in statu integritatis: quo amisso non fuit denuò inducta, sed tantum deordinata, id est, non subiecta rationi; ergò in ipsa constitui nequit essentia peccati originalis. Nec valet dicere concupiscentiam aliquando vocari peccatum, ergò non posse habere aliam rationem, quàm peccati originalis; nam vocatur peccatum causalitèr, in quantum deordinatum ejus est effectus peccati; non verò vocatur peccatum formalitèr. Nec valet reponere illud ad Roman. 6. *Non regnet peccatum in vestro mortali corpore*; nam ibi Paulus non dicit concupiscentiam esse peccatum, sed asserit esse peccatum obedire concupiscentiæ, undè subdit loco citato, *ut obediat concupiscentiis*. Neque ex eo quod concupiscentia inducat ad peccatum dici potest, quòd sit peccatum formalitèr, ceterum omnis occasio esset peccatum formalitèr: concupiscentia, ergo quantum est de se, non est peccatum, sed potius nobis deservit ad meritum, si legitimè contra illam decertaverimus. Vide S. Thom. 1. 2. q. 80. art. 3. ad 3.

3. Continebat id, quod est in Symbolo Apostolorum concernens Incarnationem, vitam, passionem, mortem, resurrectionem, & ascensionem Jesu Christi.

4. Sustinebat contrà Pelagianos hominem non posse propriis viribus justificari; sed asserbat contra Catholicos, justificationem fieri per solam fidem, ad exclusionem bonorum operum. R. verbo *Actiani*, ubi ostenditur solam fidem non justificare.

5. Asserbat Spiritum sanctum per solam fidem in nobis operari. R. Quia internæ motiones, per quas excitatur infidelis ad suscipiendam fidem, sunt

opus, quod operatur Spiritus sanctus in infideli, & tamen hoc dici nequit opus fidei, cum talis infidelis sic excitatus, nondum habeat fidem. Tum quia in omnibus operibus bonis, nobiscum operatur gratia Spiritus sancti; unde clamabat Apostolus *Gratia Dei mecum*. Quòd si non operaretur gratia Spiritus sancti nobiscum in bonis operibus, quæ elicimus, sequeretur jam nos posse aliquid ex nobis, quod est falsum; non enim sine gratia potest peccator converti ad Deum, licet habeat fidem; pariter non potest homo elicere sine gratiâ actus meritorios vitæ æternæ, licet fide non careat; non enim possumus aliquid ex nobis. De gratiâ verò necessitate ad benè operandum, non modò ad credendum, agitur verbo *Pelagius*.

6. Concedebat fidem debere esse bonorum operum proditricem; præcisè ut obediremus Deo bona opera præcipienti, non autem ut mereremur justificationem: ex quo patet excludere necessitatem bonorum operum ad justificationem. R. ex his quæ dicta sunt contra articulum quartum, & verbo *Actius*.

7. Dicebat in Ecclesia solos justos contineri. R. verbo *Assuriani*.

8. Dicebat Sacramenta, licet à peccatore, & hypocrita administrata, eandem habere efficaciam. Verum quidem est, loquendo de ipsa Sacramenti essentia, & virtute; sed alio sensu, quem involvere potest articulus iste. R. Nam licet verum sit quoad efficaciam ex opere operato, Sacramenta etiam à peccatore administrata, eandem habere efficaciam; falsum tamen est in alio sensu, qui exprimitur in octavo Artic., nam quoad efficaciam, quam habere possunt Sacramenta ex opere operantis, certum est Sacramenta ab impio administrata, nullam efficaciam ex opere operantis sortiri.

9. Ostendebat contra Anabaptistas necessitatem Baptismi pro infantibus, idèò nihil continebat contra sanum Ecclesiæ sensum.

10. Asserbat S. Eucharistiæ Sacramentum in solo usu consistere, & sub utraque specie exhibendum. R. quoad secundum.

secundum verbo *Bobemi*. Rep. quoad primum verbo *Bucerus*.

11. Concedebat necessitatem absolutionis in Sacramento Pœnitentiæ, sed negabat pœnitentem teneri exprimere sua peccata in specie. R. Quia Sacerdotes sunt Judices peccatorum, sed iudicium ferri non potest nisi audito reo, ergo peccator in Sacramento Pœnitentiæ, ut absolutionem obtineat, debet culpam suam in specie proferre; sententia enim ferri non potest, nisi circa rem cognitam. Peccata autem maxime occulta, non possunt cognosci à Sacerdote iudice, nisi peccator ipsa revelet, ergo peccator qui vult beneficium absolutionis, debet peccata sua revelare. Tum quia Christus dedit potestatem Sacerdotibus, ut absolvent peccatores, ergo etiam obligavit peccatores ad petendam absolutionem; cæterum potestas data Sacerdotibus esset superflua: sed qui vult absolvi à culpa, debet exprimere culpam, à qua vult absolvi; sententia enim iudicis non potest cadere, suprà rem incertam, ergo peccator, qui vult absolvi, debet culpam suam Sacerdoti, qui habet potestatem absolviendi, exprimere. Nec valet dicere confessionem esse solum de consilio; Sacerdotes enim habent potestatem, non modò absolvendi, sed etiam retinendi peccata; ergo ex hac potestate data à Christo Sacerdotibus, sequitur necessariò Christum obligasse peccatores, ut se submitterent iudicio Sacerdotum; Cæterum si confessio esset solum de consilio, non possent Sacerdotes retinere peccata; Tum quia certum est Christum remisisse peccatores ad iudicium Sacerdotum; quandoquidem dixit: *Quorum remisistis peccata dimissa sunt eis; quorum retinueritis retenta sunt eis*; ergo peccator teneatur se submittere iudicio Sacerdotum; alioquin quomodo Sacerdos discernet inter peccata remittenda, & retinenda? Neque ex precepto confitendi peccata, sequitur duriciem esse legem Evangelicam, quam Moysicam: imò contrarium evincitur; nam in lege Moysicâ necessaria erat contritio, quæ

difficiliter elicitur; in Evangelica verò dempta est hæc difficultas, quandoquidem pœnitens in Sacramento Pœnitentiæ ex ætрито fit contritus, & majorem certitudinem habet obtentæ remissionis, quam in lege veteri. Deinde juvatur à charitate Confessarii ad remedium animæ procurandum: quod est magnum argumentum suavitatis, quæ lex Evangelica fideles ordinat ad salutem.

12. Condemnabat Anabaptistas dicentes, semel iustificatum non posse amplius amittere gratiam iustificantem; & Novatianos, qui nullum beneficium absolutionis impendebant peccatoribus post Baptismum; negabat verò contra fidem Catholicam, peccatorem posse mereri per actus pœnitentiæ, quos informat gratia, remissionem peccatorum, vel utilitatem ejusmodi actuum in illis, qui ad gratiam disponuntur. R. Nam in omni lege pœnitentiam fuisse non modò utilem, sed etiam necessariam ad consequendam remissionem peccatorum, constat ex Scriptura evidenter. Hinc Prophetæ pœnitentiam Ninivitis prædicavit, ut redderet Deum placabilem; qui in cinere, & cilicio humiliati, averterunt imminens flagellum Dei. David per pœnitentiam obtinuit peccatorum remissionem, & audire meruit: *Transiit à te Deus peccatum tuum*; nec aliâ de causâ Apostolus ad Coloss. c. 13. vers. 9. peccatores hortatur ad mortificationem *Mortificate membra vestra*. Tum quia scimus omnes viros Sanctos voluntariam pœnitentiam assumpsisse, sed ad quid tot carnis macerationibus se affigere, nisi perfectam habuissent pœnitentiæ necessitatem, pro obtinenda peccatorum remissione? Veritatem hanc confirmat Conc. Trid. sess. 14. cap. 1. Insuper Deus in pluribus Script. locis pœnitentiam præcipit, & D. Petrus epist. 2. cap. 1. v. 10. *Satagite ut per bona opera, certam vestram vocationem, & electionem faciatis, hæc enim facientes, non peccabitis aliquando*. Experientiâ constat hanc, qui mortificat corpus suum, abstinere se à peccatis, & vehementiorem dolorem concipere de præteritis, ergo pœ-

pœnitentia est necessaria ad obtinendam peccatorum remissionem. Demùm Christus nos hortatur ad tollendam crucem cum ipso, si cum eodem congaudere volumus, unde legimus. *Si quis vult post me venire, tollat crucem suam*; quæ crux in nobis importat pœnam ex pœnitentia assumptam, vel voluntariè toleratam.

13. In usu Sacramentorum fidem, æqualem exigebat. R. Nam admittunt parvulos posse baptizari, sed parvuli non habent fidem æqualem, ergò in usu Sacramentorum non exigitur actualis fides, nec eorum veritas dependet à fide suscipientis. Tum quia baptizantur amentes, unguntur infirmi, qui cognitionem non habent, & tamen suscipiunt Sacramentum, ergò in usu Sacramentorum, non exigitur actualis fides: cæterum si exigeretur actualis fides, sequeretur realitatem Sacramenti dependere à fide suscipientis, non à Christi institutione, & à debita prolatione formæ super materiam; ut enim habeatur Sacramentum, sufficit à legitimo ministro proferri debitam formam supra debitam materiam, cum intentione faciendi, quod facit Ecclesia; sed si in usu Sacramentorum exigeretur fides actualis hoc non esset, maxime cum omnia Sacramenta, excepto Eucharistiæ Sacramento; consistant in usu; ergo &c.

14. Defendebat neminem posse publice in Ecclesia docere, vel Sacramenta administrare, absque speciali vocatione. R. Nam si per specialem vocationem intelligebant quamdam internam motionem sensibilem (alioquin quomodo quis sciet, se vocatum?) hoc falsum est; nam absque ejusmodi interna motione potest minister publice docere, & Sacramenta administrare; veritas enim doctrinæ Evangelicæ, & Sacramentorum efficacia, non dependet ab interna motione ministri; Tum quia difficile est posse discerni hanc internam, & specialem vocationem ab ipso ministro, quæ etiam nullatenus cognosci potest ab extraneo; ergò si nonnisi à specialiter vocato possent administrari Sacramenta,

sequeretur fideles semper esse in dubio, an à legitimo ministro forent administrata. Tum quia si quis fidelis, specialiter tamen non vocatus ad Sacerdotium, consentiret nihilominus ordinari in Presbyterum, & conficeret Sacramenta, atque à legitima potestate facultatem administrandi susceperet, bene conficeret, & administraret; ergò non est necessaria specialis vocatio ad ministranda Sacramenta. Si verò pro speciali vocatione intelligebant Confessionis expressimè, non debere Sacramenta ministrari nisi à legitimo ministro, jam nulla est inter ipsos, & Ecclesiam Catholicam dissensio. Catholicè enim credimus neminem, nisi legitime ordinatum, & legitimæ jurisdictione auctum, posse ministrare Sacramenta in Ecclesia. Quam jurisdictionem pro Sacramento Baptismi, omnes habent in casu necessitatis; sicut & administrandi in tali casu Sacramentum Pœnitentiæ habent omnes Sacerdotes.

15. Fœderum, & cæremoniarum Ecclesiæ observantiam admittebat.

16. Approbatat Magistratus, proprietatem honorum, & matrimonium.

17. Confitebatur resurrectionem, generale judicium, Paradisum, Infernum, & condemnabat duos Anabaptistarum errores, in quorum uno dicebant, damnatorum pœnas non esse æternas, & in alio mille annis ante resurrectionem Christum, cum electis regnatum in mundo.

18. Dicebat liberum arbitrium non sufficere ad salutem.

19. Deum, licet hominis Creatorem, & conservatorem, non posse dici causam peccatorum, quæ ab hominibus committuntur.

20. Bona opera non esse omnino inutilia. R. Nam per hunc mollem dicendi modum, significatur, vel saltem legitime deducitur, bene operari non esse absolutè necessarium ad salutem consequendam, quod falsum est, nam opera bona esse omnino adultis necessaria, satis constat ex Scriptura, quæ nos ad bona opera hortatur. *Declina à malo, & fac bonum.* D. Petrus Epist. 2. cap. 1. vers. 10.

verf. 10. *Satagite ut per bona opera certam vestram vocationem, & electionem faciatis*, & Apostolus ad Gal. 6. verf. 9. & 10. *bonum autem facientes, non desiciamus; tempore enim suo metemus non deficientes; ergo dum tempus habemus operemur bonum*. Demùm Christus, ratione honorum operum, protestatur se daturum æternam salutem, ut constat ex illo Matth. 25. *Venite benedicti, possidete paratum vobis regnum, esurivi enim, & dedistis mihi manducare &c.* ergo bona opera, non solum non sunt omnino inutilia, sed sunt necessaria ad salutem; quod si absque bonis operibus posset consequi salus, frustra homo hortaretur ad eleemosynam, ad pacem &c. Vide verbo *Amsdorfiani, Antinomi*.

21. Spernebat invocationem Sanctorum. R. verbo *Vigilantius*.

PROFUNDUNTUR ARTICULI
SECUNDÆ PARTIS
CONFESSIONIS AUGUSTANÆ.

Continet septem Articulos omnium Ecclesia Catholica sensui adversantes, quorum causa Protestantes ab Ecclesia se segregatos asserbant.

1. Exigebat communionem sub utraque specie, & SS. Sacramenti processionem improbabat. R. Quoad primum, verbo *Bohemi*. Secunda verò pars hujus articuli, cum in eo fundetur, quod (ut asserunt Lutherani) corpus Christi non sit realiter in Sacramento, nisi in solo usu, satis reprobata erit ex his, quæ dicuntur ad probandam realem existentiam corporis Christi in Eucharistia, etiam extra usum. quo admissio (ut de facto admitti debet) corpus Christi esse realiter in Eucharistia extra usum, non est improbanda sancti Sacramenti processio, honoris causa erga Christum instituta; nam Christum debere adorari constat ex eo, quod dixit ad tentatorem in deserto *Dominum Deum tuum adorabis*. Ex psalm. 96. verf. 8. *Adorate eum omnes Angeli ejus*. Ad Hebræos 1. v. 6. *Et cum iterum introducit primogenitum in*

orbem terra, dicit; & adorent eum omnes Angeli tui; ergo à fortiori debet adorari ab hominibus. Quod fecerunt Magi in Bethleem, & plures alii, de quibus si mentio in Evangelio, Christum adoraverunt; ergo si Christus non recusavit, has adorationes, certum est illi fuisse debitas, & consequenter posse adorari in Sacramento, ubi realiter est humanitas, & Divinitas; & hac de causa Ecclesia instituit processionem Sacramenti. ergo non est improbanda, quatenus in processionebus significatur unitas fidei, & unio charitatis in viatoribus. Tum quia Ecclesia, quæ sic fieri sancivit, non potest errare; ergo &c. Neque valet dicere, quod si adoratur Sacramentum, possunt adorari etiam creaturæ omnes, quia in omnibus Deus est; nam non adorantur creaturæ, quia Deus non facit unum cum creaturis; adoratur verò totum Sacramentum, quia Christus ibi præsentialiter existens concurrat ad integrandum unum totum morale, scilicet Sacramentum, ad cuius essentiam pertinet Christi corpus, Divinitas, & humanitas sub speciebus Eucharisticis.

2. Sacerdotum calibatum condemnabat, & illos qui castitatem vovebant. R. Ex omnibus ferè Conciliis, tam orientalibus, quam occidentalibus, in quibus definitum est, Clericos debere calibres vivere. Tum quia si in lege veteri requirebatur, quod qui manducare debebant panes propositionis, saltem ad aliquos dies ab uxoribus abstinere, & tamen panis propositionis erat solum umbra panis Eucharistici; ergo Sacerdotes, qui sunt deputati, ut quotidie ministrant Domino, & quotidie sumunt panem Eucharisticum, à fortiori debent ab uxore abstinere. Tum quia plures sunt convenientiæ, propter quas rectissime ab Apostolis stabilitum est debere calibatum sacris Ordinibus adnecti; quia matrimonium plures causas in conjugatis distractiones, unde Sacerdos uxoratus non potest sedulo vacare suo officio, & delectabilia carnis valde impediunt elevationem mentis. Insuper vix posset discerni

cerni Sacerdos à laicis: nec dignitas Sacerdotalis esset in tanta æstimatione, quando Sacerdotes essent uxorati. Quod autem habet Apostolus ad Corinth. 7. *Quod si non se continent, nubant, non est præceptum, sed consilium.* Tum quia specialis Dei gratia adjuvat Sacerdotes ad continentiam servandam. Quod autem legitur ad Timot. 3. *Episcopum esse debere unius uxoris virum*, non probat Sacerdotem debere nubere; nam ibi Apostolus loquitur de Episcopis ordinatis, postquam uxorem duxerant; de quibus statim subiungit, quod debeant esse continentes: quod ita intelligendum videtur, nempe, quod debeant vivere cum uxore, tanquam cum sorore; nam qui solam uxorem cognoscit, licet casu vivere dicatur, non tamen continenter; continens enim est; qui nullatenus cum muliere rem habet. Debent ergo Sacerdotes esse calibes, & hoc ex præcepto Ecclesiastico, non enim dicimus calibatum esse adnexum Ordinibus sacris de iure Divino, cæterum Ecclesia non dispensaret cum Græcis.

Quod autem possit voveri castitas, constat exemplo Mariæ Virginis Luc. 1. *Quomodo fiet istud, quoniam virum non cognosco?* quæ verba propter votum prolata notant SS. PP. Tum quia illud potest voveri, quod magis est Deo gratum si fiat, quam si non fiat, huiusmodi est castitas; ergo potest recte voveri. Minor conditio ex prima ad Corinth. 7. *Ignitur qui matrimonio jungit virginem suam bene facit: & qui non jungit melius facit. . . . Beatorum autem erit, si sic permanserit secundum meum consilium.* Nec valet uicere, quod nemo potest scire an perpetuo possit servare continentiam, quæ est donum Dei; ergo quod temere vovetur continentia; nam etiam nemo potest scire an possit perficere peregrinationem, & alia quæcumque vovetur; ergo nullatenus licitum esset vovere, si teneret allata ratio, cum tamen Propheta dicat psal. 75. *Vovete, & reddite Domino Deo vestro.* Licet ergo nemo sciat an in perpetuum possit caste vivere; tamen bene vovetur castitas,

cujus observantiam qui vovet, non reponit in propriis viribus, sed in Divino auxilio, quod Deus in hoc ab inde subministrat voventibus omnibus.

3. Oppugnant Missas privatas, & vult, quod quando celebratur Missa, semper saltem aliqui ex adstantibus debeant communionem accipere. R. Nam Protestantes illas vocant Missas privatas, in quibus Sacerdos non distribuit communionem, & hac de causa illas oppugnant, sed nullibi præceptum est debere semper à Sacerdote celebrante communionem distribui; ergo &c. Tum quia ad sacrificium, prout est sacrificium, non requiruntur, quod multi, vel pauci intersint, sive quod aliqui, vel nulli communionem recipiant; ergo ex hoc capite non potest impugnari Missa privata. Tum quia etiam adstantes non communicent de corpore reali Christi; tamen communicant de valore, & utilitate sacrificii, quod Sacerdoti consentientes offerunt pro salute animarum suarum. Vide Concilium Tridentinum sess. 22. c. 6. non autem necesse est ad sacrificium, ut semper sacramentaliter communicentur adstantes, sed satis est si communicent spiritualiter, & pro omnibus offeratur, ut explicat laudatum Tridentinum. Quod autem Christus quando consecravit, etiam communicaverit Apostolos, non infert Sacerdotem semper debere adstantes communicare, sed quod, prout oporteat, fiat: & quidem id melius esset, ut Trident. monet, sed non semper expedit. Unde Christus hoc non præcepit, alioquin si solum indigni adstant, sequeretur ipsa distribuendum fore ex præcepto corpus Christi. Quod autem Paulus prima ad Corinth. 11. redarguit eos, qui seorsim à pauperibus præsumunt in Ecclesia cœnam manducare, non loquitur de Missa, sed de quadam cœna, quæ in primitiva Ecclesia fieri solebat incommuni, inter fideles, in memoriam ultimæ cœnæ. Aliqui autem fideles divites incoeperant eam ad fastum convertere, & despiciere pauperes; cum omnes ex charitate in eandem cœnam convenire deberent, imitatione Chri-

Christi. Unde monet eos, ut ad ejusmodi lautiores cœnam peragendam abeant ad proprias domos, ne contemnant Ecclesiam Dei: *Numquid domos non habetis ad manducandum, & bibendum? &c.*

4. Afferbat non esse necessarium, exprimere in Sacramento Pœnitentiæ numerum peccatorum. R. in prima parte hujus Confectionis Augustanæ num. 11.

5. Non admittebat traditiones. R. verbo *Bibista*.

6. Improbabat vota Monastica. R. Quia vota monastica paupertatis scilicet, obedientiæ, & castitatis commendantur in sacris paginis; sic de paupertate legimus Matth. 19. *Si vis perfectus esse vade, & vende quæ habes, & da pauperibus, & habebis thesaurum in celo.* Item ibidem: *Eccce nos reliquimus omnia.* De voto obedientiæ Matth. 16. *Qui vult venire post me, abneget semetipsum, de voto castitatis dictum est supra num. 2. hujus secundæ partis.* Tum quia horum trium votorum prærogativa est commendata in Conc. Tolet. 4. cap. 29. & Trid. atque aliis; in quibus votorum excellentia ostenditur; & constat satis ex eo, quod qui vovet vitam religiosam, consecrat se Deo meliori modo quo potest, se enim submittit Deo, non solum quantum ad actum, sed etiam quantum ad potestatem. Deinde voluntatem firmat contrariam tribus capitalibus hujus mundi malis, quæ sunt concupiscentia carnis, concupiscentia oculorum, & superbia vitæ, quo fit, ut liberius Deo vacare possit. Tum quia vovere non modò licitum est, sed Deo gratum; hoc enim expressè habetur in Scriptura Proverb. 15. *Vota iustorum placabilia, & Eccles. 5. Si quid vovisti Deo non moreris reddere, displicet enim ei infidelis, & stulta promissio.* Psal. 65. *Vovete, & reddite Domino.* Quod autem vota non sint pernicioſa libero arbitrio, dictum est contra *Apostolicos.* Quod verò votum fieri possit de re non præcepta, constat Gen. 28. ubi narratur qualiter Jacob votum Deo vovit; David etiam vovit constructionem templi, & tamen ista non erant præcepta à Deo, quo non obſtante, semel ac vota facta sunt, Deus

Tom. I.

solutionem strictissime exigit; ut patet Deuter. 23. *Cum votum voveris, non tardabis reddere, quia requirit illud Dominus Deus tuus, & si moratus fueris, reputabitur tibi in peccatum.* Si nolueris polliceri absque peccato eris. Demùm vovere est actus religionis, ergo vota non sunt improbanda. Quod si vota fieri poterant in lege veteri; ergo etiam in Evangelica. Neque sit injuria Deo emitendo vota, nam hæc sunt semper cum Divino beneplacito; placet autem Deo, non modò quod faciamus, quæ ipse præcepit, sed etiam quæ consuluit, si facere volumus, idè falsum est, quod votum fieri nequeat, nisi de re præcepta.

7. Declamabat contra auctoritatem Pontificis, & Episcoporum, asserens auctoritatem eorum præcipuè consistere in prædicatione verbi Dei, & Sacramentorum administratione. R. Nam Christi constituit Episcopos regere Ecclesiam; Dei; idè eorum auctoritas debet se extendere ad providendum circa ea omnia, quæ cooperare possunt ad bonum Ecclesiæ regimen. Tum quia Ecclesiam habere auctoritatem condendi leges constat Deuter. cap. 17. vers. 10. *Et facies quodcumque dixeris, qui præsumt loco, quem elegerit Dominus, & docuerint te.* Item ad Romanos cap. 14. ad Hebræos cap. ultimo vers. 17. Demùm secundà ad Theſſal. cap. 3. vers. 14. legitur: *Si quis non obedit verbo nostro per epistolam, hunc notate, & ne commisceamini eum illo, ne confundatur, ex quibus, & aliis locis, satis constat Ecclesiam habere auctoritatem condendi leges. Quod autem legitur ad Cor. 1. cap. 7. Nolite fieri servi hominum, non probat fideles, non debere obedire superioribus Ecclesiæ, sed innuit nos debere hominibus obedire, non quæ hominibus, nec inordinatis eorum placitis inservire, sed quæ Dei ministris, quatenus eorum iussa divini se conformant voluntati. Unde Luc. 10. vers. 16. habetur: *Qui vos audit, me audit, & qui vos spernit, me spernit.**

Quia autem diximus Confessionistas in tres classes dividi, nempe in rigidos, C c mol.

niolles, & extravagantes, ut de ipsis in communi aliqua notitia exhibeatur, quantum colligere liquet ex Staphilo, Confessionistæ rigidi sunt illi, qui omnes Lutheri errores nullo excepto defendunt: hujusmodi sunt: *Antinomi*, *Samosaten- ses*, *Infernales*, *Antidamoniarii*, *Aus- doiphiani*, *Antidiphoristi*, *Antiofian- drini*, *AntisWenchfeldiani*, *Invisibiles*. Confessionistæ molles sunt Theologi Wit- tembergenses, qui cum omnibus pacem habere student, & prædictis cordatiores videri contendunt. Lutheri rigida dog- mata certo modo molire studentes; hu- jusmodi sunt *Biblistæ*, *Adiaphoristæ*, *Trisacramentales*, *Quadisacramentales*, *Lutherocalvinistæ*, *Semiofandrii*, *Majoristæ*, *Penitentiarii*, *Pelagiani novi*, *Sinceritantes*. Confessionistæ ex- travagantes Lutheri doctrinam in pluri- bus oppugnant, sed quia plures Prin- cipes confessioni Augustanæ subscripse- runt, eorumdem auctoritate permoti se- quuntur, vel potius sequi se fingunt Au- gustanam confessionem. Sunt autem sub- divisi, in *SWenchfeldianos*, *Ofiandrinos*, *Stancarianos*, *Antilancarianos*, *Pela- gianos novos*, *Manichæos novos*; & *Mar- tionistas*, de quibus omnibus, ut jam monitum est, sub proprio nomine agitur.

XVI. CONFESSIO NISTÆ RIGIDI, ET MOLLES. Vide verbo *Confessionistæ Augu- stani* in fine.

XVI. CONFESSIO NISTÆ AUGUSTANÆ EMU- LI. Orti sunt anno 1535. Suadebant Catholicis, ut salvo confessionis Augu- stanæ titulo, aliqua emendarent, & declararent circa substantialia fidei, & reliquos articulos silentio præterirent. Ex Ed. r. p. 3. tr. 4.

XVI. CONFESSIO NISTÆ NOVI. Dicti etiam *Degeneres*, & *Anonymi*, repo- nuntur à Gravina inter Antilutheranos. Uteorumdem clarior notitia habeatur, recolendum, quod diximus alibi, Melanctonem scilicet, sæpè confessionem Augustanam refecisse, & inter exem- plaria hujus confessionis, unum extat à Melanctone mutilatum anno 1555. Fer- dinando Cæsari oblatum; hoc exemplar se velle proficisci, obtestati sunt Confe-

ssionistæ novi, qui idèd vocabantur *Pa- troni calstrata confessionis*. In hac confe- sione oblata Ferdinando Cæsari, sequen- tes continebantur errores, quorum opo- situm admittebat confessio Augustana.

1. Dicebant iustas causas se habere desiciendi ab Ecclesia Romana. Repr. Nam nulla de causa licet veram abdicare fidem, quæ in sola Ecclesia Romana vi- get; nulla enim de causa licet recedere à veritate, & consequenter à doctrina Evangelica, quam dictavit ipsa veritas Incarnata. Veritatem, & puritatem fidei, solum contineri in doctrina, quam profitetur Romana Ecclesia, constat ex his, quæ in præparatione ad opus dis- scruiimus.

2. Tridentinam Synodum non fore ab Electoribus, cæterisque Imperii Prin- cipibus, Augustanæque confessionis or- dinibus agnoscendam. Repr. verbo *Acephali*.

3. Duo Sacramenta se recipere, non tria. R. verbo *Bissacramentales*, contra quos septem esse ostenditur.

4. Mutationem in Sacramento Eu- charistiæ mysticam esse, non realem, & substantialem. Repr. verbo *Beren- garius*.

5. Orationes pro defunctis non ad- mittebant. R. verbo *Seriani novi*.

6. Exorcismum Baptizatorum con- temnebant. R. Et primò dari in Ecclesia potestatem exorcizandi, negabit nemo, qui Evangelium admittat; quandoquidem Dominus hanc discipulis suis contulit po- testatem, ut plurius ibidem legitur: quam & ipse Dominus Jesus Christus, ad instructionem Ecclesiæ suæ exercuit. Propterea in Actibus Apostolorum etiam legitur cap. 16. eadem virtute Paulum expulisse dæmonem à quadam puella. Sed quid manifestius in Ecclesia, quàm Christum, & Apostolos ejecisse dæmo- nia? & identidem sunt hujusmodi pro- digia in Ecclesia per ministros suos, qui energumenos liberant à dæmonibus. Exorcismus autem est invocatio Divini nominis, juxta formam ab Ecclesia præ- scriptam, facta super obsessos, in cujus nominis virtute liberantur obsessi à dæ-
moni-

monibus; cum itaque homo nondum baptizatus, adhuc sit sub potestate diaboli, ritè ad eundem eximendum ab hac potestate, instituit Ecclesia, ut exorcizentur Catechumeni.

7. Crucis signum damnabant. Rep. verbo *Claudius Taurinensis*.

XVI. CONFESSIONISTÆ PROVINCIALES. Cum in Lutherana secta penè tot sint capita, quot sententiæ, non mirum tot diversas confessiones fidei prodiiſſe ex eadem secta. Hinc originem habuerunt Confessionistæ Provinciales, qui recipiunt pro verbo Dei illas confessiones, quæ à ministris singularum Provinciarum somniatæ fuerunt, ab ipsis ministris Provincialibus, suæ respectivè Province propoſitæ. Illæ confessiones ita variant inter se, ut penè tot sint fides, quot voluntates, & nonnisi confusionem opinionum in illis est invenire; & sicut ædificatores Babylonice Turris, inducta, ex Dei providentia, confusione linguarum, neque ad invicem loquentes percipi poterant, sic dixeris renovatum hoc portentum Dei permissione ad confusionem Protestantium, qui dum se erigere contendunt supra scientiam Sanctorum, propriam confiteri coguntur ignorantiam, dum neque sibi consilii sunt, quid sentiant. Confessiones Provinciales triginta quatuor numerantur, scilicet

Augustana prima
Augustana quatuor Civitatum
Augustana Castrata
Augustana Jenensis
Augustana Basileensis
Augustana Antuerpiensis
Augustana Lipsiensis
Genevensis
Graeviensis
Petrioviensis
Transylvanensis
Posnaniensis
Constantiensis
Heilbergensis
Smalcaldensis
Tubingensis
Nordliensis
Bernensis
Wittembergensis

Luneburgensis
Lubeccensis
Bremensis
Rosthoclinensis
Hamburgensis
Brantiburgensis
Mansfeldensis
Duorum Ordinum Austriæ
Anglicana
Megapolitana
Rupellana
Saxonica
Ecclesiarum Scoticarum
Danicarum
Sveticarum

Errores, in quibus Confessiones Provinciales conveniunt sunt sequentes

1. Ecclesiam Romanam esse sedem Antichristi. R. Quia Antichristus dicit se esse Deum, & Christum fuisse purum hominem; sed nemo est qui has profert blasphemias in Ecclesia Romana; ergo hæc non est sedes Antichristi. Tum quia Antichristus erit adversarius Petri, & destructor Evangelii, sed in Ecclesia Romana Petrus honoratur, & Evangelii propagatio promovetur. Tum quia Antichristus nondum venit, ut ostensum est contra *Bartholomæum Janovesium*. Tum quia signa, quæ debent præcedere Antichristum, indicata ab Evangelio, nondum præcesserunt, ergo &c. Immo fidenter dico ipsos Protestantés, seu quocumque alio nomine hæreticos, esse præcursores Antichristi, qui contra Christi fidem, quam supra firmam petram Romana Ecclesia custodit, debacchantur.

2. Sanctum Sacramentum Missæ esse abominationem. R. Quia Christus præcepit hoc fieri, scilicet hoc sacramentum offerri in sui commemorationem; hoc est illud sacramentum laudis, de quo ait Psalmista: *Immola Deo sacrificium laudis*. Insuper probatur Missam esse verum sacramentum, & consequenter non esse abominationem. Sic Malach. cap. 3. ubi prophetans de adventu Messie, ait: *Et erunt Domino offerentes sacrificia in iustitia*. Ad Hebræos 5. *Omnis namque Pontifex ex hominibus assumptus, pro homi-*

C e 2 *nibus*

nibus constituitur in iis, quæ sunt ad Deum, ut offerat dona, & sacrificia pro peccatis; sed aliud sacrificium non offertur à Pontificibus, ex hominibus assumptis, quàm sacrificium Missæ; ergo Missa est sacrificium. Insuper Christus est Sacerdos in æternum, ergo debet dari sacrificium, quod Christus offerat per ministros suos, sed hoc aliud esse nequit, quàm sacrificium Missæ, ergo &c. Tum quia ex conjunctione regni, & sacerdotii, quæ facta est à Christo in populo Christiano, deducitur populum Christianum debere habere aliquod Sacrificium; hoc autem aliud esse nequit, quàm Missa. Tum quia in Missa sunt omnia, quæ requiruntur ad verum sacrificium, ergo &c. Demùm Missam esse sacrificium constanter asserunt omnes Sancti Patres. Nec valet dicere, quòd in Missa nulla sit Hostiæ occisio, ergo Missa non est sacrificium; quia ad rationem sacrificii non est semper necessaria Hostiæ occisio, sed sufficit Hostiæ Christum continentis consumptio, sicut in figura olim prænuntiatum fuit. Nam Melchisedech, qui obtulit panem, & vinum, non potuit utrumque inanime occidere, sed solum consumere, & consumenda distribuere.

XVI. CONFESSORISTÆ RECALCITRANTES, regentur à Gravina inter Lutheranos mixtos, illos scilicet, qui neque cum mollibus, neque cum rigidis sentientes, suam particularem sectam, constituunt, sed partim ex mollibus, partim ex rigidis dogmata suffragantes. Tales sunt *SWenchfeldiani*, *Osiandrii*, & *Stancariani*, quorum errores sub his respectivè nominibus recensentur, & reprobantur.

XVI. CONFESSORISTÆ QUATTUOR CIVITATUM, quos Gravina reponit inter Lutheranos, Rescius asserit esse Zuinglianos. Isti sunt cives Argentoratenses, Constantienses, Leidaviæ, & Meningæ, qui recusant subscribere, & recipere confessionem Augustanam; aliamque confessionem à Bucero exaratam, in comitiis Cæsari obtulerunt, sed neque unanimes sunt in eadem confessione istæ quattuor Civitates: aliter enim sentiunt

Academici, aliter Theologi, aliter Nobiles, aliter Artifices, & solum conveniunt in oppugnanda Ecclesia Romana.

XVI. CONFESSORES GLORIÆ CHRISTI, lidem sunt ac *SWenchfeldiani*, sic dicti, quia Gaspar *SWenchfeldius* gloriabatur se præcipuè assertorem esse gloriæ carnis Christi in glorificatione, quam Lutherani aut negligunt, aut impugnant.

VI. CONONITE. Cononitarum secta, Severianorum, Theodosianorum, & Triteitarum errores propagavit, Duce quodam Conone Alexandrino Episcopo, per annos 48. Joannis Philopponi discipulo. Porro Cononitez, cum primùm Joannis Philopponi Alexandrini grammatici scripta, ab ipso contra Ethnicos composita comprobassent, postremò & auctorem, & elucubrationes ejus rejecerunt, quas anathemate confixerunt. Ex Nicæph.

1. Negantes tres Deitates admittendas in Divinis, contendebant tres Divinas personas esse tres substantias, & naturas per omnia similes. R. Nam concedere tres personas Divinas esse tres substantias, & naturas distinctas, licet similes, est idem, ac dicere dari tres Deos, sed Deus aut est unus, aut nullus; non secundum, ergò primum, ergò tres Divinæ personæ non sunt tres Divinæ substantiæ, & tres naturæ similes. Tum quia Jo. 1. cap. 5. legitur. *Tres sunt, qui testimonium dant in calo: Pater, Verbum, & Spiritus sanctus, & hi tres unum sunt*; Tum quia si tres Divinæ personæ essent tres substantiæ, & naturæ diversæ, essent tres infiniti, sed hoc dicit contradictionem. Insuper ex rationibus, quibus evincitur Filium esse consubstantialem Patri, & Spiritum sanctum esse consubstantialem Patri, & Filio, confunduntur Cononitez. Tum quia Deus est ens simplicissimus, ergo nequeunt esse in Divinis tres substantiæ diversæ. Nec valet dicere, quòd si una esset substantia in Divinis personis, etiam Pater, & Spiritus sanctus essent incarnati, nam unio inter humanitatem, & Divinitatem, non est facta inter substantiam Divinam, & humanitatem, sed facta

facta est inter personalitatem Filii, & humanitatem, quatenus persona Filii supplet in Christo id, quod præstaret personalitas creata si esset; cum autem personalitas Filii sit realiter distincta, à personalitate Patris, & Spiritus sancti, ideo dici nequit, quod tres personæ Divinæ sint incarnatæ, licet una indivisibilis substantia sit in Divinis.

XVI. CONNIVENTES. Inter Antilutheranos politicos etiam à Gravina reputantur, tales vocantur à Rescio quidam Lutherani, qui asserunt.

1. Nec possibile, nec necessarium esse unitatem Religionis ubique conservari. R. Et quidem loquendo de possibili, scimus ex Evangelio, quod *Fiet unum ovile, & unus Pastor* ergo potest unitas Religionis ubique conservari; maxime si Deus vellet, posset facere, ut omnes in vera fide stabiles permanerent, nihil enim Deo impossibile est, qui tamen ob sua imperferabilia judicia permittit hæreses esse. Esset autem opportunum unitatem Religionis ubique conservari, pro communi omnium salute, & etiam pro bono regimine politico, nam si unitas Religionis ubique conservaretur, orbis Christianus non pateretur bellorum incommoda, quæ ab hæreticis sæpè patitur.

2. Ex eo quod legitur *Oportet hæreses esse deducere*, hæreses esse tolerandas. R. verbo *Confederati*, ubi mens Apostoli circa proposita verba est explanata.

XVI. CONRADUS GENEVENSI. Tigurinus, sectæ Lutheranus, Tiguri peste extinctus est. Fuit validissimo ingenio, plura conscripsit, quæ tamen utpote resecta erroribus circa fidem, potius auctoris ingenium denigrarunt, quàm illustrarunt. Ex Spondan.

* XVI. CONRADUS CROPEH in Polonia varias disfundens hæreses Calvinismi, & Luteranismi, ibidem factus novatorem signifer, iusta severitate ab Episcopo Cracoviensi cæcetur.

VII. CONSTANTINUS IMPERATOR Nepos Heraclii Imperatoris, imperium suscipiens, se hæreticum Monothelitam pa-

tescit, quam hæresim summo studio propugnare studuit, & pro ea propaganda promulgavit Edictum, quod vocabatur *Typus*; Martinum Papam, & Martinum Abbatem ob damnatum Typum crudeli multavit exilio; tandem in Balneo necatus fuit. Vide *Monothelita*.

XVI. CONSTANTINUS FONTINO Hispani Canonici, hæresim ab Inquisitione publicæ exclusus, scripsit in Job, Proverbia, Ecclesiasten, & Canticum, ex *Tirino Com. in sac. Script. Tom. 2. in Indice*.

VIII. CONSTANTINUS, COPRONIMUS dictus, quia dum baptizaretur stercom, emisit, filius Leonis Isaurici, impiis, & impuris moribus obnoxius, sacrarumque imaginum insensibilis hostis, Concilium adversus earum cultum collegit anno 754. exegit juramentum ab omnibus adversus sacras imagines; etiam Monachos diris modis est persecutus, & quasi satis flagitiosus non esset, Nestorianum, se quoque patefecit; sæviera cum demonibus occultè sancivit, profanavit Ecclesias, Sanctorum intercessionem edicto prohibuit. Reliquias Sanctorum exturbavit, brumalia more gentilium celebravit; & Sanctam Dei Genitricem horrendis blasphemis est impetitus. Quoad invocationem Sanctorum. R. verbo *Vigilantiis*, quoad imagines verbo *Iconoclastia*. Ex Baron.

IV. CONSTANTINUS INDIGENA. Fuit non procul à Samosatis Armeniæ indigena quidam, nomine Constantinus, qui Manichæorum hæresim subdolis artibus promulgare studuit. Se Silvanum illum esse iactabat, cuius mentio fit in Pauli Epistolis. Cum videret Manichæos ubique capitali iudicio puniri, & eorum libros comburi, statim se Manetis doctrinam respuere, ut hac media fitione, facilius posset auditores suos decipere. Plures in suos traxit errores, qui verbo *Basilides*, & *Manichæi* consutantur; non modò enim Manetis, sed & Basilidis impia dogmata profitebatur. Tandem quasi alter Goliath idu lapidis percussus decessit. Ex annal. Græc.

II. CONSTANTINUS SACELLARIUS Michæ-

chaelis Cæsaril Imperatoris, à Legatis Apost. sedis excommunicatur, ob consultatū pedibus Latinorum sacrificium. Ex Baron. ann. 1014.

XVI. CONSUBSTANTIATORES inter Semilutheranos repositi à Gravina, vocantur ex Rescio illi, qui

Afferrebat Corpus Christi esse in Eucharistia sub pane, cum pane, in pane, verè, & realitèr, ita ut simul, & semel maneat substantia panis, & adsit substantia carnis, idèst in Eucharistia non dicunt fieri transubstantiationem, sed consubstantiationem, quam lepidè impanationem vocant; idèst delitescentiam corporis in pane, ex quo dicendi modò nomen sortiti sunt. Repr. verbo *Adessenarii*, & verbo *Erengarius*, contra primos enim ostensum est, Corpus Christi non esse nec sub, nec supra, nec cum pane; contra secundum probatur fieri transubstantiationem.

II. CONTINENTES. Creditur ab aliquibus continentium scèlām à Marcione propagatam fuisse, & in hac sententia est P. Joseph de Turre lib. 4. suarum Institutionum quæll. 4. art. 3. Alii à Tarino hæretico originem traxisse sentiunt, & eosdem fuisse, ac Encratitas censent; in hac sententia fuisse videtur S. Irenæus lib. 1. cap. 31. Encratitæ verò dicti sunt continentes, eo quòd continentiam habentes, damnabant matrimonium. Vide *Encratitæ*.

XVII. CONFEDERANTES, sive CONFEDERATI. Anno 1638. in Scotia facta est plurium confederatio, qui novam contendeabant inducere liturgiam, & Catholicæ Religionis cæremônias abrogare. Angliæ Rex hosce convenientes condemnavit, tanquam temerarios, & qui rebellionis essent fomentum, ex quo facta est regni divisio in duas partes, una quarum dicebatur *Confederatorum*, altera *non Confederatorum*. Regis damnationi adhaeserunt secundi, primi verò in sua opinione perliterunt. Tria sunt potiora Confederatorum capita; idèst sustinendi præteritam religionem, reformatam contra Ecclesiam Romanam, nec non adhzrendi novæ confessioni fidei

in comitiis generalibus Regni Scotiæ anno 1580. propositz, & anno 1581. receptæ, tam quoad disciplinam, quàm quoad doctrinam, & condemnationem regiminis Ecclesiastici per Episcopos: resistendi insuper in his omnibus, ex quibus propozita confessio sibi posset recipere detrimentum. Ex Salmonet. in hist.

XVI. COPTI subunt Patriarchæ Alexandrino, qui Cuyri in Ægypto suam sedem habet. Hoc nomine vocantur Christiani in Ægypto, qui penè omnes scèlā sunt Jacobitæ, aut Monophysitæ, unicam in Christo naturam admittentes; lingua Ægyptiaca sacra peragunt, ex qua dicti sunt Copti, eorum Presbyteri sunt uxorati, in Patriarcham tamen eligunt castitatem profitentem, qui absolutum habet totius Ecclesiæ dominium, cui duodecim Episcopi subordinantur. In electione Patriarchæ, non solum Episcopi, Presbyteri, sed & Primates populi votum habent. Extrema est hujus Cleri ignorantia, & Presbyteri, qui lingua Arabica loqui valent, & scribere, inter doctos recensentur. Infantes masculos post quadragesimum, & fœminas post octagesimum diem baptizant. Solum viri ad Sanctuarium ascendunt; ubi communionem sub utraque specie recipiunt, ad fœminas verò longè à Sanctuario sitas, communionem deferunt in calice intinctam. Eorum peculiaries errores, præter illos quos habent communes cum Græcis, sunt sequentes. Ex Spond.

1. Repudiatis Uxoribus, alias ducunt, hoc licitè fieri posse asserentes, R. verbo *Abstinentes*, & *Armeni*, ubi de indissolubilitate matrimonii actum est.

2. Ter parvulum in Baptismo immergunt, & totidem vicibus formam Baptismi reiterant. Quantum ad trinam immersionem, nihil esset obijciendum, quandoquidem eam S. Gregorius Papa approbavit, ut habetur in cap. de *Trina immersione*. Sed tamen quia ter Sacramentum, prolata forma perficiunt. R. Si quidem Baptismum non esse reiterandum dictum est verbo *Agrippinus*, sed reiterare immersionem, & formam, est reiterare Baptismum.

3. Septem Sacramenta enumerant, sed Confirmationem, Matrimonium, & Extremam Unctionem, ignorant, & eorum loco fidem, jejunium, & orationem substituant. R. Quia Confirmationem, Matrimonium, & Extremam Unctionem esse Sacramenta constat ex sacris pag. juxta Traditionem Ecclesie; sunt enim signa sensibilia à Christo Domino instituta ad conferendam infallibiliter gratiam, sed fides, jejunium, & oratio non possunt esse Sacramenta, ceterum etiam mulieres possent esse ministræ Sacramentorum; Tum quia scimus non conferre infallibiliter gratiam; plures enim sunt Pharisei orantes, qui per solam orationem non remittuntur in gratiam; nec Christus Dominus tanquam signa gratie ea nobis reliquit; cum tamen Sacramenta sint signa ad placitum institutoris.

4. Negant Spiritum sanctum à Filio procedere. R. verbo *Graci*.

5. In Christo unam tantum naturam, voluntatem, & operationem esse asserunt. R. verbo *Monothelita*.

6. Rejiciunt Concilium Chalcedonense. R. verbo *Acephali*, ubi ostenditur Concilia approbata à Summo Pontifice, consensu fuit Chalcedonense, esse recipienda ab omnibus Christianis.

7. In pluribus ritibus peccant, quinquennes filios Diaconus consecrantes, & similia peragentes. R. Quia cum Ecclesia habeat auctoritatem condendi leges, maxime circa ea, quæ sunt de circumstantia Sacramentorum, standum est Ecclesie ritibus, nec licet ab uniformitate, & ritibus Ecclesie recedere, quæ quantum potest, uniformitatem etiam in ritibus servat, ut magis Ecclesie unitas triumphet. Ecclesie autem legibus obtemperandum esse, alibi ostenditur, ideoque cum per suas leges Ecclesia sanciverit etiam circa tempus quo quis debeat sacris ordinibus initiari, iisdem legibus est obtemperandum, neque pueri quinquennes possunt Diaconi ordinari; nec decet, cum sint inhabiles ministerio.

XVIII. COPTICI MODERNI. Præter modernorum Jacobitarum errores admittunt Circumcisionem, quam more Judaico,

unà cum baptismo utuntur, eamque ad salutem necessariam necessitate mediæ asserunt. Reprob. verbo *Abissini, Aetariis*.

XVII. COPPINUS unà cum Quintino auctor fuit sectæ Libertinorum, porro Coppinus Insulanus è Gallia profugus, errores suos in Barbantia, & Hollandia disseminavit. Vide *Libertini, & Quintinus*.

XVI. COPTI. Afferit P. Joseph de Turre Coptos esse nonnulli in Ægypto habitantes schismaticos, imò & hæreticos, qui Dioscori, & Euthychetis profitentur errores, sic dicti à Copto Thebaidis oppido, subsunt Patriarchæ Alexandrino. Crediderim ego Coptos eodem esse, ac Coptos de quibus supra actum, sed quoniam Spondanus agit de Coptis sub anno 1561. & Joseph de Turre reponit Coptos inter hæreticos seculi 6. videtur Coptos de quibus hic agitur diversos esse dicendos à Coptis de quibus agit Spondanus; attamen cum Joseph de Turre assertum nullius fulcitur testimonio, & ceterum quicquid ipse asserit de Coptis, verificetur de Coptis, hos ab illis distinguendos non esse arbitraretur.

CORACION. Vide *Chiliasia*.

XVI. CORNARISTE. Vide *Tellagia novi*.

XVI. CORNELIUS AGRIPPA Lutheranus lib. 3. de occulta Philosophia, negat Sanctorum animas post mortem introduci ad gloriam. R. verbo *Calvinus, Graci, Millenarii*.

XII. CORNERI, sive COTERELLI. Circa annum Christi 1179. elevati sunt Coterelli, ita scelesti, & flagitiosi ut potius prædones essent nuncupandi, nemini parentes, neque ætati, neque sexui, omnia devastabant, furabantur, undique cædes faciebant, præcipue in Provincia Bituricensi; plerique illorum absque Religione ulla viventes, hæreticis tamen patrocinabantur, ut hoc prætextu possent etiam Ecclesias, & Monasteria deprædare. Sub Alexandro III. contra ipsos congregatus est exercitus Cruce signatus. Cornerii Gens perditâ venerat ex partibus Aragoniz, & Na-

var-

varræ aliisque finitimis regionibus, ideoque vocabantur etiam *Aragonii, Navarii, Bretones, Basculi, & Tiaverdenses*. De eorum moribus nefandis, videndus est Baronius anno 1170. ut plurimum more Paganorum vivebant. Bitoricenses unâ cum militibus Regis Philippi Augusti, contra Correrios unanimitè impetum fecerunt, & septem milia hujusmodi perditorum virorum trucidarunt. Pluribus annis Correrii infestarent Horthodoxos, contra quos Petrus Cluniacensis, Templariorum Equitum Magistrum suis literis excitavit. Aliqui autem ex Coterellis sequentes profitebantur errores.

1. Dicebant Beatam Mariam Virginem fuisse Angelum. Repr. verbo *Bagualeses*.

2. Corpus Christi non esse glorificatum, & post diem Judicii futurum cadaver. R. Nam Corpus Christi ascendisse gloriosum in cælum constat ex actibus Apostolorum; Item in Symbolo legitur *Ascendit in Cælum*; sed corpus in cælo est glorificatum, ergo si Christus ascendit in cælum, ejus corpus est glorificatum. Insuper omnibus rationibus, quibus corporum resurrectionem comprobatur, etiam evincitur corpus, quod semel resurrexit, nunquam futurum cadaver. Glorificatio autem corporum justorum, est pars mercedis, merces est æterna, ergo corpus semel glorificatum, semper erit gloriosum.

3. Animas Sanctorum non fore cælum ingressuras ante diem Judicii. Rep. verbo *Millenarii*.

XVII. CORRESPONDENTES vocati sunt Protestantes illi, qui sædus anno 1609. sancti sunt contra Cæsarem, & Catholicos, pro suæ partis amplificatione. Ex Spod.

VI. CORRUPTICOLÆ. Severus de quo agetur suo loco, cum inter alios errores, doceret Corpus Christi esse necessitate corruptibile, ut infra explicabitur, Corrupticularum auctor fuit, siquidem qui in hoc errore sustinendo pertinacioris fuerunt, Corrupticolæ sunt dicti, quibus se opposuerunt Incorru-

pticolæ, de quorum secta sub tali nomine differitur: utraque pars, tam Corruptibilium, quàm Incorruptibilium ex Euthychianorum secta progressa est. Anno autem 563. prævaluit Incorruptibilium secta, quando facta inter ambas partes contentione, pulsus est à sede sua Theodosius Episcopus Alexandrianus, Corrupticularum fautor, & in locum ejus subrogatus est Gajanus incorruptibilitatis defensor, circa medium sæculi sexti. Ex Corruptibilium sententia illud deducebatur absurdum, scilicet quodd si Corpus Christi fuit corruptibile, Christus aliqua ignoraverit. Sed neque sententia Incorruptibilium sub Catholicis terminis fuit explicata, sicut verbo *Incorruptibiles* dilucidabitur, ex quo explicandi modo Monothelitarum hæresis ansam accepit. Sed de his alibi. Quantum ad præsens negotium spectat Corrupticolæ ideo sunt dicti, quia

Dicebant Christum vellet, nollet, ex naturæ ipsius necessitate passionibus subeundis obnoxium fuisse. R. Nam certum est laborum omnium, atque cruciatuum perpassiones, Christo Domino spontaneas fuisse, & liberrimè suscepisse; unde Jo. 10. vers. 18. legitur *Nemo tollit animam à me, sed ego pono eam à me ipso*; & licet eodem modo, quo nos patimur, Christus pœnas sit perpassus, non eadem tamen lege, nam ipse volens, ac libens corpus suum tradidit crucifigendum, quod ex pluribus aliis Scripturæ testimoniis colligitur.

V. COSMIANI. Mentionem facit Nicephorus lib. 16. cap. 31. hist. Eccles. de quodam Cosmo Episcopo, qui vixit tempore Anastasi Imperatoris, circa finem sæculi 5. & unâ cum quodam Severiano, se à Communione Severi Episcopi disjuxerunt; misso hac de re ad Severum, commendationis libro, quod cum delatum esset ad Imperatorem, Severianum, & Cosmum à suis sedibus statim ejici mandavit, quorum errorem à pluribus in Oriente defendi, Asiaticus ad Anastasium scribens retulit. Eorum dogma erat, quod

Unam tantum naturam in Christo pro-

profitebantur. R. verbo *Cerintus*, & *Euthyches*. Tum quia si Christus unieam tantum haberet naturam, vel esset tantum homo, vel tantum Deus, sed Christus est homo Deus, ut probatur contra Cerinthum, ergo Christus habet duas naturas. Tum quia si Christus non haberet duas naturas, plura quæ de Christo asseruntur in sacris paginis, non possent verificari, quæ idè bene verificantur, quia sacræ paginæ sæpè loquuntur de Christo prout homine, aliquando de Christo prout Deus est. Sic ubi legitur: *Ego & Pater unum sumus*, & alibi *Pater major me est*. Primum intelligitur de Christo quæ Deus, secundum de Christo quæ homo. Pater Joseph de Turre in suis institutis ad Verbi Dei intelligentiam lib. 4. quæst. 4. art. 8. mentionem facit de quibusdam Cosmianis, qui seculo 4. à Synodo Constantinopolit. 2. damnati præbuerunt assensum; citat Niceforum lib. 4. Histor. Eccles. cap. 11. sed ibi nullam à Niceforo de Cosmianis mentionem factam invenio, qui nullibi de illis agit, nisi lib. 16. cap. 31. Recenset insuper Joseph de Turre tres fuisse horum Cosmianorum errores.

1. Verbum Dei nudum prædicabant, & sine substantia: in alio verò esse, substantiam habere dicebant. Rep. verbo *Arius*, contra quem Verbum Divinum esse ejusdem substantiæ cum Patre asseritur.

2. Christum Deum non esse imaginem Dei ante secula, sed ex eo tempore esse factum Dei filium, ex quo nostram ex Virgine carnem assumpsit. R. ex his quæ dicta sunt contra *Accatianos*, *Anomæum*, & *Berillum*.

3. Regnum Christi initium habuisse in nativitate illius, & finem habiturum esse post consummationem, & Judicium. R. Ex ipso Christo dicente Jan. 18. 36. *Regnum meum non est de hoc mundo*. Tum quia Christus sæpè protestatus est Apostolis, quod ibat ipsis parare regnum æternum: invitavit electos ad regnum ipsis paratum ab origine mundi, id est ab æterno; ergo &c. Unde Scriptura dicit: *Regnum tuum, regnum omnium seculorum*.

XVI. COUZAICUS nomine Guillel-

Tom. I.

mus Anglicanus, circa annum 1560. se opposuit Martino Malorato, & pronunciare ausus est, Christum non Redemptorem mundi esse, sed deceptorem. Christi nomen esse factum. In Symbolo ubi dicitur: *Et in Jesum Christum* mutavit, & in *Jesum Jesum* Protestatus est nunquam se nominaturum, vel confessurum nomen Christi. Damnatos esse dicebat quotquot credebant in Christum. Non indigent reprobatione ulteriori istæ blasphemiz, à quibus vel bestiarum aures abhorrent.

VIII. COZORENSES, juxta Gaultorium idem sunt ac Concoredenses, quos alii Cozofenses appellant. Vide *Concoredenses*, sive *Bagnoleuses*; quia tamen Cozorenses præter Bagnolensium errores, & alios profitebantur, ab illis distinguendos esse arbitraret. S. Antoninus 4. par. suæ Summæ tit. 11. cap. 7. dicit convenire eum Albanensibus. Peculiares Cozorensium errores sunt.

1. Duo principia rerum constituunt. R. verbo *Manichæi*.

2. Dicunt Deum non creare, nec infundere novas animas. R. Quia Deus Creator omnium est, sicut confitemur in Symbolo, & sæpè legimus in sacris paginis Deum fecisse cælum, & terram, mare, & omnia quæ in eis sunt; animas autem creati à Deo, & infundi in corpore humano, eum sufficienter est organizatum, constat ex illo Gen. 2. 7. *Inspiravit in faciem ejus spiraculum vite*; item ex his quæ dicta sunt contra *Apocarytas*, *Bagnorenses*, *hereticos de Barulo*, & dicuntur contra *Tertullianum*, sufficienter reprobi. hic error.

3. Afferunt Christianis interdictionem esse juramentum. R. verbo *Catharista*.

XIII. CREDESSES. Disti sunt nonnulli ex Valdensibus, & Catharis, qui renuentes nominari à loco, vel ab auctore, sicut consueverant aliz sectæ, *Credentes* sibi nomen imposuerunt, sicuti jam in primitiva Ecclesia credentes vocabantur Christiani. Ceterùm Credentes specialem sectam non constituerunt, excepta nominis variatione; cum Wiclefistis enim veram fidem abicien-

D d

tes,

res, eorundem erroribus satis, & ultra contaminati, à vera fide Credentium longissime alieni vivebant.

II. **CRASCENS CYNICUS** Christianam Religionem graviter esse infectatus, præcipue Romæ ubi debebat, & in eam obscenius est locutus. Tales fuerunt contra Christianam Religionem omnes Philosophi Cynici, qui unâ cum Epicureis sentientes, Christiani nominis erant infensissimi hostes; Eorum causâ Christiani multa sunt passi. Crescentem Cynicum sæpè convenit, & redarguit Iustinus ex Philosopho Christianus, quia de causa eundem licet non hæreticum, sed Gentilem, utpotè tamen Christianæ Religionis detractorem, in hoc hæreticorum Catalogo non reticendum censuimus.

V. **CRESCONIUS**. Grammaticus Donatistarum acerrimus defensor, acerrimè fuit à D. Augustino, in quatuor libris contra Cresconium, ab eodem S. Doctore conscriptis, confutatus. Rifu dignum est, quòd Cresconius, cum Divi Augustini objectionibus respondere non valeret, contra ipsum instituit quæstiones grammaticales, Augullinum redarguens, quòd Donatistas vocaret eos, qui Donato adhaerebant, cum potius essent (ut argumentabatur Cresconius) in rigore grammatico Donatiani dicendis; utrumque sanè rectè dici posse perspicuum est, sicut ab Evangelio, dicuntur Evangelistæ; sed hanc quæstionem à Grammatico institui decebat, qui cum nesciret Theologicis rationibus suos defendere errores, ad grammaticam confugit, quo factum est, ut se nullatenus Theologum, quidquid sit de grammatica, comprobaret.

IV. **CRISPINUS** Episcopus Calamensis, instigavit Circumcellionum exercitum in Christianos, à quo exercitu Christiani multa passi sunt, & plures interfecti, quæ narrat Baronius.

CRISPINUS. Vide *Beza*.

IV. **CURBICUS**. Fuit condicione servus; inferviebat siquidem cuidam Viduæ, apud quam profugus Terebriatus decesserat; relictis in potestate Viduæ pecunia, & libris, quæ hac de causa

servum suum nomine Curbicum adoptavit, & erudiendum curavit; Curbicus ne hoc servile nomen esset ipsi contumeliosum, in Manetis nomen transmutavit; idem est ergo Curbicus, ac Manes, de quo plura sub ejus nomine.

XVI. **CURRUS STERCORUM**. Inter Antichristianos, qui totam fidem subvertunt, & Athei meritò sunt appellati, reponuntur à Gravina illi, qui sunt de hac sectâ, ortâ Hollandiæ anno 1590. hoc fastido nomine insignita, cum sit omnium putidissimarum hæresum, atque blasphemiarum vehiculum, in quod descendunt novi Atheistæ. Qui sunt de hac hæresi habent pro lege stimulos sensus, quibus parere non horrent, nec alium Deum agnoscunt, nisi depravatum genium, cui obtemperant.

II. **CYNICI** Philosophi Epicurei, maximè fuerunt infensi Christianæ Religionis, quorum depravatos mores, & insolentiam testatam reliquit, præter alios Scriptores S. Gregorius Nazianzenus. Volunt aliqui sic dictos fuisse à Cynozarge gymnasio, in quo convenire solebant; sed probabilius est, quòd cum ad instilarum ubique, omni pudore sublato, coirent; hinc Cynicos fuisse dictos.

XVII. **CYRILLUS LUGAR**, natione Græcus, adhuc adolescens, primùm Venetiis, deinde Patavii studiis operam dedit, mox Germaniam profectus, cum Protestantibus sædus strictissimum inivit, & multùm elaboravit, ne in Lithuania Lutherani abjurata religione, ad Romanam Ecclesiam reverterentur. Constantinopolim reversus, primùm Patriarcha Alexandrinus, mox Constantinopolitanus fuit inauguratus, fidei Græcæ, Turcicæ, & Calvinianæ mixtura prodigiosus, misit aliquos adolecentes Græcos in Hollandiam, ut ibi Calvinianam hæresim discerent, quam in Græciam reversi postmodum spargerent. Quandam confessionem fidei exposuit, ex quâ constat eundem acriter Calvinianos errores fuisse professum, vix enim aliquid Græcæ fidei consonum in illa est reperire, sed potius Calvinianæ fidei professio est nuncupanda. A sua sede expulsum, jubente

Acc-

Acemete, tunc regnante, extrangulatur, anno 1635. Ex corruptâ confessione fidei, Calvinianis erroribus infecta, quam Cyrillus Lucar exposuit, anſam accepit Claudius Carentonienſis ſuſtinenti Calvinianam doctrinam, Orientalibus dogmatibus eſſe conformem. Vide *Claudius Carentonienſis*.


V. CYRILA ille eſt Epicoſopus, ſectâ Arianus, in Africâ urbe degens, qui cum hominem ſe cœcum fingere, & ab ipſo liberatum ſimulare doceret, verè cœcum effecit. Ex Bar. ann. 489.

IV. CYRTIANI dicti ſunt etiam Phyteſiani, procurante ut ipſis imponeretur hoc nomen quodam homunculo nullius momenti, qui cum Cyrtianis ſentiebat. Progenies fuerunt Arianorum, qui circa an. 360. ut reſert Theodoretus haret. fol. lib. 4.

Dei filium Patris ſervum prædicabant. R. verbo *Arius*.

VII. CYRUS ALEXANDRINUS primò fuit Phafidis Lazorum Epicoſopus, ubi cum Heraclio Imperatore amicitiam ſtrinxit, à quo etiam fuit ad Eccleſiam Alexandrinam translatus; pertinax factus Monothelitarum deſenſor, in errorem ſuum pertraxit Sergium Conſtantinopolitanum Epicoſopum, multoſque ſub nomine Catholico decepit, & in ſum errorem deduxit. Celebravit Alexandriæ Concilium, imò Conciliabulum, in quo per novem capitula Monothelitarum hæreſim comprobare, ſed inutiliter nitebatur. Scripſit contra Cyrum S. Sophronius Epicoſopus Jeruſolymitanus, & Cyri ſcripta in Synodo Romana ſub Marino I. Pontifice conſutata fuerunt, cum ipſe Cyrus jam fuiſſet ab Honorio Papa proſcriptus, ejuſque memoria in ſextâ Synodo œcumenica damnata.

D

IV.  ADRES unus ex præcipuis Meſſalianorum hæreſis ducibus, natione Gallatæ tempore Joviniani Imperatoris, & Liberii Papæ circa anuum Domini 347. referente Niceph. Eccl. Hiſt. lib. 11.

1. Docuit orationem ſolam ſufficere cuiſcumque homini ad conſequendam ſalutem. R. verbo *Adelphius*.

2. Dixit nullam utilitatem ex ſacro Baptiſmate baptizatis accedere, ſed ſolùm ſtudioſam orationem dæmonem inhabitantem eſſugare, & peccata tam originalia, quàm actualia delere. R. Ex his quæ dicta ſunt contra *Bucerum*, *Fulgentium*, *Arconticos*, & *Armenos*.

XVI. DALLEUS. Joannes inſignis miniſter Calvinianus, vixit corrente ſeculo 16. in Dioceſi Piſtavienſi natus, patre Gabelli munus exercente Piſtavi; ibidem ſtudiis operam dedit, deinde Italiam, Germaniam, Hollandiam, & Angliam percurrans, viros ſcientiâ celebres inſiſtere, & cum ipſis amicitia

ſædus inire ſtudit. Venetiis à Paulo Spavi rogatus fuit, ut ibidem ſuum ſtabiliret domicilium, ſed Galliam reverſus Proteſtantium miniſter in urbe Barentonienſi eligitur. Demùm Pariſiſ anno 1670. deceſſit; vir propter ſuam eruditionem apud Proteſtantes ſummæ auctoritatis. Plura ſcripſit ad confirmandos Proteſtantium errores, inter quæ Apologiam Eccleſiæ reformatæ edidit. Filium habuit nomine Adrianum, qui etiam miniſteri munus inter Proteſtantes exercuit. Dalleus in ſuis ſcriptis præcipuè invehitur contra cultum ſacrarum Reliquiarum, quem quarto tantum ſeculo incepiſſe aſſerit. Impugnat invocationem Sanctorum in cælo regnantium. Dilationem etiam beatitudinis Sanctorum in cælo regnantium uſque ad extremum Judicii diem protendit, quorum invocationem tribus prioribus Eccleſiæ ſeculis non fuiſſe receptam, contendit. Demùm contra Virginis Mariæ cultum, etiam ſcripſit: ſed ſuas ſutiles faciliè eſt confundere, cum nonniſi perpetuam intellectus Scripturæ, vel Patrum

D d 3

teſti-

testimoniis munierit. Dalleum abundè, & eruditè confutat Nat. Alex. ad quem lectorem remittimus.

VI. DAMIANISTÆ. Ex Acephalis, plures sectæ sunt propagatæ, quæ vel à loco, vel à propagatore nomen sortitæ sunt. Sic Damianistarum secta à quodam Damiano Episcopo Acephalorum est nuncupata; porro illæ sectæ ab Acephalis propagatæ, cujusmodi sunt *Caucobaddita*, *Angelita*, *Damianista* non differunt in erroribus, sed solum penes diversum nomen discernuntur; cæterum in omnibus cum Acephalis sentiunt.

XVI. DANIEL TILLENUS Silesius, Theologum Senadi agebat, fuit minister Calvinianus, sed mollibus Arminianis adhærens, potius quam rigidis, de recondita Incarnati Verbi unione hypostatica, naturarum distinctione, proprietatibus, & officiis pugnas verbo, & scripto edidit, sed ejus doctrina fuit ab ipsis Calvinistis reprobata; mox enim cum Euthyehete, mox cum Nestorio sentire videbatur.

VI. DANIEL SYRUS. Sic dictus, quia ex Syria oriundus, inter Syros doctor, secta fuit Jacobita: composuit Breviarum constitutionum Ecclesiæ Jacobitarum linguâ Arabicâ.

DANIEL BICHLENSTRI. Vide *Judaotrinarii*.

XVII. DANIEL CAMERIUS minister Calvinianus, quem aliqui Metaphoristarum auctorem faciunt, procul dubio fuit Metaphoristæ sectæ acerrimus defensor; præfuit aliquibus conciliabulis Calvinistarum, quippe erat eloquio facundus, sed non minus ambitiosus, quàm seditiosus, nunquam desistit turbas facere contra Regem Galliz. Decessit in obsidione Montalbanâ anno 1621. idu tormenti bellici percussus, dum ibi ministri simul, & militis munere fungeretur.

1. Dixit cum Metaphoristis filium Dei non esse propriè Verbum, aut imaginem Dei Patris, sed tantum metaphoricè. Repr. Jo. 1. *In principio erat Verbum; & Verbum erat apud Deum, & Deus erat Verbum: & Verbum caro fa-*

ctum est. De Verbo legitur Matth. 17. *Hic est Filius meus dilectus*, & Jo. 3. v. 16. *Sic Deus dilexit mundum, ut Filium suum unigenitum daret*, ex quibus textibus apertè evincitur filium Dei esse propriè Verbum; non metaphoricè Verbum esse Incarnatum, sed realiter, ergo &c.

XVI. DAVID GEORGIVS professione Vitriarius, natus Gandavi in Flandria, cepit anno 1525. promere suos errores; ad tantam stulticiam devenit ejus impietas, ut se tertium Davidem, verumque Messiam dilectum Dei filium, non ex carne, sed spiritu natum assereret, qui peccata verè condonaret, aut reservaret, qui judicaturus esset in novissimo die; atque ideò se esse altero Christo majorem, qui ex muliere carnem assumpsisset. Tanta fuit nonnullarum mulierum dementia, ut se beatas putarent, si ex ejus semine conciperent: Dei quoque nepotem se promulgabat; effusiebat insuper Cælum esse prostris væuum, seque missum ut domum Israel repararet, non per mortem, ut alter Christus, sed per gratiam; fuit vir magno, ni perverso ingenio, magisque perversis moribus; omnium linguarum, exceptâ suâ Hollandicâ, rudis; nihilominus cum feris, & avibus quacumque, lingua se loqui gloriabatur. Magum fuisse, & suâ magiâ multos dementiae, asserit Lindanus, sed eum persequente Carolo Imperatore, Basileam se contulit, ubi in *Joannem à Bruch* mutato suo nomine, ibi usque ad mortem, cum aliquot discipulis suis, pariter incognitis delituit. Povebat tanen per litteras suam hæresim, quæ adhuc nunc temporis in Hollandia, & Frisîa vigere asseritur. Immortalitatem suam vivens assertaverat; & in articulo mortis constitutus, se resurrectorum, tribus annis à suo decessu, promissit discipulis suis, qui omnem spem resurrectionis futuræ in magistro suo amiserunt, cum ejusdem corpus anno 1559. Senatus Basileensis decreto effossum, per carnificem, unâ cum suis libris, comburi conspexerunt.

1. Negabat resurrectionem mortuorum. R. verbo *Basiliidani*.

2. Ne-

2. Negabat Extremum Judicium . R. verbo *Barboriani* .

3. Negabat dari spiritus bonos , & malos . R. Ex Scriptura , ubi dari Angelos , qui dicuntur spiritus boni , & demones , qui dicuntur spiritus mali asseritur illi nos ad bonum hortantur , adjuvant , & consolantur , quemadmodum legitur in psalmo : *Qui habitat .* Isti , ut ait S Petrus , *circumvent ut devorent ;* tentationibus nos impetunt , ad malum provocant ; quibus proinde resistere fortes docemur . Dantur etiam inter homines , mali , & boni , scilicet iusti , qui ambulant in lege Domini , & peccatores , qui justificationes Domini non requirunt , ejus legem contemnunt . Tum quia dari spiritus certum est , ergo vel sunt boni , vel mali ; non enim datur status medius inter hoc , quod est , vel esse in statu gratiæ , vel esse in statu culpæ . Vide verbo *Dositheus* .

4. Matrimonium ejiciebat , jubens communia esse fœminarum cubilia . R. verbo *Adamita* .

5. Dicebat viros non debere unæ uxori se adstringere , sed plures debere ducere ad augendam prolem . R. Ex lib. Genes. quoniam Deus masculum , & fœminam , unam tantum posuit in paradiso terrestri deinde Christus Dominus in Evangelio dixit , machari eum , qui cum unam uxorem habeat (et si eam dimittat) aliam duxerit . Paulus etiam Apostolus unus tantum uxoris , semper assertor est . R. insuper verbo *Bernardinus Ochinus* , contra quem offenditur , non esse licitam uxorum pluralitatem . Nec valet ratio de augenda prole ; hanc enim satis augeri , ex eo , quod unus vir , unam tantum uxorem ducat , experientia constat . Adde , quod ex centum viris , qui nascuntur , si demus eos , qui in statu juvenili decedunt , qui in castris moriuntur , & ut plurimum uxorem non habent , qui voluntariè calibes vivunt , qui Religionem profitentur , qui sunt impotentes ; certum est , quod vix decem uxorem ducunt ; & tamen si fame , bello , peste , & terræmotu non interirent homines , tanta esset virorum mul-

titudo , ut vix terra ad eorum victum sufficeret : non obstant , quod unum virum , unam uxorem tantum , ferè in toto orbe , habere commune sit ; non ergo ad augendam prolem necesse est nostro tempore unum virum plures uxores ducere , etsi aliquando fuit necessitas augendæ prolis , hoc certè fuit in antiquis , dumtaxat mundi seculis , in quibus , Deo prout oportebat dispensante , multiplicandæ erant credentium generationes , vel illis temporibus , quibus genus humanum erat ejusmodi dispensatione propagandum . Cessante autem necessitate , cessavit dispensatio , & humana natura suo primordiali juri restituta est , ut mulier corporis viri integrum haberet potestatem , sicut vir mulieris , prout monent Apostolus .

6. Dicebat animam peccatis non coquinari , sed corpus . R. Nam certum est peccatum originale contrahi non à corpore , sed ab anima . Insuper corpus est tanquam instrumentum ad bonum , vel malum ; ceterum anima illa est , in qua subiectatur malitia , illa est , quæ negat , vel ponit rectitudinem in actibus debitam ; ergo illa est , quæ peccatis coquinatur . Tum quia Angeli , qui sunt puri spiritus , sine corpore prævaricaverunt : ergo peccatum non est in corpore , sed in anima . Tum quia peccatum est de genere infirmitatis moralis , immò & mortis , ut probant omnes Theologi ; ergo non est in corpore , sed in anima . Insuper peccatum est à libero arbitrio , liberum arbitrium est in anima , ergo peccatum est in anima . Neque ex illo , quod legitur ad Romanos 6 . *Vetus homo crucifixus est , ut destruat corpus peccati* , & ibidem : *Non regnet peccatum in vestro mortali corpore* , potest inferri , quod tantum corpus coquinetur peccato ; nam in primo textu Apostolus , per corpus peccati , intelligit congeriem peccatorum , quàm destruxit Christus moriens in cruce ; in secundo verò , per *ly peccatum regnare in corpore* Apostolus intelligit concupiscentiam , quæ pertinet ad corpus sensibile ; & quatenus ad peccatum nos impellit , voca-

vocatur peccatum, non quòd in re sit peccatum; nam Apostolus ibi sumit peccatum pro causa peccati; Concupiscentiam enim, non esse peccatum, ostendit contra Lutherum.

7. Sola corpora damnanda, & animas tam fidelium, quàm infidelium salvandas. R. Et quidem animas infidelium non esse salvandas, constat ex sententia, quam proferet Christus in extremo Judicio, loquens ad peccatores: *Ite maledicti*, ubi non dicit: *Eant corpora*, sed *Ite in ignem aeternum*, quia tam anima, quàm corpus cruciabitur; & præcipue anima debet cruciari, cum ipsa sit tota causa peccati, imò magis cruciabitur anima, quæ habebit in inferno cognitionem privationis beatitudinis, quæ incapax est corpus; licet etiam corpus quodammodo pœnam damni patiat, privatum felicitate beati finis, qui toti homini convenit. Quòd si tantum corpora essent damnanda, jam dæmon, cui paratus est ignis, esset immunis à pœna. Animas autem infidelium, non esse salvandas, constat Matth. 52., ubi Christus pronunciat sententiam ignis, contra peccatores, qui non servaverunt præcepta divina: *Esurivi enim, & non deditis mihi manducare, sitivi &c.* Quòd si animæ etiam infidelium essent salvandæ, superfluum esset Christum præcepisse bona opera, sine quibus impossibile est placere Deo; nam cum sine fide nemo possit salvari, & fides sine operibus mortua sit; hinc liquidò constat infideles non posse salvari, sive sint infideles, quia non credunt Evangelio, sive quia fidem Dei, bona opera præcipientem, non servant. Tum quia si infideles etiam sunt salvandi, superfluum foret Christum præcepisse Apostolis, ut prædicarent Evangelium omni creaturæ, cum dixit: *Qui crediderit, & baptizatus fuerit, salvus erit, qui vero non crediderit, condemnabitur.*

8. Dixit corpora omnia, etiam Apostolorum, damnanda, & cremanda. R. Ex his, quæ supra dicta sunt. Tum quia corpus Christi resurrexit gloriosum; corpus Virginis assumptum est

in gloria, & sicut corpus peccatoris, quod fuit instrumentum peccati, damnabitur; corpus iusti, quod fuit instrumentum bonorum operum, est glorificandum; de qua glorificatione satis aperte loquitur Apostolus Paulus ad Philip. 3. ita ut non possit remanere dubio locus; Quòd si omnia corpora forent cremanda, superfluum esset tot homines sanctos, & iustos, hic mortificare corpora sua; sed quis hoc asserat? utique non nisi in dæmoniacâ Davidis Georgii schola educatus.

9. Dicebat non esse peccatum Christum negare coram hominibus; unde stolidos fuisse accusabat Apostolos, & Martyres, qui ea de causa mortem subierant. R. Ex verbis Domini: *Qui me confessus fuerit coram hominibus &c.* R. Etiam verbo *Elebezais*, contra quos probatur, Christum negare esse peccatum; ex quo sequitur non stultè, sed sapienter egisse Sanctos Apostolos, & Martyres, eum digni habiti sunt pro nomine Jesu contumeliam pati; scientes sic se promereri Dei dilectionem. Tum quia martyrium est actus fortitudinis, patientiæ, charitatis, & fidei; remittit omnem pœnam peccato debitam, tàm æternam, quàm temporalem; est via efficacissima perveniendi ad immarcescibilem coronam; ergo sapientissimè egerunt, qui hisce de causis mortem pro Christo subiere; sicut non vultus, sed sapiens diceretur, qui in paupertate constitutus, sciens post mortem se resurrecturum, & futurum Regem, mortem subiret.

10. Dicebat omnem Moysis doctrinam, Christi, Apostolorum, & Prophetarum, inutilem esse ad salutem consequendam, & tantum traditam, ut homines quæsi pueros, usque ad suum adventum crederet, qui veram promulgaturus esset doctrinam perfectam, & hanc solam posse homines beare blaterabat. R. Nam eam sacra scriptura sit verbum Dei, Deus autem ipse dicat: *Fructus vite sunt verba Dei*, & Jo 8. *Qui ex Deo est verba Dei audit; propter hoc vos non auditis, quia de Deo non estis*; hinc manifestè evincitur

tur

tur non inutilem, sed necessariam esse, ad salutem observantiam eorum, quæ in scripturis præcipiuntur, unde Christus ipse ait: *Scrutamini Scripturas*. Equis adeo infans, ut inutilem dicat doctrinam de diligendo Deo, quam continet utrumque Testamentum? Utilitatem Scripturæ, satis proclamant unanimi ore sancti Patres, qui in ejusdem studio insudarunt, scientes ibi veram contineri philosophiam moralem; ibi veram scientiam ibi legem vitæ, & disciplinæ: quapropter ad rem. 2. Petri cap. 1. *Hoc primum intelligentes, quod omnis prophetia Scripturæ, propria interpretatione non sit. Non enim voluntate humana allata est aliquando prophetia, sed Spiritu sancto inspirati, locuti sunt sancti Dei homines*.

11. Nulla vera miracula fieri in Ecclesia. R. verbo *Morbach*.

12. Dixit Baptismus esse abominandum. R. verbo *Arcontici, Armeni, & Alafeni*.

13. Angelos existere negavit. Rep. verbo *Desibans*.

XVI. DAVID CHYTREUS, sectæ Lutheranus, orationem habuit anno 1569. editam Francofurti, anno 1580. *De statu Ecclesiæ hujus temporis*, in qua docuit in univerbo orbe Christianos esse, qui ab ipsa Ecclesia Romana, circa doctrinæ substantiam, ac Missæ sacrificium, non discrepant, exceptis nonnullis caeremoniis exigui momenti; sed contraria huic orationi, fuit opinio, in qua asseruit anno 600. apparuisse Antichristum, & primum Antichristum fuisse Gregorium Magnum. R. verbo *Bartholomæus Janovesius*, contra quem asseritur nondum venisse Antichristum. D. autem Gregorii Magni sanctitas orientalis, & occidentalis Ecclesiæ veneratione illustratur, atque tot tantisque commendata miraculis, ut facile obstruatur os, contra S. Pontificem, loquentis iniqua. Quomodo Antichristus, qui Christi gloriam in suis operibus non cessavit commendare? Quomodo Antichristus, qui Christi causam, contra sui temporis hæreticos, adeo strenue defendendam suscepit? Vide Bellarm. l. 3. de Rom. Pontif. c. 3.

XIII. DAVID DINANTIUS Magistri sui Almarici hæreses professus, libros scripsit damnatos & exussos Parisiis, à D. Thoma confutatos; sed præter Almarici errores, prout refert Spondanus anno 1204.

1. Docuit Deum esse materiam primam. R. Hic error à D. Thoma lib. 1. contra Gentes cap. 7. Tum quia Deus est purissimus spiritus, ut constat ex Scriptura. Tum quia Deus est ens simplicissimus, ergo non potest venire in compositionem compartium, sicut convenit materię primæ. Tum quia materia prima est susceptiva omnium formarum, & est sub continuo motu, quatenus ab una forma transit ad aliam, sed Deus est immutabilis. Tum quia Deus creator est omnium, & consequenter creavit materiam primam; ergo non potest esse materia prima. Tum quia omnes formæ sunt perfectiores materiæ primæ, ergo si Deus esset materia prima, Deus non esset summa perfectio; immò esset omnium entium ens imperfectissimus.

XVI. DAVID PAREUS, sectæ Calvinista, objicit quod Catholici probant Ecclesiæ per scripturam, & scripturam per auctoritatem Ecclesiæ; ex quo infert Catholicos nihil probare, quia infert Catholicos nihil probare, quia in suis probationibus committunt circulum. R. Nam Catholici probant veritatem Ecclesiæ per Scripturam, quam admittunt hæretici, ergo non committunt circulum. Vera esset Parei propositio, si Catholici probarent Ecclesiæ per Scripturam contra Ethnicum, qui non admittit sacras Scripturas, sed contra illos, qui non admittunt Scripturam, Catholici defendunt veritatem Ecclesiæ, aliis argumentis, de quibus actum in Prodomo ad opus. Vide Beccanum qui Pareum impugnat.

V. DECACERATI. De his hæreticis mentionem facit S. Theodorus studienſis præpositus. Vocabantur Decacerati, quia decem profitebantur errores: anathemate damnati sunt à B. Sophronio, in libello ab eodem Sophronio hac de re edito. Hujus hæresis fautores præcipui fuerunt quidam Barzanus, Isaïas, & Do-

Dorotheus; quantum colligere liquet ex testimonio prædicti S. Theodori. Decacerati sentiebant in omnibus cum Acephalis, & verè Acephali dicendi sunt, quia plures hujus factionis simul uniti, quemadmodum de Acephalis narratur, hæresi initium dederunt, neque præcipuus eorum auctor detectus est, à quo originem habuerint; Quales fuerint peculiaries Decaceratorum errores, non reperi, non enim B. Sophronii libellum alium vidi, nisi quem scripsit ad Leonem Papam, contra Dioscorum; & ejus acta contra Monothelitas, atque impugnatores S. Imaginum, quæ omnia in Bibliotheca Conciliorum referuntur. Cæterum eum S. Theodorus in suo testamento, sive confessione fidei, præcipuè illas veritates Catholicas sit professus, contra quas hæretici tunc temporis blaterabant, quales erant Decacerati; & in eodem testamento, asserat se recipere omnia Concilia œcumenica, adorare sacras Imagines, credere Sanctos esse intercessores pro nobis, venerari reliquias Sanctorum, recipere sacram Scripturam, & venerari scripta S. Patrum, Monachorum Institutum commendare, hinc potest deduci has omnes veritates fuisse ab hæreticis Decaceratis impugnatas, quibus septem erroribus, si & tres Acephalorum errores addantur, quoniam cum Acephalis, ut supra dictum est, Decacerati sentiebant, decem fuisse Decaceratorum errores traditur, & non obscure ex dictis colligi videtur; præsertim autem errores, alibi in hoc opere reprobantur.

XII. DECANUS Ecclesiæ Pictaviensis Presbyter fuit, & Schismaticus quippe qui dicebat esse Acephalos, qui non ad hærebant Anacleto Antipapæ. Studuit Bernardus Abbas, ad hoc specialitèr, ab Innocentio vero Pontifice delegatus, reducere Pictavienses ad meliorem frugem, quare cum ad ipsos accessisset, & in eorum Ecclesiâ celebrasset, Decanus Schismaticus Altare confregit, in quo S. Doctor sacra peregerat; sed non fuit Decani factum impune; nam paulò post animam exhalavit, adstantibus visibili-

tèr dæmonibus, à quibus jugulari exclamabat, eutellum à circumstantibus postulans, quem immergeret gutturi suo, ut extracto Dæmone viveret, inter quæ verba, fuit à Diabolo extinctus. Ex Bernardo Abbate Bonævallensis, in vita S. Bernardi lib. 2. cap. 6.

XVI. DISTRINXIT etiam *Trinitarii*, & *Nestiani*, vel *Ariani novi*, anno Domini 1564. ex Lutherana scdâ exorti sunt in Polonia, & Galliam irrumpentes, anno 1566. Lugduni suas impias assertiones promulgarunt, sed adeò intricatas, obscuras, & variabiles, ut difficile sit percipere quid velint exprimere. Horum auctor fuit quidam *Gregorius Pauli*, minister Cracoviensis, adeò effrenatus, ut suprà Lutherum, & Calvinum, revelationes divinitus acceptas jactaret, melius dixisset à diabolo; etenim non nisi in diaboli schola Lutherus, & Calvinus fuerunt edocti. Sibi soli reservatam Antichristi occisionem, asserens; schema produxit ad instar templi, in ejus tecto erat Lutherus, tegulam projiciens, cujus parietes Calvinus ecutiebat, & fundamenta ab ipso subversa repræsentabat; adita hæc inscriptio. *Non omnia Deus Luthero dedit, plura Calvino: mihi, & meis majora.* Sic superbe, & effrenatè de seipso, & suis Deistis sentiens, quem cum sctatoribus suis, impugnavit Joannes Wiganus in lib., quem expressè contra hos hæreticos exaravit, quorum errores erant.

1. Pater, Filius, & Spiritus sanctus tres sunt, sed non tres Personæ. R. verbo *Angelita*. Tum quia Filius est Persona diversa à Patre, & Spiritus sanctus à Patre, & Filio, quia Filius est à Patre, & Spiritus sanctus ab utroque; qui enim est ab alio, non potest esse idem eum illo; à quo est, nihil enim est, seu refertur ad se, sed ad alium. Quòd Filius sit à Patre, & Spiritus sanctus à Patre, & Filio, proclamant sacræ paginæ; ergo Pater, Filius, & Spiritus sanctus sunt tres Personæ. Tum quia per Deitatis sunt tres; ergo tres Personæ; nam non tres Dii, hoc enim contradictionem involvit.

vit, non tres naturæ hoc siquidem idem esset, ac profiteri tres Deos; ergo tres Personæ; Tum quia nomina numeralia efficiunt semper, vel Personam, vel suppositum, vel substantiam, quando cadunt supra res à parte rei; ergo cum per Deistas Pater, Filius, & Spiritus sanctus sint tres, neque esse possint tres naturæ, reliquum est, ut concedant esse tres Personas.

2. Una est natura, sed Deitas, illis tribus communis, sed non una essentia. R. Quia in Divinis una est Deitas, ac natura, ac essentia, sicut etiam in creatis idem est humanitas ac essentia Petri, ergo si una est Deitas, illis tribus communis, etiam una esse debet essentia illis tribus communis; pugnat tamen hæc propositio cum primâ in sensu Deistarum, nam si una non est essentia illis tribus communis, ergo diversa erit essentia in singulis illis tribus singularis; ergo illa tria erunt tres Personæ Divinæ, (quamquam diversas in essentia hæreticè dicerent) quod negant in primâ, & deducitur ex secunda assertione, nam ubicumque est essentia diversa, loquendo de intellectu alibus, ibi est Persona diversa (licet non valeat è converso argumentari) sed per Deistas juxta secundam propositionem, sunt in Divinis diversæ essentia, quia per ipsos non est una, ergo etiam diversæ Personæ; Sed hæc dicta sint ad ostendendum, quam verum sit, quòd supradiximus, Deistas adeò intricatè loqui, ut difficile sit intelligere, quid velint exprimere.

3. Unus est Deus, sed tantum Pater dicitur unus, & verus Deus, Filius verò, & Spiritus sanctus non sunt unus ille Deus. R. verbo *Ariani*, ubi consubstantialitate Filii cum Patre, & Spiritus sancti cum Patre, & Filio, ostendimus. Tum quia ex præfata Deistarum propositione, deducitur tres esse Deos; unde satis ex hoc remanet reprobata, sicut & sequens.

4. Filius Dei est Deus ex Deo genitus, sed non est unicus ille Deus. R. verbo *Ariani*.

Præter hos quatuor errores, aliqui ex
Tom.I.

Deistis, profitebantur etiam errores Trinitariorum, siquidem Trinitarii, etiam à Gregorio Pauli originem habuerunt; quia tamen errores Trinitariorum, vel ipso primo aspectu sunt execrandi, ab omnibus Deistis non erant accepti; sed Trinitarii è converso, omnes errores Deistarum, cum aliis suo loco reprobandis, amplectebantur. Nominè Deistarum, nunc temporis, veniunt qui in unum Deum credunt, animæ immortalitatem, & post mortem præmium bonis, pœnam malis operibus reservari asserunt, sed nullum aliud dogma Catholicæ Religionis profitentur. Horum auctor, creditur quidam, nomine *Herbertus*, natione Anglicanus; sanguine nobilis, qui vixit circa medium sæculi decimi septimi, & hanc opinionem in quodam libro ab ipso edito propugnat. Insuper Deistæ vocantur illi quicumque sunt sine lege, sine pietate, sine religione viri, qui circa Dei existentiam ita errant, ut ab Atheis in hoc differant, quòd Deum quidem existere teneant, & hoc solum, quòd existat, de illo necessario credendum asserant: Deum verò ipsum, colendum quidem, sed colendi modum unicuique liberum, & solo rationis lumine definiendum esse dicant: quapropter Deistæ, *Libertini*, *Indifferentes*, & *Philosophi* vulgò sunt nuncupati. Deistæ autem vocantur, quòd Deum existere, & nihil aliud necessario credendum asserant. *Libertini* verò, quòd modum colendi Deum, ex libero uniuscujusque pendere velint arbitrio. *Indifferentes*, eo quòd consequenter asserant, religiones omnes ita indifferentes esse, ut quemlibet, in qualibet salvari posse doceant. *Philosophi* demùm dicuntur, quia de re vide verbo *Philosophi*. In hujus erroris barathrum, duo potissimum hominum genera absorbeantur. Primò homines plebei, qui solo religionis nomine contenti, tam facile fidem, quàm domicilium commutant; alterum genus est hi-minum, artibus politici simulandi apprime imbutum, quos non tam error abducit, quàm propria cupiditas exerceat.

E e

Re-

Reprobantur igitur, tum ex his quæ jam dicta sunt in præparatione ad opus; tum etiam, quia non potest quisvis, qui se Christianum profitetur in qualibet secta salvari, & hoc auctoritate Scripturæ: ad Ephes. 4. *Unus Dominus, una Fides, unum Baptisma*. Ad Hebr. 12. *Doctrinis variis, & peregrinis nolite abduci*: igitur in Ecclesia Christi, sicut unus est Dominus, ita unica est fides, à quo prohibentur abduci, ergo non omnes sectæ sunt in Ecclesia Christi. Sed inconfesso est, extra Ecclesiam Christi non posse obtineri salutem, ergo non possunt omnes in diversa fide, aut secta salvari. Tum quia, qui asserit quolibet in Deum, vel etiam in Christum credentem, posse in sua fide, seu secta salvari, admittit etiam hæreticos, olim à primitivâ Ecclesia damnatos, potuisse in sua fide ad salutem pervenire: nam ex illis plerique agnoscebant Christum filium Dei, mundi Redemptorem, & alia ad ejus personam spectantia: salvari itaque potuerunt in sua secta Pelagiani, Macedoniani, & alii quicumque hæretici ab Ecclesia damnati. Hoc admittere aliud non foret, quàm veram, & primævam Christi Ecclesiam, ac totius antiquitatis consensum erroris arguere; si enim illi in sua fide salvari potuerunt, cur tanto molimine contrâ eos congregati sunt ex toto orbe Patres, & Concilia convocata? cur toties anathemate à Christi Ecclesia separati? cur maluerunt omni tempore Christiani potius exilia, tormenta, & ipsam mortem tolerare, quàm eorum doctrinam, aut sectam profiteri? Stat ergo unam tantum esse posse veram fidem.

XVI. *DEI TERRITI*. Hos reponit Gravina inter Antichristianos, qui sunt liberæ fidei: tales nuncupantur apud Resium, qui anno 1559. sunt orti.

Doctrinam suam, tamquam Dei Verbum adorari volebant. Tanta dementia probatione non indiget.

XVI. *DORMONTIACI* secta sunt Anabaptistæ, inter Antilutheranos locantur à Lindano, & illi sunt qui cum Origene.

Afferunt dæmones tandem fore salvandos. R. verbo *Origenes*.

XVI. *DORMONTICOLÆ*, insurrexerunt anno 1540. etiam inter Antilutheranos constituuntur à Lindano, inter Antichristianos à Gravina. Isti sectarii potius Athei dicendi sunt.

Diabolum decies in die publico cultu invocabant. R. Nam diabolum debere Deum adorare constat ex verbis Christi: *Deum adorabis*, & consequenter non dedit adorari, siquidem eum prævaricasse, & æternis cruciatibus, & opprobriis à Deo esse destinatum, constat ex Scriptura; hinc manifeste patet, nullum diabolo cultum deberi. Dæmoniorum adorationem esse Deo odiosam, sæpe inculcat David in Psalterio. Vide verbo *Aragonenses*.

IV. *DAMOPHILUS*, inter Arianos Episcopos, Legatus fuit ad Constantem Imperatorem, & reivit cum aliis orthodoxis Episcopis, in Concilio Mediolani coacto, damnare Arii impietatem, quod tamen se facturum promiserat. Fuit præcipuus subversor Liberii Papæ in causa Sancti Athanasii; & subrogatus ab Arianis in locum Eudoxii in Sede Constantinopolitana, à quâ sub magno Theodosio dejectus fuerat anno 380. qui demum ut refert Socrates lib. 3. cap. 1. in sua impietate Ariana, à quâ nunquam voluit recedere, anno 386. decessit.

XVI. *DNENCIANI*. Hoc nomine sunt nuncupati quidam ex Anabaptistarum, germine, qui existentiam demonum negabant: convincente eos, pluribus in locis atque manifestè sacra Scriptura, ut mirum sit qua fronte ausierint demonum existentiam, à quibus sic dirè agitabantur, negare. Vide Natal. ab Alex. sect. 16. artic. 11. de Anabaptistis.

XVI. *DESERTORII* inter Antichristianos, qui præcipua evertunt mysteria, & inter Semiatheos reponuntur à Gravina. Surius asserit esse sic dictos quosdam Calvinistas, qui in Belgio anno 1566. unionem statuum fecerunt cum Sectariis in contemptum Regis, in exterminium Sacerdotum, & fidei destructionem. Siquidem à Sacerdotibus, & Monachis illicita

extor-

extorquebant juramenta, quibus cogebant eos, vel exulare, vel, bonis privari, & præter Calvinii erroris, adhuc sequentes peculiariter proficiebantur.

1. Fides cum sit donum Dei, unusquisque debet relinqui suo arbitrio ad credendum quid velit. R. Ex eodem ipso modo discurrendi; nam si unusquisque deberet relinqui ad credendum quid velit, jam constaret quoddam fides non est donum Dei, sed esset ex propria dumtaxat voluntate. Insuper una tantum esse potest vera fides, ergo non potest esse unicuique liberum credere quid velit. Tum quia cum quis possit hodie velle credere unam veritatem, & cras velle adherere veritati contrariæ, sequeretur fidem veram admittere contradictionem, quoddam ridiculum est, scilicet esse veram fidem, & admittere contradictionem in suis principiis credibilibus.

2. Dicebant Catholicam Religionem dissimulandam, donec occasio inveniatur perdendi eam.

3. Necessarium esse Templorum, Cenobiorum, aliorumque piorum locorum demolitionem ad regias artes conservandas, quæ omnia cum omnibus pateant quantum sint absurda, ulteriori reprobatione non indigent.

XIII. DESIDERIUS LONGOBARDUS sub Alexandro IV. vixit 13. corrente seculo; edidit quemdam tractatum contra Catholicam veritatem, à Divo Thoma impugnatum lib. contra impugnatum relig. cap. 6.

1. Ostendit rem esse illicitam, & perniciosam omnia propter Christum relinquere. R. Quia paupertas voluntaria est consilii Evangelici, ut ex pluribus Scripturæ textibus colligitur, iuxta quoddam legitur: *Nolite possidere aurum, neque argentum, neque pecuniam in zonis vestris.* Insuper paupertas voluntaria valde juvat ad acquirendam perfectionem, juxta illud: *Si quis perfectus esse vult, & vende omnia quæ habet, & da pauperibus.* Et alibi: *Qui non reliquerit patrem, matrem, uxorem, agros propter nomen meum, non potest meus esse discipulus.* Paupertatem

voluntariam Christus docuit suo exemplo, qui cum Rex ditissimus esse posset, & Monarcha in hoc mundo, voluit pauper nasci, & nudus mori; sed Christi exemplum imitari sanctum est; ergo omnia propter Christum relinquere non est illicitum, & perniciosum.

2. Nefas esse dixit Religionem profiteri, quæ saltem bona in communi non habeat. R. Ex Constitutionibus Pontificiis, in quibus approbatæ sunt Religionis Mendicantium, & ex his quæ supra dicta sunt, ubi paupertas voluntaria commendatur. Nec valet opponere illud Deuter. 15. *Omnino indigens; & mendicus non erit inter vos,* & aliud Eccles. cap. 37. *Propter inopiam multi deliquerunt;* nam in primo textu Deus non prohibet voluntariam paupertatem, sed significare voluit Judæis fraternam charitatem, quæ juvare pauperes tenebantur, ne ad tantam inopiam devenirent, ut mendicare cogentur, ut ex eodem cap. constat. Aliud est necessitate compelli ad mendicandum, aliud verò voluntariè omnia contemnere. Hebræis præcepit Dominus, ne illud paterentur; sed nemini mandavit ne hoc faceret; ceterum superfluum fuisset commendare eleemosynam, sicut Deuter. cap. cit. ver. 11. legitur, *Ideirò præcipio tibi, ut aperias manum fratri tuo egeno,* quodcumque per superiorem textum interdiceretur paupertas: Itaque per illud textum non prohibetur voluntaria paupertas, sed potius animantur præcipue pauperes ad justè vivendum, quibus Deus opportunum promittit subsidium; unde dicebat David: *Non vidi justum derelictum, nec semen ejus quærens panem.* In secundo textu ostenditur, quod qui pauperes sunt, & non vivunt cum resignatione ad Deum, sed stant cum mala voluntate, delinquant. Non ergo ex illo potest inferri quod paupertas sit causa malorum, & consequenter non possint homines eam profiteri; nam qui voluntariè vovei paupertatem, est pauper cum bona voluntate, scilicet cum resignatione ad Deum, pro cujus amore paupertatem elegit; idè pauper vo-

luntarius, ratione paupertatis non delinquit. Neque demùm valet dicere, ad excludendam voluntariam paupertatem, quòd Religiosi Mendicantes gravant fideles; nam neminem cogunt ad erogandam ipsi elemosynam, & solum quærunz quæ superfluum fidelibus, quæ ab ipsis dispensari debere in elemosynam, asserit Scriptura Luc. 11. vers. 4. Immo quæ ratione potest gravare fideles, quibus omnia sua reliquit, qui ab illis aliquod ex superfluis petit?

XVI. DESIDERIUS ERASMUS Roterodami in Batavia ex furtivo concubitu genitus, dictus fuit Gerardus Gerardi, quod nomen Belgicum, cum significet desiderare, nomen Desiderii accepit, addito cognomine Erasmi, quod græcè etiam sonat Desiderium. Ultrajecti in æde sacra musæi imbutus, adolescens Religionem Canonicorum S. Augustini professus est. Post novennium Religionem deseruit, & Academiæ Europæ percurrere, magnum sibi nomen ex eruditione humanarum scientiarum, quibus excellenter fere supra omnes sui ævi pollebat, promeruit. Taurini lauream doctoratus assumpsit; sed adeò visus est in rebus fidei dubius, ut etiam Lutherum hæresum suarum materiam subministrasse ereuditus fuerit, ita ut passim diceretur, vel Erasmus Lutherizare, vel Lutherum Erasmitizare. Studuit tamen Erasmus ab hac nota Lutheranismi, quæ ipsi inurebatur se defendere, unquam tamen legitur expressè Lutherum omnino damnasse, licet aliquos ejus errores rejecerit. De cætero quasi medius incedens, multis visus est in communione Catholica permanere, proinde frequentatus litteris insignium virorum, Cardinalium, imò Summorum Pontificum, quod tunc maximè sibi promeruit, cum librum cui præfixit titulum *Diatriba*, scripsit contra Lutherum, de libero hominis arbitrio malè sentientem: sed an hoc fecerit zelo Religionis, an potiùs honoris sibi caprandi gratià, sunt qui in dubium revocent. At quidquid sit, adeò eruditè Lutherum convincit de necessitate liberi arbitrii, ut Schlusemburgius

Saxo Lutheranus in suo Catalogo, quem vocat hæreticorum, idest eorum qui à Luthero defeecerunt, reponat Erasmus, & Authorem constituat Synergistarum, sive Cooperatorum, à cooperatione, quam adstruit liberi arbitrii cum gratia Dei. Sed ab initio Ecclesiæ hunc fuisse unanimem Catholicorum sensum; necessarium scilicet, cum gratia liberum arbitrium ad actiones morales, probant veterum Patrum, tum Græcorum, tum Latinorum testimonia, quæ abundè proferet Erasmus in sua Diatriba, quod suadet & ipsa ratio; actio enim moralis vel est bona, vel est mala, si bona imputatur etiam homini, ut autem imputetur homini, debet esse etiam ab hominis libero arbitrio; nemini enim laudi, aut probro datur, nisi quod liberè facit; ergo necessario ad actiones morales bonas, debet concurrere liberum arbitrium; quòd si malè sint, totam malitiam esse ab homine, non potest in dubium revocari; Deus enim non potest esse delicti auctor, qui est interdictor; Et hæc dicta sunt, ut constet quantum erraverit Schlusemburgius, qui Erasmus hujus sententiæ Principem instituit, ad quem ut recurrat sermo, anno 1536. Basileæ mortuum, summo honore in Ecclesiæ Cathedrali sepultum constat; ejus nonnulla scripta penitus damnata fuerunt, nonnulla permixta; certum est, quòd in suis scriptis sæpiùs asserit, se potuisse ut hominem errare, quod videtur sufficiens ad eundem ab hæresi vindicandum. Cæterùm quòd in dubia fide vixerit, dubium ferè non est; an in eadem decesserit, solus Deus scrutator cordium novit. Zuinglianismi æquefatum fuisse asserit Spondanus. Videtur inter hæreticos non esse reponendus, quatenus sæpè scripsit, se ut hominem potuisse errare, quòd si erravit, nunquam tamen ex mala voluntate id fecisse protestatur. Attamen non lego Ecclesiæ judicio, seu Sanctæ Sedis fidei, & correctioni scripta sua, quæ par erat humilitate subjecisse. Sed si verum est, quod scribit Pater Joseph de Turre Januensis in Catalogo hæreticorum verbo *Erasmus*, non modò inter hæreticos, sed inter deteriores Hæresiarum est locan-

can-

candus; ibi enim refert citatus Auctor, primò, quòd commentaria quæ edidit Erasmus in Scripturam, & Patres, continent seepitiam quamdam doctrinam, quæ sic animos plurimum gentium occupavit, ut multi de Christo, illiusque mysteriis cœperint dubitare, ejusque parafrases in codice Evangeliorum, infinitis erroribus esse conspersas; quòd dubitaverit descriptione, & auctoritate Evangelii D. Marci; quòd eraserit ab epistola D. Jacobi hæc verba: *Tres sunt qui testimonium dant in celo Pater, Verbum, & Spiritus sanctus* tanquam supposita, quæ in Græcis codicibus non legantur; quòd malè senserit de SSma Trinitate; quòd Apocalypsim truncaverit à Canone; quòd dubitaverit an Apostoli ediderint symbolum fidei; quòd Arianam hæresim patrocinaverit, quòd Pelagii defensor sit deprehensus; quòd in Beatissimam Virginem blasphemias evomerit; quòd Purgatorium modò affirmaverit, modò negaverit; quòd infernum celo miscuerit; quòd sacras traditiones appellaverit *errorum, superstitionumque pandeas*. Periculose scripsit Erasmus, referente Natali Beda facultatis Parisiensis Syndico, de Cleri exlibatu, de votis Monachorum, de jejuniis, & interdicto esu carniû, de festorum observantiâ, de consiliis Evangelicis, de lib. sacris in vulgarem linguam transferendis, de legibus humanis, de horis canonicis, de fidelium divortio, de symbolis Ecclesiæ. Plures articuli ex Erasmi operibus extracti, consæci fuerunt à dictâ Facultate anno 1572. Plures etiam Scriptores orthodoxi scripserunt adversus Erasmus, qui major fuisset, si minor esse voluisset, idest si contentus fuisset sapere, non plusquam oportebat sapere. Vide Spondan. diffus. de Erasmo scribentem ab anno 1519. usque ad 36.

V. DEUTERIUS ARIANUS Episcopus ille est, à quo circa annum 493. Baptismi forma ecorrupta fuit, & de eodem refert Niceph. lib. 16. cap. 35. quòd cum quendam virum nomine Barbam, juxta formam ab ipso inductam vellet bapti-

zare, aqua evanuit. Forma, qua pravaricator iste utebatur, erat sequens, quam refert Nicephorus Histo. Eccles. lib. 11. cap. 12.

Baptizabat in nomine Patris, per Filium, in Spiritu sancto. Repr. Quia in materia Sacramentorum standum est Christi institutioni, sed Christus talem formam nunquam instituit pro Baptismo; docuit enim baptizare in nomine Patris, & Filii, & Spiritus sancti, quia tres Personæ Divinæ sunt omnino æquales; nec una est major altera, ut censebant Donatistæ. Præfatam Deuterii formam implicitè hanc Donatistarum hæresim continere videtur, ex quo magis patet illius insubstantialitas; Non me latet ritè dici posse Gloria Patri, per Filium, in Spiritu sancto, quod S. Chrysostomus aliique ex Græcis Catholicis innoxie dicebant. Sed aliud est fidem explicitè profiteri; aliud Deum laudare. Laudandi formulæ, salva pietate, nobis liberæ sunt; sed professio, qua sub Sacramento Ecclesiam ingredimur, ab Institutore formam habet, quam immutare non possumus, nisi defraudantes Sacramentum effectui suo, & à perfecta confessione fidei tunc necessaria deficientes. Vide verbo *Actiani, Agnoetæ, Brentius*.

IV. DEUTERIUS DONATISTA Maericensis Episcopus, interfuit Conciliabulo Donatistarum, in quo ducenti, & septuaginta Episcopi Donatistæ Carthagine sunt congregati. Hic Deuterius juxta Conciliabuli definitionem cum traditoribus (nempe, qui Ecclesiasticos libros persecutoribus tradiderant) immensæ criminis reis fecit unitatem, etiam si non essent baptizati. Omittentes non modò, quæ frequenter differuntur de crimine, & pœna traditorum, non est prætermittendum, quòd vera Ecclesia cum non baptizatis nusquam habuit unitatem, quia non baptizati non sunt civēs Ecclesiæ; Baptismus enim, Sacramentorum janua, est essentialis character, quo fidelis ab infideli discernitur; non baptizati non sunt de corpore Ecclesiæ, ideo non possunt unitatem facere,

cum

cum Ecclesia: ex quo patet quàm impiè Deuterius unitatem fecerit cum non baptizatis, & quàm sacrilega fuerit illius Conciabuli definitio. Vidè Baron. ad anno 308.

XVI. DIABOLISTÆ. Hæc impia secta nonnisi Athcismum sapit, idè inter Antichristianos Atheos, qui totam fidem subvertunt meritò à Gravina reponitur, qui sunt de hæc secta *Goeta* vocantur à Rescio. Originem habuerunt an. 1566. à quodam improbo viro Cenomano, cui nomen *Desihaleus Desihelles*. Horum numerum in Galliis ad sexaginta millia crevisse fertur: Disi sunt *Diaboliste*, quia iactabant se esse fortilegos, & Diaboli charactere insignitos.

Docebant aliquid credendum esse ubi expedit, ubi verò non expedit, nihil credendum. R. Quia fides semper, & ubique est una, & necessaria, sine qua impossibile est aliquem placere Deo, & consequi salutem, ergo semper opus est idipsum credere. Tum quia necessitas fidei non dependet à loco, vel à tempore, sed à Deo, qui illam docuit, & servari præcepit, ergo falsum est, quòd aliquando expedit, aliquando non expedit credere, sed hanc doctrinam diabolicam, purum esse athcismum satis patet.

V. DIACRINOMENI, sive hæsitantes dissi sunt Acephali, quia dissidentes Joannè Antiocheno, & Cyrillo Alexandrino, neutri adhæserunt, & factionem fecerunt circa medium sæculi quinti, viventes absque capite, Concilii Chalcedonenfis infensissimi hostes, qui etiam à Petro Moggo recesserunt, quia Concilium Chalcedonense receperat. Eò id fecerit non zelo Religionis ductus, sed proprio commodo simulatus. Ex Liberato in Brevi.

I. DIAGORAS Philosophus Atheniensis Theodisii filius, in Insula Cyclada natus, dictus communiter *Athens*, primum esse creditur, qui in orbem Atheismum invexerit, ab Atheniensibus relegatur, indignè ferentibus tantam impetatem, quæ Dei existentiam negare ausus fuerat. Post expulsus Diagoram,

credente Athenis Senatu nondum dignam tanti sceleris sumptisse vindictam, duorum talentorum taxam constituit iis, qui Diagoram vivum Athenas reduxisset, unumque talentum eicunquem Diagoras caput attulisset. Vixit circa medium sæculi quinti ante Christi adventum. Necessitas Divinæ existentie probata est verbo *Athens*. Tum quia cum entia contingentia nequeant sibi dare esse, necesse est dari ens necessarium, à quo sum esse contingentia recipiant; ens autem simpliciter necessarium est Deus. Tum quia Deus non potest invincibiliter ignorari; naturaliter enim in nostris augustiis oculos elevamus ad eælum, hinc implorantes subsidium à superiori potestate, cui omnia terrena subsunt; inter præcipuos tunc temporis Atheistas recensentur Theodorus Philosophus, Zenonis primum, deinde Pyrrhonis discipulus. Callimachus, Lucianus, Lucretius, Doletus, & alii. Ex Historia Græcorum lib. 4.

XVI. DIAZII nomine Joannes, natione Hispanus; Parisiis Theologiæ studium ex frequenti Lutheri lectione depravatus, Genevæ se contulit, ubi cum Calvinò amicitiam inivit, deinde minister Protestantium electus, sese Argentinam recepit, ut Lutheri hæreses profiteretur, datusque fuit Eucero socius ad colloquium Ratiponense, & cum ab hæresi, cui firmiter adhæret dimoveri non potuerit, licet persuadentibus cniæ aliquibus Hispanis, qui eum ad reassumendam veram fidem, & receptandam patriam hortabantur, per scissuram à fratre eius nullum, interfecit, ægrè nimis ferente in Diazio pravariationem à fide orthodoxa. Ex Spond. ad ann. 1546.

III. DICARITÆ. Circa annum 349. eruperunt. Germen sunt Manichæorum, multum dilatata est hæc hæresis, pro qua extirpanda Ecclesiæ multos subit agones; conveniebant in omnibus cum Gnosticis. Ex Præteolo.

Dicebant animam hominis esse, aut Dei substantiam, aut ex Dei substantia. R. ex his, quæ dicta sunt verbo *Apocrita*. Tum quia substantia Dei est indivisibilis, ergo animæ, quæ sunt divise inter

ter se, esse nequeunt ex Dei substantia. Tum quia Dei substantia est Deus, animæ non sunt Deus; sed ad Dei imaginem creatæ, ut illi serviant. Tum quia ex Scriptura colligitur aperte animam non esse Dei substantiam. Sic in Cantico, *Magnificat anima mea Dominum, & exultavit spiritus meus in Deo*, ex quo patet animam non esse substantiam Dei, quandoquidem anima magnificat Dominum, & exultat in Deo salutari suo.

III. **DIDYMUS.** Hic ille est, quem Magnus Antonius Alexandriæ invisens beatum prædicavit, cuius sapientiam totus orbis mirabatur, qui cæcus factus anno quinto à sua nativitate, propter aquileos oculos mentis *videns* dicebatur, quo encomio soli Prophetæ honorantur: ad eum Sanctus Hieronymus jam Doctor peregrinavit, ut illius efficereetur auditor. Hac de causa cano jam capite, Roma Alexandriam se contulit. Vir fuit admirabilis memoriz, quippè qui summam eruditionem in omni penè scientia, etiam mathematicis acquisivit, mediâ lectione librorum, ope aliorum facta, quam indefectè audiebat, sed potissimum in Theologica scientia excelluit, quam publicè in urbe Alexandria docuit, affluentibus undequaque auditoribus, inter quos D. Hieronymus, Rufinus, Palladius, & Isidorus. Opera celeberrima edidit, vir non minus doctus, quàm pius, & canitie nonagenariâ venerabilis, si vehementiori, quàm par erat amore, suum prosequutus Origenem, ejusdem errorum propugnatorem se infelicitè non exhibuisset. In Concilio Constantinopolitano 180. Patrum unà cum Origene, & Evagrio damnatus, Martino I. Pontifice. R. verbo *Origenes*.

IV. **DIGNUS DONATISTA**, cum Capito ejusdem sectæ professore, & aliis missus fuit in Gallias à Donatistis ad interpellandum Constantinum Imperatorem. Vide *Capito* de hoc hæretico scribit Optat. Milevit. contra Parmen. lib. 1.

IV. **DIMETRITÆ** Apollinarius à Laodicea fuit primus hujus hæresis auctor circa annum Domini 377. iidem ergo sunt Apollinaristæ, de quibus actum suo

loco, ac Dimetrizæ, de quibus hic differimus, qui hoc nomen sortiti sunt ab hæresi, quia scilicet duas tertias partes humanæ naturæ in Christo constabantur, corpus videlicet, & animam: tertiam verò partem scilicet mentem humanam in Christo esse negabant, sed instabiles in sua opinione valde fuisse Dimetritas constat, quandoquidem mox Christum non habuisse mentem humanam, mox eandem accepisse dicebant. Fuerunt ex Dimetritis, qui Verbum carnem ex Maria assumpsisse negarunt; quidam etiam ex ipsis asseriebant Christum corpus è superis detulisse, alii animam accepisse nullatenus admittebant, qui errores alibi reprobantur. Alii corpus Christi fuisse coessentialiale Deitati asseriebant, quòd quàm falsum sit, ex eo constat, quòd si corpus Christi esset coessentialiale Deitati, non fuisset facta incarnatio in tempore, sed dicendum foret ab æterno Verbum fuisse incarnatum, quod enim est essentialiale Deitati, semper fuit. Tum quia esse coessentialiale idem est, ac esse ejusdem essentiz, sed corpus nequit esse ejusdem essentiz cum anima, ergo neque à fortiori cum Deitate. Tum quia Deus utpote ens simplicissimus, excludit omnem compositionem, quam non excluderet, si corpus esset consubstantialiale Deitati. Contrà Dimetritas, teste D. Epiph. congregata est Synodus, quæ eosdem anathemate percussit. Remanet hic reprobanda propositio, à qua Dimetrizæ nomen sortiti sunt, scilicet.

Verbum tertiam partem naturæ humanæ, id est mentem non assumpsit. Rep. Quia Christum assumpsisse corpus, animam, & mentem constat ex Scriptura, ubi Christus quæ homo proficitur se non habere eandem cognitionem cum Patre, dum dicit de die extremâ quòd nemo scit, neque filius hominis: ex quo evincitur quòd quæ homo habebat mentem, sed limitatam. Insuper mens humana nihil est aliud, quàm potentia intellectiva, sed hæc est inseparabilis ab anima rationali; non enim est anima rationalis, quæ non habeat potentiam intellectivam, ergo si per Dimetritas Verbum assumpsit animam

mam rationalem, assumpsit etiam mentem. Vel dicendum quod anima assumpta à Verbo, non esset ejusdem speciei cum nostra, quod nemo somniaverit, Christus enim fuit perfectus homo, ejusdem speciei ac ceteri homines, sicut ex Scriptura evincitur. Demum ex eo quod legitur Luc. 1. vers. 52. *Iesus autem proficiebat aetate, & sapientia*, aperte constat Christum habuisse mentem humanam, nec valet dicere, quod si Christus habuisset mentem humanam, potuisset peccare, quia in ipso extitissent cogitationes humanæ, quæ ad peccatum inducunt; nam primò cogitationes illæ humanæ non inducunt necessariò ad peccatum, & si medià Divinà gratià à viris iustis repelluntur, quantò faciliùs à Christo, in quo erat plenitudo gratiæ? Tum quia intellectus Christi ita erat conformis voluntati Divinæ, ut malum cogitare non posset. Tum quia Christus utpotè impeccabilis assumpsit mentem creatam, seclusa omni propensione ad malum, sicut carnem de factò assumptam absque ullo defectu culpabili, qui provenire posset à peccato. De hac hæresi agit S. Epiph. hæres. 77.

IV. DIODORUS Antiochiz natus, ejusdem Ecclesiæ Presbyter, postmodum Tarfensis Episcopus, quoad vixit, semper se orthodoxum esse simulavit, & prout talis creditus, summis laudibus à Joanne Chrysostomo, qui Diodori discipulus fuerat, commendatus. In Antiochena Ecclesià, ut fidem Catholicam sustineret, absente Meletio Episcopo, à Valente in exilium pulso, valdè laboravit. Unus fuit ex Patribus qui Constantinopolitano Concilio interfuerunt. Ordinatus Tarfensis Episcopus, senio confectus moritur. Post Diodori mortem, exorto dogmate Nestoriano; cum Nestorius suam hæresim Diodori scriptis comprobaret, quem & magistrum suæ impietatis habuerat, necesse fuit ejus scripta prodere in lucem, ab ipsis Nestorii fautoribus promulgata, ex quo factum est ut à sanctis viris, qui hac de causa Diodori libros legerunt, detegeretur venenum, quod ab iisdem libris hauserat impius Nestorius, undè & calamum con-

tra Diodori scripta acuerunt, quod egregiè peregit Cyrillus Alexandrinus in tribus libris, quos contra Diodorum scripsit, qui Diodorus, eo quod fortiter hæreses sui temporis impugnaverit, celebris erat in posteritate futurus, si novis somniatis figmentis, anno 428, cum Cyrillum impugnatorem habuit, non fuissent ejus fraudes detectæ. Sanctus Cyrillus in Epistola data ad Joannem Antiochenum, vocat Diodorum inimicum gloriæ Jesu Christi. Leontius de sect. ad. 4.

Sentit quod alter fuerit filius de Virgine natus, & alter fuerit filius, qui Dei Patris filius propriè dicitur; filium autem Virginis unitum esse filio Dei, non in unitate personæ, sed juxta solam dignitatem, & auctoritatem, & honoris æqualitatem, ex quo patet Nestorium suæ hæresis desumpsisse argumentum, asserendo duas personas esse in Christo. R. verbo *Nestorius*.

XIV. DIONYSIUS SOULCHAT Religiosis Minorum professus, Doctor Parisiensis, nonnullas propositiones erroneas, & hæreticas protulit, concernentes rerum abdicationem, charitatem, & amoris perfectionem, quas propositiones à Theologis Parisiensibus damnatas, ipse etiam publicè revocavit, & damnavit anno 1366. Parisiis in Ecclesià Prædicatorum coram Legato Apostolico; cum jam præcedenti anno 1365. fuissent Avenione sub Joanne V. ibi degente damnatæ. Transcriptum schedulæ revocationis per Dionysium factæ, extat in Tomo 26. Bibliothecæ Patrum pag. 488. impressæ Lugduni anno 1678., ubi commodius poterit, qui voluerit, expressè videre quales fuerint prædicti Dionysi errores, quibus subjuncta est etiam eorundem revocatio.

III. DIOSCORUS ORIGENISTA, fuit Monachus, qui Origenis doctrinam defendens cum octuaginta circiter ex suis Constantinopolim venit, ibique mortuus, sepultus est, cui falso ab Origenistis attributa sunt miracula. In suo enim errore decessisse, colligitur ex Sozomeno, qui dum refert in Synodo Constan-

tinopolitana, quæ dicta est ad Quercum, Præfide Theophilo, Dioscori discipulos ad meliorem frugem redactos, asserit non ita futurum fore, si adfuisset Dioscorus qui jam decesserat, cum hæc peracta fuerunt.

V. Dioscorus Alexandrinus Episcopus fuccesit Cyrillo in Episcopatu, circa medium Seculi V. nullum non movit lapidem, ut Eutychetis haeresim promulgaret, sed diu latuit Dioscori hypocrisis, qui dum se virum orthodoxum, & virtuti additum simularet, Theodoretum suam virtutum prædicationem habuit. Adeo simulata erat Dioscori fanctitas, ut etiam Sanctos deceiverit, cum tamen sub fida fanctitate facinorosissimus esset; siquidem in libellis adversum eum datis, in Concilio Chalcedonensi, Origenista, Arianus, homicida, incendiarius, & vita turpissimus detectus est. Sancti Cyrilli nepotes, cui fuccesserat in Episcopatu, crudeliter est persecutus, exautorato etiam uno ex ipsis, & ab Episcopatu depositus, usurpare nissus est Ecclesiae Antiochenae jura. Ad Synodum Ephesinam vocatus, auctoritate Chrispiti cubicularii, Eutychetis fautoris fretus, voluit præesse, & litteras Leonis Papæ ad Synodum datas recusavit admittere, unde *Synodus prædatoria* vocata est; tum quia præfuit Dioscorus, cum debuissent præesse Papæ Legati; tum quia Dioscorus Pontificis litteras non admisit: quare ejus pertinaciæ contraxerunt Legati Pontificis. In hac Synodo Dioscorus Eutychetem impudentè absolvit, & majora scelera meditatus, Alexandriam reversus, ibi collecto Conciliabulo, ausus est in Sanctum Leonem Romanum Pontificem excommunicationis sententiam proferre. Coadiutor itaque Concilio Chalcedonensi, ibique ejus causa discussa, à Patribus Concilii contra Dioscorum prolata est sententia anathematis, & apud Gaazarum civitatem in Paphlagonia exulare damnatus, quo militari copia perditus, ibidem infelicissimè decessit. Ex Liberato cap. 11.

V. *Dioscorus Junior* haereticus Eutychianus, *Timothei* Eluri pariter Eu-

tychiani confobrinus, favore Imperatoris Episcopatum Alexandrinum obtinuit. Excitata proinde à populo, ejus electioni contradicente seditio, multæque cædes sunt perpetratæ. Ex Liberato in Brev. cap. 17.

I. DIOTREPHES. Hæc vox Diotrophes, ex Beda in Commentariis, idem significat, ac infulus, sive decor infulus; ideoque etiam nomine probebat suam infaniam hic hæreticus, qui contra doctrinam, quam prædicabat Apostolus Joannes se erigens, circa annum Domini 70. adhuc vivente D. Petrus doctrinam adeo infulsam, imò & ab humanitate alienam promulgavit, ut nullum sectatorem habuerit. De eo sic scribit S. Joannes Epistola 3. *Scriptissimè forsitàn Ecclesiæ: sed is qui amat primatum gere in eis, Diotrophes, non recipit nos. Propter hoc si venero, commovebo ejus opera, quæ facit, verbis malignis garruens in nos, & quasi non ei ista sufficiant, neque ipse suscipit fratres, & eos qui suscipiunt prohibet, & de Ecclesiâ ejicit.* Ex his verbis Divi Joannis, colligitur quales fuerint infanz Diotrophes, de quo scribit Beda in comment. super Epist. Joann.

1. Sibi arrogabat primatum in sua Urbe, vel si, ut quidam putant, erat Episcopus, violenter munus exercebat.

2. Maledicebat Apostolo, ejusque doctrinæ de unitate Ecclesiæ ex populo Judæo, & Gentili.

3. Huic doctrinæ aded erat infensus, ut conversos ex Judaismo, & illos suscipientes ab Ecclesia ejiceret. Rep. Quia Christus Dominus fuit *Lapis angularis, qui facit utraque unum*.

4. Hospitalitatem erga peregrinos improbabat. R. Exodi 23. 9. ubi Deus hospitalitatem erga peregrinos commendat, quam & in Tobiz historia commendatam reperimus. Deuter. cap. 14. ver. 21. legitur, *Peregrino qui intra portas tuas est, da eis comedat*. Hospitalitatem etiam ex novo testamento Deo esse acceptam colligimus, maxime ex illis verbis, quæ Christus profert in discussione extrema: *Hoc est enim, & colligite me*.

IV. DISCALCEATI. Ex D. Aug. de hæref. cap. 68. circa initium Seculi IV. eruperunt hæretici discalceati, qui ex aliquibus Scripturæ textibus, nempe Exod. 3. vers. 5. Isaïæ cap. 20. vers. 2., & Matth. 10. malè intellectis, docuerunt non licere Christianis incedere cum calceamentis. Verum quidem est bonum esse ad finem pœnitentiæ discalceatum incedere, sicut institutum est apud aliquos Religiosos; hæreticum tamen est dicere.

Non licere Christianis ferre calceamenta. R. Quia nulla hac de re extat prohibitio. Tum quia Angelus præcepit Petro in carcere existenti, quando illum de carcere erat educurus, ut sumeret calceamenta. Christum autem, & Apostolos calceamenta adhibuisse deducitur ex Scriptura, quandoquidem Joannes perhibet se dignum non esse solvere corrigiam calceamenti Christi. Usus calceamentorum erat apud Judæos. Legitur enim Danielis cap. 3. vers. 21. quod tres Pueri projecti sunt cum calceamentis in fornacem ignis. Loca autem quæ adducunt hæretici ad probandum prohibitum usum calceamentorum, nihil evincunt. Non primum Exod. 3. ubi Deus præcepit Moysi ut solveret calceamenta, hoc enim præceptum factum fuit Moysi tantum, & pro illo loco, ad significandam sanctitatem loci, in quo erat quando vidit rubum ardentem. Non secundum Isa. 40. soli enim Isaïæ factum fuit tale præceptum pro determinato tempore, ut patet ex ipso Scripturæ textu. Non tertium, quia ibi Christus præcepit Apostolis ut spoliarent se quocumque affectu erga substantias mundanas, quod hinc sufficienter deducitur talem fuisse Christi mentem, quia Petrus in carcere habebat calceamenta, quibus certè usus non fuisset, si per illa verba Matt. 10. *Nolite possidere aurum &c. neque calceamenta*, absolute prohibuisset calceamentorum usum.

XV. DISCIPULA QUEDAM VICLEFFI, quæ vivebat circa initium Seculi XV. de qua mentionem facit Thomas Valdensis doctrinalis fidei lib. 2., docere ausa est

Beatam Mariam, Virginem non manifeste post partum, quia scilicet non est in Scriptura expressum. R. verbo *Antimarianita*.

II. DOCITA. Emerferunt circa annum 191. auctore Julio Cassiano Valentini Hæresiarchæ discipulo, qui in Cassiani sententiam conspiravit. Utebantur Docitæ, ad confirmandam suam hæresim, Pseudo-evangelio, quod Petri esse mentiebantur. Ex nomine Græco, quod apparentiam sonat, dicti sunt Docitæ, quia quidquid de Christo Evangelium asserit, dicebant solum apparenter contigisse, ideò apparenter natum, passum, mortuum fuisse blaterabant, & corpus Christi fuisse phantasticum asserbant. R. Illis omnibus rationibus, quibus evincitur veritas Incarnationis, & Passionis Dominicæ; nam si Christus corpus sumpisset phantasticum, nec fuisset verè incarnatus, nec passus, quod asserere est contra Scripturarum evidentiam. Videantur quæ dicta sunt contra *Albanenses, Appellem, & Phantastias*.

V. DOMITIANUS secta fuit Origene Galatarum Episcopus, Origenistarum, turbas in Monachos sancti Sabæ concitavit, à quibus Monachi plura mala passi sunt, ut refert Surius in vita S. Sabæ.

XVI. DOMUS CHARITATIS. Hæc hæresis primùm in Hollandia progenita Auctore Hermanno Nicolao à Lugduno Batavorum, anno 1580. per aliquos ejus discipulos promulgata fuit; Hi perditissimi viri in imperitum populum, singularis sanctitatis, & virtutis specie se insinuabant, pessimas impietates in plebeorum animos instillantes: nominabant se *fratres familiæ amoris, & de domo charitatis*, ut hoc specioso nomine facilius vulgum deciperent. Libros etiam dispergebant, quibus speciosos titulos præfixerant, multis erroribus repletos, maxime ex Fraticellis, & Anabaptistis desumptos; siquidem fratres familiæ amoris ex secta Calvinii progeniti, Fraticellis, & Anabaptistis valde adhærebant. Hujusmodi librorum tituli erant *Evangelium regni, Sententia Documentales, Prophetia, Spiritus amoris, Pacis su-*
per

per terram publicatio, & consimiles, qui libri igni traditi fuerunt. Vide Spondan. ann. 1580.

t. Negabant Magistratus, & coram Magistratibus, aut quovis alio, qui non esset de eorum secta, asserere licitum esse quidquid luberet iurejurando negare. R. Quoad primum verbo *Anabaptistæ*. R. Quoad secundum ex manifestis Scripturæ locis, in quibus sub gravissimis pœnis prohibetur perjurium. Ratio enim id evincit; quia in iurejurando non attenditur ratio personæ, in cuius præsentia exhibetur iuramentum, sed iuramentum immediate ad Deum dirigitur, qui vocatur in testem veritatis, circa quam profertur iuramentum; cum autem Deus semper, & ubique præsens sit, nunquam licet Deum vocare in testimonium falsitatis, ideòque sive coram Magistratu, sive coram quocumque alio, nunquam licet iurejurando negare quidquid lubet, semper enim hoc est pejorare, & perjurium nunquam est licitum, ideò monent sancti Patres ut cum magna cautela, & per quàm rarò proferrantur iuramenta, qui enim assuescit iurare, faciliè declinat in perjurium; ideò cum in sacris paginis prohibetur iurare, ex his textibus non deducitur (ut volebant Catharistæ) quòd iuramentum sit illicitum, sed monemur per quàm rarò, & cum magna cautela iurare, ne declinemus in perjurium, juxta quod legitur Ecclesiast. cap. 11. vers. 9 *Jurationi non assuecat os tuum, multi cum &c.* Sed de hoc alibi actum est.

2. Uxores communes faciebant. R. verbo *Adamitæ*.

3. Baptismum Protestantium invalidum dicunt. R. Nam Baptismus Protestantium est verus Baptismus Ecclesiæ, in cuius fide Protestantes baptizant cum aqua, & debita forma; ergo est validum. Tum quia Baptismus ab hæreticis collatum cum debita forma, & materia esse validum, decretum est in pluribus Conciliis, utpotè Carthaginensi primo cap. 1. Nec probat Baptismus extraveram Ecclesiam collatum esse nullum, textus Scripturæ ab hæreticis adductus,

in quo legitur Ecclesiast. cap. 34. *Qui baptizatur à mortuo, & iterum tangit eum, quid prodest ei lavatio illius?* nam ibi sensus est: *Qui mundatur à peccato, & iterum recidit in idipsum; quid prodest ei talis mundatio?* In cuius rei exemplum ponitur immunditia legalis tangentium mortuos; nihil enim prodest eis ab ejusmodi tactu lavari, si iterum tangerent. Nec favet prædictis hæreticis locus ille, quo in argumentum utebantur: *Quidquid tetigeris immundus, immundum faciet*, ut legitur Num. cap. 13. vers. 22. ergo cum hæreticus sit immundus, immundus remanet qui ab hæretico baptizatur; nam textus allatus Scripturæ verificatur de Immunditia legali, qua significabatur animas coinquinari usu rerum illicitarum, seu prohibitarum.

4. Dissentientem ab eorum secta salvari posse negant. R. Nam hæc secta hominem perditum habuit institutorem, & contra legem Christi, ergo esse non potest via salutis; una enim tantum est vera Religio, in cuius observantià potest homo salvari, hanc autem esse Catholicam, Apostolicam Romanam, satis per se patet. Hæc enim sola est juxta præscriptum Scripturæ; hanc solam Christus, & Apostoli prædicarunt, quæ inter tot persecutiones semper inconcussa triumphavit; scimus autem omnes alias sectas vel omnino defecisse, vel in Schismata esse delatissæ; ergo &c.

Anno 1588. quidam ex hac secta sequentes promulgavit blasphemias.

t. Negabat Christum in rerum natura aliquando extitisse. R. ex utroque testamento, ex veteri quidem, in quo tot de Christo Prophetiæ enunciantur, & tempus, & locus, in quo Christus nasci debebat, quæ omnia verificata sunt; ex novo autem, in quo Christi facta mirabilia describuntur.

2. Orationem Dominicam rejiciebat eo titulo, quòd infamaret providentiam, perperam accipiens verba Matt. 6. ver. 32. *Scit enim Pater vester caelestis, quòd his omnibus indigetis*. Repr. quia sacra Scriptura sæpè nos docet à Deo petere quæ desideramus, *Petite, & accipietis*,

pulsate & aperietur vobis; Amen dico vobis, quidquid orantes petitis, credite quia accipietis; vult ergo Deus nos supplices ad ipsum accedere, licet ipse sciat quibus indigemus; sicuti Rex vult supplicari à subdito, licet præsciat subditum egere gratiâ, quam est petiturus. Idem insuper est creaturam ad Creatorem suppliciter accedere; nec est contra providentiam Divinam, imò hinc Divina providentia per fidem nostram commendatur; in tantum enim supplices ad Deum accedimus, quia certò scimus Deum misericordem esse, & posse, si velit, omnia, quæ petimus nobis concedere, licet aliquando ob inscrutabilia judicia sua orantibus non acquiescat.

3. Mulieres damnatas prædicabat, si purgationis causa Jerosolymam non adibant. R. Quia nullum extat in fac. pag. hac dare præceptum, quod nimis grave esset mulieribus, imò impossibile, si purgationis causâ deberent semper Jerosolymam adire. Et undè hoc delirium?

4. Carnis resurrectionem negabat. R. verbo *Basilidiani*.

IV. DONATISTÆ. Duo fuerunt Donati, unus à Cassis nigris, qui fuit auctor schismatis Donatistarum, quod schisma deinde in hæresim, de qua hic agitur conversum est; alius Episcopus Carthaginensis, à quo eadem Donatistarum secta nomen assumpsit. Noluerunt Donatistæ à priori Donato nomen sortiti, quia ille erat vir facinorosus, & à sancto Melchiade Papa damnatus, unde potius à Donato Episcopo Carthaginensi, viro magnæ eloquentiæ, & simulatæ virtutis voluerunt denominari. Porro hic in tanta asimulatione erat apud Donatistas, ut eum crederent impeccabilem, & potius paterentur aliquem blasphemum, contrâ Christum, quàm contrâ Donatum. Cæterùm schisma Donatistarum, si à vero Principe sectæ debuisset nomen sortiri, potius à Botro, & Cælesio, qui ante predictos Donatos factionem incœperant in Ecclesia Carthaginensi, debuisset sumere suam denominationem. Attamen Donatus à Cassis nigris auctor

schismatis dicitur, quia ab hoc Donato Botri, & Cælesii factio promota fuit, ejusque operam præcipuè in hac factione promovenda adhibuit Lucilla femina. Hispana, quæ Donatistarum sectam plurimum patrocinauit, & patrocinationis causa fuit, quia cum Cæciliano, vir notæ sanctitatis, esset ordinatus Episcopus Carthaginensis, quam sedem Botrus, & Cælesius ambibant, & hanc ordinationem agrè ferret Lucilla, quæ sæpè Cæcilianum suorum criminum reprehensorem habuerat, ut aliquo modo de Cæciliano reprehensorem vindictam sumeret, arrepta occasione quòd Botrus, & Cælesius sedi Carthaginensi inhiabant, studuit Lucilla, quæ potens erat, Cæcilianum à sede dimovere, & Botrum sufficere. Hinc schisma Donatistarum propriè originem habuit; plures enim procurante Lucilla secuti sunt Botri, & Cælesii partes, & se à Cæciliano legitimo Episcopo segregarunt. Sic segregatos ut in suo errore firmaret Lucilla, adhibuit Donati à Cassis nigris operam, qui cœpit docere veram Ecclesiam solum esse apud eos, qui à Cæciliano recesserant. Et hinc factum est, ut Donatus à Cassis nigris auctor schismatis diceretur; quòd schisma cum alter Donatus, qui Majorino successit in Episcopatu Carthaginensi promoveret, & esset ut dictum est, vir eloquens, & propter simulatam virtutem in bona hominum opinione, ab hoc secundo Donato cœperunt dicti schismatici Donatistæ appellari. Alius ergo est Donatus à quo schisma initium habuit, alius Donatus à quo Donatistæ denominati sunt; ille à Cassis nigris, iste à Numidia oriundus. Donatistæ, referente Sirmundo, in partibus Italiæ *Montenses* dicti sunt, in interiori Africa *Parmeniani*, Carthagine *Donatista*, & in Partibus Numidiæ *Circumcelliones*. Ut interim ad causam hujus hæresis, quæ ad eam Ecclesiæ fuit infensa, recurrat sermo; jam dictum est schisma Donatistarum ex ordinatione Cæciliani in Episcopum Carthaginensem, à Botro, & Cælesio contrariatâ ortum habuisse, cujus irritam ordinationem ut probarent, objecerunt ei cri-

ei crimina, non probata, & maximè quòd à Traditoribus Divinarum Scripturarum fuerit ordinatus: ubi de mendacio convicti sunt, schisma in hæresim converterunt, dicentes in toto orbe terrarum Ecclesiam defecisse, & solum apud Donatistas remansisse, ac si Ecclesia Christi propter crimina Cæciliani, sive vera, sive falsa, potuisset in toto orbe terrarum descere. Neque ommittendum Donatum à Numidia, qui hæresi nomen fecit, fuisse ab ipsis Donatistis ordinatum Episcopum Carthaginensem, post Majorinum, qui jam fuerat hæresis Donatistarum patrocinator. Fingebat Donatus Carthaginensis Deum à cælo sibi allocutum, proinde Imperatoris præcepta contemnebat. Afferit D. Hieronymus de Scripturis Ecclesiarum, quòd Donatus malè senserit de Trinitate, & fuerit Arianus, licet Donatistæ huic hæresi non fuerint addicti; Divinos insuper affectabat honores. Quam perniciofa fuerit Donatistarum factio Ecclesiarum ad plura sæcula, quot mala per eam passi sint orthodoxi, quàm facinorosi, quàm improbi, quàm seditiosi fuerint Donatistæ, videri potest apud Baronium in 3. 4. 5. & 8. Tom. ejus Annalium; Decessit Donatus anno 368., ejusque potiores errores mox subijciam. Inter Donatistas factum est schisma anno 344., cum mortuo Parmeniano, tertio Donatistarum Episcopo, convenientibus pro nova electione Donatistis, in duas factiones divisi, una Primianum, alia Maximilianum elegit, à quibus Primianistæ, & Maximilianistæ dicti sunt eorum sequaces. De Donatistis agunt S. August. Optatus Milevit. & plures alii.

1. Nullos esse malos in Ecclesia, sed tantum bonos. R. verbo *Assuriani*.

2. Filium esse minorem Patre, & Spiritum sanctum minorem Filio. Rep. Quoad primum Verbo *Accaciani*, & *Anomei*, quoad secundum verbo *Airani*.

3. Irritum esse dicebat Catholicorum Baptisma, quare rebaptizabat jam baptizatos à Catholicis, qui ad ipsum accedebant. R. Quis Baptismus collatus à Catholicis confertur juxta Christi

institutionem, tum quoad materiam, tum quoad formam; ergo est validus, sed in tantum Donatus dicebat Catholicorum Baptisma esse invalidum, quia asserbat apud Catholicos non esse veram Ecclesiam. R. Ex his, quæ dicta sunt contra *Agrippinianos*, ubi ostenditur etiam baptizatos ab hæreticis non esse rebaptizandos.

4. Baptisma à Christo institutum confundebat cum Baptismo Joannis. R. verbo *Bogomilli*.

5. Negabat Confirmationis Sacramentum, quare Chrisma contempnit, & pedibus conculcavit, imò & Presbyteris caput radebat, ut eos sacra Unionem (ut putabat) denudaret. Rep. verbo *Novatiani*.

6. Donatistæ illos dicebant esse Martyres, qui seipsos interfeciebant. Rep. Nam martyrium est mors ab alio inflicta, propter Christum patienter tolerata; sed hoc dici nequit de illis, qui seipsos interimunt: quod etiam expressè prohibet Deus illis verbis: *Non occides*. Quòd si non licet occidere alium, multò minus licebit occidere seipsum. Nec valet dicere, quòd multi, qui seipsos occiderunt, se præcipitantes in ignem, aut aquam, nihilominus venerantur ab Ecclesia ut Martyres; nam hoc fecerunt Deo peculiaritèr inspirante, ut fugerent periculum evidens violandæ castitatis, à quo ut se subtraherent, Spiritu sancto peculiaritèr astante, in ignem se profercerunt quemadmodum legitur de S. Apollonia. Cæterum non hominis, sed Dei est martyrii voluntas, quia fortitudo, & charitas, quæ ad martyrium allicit, est à Deo: quare nec est martyrium seipsum occidere propter horrorem peccati commissi, sed esse sui ipsius homicidam; quis enim dicat Judam proditorem, qui seipsum interemit esse martyrem? Demùm laudabile quidem est, ad evitandum peccatum, corpus suum castigare, nullatenus autem permittitur etiam ad evitandum peccatum seipsum interimere; quia Deus misericors, non vult mortem peccatoris, neque temporalem, sed magis vult ut con-

convertatur, & vivat. Concilium Bracarense primum in Can. *Placuit* prohibet omnino fieri mentionem aliquam in oblatione de illis, qui quocumque modo seipfos occiderent, tantum abest, quod ut Martyres debeant venerari.

7. Exprobrabant Catholicis, quod concinerent sacras Scripturas in Ecclesia. R. Quoad cantum in Ecclesia verbo *Hilarius*, quoad cantum verò Scripturarum. R. Ex antiquo usu, scimus enim etiam tempore Apostolorum consuevisse Christianos convenire ad concinendos Psalmos, & sacras Scripturas, ut videtur est apud Eusebium Cæsariensem lib. 3. Hist. Eccles. cap. 14. Tum quia præcinere Domino sæpè nos monet Scriptura; quid autem melius possumus Domino præcinere, quam ipsam Scripturam, quæ est purum Dei verbum, tot continens mysteria, tot sanctas affectiones, ad quas præcinendo nos excitat? Vide Card. Bona lib. de psalmod.

8. Ecclesiam ubiquè terrarum extensam, præterquam apud se asserabant. R. Quia Ecclesia ubiquè terrarum, ubi sunt Catholici viget, ubi enim sunt Catholici, sunt Ecclesie membra. Tum quia Ecclesiam non posse in una mundi parte esse reconditam, constat ex verbis Christi, qui præcepit Apostolis, ut ubiquè Evangelium prædicarent, & eam quasi lucernam super candelabrum expressit. Insuper de Ecclesia per totum orbem dilatanda extant prophetica vaticinia, ut Psalm. 1. vers. 8. Psalm. 49. vers. 6. Nec valet dicere Ecclesiam esse pusillum gregem, ergo non posse esse in toto orbe diffusam; quia per pusillum gregem communiter intelliguntur electi, non autem intelligitur Ecclesie universitas, quæ per totum orbem est diffusa; sed sit teneret hæc ratio, non concluderet magis pro Donatistis, quam pro aliis sectis, quæ minorem numerum sectariorum continent, quam secta Donatistarum haberet.

9. Dicebant à peccatoribus elemosynam non esse accipiendam. Rep. Nam nullibi hæc de re extat prohibitio. Tum quia legimus plures Sanctos in necessita-

te etiam ab infidelibus petiisse, & acceptasse subsidium; tum quia elemosyna facta à peccatore est opus in se bonum, licet non sit ipsi meritorium, imò est ipsi dispositio ad conversionem. Deus enim ex misericordia sua, intuitu elemosynæ à peccatore erogatæ, ipsi ulteriorem, sæpè concedit gratiam, ut peccata sua detestetur, ergo &c.

10. Docuerunt nulla, & irrita esse Sacramenta, quæ vel hæretici extrâ Ecclesiam, vel improbi in sinu Ecclesie contulissent. R. Quia minister Sacramentorum operatur virtute, & auctoritate Divina, neque Deus aufert potestatem datam ministro, licet minister sit peccator, aut fiat hæreticus, quod probatur quia auctoritas conferendi Sacramenta, non est gratia gratum faciens, sed gratis data, in utilitatem scilicet aliorum; ergo talis auctoritas non pugnat cum improbitate vitæ, aut infidelitate, ut simul cum illis esse non possit. Veritatem hæc decernunt Concilia Trident. sess. 7. can. 4. Constantiense sess. 45. in qua damnavit articulum Wiclef. in hac materia. Item Trident. sess. 7. can. 13. sic statuit: *Si quis dixerit ministrum in peccato mortali existentem, modò omnia essentialia quæ ad Sacramentum conficiendum, aut conferendum pertinent, servaverit, non conficere Sacramentum, anathema sit.*

Hic advertendum quod licet hunc Donatistarum errorem, quem impugnamus, propugnaverit S. Cyprianus, mordicus sustinens contrâ Stephanum Papam, baptizatos ab hæreticis esse rebaptizandos, diversa tamen erat Donatistarum, & Cypriani conditio; Cyprianus enim erravit servatâ Ecclesie unitate, illi verò disruptâ. Cyprianus erravit re nondum satis eliquatâ & perspectâ, illi probata veritate, & à Concilio generali confirmata. Videatur hæc de re quid scripserit S. Augustinus lib. 2. de Baptismo contrâ Donatistas cap. 3. & 9. ubi ostendit quàm dispar esset in hac causâ Cypriani, & Donatistarum conditio.

VI. DONOTHAUS Episcopus Thessalonicensis, nimis se addidit ad ostendendum Anathasio Imperatori, & ei complaceret,

ceret, à communione Romanæ Ecclesiæ se subduxit; in hæresim prolapsus, cum Timotheo Episcopo hæretico communicavit, qui Timotheus Concilium Chalcædonense reprobaverat; ex quo argueret eum Dorotheus fuisse secta Eutychianum, cujus malitia occisus est Joannes homo orthodoxus, apud quem Legati Papæ Hormisdæ fuerant summa hospitalitate recepti. Tumultum Thessalonice excitavit, ex quo Catholici ingentia damna passi sunt. Sæpe ad eundem scripsit Hormisdæ Pontifex, ut eum ad meliorem frugem reduceret, sed incassum. Plura de hoc Dorotheo legere est apud Baronium tom. 6. & 7. ejus annalium.

IV. DOROTHEUS Arianæ sectæ Constantinopoli Præfatus, primùm degebat Antiochiæ in Syria, sed ab Arianis indè revocatus, Constantinopolitanus Episcopus ab iisdem ordinatus fuit, ut Arianam perniciem ibidem defenderet tempore Syrii Papæ, & Theodosii Imperatoris, circa annum 395. ad ætatem decrepitam vixit, annorum scilicet centum viginti decessit, cujus successor fuit Barbas, de quo actum est suo loco. Vide Niceph. Eccles. Hist. lib. 12. cap. 24.

VI. DAIMUS vocatus Diaboli maximus propugnator; fuit Pater Sergii hæresis Manichæorum instauratoris. Ex Bar. anno 810.

XVI. DUMIER. emerferunt in Polonia anno 1570. reponuntur à Gravina inter Antichristianos, qui Trinitatem oppugnant, ducem habuerunt Petrum Goviezium.

1. Afferebant Patrem, & Filium esse Deos. R. Ex his quæ alibi dicta sunt ad probandam consubstantialitatem Filii cum Patre; ex quo sequitur non modò Filium esse æqualem Patri, sed esse unum Deum cum Patre. R. Etiam ex his quæ dicuntur contra Polithæismum, ubi ostenditur Deum necessariò esse unum.

2. Dicebant de Spiritu sancto non dum revelatum esse quid sit. R. Ex his quæ dicta sunt contra Arianos. Tum quia de Spiritu Sancti Divinitate clara extant in novo Testamento oracula, per quæ scimus Spiritum sanctum à Patre, & Fi-

lio procedere, esse Deum, habere omnes operationes Divinitatis, esse ejusdem naturæ cum Patre, & Filio; quæ omnia alibi in hoc opere ex Scripturæ testimoniis comprobantur.

XIV. DULCINUS Patris Novariensis, omninò obsecrnam doctrinam prædicavit anno 1370. quæ vulgum infanum contaminans, propè sex millia partim viros, partim mulieres collegit, quos simul in montibus Tridentinis cohabitare, & turpiter commiseri docebat, contra quos Clemens V. Summus Pontifex exercitum collegit, eosque dispersit, duos tamen captivos Dulcino, & Margarita ejus uxore, cum aliis secularis Vercellas, ubi eorum causa discussa, ibidem membratim concis, deindè combusti sunt, dispersis eorum cineribus. Docuit Dulcinus Deum Patrem rexisse mundum in rigore, & iustitia, ab ejus creatione, usque ad Filii adventum; Tum à Filio cœpisse gubernari in gratia, & sapientia, jamque à Spiritu sancto in amore, & charitate regi; ac si non posset simul iustitia, gratia, & amor in sancta Trinitate consistere, in qua omnis virtus est per essentiam. Sentiebat in omnibus eum Prædicellis, de quibus suo loco, & sequentes errores præcipuè divulgavit.

1. Afferebat omnem auctoritatem, à Christo Rom. Ecclesiæ traditam penitus evacuatam esse, & ab ipsa excidisse Pontificem, Cardinales, cæterosque Prælatos, atque in sectam suam fuisse translatam, quam dicebat esse veram Congregationem spirituales, à Deo electam, atque in novissimis diebus à Deo institutam. R. Ex verbis Christi, qui auctoritatem Petro, & Ecclesiæ collatam, usque ad consumationem sæculi, immobilem permanens asserit; rogavit enim Christum pro Petro, ut non deficiat ejus fides, & consequenter, neque potest deficere ejus auctoritas, quam hætenus universa Catholicorum congregatio veneratur; cui tot Reges, Principes, Doctores gloriantur se submittere. Insupèr Paulus docet, quòd etiam Angelus nobis evangelizet, præterquàm quod docet Ecclesia Catholica, non creda-

damus; ex quo evincitur hanc solam esse veram Religionem, usque ad consumationem seculi observandam.

2. Omnes Rom. Ecclesiæ Prælatos à tempore Silvestri fuisse seductores, eum à modo vivendi priorum sanctorum defecerint. R. Quia legitimi Ecclesiæ Prælati semper eandem doctrinam promulgarunt, quam tradiderunt Christus, & Apostoli; neque à modo vivendi priorum Sanctorum defecerunt, scimus enim etiam in primitiva Ecclesiâ fuisse Prælatos divites, ut constat ex Historiis Ecclesiasticis; neque Christus umquam præcepit ut Prælati essent pauperes, nisi affectu; non enim divitias, sed inordinatum affectum ad illas Christus prohibuit. Congruum enim est Prælatorum dignitati, ut quoad vestes, & comitatum decentius, & cum aliqua distinctione incedant; Sacerdotes enim in lege veteri scimus fuisse divites, & habitu, & potentiâ à vulgo fuisse distinctos; imò sæpe cum Sacerdotio potestas Regia fuit conjuncta. Gentiles etiam suis Sacerdotibus, ut commodius viverent, necessaria subministrabant; nil officit ergo si Prælati Evangelici, qui vera Sacerdotali dignitate sunt insigniti, hujusmodi commodis perfruantur præ decore dignitatis externo conservando. Immo id esset Christiani Populi ignominia, si Prælatos suos decenter decoros non haberet.

3. Neque Pontifici Romano, neque cuiquam homini dicebant se esse subje-ctos. R. Ex Apost. dicente nos esse subje-ctos potestatibus; cum autem Pontificia potestas, sit summa potestas, consequens est Pontifici Romano omnes subje-ctos vivere. Summo Pontifici collatam esse à Christo potestatem supra omnes homines, constat ex verbis Christi, qui Petrum constituit totius Ecclesiastici gregis Pastorem; Pastor autem est supra omnes oves, & oves subditæ sunt Pastoribus. Magistratibus, autem, & Principibus obtemperandum esse, jam alibi ostensum est.

4. Posse viros absque consensu uxorum, & viceversa, soluto matrimonio transire ad secum Dulemiliarum. R. Ex

his quæ dicta sunt verbo *Armeni*, ubi ostenditur matrimonium quacumque de causa esse indissolubile.

5. Omnes ordines Religiosos esse in fidei Catholicæ detrimentum. R. Ex pluribus oraculis Pontificiis, à quibus Religiosum institutum commendatur, tanquam Ecclesiæ valde profueum; quod colligi potest ex Bullis approbationum à Pontificibus expeditis, in quibus asseritur per Religionem Ecclesiam dilatari, virtutes promoveri, vitia extirpari, & similia encomia continentur. Utilitatem, quam ex Institutis Monasticis Ecclesia experitur, non est sanæ mentis qui non videat. Sed & ipsa instituti Regularis ratio sufficienter ex se probat utilitatem institutorum Regularium. Vide opusculum S. Thomæ contra impugnantes Religionem.

6. Laicos non teneri solvere decimas Ecclesiæ, nisi Ecclesiastici perfectionem, & pauperatatem Apostolicam profiteantur. R. verbo *Apostolicis*. Tum quia Christus non præcepit omnibus Fidelibus, ut profiterentur perfectionem Apostolicam, quam sine speciali gratia impossibile est imitari, & tamen præcepit temporalia subsidia tribuenda Ecclesiæ ministris; ergo solutio decimarum non est commensuranda ex perfectione Ecclesiasticorum, sed ex lege præeipientis.

7. Perfectius esse vivere sine voto, quam voto Religionis obstrictum. Rep. Nam quod sit ex voto perfectius est, quàm id, quod sit sine voto; votum enim firmat voluntatem in bono; ergo perfectius est vivere cum voto, quàm sine voto. Deinde quod sit ex voto, sit ex cultu latræ imperat à Religione, quæ inter virtutes morales est præcipua, & quò virtus est nobilior, est etiam excellentior actus à virtute imperatus. Tum quia quò quis se magis Deo subicit, majorem perfectionem emulatur, sed magis se Deo subicit qui votum emittit, quàm qui non emittit. Ille enim consecrat Deo suam voluntatem, etiam in eorum abstinencia, à quibus posset licet non abstinere, utpote à nuptiis, à prof-

fectio-

missione bonorum, ergo &c., & licet sine voto possit etiam quis abstinere, V. G. à nuptiis, perfectior tamen est actus illius, qui se abstinere ratione voti, quia hic dat Deo fructus, & arborem, ille verò solum fructus. Nec valet dicere, quòd per emissionem votorum homo fit servus, & amittit libertatem, quam nobis Christus acquisivit, ergo non esse bonum vovere; nam per votum homo non fit servus eà servitute, quā Christus nos liberavit, quæ est servitus peccati, sed fit magis servus Dei, & in tali actu vovendi magis probat suam libertatem; tantum abest quòd libertatem amittat; probat siquidem libertatem suam, & esse sui juris, qui cum possit aliquid liberè operari, non modò non operatur, verùm etiam ipsam potentiam voluntariam Deo consecrat, quæ posset operari volendo ea, quæ etiam si licita, ab illorum tamen voluntione se abstinere, non modò liberè in actu, sed etiam liberè in potestate, quia liberè ipsam potentiam voluntariam Deo consecravit. Neque dicendum quòd vota Religiosa oppugnent libertati Evangelicæ, quæ permittit habere, pecunias possidere, & similia: nam si hoc esset, Deus non consuleret in Scripturis vota. Tum quia injuriam non facit propriæ libertati, qui cum possit aliquid liberè agere, abstinere se à tali actu. Religiosi autem per vota emissa, voluntariè se abstinere à nuptiis, à possessione bonorum &c., & nemo cogitur ad emittenda vota: ergo vovere non est contra libertatem Evangelicam. Tum quia si teneret hoc argumentum sequeretur quòd indissolubilitas matrimonii, cui aliquis per nuptias liberè se obstringit, etiam repugnaret libertati Evangelicæ, non minùs quàm emissio votorum; sicut enim qui vovet castitatem non potest cum muliere convenire, ita qui nu-

bet, non potest ex se non convenire, sed non est qui asserat contractum matrimoniale esse contra libertatem Evangelicam, ergo neque votorum emissio erit contra libertatem Evangelicam.

8. Idem esse orare in stabulo, ac in Ecclesia consecrata. Repr. verbo *Apostolici*.

9. Licitum esse fidem ore negare ad evadendam Inquisitionum, seu persecutorum potestatem, modò corde teneatur. R. Ex Apostolo dicente in Epist. ad Rom. 10. *Corde creditur ad justitiam, ore autem confessio fit ad salutem*, ergo non sufficit fidem corde tenere, sed cum exhibetur occasio, opus est etiam ad salutem ore fidem profiteri. Tum quia si sufficeret fidem corde tenere, non possent Christiani ab hæreticis discerni, si des enim est invisibilis, & videri non potest, nisi per professionem externam. Tum quia qui fidem ore negat, injuriam facit Deo, non minùs, quàm qui ore malè loqueretur de Principe, & in corde de eodem benè sentiret. Vide verbo *Clancularii*.

10. Usus pecuniæ, prohibitum fuisse Apostolis. R. verbo *Apostolici*.

IV. DULIANI. Ex Ariantimo propagata est hæc hæresis circa annum 360. quæ Dei Filium Patris servum esse blasphemabat. Duliani iidem sunt hæc Cyrilliani. Vide *Cyrilliani*. De his agit Theodoretus hæretic. fab. lib. 4.

XII. DURANDUS DE WALDACH in partibus Aragoniæ circa annum 1117. cum aliis impietatis suæ sociis hæreses promulgavit ab Episcopo Gerundensi damnatas, ipso hæretico in sua cæcitate persistente igni tradito. Ex Gualterio.

Dicebat matrimonium nihil aliud esse, quàm occultum meretricium. Rep. verbo *Adamita*.



E



EBION. Post Jerosolymæ excidium, & à Christo nato anno 74. emerfit Ebion impossitor scelestissimus, qui oriundus ex regione

Barzanitide, in vicò *Cocaba* dicto inhabitans, ex Philosopho Stoico, cum impio Cerintho communicans, evasit in pessimum hæresiarcam. Ebion Pauli Apostoli infensissimus hostis factus, eum contumeliis proscindere aggressus, falsa acta nomine Apostolorum edidit, in quibus unà cum impietate, multa coadunata sunt mendacia. Insuper S. Clementis scripta de D. Petri itinere corumpens, multa falsa Proto-apostolis imponere studuit, ita ut non minùs in D. Paulum, quàm in S. Petrum bellum calumniosum attentaverit. Ebion hebraicè idem sonat, ac mendicitas: voluit ergo Ebion nuncupari hic perditionis homo, qui ex tali nomine indicare studuit, se libenter pro Christo pauperem effectum, & proinde se unum ex illis fuisse asserbat, qui suarum rerum pretium ad Apostolorum pedes deposuerant; hæreses varias simul conjungere studuit, primusque post Simonem Magum hæresiarcha invenitur esse S. Ignatio in Epistola ad Philadelphios. In Asia primùm, deindè Romæ prædicavit. Contra Ebionem Sancto Joanne Apostolo strenuè decertante, eundem hæresiarcam plures ex SS. Patribus primitivæ Ecclesiæ feliciter impugnarunt, inter quos egregiè S. Irenæus lib. 3. adversùs hæreses cap. 24. ubi Mariam semper Virginem extitisse, & de Spiritu sancto Jesum à Maria fuisse conceptum, insolubilibus argumentis ex Scriptura deductis ostendit. Verum quidem est, quod aliqui ex Ebionitis Christum de Virgine natum concedebant, idè Origenes, Eusebius, & Epiphanius, duas Ebionitarum sectas fuisse contendunt, quarum una Virginitatem commendabat, & vitam satis rigidam ducebat, alia verò la-

scivis depravata moribus, Virginitatem contemnebat. Ebionitarum errores Cerinthianis sunt affines. Convenerant in suis falsis dogmatibus disseminandis, ut suprà innuimus, Ebion, & Cerinthus, non ità tamen ut in omnibus essent concordēs, nam ut refert Tertullianus de præscriptione cap. 48. Ebion mundum à Deo creatum esse concessit, quem ab Angelis productum Cerinthus affirmabat. Utebantur Ebionitæ ad suas stabiliendas hæreses Euang. Matth. sed decurrato, sicut & cæteras Divinas Scripturas depraverant, vel mutilatas legebant.

1. Legem Mosaicam cum Evangelio observandam Ebion prædicabat. R. verbo *Cerintus*.

2. Ebionitæ Jerosolymam adorabant, quasi esset domus Dei. R. Quia domus Dei, qui est immensus, est ubique, ideoque in tali casu, non solum Jerosolyma, quam reliquæ orbis urbes essent adorandæ; Et Christus dixit veros adoratores adorare in spiritu, & veritate, non in Jerosolymis: verum quidem est, quòd sicut Ecclesiæ specialiter vocantur domus Dei, quia ibi Deus faciliùs exaudit orantes, & ad illas enixè oraturi credentes conveniunt, peculiari etiam veneratione coluntur, non autem adorantur, solus enim Deus adorandus est; cum ergo Jerosolymis Deus plura prodigia, quàm alibi fecerit per Sanctos suos, & ibidem Christum suum sanguinem effuderit, distincto etiam nunc cultu à Catholicis invisitur illa Civitas, non autem adoratur tanquam specialis domus Dei, quia et dictum est, Deus particularem domum habere nequit, quem cæli cælorum non capiunt, & soli Deo adoratio debetur; qui dixit: *Calum, & terram ego impleo*.

3. Non recipiebant Scripturam, nisi Evangelium Matth. decurratum. R. verbo *Albanenses*.

4. Christum simplicem creaturam esse blasphemarunt. R. verbo *Cerintus*, quia tamen aliqui Ebionitæ ex Virgine de

de Spiritu sancto Christum conceptum fuisse admittebant, in hoc nihilominus erant errore, ut Christum Deum, Verbum, & Sapientiam Patris ante secula, existisse negarent: sed Christum, quia Deum, fuisse ab æterno à Patre genitum, constat ex Symbolo Nicæno, ubi legitur. *Ex Patre natum ante omnia secula. Vide verbo Antemon, Carpocras, Budneita.*

5. Spiritum sanctum fuisse creatum asseruit. R. verbo *Aetiani*.

6. Dixit Christum natum esse ex femine Joseph. R. verbo *Carpocratiani*.

7. Duos Deos statuie, Christum, & diabolum, dicens diabolo commissam fuisse potestatem præsentis seculi, Christo verò futuri. R. Nam unum tantum esse Deum constat ex his quæ dicuntur contra *Polibæismum*. Diabolus autem non esse Deum, satis evincunt Scripturæ testimonia, ex quibus constat Luciferum à Deo creatum, ab eodem damnatum ad perpetuas flammæ, nullamque habere potestatem in præsens seculum; quod Dei solo nutu regitur. Insuper Dei Sacerdotes, diabolum suis nutibus obtemperare sæpè cogunt, & cum diabolus Christo Domino hujus seculi dominium obtulit in deserto, Christus ad eum dixit: *Deum tuum adorabis, & illi soli servies*; ergo diabolus nullam habet potestatem in præsens seculum.

8. Virginitatem nullatenus admittebat. R. Ex Epist. D. Pauli ad Corinth. in qua Virginitas commendatur, quam Christus etiam disertis verbis laudat pluribi in Evangelio, cui Virgo voto se adstrinxit; cuius votum esse de meliori bono omnes SS. PP. & Theologi asserunt; cuius observantiam Deo esse gratissimam, sæpè Deus miraculis comprobavit. Vide verbo *Antimarianita*.

9. Adolescentes citra naturæ ætatem ad nuptias urgebat. R. ex his quæ dicta sunt contra *Calvinum*, qui asseruit omnes obligari ad contrahendum matrimonium. Tum quia pueri non possunt validè se adstringere vinculo indissolubili matrimonii, cum in puerili ætate non habeant sufficientem cognitionem ad

validos contractus faciendos. Tum quia in puerili ætate homo est inhabilis, & impotens: & ad satisfaciendum obligationi matrimoniali, ergo cogi nequit ad talem obligationem contrahendam. Tum quia omnis contractus de re impossibili est invalidus; ergo &c.

10. Permittebat cuicumque conjugato divortium, & transitum usque ad septimas nuptias. R. verbo *Abstinentes*, & verbo *Armeni*; quoad solubilitatem Matrimonii. Cæterum licet Christiano, & cuicumque homini, quando solutus est ab uxore, vel viceversa, quod contingit per solam alterius mortem, non modò ad septimas nuptias transire, sed ad octavas, & nonas &c. Nullibi enim definitum est quoties liceat homini ad novas nuptias transire, qui quotiescumque solutus est à nuptiali contractu, semper remanet quoad hoc sui juris, & consequenter semper potest ad novas nuptias transire, & corpus suum alteri uxori in potestatem tradere.

11. In celebratione sacri Mysterii sola aqua, & azymis utebatur. Repr. verbo *Aquarii*.

12. Nullum diem festum ab Ecclesia præceptum, præter diem Dominicum, observabat. R. Nam ut dictum est contra *Confessionem Augustanam* Ecclesia habet auctoritatem condendi leges; ergo potest præcipere observantiam festivam aliorum dierum, præter Dominicum; Ecclesiam habere hanc auctoritatem constat ex Epistolis Pauli, quibus obediendum Ecclesie præcipit, &c. Insuper in lib. 5. constitutionum Apostolicarum, cap. 12. præcipitur observantia aliquorum festorum, quæ præcepta confirmata fuerunt in aliis Conciliis, & præcipue in Aurelianensi primo cap. 29. Tum quia in veteri lege nedum Sabbatha, sed etiam alii dies à Sacerdotibus præcepti festivè observantia celebrabantur, ergo etiam in Ecclesia, præter diem Dominicum, possunt & aliorum dierum ferie præcipi, nempe in honorem præcipuorum Mysteriorum Christi, Virginis, & aliquorum Sanctorum, quorum specialiter intercessionem apud Deum adhibemus.

mus. Institutio Festorum in honorem Sanctorum antiquissima est in Ecclesia; legimusque in aliquibus Ecclesiis, eorum Sanctorum dies festos fuisse celebratos, etiam primo ineunte seculo, ut constat ex historiis Ecclesiasticis: & videre est apud Eusebium lib. 4. hist. Eccles. cap. 14. ubi asserit Ecclesiam Smirnensem festiva celebritate observasse diem Sancti Polycarpi. Nec valet objicere, Apostolum cap. 4. vers. 9. & 10. reprobandum Galatas his verbis. *Dies observatis, & menses, & tempora*; nam ibi Apostolus non improbat observantiam festorum, sed Astrologiam judicariam, & observationem dierum Gentilium, in quo peccabant Galatz, & licet Exod. cap. 20. vers. 9. Deus declaret unum diem in hebdomada esse sanctificandum, non tamen prohibet etiam sanctificationem aliorum dierum, quorum observantiam, sicut præcepit Synagoga (scimus enim festum Eneaniarum, & alia extra diem Sabbathum observata fuisse ex præcepto à Judæis in lege veteri) ita etiam aliorum dierum, præter Dominicum, potest Ecclesia observantiam festivam præcipere, non enim majorem auctoritatem habuit Synagoga, quam habeat Ecclesia; ergo &c.

13. Sabbathum juxta legem Mosaycam custodiebat. Repr. verbo *Sabbatharum*.

XVI. EBIONITE NOVI originem habuerunt in Lituania, anno 1568. Sunt qui censent horum auctorem fuisse *Adam Passorem*, alii auctorem hujus sectæ faciunt *Budniam*: Inter Anti-Christianos, qui totam æconomiam Christi, & præcipua gratiæ oppugnant mysteria, reponuntur.

1. Christum non Deum esse, sed purum hominem de Maria natum affirmant. R. verbo *Cerintus*. Insuper Maria non peperit purum hominem, sed hominem Deum, unde Elisabeth ad eam dixit: *Unde mihi hoc, ut veniat Mater Domini mei ad me*, & Angelus ad Mariam: *Quod nascetur ex te Sanctum, vocabitur Filius Dei*, & Paulò post addit: *Hic erit magnus, & filius Altissimi voca-*

bitur: ex quo patet Christum non fuisse purum hominem, nec Mariam peperisse purum hominem, sed hominem Deum. Vide verbo *Artemon*, *Budnaita*, *Carpoctas*.

2. Legalia cum Evangelio esse observanda. R. verbo *Ærarius*, & *Cerintus*.

XVI. EBRIANI ab Ebero secta Lutherano nomen sortiti sunt anno 1568. à Gravina recensentur inter Lutheranos molles, eo quòd Lutherum molitèr defendant, & Melanctonem propugnent, quoad ea præcipue, quæ de necessitate operum, & de excommunicatione asseruit, ipsumque Melanctonem commendant, quòd multa Lutheri opera correxerit. Fuit Eberus Melanctonis sectator; in Fræconia ortum habuit, Wittembergæ studuit, ubi cum Melanctone amicitia inuicè, humaniores, & Theologicas scientias ibi publicè docens, minister nuncupatur. Vortmænsi colloquio interfuit, ætatisque annorum 58. decessit corrente 1564. ejus discipuli dñi sunt Eberiani. Errores habuit cum Melanctone communes: scripsit historiam Populi Judaici, & Calendarium historicum.

IV. FELICIVS fuit Rethor magni nominis, tempore Juliani Apostatz, scilicet paulò post medium seculi 4. Hic primò Christianus, deinde factus est Christianæ Religionis desecrator, ut Juliano Apostatz complaceret, cujus fuerat in arte Rethorica præceptor, quippe qui temporì inferiens, pro Principe placito Religionem etiam ipse mutabat, Imperatorum genio sese conformans, itaque sub Constantio Imperatore Christianum se simulans, sub Juliano Ethnicus apparuit; mortuo Juliano iterum Christianum se manifestans, in gratiam Constantii Ariani Arianz perfidiaz sectatorum fuisse communiter creditur: ex Socrate, & Niceph.

XV. ECHARDUS natione Teuthonicus, quarto decimo corrente seculo institutum regularem professus, Doctoris Theologi lauream est assecutus, sed ad sobrietatem non sapiens, perniciosos errores suis in concionibus, & scriptis divulgavit: viginti, & octo articuli ex ejus op-

operibus excerpti sunt, ex quibus Joannes 22. Pontifex Maximus Doctorum, & Cardinalium sententiâ, pronuntiavit alios, tam ex verborum sono, quàm ex connexione sententiarum labem hæreses continere; alios malè sonare, temerarios esse, ac de hæresi suspectos, licet cum multis expositionibus, multisque supplicationibus sensum Catholicum formare queant, vel habere; librosque hujus authoris Apostolica auctoritate damnavit. Sed ipsemet Pontifex declaravit Echarum in fine vitæ suæ ad meliorem frugem redactum, se, & scripta suæ Sanctæ Sedis judicio submisisse, & quidquid erroneum dixerat, vel scripserat revocasse: ejus propositiones sunt sequentes.

1. Quod Deus non potuit primò producere mundum, quia res non potest agere antequàm sit, undè quàm citò Deus fuit, tam citò mundum creavit.

2. Concedi posse, quod mundus ab æterno fuerit.

3. Quod simul, & semel quando Deus fuit, quando Filium sibi coæternum per omnia coæqualem Deum genuit, etiam mundum creavit.

4. In omni opere, etiam malo, tam culpæ, quàm pœnæ, manifestari, & elucere æqualiter gloriam Dei.

5. Quod vituperans quempiam, ipso peccato vituperii laudet Deum; & quò plus vituperat, & gravius peccat, amplius Deum laudat.

6. Deum blasphemia laudari.

7. Cum qui orando singulare aliquid, & determinatum petit, malum petere, & malè, quia negationem boni, & negationem Dei petit, & orat Deum sibi negari.

8. In illis hominibus honorari Deum, qui non intendunt res, nec honores, nec utilitatem, nec devotionem internam, nec sanctitatem, nec præmium, nec regnum cælorum, sed iis omnibus renunciaverunt.

9. Ego, inquit, nuper recogitavi utrum vellem aliquid à Deo recipere, vel desiderare; ego volo de hoc deliberare, quia ubi essem accipiens à Deo,

essem sub eo, vel infra eum, sicut famulus vel servus, & ipse sicut Dominus in dando, sic verò in æterna vita non erit.

10. Nos (inquirebat) transformamur totalitèr in Deum, & mutamur in eum, sicut in Sacramento Eucharistie panis convertitur in Corpus Christi, sic ego convertor in eum, quod ipse operatur me suum esse, unum non simile.

11. Quidquid Deus Pater Filio suo in natura humana dedit, hoc totum, inquirebat, mihi dedit, nihil excipio, nec unionem, nec sanctitatem.

12. Quidquid sacra Scriptura de Christo dicit, id omne de quovis homine sancto verè dici.

13. Quidquid naturæ divinæ proprium est, id totum hominis justiproprrium esse, quomobrem illum operari quidquid Deus operatur, unà cum ipso cælum, & terram creasse; Verbum æternum generare, denique Deum sinè ipso nihil facere posse.

14. Virum probum, sic debere conformare voluntatem suam voluntati Divinæ, ut ipse velit quidquid vult Deus, dicatque quia Deus vult aliquo modo me commississe peccata, nollem non commississe peccata, hanc veram esse penitentiam addebam.

15. Si homo mille peccata mortalia commississet, si esset rectè dispositus, vellet non deberet ea non commississe.

16. Deus non præcipit actum exterioriorem.

17. Actus exterior non est propriè bonus, nec Deus propriè ipsum operatur.

18. Afferamus, aiebat, fructum actuum non exteriorum, qui nos bonos non faciunt, sed actuum interiorum, quos Pater in nobis manens facit, & operatur.

19. Deus Animas amat, non opus externum.

20. Bonus homo est Unigenitus Filius Dei.

21. Homo nobilis est Unigenitus Filius Dei, quem ab æterno Pater genuit.

22. Pater, aiebat, generat me suum Filium, & eundem Filium: quidquid Deus

Deus operatur unum est, propterea, in-
quiebat, generat me suum Filium sine
omni distinctione.

23. Deus unus est omnibus modis,
& secundum omnem rationem, ita ut in
ipso non sit invenire aliquam multitudi-
nem in intellectu, vel extra intellectum,
qui enim duo videt, vel distinctionem
videt, vel Deum non videt, Deus enim
unus extra numerum, & supra nume-
rum, non ponitur unum cum aliquo.
Nulla igitur distinctio in Deo esse, aut
intelligi potest.

24. Omnis distinctio est a Deo aliena,
neque in natura, neque in Personis
probatur, quia natura ipsa est una, &
hoc unum, & quilibet Persona est una,
& id ipsum quod natura.

25. Dum dicitur *Simon diligis me
plus his sensus est*, id est plus quam istos,
& bene quidem, sed non perfecte, in
primo enim & secundo, plus, & minus,
& gradus est, & ordo, in uno autem nec
gradus est, nec ordo, qui igitur diligit
Deum plus quam proximum, bene qui-
dem, sed nondum perfecte.

26. Omnes creaturæ sunt purum,
nihil.

27. Aliquid est in anima, quod est
increatedum, & increabile, si tota anima
esset talis, esset increata, & increabilis,
& hoc est intellectus.

28. Deus non est bonus, neque meli-
or, neque optimus; Ita malè dico,
eum voco Deum bonum, ac si album vo-
carem ignem.

Non est necesse, quòd hie sigillatim
reprobentur propositiones, quas meritò
Sacra Sedes proscripsit, quarum insubsi-
stentia satis per se patet, eò magis quòd
plures earum pias aures hominis, etiam
rudis, & agrestis graviter ratum offen-
dunt, aliarum verò impieantia eueum-
que in Theologicis facultatibus, vel le-
viter instructio satis per se innotescit,
aliarum autem insubstantia, alibi in hoc
opere demonstratur. Vide Natal. Alex.
Tom. 7. art. 3. cap. 12.

XVI. EFRONTES. Quidam hæretici
circa annum 1534. sectam suam ex tribus
speciatim erroribus coagmentarunt, quos

ex Calviniana perfidia progenitos esse
creditur. Dicitur fuit Efrontes, quia.

1. Frontem sibi ferro ahradebant,
donec indè sanguis emanaret, postea ve-
rò oleum apponentes se Christianos, abs-
que ulla alia forma pronunciabant. R.
hie error ex necessitate Baptismi, quem
Deus præcepit, sine quo nemo potest sibi
Christiani nomen assumere. Scilicet per
solum Baptismum homo in Dei ovile in-
trodueitur.

2. Dicebat Spiritum sanctum nihil
aliud esse, quam quandam elevationem,
aut motionem, quæ in anima excitatur.
R. ex iis quæ dicta sunt contra *Duitas*,
ubi de Spiritu sancto Ecclesie revelatum
esse ostendimus. Contra *Aranos*, ubi
Spiritum sanctum Patri, & Filio consub-
stantialtem esse probatur, ejusque Divi-
nitas asseritur. Quòd si Spiritus sanctus
esset elevatio, & motio, quæ in anima
præsentitur, tot essent Spiritus sancti,
quot forent hujusmodi motiones; seque-
retur quòd nonnisi ab homine sic moto,
& elevato, suum esse haberet Spiritus
sanctus, qui ab æterno est, de quo legitur
*Verbo Domini cali firmati sunt, & Spi-
ritu oris ejus omnis virtus eorum*. Nihil
difficilius juxta omnium SS. Patrum do-
ctrinam, quàm discernere, quando Ani-
ma à Deo mota sit, & elevata, facili
enim est in his motionibus decipi. Cæ-
terum eum verè à Deo anima mota est,
& excitata, dicendum quidem per spe-
cialem gratiam in eà habitare Spiritum
sanctum, dona sua animæ sic elevatz
conferentem; non autem afferendum tale
motionem esse Spiritum sanctum, si-
quidem multò, & multò magis differt
motio à Spiritu sancto, quàm differat do-
num à donante.

3. Dicebant esse Idololatram adorare
Spiritum sanctum, de quo nihil in Scrip-
turis extare mentiebantur. R. verbo
Duite, *Aran*, vide Florimond lib. 1.
de Origine hæresum.

XV. EGIDIUS CANTOR. De quo scri-
bit Natal. Alex. Tom. 8. cap. 3. art. 2. se-
ctæ hominum intelligit institutor, na-
tione Belga, Guillelmo de Hildernisse,
etiam natione Belga, qui erat religiosus
apo-

apostata, comitem se adjunxit; Hi duo perdit viri, unâ simul sectam instituerunt, quæ dicta est *hominum intelligentia*. Ægidius novem protulit errores, quibus omnibus consensit Guillelmus, qui etiam ulteriùs progressus, adhuc quatuor addidit, & promulgavit circa initium seculi decimiquinti. Suos errores Guillelmus bis ejuravit, semel coram Episcopo Cameracensi, alia vice Bruzellis coram hereticæ pravitatis Inquiretore.

1. Dicebat Ægidius se esse Salvatorem hominum, qui per ipsum visuri essent Christum, sicut per Christum Patrem. R. ex verbis ad Philipenses 3. *Salvatorem expectamus Dominum nostrum Jesum Christum, qui &c.* & alibi; *Unus est Redemptor, ac Salvator noster Jesus Christus*. Item *Per quem salvati, & liberati sumus*; sed penè omnia novi Testamenti testimonia perhibent solum Christum esse Salvatorem, ac Redemptorem nostrum, quod ter supra decies repetit S. Paulus in suis Epistolis.

2. Diabolum, omnesque homines tandem salvandos. R. verbo *Anabaptista*, contra quos offenditur semel damnatos post judicium nunquam veniam consequuturos. Verbo *Armeni*, contra quos dæmones, & damnatos cruciandos pœnâ æternâ asseritur.

3. Actus carnalis copulæ delicias Paradisi vocabat, & sine peccato posse exerceri. R. Quia Deus semper prohibuit, extra debitum matrimoniale, actus quoscumque carnales, ut constat ex pluribus Scripturæ auctoritatibus, & ex 6. & 10. Decalogi Præcepto, ergo nequeunt citrà peccatum exerceri actus carnales, unde Levit. cap. 20. vers. 10. *Morte damnantur fornicatores*, & Apostolus prima ad Corinth. cap. 16. scribit: *Nolite errare, neque adulteri, neque molles, neque masculorum concubitores Regnum Dei possidebunt*, & Tobias cap. 4. vers. 13. ait: *Attende tibi fili mi ab omni fornicatione, & prater uxorem tuam, nunquam patiaris crimen scire*. Demùm Deuter. cap. 23. vers. 17. ad Thesal. cap. 4. vers. 3. & 4. Ecclesiast. cap. 19. vers. 3.

constat nullatenus licere actus carnales extra matrimonium; immò in ipso matrimonio, si finis sit sola delectatio, peccato non carent. Neque ex illis verbis Gen. 1. *Crescite, & multiplicamini* inferri debet, ut contendunt hæretici, Deum dedisse hominibus libertatem cœundi, sed per talia verba Deus dedit non solum hominibus, sed etiam animalibus, & cunctis plantis virtutem generativam.

4. Tempus veteris legis dicebat fuisse tempus Patris, tempus novæ legis Filio attribuebat, & tempus proximum Spiritui sancto, istud vocabat tempus Eliæ, quo reconciliabuntur Scripturæ; ut quæ prius tanquam vera habebantur, jam refutentur; sicut Catholicæ veritates, quæ consueverant prædicari de paupertate, continentia, obedientia, quarum oppositum, tempore Spiritus sancti prædicabitur. R. Quia S. Trinitas, quæ unus est indivisibilis Deus semper, & omni tempore regit, atque gubernat inferiora, & superiora; quod si pro diverso tempore Personæ Divinæ divissim gubernarent, non essent semper in potestate æquales, quod implicat asserere de tribus Divinis Personis; quæ unam & indivisibilem essentiam habent, omnipotentiam, sapientiam, bonitatem, justitiam in unâ, & eadem essentia indivisam; unde dici nequit, quod pro diverso tempore regant hæc inferiora; neque contrarium veritatis Catholicæ, quæ ætenu prædicata est in verâ Ecclesiâ aliquando prædicabitur, dicente Domino: *Calum, & terra transibunt, verba autem mea non prateribunt*. Tum quia post legem gratiæ nullam aliam legem dandam esse hominibus certum est, hæc enim usque ad seculi consumationem est duratura, quia leges Ecclesiæ Militantis à Deo fundatæ supra firmam petram, usque ad extremam discussionem vigeant; neque in tempore Spiritus sancti ficto ab Ebione prædicantur veritates contrariæ iis, quas nobis Christus per se, vel per suos Apostolos prædicavit, quia lex Christi est lex Patris, & lex Spiritus sancti; verba enim, quæ Christus locutus

tus est nobis, ipse perhibuit, quod essem verba Dei.

5. Afflatus Spiritus sancti in rebus etiam inhonestis, & nefariis iacebat. R. ex epistola D. Jacobi: *Deus enim inventator malorum est, sed unusquisque tentatur à concupiscentia*. Tum quia inter alias virtutes, quas in nobis diligit Spiritus sanctus, excellit castitas, unde dicitur quod cæst, & piè viventes templum sunt Spiritus sancti. Tum quia Deus prohibet inhonestas, & nefarias, ergo nequit esse afflatus Spiritus sancti, in his quæ Spiritus sanctus expresse prohibet.

6. Orationes, jejunia, præcepta Ecclesiæ, castitatem maximè oderat.

7. Nullam esse in mundo virginem asserbat, præter unam; quæ sapientia vocabatur. R. Nam præter alias virgines, quas nobis commendant historiz Ecclesiæ, Mariæ perpetua virginitas commendantur in sac. pag.

8. Actus omnes nefarios ad divinam referebat voluntatem. R. ex his quæ dicta sunt supra num. 5. Tum quia omne peccatum effectivè procedere à libero hominis arbitrio probatur contra *Valentinum*; est quod Deus permittit se habeat ad peccatum, quatenus finit causas secundas agere motus suos, nullatenus autem effectivè vult peccata, quæ dillicite prohibet. Vide verbo *Blasphemia*.

9. Circa existentiam Inferni, & Purgatorii perversè dogmatizavit. R. quoad existentiam Inferni, & Purgatorii. Verbo *Albanenses*.

ERRORS PECULIARES

GUILLIELMI.

1. Quidquid agit homo asserbat non ei cedere ad salutem, neque ad damnationem, quia passio Christi satisfecit pro omnibus. R. quoad necessitatem bonorum operum ad salutem Verbo *Confessio Augustina, Amsdorfiani, Antinomii*; Opera autem mala causam esse damnationis nostræ constat ex his quæ dicta sunt contra *Arnaldum de Villanova*, ubi ostenditur Deum punire peccata non minus publica, quàm occulta, ergo peccata sunt causa damnationis; quod si non essent causa damnationis, quia, ut ait

Guillelmus, passio Christi satisfecit pro omnibus; sequeretur quod post Christi Passionem licitum foret omnem iniquitatem committere, & superfluum fuisset Christum peccata prohibere, si pro peccatis nulla poena esset inferenda; neque deberet secularis Magistratus punire flagitia, si neque Christus illa corripere.

2. Dixit hominem exteriorem non maculare interiorem. R. Nam peccata, quæ materialitè corpore committuntur, formalitè coinquant animam, quod si homo exterior non macularet interiorem, sequeretur omnia peccata esse interna, nec ullum esse actum malum externum, consequenter sine reatu posse hominem exercere actus malos peccaminosos, sed Deus prohibet tam actus internos, quàm externos peccaminosos; ergo &c.

3. Dixit Deum ubique esse, in membris hominis, in lapide, in Inferno, sicut in Sacramento Altaris. R. Quia in tali casu eodem modò deberet venerari lapidis, ac Sacramentum Altaris, in quo solum verè, & realitè est Corpus, Anima, & Divinitas, ratione unionis hypostaticæ; neque dici potest quod Divinitas sit realitè in lapide, eo modo quod est in Sacramento, quia non datur unio inter lapidem, & Divinitatem, quæ est inter Corpus Christi, & Divinitatem, & licet Deus sit ubique per immensitatem, peculiaritè tamen est in Sacramento per transubstantiationem.

4. Dixit resurrectionem non fore amplius sperandam, quod jam facta sit in Christo, ejus membra sumus, cum caput sine membris non resurrexerit. R. Verbo *Erasmus, & Basilidiani*; Ex eo autem quod Christus resurrexerit, sequitur nos etiam resurrekturos, ut ait Apostolus, non autem surrexisse cum Christo, quia nos cum Christo non facimus unum corpus reale, sed mysticum; ideoque nulla est illatio Guillelmi, asserentis corpus sine membris non resurrexisse. Resurreximus quidem spiritalitè cum Christo, & etiam realitè in extremo judicio resurgemus; quod totum explicat Apostolus in Epistola ad Roman. cap. 6.

XVI. *AGITANT* secta Anabaptistæ originem habuerunt ab *Agidio Aqueusi* anno 1566. qui tandem factus Anabaptistis exosus, ab eis excommunicatus est: mox palinodiam canere adstrictus, tandem Antuerpiæ capite plexus fuit ex *Gravinâ*.

1. Rebaptizabat ad eum accedentes. R. Verbo *Anabaptista*.

2. Solum Baptismum ab ipso collatum verum esse Baptismum asserbat, & à singulis quos baptizabat tres nummos exigebat. R. Verbo *Simon Magus*.

IV. *ETIHAIUS* Arii socius, cum aliis Episcopis Arianae litteram subscripsit, quam Arius ad Alexandrum Episcopum Alexandrinum direxerat, in qua epistola Arianae blasphemiae continebantur, ex *Baron. ann. 318*.

XVI. *FIULANTES* in Superiori Belgio emerferunt seculo 16. sectaque sunt Anabaptistæ, *Ejulanter* dicti, quia asserbant nullam esse orationem Deo gratam, quàm perpetuo lacrymari, & ejulare. R. ex Propheta reali. *Servite Domino in laetitia*, alibi in *exultatione*, alibi in *cimbals jubilationis*. Apostolus etiam hortatur nos, ut semper in Domino gaudeamus, ità tamen ut modestia nostra nota sit omnibus. Tum quia Deus est fons totius exultationis, & prohibet nos facere tamquam hypocritas, qui exterminant faciem suam, ergo neque vult externam ejulationem, sed vult lacrymarum cordis, & compunctionis. Vide *Sanderum* hæresi 200.

III. *ELCHEZAITAE* Ducem habuerunt *Elzai*, & solummodò *Origenis* tempore, scilicet anno 139. detecti sunt, non verò exorti, ut ait *Prateolus*, emerferunt enim tempore *Elzai*, & fortè occulti vixerunt usque ad *Origenis* tempora, qui eosdem egregie confutavit. Singulari honore colebant *Elchezaitæ Elzai*, & ejus fratrem, omnesque ab illis progenitos; Tempore *Valentis Imperatoris* duz adhuc vivebant sorores, ex stirpe *Elzai* progenitz, ad quas *Elchezaitæ*, quotiescumque egrediebantur, certatim currebant, ut illis comitatum exhiberent, porro errores, quos ab *Elzai* didi-

cisse gloriabantur, sunt sequentes.

1. Immensitate Dei illudentes, dicebant Deum habere mensuram milliariorum nonaginta sex in longitudinem, & vigintiquatuor in latitudinem, crassitudinem quoque corporis, illiusque partes metiebantur. R. Quia Deus est immensus, & ut ait Scriptura, altior Cælo, profundior Inferno, quem Cæli Cælorum non capiunt. Insuper Deum non esse corporeum probatum est contra *Antropomorfitas*, & consequenter metiri non potest.

2. Spiritum sanctum vocabant formam Christi, sœmineâ figura præditam. R. ex his quæ dicta sunt de Divinitate Spiritus sancti, contra *Setianos*, *Arianos*, *Duitas*, *Abasilardum*.

3. Dicebant non modò Christum, sed Spiritum sanctum diversa corpora assumere, & unoquoque tempore varia exhibere. Hoc purum esse signum fati per se patet.

4. Christum simplicem creaturam esse, & apparentem dicebant. R. quoad Christi Divinitatem ex his quæ dicta sunt contra *Cerinthum*, & alios hæreticos; quòd autem Christus non fuerit apparenter homo, sed realitèr, constat ex his quæ dicta sunt contra *Albanenses*, *Basilidianos*, & *Dositheum*.

5. Plures statuebant Christos, unum quidem sursum, alterum deorsum, quem in multis antea, deinde in *Mariz* filio in habitasse dicebant. R. ex verbis *Matth. 23*. *Unus est Magister vester, idest Christus Jesus*; ex quo etiam patet quòd Christus non fuit alius à *Jesu Mariz* filio, quidquid enim in sacris pag. de *Jesu Mariz* filio dicitur, hoc etiam de Christo asseritur: *Jesus* enim dictus est Christus, idest Unctus Domini. Neque Christus in aliis apparuit, sed tunc solum manifestatus est, cum natus est de *Virgine*, & cum hominibus est conversatus. Verum quidem est, quòd Deus in lege veteri multifariam, multisque modis locutus est in Prophetis, sed solum Incarnatus visus est novissimè, cum de *Virgine* nasci dignatus est, sicut testantur sac. pag. si enim alijs temporibus Deus in carne

apparuisse, non semel, sed pluries fuisset incarnatus; sed seim ex Scripturæ testimoniis unum tantum fuisse Messiam prænuntiatus, qui semel natus, semel mortuus, semel & resurrexit.

6. Dixit Elzai Christum primum quidem formatum esse in corpus Adam, & rursus induere quando vult. R. pluribus Scripturæ textibus, ubi asseritur Christum veteris Adæ culpam expiasset, ergo non potuit esse formatus in corpus Adam, cuius culpas abluit. Christus enim est impecceabilis.

7. Elehezaitz sæpè inter se discrepantes, aliquando asseriebant Jesum à Deo exstitisse, & ex Virgine Maria natum esse, aliquando negabant.

8. Elzai dicebat rem esse indifferentem fidem negare necessitatis tempore, modò eam quis mente retineret; quapropter mendacium in causà Religionis licitum esse propugnabat. R. verbo *Dulcius, & Pauliciani*.

9. Utebantur Elehezaitz invocationibus, & incantationibus dæmonum. R. verbo *Basilides*.

10. Dicebant negare Christum non esse peccatum. R. Matth. 10. vers. 33. *Qui autem negaverit me coram hominibus, negabo & ego eum coram Patre meo*: ex quo constat negare Christum esse peccatum; non enim Christus esset negaturus coram Patre cum, à quo negabitur, si Christum negare non esset peccatum.

11. Elehezaitz duas fœminas quibus nomen erat Marcus, & Marthana ex Pseudopropheta Elzai genere oriundas adorabant ut Deos, quarum altera etiam tempore Sancti Epiphaniï vivebat, & illarum excrementa adhibebant ad sanandas infirmitates, sed frustrà.

12. In rebus omnibus judaizabant. R. verbo *Cerintus*.

13. Libellum quemdam à Cælo (ut ipsi mentiebantur) acceptum gestabant, cuius verba quicumque audiret, remissionem peccatorum, ab eà, quæ per Christum est instituta dissimilem, obtineret. R. Nam pro remissione peccatorum adhibenda esse sola remedia à Chri-

sto Domino instituta, qui solus potest peccata remittere, certum est.

14. Scripturas sacras truncabant, rejectis ex integro D. Pauli Epistolis, Prophetis, & Apostolis. R. verbo *Albanenses*.

15. Pluribus, & diversis Baptismis utebantur. R. Nam unum esse Baptismum, & hoc à Christo institutum profitetur Ecclesia in Symbolo Nicæno.

16. Aquam quasi Deum adorabant. R. ex Scripturis ubi præcipitur ut soli Deo adoratio latræ impendatur.

17. Aliqui Elehezaitz abstinere ab esu rerum animatarum. R. ex his quæ dicta sunt verbo *Græci*, ubi offensum est non esse peccatum comedere de suffocato. Tum quia in novo testamento Christus non prohibuit esum animalium, quæ creavit ad humanum subsidium. Christus ipse comedit agnum Paschalem cum Discipulis, & pisces distribuit turbis sequacibus, quos miraculosè multiplicaverat.

18. Mortem pro eis, qui erant ex genere Elzai, libenter obibat.

19. Solebant nudis pedibus incedere. R. verbo *Nudipedes*.

20. Pro juramento septem testes præscripsit Elzai, nempe cælum, solem, lunam, ventum, aquam, terram, & panem. R. Matth. 5. vers. 34. *Ego autem dico vobis non jurare omnino, neque per cælum, quia thronus Dei est, neque per terram, quia scabellum pedum ejus est, neque &c.* Jacobi cap. 5. vers. 12. *Ante omnia autem fratres mei nolite jurare, neque per cælum, neque per terram, neque aliud quodcumque; ex quibus & aliis textibus prohibetur hominibus jurare per creaturas, quia cum juramentum sit actus quo vocatur Deus in testimonium veritatis, per solum Deum jurandum est, eum dignis de causis exhibendum est juramentum; ideo Deuter. c. 10. vers. 20. legitur: *Dominum tuum timebis, & illi soli servies, ac per nomen illius jurabis*; Tum quia jurare per creaturas est actus Idololatricæ, quia cum juramentum sit actus Religionis, quo Deus invocatur in testem veritatis, qui invo-*

eat

cat creaturas in juramento, manifestè probat fe creaturas tanquam Deum adorare. Vide verbo *Catharista*.

I. **ELEXAI**, sive **ELZAI** fratrem habuit nomine Jexeus; ex Judæis oriundus tempore Vespasiani Imperatoris, anno scilicet 74. Cœpit debachari, multasque hæreses fide potius hæreticas fabulas effutire sub Trajano Imperatore, initio secundi seculi, præcipuè in Palestina viguit hæresis disseminata ab Elexai trans Jordanem, ubi adhuc temporibus S. Epiphaniï vigeat. Elexai cum Ebione Societatem inivit, & ex his pravitatis portentis simul unitis, magnum monstrum effigiatum est, in unum cœrentibus sub istorum ductu pluribus hæreticis, scilicet *Samaritis, Judæis, Offensis, Nazaraïs, Cerinthianis, Carpocratianis*, & aliis, quorum omnium errores Ebion simul collegit, & prædicavit. Elexai, homo dissolutus, & dolosus, ortum sortitus est in Nabathæa Regione, quæ est ultra vallem falsam, quæ etiam appellatur mare mortuum. Pseudopropheta apparuit, scriptis siquidem librum secundum Prophetiam, sive secundum divinitus revelatam (ut ipse dicebat) sapientiam, sed in re secundum diabolicè inspiratam doctrinam; homo fraudulentæ mentis, ut ex erroribus, quos disseminavit, facile colligitur. Ejus sectatores vocati sunt *Elehezaitæ*, sive *Sampfai*. Vide verbo *Elehezaitæ*.

III. **ELECTI**. Sicut Ecclesiâ orthodoxa universum populum in duas partes distinguit, nempe laicos, & clericos, ita Manes suos sequaces inter electos, & auditores parit: Ex electis erant tantum duodecim, quos appellabat Magistros, & à Magistris Manichæorum Episcopi ordinabantur.

IV. **ELIUSUS** natione Cizicus, Cizici in Propontide Macedoniorum Ecclesiæ præfuit circa finem sæculi 4. tempore Theodosii Primi. Plura in eundem crimina objecta sunt ab ipsius hæreticis, à quibus fuit exautoratus, siquidem à Macedonio hæretico, cujus errores profitebatur, Cizici Episcopus fuerat constitutus. In locum ejus successus fuit Euvog-

mius hæresiarcha. Sub Juliano Apostata multa passus est Eleusius, quia sana Gentilium devastaverat; felix utique in suis angustiiis futurus, si hæresi Arianæ non fuisset contaminatus, & Macedonianum dogma non propugnasset.

V. **ELIUSIUS ALTER** unâ cum Constantino, & Constantio Monachis, Eutychemis procurator constitutus, accessit ad Conciliabulum Constantinopolitanum. Chrisapii Imperatoris Eunuchi dolo convocatum, ad quod Eutyches non per se ipsum, sed per dictos procuratores causam suam erat propugnaturus: ideoque prædictus Eleusius una cum sociis Eutychemis libellum detulit. In Conciliabulum introductus, se Eutychemianum comprobavit, quandoquidem causam Hæresiarchæ Eutychemis propugnandam assumpsit.

XVI. **ELEUTHEROPAPISTÆ** inter Antilutheranos, qui communi vocabulo Anabaptistæ vocantur, & in multis à Luthero discordant, plures in sectas divisos, reponuntur à Gravina, unam ex prædictis sectis constituunt, & emerferunt anno 1544.

1. Dicebant liberum unicuique esse se baptizari veli, etiam si sit in adulta ætate. R. ex his quæ dicta sunt contra *Armenos*, & *Bucerum* ad probandam necessitatem Baptismi; sicut etiam ex aliis rationibus adductis contra Anabaptistas circa Baptismum parvulorum, sequens Eleutheropapistarum error reprobatur in quo.

2. Asserebant nullum nisi adultum esse baptizandum. R. Quia cum Baptismus sit omnino necessarius ad salutem, ut alibi dictum est; in sententia Eleutheropapistarum nullius parvuli saluti posset Ecclesiâ consulere, & qui parvuli decederent, omnes privati deberent Dei consortio, qui ait: *Sinite parvulos venire ad me*. Vide verbo *Armeni*, *Bucerus*.

I. **ELYMAS MAGUS**, ille est, qui studens avertere Pauli Preconsulis conversionem, fuit à D. Paulo excitate percussus; sed tantum abfuit, quòd lumine orbatus, mentis oculos aperiret ad veram

fidem, quam D. Paulus euangelizabat, discernendam, ut pertinacior factus, teste D. Dionysio, librum ediderit adversus Pauli prædicationem, & Christi fidem. Huic Mago nomen erat Bar-Jesu, sed voluit Elymas dici, quod interpretatur *Dei mei mensura*; ut tali nomine assumpto, Dei nuncius ab hominibus crederetur.

VI. ELIAS. Quæstio de tribus capitulis Synodi Chalcedonensis, sub Vigilio Rom. Pontifice exorta, diu Ecclesiam dilaceravit. Orta autem est hæc quæstio inter Episcopos Catholicos, quorum aliqui pro bono fidei credebant tria capita esse recipienda, alii autem (sed delusi) ne scilicet, ut dicebant, magis ad iram excitarentur hæretici, esse rejicienda asseriebant. Hæc autem erant tria capita: 1. damnatio Theodori Mops Ueseni; damnatio Epistolæ Ibe Episcopi Edessensis; 2. damnatio scriptorum Theodoret Episcopi Cyri contra Cyrillum. Inter præcipuos Episcopos, qui hæc tria capita contra Pontificis sensum reticenda esse asseriebant, & hæc de causa schisma fecerunt, unus fuit Elias Aquileiensis Episcopus, quem, sed frustra ad suscipienda tria dicta capita, hortatus est Sanctus Gregorius Papa, qui sub Pelagio prædecessore Pontifice eruditissimum librum super trium capitulorum causam conscripserat. Vide Baron. ann. 147. 586.

VIII. ELIPANDUS. Archiepiscopus Toletanus, regnante Carlo Magno hæresim Nestorianam instaurare studuit. Sunt qui asserant Elipandum à Felice Urgelitano petiisse consilium, quid sentire deberet circa Christum ut hominem, & responso accepto Christum ut hominem dicendum esse Filium adoptivum, & non proprium, ac naturalem, juxta Felicis erroneum documentum, etiam per scripta, hanc promulgasse sententiam, in quam adducere voluit Adolindam Silonis Galitiæ Regi Viduam, quæ in sensu Catholico perstitit, & eadem procurante adversus renascentem hæresim statim scripserunt Etherius Oxomensis Episcopus, & quidam Sacerdos nomine Beatus

Sanctitate conspicuus; Sed his salutaribus monitis haudquaquam correptus Elipandus, Nestorianam hæresim, datis ad diversas Provincias epistolis, propugnare non destitit, præcipue in Asturia, & Galetia. Damnatus proinde in Concilio Toletano, celebrato anno 791. Præfide Paulino Patriarcha Aquileiensi sanctimoniâ celebri, & iterum in Ratisnonensi; postremò in Francfordiensi celebrato anno 794, & propterea tempora in suo errore obstinatus decessit. Ex Spond. in Epitom. ann. 783.

Assererat Filium Dei secundum humanitatem dicendum esse Filium adoptivum & non proprium, ac naturalem, ac proinde duos constituebat Dei Filios in Christo, naturalem unum, adoptivum alterum. R. Quia nullibi in Scripturis legitur quòd Christus sit Filius Dei adoptivus, sed ex iisdem colligitur Filium esse naturalem, quapropter Divinus Pater in monte, Christum vocavit Filium suum dilectum: *Hic est Filius meus dilectus. In quo mihi bene complacui*; & S. Paulus ad Rom. 8. asserit Christum esse proprium Filium Dei, *Qui proprio Filio suo non preperit*; Filius autem proprius est naturalis, non adoptivus. Insupèr in Psalmo legitur: *Filius meus es tu, ego hodiè genui te*; Sed Filius secundum generationem est Filius naturalis, non adoptivus. Tum quia in Christo unicatantum est persona, ut asseritur contra Nestorium, ergo unica tantum filiatione, sed hæc esse non potest adoptiva, quia Filius naturalis non potest esse adoptivus, ergo &c. Tum quia adoptio est assumptio extraneæ personæ in hæreditatem, sed persona Christi non est extraneæ respectu Patris, cum persona Christi una & eadem sit, ac persona Verbi, sed Verbum non est Filius adoptivus, ergo neque Christus; ex quo sequitur quòd Christus etiam quòd homo, nullatenus potuit adoptari. Neque ex illo quod legitur Jo: 14. *Pater major me est*, potest inferri quòd Pater sit major Filio propter filiationem adoptivam, quæ nullatenus esse potest in Christo; sed hoc Christus dixit de se respectu Patris, quantums

tenus assumperat formam servi. Vide verbo *Romofiani*.

IV. ELPIDIUS luminibus orbatus uxorem habuit nomine Agapem, Agapetarem hæresis institutricem; amplexatus est uxoris errores. Vide verbo *Agapeta*. De Elpidio scribit D. Hieron. lib. adversus Pelag.

IV. ELPIDIUS ALTER, Juliani Apostatae privatæ pecuniæ, & facultatum Procurator, quem Romani Comitem rerum privatarum appellare consueverunt; cum primùm esset Christianus, ut Juliano complaceret, apollatavit à Fide unà cum Felice Regii Theauri quæstore. Catholicis multum infensos; sacris vasis, quæ Antiochenæ Ecclesiæ Constantinus Imperator splendide donaverat, deprædatis, prædictum Felicem suorum sacrilegiorum comitem habuit. Vide Baron. anno 362.

IV. ELVIDIUS AUXENTI hæretici, Mediolanensis Episcopi, sectæ Ariani discipulus, circa finem seculi IV., vir planè litterarum rudis, tempore D. Hieronymi vixit, qui eundem confutavit.

1. Dixit Mariam peperisse quidem in virginitate Christum, sed postea cum Sancto Joseph convenisse, & habuisse alios filios. R. verbo *Antimariani*.

2. Dixit virginitatem non esse apud Deum majoris meriti, quàm conjugium. R. Ex Epistola D. Pauli ad Cor. cap. 5. in qua virginitatem supra conjugium commendat. Tum quia animæ virgines specialiter Sponsæ Christi vocantur, Christus verò qui pascitur inter lilia, specialis de cultu virtutis virginis sibi complacet. Tum quia statum virginalem, perfectiorem esse quàm conjugalem, consentiunt SS. PP. Tum quia votum debet esse de meliori bono, virginitas autem novetur, sed hoc foret superfluum, si virginitas non esset apud Deum majoris meriti, quàm status conjugalis. Tum quia Martyres reputantur, qui vitam exponunt pro virginitate servanda. Vide verbo *Ebion*. *Antimariani*.

V. ENERIUS. Donatistarum Episcopus in Cæsariensis Mauritaniæ Civitate, cum S. Augustino, qui ad dictam Civi-

tatem, ex Pontificis ordinatione, Ecclesiæ causam acturus se contulerat, disputationem habuit, in qua à D. Augustino licet convictus, non tamen ab errore rescipuit. De Emerito scribit Possidius in Vita S. Aug.

II. ENCRATITÆ ducem habuerunt Tatianum; dicti sunt Encratitæ, quòd idem est, ac *Continentes*, quia averfabantur matrimonium. Nominat hujusmodi hæreticos S. Augustinus de hæresi cap. 64. *Aquatius*. Theodoretus verò *Hidroparastatas*, ex hæresi quam profitebantur, solam aquam adhibentes in consecratione Calicis. Qui verò Encratitæ, id est *Continentes* vocari gloriabantur, turpius agebant cum mulieribus. Multi adhuc ex hac secta debachabantur tempore S. Epiphani in Phrigia, Galatia, Pamphilia, Cilicia, Syria. Tatianus autem natione Syrus, ex Philosopho Platónico Christianus factus, aliquando floruit in Ecclesiâ sub disciplina Justini Martyris, circa annum Domini 173. Insignem ediderat librum pro defensione Catholicæ Fidei adversus Gentiles, & aliquandò Romæ diversatus Religionis specimen dedit, sed mortuo Justino præceptore in Orientem reversus, in errores Valentini delapsus est, illos Antiochiæ, & in Cilicia docuit, novisque adjuventis erroribus, Encratitarum sectam instituit, circa annum 178. Reprobare scriptis Encratitas aggressi sunt Clemens Alexandrinus, Origenes, S. Epiphanius.

1. Afferbat Tatianus diabolum habere principatum adversus Dei operâ, oppositum, & Deo non subiectum. R. ex verbis Scripturæ. *Deum tuum adorabis, & illi soli servies*; Tum quia voluntati Dei nihil posse resistere, sæpe clamant sac. pag. Tum quia si diabolus haberet principatum adversus Dei operâ, oppositum, & Deo minimè subiectum, Deus non esset omnipotens, & omnium Dominus, nec diabolus creatura ejus.

2. Nuptias dixit esse corruptelas, & fornicationes. R. ex illis quæ dicta sunt de matrimonio contra *Adamitæ*. Tum quia si nuptiæ essent illicitæ, cum Deus insti-

instituerit matrimonium, ut colligitur ex Gen. cap. 2. vers. 18. sequeretur Deum esse malorum auctorem, quod nefas est, vel cogitare. Tum quia Matth. 19. vers. 4. legitur: *Quod ergo Deus conjuxit, homo non separet*, & prima ad Corinth. cap. 7. *illis autem, qui matrimonio juncti sunt, præcipio non ergo, sed Dominus, uxorem à viro non discedere*, ex quibus textibus manifestè colligitur Deum instituisse matrimonium, & consequenter nuptias non esse corruptelas, & fornicationes, quas Deus in præceptis Decalogi districtè prohibet. Insuper S. Petrus Epist. 1. cap. 3. præcipit mulieribus, ut sint subditæ viris suis. Nec valet dicere nuptias esse fontem peccati originalis, ergo esse illicitas, quia fons peccati originalis non sunt nuptiæ, sed peccatum primorum Parentum. Vide verbo *Adamita*.

3. Dixit Adamum non esse salvatam. R. Quia in sacris pag. nullibi legitur Deum damnaße Protoparentes, sed quidem ratione culpæ ejecisse de Paradiso; nec Deus maledixit illis sicuti maledixit serpenti. Insuper Protoparentes post expulsiōem, pœnitentiam (ut traditur à majoribus) fecerunt, pœnitentibus autem Deus veniam largitur. Tum quia Adamum Dei misericordiam fuisse consecutum asserunt omnes SS. PP. Demùm Christus, ut plurimum sententia eî, voluit crucifigi in ipso loco, ubi Adam fuerat sepultus, ut ostenderet Adamum beneficium Redemptionis obtinuisse, ubi Christus absolutissimam de morte reportavit victoriam.

4. Plura principia sive Deos assignantes Encratitæ, inter hæc d. abolum constituebant. R. verbo *Politheismus*.

5. Myſterium Eucharistiæ in sola aqua consuebant. R. verbo *Aquarii*.

6. Admittebant feminas ad Sacram. peragenda Myſteria. R. verbo *Coliridiani*.

7. Abstinebant à vino, quod diabolicum vocabant, & solos improbos illo uti asserbant. R. ex miraculo quod Christus fecit in nuptiis Cannæ Galilææ. Insuper Christus Sacramentum sanguinis instituit in vino. Tum quia D. Paulus

præcipit Timotheo, ut utatur vino; sic prima ad Timoth. cap. 5. vers. 23. *Noli adhuc aquam bibere, sed modico vino utere propter stomachum tuum, & frequentes suas infirmitates*. Neque vinum est prohibitum quia generat ebrietatem, sed nimis potus est prohibitus, non enim ebrietas est à potu vini, sed ab immoderato potu vini, & hoc evincunt auctoritates Scripturæ, quas in contrarium adducunt hæretici, scilicet nimium vini potum esse prohibitum.

8. Abstinebant ab esu carniū. R. ex Concil. Bracharenſi sub Joanne Papa III. cap. 14. ubi asseritur esum carniū esse licitum. Tum quia Christus agnum Paschalem comedit. Tum quia malum esse abstinere à cibis tanquam à Deo prohibitis aperte asserit Paulus ad Timoth. 1. cap. 4. Tum quia Deum concessisse hominibus esum carniū constat Gen. 9. vers. 3. *Et omne quod movetur & vivit, erit vobis in cibum*. Eadem facultas vescendi carniibus data à Deo hominibus, explicitè habetur Deuter. c. 14. vers. 4. Eſto autem quod in lege veteri esus aliquorum animalium esset prohibitus, non tamen adhuc viget in lege gratiæ talis prohibitio, quia illa prohibitio erat figurativa, nunc autem cum expletum sit figuratum, non amplius subsistit. Tum quia Christus dixit Apostoli & Luc. 10. vers. 8. *In quacumque civitatem intra-veritis, & susceperint vos, manducate quæ apponuntur vobis*. Neque abiciendus animalis esum prohibuit, sed simpliciter dixit, *manducate quæ apponuntur vobis*. Verum quidem est, quod, ut ait Apostolus ad Rom. 14. vers. 21. cum ex esu carniū nascitur scandalum, tunc expedire abstinere, quod etiam nos asserimus, hec potissimum, quibus Ecclesia prohibet esum carniū ad mortificationem corporis, tunc opus est abſtinentiâ, non tamen hinc potest inferri, quod esus carniū sit absolutè prohibitus; sicut neque idem potest inferri ex eo, quod legitur Act. 15. vers. 28. & 29. ubi Apostoli in Concilio congregati prohibuerunt esum carniū, quæ immolatæ fuerunt Idolis, prohibuerunt enim, quia hæc peccati-

accipiebant scandalum Judæi; & ne putarentur communicare sacrificantibus Ethnicis, non quod talis efus esset in se absolute malus.

9. Acta Apostolorum, & Pauli Epistolæ non recipiebant. Repr. verbo *Albanenses*.

10. Ad suos confirmandos errores utebantur apocriphis scriptis, quæ vocabantur acta *Andree, Joannis, Thomæ*.

11. Eucratistæ legabant Evangelium à Tatiano compositum, quod Divinarum Scripturarum Canonis aggregarunt, *Diatessaron* nuncupatum, id est Evangelium ex quatuor Evangeliiis compactum.

XVI. ENENIGICI emerferunt an. 1551. Staphilus horum nomine vult intelligi Zuinglianos illos, qui dicunt corpus Domini per euergram esse intelligendum, quasi effectum pro causa per metonymiam. Attamen tam à Staphilo, quam à Gravina inter Sacramentarios reputantur.

1. Dicunt panem, & vinum in Eucharistia esse efficacia signa Corporis, & Sanguinis Domini, unde verba consecrationis: *Hoc est Corpus meum*, sic interpretantur: *Hic panis est signum efficax corporis mei*, & dicunt re verà Corpus non manducari, sed per fidem, & in Eucharistia virtutes corporis Christi existere. R. verbo *Calvinus* ubi ostenditur vera existentia corpora Christi in Eucharistia.

IV. ENTOLPIUS. Cum Donatistæ licet schismatici, & hæretici hanc tamen veritatem nemini non perspectam ignorare non potuerit, neminem siquidem posse Catholicum nomine gloriari, nisi cum Rom. Episcopo communicationem habeat; ut scitè saltem, & velut sub quadam imposita larvâ Catholicum nomen assequerentur, eò stultitiæ adacti sunt, ut statuerint ex suis quempiam creare Episcopum, quem Romam amandarent, ut ille tanquam Pontifex sederet, ibique suæ communicationis homines colligeret, quo facto gloriarentur se Romæ habere Episcopum, ac proinde nomen Catholicum promereri. Ex his qui à Donatistis Romæ Episcopi, sive

Antipapæ successivè ordinati sunt, sex recensentur, nempe *Victor Gabrienfis, Bonifacius, Entolpius, Macrobius, Lucianus, & Claudianus*. Vide Baron.

IV. ENTUSIASTÆ variis nominibus nuncupati, nempe *Massaliani, Euphemite, Psaliani, Euchyte*, sive *Precatore, Spirituales, Saturniani*, dicti sunt autem *Massaliani* ab insanis eorum deliramentis. *Psaliani* ab oratione, cui plus quam par esset, tribuebant. *Sataniani* à cultu dæmonis. Item *Adelpbant* ab Adelphio uno ex eorum Principibus. Demùm dicti sunt *Entusii*, quia spirituales visiones habere gloriabantur. *Martyriani* quoque se appellarunt, eo quod à Principibus Provinciarum persecutionem sint passi, eorumque plures fuerint à Lupicino Prætoris occisi. *Entusiarum* Duces fuerunt quidam solitudinis incolæ in Mesopotamiâ, quibus nomen erat *Adelpaius, Dadeon, Sabbas, Symeon, Ermas*, & alii: istorum socii, quorum nomina non recensentur ab antiquis Scripturibus. Sub Constantino Imperatore paulò post medium sæculi 4. hæc lues Ecclesiam infecit. Duo Entusiarum genera sunt qui statuant, unum ab Ethnicis, aliud à Christianis derivatum, sed eosdem profitentur errores: Dammati fuerunt Entusiarum in Synodo Sydæ congregatà anno 383. cui præfuit Amphilostrus Iconii Episcopus. Scripsit contra Entusias Flavianus Antiochenus, de quibus agunt S. Epiphanius, S. Augustinus, Theodoretus, & alii.

1. Negabant quemquam initiari posse Sacramentis, nisi super quem visibilis gratia descenderet; phantasticis enim hujusmodi visionibus à dæmone illudebantur ut super eos visibili signo apparere videretur Spiritus sanctus, cum præsertim ordinationes celebrarent; eoque pertinet, quod de Entusistis S. Augustinus tradit; eos de purgatione animæ nescio quam phantasticam, & ridiculam fabulam narrare solitos; porcum scilicet cum procillis suis de ore hominis exire videri, quando purgatur, & in eum visibili specie ignem intrare, qui non comburit. R. Nam gratia est qualitas spiritalis

tualis à Deo infusa animæ, ergo non potest visibiliter descendere; tum quia nemo potest certo scire se esse in gratia, nemo enim scit an odio, vel amore sit dignus; sed si gratia super initiatum visibiliter descenderet, initiatus certo sciret se esse in gratia. Sed Entusiasmorum phantasticæ visiones irrisone potius, quàm reprobatione indigent.

2. Tantum tribuebant orationi, ut per illam solam posse hominem salvari assererent. R. verbo *Adelpius*.

3. Dicebant solam orationem sufficere ad omnia peccata delenda; hinc non curabant Baptismum, quem non expiare sordes assererant, sed solam orationem hoc efficere. R. ex his, quæ dicta sunt de necessitate Baptismi.

4. Oppugnabant virtutem, & efficaciam Sacramenti Eucharistiæ, quod dicebant nec obesse, nec prodesse. R. Joannis 6. *Qui manducat meam carnem, & bibit meum sanguinem habet vitam æternam . . . in me manet, & ego in illo*. Tum quia Christus instituit hoc Sacramentum in cibum animæ, dicens loco cit. *Caro mea verè est cibus*; in hoc Sacramento suscipitur ille à quo est omnis gratia, qui verè, & realitèr est in hoc Sacramento. Tum quia experientià constat, quòd qui dignè, & frequenter accedunt ad hoc Sacramentum, perseverant in gratià, & validiores sunt ad vincendas tentationes. Eucharistià conferre gratiam declaravit Concil. Florentinum sub Eugenio IV. & Trident. sess. 13. cap. 2. Neque hic ommittendum quòd tantum manifestè evincitur Eucharistià conferre gratiam, & prodesse eam dignè sumentibus, ut nullam rationem invenire potuerint tam antiqui, quàm recentiores hæretici ad oppugnandam hanc veritatem. Vide verbo *Adelpius*.

5. Jejunium reprobabant, dicentes satis sufficere ad expurgandam mentem, orationem. R. ex his, quæ dicta sunt verbo *Agapeta*. Tum quia jejunium tendit ad salutem animæ, nostramque conversionem operatur, ut constat exemplo Ninivitarum. Bonam esse ora-

tionem cum jejunio legimus in sacris pag. Propheta in psalm. ait: *Operui in jejunio animam meam*; Sunt etiam plura exempla in Scripturà, ex quibus constat in veteri lege multos fuisse virtuti jejunii deditos, propterquam fuerunt Deo valde accepti. Per jejunium eliciuntur dæmonia; unde legimus: *Hoc genus dæmoniorum non ejicitur nisi in jejunio, & oratione*; ex quibus sequitur jejunium ad proficiendum in viâ perfectionis, & ad expurgandam mentem, esse valde utile.

6. Prohibebant Monachis laborem manuum, solam orationem ipsis præcipiendo. R. Nam opus manuum non esse Monachis, & Clericis interdictum, constat ex actibus Apostolorum cap. 20. vers. 34. *Ad ea, quæ mihi opus erant, & his qui mecum sunt ministraverunt manus istæ; Omnia ostendi vobis, quoniam sic laborantes oportet suscipere infirmos*. Item ad Eph. cap. 4. vers. 28. *Qui furabatur jam non furetur, magis autem laboret operando manibus quod bonum est, ut habeat unde tribuat necessitatem patienti*. Insuper laborem manuum præcipiunt Monachis Institutum Monasticorum Fundatores. Contra Monachos otiosos scripsit Sanctus Augustinus in lib. quem edidit, rogatus ad Aurelio Episcopo Carthaginensi. Demùm licere Monachis, & Clericis honesto labore exerceri, constat ex secunda ad Thessal. cap. 3. vers. 7. & ex prima ad Corinth. cap. 4. vers. 12. Tum quia cum opere manuum repellitur otiositas, quæ vitiorum est mater, neque homo potest semper in oratione perseverare; ergo bonum est intermissà oratione ad opus manuum recurrere, ut tentator nos semper occupatos inveniat. Posse Clericum, & Monachum manibus laborare definitum est in Concilio Carthaginensi 4. cap. 32. celebrato sub Anastasio Papa I. circa annum 394. Nec valet objicere illi d. Li. 10. vers. 41. *Martha Martha sollicita es &c.* & illud Matth. 6. vers. 31. *Nolite ergo solliciti esse dicentes quid manducabimus &c.* nam per hos, & consimiles textus, Christus non prohibet opus manuum, sed docet

ducet prius nos debere orationi vacare, deinde labori; ita tamen ut labor orationem non impediat, vel ita ut non fiat labor ex immoderato desiderio lucri, sed præcise ad acquirenda necessaria, vel ad expellendam otiositatem.

7. Ad preces accedebant permixti mulieribus. R. Nam quantum à sanctis Christianorum institutis abhorreat hic modus orandi, satis per se patet, hoc enim non est præparare mentem ad orationem, sed ad tentationem; hoc est manifeste se exponere occasione peccandi. Quod autem in Catholicorum templis quotidie videmus; scilicet, viros, & mulieres simul ad orandum convenire, cum hoc fiat nulla præsumpti peccati occasione: omnique utriusque sexus Catholicus Ecclesiam non adeat nisi à sola orandi devotione impulsus: ideo Ecclesia nunquam reprobavit utriusque sexus ad Ecclesiam concursum. Sed tamen, aliud est per accidens contingere, aliud studiosè facere; hoc enim studium in pretio habet concupiscentiæ affectum. Vide verbo *Eustatius*.

8. Dicebant habere unumquemque hominem habitantem in se dæmonem, nec ipso caruisse Apostolos: eum verò tantum oratione fugari. Rep. Nam legimus quidem Deum ad uniuscujusque hominis custodiam Angelum deputasse; nulli autem de dæmone singulis hominibus inhabitante sic mentio. Insuper Apostoli expellebant ab aliquibus, sed tantum obsessis hominibus dæmones, ergo falsum est, quòd unusquisque hominum habuerit dæmonem inhabitantem. Tum quia Christus per mortem suam de potestate dæmonis nos liberavit; hæc autem potestas dæmonis in hoc sita non erat, quòd dæmon esset in homine, sed quòd homo per peccatum Protoparentis erat sub jugo dæmonis, idest sine gratiâ, quæ nunc per Baptismum reacquiritur, unde fit, ut ab hac potestate homo baptizatus liberetur.

9. Dicebant per orationem posse hominem effici impassibilem. R. exemplo tot Sanctorum, qui orationi summè dediti, plura passi sunt tormenta. Verum

Tom. I.

quidem est, quòd homo orationi intentus, facilius suffert passiones hujus temporis, nullatenus autem redditur impassibilis, nisi ex speciali Divinæ providentiæ miraculo, qui sæpè Sanctos suos in medio tormentorum illæsos conservavit.

10. Dicebant duas possidere animas, & earum alteram esse supercælestem. R. Nam animam hominis non esse supercælestem; idest ex Dei substantiâ, constat ex his quæ dicta sunt verbo *Dicaris*. Unumquemque autem hominem unam tantum habere animam, evincitur non modò ex principiis philosophicis, ex quibus probatur impossibilitas duarum formarum substantialium in uno composito, sed etiam ex sacra Scriptura, ex quâ patet singulos homines unicam tantum habere animam. Non enim ait sacer textus: *Factus est homo in animas viventes; sed in animam viventem*, hinc in Evangelio legitur: *Majorem charitatem nemo habet, ut Animam suam ponat quis pro amicis suis*. Dixit ergo Christus *animam suam*, non animas suas, quia unicam tantum animam unusquisque habet, & alibi legitur *Animam pro anima*. Demùm ex Evangelio etiam aperte constat unicam tantum animam unumquemque hominem possidere, ubi postquam Deus dixit hominem duos oculos, duas manus, duos pedes habere, subdit: *Time te eum qui potest & corpus, & animam perdere in gehennam ignis*, ut nos doceret, quòd si unam perdimus animam, non possumus aliam salvare, sicuti amisso uno oculo, alium custodire possumus, ergo unicam tantum habemus animam, cujus salutem inhaerendum. Vide Concil. Lateran. Gener. XVII.

11. Negabant Ordinem esse Sacramentum novæ legis, quandoquidem per illum non admittebant conferri Clericis Spiritus sancti gratiam, sed solum asserabant conferri potestatem aliquam, aut quoddam jus. R. ex Concilio Carthaginensi 4. à cap. 1. usque ad 9. in quibus agitur de hoc Sacramento. Insuper ex Concilio Trident. sess. 7. de Sacramentis in genere Can. 1. & sess. 23. Canon. 2.

I i

& Epist.

& Epist. 1. ad Timoth. cap. 4. *Noli negligere gratiam, qua in te est, qua data est tibi per prophetiam, cum impositione manuum presbyterii.* Etiam ex Epist. 1. ad Timoth. cap. 6. reprobantur hæretici, qui negant per Sacramentum Ordinis conferri gratiam sanctificationem. Insuper ordines in veteri lege, diversique gradus fuerunt à Deo instituti, per quos conferebatur ordinato sanctitas quædam legalis, & sic ordinati Altari ministrabant; ergo etiam in novâ lege dicendum est Christum instituisse Ordines, quibus initiati ministrarent in sacrificio; & cum hoc sacrificium sit longè præstantius sacrificiis legis veteris, etiam major sanctitas debet conferri ordinatis, qui debent hoc excellens sacrificium offerre. Nec valet dicere Ordinem non esse Sacramentum, quia non ordinatur ad sanctificationem suscipiendis, sed aliorum, scilicet populi; ordinatio enim nedum tendit ad sanctificationem aliorum, sed etiam ipsius ministri, ut scilicet dignè valeat ministrare. Nec sequitur, ut dicunt hæretici, quod si Ordo esset Sacramentum, cum septem sint Ordines, plusquam septem essent Sacramenta in Ecclesia, scilicet tredecim: nam cum omnes Ordines tendant ad Eucharistiam ritè conficiendam, sequitur quòd omnes Ordines sint unum Sacramentum, quatenus ordinantur ad unum, & eundem finem, respectu cuius finis omnes Ordines habent inter se connexionem; omnes itaque Ordines per se singillatim sumpti sunt Sacramentum; sed quatenus tendunt ad eundem finem, unicum tantum sunt Sacramentum, quia rei unitas specificatur à fine ad quem regularitè, & subordinate dirigitur; cum itaque omnes ordinationes sint successivè subordinate respectu ejusdem finis, omnes unum Sacramentum efficiunt, licet in omnibus conferatur gratia; nam plenitudo omnium gratiarum, quæ in ordinationibus diversis conferuntur, invenitur in eo, qui accipit ordinem Presbyteratus, quo insignitus immediatè potest conficere Eucharistiam.

12. Dicebant se capaces esse viden-

di corporeis oculis SS. Trinitatem. Rep. ex sacris literis in quibus Deus invisibilis multoties prædicatur. Deindè communi Theologorum consensu, qui unanimè asserunt non posse oculum corporeum elevari ad videndum Deum.

13. Phantasticis visionibus, quæ per dæmonum illusionem solent fieri, vehementer delirabantur, ac quibusdam rerum futurarum præsumptis revelationibus, eò insaniz pervenerant, ut non tantum dicerent se esse perfectos, sed vel Angelum, vel Prophetam, imò & Christum esse jactarent, reliquos autem indignos esse Christiano nomine. Sed & repente saltantes, super dæmonem se saltasse jactabant, & digitis sagittantium speciem præferentes, se in dæmonem jaculari allucinati, plura perpetrabant, in quibus insanum quemdam furorem erat reperire.

14. Negabant aliquid dandum esse mendicis, sed sibi omnia suppeditanda, eò quòd ipsi soli essent pauperes spiritu. R. Nam de bono elemosynæ pauperibus erogato tot sunt Scripturæ, & SS. PP. testimonia, ut facilè sit convincere negantes irrogandam esse elemosynam, quam tot repetitis vicibus nobis inculcant sacræ paginæ, quæ etiam expriment quot, quantaquæ bona per elemosynam nobis proveniunt.

15. Docebant ad libitum posse solvi conjugia. R. verbo *Abstinents*.

16. Suadebant filiis neglectum Parentum. R. ex quarto Decalogi præcepto, & ab ipso naturæ instinctu, hæc siquidem non modò homines, sed etiam irrationabilia animalia docet obsequiosè vivere erga Parentes suos.

17. Dicebant posse hominem ad perfectionem, atque ad similitudinem, & æqualitatem Dei pervenire humanà virtute, ac scientia, ità ut assererent se neque cogitatione, neque ignorantia, cum ad consumationis culmen ascendissent, posse peccare. R. Nam hominem suis solis viribus, absque Dei gratia nihil boni meritorie, vel rectè in finem ordinatum posse efficere, constat ex iis, quæ dicuntur de necessitate gratiæ contra

tra Pelagium. Hominem verò quantumcumque perfectum non posse ad æqualitatem Dei pervenire, superfluum est ostendere; quis enim adeo cæcus, ut non discernat magnum cahos esse inter Deum & hominem, inter Creatorem, & creaturam? quæ tanquam nihilum, & inane est ante Deum, cujus perfectionem infinitam, non modò inæquabilem esse, sed etiam incomprehensibilem, ex ipsa ratione infinitatis liquidò constat. Detrusus est Lucifer in profundum abyssi qui se similem Altissimo præsolari ausus est; omnis creatæ, & acquisitæ perfectionis splendor, ante conspectum lucis æternæ statim obscuratur. Cæterum quàm impudentissimum sit, quod asserbant se in culmine perfectionis constitutos, non posse cogitatione quidem, aut ignorantia peccare, satis perspicuum est; quis enim valeat culmen perfectionis attingere, cum ipsi iusti ad maiorem æmulandam iusticiam à Deo excitentur? *Qui iustus est iustificetur adhuc*. Quis se impeccabilem gloriari valeat, cum nemo sciat an sit odio, vel amore dignus? Unde semper cum timore, & tremore nostram operari salutem sapienter nos hortatur Apostolus.

18. Alii ex Messalianis dicebant ab hominibus orantibus foras egredi dæmones per excrementa corporis.

19. Alii credebant peccatum esse huiusmodi excrementa expellere; abutentes ad confirmationem huius erroris illo Matth. 15. *Non quæ intrant per os inquinant hominem, sed quæ exeunt*; & hac ratione matrimonium damnabant, quòd in generatione prolis è corpore semen egredi necesse est, quos confutavit præcipuè circa hunc errorem S. Athanasius ad Amonem Archymandritam scribens. Cæterùm in illo textu Christum locutum fuisse de verbis impuris, contumeliosis, de malis cogitationibus, & similibus, non verò de excrementis corporis, satis clarè ostendunt sacri Expositores, Immo ipse sacer Textus. Hic recensendi errores quorundam, de quibus refert S. Epiphanius in sua Anacephaloesi, quorum alii cum nullis peni-

tus hominibus preces faciebant; reprobante eos Domino, qui in medio illorum se esse profitebatur, quandò in Dei nomine sunt congregati; quique præcepit Salomoni, ut templum edificaret, ad hoc ut Iudæi ad orandum convenirent, & eorum oratio efficaciam majorem obtineret. Alii licet laici sacra Mytheria propriis manibus contrectabant. R. verbo *Carlosladus*. Alii se ipsos constituiebant Episcopos, & Episcopalia munia obibant, in quo casu, si esset in uniuscujusque arbitrio se Episcopum constituere, jam patet omnes posse esse Episcopos, nullum esse gregem, & omnes esse Pastores. Alii se ipsos castrabant. R. verbo *Valesiani*. Alii cum nullo prorsus communicare volebant. R. Quia qui non communicant cum Ecclesia Catholica, non potest esse Catholicus, qui enim non communicat cum Ecclesia vera, quæ una est, certum est esse extra Ecclesiam, qui est extra Ecclesiam non potest esse Catholicus; ergo verus Catholicus esse non potest, qui non communicat cum vera Ecclesia. Tum quia ratio veræ Ecclesiæ postulat, quòd sit unà unione membrorum inter se cum suo capite, sed hanc unitatem tollit quantum in se est, qui non communicat cum Ecclesia, ergo cum nemine communicare non licet, sed necesse est communicare cum membris, & cum capite Ecclesiæ, qui est Romanus Pontifex.

XVI. ENTUSIASTÆ NOVI Idem sunt ac Anabaptistæ, quos inter Antilutheranos constituit Lindanus. Certum est ex Lutheri schola fuisse progenitos, siquidem gloriantur Anabaptistæ, qui dicti sunt Entusiastæ, Lutherum habere auctorem, & ob prætenfas revelationes, quas jactitabant, Entusiastæ sunt nuncupati. Expectabant itaque Divinos afflatus, visionesque Cælestes quibus repleri, & frui gloriabantur. ex hac secta fuit Joannes Bahaldi Batarus Monasteriensis Sartor, qui suis persuasit spiritum ei mandasse ut Rex fieret in Israël, & Rex iustitiæ super omnem terram, tantumque valuit apud idiotas hæc persuasio, ut in Regem eum receperit, quare facta solemnità, illaque exple-

tà, leges toti orbi distavit, & Apostolos in mundum destinavit, ut eas leges cum doctrina sua promulgarent. Hujusmodi Entusiastæ totam Spiritus sancti abundantiam sibi pollicebantur, ut quæcumque in mentem venirent, opera Spiritus sancti esse arbitrantur, allegando præ confirmatione tanti erroris illud Jeremix 31. *Dabo legem meam in cordibus eorum*, & illud Joannis 16. *Spiritus veritatis docebit vos omnem veritatem*. Quàm pestilentissima sit hæc hæresis, quis non discernat? quippe quæ ad omnia facinorosa viam parat, & quæcumque fingendi dogmata licentiam concedit. Patet juxta hanc hæresim, quòd quicquid errores suggerere potest humana malitia, tanquam certissima dogmata habendi sunt, & executioni mandandi, & tot fore leges, quot erroneas opiniones posset homo adinvenire. Quot quantaque scelera patrata sint ab hujus hæresis sequacibus, non modò referre, sed etiam cogitare humano captui impossibile est. Contigit in quadam Italici Civitate, in qua exerat hæc hæresis pullulare, quòd quidam Entusiasta volens alterius uxorem conspuare, dixit collegæ. Spiritus sanctus dixit mihi ut cum uxore tuâ dormiam, collega annuens locum facinorari daturus, è domo abscessit, sed stuprator filii majoris pulchritudine captus, eum còcubuit. Reversus maritus de facto percunclatur, compertoque quòd non cum uxore, sed cum filia concubuisse; arrepto pugione, ità stupratorem est allocutus, quare mentitus es Spiritui sancto, non nè dixerat tibi, quòd cum uxore mea cubares? Quare ergo cum filia cubasti? Nunc Spiritus sanctus dixit mihi ut interficiam te, & tribus actibus Entusiastam interfecit. Entusiastæ Divinam jactant habere inspirationem, quæ sufficiens sit ad explanandam Scripturam facram, ab hac inspiratione solùm edoceri volunt: in suis conventiculis, inspirationem audituri conveniunt, nihil proferentes, usque dum qui se agitatum ab inspiratione primus sentit, surgit, & juxta inspirationem præteritam loquitur. Mulieres etiam hac inspiratione frui glo-

riantur, & sæpè in præfatis conventiculis loquuntur. Gasparem Svenhsfeldium Silesium, primum modernorum Entusiastarum restauratorem fuisse, creditur. De Entusiastis Vide verbo *Montanistici*: dñi sunt etiam Entusiastæ *Extatici*: plura de iisdem refert Spondanus.

XII. Eon sive Eupo, natione Brito agnomen habens de Stella, homo illiteratus, & idiota, ludificatione dæmonum ità dementatus est, ut cum sermone Gallico Eon diceretur, ad suam personam pertinere crederet, quòd in Ecclesiasticis exorcismis dicitur, scilicet *Per eum qui venturus est judicare vivos, & mortuos, & seculum per ignem*; ità planè fatuus, ut Eon, & eum confunderet, unde se credebatur dominatorem, Judicem vivorum, & mortuorum. Mediis præstigiis, & incantationibus, quibus utebatur, modico tempore longa spatia peragrabat, sibi que, & sectatoribus suis lautas mensas, sed in re aeræas, & apparentes apponens, superbè indutus, unà cum suis, ope dæmonis se conspicendum præbebat; ex quo lauro, & apparenti modo vivendi plures alleciti, non cogitantes meras fuisse dæmonis præstigias quidquid Eon agebat, eundem sequebantur, & tamquam terræ Dominum venerabantur. Tandem à Rhemensi Archiepiscopo anno 1148. captus est Eudo, quem frustra comprehendere plures Principes, missis satellitibus, conati fuerant; ipse siquidem accedentibus satellitibus, ope dæmonis statim ab eorum oculis evanescebat. Ad Concilium Rhemense Præside Eugenio III. deductus, quis esset, interrogatus, dixit se illum esse, qui judicaturus erat vivos, & mortuos: & quid significaret baculum bifurcum quod habebat præmanibus exquisitus, respondit: quandiù, sicut nunc videtis, hoc baculum duobus cæli caputibus suspicet, duas orbis partes Deus possidet, tertiam mihi partem cedens: quòd si duo superiori baculi capita submitto, jam duas orbis partes ego possideo, & tertiam Deo relinquō. Irriserunt omnes adeò dementium virum, quem carceri mancipandum ex Decreto Con-

Concilio sancitum est, ubi exiguo tempore supervixit, & plures ejus sectatores, obstinati persistentes, igni traditi fuerunt. Ex Bar.

IV. EPICTETUS. S. A. Arianus interloquitur in Dialogo Liberii cum Constantio, quem Dialogum ex Theodoro lib. 1. cap. 16. desumptum refert Baronius anno 355., ex quo quanta esset, & quam impia Epicteti pertinacia facile comprehenditur. Pravos mores Epicteti qui fuit ordinatus ab Arianis Episcopus, describit S. Athanasius episcoll ad Solitarios. Fuit Epictetus propter Arianam hæresim, quam acriter tuebatur, Constantio familiaris, & earum tantæ autem crudelitatis, ut Rustinum Catholicum Episcopum, antè Rhedam suam tandiù eurrere cogerit, quousque ruptis præcordiis, fuso sanguine expiravit.

I. EPICURUS. Aristipius Epicuri, qui propè Athenas ortum habuit, discipulus, multùm ante Christi adventum, hoc est Olympiade centesima nona in ea fuit sententia, ut Deum nullatenus hæc inferiora curare effutiret; proinde illum solum esse beatum contendebat, qui præsentibus voluptatibus, quantum posset frueretur, nec mortem, nec Deum exstimesceret. Deum quidem, utpotè hæc inferiora non curantem, mortem verò, quia animam cum corpore mori dicentem, nullam post mortem voluptatem superesse prædicabat. Dicti sunt autem hujus sententiz sectatores Epicurei, non Aristipiani, quia eum Aristipius fuerit Epicuri Discipulus, hanc sententiam Aristipium ab Epicuro didicisse aliqui sed falsò, ut reor, sunt arbitrati; nam teste Laëtantio, & aliis antiquis Scriptoribus, Epicurus beatitudinem in voluptatibus animi constituit, nullatenus verò in voluptatibus corporis; fuit enim Epicurus vir (ut traditur) continentissimæ vitæ & probitatis, sed hanc notam improbus discipulus probò magistro inussit. Verum quidem est, quòd cum Epicurus non satis distinguere de quà voluptate loqueretur, pluribus occasione præbuit dicendi, quòd in voluptatibus corporis

beatitudinem constituerit. Attamen Aristipio non Epicuro debetur hæc sententia, nam si opera laudant magistrum, Epicurum virum fuisse virtutibus moralibus, inter ceteros Philosophos ornatisimum, asserit etiam Cicero lib. 2. de fine. Cum verò hæc sententia, licet antè Christi adventum, auctore Aristipio inter plures invaluerit, & post Christi adventum etiam plures sectatores habuerit, idè de hac etiam in hoc opere agendum censuimus, & utinam, prohodolor & etiam hac nostrâ ætate sectatores habere non gloriaretur tam perniciofa sententia, in quam facile labuntur plures Calvinistæ, & Lutherani, sic enim Diabolus consuevit multos ex ipsis agitare, ut dum summâ inconstantia, nunc hoc, jam illud credunt, tandem nihil prorsus credant. Nonnullos ex his esse inter Calvinistas facile noverit, qui unum ex illis Ministris Genevæ prædicare ausum fuisse compererit, animam cum corpore extingui, ut refert Præteolus verbo *Astri*. Certum est quòd ex quo cœpit serpere hæc lues, semper plures infecit; unde etiam tempore D. Pauli quosdam Epicureos eum eodem Athenis disputasse, constat ex actibus Apostolorum 17. Epicureorum dogma est sequens.

Beatitudo in solis voluptatibus corporis consistit, ede, bibe, post mortem nulla voluptas. R. Ex Epist. ad Rom. cap. 6. vers. 23. *Gratia Dei vita æterna*. Ex Psalmo 16. *Satiabor cum apparuerit gloria tua*. Jo. cap. 14. vers. 2. *Vado parare vobis locum*, & Psalmo 35. *Apud te est fons vitæ, & in lumine tuo videbimus lumen*; ex quibus, & aliis Scripturæ textibus constat beatitudinem haberi non posse in hac vita, & consequenter non posse reponi in voluptatibus corporis, de quibus ait Ecclesiast. *Vanitas vanitatum*; quas omnes Apostolus arbitratus est ut æterea, ut Christum lueri faceret. Tum quia de essentia beatitudinis est quòd sit æterna, sed nulla mundana voluptas est æterna ergo &c. Tum quia beatitudo perfectè satiat beatum, sed voluptates mundanæ nauseant ipsos, qui illas prosequuntur, ergo &c. Insupèr beatitudo

titudo est status perfectus, status huius vitæ est oppositus, quia in hac vita homo non potest pervenire ad statum omnium bonorum aggregatione perfectum. Tum quia viri magis perfecti, à voluptatibus huius mundi quantum possunt declinant, ergo beatitudo non potest reponi in voluptatibus corporis.

III. EPIGONIUS. Epigonium fuisse auctorem hæresis Patristianorum refert Theodoretus, hæretic. fabul. lib. 3. quam quidam tribuunt Noeto Sabellii præceptor. Hæc hæresis verbo *Noetus* reprobatur.

II. EPIPHANES filius Carpocratis ex matre cui nomen erat *Alexandra*, Cephaleus, Samæ quæ est Urbs Cephalenis fuit sepultus, & tanquam Deus a suis colebatur. Vixit tantummodò annis 17. sed in impietate proventus, plura scripsit contra Catholicam Religionem cum à Patre Platoniam Philosophiam didicisset, auctor fuit monachicæ cognitionis, docens uxores debere esse communes. Edificatum est templum Samæ à Carpocratianis in honorem Epiphaniæ, ubi recurrente nova luna ipsi sacrificabant. Reprobatur quoad communitatem uxorum verbo *Adamita*.

XV. ERTSCORTUS. Simon Amstelodami anno 1583. natus, post exactum in universitate Leideni litterarum studium, & Magisterium in artibus assumptum, Theologiz incubuit. Amstelodami minister electus, in hac electione contrarios habuit Gommaristas, eo quod Arminianis adhereret; hinc Galliam profectus, & Hollandiam reversus, prope Rotherodamum iterum minister constituitur, & Theologiz professor in Academia Leideni electus, ad Dordectanam Synodum se contulit, à qua intigantibus Gommaristis expulsus, & à suo ministerio exautoratus recessit; sed iterum prævalente Arminianorum factione, denudò Amstelodamum revocatur, ubi anno 1643. decessit.

Ducit tolerantiam cujusque sectæ, dummodò Scripturæ auctoritatem admittet, quocumque sensu explicaretur. R. Ex iis quæ dicta sunt verbo *Bisidi*.

Tum quia licet certum sit quòd vera fides fundatur in Verbo Dei, aut scripto, aut tradito, certum etiam est, quòd Scripturæ sacræ intelligentia non est à Deo omnibus concessa, sed Doctoribus Catholicis, piisque, ac humilibus Sanctis Dei, lumen veritatis Scripturarum affulget; atque certò, & infallibiliter est concessa soli Pontifici Rom., & Ecclesiæ sive ex consensu Rom. Pontificis in Conciliis congregatæ, sive sub ejusdem magisterio, per Orhem diffusæ: ex quo sequitur solam Religionem Catholicam Rm., quæ habet verum sensum sac. Script. esse admittendam, nec alias sectas esse tolerandas, quæ ad suum beneplacitum Scripturæ sensum interpretantur. Tum quia data positione Episcopii, sequeretur posse dari duas sectas veras, quarum una esset in sensu Scripturæ alteri sectæ omninò contraria, quandoque una interpretaretur Scripturam in sensu opposito, ab alia secta explanatam.

II. ERACLITUS à quodam viro, cui nomen erat Eraclius exorti sunt circa annum 182.

1. Monachos recipiebant, & abominabantur reliquos. R. exemplo Christi & Apostolorum, qui omnes ad eos accedentes dirigebant in viam salutis. Tum quia Christus diversos status in Ecclesiæ esse voluit, ubi alios ad statum Religiosum vocat, alios in statu laicali pertere rare permittit. Tum quia Christus præcepit Apostolis ut omnibus prædicarent Evangelium, non autem præcepit ut omnes ad statum Religiosum capessendum hortarentur, status enim Religiosus est consilium, non præceptum. Tum quia etiam in statu laicali potest homo Deo servire, fidem Evangelicam servare, & viam perfectionis arripere, sicut de facto in statu laicali plures sanctificati sunt.

2. Conjugia respuebant. R. verbo *Adamita*, & verbo *Armeni*.

3. Parvulos licet baptizatos, ante usum rationis decedentes, salvari posse negabant. R. ex iis quæ dicta sunt verbo *Anabaptista*.

XVI. ERASMUS inter Unitarios celebris.

bris, Antuerpiæ Audiis præfectus, hinc abscedere coactus propter doctrinæ novitatem, quam promulgabat, Transylvaniam se contulit, ubi minister electus fuit ab Unitariis, eâ tamen conditione, ut Arianismum doceret. Cum Socino bido Cracoviæ disputationem habuit, quæ disputatione postmodum à Socino publicata fuit.

1. Dei filium ante omnia creatum fuisse asserbat. R. Illis omnibus rationibus, quibus Divinitas filii Dei asseritur. Tum quia implicat esse Deum, & esse creatum. Tum quia de filio Dei, ait Joann. in Evangelio; *Omnia per ipsum facta sunt*, ergo dici nequit quod Dei filius creatus sit ante omnes creaturas; creator enim quæcumque illa sit, eo ipso quod est creatura, nequit elevari ad creandum, ergo si omnia per Dei filium creata sunt, Dei filius non est creatus, sed à Patre genitus ante omnia secula, Deus verus, de Deo vero. Vide verbo *Achillas*.

2. In disputatione, quam habuit cum Socino, ostendere nixus est, Jesum Christum non fuisse Dei filium, antequam à matre nasceretur in tempore. R. Quia involvit contradictionem esse Dei filium, consequenter esse Deum, & nasci in tempore, cum ratio Divinitatis essentialiter dicat esse ab æterno, & idem est dicere Jesum Christum esse Dei filium in tempore, ac absolute negare Dei filium esse verum Deum, seu verum Dei filium.

ERASMUS. Vide *Desiderius Erasmus*.

XVI. ERASMUS Sarcerius, secta Calvinista, vixit circa medium seculi 16. Methodo in præcipuis Scripturæ locos, cui conscribit Bartholomæus Westemerus ad Psalm. 33. negat Angelos pro nobis orare, & rectè à nobis invocari, & honorari. R. verbo *Calvin*.

XV. ERASTIANSÆ Secta hæreticorum Erasmiensis est. Thoma Eraste Anglo nomen sortita est, corrente seculo decimoquinto. Vide *Salmonstunum* in hist. Anglic.

Asserbat penes Ecclesiam non esse

potestatem infligendi excommunicationem. R. verbo *Albanenses*.

ERIGENA. Vide *Joannes Scotus Erigena*.

VIII. ERNUOLVUS à Sancto Bonifacio Germanorum Episcopo, cum visitaret Bajuariam, quidam hæresiarcha nomine Ernuolfus damnatus est, & ejus hæresis vix nata, statim fuit extincta. Quos autem in errores Ernuolfus impegit, ignoratur; Auctor siquidem vitæ S. Bonifacii, de hæretico damnato solum mentionem facit, non autem de qualitate hæresis, quam promulgabat circa medium octavi seculi, ex Baron.

VIII. ESAIAS unus est ex illis hæreticis, quos corrente octavo seculo S. Sophronius primò monachus, deindè Jerusalemorum Episcopus anathematizavit, unâ cum Barzanusio, & aliis. Istos hæreticos fuisse Monothelitas, ex hæresi, quæ tempore S. Sophronii in Oriente vigeat, & quam eradicare idem Sanctus enixè rudit, facile colligitur.

XVI. ESSENTIATORES inter Antichristianos reponit Gravina, & sunt quidem Trinitatis emerfi anno 1565. qui dicebant.

1. Solum Patrem habere Divinam essentiam. R. ex iis, quæ dicta sunt contra *Arium* ad ostendendam consubstantialitatem Filii cum Patre. Vide etiam verbo *Acacianus*, & *Anomai*.

2. Filium & Spiritum sanctum essentialiter esse à Patre; ac proinde si ante non erant, ceperunt esse, sicque in eis nulla est Deitas essentialis, sed creata Divinitas que est dicta essentialiter, consequenter esse personas veluti titulares blaterabant. R. ex locis supracit.

VII. ETHNOPHRONTES orti sunt seculo septimo, Christianos se esse iactabant, & mores Ethnicorum sectabantur, siquidem fortunæ, fato, Astrologiæ judiciorum, variisque observationibus, & superstitionibus dediti erant. R. verbo *Basiliides*. De his agit S. Joann. Damasc. de hæres.

IV. EVAGRIUS origine Iberus citra Pontum Euxinum, quem S. Hieronymus appellat *Hyperboritam*, fuit à S. Basilio

Le-

Leſtor ordinatus, & à Sancto Gregorio Nazianzeno Conſtantinopoli factus Diaconus, indè Jerofolymam ſe contulit, poſtmodum inter Monachos Nitriæ ſceſſit, ubi ad plures annos ſerè incognitus vixit. Plura ſcripſit, utpotè vir litterarum ſcientiæ celebris, præcipuè in diſputationibus contra hæreticos diſertus, ſed adedè mordicùs ſectatus eſt Origenis errores, ut, teſte D. Hieronymo, præparaverit Pelagianis materiam dubitandi. Indolentiam Roicam in Eccleſiam introducere conatus eſt, aſſerendo hominem ſtatim ad culmen perfectionis ex ſe poſſe ſcendere. R. ex omnibus Scripturæ locis, ex quibus evincitur neceſſariam eſſe gratiam ad benè operandum, ergo à fortiori ad acquirendam perfectionem, ad quam nonniſi gradatim de viâ ordinariâ perveniri, ipſa experientia rerum omnium magiſtra comprobât, & teſtatur unanimis SS. PP. conſenſus. De Evagrio ſcribit S. Hieronymus ad Cteſiph.

XVI. EVANGELICI, dicti ſunt ſectatores Lutheri, qui doctrinam Evangelicam à Luthero corruptam ſectari gloriabantur, ſed quam perperam hoc nomen ſibi uſurpent, qui omninò à veritatibus Evangelicis aberrantes, potiùs dæmoniacci ſunt nuncupandi, quandoquidem Lutherus ipſe plura quæ ſcripſit à dæmone accepiſſe gloriatur, ſatis ex ejus operibus patet, & eruditè oſtendit Lindanus in ſuo dubitatio Dialogo 3.

XVI. EUCHTIZ. Veterum Euchitarum, ſeu Entuſiaſtarum ſectam, quantum ad efficaciam orationis ſpectat, renovarunt quidam, qui anno 1544. ex ſchola Lutheri prodierunt, à quâ deindè diſcordantes, inter Antilutheraanos communiter ſunt reſcenſi, dicti etiam *Orantes*, & *Pſalianti*.

1. Chriſtiano numquam ab oratione vocali fore ceſſandum aſſerebant. Rep. primò ex ipſa impoſſibilitate, nam cum homo debeat plura alia exercitia ad vitam, & vitam neceſſaria peragere, iſſuq; animo & ſenſu intendere, conſtat non poſſe ſemper orationi vocali vacare. Tum quia plures Sancti, inter quos D. Pau-

lus identidem vacabant ab oratione, & operi manuum attendebant. Tum quia, nullum de hac continuâ oratione vocali extat in ſacris pag. præceptum, & ubi legitur: *Oportet ſemper orare*, ſignificat quòd opera noſtra debemus ſemper ad Deum, vel actualiter, vel virtualiter dirigere.

2. Summam Fidei, & ſalutis in ſola oratione conſtituebant. Rep. verbo *Adelphius*.

Iſis hæreticis opponuntur ex diametro *Non orantes*, quibus, ut ſcribit Philopater, Anglia abundat. De utilitate, & neceſſitate orationis dictum eſt contra *Celeſtianos*. Extat etiam de eodem argumento inſignis tractatus inter opera Card. Roſſenſis.

IV. EUDOXIUS in Arabiſſo minoris Armeniæ Oppido natus; & S. Luciani Martyris diſcipulus, à magiſtro ſuo omninò degener, Diocletiani Imperatoris cedens crudelitati, Idolis obtulit ſacrificium; deindè in Arianam hæreſim prolapſus, novis etiam adinventis erroribus, impietatem impietati ſuperaddidit. Primum Germaniciæ urbis Syriæ Epicoſopus fuit, deindè ad Antiochenam ſedem tranſlatus, demùm Conſtantinopolitanam invaſit. A Conſtantio in exilium eſſectus, brevi revocatur, & cum in Antiocheſa ſede moraretur, conatus eſt in Eccleſiam reducere jam damnatum Actium, & convocato ad hunc effectum Epicoſorum conciliabulo, eundem in Diaconatus gradu reſtituere, cum quo jam pridem amicitiam inſerat, & à cujus pravis moribus nullatenùs diſcrepat. Quia verò Eudoxius Sancti Caſarii Martyris filius fuit, hac prærogativa utebatur ad ſuas hæreſes ſtabilendas, illam præcipuè, quâ Filium in Divinis Patri ſubſtantialitèr diſſimilem aſſerebat. Hoc etiam à ſuæ impietatis collegis, Aetio ſcilicet, & Eunomio obtinere niſus eſt, ut ejus ſectatores Eudoxiani potiùs, quàm Aetiani, vel Ebnomiani nuncuparentur. Sed tanta Eudoxii impietas, cum ipſis hæreticis facta eſſet exoſa, à Semiarianis in conciliabulo Seleuciendi damnatur. Attamen Conſtantii Imperatoris Ariani patro-

patrocinio fretus, ad Constantinopolitanam sedem se transtulit, ubi Valentem Imperatorem baptizaturus, prius exegit ab Imperatore iuramentum de propaganda hæresi Ariana, pro qua ipse Eudoxius acriter militabat, qui senio confectus, tandem in impietate sua decessit, à Lampaceno Concilio damnatus, de quo plura videre est apud Niezph.

1. Dixit Filium esse dissimilem Patri. R. verbo *Auomai*.

2. Deum Filium solùm æquivoce Deum dici, ac nominis solius participem esse. R. verbo *Georgius David*.

3. Dei Verbum non secundum substantiam, sed secundum virtutes tantum humano corpori unitum esse. R. verbo *Apollinaris*, *Budneita*, *Dimetriza*. Fortius adhuc rejicitur; quia Verbum verè, & realitè est incarnatum, legimus enim: *Verbum caro factum est*, sed hoc dici non posset, si tantum secundum virtutem unitum esset humano corpori; ergo &c.

4. Fidem, quam ipse prædicabat, dicebat sufficere ad salutem, etiam si gravia crimina quis perpetrasset. R. Quia fides illa potius ducit ad damnationem; est enim perfidia. Tum quia nihil eoinquinatum intrare potest in regnum cælorum, eum tamen rectè credant multi eoinquinati. Tum quia penitentiam homini lapsò esse necessariam ad salutem identidem proclamant satis nota Scripturæ testimonia. Tum quia solam fidem non sufficere ad salutem, dictum est contra *Antinomos*. Tum quia Deus per os Prophetæ nos monet declinare à malo, & facere bonum, quod superfluum esset, si per solam fidem posset homo salvari.

5. Dixit Deum ità esse comprehensibilem ab homine viatore, sicut à se ipso, proinde gloriabatur se cognoscere Deum. R. Ex Concilio Lateran. sub Innocentio III. cap. *Firmiter*: ubi Deum ab humano intellectu incomprehensibilem esse asseritur. Tum quia virtus intellectus creati est limitata, ergo intellectus creatus non potest comprehendere objectum infinitum, quale est Deus, cujus cognoscibilitas est infinita; unde Jeremiz

Tum. I.

cap. 32. legitur: *Deus magnus consilio, & incomprehensibilis cogitatu*. Tum quia si intellectus creatus posset comprehendere Deum, posset homo æquè esse beatus, ac ipse Deus, sed hoc non; creatura enim non potest æquare Creatorem; & ad comprehendendum Deum opus est cognitione infinita, quam solus Deus possidere potest. Tum quia quidquid scientiæ comprehenditur, scientiis comprehensione finitur, sed Deus non potest finiri à scientia creata, ceterum jam non esset infinitus. Nec valet opponere illud Joannis: *Videbimus eum sicuti est*, nam opportunè dixit S. Joannes: *Videbimus*, non *comprehendemus*, aliud enim est videre, aliud comprehendere objectum; videbimus ergo sicuti est, quia videbimus essentiam, attributa, & personas, non autem comprehendemus, quia infinita objecti perfectio, non potest æuari ab intellectu creato.

6. Reliquias Sanctorum, illorumque cultum contemnebat. Repr. quoad cultum Sanctorum, verbo *Beza*, quoad cultum reliquiarum etiam reprobat exemplo Moysis Exod. 13. ubi legitur, quòd ossa S. Joseph honorificè collegerit, & 4. Regum 23. Josias ossa S. Prophetæ asservari iussit. Item ex Concil. Nic. 2. artic. 3. & 7. & Carthag. 5. can. 14. reliquias esse colendas decernitur. Tum quia plura miracula per reliquias Sanctorum Deus fecit, & aliorum Sanctorum reliquie divinitus fuerunt revelatæ, ex quo evidenter deducere est, cultum sanctorum reliquiarum Deo placere. Tum quia corpora Sanctorum sunt destinata ad æternam gloriam, fuerunt organa animarum ad omne opus bonum, sunt instrumentum Dei ad patranda miracula, ut narrat Scriptura de ossibus Elisæ; ergo &c. Apostolus autem per verba, ad Col. 2. vers. 18. *Nemo vos sedurat*, non improbat cultum Sanctorum, aut reliquiarum, ut contendunt Hæretici, sed significat nihil infra Deum esse adorandum superstitiose, more Gentilium, sive eodem modo quo colitur Deus, nempe adoratione latræ.

7. Miracula Sanctorum dixit esse
K k praz-

præligias dæmonum. Rep. verbo *Wal-*
deses.

8. Docuit Baptismi reiterationem.
R. verbo *Anabaptista*.

9. Negavit Myſterium SS. Trinitatis. R. verbo *Bogomilli*.

10. Solùm peccatū in Baptismo voluit eſſe abluendum. Ridiculum proſus commentum.

11. Licere abſque peccato ſe carnis libidinibus quomocumque polluere. R. ex præceptis Decalogi, ubi libidines diſtrictè prohibentur, contrà quas ſapè invehitur S. Paulus in ſuis epiſtolis, ubi expreſſè aſſerit libidinoſum nullatenus poſſe regnum Dei poſſidere, quam veritatem docent omnes SS. PP.

IV. EUNOMIUS natione Cappadox, Actii diſcipulus, Eudoxii impii hæretici amiciffimus, & in erroribus collega, ab eodem edoctrus eſt hæreſim ſuam occultare, dum contra eum proferebantur ab Orthodoxis accuſationes, quam deindè commodius patefaceret, & propagaret. Licet autem juxta Eudoxii conſilium ſtuderit Eunomius ſua impia ſecula tegere, nihilominus de ſua impietate convictus, conſilio præfati Eudoxii fugam arripuit, & ſcriptis hæreſim ſuam audaciùs defendens, in ſignis evaſit Hæreſiarcha, impio Actio magiſtro non impar. Vir fuit corpore & animo leproſus, interiùs exteriùſque morbo regio corruptus. Eleuſio ab Episcopatu Cyſiceno exturbato, ejus locum obtinuit; factus Macedonniæ ſcèlæ audaciſſimus propugnator. Sicut autem nullus hæreticorum invenitur Macedonio crudelior, ita nullus plane fuit Eunomio ſceleſtor, qui ſe ſimilem ſcientià prædicabat Altiffimo. Quoad doctrinam ſpectat, cum dialecticis tantummodò ſophiſmatibus deditus eſſet, & ſacrarum litterarum omninò imperitus, planè inſuſa ſunt, quæ contra Catholicam veritatem auſus eſt dicere, & ſcribere; cumque ad Concilium Conſtantinopolitanum à Theodoſio Magno Imperatore vocatus, ut ibidem cauſam ſuam diceret, acceſſiſſet; Catholicis adharere renuens, cum ſuis ſequacibus damnatus fuit, ex quibus

potiores fuerunt *Theophronius Cappadox*, *Eupſychius Urbicus*, & *Philoforgius*. Ad tantam impietatem pervenerat Eunomius, ut nihil curaret præcepta à Deo hominibus præſcripta, dicens nihil aliud Deum à nobis expetere, quàm ut eum cognoſcamus.

Ex hoc falſo principio, totius moraliſ ſequebatur corruptela. Quàm ſint neceſſaria opera ad ſalutem, & obſervantia mandatorum Dei, ſatis conſtat ex iis quæ dicta ſunt contra *Antinomus*, & *Lutherum*, qui ſola fidem ad ſalutem ſufficere aſſeruit. Tum quia ſi opera non eſſent neceſſaria, ſuperfluum fuiſſet, quòd Chriſtus præcepta obſervanda propoſuiſſet hominibus, quorum obſervantiam adeò inculcavit in lege, & Evangelio, ut ſine illorum obſervantià nullatenus poſſe obtineri ſalutem expreſſè aſſerat. Eo quòd Eunomiani ſecretos conventus agerent, dicti ſunt etiam *Trogladithæ*. Severiſſimè hæreticos Eunomianos exagitavit Arcadius, ſuadente S. Chryſoſtomo, intimato etiam capitali ſupplicio contra Eunomianorum receptores; diverſique pœnis Eunomianos ſubjecit Theodoſius Junior; horumque hæreticorum conventus, jam ante prohibuerat Gratianus Imperator. Egreſſè verò ſcripſerunt contra Eunomii errores Apollinarius, Didymus, Baſilius Cæſarienſis, ambo Gregorii Nazianzenus, & Nyſſenus, quos errores verbo *Eudoxius* reprobatos adducimus.

EUNOMIO THEOPHRONTANI. Vide *Theophronius*.

EUNUCHI. Vide *Valeſii*.

IV. EUPHEMISTÆ ſidem ſunt ac Entuſiaſtæ, dicti etiam *Euphemista*.

II. EUPHRAATES in ſchola Valentini hæretici educatus auctor fuit hæreſis Ophitarum. Vide *Ophita*.

IV. EUPSYCHUS. Primò fuit Eunomii Diſcipulus, & Theophronti collega, ſed cum orta eſſet inter Eunomianos quæſtio, an Chriſtus ultimam horam novèrit, & plures ex Eunomianis affirmativam partem aſſerent, alii negativam, ducti ex verbis Evangelii perperam intellexit. *De die illo nemo ſcit*, & ſimili-

bua

bus textibus malè ad rem interpretatis, Eupfychius negativam partem defensus-
rus, ab Eunomianis se segregavit, &
errorem suum scriptis stabilire curavit,
In reliquis omninò sentiens cum Euno-
mianis. Vixit 4. corrente seculo, &
suam hæresim in urbe Constantinopolita-
na propagavit; cujus sequaces dicti sunt
Eupfychiani, & etiam *Eunomio Ppsychia-
ni*. De quibus mentionem facit Niczph.
hist. Ecclési. lib. 12. cap. 30.

IV. *EUSEBIANI* ab Eusebio Nicome-
diensî Episcopo nomen sortiti sunt. Hic
favore Constantiæ Augustæ à Sede Ber-
tensis ad Nicomediensem translatus, pro-
tectiorem Arii suscepit. Fuit autem Eu-
sebius Luciani Martyris discipulus, à
cujus doctrina, & fide, non modò de-
generasse, sed etiam sub Diocletiano Im-
peratore Idolis sacrificasse, refert Euse-
bius lib. 8. cap. 31. sed à magistro ad pœ-
nitentiam revocatus, iterum lapsus,
Arianæ hæresis adhæsit, & renuens sub-
scribere anathemati Arii, contrà eun-
dem in Conc. Nicæno promulgato, à Pa-
tribus exauctoratus; iterumque simula-
tâ ab Eusebio pœnitentia, iterùm à clem-
entia Patrum restituitur, sed ab Arian-
ismo nunquam descedens, neque um-
quam desistit conspirare contrà S. Atha-
nasium i seductâ etiam Constantiâ Au-
gustâ ad Arii protectiorem suscipiendam.
Ob promulgatas contrà Athanasium ca-
lumnias à Constantino anno 339. in exi-
lium pulsus, ope Constantis Cæsaris,
ut creditur, ab exilio revocatur, à quo
etiam ad Sedem Constantinopolitanam
circa annum 340. transfertur, quam
Sedem duobus tantùm annis cum occupa-
set, tandem infelicitèr moritur, in-
tèr homines sui ævi scelestissimus, bis
apostata, Imperatorum seductor, in
omnes contumeliosus, blasphemus, &
ubique tyrannus; siquidem ejus livore
ex Christianis plures in exilium pulsi,
alii bonis spoliati, alii crudelitèr sunt
trucidati. Ex Socrate, & Sozomeno.

IV. *EUSEBIUS* Eunuchus, Constantii
Imperatoris cubiculari perfectus, & in
ejus aula præ cæteris præpotens, Arii
causam defendere ità accerrimè studuit,

ut Arianorum antesignanus diceretur.
Contrà Nicænam fidem se se multum in-
vexit, ubique Arianos protegens, &
Orthodoxos dispergens. In Deum im-
pius, in sanctos Episcopos, præcipuè
D. Athanasium contumeliosus, ab ima
sorte ad usque jubendum penè Imperato-
ri elatus, tandem Deo sic permittente,
sub Juliano apostata pœnæ lethali fuit ad-
dictus. Ex Niczph. lib. 9. cap. 2.

IV. *EUSEBIUS*. De hoc Eusebio sectis
Novatiano narrat Cassiodorus, quòd
tantos libros memoriæ mandaverat, ut
legentes probabiliter admoneret in qua
parte codicis, quod prædixerant, inve-
nirent. In omnibus disciplinis eruditus,
etiam expositionibus elucidavit; utique
celeberrimus apud posteros futurus, nisi
scientiam suam Novati erroribus obnubi-
lasset: Scribit de eodem Cassiodorus, in-
stitut. Divin. cap. 7.

III. *EUSEBIUS* Natione Alexandrinus
secta Origenista primum ex Ægypto,
deindè ex Palestina fugatus, ad eandem
hæresim promovendam, unâ cum Ar-
monio, & Euthymio Constantinopolim
navigavit, ut ibi Origenis errores pro-
mulgaret. Vixit seculo tertio.

IV. *EUSTATIUS* & *EUTACTUS*. Quem-
dam hæreticum, nomine Eustatium in
Concilio Gangrensi damnatum temporibus
Constantini circa annum 329. cer-
tum est. An autem hic Eustatius fuerit
Monachus, vel Episcopus, dissensio est
intèr auctores. Fuerunt duo Eustatii hæ-
retici, qui seculo IV. vixerunt, unus
qui Archonticorum sectam prostebatur,
sed nullam de novo hæresim instituit;
alius hæresiarca. At illum de quo
hic agimus fuisse quemdam Eustatium
Sebastensem Episcopum in minori Arme-
nia, asserunt Socrates, & Sozomenus,
quibus contradicit Baronius ad annum
361., qui ex levibus conjecturis defen-
dere nititur Eustatium hæresiarcam, non
fuisse Sebastensem Episcopum, sed Eu-
statium quemdam Pseudo-Monachum, de
quo agit Epiphanius hæz. 40. contrà Ar-
chonticos: sed ex D. Epiphanio probare
numquam poterit Baronius Eustatium
hæresiarcam fuisse Monachum, sed potiùs

tiūs secularem Presbyterum, siquidem discipulus fuit cuiusdam Petri, qui certi loci Presbyter fuerat constitutus, & propter hzresim à Presbyterio depositus, teste D. Epiphanio. Ad hunc ergo Petrum à Presbyterio depositum se contulit Eustatius hzresiarcha, qui ex Armenia oriundus ad Palzstinarum terram transieavit, ubi sub disciplina pzæfati Petri, ibi in spelunca ab omnibus defecti degentis, hzresis veneno contaminatur. Exindè profectus in Patriam suam, plures divites, Nobiles, & Senatorii ordinis infecit; hzreses, quas à Petro didicerat promulgando; ex quo colligere est Eustatium hzresiarcham, numquam fuisse Monachum, cum Monachi sub disciplina Presbyterorum secularium degere numquam consueverint sed ex ipsius erroribus Eustatii facile evincitur hunc fuisse Episcopum, siquidem Episcopalem habitum, nempe Bierum contemnendo, in Philosophico habitu, unā cum suis aedulis incedere voluit. Licet autem Spondanus ad annum 319. Baronii sensum, expressum ab eodem Baronio ad annum 361. prosequatur, nullatenus verò prædictum Eustatium Monachum fuisse cum Baronio audeat asserere, imò nec si Monachus fuerit, aliquo digno teste probari posse expressis verbis constantè affirmat. Nescio ergo quā auctoritate fretus Baronius, Eustatium hzresiarcham Monachum faciat. Hoc certum est, quòd Baronius plures notas inussit Ordini Monastico, undè veterum Scriptorum monumentis facile convincitur erroris in pluribus, & à studiosis veritatis indagatoribus identidem emendandus occurrit, ut historicæ notitiæ, quæ sine veritate in fabulam convertitur, sincera notitia habeatur, quam qui legendo Baronianos Annales assequi desiderat, non in solè ejus Annalium lectione debet quiescere, sed unā simul auctores classicos, qui ipsum emendarunt, debet revolvere: quod sine tanti viri injuria dictum sit; novit etiam ille, doctissimos viros aliqua pzo fuisse erroribus obnoxios.

1. Dixit Christum solū pro Apo-

stolis, & eorum imitatoribus legem instituisse. R. Ex verbis Christi pzæcipientis Apostolis ut Evangelium pzædicarent omni creaturæ. Tum quia Christum, non pzæcepisse omnibus observantiam vitæ Apostolicæ quoad austeritatem, quam ipsi profitebantur, constat ex eo, quod tempore Christi & Apostolorum plures divites, & uxorati legem Evangelicam profitebantur solū quoad pzæcepta, non quoad omnia consilia. Tum quia lex Evangelica non potest ab omnibus observari quoad omnia consilia, ceterū non posset propagari genus humanum, ex quo sequitur etiam falsum esse, quod.

2. Dicebat quemcunque salutis cupidum debere renunciare seculo, & vitam Monasticam profiteri. R. Nam Christus Juveni interroganti quid opus esset ad salutem æternam consequendam, respondet: *Serva mandata*, sed nullibi Christus mandavit ut omnes obligarentur ad suscipiendum institutum monasticum, quod est purum consilium.

3. Damnabat Nuptias, & virum cum uxore dormientem execrabatur. R. verbo *Adamita*.

4. Non permittebat esum carniū. R. Ex his quæ dicta sunt verbo *Abstinens*, & verbo *Eucratia*.

5. Docbat servos pzætextu Divini cultus contemnere dominos suos, & filios sub eodem pzætextu despiciere parentes. R. quoad primum ex D. Paulo pzæcipientē servis ut subditi sint dominis suis. Quoad secundum R. ex pzæcepto Decalogi: *Honora Patrem, & Matrem &c.* ex quibus constat obsequium debitum à servis erga dominos, & à filiis erga parentes, non esse contrarium, imò consonum legi Divinæ.

6. Presbyterus, qui aliquando uxores habuissent, contemnendos inculcabat. R. ex Epist. ad Titum. Tum quia Ecclesia semper consuevit unius uxoris viros, post uxoris mortem, vel ipsa permittente ad Presbyteratum promoveri, dummodo aliud non obset impedimentum: & plures Sacerdotes qui uxorati fuerunt, tanquā Sancti venerantur

tur ab Ecclesia; imò fuerunt aliqui Pontifices sanctissimi, qui antequàm Sacerdotio initiarentur uxorem duxerunt, & mortuà, vel ex pari consensu dimissa uxore, fuerunt ad Sacerdotium promoti: sed & D. Petrus primus inter Apostolos à Christo constitutus, uxorem habuit. Ante Concilium Nicænum, sive in primordio Ecclesiæ, in sacris constituto non fuisse requisitum cælibatum, & fuisse tolerantiam, quòd tam Græci, quàm Latini uti possent uxore, quam habebat, ostendit Faustus Naironus in suo opere inscripto *Evangelia Fidei Catholica Romana*. Vide etiam Cardinalem de Lauræa disput. 9. art. 9. parag. 3. de Sacramentis Ordinis.

7. Dixit contemptibiles esse Ecclesiæ, in quibus fideles utriusque sexus orandi causâ conveniunt. R. ex actibus Apostolorum, ubi legitur quòd discipuli cum essent omnes simul congregati perseverantes in oratione, unâ simul cum sanctis mulieribus receperunt Spiritum sanctum; neque à loco ad orationem ordinato scimus umquam Apostolos, mulieres orandi causâ accedentes ejecisse, quod factum est etiam in primitivâ Ecclesia, quando in locis subterraneis Deo dicatis, metu persecutionum, clam conveniebant viri, & mulieres, ut sacris assisterent, ut Corpus Dominicum reciperent, & ut orarent. Insuper bonum esse ædificare Ecclesiæ ad sacrificandum Deo, ad orandum, ad conservandas reliquias Sanctorum, ad ministranda Sacramenta, & ad explanandum populo verbum Dei, quibus de causis meritò templa consecrantur, probatur, ex sacra Scriptura Matth. 26. *Quotidie apud vos sedebam, docens in templo*, ex Epistola prima ad Corinthios, cap. 11. *Convenientibus vobis in Ecclesiam*, ex Concilio Gangrensi. can. 20. Tum quia si non essent Ecclesiæ impossibile esset omnes seorsim edocere. Tum quia omnes SS. PP. mentionem faciunt de templis, & de respectu debito Ecclesiis. Tum quia Deus facilis exaudit orationes, quæ fiunt in Ecclesiis. Tum quia ibi facilius excitamur ad devotionem, ergo bonum

est templa erigere, de quorum dedicatione agunt SS. PP., inter quos abundè satis S. Bernardus in sermonibus quos habuit in dedicatione templi, ubi explicat quid significant ritus, & ceremoniæ quæ adhibet Ecclesia in dedicatione templorum.

8. Ducebat fœminas sub prætextu continentiz virilem habitum gerere. R. Quia fœminæ debent diversimodè, ac homines habitum deferre, qui usus apud omnes gentes invaluit, ut scilicet mulieres diversimodè à viris indutæ incedant. Quod necessarium esse ad servandam honestatem, natura ipsa etiam barbaris gentibus indicavit, statuit etiam pœnis mulieribus, quæ in habitu virili auderent incedere. Et Deuter. 22. vers. 5. legitur: *Non induetur mulier veste virili . . . abominabilis enim apud Deum est &c.*

9. Jejunium die Dominico instituit. R. ex variis definitionibus Ecclesiæ, quæ In diversis Conciliis decrevit ut die Dominico non servaretur jejunium.

10. Jejunia ab Ecclesia præcepta abolevit. R. verbo *Aeriani*, & *Catharorum*.

11. Sanctorum memorias execratur, dicens Sanctus non esse invocandos, nec venerandos. R. verbo *Beza*, & *Vigilantius*.

12. Decimas non Ecclesiæ, sed sibi esse solvendas ordinavit. R. verbo *Apostolici*, & *Dulcinus*.

13. Spiritum sanctum nec Deum vocare volebat, nec creaturam. R. verbo *Airani* contra quos Spiritum sanctum esse consubstantiali Patri, & Filio ostenditur, & consequenter esse Deum.

V. EUTYCHIUS Constantinopoli Archimandrita, & ex eadem urbe oriundus, cum summo odio in hæresim Nestoris invehetur, contra quam tempore Ephesini Concilii exteris præstantibus dimicaverat, inconsiderato impulsus ardore, in oppositam extremitatem præcipitem se dedit, & in suo errore obstinatus persistens, resurgere pertinaciter recusavit, proinde à pluribus Conciliis damnatus, nempe à Flaviano Episcopo in Synodo Con-

Constantinopolitanâ, rursumque in alio Concilio Constantinopolitano sub Legatis Apostolicæ Sedis, deinde in Chalcedonensi. Solebant Euthychiani accusare Catholicos Nestorianismi, sed perperam hoc ab ipsis factum probant condemnationes ab Ecclesia contra Nestorium factæ. Plura ab Eutychnianis passi sunt Catholici Palæstinæ, quorum audaciam Marcianus Imperator, deinde Leo Imperator compescere, poenis contra eosdem inflictiis studuerunt. Plura de Eutyche videre est apud Baronium ab anno 448. usque ad annum 451. Vide etiam D. Augustin. de hæres. cap. 90.

1. Duas in Christo naturas esse negavit, asserens naturas, quæ ante unionem duæ erant, post unionem in unam coaluisse, ita ut naturam humanam in Divinam conversam esse blasphemaret. R. Ex Concilio Nicæno primo; ex Romano sub Damaso; ex Ephesino, Chalcedonensi, Bracharensi, Aurelianensi, Constantinopolitano tertio, & quarto, in quibus duas in Christo naturas esse asseritur, quod constat ex verbis Joannis cap. 1. *Verbum caro factum est*. Hoc enim significat: Verbum Divinum naturam humanam assumpsit. Tum quia Christus humanitatem suam realem esse ostendit Apostolis, Lucæ 20. vers. 30. Christus verè passus est, ut ostenditur verbo *Agareni*, *Arnaldus Brixienfis*, sed non potuit pati quia Deus, ergo quia homo, ergo verè habet naturam humanam. Neque natura humana converti potuit in Divinam, quia Christus, Matthæ ultimo asserit sibi datam omnem potestatem à Patre, sed hanc non potuit recipere quia Deus, quia quia Deus erat æqualis Patri, ergo quia homo. Tum quia implicat ex intrinsicis principiis, conversio humanitatis in Divinitatem. Nec illa verba Joann. *Verbum caro factum est* significant mutationem unius naturæ in aliam, ut contendunt Eutychniani, quia hoc est impossibile, sed significant unionem Verbi, absque sui mutatione factam cum natura humana. Vide verbo *Cosmiani*, *Cerintus*.

2. Negavit Christum natum esse de

Virgine, sed voluit descendisse de cælo cum corpore, & transisse per uterum Virginis, quasi per canale. R. verbo *Albanenses*, & *Balthasar Pacimontanus*. Tum quia si Christus in utero Virginis non fuisset incarnatus, non posset verè dici filius hominis, filius Abraham, factus ex semine David, sicut constanter de eodem asseritur in sac. pag. Tum quia Christus verè ex matre est natus, scilicet Maria Virgine, ut affirmat Scriptura, ergo verè ex eadem corpus assumpsit; non verò per illam transiit; filius enim ille dicitur, qui verè à matre generatur. Insuper dictum est ad Mariam Luc. 1. *Ecce concipies; & paries filium*; sed hoc non potest verificari nisi Christus verè esset de substantiâ matris, à matre genitus.

3. Dixit corpora nostra in resurrectione futura esse invisibilia, & aerea. R. Ex Symbolo Apostolico, ex Concilio Lateran. 4. de Fide, ubi asseritur quod homo resurget cum eodem corpore, quod in vita habuit, non verò cum corpore aereo; insuper ex Job cap. 19. vers. 25. aperte convincitur Eutyches. *Scio enim quoddam Redemptor meus civis &c.* ait ergo Job, *Quoddam rursum circumdabitur pelle sua, & in carne sua, & oculis suis videbit Deum*, ergo non in aereo corpore, ut contendit Eutyches. Tum quia Christus resurrexit in proprio corpore; nos autem in resurrectione Christo conformabimur. Tum quia in resurrectione Anima informabit corpus; sed hæc nequit informare corpus aereum, & apparens, ergo non in corpore aereo, sed in nostro corpore reali resurgemus.

XVI. EUTYCHIANI Novi inter Antichristianos, qui Christi Œconomiam & præcipua gratiæ oppugnant mysteria, respondent à Gravina, orti circa annum 1528. quorum duces fuerunt *Adam Pastoris*, *Mennon*, & *Zwenckfeldius*, veterum Eutychnianorum dogmata renovantes, quam hæresim quidam Poloni, & Tigurini in Poloniam asportarunt.

IV. Euzotus Arii socius indivisus, Alexandriæ Diagonus, ejusdem doctrinæ professor, exautoratus fuit ab Episcopo Alexandriæ, unâ cum Ario, quæ

exau-

exaudoratio confirmata fuit à Concilio Nicæno: in exilium pulsus temporalis, & æternæ Arii damnationis etiam confors extitit. Plura de eodem videre est in annal. Baronii; cum tamen Arii socium indivisibilem diximus, omnia in hoc verbo comprehendisse credimus, quæ ad ejusdem perficiam explorandum possunt enarrari. Confessionem fidei apparenter Orthodoxam obtulit Constantino Imperatori, ut in Ecclesia reciperetur: ab Arianis Antiochenus Episcopus constitutus, Constantium Imperatorem baptizavit. De Euzoio scribunt *Socrates*, & *Sozomenus*.

IV. Euzozius alius apud Thesepiam Rectorem, cum Gregorio Nazianzeno fuerat eruditus Cæsarex, ejusque urbis factus Episcopus, successit Accacio Ariano, æquè ipse Arianus. Plurimo labore corruptam Bibliothecam Origenis, & Pamphili in membranis instaurare conatus est, sed eo quòd Arianus esset, sub Theodosio pulsus fuit; Porro in his elucrationibus Euzozius utpotè Arianus plura in favorem Arianæ perfidie commiscere voluit; ut monet S. Hieronymus, qui proinde cautè scripta Euzoii legere consuevit, ut caveret à fordibus.

XVI. EXAMINATORES inter Antichristianos liberæ fidei reponunt à Gravina in sua tabula analytica, & ex Edero tales dicuntur illi, qui Scripturam vocant ad examen, & an cum regula fidei conveniat (quasi regula fidei ipsa non sit) discutiunt, idem facientes de Conciliis. Horum caput videtur Martinus Kemnitius, qui vocavit ad examen Concilium Trid. addito supra hoc examen alio examine, sed nusquam in veritate quievit, quò magis enim dilucidare est ausus regulæ fidei, eò magis à fide aberravit.

STAT. CI. Vide *Entusiasia novi*.

XVI. EXTRAVAGANTES Confessionistæ in tres sectas divisi, cum invicem congregati convenire non possent, unam ex his cohortibus *Extravagantium* duxerunt qui Extravagantes in septem sectas fuerunt subdivisi. Dicuntur etiam Lutherani mixti, mediant siquidem inter Lu-

theranos molles, & rigidos, & neque cum illis, neque cum istis sentientes, suam peculiarem sectam constituunt, quæ secta nihil plus certi habet, quàm quod ejus sectatores, cum nihil certum credant, in incertum vagantur; apparuerunt anno 1530. ut refert Spondanus.

IV. EXUCONTII ex Arianis progeniti sunt, cum enim pro causa Meletii Pseudo-Synodus Antiochiæ esset congregata, nova fidei formula in hac Pseudo-Synodo condita est omnium terribilior: usque adeò enim fuit Catholicæ veritati contraria, ut neque admitteret nomen *simile*, quod juxta Concilium Ariminense, & Constantinop. asserbatur de filio in Divinis, ac propterea etiam illud damnatæ postmodum temperaturæ vocabulum aboletum, abrasum, & condemnatum est. In hoc conciliabulo Filium Patri, non solum substantia, sed etiam voluntate penitus esse dissimilem, atque ex nihilo ortum, sicut jam Ario placuerat, decretum est. Qui ergo hanc fidei prævaricationem horrendam formulam secuti sunt, Exucontii, hoc est Filium Patri dissimilem, & ex nihilo ortum asserentes; sunt nuncupati. Repr. verbo *Arius*, & *Anomai*, contra quos Filium in Divinis esse similem substantiali quidem ratione, sive propter essentia identitatem Patri asseritur, quem non ex nihilo, sed ex Patre genitum proficitur Concilium Nicænum; quam veritatem perhibet ipsemet Christus, qui sæpè in fac. pag. se æterni Patris Filium nominat; & certè si Filius esset ex nihilo, non autem à Patre genitus, non posset æterni Patris Filius nuncupari; quod tamen expressè habetur ex fac. pag. Tum quia si Pater in Divinis non generaret Filium, neque distingueretur à Filio, & Pater esset imperfectus in ratione Genitoris, ergo Filius non est ex nihilo, sed à Patre genitus. Vide Socr. lib. 2. c. 25.

XVI. EZACHISI. Medensis secta Lutheranus ex Thuringia, filius Rectoris scholæ Largentulii, ætate adhuc juvenis, sed litteris sufficienter imbutus, se esse Dei Verbum jactabat, & sibi Spiritum sanctum in somnis doctrinam, quam

præ-

prædicabat revelasse dicitans, se etiam portare in corpore suo eandem carnem, quam Christus assumpsit, blasphemabar; & cum discipulos, jam congregasset,

omnibus immortalitatem promissit: à Concilio Dresdensi vocatus, sacre Scripturæ testimoniis, perperam adductis, deliria sua defendere pertinaciter voluit.

F

IV.



Anciprus ille est, qui Diaconos Presbyteris æquare contendens, magnam contentionem inter Diaconos, & Presbyteros Romanæ urbis excitavit, quam Anastasius Papa opportuno decreto componere studuit, de quo mentionem facit S. Augustin.

Dixit Levitas esse æquales Sacerdotibus, & Diaconos Episcopis. Rep. Ex his quæ dicta sunt verbo *Aerius*. Tum quia in omni Republica bene ordinata datur subordinatio unius ad alium, ratione ejus subordinationis inferior Superiori inservit: sed Diaconus ex officio inservire debet Presbytero offerenti Sacrificium, ergo Diaconus non potest esse æqualis, sed inferior dignitate Presbytero.

I. FALSI PROPHETÆ, sive Pseudo-Prophetæ illi sunt, qui verbi Dei scientiam se habere gloriantur, & sub hoc prætextu populos seducunt. Proprium hoc semper fuit Hæreticorum de expresso Dei verbo intelligentiam sibi solummodo vindicare. De horum cavendâ nequitia; nos admonet Christus Matth 7. *Cavete à falsis Prophetis, qui veniunt ad vos in vestimentis ovium, interscūs autem sunt lupi rapaces*. His lupis rapacibus abundat, post alias hæreses, Lutherana, & Calviniana secta; undè plures prodierunt, qui perperam interpretantes Scripturæ testimonia, hætenus decipiunt plurimos, sed à fructibus eorum cognoscuntur, & à veris, & sinceris verbi Dei promulgatoribus facillè est illos discernere.

XVI. FANATICI. Anabaptistæ, eò quòd gloriarentur se habere extases, & raptus, in quibus secretas, & Divinas inspirationes jactabant, dicti sunt En-

thusiastæ, & Fanatici. Postmodum, Fanatici sunt nuncupati Calvinistæ in Gallia. Ad uberio rem de Fanaticis notitiam, sciendum Fanaticos Calvinismi germina, in tot tantosque furculos effundivos, ut perdifficilè sit omnes eorum latebras rimari, & detegere, maxime si Fanaticorum Anabaptistarum deliramenta omnia quis vellet adamussim recensere; qui Regem ex sua secta constituentes, ab ejus nutu, & voluntate pendebant, in his quæ in materiâ fidei, & morum concerneret, vel recipiendis, vel abdicandis. Stabat itaque Fanaticis Anabaptistis pro regula fidei suorum calipharum, quos Reges vocitabant, depravata voluntas; cumque ad plures annos perduraverint; in sustinendo ideali regno ab ipsis confecto, & plures successively Reges sibi constituerint, tot diversas amplexati sunt fidei regulas, quot diversæ fuerunt pro tempore, & animi levitate suorum Regum voluntates. De primariis autem Fanaticis, qui tamquam Reges Fanaticorum agmen duxerunt sub eorum proprio nomine agimus. Vide verbo *Joannes Becham, de Leindem, Matthias Krocoldus*. Plurimum etiam ex eorum confusionalibus in regimine Fanatico nominare volumus, quippe qui vix cogniti, à Magistratibus capti, & occisi, nova non valuerunt suis sectatoribus publicare, tanquam fidei normam, deliramenta, ejusmodi fuerunt *Joannes Cerdon*, qui vitam, & Regnum Bruxellis in furcam actus amisit. *Cornelius Apelmanus*, ultimo supplicio Trajecti affectus, & plures alii quorum uberio rem notitiam ipsarum in suis annalibus inserit Spondanus.

XVI. FARELLUS, cujus vitam perstringit Spondanus anno 1523. 35. 38. nomine Guillelmus Delphinus, natus anno

anno 1489. ex nobilibus genitoribus, literis fufficienter eruditus, nec non Græcè, & Hæbraicè lingua inſtructus, hæreſi Lutherani infectus, hanc primùm diſſeminavit in Gallia, undè expulſus abiit in Helvetiam ad Zuinglium, atque inde Genevæ, ubi fuit præcipuus auſtor ſubverſionis illius Civitatis, ope amici Perini, hominis in Urbe potentis, ac militiz Ducis; primus ſacerilegiorum, quæ in urbe Gebenænſi patrata ſunt pœnam luit, capitis obtruncatione, procurante Calvino damnatus, qui in Gebenænſi Synagoga leſor Pſeudo Theologiæ fuerat à Farello conſtitutus; ſed Calvinus mala pro beneficiis à Farello receptis rependens, adverſus Farellum inſurrexit, & omnia ejus decreta reſeidit, ut ſuum nomen ubique ſupponeret; ita ut qui primùm Farelliſtæ erant dicti, poſtmodùm Calviniſtæ nuncuparentur. Farellus itaque primus eſt, qui Religioſum Proteſtante in urbe Gebenænſi ſtabilire niſus eſt; cum pridem diverſis in locis à potioribus hæreticis, nempe *Bucero, Capitone, Zuinglio, & Acolumpadro* fuiſſet receptus, ætatis annorum 64. uxorem duxit, & anno 1563. morte damnatus, præter communes Sacramentatorum errores.

1. Docuit Spiritum ſanctum eſſe quemdam motum creatum. R. verbo *Actiani, Airani, & Eſtrones*.

2. Dixit non eſſe damnandos illos, qui periculorum formidine fidem diſſimulant, dummodò idololatriam exterius non profiteantur. R. verbo *Dulcinus*. Tum quia Chriſtus hortatus eſt Apoſtolos, ut tempore perſecutionis fortes permanerent in fide, & diſponerentur ad tormenta. Nullibi autem dixit, ut ad evadenda pericula fidem diſſimularent, maximè quando diſſimulatur cum damno gloriæ fidei, & præjudicio aſtantium, qui ex diſſimulatione poſſent pati ſcandalum: imò Dominus promiſit, ſe confeſſorum coram Patre, conſistentem ſe coram hominibus.

* XV. FASCINARIJ ſivè Fascinatorum ſecta Atribati orribiliter færens ſub Iſo II. detegitur, ubi utriuſque ſexus ho-

Tom. II.

mines congregati, ſubterraneis in antris convenientes, ibi adorato diabolo ſub humana formâ, teſto tamen capite apparente, Pereulis à dæmone ſubmiſtratis reſciebantur uſque dum ingurgitati, libato fantaſtici corporis à diabolo aſumpti ano, pœdum more in promiſſuros ruebant concubitus; pluribus ex eis carceri mancipatis, & igni traditis viſa eſt impura ſecta evaneſcere, quæ tamen poſt quadriennium eadẽ in civitate reuiuifcens, à ſolertia Summi Pontificis exterminata fuit.

V. FAUSTUS REGIENSIS vixit inelinate jam ſeculo quinto. Epistoſa ad Paulinum aſſeruit Angelos eſſe corporeos. Quod tamen aſſerere error à fide Catholica quondam non fuit, eum id ipſum nonnullos ex PP. innoxie doctuiſſe, aut dubitaſſe reperitur. Nihilominus poſt Concil. Lateran. ſub Innoc. III. à nemine opinor poſſe ſuſtineri. Ideo R. tum ex ipſo Concil. tum ex Pſalmo 103. *Qui facis Angelos tuos ſpiritus; & apertiſtis Tobiz 12. 19.*

V. FAUSTUS MANICHEUS natione Afer, ex urbe Mileviana vixit initio ſeculi quinti, ſcripſit contra fidem Catholicam, quem validiſſimè conſutavit S. Auguſtinus.

1. Dixit Animam hominis eſſe aut Dei ſubſtantiam, aut ex Dei ſubſtantia. R. verbo *Dicariſtha*.

2. Chriſtum nec naſci, nec mori potuiſſe aſſeruit. R. pluribus in locis hæc infania, ubi contra alios hæreticos ſæpè de Chriſti Nativitate, & morte agere occurrit in hoc opere. Rep. etiam ex Scripturæ locis, ubi apertè de Chriſti Nativitate, & morte fit ſermo, de quo legitur in Symbolo: *Natus ex Maria Virgine, paſſus ſub Pontio Pilato*.

3. Negavit Chriſtum natum eſſe de Virgine. Repr. verbo *Baltazar Pacimontanus*.

4. Dixit Chriſti mortem fuiſſe apparentem. R. verbo *Albanenſes, Agneri, Arnaldus Brixienſis, Paſſidiani*.

5. Negavit vetus Teſtamentum. R. verbo *Albanenſes*.

6. Dixit Chriſtianos eſſe Idololatræ; L 1 quia

quia venerantur sacras Imágenes . Rep. Quia Christiani non colunt imágenes tanquam Idola , eodem modo quo Gentiles colebant statuas , sed honorem imaginum in Christum referunt , & ejus Sanctos ; Ecclesia proponit imágenes ad excitandos Christi fideles , ut sequantur vestigia Sanctorum , ergo Christiani non sunt Idolatræ dum venerant Imaginis , quibus debitam esse venerationem ostenditur verbo *Iconoclástica* .

7. Non approbat templa , & quid quid ad eorum ornatum pertinet , quæ omnia abolenda esse dicebat . R. verbo *Entaſtus* . Tum quia in lege veteri erant Synagogæ , in quibus congregabantur Judæi orationis causa , & Deus præcepit Salomoni , ut ædificaret Templum , cujus structura quàm fuerit magnifica , & Deo grata , constat ex lib. 2. Paralyp. , ibique Deum facilius exaudire preces nostras , veritas ipsa testatur . Ecclesias esse Dei domos , & summo cum respectu ad ipsas accedendum Christus ipse ostendit , quando ejecit ementes , & vendentes de Templo , quod certè non fecisset , si Ecclesiæ essent quid indifferens , vel improbandæ , uti dicebat Faustus .

8. Negabat Sacrificium Miſæ . Rep. Ex ipsa definitione sacrificii , quam convenire Sacrificio Miſæ non est qui rationabiliter negare valeat . Definitur Sacrificium . *Actus Religionis ab habente auctoritatem institutus , quo protestamur mediâ oblatione rei sensibilis permanentis , à legitimo ministro facta , summum Dei jus , & infamam nostram servitutem* . Tum quia de hoc Sacrificio prophetavit Malachias cap. 3. vers. 3. *Et erunt Domino offerentes sacrificia in iustitia* . Ad Hebr. c. 5. vers. 1. *Omnis namque Pontifex ex hominibus assumptus , pro hominibus constituitur in iis quæ sunt ad Deum , ut offerat dona , & sacrificia pro peccatis* . Insupèr ex paritate , quam adducunt SS. PP. de sacrificio Abrahæ , Abel , & Melchisedech , à fortiori deducitur Miſam esse verum Sacrificium . Tum quia Christus est Sacerdos in æternum , scilicet usque ad finem Mundi , sed hoc non esset verum quandocumque nullum esset Sacrifi-

cium , ergo de facto debet dari in Ecclesiâ vera actio sacrificandi , scilicet Miſsa , quæ actio per ministros Ecclesiæ tribuitur Christo . Tum quia hujusmodi actioni Miſsæ , conveniunt omnia , quæ requiruntur ad rationem Sacrificii , ut consideranti patet . Objectiones quas adducunt adversarii , probant solum Miſsam non esse Sacrificium cruentum , quale fuit Sacrificium Crucis , in quo Christus occisus est , neque Catholici intendunt asserere Miſsam esse Sacrificium cruentum , sed incruentum . Nec valet obijcere , idem non posse simul esse Sacramentum , & Sacrificium ; nam in lege veteri Agnus Paschalis habebat rationem Sacramenti , & Sacrificii , ut concedunt ipsi Calvinistæ congregati in sua Synodo Gápicensi ; ergo etiam Eucharistia potest habere rationem Sacramenti , & Sacrificii .

IV. FELICIANUS . Cadente Seculo IV. vixit hic hæreticus , contrà quem scripsit D. Augustinus librum De unitate Trinitatis , in octodecim capita distributum . Secta erat Arianus , & præter Arii errores .

1. Dicebat de rebus fidei potius agendum esse rationibus , quàm Scripturæ testimoniis . R. verbo *Arnaldus Brixienſis* ; & ex definitione fidei , quæ communiter accipitur ab omnibus . Tum quia fides innitur infallibili Dei verbo revelato . Tum quia fides non habet meritum , ubi humana ratio præbet experimentum . Tum quia mysteria fidei superant rationem humanam , & si solis rationibus de fidei mysteriis esset agendum , qui non essent capaces intelligendi rationes humanas speculativas , non possent fidem recipere ; itaque major pars hominum esset sine fide .

2. Dixit Filium non esse coæternum Patri , sed creaturam . Rep. verbo *Arius* .

IV. FELICIANI à quodam Felice nomen sortiti sunt , quasi circa finem seculi IV. , sed cum plures nomine Felices circa hæc tempora vigerint , quis ex iis fuerit hujus hæresis auctor , difficile est perspicuum habere . Abrogata fuit hæc

hæc hæresis in Concilio Franconiz celebrato sub Adriano Pontifice .

1. Negabant Sacras Imagines adorandas . R. verbo *Iconoclastæ* .

2. Dicebant Christum esse Filium Dei adoptivum . R. verbo *Elipandus* .

3. Duas hypostasies, seu personas ponebant in Christo . R. verbo *Bonofianus*, ubi ostenditur in Christo non esse duas filiationes; quod sequeretur, si in Christo essent duæ hypostasies. Tum quia si duæ essent hypostasies in Christo, non posset dici de Christo quoddam esset homo Deus, & Deus homo. Tum quia si essent duæ personæ in Christo, non esset facta unio hypostatice; nec dici posset quod Maria conceperit Dei Filium .

III. FELICISSIMUS . Scribit Sanctus Cyprianus Epistolâ 77., quod Felicissimus fuit Presbyter Carthaginensis, fautor schismatis Novati, ex quo postea orti sunt Novatiani, & Donatistæ à Fortunato Episcopo Carthaginensi; qui illam sedem, Sancti Cypriani propriam, eodem Sancti extruso, occupaverat. Missus est Legatus ad Cornelium Papam, à quo fuit repulsus, cum jampridem ob varia scelera fuisset à Concilio Carthaginensi excommunicatus .

Dicebat omnes lapsos absque ulla penitentia, vel aliquo gradu, aut honoris dispendio suscipi debere . R. Exemplo Apostolorum, qui lapsos non nisi ad penitentiam recipiebant; ex sacris Canonibus, in quibus pœna lapsis decernitur. Tum quia scelus daretur ansa iteratis excessibus. Vide verbo *Actius* .

V. FELIX MANICHÆUS . Disputavit contrâ hunc hæreticum D. Augustinus, & de actis cum hoc hæretico à D. Augustino, duo fuere libri editi, qui inter ejusdem Sancti opera circumferuntur . Fuit vir indisciplinatus; sed versutis multum instructus, & in Civitate Hipponensi, circa initium seculi V., suos disseminavit errores; sed eundem S. Augustinus præsentem populo in Ecclesia, per publicas disputationes gloriose perstrinxit, siquidem ad sanam frugem reduxit .

1. Dicebat suum præceptorem Mani-

chæum de promissione Spiritus sancti fuisse Apostolum .

2. Terram esse Deo coeternam . R. verbo *Hermogeniani* .

IV. FELIX DIAERNISIS, & FELIX IDICERNISIS . Hi duo Felices, secta Donatistæ anno 362. sub Juliano ab exilio revocati, non tanquam homines, sed tanquam feræ à speluncis egressæ, Christianorum sanguinem quàm crudeliter disperferint, quàm immania scelera perpetraverint, videre est apud S. Crysostr. lib. contrâ Gentes .

VIII. FELIX URCELLITANUS . Urgela est Civitas in Pirinxi montis jugo sita, cujus Episcopus fuit in fine seculi VIII. Felix, natione Hispanus; qui cum per litteras poposcisset ab Elipando, quid de Christo quâ homine sentire deberet, an scilicet esset dicendus Filius Dei adoptivus, vel naturalis; adoptivum dicendum esse perperam instructus fuit; sed convocato apud Ratisponam Concilio Episcoporum, auditus est Felix, & errasse convictus, missus est Romam ad Adrianum Summum Pontificem, antè cujus conspectum hæresim confessus est, atque abdicavit; sed ad suam Civitatem reversus, instigante Elipando, iterum suscitavit; an autem in illa decesserit, dubium est . Felices & Elipandi errores damnati fuerunt in Concilio Francordienensi anno 794., & iterum in Concilio Romano sub Leone III. anno 799 .

1. Dixit Christum quâ hominem esse Filium Dei adoptivum . Rep. verbo *Elipandus* .

2. Dixit Dei Filium nullatenus dici debere Crucifixum, quia Christus, (dicebat) figuratus est in Isaac, pro quo Aries est immolatus . R. verbo *Agareni* . Ex figura autem arietis pro Isaac immolati, nihil evincitur; quid enim hoc significaverit, exponunt Scripturæ interpretes . Tum quia si ex hac non in toto, sed in parte solum simili figura aliquid evinceretur; plura etiam alia fidei nostræ mysteria essent aliter accipienda, quæ per figuras in veteri testamento fuerunt non omnimoda conformitate expressa .

XI. FOEMINA ITALICA, cujus nomen ignoratur, hæresi Manichæorum infecta, Diabolo plena, proinde facilis ad seducendos quoscunque volebat, non solum idiotas, sed etiam plures, qui videbantur doctiores in urbe Aurelianensi, circa initium undecimi seculi Manichæismum diffeminavit, plerosque in Clero subvertit, qui cum, instante Rege Roberto, hæresim abjurare renuissent, igni traditi fuerunt. Simili modo in Aquitania eadem hæresi serpere cepit. Porro ex præcipuis, qui in urbe Aurelianensi præfata muliere seducti fuerunt, nominantur *Heribertus*, & *Lisoius*, unum cum aliis perfidæ sociis combusti, qui prius interrogati quid de fide sentirent.

1. Dixerunt deliramenta esse quidquid in veteri, ac novo Canone, de trina unaque Deitate, beata confirmat auctoritas. R. verbo *Bogomilli*.

2. Cælum & terram fuisse ab æterno. R. verbo *Hermogenes*.

3. Nullam esse pœnam constitutam peccatoribus. R. verbo *Albanenses*.

4. Negabant Baptismum. R. pluribus in locis, ubi contra alios hæreticos de hoc Sacramento agimus.

5. Illicitum esse esum carnium. R. verbo *Encrasita*.

6. Improbabant conjugia legitima. R. verbo *Adamita*, *Armeni*, & *Encrasita*.

7. Negabant Sanctos esse honorandos. R. verbo *Beza*.

VI. FERQUARDUS I. Scotorum Rex Confessionem in aurem Sacerdotis factam irridens, à suis habitus est hæreticus, & è folio in carcerem deturbatus. Hæc ad litteram transcripsi ex libro cui titulus *Fax Chronologica auctore Joh: Dominico Musantio*. Nihilominus rationes suppetunt, quæ insubstantiam præfatæ assertionis evincunt: vixit enim Ferquardus primus, non seculo sexto, ut erubet Musantius, sed seculo septimo, nempe ab anno 622. usque ad annum 636. Ferquardus frater fuit S. Flacris, & improbabile videtur Ferquardum in tantam potuisse impietatem irrumperere sub exemplo fratris sanctitate conspicui. Succedit

Ferquardo mortuo Donaldus frater, qui tutelam Regni, & Ferquardi II. Ferquardi Primi filii, sed ratione pubertatis nondum ad regimen idonei, assumpsit. Nec populus habet auctoritatem deturbandi à solio legitimum Regem, quamvis de hæresi suspectum; quæ dicta sint ut judicet lector, an, quæ de Ferquardo scribit Musantius, subsistant.

IV. FIRMIANUS, de quo mentionem facit Hieronymus ad cap. 4. ad Galatas; vixit seculo 4. In epistola 8. ad Demetrianam asserit, Spiritum sanctum sæpe Patrem, sæpe Filium nominari, ideoque negat esse tertiam personam Sanctissimæ Trinitatis. R. Matt. 28, ubi Christus postquam nominavit Patrem, & Filium, addidit & Spiritum sanctum, dicens. *Baptizantes eos in nomine Patris, & Filii, & Spiritus sancti*. Alibi etiam docet Christus Patrem missurum ad Apostolos alium Paraclitum, ergo Spiritus sanctus verè est tertia persona Sanctissimæ Trinitatis.

III. FIRMILIANUS tertio eurrente seculo Leonii Episcopus conciliabulo præfuit, in quo declaratum fuit nullum esse baptismum collatum ab hæreticis, ad quod conciliabulum conveniunt Episcopi ex Cappadocia, Cilicia, & Galacia; quapropter Firmilianus à S. Stephano Papa fuit communione privatus.

XVI. FLACIANI. Marthias Flacus, natione Illirycus, ex oppido Albola, adhuc juvenis viginti octo circiter annorum, rigidorum Lutheranorum princeps, sectam de suo nomine instituit Flacianorum, sive Illirycianorum dictam, fuit Magdeburgensis minister, Lutheri antagonista, Centuriarum Magdeburgensium præcipuus compilator, & editor; plura scripsit contra Philippum Melancthonem, Witembergensem, aliosque confessionistas molles, & sequentes errores promulgavit: referente Spond. ann. 1549. 1560.

1. Opera non esse necessaria ad salutem. R. verbo *Antinomi*.

2. Renovavit hæresim Arii.

3. Asseruit peccatum originale esse ipsam hominis substantiam. R. Nam si pec-

peccatum originale esset ipsa hominis substantia, jam non contraheretur ab hominibus, sed esset innatum in homine, & Adam creatus fuisset in culpa originali, non verò cum innocentia originali; neque originalis culpa, dici posset, quòd esset ex peccato Protoparentum in posteritatem diffusa; neque ab eo peccato mundari possemus, quòd esset substantia nostra. Transmutationem illum docuisse non me latet; sed hanc infra num. 6. reprobendam refermo.

4. Ecclesiz dogmata esse Romanorum Pontificum inventa blateravit. R. Quia constat Ecclesiz dogmata in Scriptura, & traditionibus fundata esse, sicut per singula discurrenti patebit.

5. Afferuit imaginem diaboli esse humano cordi essentialiter impressam. R. Quia hominem factum esse ad Dei imaginem, constat ex sacra Scriptura Gen. 1. 26. *Faciamus hominem ad imaginem, & similitudinem nostram*; Gen. 27. *Fecit Deus hominem ad imaginem suam*. Gen. 9. 6. Ecclesi. 17. 1. Ad imaginem Dei factum esse hominem perhibent sancti Patres. Ex his quæ dicta sunt contra *Antropomorphitas* etiam constat hominem factum ad imaginem Dei. Tum quia quando Deus creavit hominem jam diabolus prævaricaverat, ex quo deducitur Deum, qui creavit hominem, ut sufficeretur Angelis prævaricatoribus, noluisse imprimere essentialiter in homine imaginem prævaricatoris.

6. Fingit humanæ naturæ corruptionem esse ad modum physice transmutationis, ut nova substantia generetur per corruptionem, sicque hominem creaturam Dei per primam creationem, fieri post lapsum creaturam diaboli. R. Nam si sermo sit de corruptione physica, certum est humanam naturam corrumpi, cum separata animâ à corpore, introducitur forma cadaverica; neque cadaver dici potest creatura diaboli; sic enim in hoc rerum ordine Deus disposuit ad ornatum mundi, ut materia nunquam existat spoliata formâ, ita ut expulsionem unius formæ à materia, statim subsequa-

tur introductio alterius; si verò sermo sit de corruptione morali, falsum est post lapsum generari novam substantiam ad modum physice transmutationis, & hominem lapsum esse creaturam diaboli; nam per peccatum homo amittit quidem gratiam, sed non fit in homine generatio novæ substantiæ ope dæmonis, ita ut homo post lapsum dici debeat creatura diaboli; cæterum cum homo post peccatum ad penitentiam revertitur, & à gratia iterum cadit, quoties à peccato convertitur, & à conversione revertitur per novum peccatum, toties dicendum foret fieri physice transmutationem, & generari novam substantiam in homine, à Deo quidem, cum homo convertitur, à diabolo verò, cum homo peccat; qui loquendi modus plurimum absurdorum satis seracissimus, patet quàm sit insulsus, facilè reprobandus à quocunque, qui vel à limine physicam scientiam salutasset.

7. Veritatem, & auctoritatem Doctrinæ Ecclesiæ negavit. R. Nam ad confirmandum quemcumque in veritate doctrinæ, quam docet Ecclesia Catholica Romana, sufficit reflectere ab initio Ecclesiæ, usque ad hæc tempora, Ecclesiam Romanam semper docuisse, & propugnasse eadem fidei dogmata; ex quo facilè evincitur insubsistentia doctrinæ, quam promulgarunt aliz omnes Ecclesie, quæ vel omnino post aliquos annos ab earum exordio exterminatæ fuerunt, vel ita confusæ sunt in suis assertionibus, ut earum sequaces, penè omnes sint in credendi formâ divisi, ita ut ferè quot capita tot sententiæ, sicut adhuc in præsens videre est; ex eadem enim familia, quæ se Calvinianam, V. G. vel Lutheranam perhibet, sæpè contigit, quòd Pater diversimodè sentit à Matre, Mater à filio, filius à sorore, ex quo sicut evincitur insubsistentia cuiuscunque aliz sectæ in doctrina fidei, ita comprobatur veritas doctrinæ Ecclesiæ Catholicæ Romanæ, tot confirmata miraculis, pro quâ tot insignes doctrinæ, & nobilitate viri gloriose sanguinem fuderunt; quam prostentur tot eruditissimi homines, tot

Prin-

Principes & Reges. Nonne hoc solo instanti motivo, temeritas est nuncupanda, velle ab Ecclesiæ doctrinâ dissentire? Nonne dissentientes convincitur audaciz, quasi sibi quid tutius revelatum jactent, quod tot præterierit Sanctos, tot effugerit sapientes, & velint sapere supra tot Reges, tot nobiles, tot Doctores, quos Ecclesia Romana tanquam obsequentissimos filios suo alit in gremio?

8. Primatum Petri, illiusque successione in Ecclesia negavit. R. verbo *Armeni*.

9. Sacrificium Missæ contempsit. R. verbo *Confessionista Provinciales*, & *Fausus Manicheus*.

10. Transubstantiationem in Eucharistiæ confessione irritit. R. verbo *Lutherus*.

11. Indulgentias despexit. R. verbo *Lutherus*.

12. Invocationem Sanctorum. R. verbo *Vigilantius*.

13. Sanctorum imaginum cultum. R. verbo *Iconoclasse*.

14. Sanctorum Reliquiarum venerationem. R. verbo *Eudoxius*.

15. Communionem sub utraque specie laicis injustè negatam dixit. R. verbo *Bohemi*.

16. Institutum Monachorum reprobavit. R. Quia institutum Monasticum est juxta consilia Evangelica; conformatur virtutibus Apostolicis; valde conducit ad acquirendam perfectionem; plures in tali instituto sunt sanctificati; approbatum est à Summis Pontificibus; ergo institutum Monasticum est commendabile. Vide verbo *Dulcinius*.

17. Purgatorium negavit. R. verbo *Albanenses*.

18. Afferuit Ecclesiasticum regimen non esse Monarchicum. R. verbo *Calvinus*.

19. Dixit epistolas decretales robur non habere. R. Ex his quæ dicta sunt verbo *Confessio-Augustana*.

XIII. FLAGELLANTES. Initium non habuit hæc hæresis anno 1349. ut aliquibus placuit, sed anno 1260. qui dictus fuit annus devotionis; apparuerunt in Italia homines, qui devotionis causa

se flagellis cedebant, sed hic devotionis excessus prorupit in hæresim. Disti sunt etiam *Cruciferi*, quia præcursibus Crucibus procedentes, in omni vestium parte Crucibus rubeis erant signati. Repululavit hæc hæresis in Hungariâ, & brevi per totam ferè Europam sese diffudit. Seminudi incedentes tantam in hac flagellatione vim constituebant, ut epistolâ quadam divinitus missâ ad has macerationes se se invitatos jactarent. In plures turmas divisus erat hic cætus, & unaquæque turma parebat uni, quem Principem dicebant, duobusque magistris. Oblata spontè sumentes, sed nihil petere audentes, soli suæ fidebant insaniz. Contra hos scripsit Joannes Gerson; cum jam pridem à Clemente Sexto condemnata fuisset Flagellantium secta, & prohibitus excessivus modus publicè se cedendi flagellis, quemadmodum consueverant isti sectarii, asserentes sinè tali flagellatione, obtineri non posse peccatorum remissionem; & per eam continuatam ad quadragintaquatuor dies, omnia deleri peccata; ex quo factum est, ut Flagellantes Sacramenta contemnerent, & liberius peccatis se coinquinarent. Jam penè per totam diffusos Europam hosce sectarios, à sui regni ingressu prohibuit Philippus Rex Galliz, quæ narrat Spodan. ad ann. 1349. 1414.

1. Docebant Christi Evangelium, ex quo ipsi advenerant, penitus desisse, nullamque habere vim obligandi. R. verbo *Egidius*, contra quem ostenditur qualiter lex gratiæ non mutabitur, quam usque ad finem sæculi semper in suo vigore permansuram probatur ex sacra Scriptura Isaia cap. 40. vers. 8. *Exsiccatum est fanum, & cecidit flos, Verbum autem Domini manet in æternum*. Matth. 24. vers. 34. *Celum, & terra transibunt, verba autem mea non præteribunt*. Matth. 28. vers. ultimo. *Docentes eos servare omnia quæcunque mandavi vobis*, scilicet legem Evangelicam; & ecce ego vobiscum sum usque ad consummationem sæculi. Tum quia Evangelium debet prædicari in universo mundo, & tunc veniet consummatio, sicut legitur Matth. 24. ergo

ergo non cessavit lex Evangelica, sed usque ad consummationem seculi est in suo robore permanens. Tum quia lex Evangelica vocatur testamentum æternum, ergo non debet amplius mutari. Tum quia Christus dixit, quod ad obtinendam vitam æternam, opus est servare mandata Evangelica, ergo hæc adhuc in suo robore persistunt, nec desierunt, sicut contendunt Flagellantes. Tum quia nulla est ratio ex qua colligi possit cessasse legem Evangelicam. Demum in Evangelio consummata sunt omnia, quæ olim Deus in Scripturis hominibus promiserat, ergo lex Evangelica adhuc perseverat, & debet usque ad finem seculi permanere.

2. Baptismum aquæ mutatum esse in baptismum sanguinis asserunt, idcirco usque ad sanguinis effusionem flagellis se cædentes, sine hac flagellatione neminem posse salvari blaterabant. R. Joann. 3. *Nisi quis renatus fuerit ex aqua & Spiritu sancto, non potest introire in Regnum Dei*; hinc evincitur perpetua necessitas baptismi aquæ, ex quo talis baptismus fuit à Christo institutus ad obtinendam salutem; neque alicubi legitur in Scriptura, aut constet ex traditione aliqua Apostolica, Christum mutasse baptismum aquæ in flagellationem. Tum quia tale remedium non potest hominibus infirmis, & infantibus applicari, idcirco plures non possent obtinere salutem, quam Deus omnibus vult; quapropter remedium instituit, quod omnibus posset sine salutis corporalis præiudicio applicari. Tum quia nulla potestas est in terris, quæ valeat Sacramenta mutare, & de novo instituere, quæ auctoritas propria est soli Christi, sed Christus hanc mutationem non fecit; ergo &c. Verum quidem est, quod Baptismus sanguinis, sive martyrium, supplet pro baptismo aquæ; sed, hinc inferri non potest, quod baptismus aquæ, mutatus sit in baptismum sanguinis, tunc enim supplet sanguinis effusio, per carnificis manum intuitu fidei facta, (non verò per propriam manum, sicuti consueverant Flagellantes) quando qui martyrio coronandus est, non potest

amplius concurrere ad baptismum aquæ, quem tamen habere debet in voto; ita ut si facta sanguinis effusione superflua, & sui juris remaneret, teneretur baptismum aquæ recipere, non obstante præmissa sanguinis effusione. Qui hæresim Flagellantium suscitavit, dicebat opera iudorum injuriosa esse sanguini Christi, qui ita nobis meruit gratiam, & vitam æternam, ut nullus homo mereri possit. R. Psalmo 17. vers. 21. *Retribuet mihi Dominus secundum iustitiam meam* &c. ad Corinth. cap. 3. vers. 8. *Unusquisque autem propriam mercedem accipiet secundum laborem suum*. Tum quia gloria æterna sæpe in sac. pagin. vocatur merces nostra; sed non posset vocari merces nostra, nisi per bona opera possemus illam promereri, & sæpe Deus propter bona opera nostra promissit nobis retributionem, ergo opera quæ facimus propter Deum sunt meritoria. Tum quia opera mala imputantur ad demeritum, ergo bona imputari debent ad meritum; hinc Deus promissit unicuique mercedem secundum laborem.

3. Omnem culpam, & pœnam illi esse remissam, qui per dies quadraginta quatuor flagellationem bis in die, & semel in nocte continuasset. R. Nam auctoritatem remittendi omnem culpam, & pœnam Christus dedit Ecclesiæ, cum dixit Petro: *Quodcumque ligaveris super terram erit ligatum & in calis, & quodcumque solveris super terram, erit solutum in calis*; nec in flagellationis efficacia legitur alicubi Christum, qui fuit auctor legis gratiæ, reposuisse remissionem culpæ, & pœnæ: quod si esset, iam lex Christi dici non posset lex gratiæ, iugum suave, onus leve, maxime cum multi dentur ita imbecilles virum, ut sine evidenti periculo vitæ, non possent sustinere prædictam flagellationem, quibus consequenter nullus pateret aditus ad obtinendam remissionem culpæ, & pœnæ. Est Ecclesia aliquando per suos ministros ordinare peccatoribus flagellationes; sed hoc peragit cum discretionem, consideratis cum gravitate peccati, pœnitentis viribus, statu, & conditio-

ditione. Ecclesia autem ut pia Mater, non nisi mitè agit cum pœnitentibus; immodò peccat, quisquis prudentiæ terminos in flagellationibus transgreditur.

4. Aspernabantur omnia Sacramenta. R. Nam Sacramenta omnia à Christo sunt instituta ad conferendam infallibiliter gratiam, de quibus omnibus fit expressa mentio, quæ in numero septenario ab institutione Sacramentorum, usque ad hæc tempora semper Ecclesia recepit; quorum aliqua sunt necessaria necessitate medii, nempe omnibus baptisimus, de quo legitur Joann. 3. vers. 5. *Nisi quis renatus fuerit &c.* & adultis post peccatum, pœnitentia; alia verò Sacramenta necessaria sunt necessitate præcepti, licet non omnia omnibus. Sacramentorum novæ legis virtutem, & efficaciam testantur identidem omnes sancti Patres; comprobantur sæpè stupenda miracula, quæ per Sacramenta Deus est operatus, ut debitam Sacramentis venerationem haberemus; sed tam de numero Sacramentorum, quàm de difficultatibus circa Sacramenta occurrentibus, agitur copiosius verbo *Bissacramentales, Lutherus, Calvinus.*

5. Flagellationem spontaneam æquabant martyrio. R. ex ipsâ definitione martyrii, Martyrium enim est *effusio sanguinis pro defensione fidei, instante aliquo persecutore facta.*

6. Sacramentalia, utpotè aquam benedictam, dicebant nullius esse virtutis. R. Ex Concil. Ravennatensi sub Clemente V., ex Moguntino sub Paulo Papa IV., ex Regiensi sub Xisto III. in quibus decernuntur benedictiones faciendæ super aquam, panem, & alios fructus. Aquæ benedictionem esse de jure Ecclesiastico constat ex Constitutione Alexandri Papæ Primi, qui Ecclesiam Dei rexit ineunte seculo secundo, ut videre est in Canone *Aquam* distinctione 3. Aquam benedictam magnam habere virtutem ad expellendos dæmones, ad sedandos morbos, constat ex infinitis propemodùm miraculis, quæ referuntur à Sanctis PP., inter quos D. Bernardus in vitâ Sancti Malachiz. Neque imita-

mur Gentiles, dum aspergimur aqua, hoc enim diversâ intentione, & virtutis siçe ab illis facimus. Cæterùm dicendùm foret etiam Christianos imitari Gentiles, dum templa ædificant, dum genuesseunt in Ecclesiis, & similia præstant, quæ etiam faciebant Gentiles: diversa autem est intentio Christianorum, ab intentione Gentilium, dum ædus hos exercent, dirigunt enim ad veri Dei cultum ædus istos Religionis, quorum speciem Ecclesia non reprobatur; sed superstitionem agentium contra veram fidem execratur; & falsum est, quod dicunt hæretici, aquam non posse fieri meliorem per benedictionem; est enim quoddam fiat melior physicè; fit autem melior moraliter, & acquirit aliquam virtutem moralem ratione benedictionis; ait enim Apostolus prima ad Timoth. c. 4. vers. 5. *Sanctificatur omnis creatura per verbum Dei.* Sicut à pari per infusionem gratiæ anima fit melior moraliter, licet physicè nequeat melior evadere.

7. Extinctam esse auctoritatem Romani Pontificis, aliorumque Episcoporum asseriebant. R. Nam Ecclesia Dei non est immutata, stabilita est enim supra firmam petram; ergo & auctoritas data à Christo Ecclesiæ, ejusque ministris adhuc perseverat. Quod si extincta esset auctoritas Pontificis, & Episcoporum, ergo dicendum esset nullum amplius esse regimen in Ecclesiâ; quod non potest asseri: vel dicendum foret auctoritatem Ecclesiasticam translatam esse ad laicos; sed neque hoc subsistit, ergo perseverat auctoritas in Romano Pontifice, & aliis Episcopis. Tum quia constat datam esse à Christo Pontifici, & Episcopis auctoritatem regendi Ecclesiam, sed nullibi legitur hanc esse sublatam, ergo Flagellantium assertio est purum figmentum. Vide verbo *Annulphus.*

8. Licitum esse pejerare. R. verbo *Domus Charitatis.*

9. Dicebant Deum creasse simul omnes animas, eas collocaſſe in Paradiso, à quo extrahuntur cum fœtus debet animari. R. verbo *Hæretici de Barulo.*

10. Conradum Smetum virum perditum.

tissimum, quem Enoch esse dicebant, futurum Judicem in die extremâ, non verò Christum, asseriebant. R. Christum futurum Judicem in die judicii adeo clarè perhibent sacra paginæ, & Symbolum Apostolorum, ut hac de re nullum possit dubium intercedere.

11. Nullum esse Purgatorium. R. verbo *Abanenses*.

12. Nullum festum celebrandum nisi diei Dominicæ, Nativitatis Christi, & Assumptionis Mariæ. R. verbo *Ebion*.

13. Nullum observandum jejunium, nisi feriâ sextâ, in vigiliâ Nativitatis Christi, & Assumptionis Mariæ. R. verbo *Seriani*. De Flagellantium festa discessit Sponian. anno 1349. & 1414.

V. FLAVITAS mortuo Acacio malis artibus meratus thronum Constantinopolitanum, Catholicis apparere studuit; sed fuit hæreticali labe contaminatus, quippe qui vestigiis prædecessoris Acacii inhæsit, & hostis Concilii Chalcedonensis; plura de eodem videre est etiam apud Nicephorum, & apud Liberatum in Breviario cap. 18. vixit cadente seculo quinto.

Ducunt Papam non esse Episcopum supremum, ac proinde nullam habere auctoritatem in universâ Ecclesiâ, sed solum esse Episcopum Romæ, & eandem auctoritatem habere, quam habent cæteri Episcopi in suo respectivè Episcopatu. R. verbo *Armeni*, & fusiùs verbo *Joannes Jandanus*.

II. FLORINUS Blasti socius, Valentini hæretici affecta, Romæ Presbyter, propter sua scelera à Sacerdotio degradatus, Florianorum auctor fuit; Contigit autem Florini degradatio sub Victore Pontifice corrente seculo secundo; sed licet excommunicatus, & degradatus fuerit, non hinc ad meliorem frugem se convertit, quin imò deterior factus, majori pertinaciâ suos studuit promulgare errores. Romam dum pertransiret S. Irenæus, cum Florino disputationem habuit, eumque convicit, contra quem etiam scripsit librum de Monarchia. Fuerat autem Florinus sub magi-

Tom. I.

sterio D. Polycarpi S. Irenæi condiscipulus.

1. Dixit Deum facere mala effectivè, homines provocando ad malum. R. verbo *Blastus*; item Jacobi Epist. Catholica cap. 1. vers. 13. *Nemo cum tentatur, dicat quoniam à Deo tentatur, Deus enim intentator malorum est*. Tum quia Deus utpotè summum bonum, necessariò excludit à se omne malum, etiam effectivè. Tum quia parem culpam incurrere censetur, tam provocantes ad peccatum, quàm peccantes; Deus autem necessariò est impeccabilis. Tum quia omne peccatum est per recessum à Deo, utpotè summo bono, & sine ultimo, & si Deus esset auctor peccati recederet à se ipso, quod est impossibile.

2. Dixit animas tam bonas, quàm malas ita à Deo creari, ut bonæ sint necessariò bonæ, malæ necessariò malæ. R. Quia Deus nullam animam malam creat, quod enim anima contrahat peccatum originale, non est à Deo, sed à culpa Prothoparentis; cæterum animæ omnes sunt bonæ; quidquid enim à Deo est, bonum est, & nihil malum essentialiter creare potest Deus; anima creata est propter Deum, ergo esse non potest essentialiter mala. Quod autem aliquæ animæ sint malæ, idest peccatis coinquinatæ, hoc procedit à propriâ malitiâ, non autem à Deo, qui distribuit peccata prohibet; & licet dentur aliquæ animæ moraliter malæ, idest ratione peccatorum, non ideò dici possunt essentialiter malæ; videmus enim plures animas, quæ diu fuerunt peccatis immersæ, converti ad Deum, & bona facere; quod si darentur animæ essentialiter malæ, frustra Deus hortaretur peccatores ad conversionem.

3. Dixit Christum non venisse in carne, sed esse merè spirituale; insuper non esse natum de Virgine. R. verbo *Balhisar Pacimontanus*.

4. Negavit Resurrectionem, & extremum Judicium. R. verbo *Basiliiani*, & *Borbofani*.

5. Approbat nefandos coitus. R. Ex punitione Sodomæ, & Gomorrhæ.

M m

quæ

quæ propter nefandos coitus sequuta est: Levit. c. 18. v. 23. prohibet Deus coitum cum omni pecore: *Cum omni pecore non coibis, nec maculaberis cum eo*; Levit. c. 20. vers. 10. Deus prohibet thomi coitum cum uxore alterius; item primâ ad Corint. c. 6. v. 10. legitur: *Nolite errare: neque fornicari, neque adulteri, neque molles, neque masculorum concubitores regnum Dei possidebunt*; in his autem textibus Christus loquitur de fornicatione specificè, ex quo sequitur contra Græcos (licet non omnes) fornicationem simplicem esse etiam à Deo prohibitam, quia fornicatio simplex est species luxuriæ; omnis autem luxuria est prohibita; unde ait Apostolus ad Ephes. cap. 5. vers. 3. *Fornicatio autem, & omnis immunditia, nec nominetur in vobis*. Tum quia si fornicatio cum liberâ, ut volunt aliqui hæretici, non esset mala, sequeretur quòd status meretriciûs non esset malus; quia meretrix innupta est libera: sed Deus prohibet statum meretricium Deuter. cap. 23. *Non eris meretrix de filiabus Israel*; ergo non modò omnis nefandus coitus, sed etiam simplex fornicatio est à Deo prohibita: ergo &c. undè ad Thessal. 1. cap. 4. vers. 3. & 4. legimus: *Hæc est enim voluntas Dei, sanctificatio vestra, ut abstineatis vos à fornicatione &c.*

XII. FOLMARUS. Præpositus Petreæ stillantis in Franconiâ infra Herbipolim, varios errores promulgavit suis in scriptis, duodecimo cadente seculo, quos postmodum retraxit, ut constât ex Epistola ab eodem scripta ad Præsules Bavarix, & Austriæ: de eodem agit Natal. Alex. sec. 12.

1. Docuit sub specie panis, non manducari Filium hominis, sed solum ejus carnes sine membris corporis, & sine corporis humani plenitudine: pariter sub specie vini sumi sanguinem sine carne. R. verbo *Calvinus*, contra quem ostenditur sub specie panis, & vini esse totum, & verum corpus, & sanguinem Christi. Dicebat autem Folmarus, tam in sumptione corporis, quàm sanguinis sumi Divinitatem, ideoque quòd à su-

mente carnem, aut sanguinem totus Christus sumeretur: sed non totum, quia scilicet totum corpus, ut ipse dicebat, non sumebatur: sed Christi corpus totum esse tam sub speciebus panis, quàm vini post consecrationem, constans est Ecclesiæ assertio, fundata in ipsius Christi institutoris Sacramenti Eucharistici verbis, dixit enim Christus: *Sumite hæc est Corpus meum*: corpus autem humanum dicit carnem, ossa, & sanguinem, & quidquid ad constituendum corpus humanum concurrat. Tum quia si sumeretur corpus sine sanguine, & sanguis sine corpore, neutrum esset animatum, sumitur autem, ut docet fides, tam sub specie panis, quàm vini, totum Corpus, Anima, & Divinitas, quia sub utraque specie sumitur Sacramentum Eucharisticum, cujus existentia dicit Corpus, Sanguinem, Animam, & Divinitatem Christi secundum præsentem statum ejus; nempe corpus vivum, & vivum sanguinem; quapropter si in sumptione panis, ut dicebat Folmarus, reciperetur sola caro, & non sanguis, & in sumptione vini reciperetur solus sanguis non caro, sequeretur, quòd in sumptione unius tantùm speciei, haud quamquam sumeretur totum Sacramentum; quod falsum esse constat, etiam ex Scriptura, nam Actor. 2. legitur: *Erant autem perseverantes in doctrina Apostolorum, & communicatione fractionis panis*; item ibidem. *Quid autem Sabbathi cum convenissemus ad frangendum panem*; item discipuli euntes in Emaus cognoverunt Christum in fractione panis; sed in his casibus certum est, quòd convenientes accipiebant totum Sacramentum, nulla autem sit mentio de sumptione sanguinis, ex quo evincitur, sub una tantùm specie, sumi totum corpus, & sanguinem. Confutavit Folmarum Gerochus Præpositus Beicherfpergensis in Bavariâ, cujus opuscula inserta habentur in Bibliotheca Patrum.

V. FORTUNATUS viguit circa annum 405. Hic, cum apud Hyponem in Presbyteratus Ordine esset constitutus, Manichæismum, quo erat infectus, pro-

pagare cœpit, ejusque sectatores dicti sunt *Fortuniani*. Init contra hunc hæreticum solemnem disputationem S. August. & librum scripsit, qui in Tomo 6. ejus Operum invenitur.

IV. *FORTUNATIANUS* natione Afer, Episcopus Aquilejensis, vixit circa initium seculi quinti. Quam hæresim proficeretur, facile colligitur ex eo quod *Liberium Summum Pontificem*, prò si- que in exilium pergentem primus sollicitavit, ut ad subscriptionem Arianæ deceptionis compelleret. Ex S. Hierom. Lib. de Viris Illustrib.

XIII. *FORNICARIJ*. In nonnullis Germaniæ, Galliæ, & Italiæ Provinciis anno 1215, ut refert Spond. grassari cœpit quædam hæresis, cujus sectatores permulti ab Episcopo Argentinensi igni traditi sunt.

1. Afferebant licitum esse singulis totius anni diebus carnes manducare. R. verbo *Carlofadiar*.

2. Dicebant fornicationem non esse peccatum. R. verbo *Florinus*.

I. *FORTUNATIÆ* vocantur illi, qui apud Judæos Reginz Cæli, quam Fortunam vocabant, sacrificia offerebant, de quibus legere est apud Hieronymum cap. 24. Hoc autem præstabant ex eo decepti, quod viderent aliquos, Fortunæ frequentèr sacrificia offerentes, & superstitione colentes, bonis temporalibus auctos; alios verò, qui Fortunam despexissent, miseris obrutos; verumtamen sortes nostras non in manu fortunæ, sed in manu Domini esse, qui vivificat, & mortificat, qui solus hæc inferiora gubernat, cujus nutu omnia moventur, clamant sacræ Paginæ. Reginam verò Cæli Lunam esse arbitrabantur, quam solam hominibus dominari credebant. Fortunam tanquam Deam in sensu Gentilium non dari in rerum natura, evincit etiam ratio, nam si mundi regimen, & quæ occurrunt, Fortunæ essent adscribenda, frustranea esset quæcunque nostra sollicitudo ad avertenda mala, & acquirenda bona, quandoquidem hæc omnia fortuna impertiretur. Tum quia sacræ Paginæ nos docent in nostris necessitatibus

ad Deum recurrere, non ad fortunam. Hinc David *Ad Dominum cum tribulaver clamavi, & exaudivit me*. Aliqui ex his idololatris primo corrente seculo adhuc erant superstites.

IV. *FORTUNUS*. Indictio Concilio contra Donatistas Circe in Numidia, dum S. Augustinus ad illud properans Tuburbium pervenisset, cum Fortunio, secta Donatista, ejus Civitatis Episcopo, de causa Religionis disputationem habuit; quem Fortunium convictum quidem, sed non emendatum fuisse, colligi potest ex his quæ narrat S. Augustinus. Ep. 163.

XVI. *FOSSARIJ* in fossis & speluncis nocte convenientes anno 1501 detecti sunt in Bohemia; ad novendecim millia hominum horum hæreticorum numerus jam excreverat, turpiter se invicem morte brutorum commiscebant, Ecclesiæ ministros, & Sacramenta irridentes; suos turpissimos mores, ut pietatis specie tegerent, in elargiendi elemosynis erant abundantissimi, ita ut eorum unus quadraginta florenorum millia, in elemosynam erogaverit. Apostolorum se imitatores prostitebantur, & superstitionibus dediti, per incantationis vim, grandem muscam in os suorum ministrorum ingredi somnabant, post ejus deglutationem, mirè astutes factos esse gloriabantur. Adeo autem erant in suis erroribus obstinati, ut nullis tormentorum generibus, ad rectam fidem reduci potuerint. Hos hæreticos Ladislaus Ungariæ, & Bohemiæ Rex exagitavit, & dispersit. Ex hist. Bohem.

FOTIUS. Vide *Græci*.

* *FRANCIS*. Vide *Interimista*.

XIV. *FRANCISCUS* de LUTRA sectæ Fraticellorum propugnator accurrimus, natione Germanus, cum à Religione apostatasset, se Prophetam esse jactavit, sibi quæ revelarum dicebat eos, qui Decretis, & Privilegiis Apostolicis fidentes, paupertatem regulæ ad verbum non observassent, peccato lethali esse inquinatos, & ipsum à Deo constitutum fuisse ad reparandam labentem S. Francisci Regulam, proinde se lucis bajulum ausus est proclamare. Condemnatus fuit à

M m 2

Joan-

Joanne XX. dicto XXII. Propagata est etiam in Catalaunia Fraticellorum secta à *Petro Olerii*, & *Bonanato*, atque à *Jacobo Justo*, quorum duo priores in erroribus obstinati, seculari Magistratui traditi, flammis damnati fuerunt. Jacobus Justus respiciens, cum errores ejussset, in carcere usque ad obitum fuit detentus.

XVI. FRANCISCUS LAMBERTUS secta Lutheranus, qui vixit circa medium seculi 16., docuit Christum ignorantia laborasse. R. Ex sacra Scriptura Isaia 2. Joannis 1. 6. 16. 21. ad Coloss. 1. 2. ex quibus locis evidentè evincitur in Christo omnem scientiæ plenitudinem habitare.

XVI. FRANCISCUS DAVID in hæreticali perfidia *Blandrata* comes indivisibilis, Arianz hæreseos propagator indefessus, Calviniana fæce infectus, præcipuè in Transylvania theses nequissimas promulgavit contra Christum, Spiritum sanctum, & potiora Christianæ Religionis dogmata; qui tandem jussu Christophori Batorii Transylvaniæ Principis, in arcem ductus captivus, ex mœre in insaniam incidens, inter assidua spectrorum terrores infeliciter obiit, postquàm turbas in Transylvania suis disputationibus, & scriptis excitasset, & tamquam Reipublicæ proditor suspectus fuisset Transylvaniæ Principi, à quo capitali sententia damnatus, sententiæ executionem horribiliori morte prævenit.

XVI. FRANCISCUS PUCCIUS Felidinus, secta Calvinianus, vixit jam cadente seculo 16. In assertione de Christi Salvatoris efficacia, *ratione* 11. 15. 34. 36., negat *ratione* peccati originalis homines contrahere labem, & pœnam mortis incurrere. R. Ex Epistola ad Roman. 5. *Sicut per unum hominem peccatum intravit in hunc mundum, & per peccatum mors, ita & in omnes homines mors pertransiit; in quo omnes peccaverunt.* Item ex eadem Epistola ad Roman. 19. ex prima ad Corin. 15. ex secunda ad Corin. 5. constat peccatum originale omnes inficere, & mortis pœna dignos constituere.

In eadem assertione *ratione* 23. & 56., asserit homines posse salvari sine Baptismo. R. verbo *Bucerus*.

XVI. FRANCHEM JESUS Christianus, apostatavit à Religione, ineunte seculo decimo sexto, & aliquos errores in Pannonia, & Polonia disseminavit; sed suæ impietatis cum pœnituisse, testatur illius Epistola, quæ circumfertur hoc titulo: *Christiani Franchen Epistola*, in qua deplorat suum à Religione discessum, & fidem temerè à se oppugnatam. Dixit

1. Dominum Jesum Christum esse merum hominem. R. verbo *Artemon*, *Cerintus*, *Ebionita novi*.

2. Christum neque colendum, neque invocandum esse. R. Argumento deducto a fortiori; nam si Sancti sunt honorandi, ut ostensum est contra Bezam, à fortiori Christus qui cum sit homo Deus, debet adoratione latræ adorari, & invocari.

3. Librum contra Sanctissimam Trinitatem edidit Cracoviæ. R. verbo *Michael Sermetus*.

XVIII. FRANCHEM. In universitate Hallensi in Saxonia Theologiz professor Pietistarum sectam instituit, quæ tam in Germania, quàm in Hælvætiæ hoc seculo dilatatur, referente *F. Francisco Van-Ramst* in sua Historia Hæresum: fucata specie spiritus se pascunt hisce sectarij, dicti *Pietisti* ab affectata pietate quam ostentant, de quibus actum verbo *Pientes*. Varii Pietistarum ministri in Hælvætiæ virgis cæsi sunt, & mulcati.

XIV. FRATRES JOANNES DE LATONE, & PETRUS DE BONAGETTA. Nuncupantur Fratres, quia eandem Religionem ingressi, eosdem errores à suggestu evulgarunt anno 1371. in Provincia Taracoenensi, & Cæsaraugustana. Errores autem sunt circa Sacramentum Eucharistiæ, de quibus Gregorius XI. Pontifex Maximus certior factus, auctoritate Apostolica præcepit, nè quis propositiones istas deinceps prædicare auderet, videret.

1. Si Hostia consecrata cadat, vel projiciatur in cloacam, lutum, aliumve turpem locum, sub speciebus illis desinit

nit esse Corpus, & panis substantialitèr redit.

2. Si Hostia consecrata à mure corrodatur, vel à bruto quovis edatur, simile ferendum est judicium.

3. Quoties Eucharistia sumitur, sive ab homine iusto, sive à peccatore, dum species dentibus teruntur, Christus ad cælum rapitur, & non in stomachum hominis trajicitur. Rep. Quia quousque integræ perseverant species panis consecrati, semper sub iisdem est verum Corpus Christi, quod deducitur ex verbis Christi dicentis: *Manducate, hoc est Corpus meum*, ex quibus constat Christum dedisse Corpus suum manducandum discipulis, quod falsum esset, si dum panis Eucharisticus dentibus teritur, sub specibus panis desineret esse Corpus Christi; manducare enim non est cibum dentibus terere, sed ille dicitur manducare, qui cibum ab ore in stomachum transmittit, ergo verè manducatur Corpus Christi, ergo &c. De his hereticis sit mentio in vita Gregor. XI.

XVI. FRATRES CHARITATIS, sive fratres amoris dicti sunt, qui ex Anabaptistis progeniti, omnia vendebant, & si pretium non dabatur, gratis concedebant, cætera egentibus dividentes. Vide *Domus Charitatis*.

XVII. FRATERNITAS ROSÆ CRUCIS. Detecta est referente Spond. anno 1623. secta quædam dicta *Fraternitas Rosæ Crucis*, quæ jam ab aliquot annis in Germania orta fuerat, sed ejus sectatores cum se totis viribus occultare studerent; etiam invisibiles, & incogniti dicebantur; cum autem anno 1615. solùm deprehens fuerint aliqui, erroribus hujus sectæ inspectis, iidem asseruerunt ducentos annos à legis suæ primordiis ad ejus divulgationem effluxisse, ex quo sequeretur anno 1413. hanc sectam ortum habuisse; attamen ex erroribus, quos profitebantur Fratres Rosæ Crucis, faciliè evincitur Lutheranismi surculum fuisse hanc sectam ex empirismo, & magiâ, ad ingenia levia, & curiosa meliùs decipienda constatam. Quidam nomine *Michael*

Majulo, Imperialis Consistorii Comes, Philosophus, & Medicus, librum *Francosurti promulgavit*, inscriptum: *Themis aurea*, hoc est de legibus Fraternitatis Rosæ Crucis tractatus; an hic fuerit hujus sectæ institutor, incertum est. In secundo præfati libri capite, scriptæ inveniuntur sex leges ad dictam Fraternitatem spectantes. Primò, ut nemo ex hac secta iter agendo aliud profiteatur, quàm morbi curationem, & hanc gratuitam. Secundò, ut nemo eo quoddam in Fraternitatem ingressus sit, certo habitus genere uti compellatur, sed regionis dumtaxat consuetudini se se conformare debeat. Tertiò, unumquemque Fratrum debere singulis annis, die determinato, in loco stabilito convenire, vel absentiz suæ causas literis declarare. Quartò, debere unumquemque Fratrum personam aptam, & idoneam, quæ sibi vita functo succedat, eligere. Quintò, vocabulum *Rosæ Crucis* debere illis esse instar symboli characteris, aut sigilli. Sextò, Fraternitatem hanc debere centum annorum spatio latere. Hujus sectæ professorum doctrina erat Epicurea, multumque afinitatis habebat cum Atheismo, Romanumque Pontificem tyrannum esse in Religionis, ac status negotio asserbat: plures etiam assertiones de magiâ suspectas in dicto libro est invenire. Qui ampliorem de hac secta notitiam desiderat, consulat auctorem Mercurii Gallici, Naudæum, & Garastum, qui de eadem scripserunt.

XIV. FRATICELLI. Qui Fraticellos eosdem fuisse ac Bizochos, opinantur, hujus turpissimæ sectæ auctorem faciunt *Hermannum Pongiluppum*, de quo agimus verbo *Bizochi*; sed vero similis est Fraticellos progressu temporis, cum Bizochis convenisse, tam in erroribus, quàm in turpitudinibus, idè Fraticellos Bizochos postea dictos. Cæterum Fraticelli, etiam dicti Apostolici, quia Apostolicam vitam se renovare asserbant, auctorem habuerunt non *Hermannum Pongiluppum*; sed *Petrum de Macerata*, & *Petrum de Foro-Sempronio*, qui

qui sub specie strictioris observantiz, sed revera motivo laxioris vitæ induci, apostatarum ab Ordine Franciscano; dum à Cælestino V. facultate obtenta eremiticam vitam agendi, ut ad literam (sicut ipsi dicebant) melius observarent Regulam S. Francisci, sectam Fratricellorum dictam, quæ postea cum Bizochis commercium habuit, instituerunt. Invalescentem sectam, statim Bonifacius VIII. per Inquisitores compescuit; unde fugere coacti præfati sectarii, Siciliam apulerunt, ubi contra Romanam Ecclesiam cantilenis compositis, etiam à fidei censoribus exagitati, profugi in Græciam se receperunt. Dum Regulam S. Francisci observare ad literam gloriabantur, paupertatis Evangelicæ speciem sibi arrogabant, & elemosynas videntes, labore manuum abrogato, plures plebejos, quibus labor est odiosus, statim sectatores habuerunt, qui ut otiosi comederent panem, libenter Fratricellorum institutum sunt amplexati sic Fratricellorum congregatio est ampliata, confluentibus ad eam, vel otiosis, vel luxuriandi stimulo allectis, quippe inter Fraticellos jam factas communes mulierculas comperant. Tanto malo se opponere studuit Summus Pontifex Joannes XXII. edita, adversus hanc Fratricellorum sectam, constitutione anno 1318. Hujus sectæ patrocinium suscepit, qui jam pridem eandem damnaverat *Michael de Cesena*, qui adhærens Schismati Ludovici Bavari, contra Joannem XXII. Fratricellorum errores eo insipientius propugnavit, quò sapientius pridem oppugnaverat. Diversos hujus sectæ fautores recenset Natalis Alex. sec. 13. art. 11. Fratricellorum errores, præter jam reprobatos verbo *Beguini*, sunt sequentes.

1. Duplicem constituebant Ecclesiam, unam carnalem, nempe Romanam, spirituales alteram, nempe congregationem Fratricellorum, in quâ solâ vitæ sanctitatem, & veram jurisdictionem ordinis esse blaterabant.

2. J-ramentum esse illicitum. Rep. verbo *Catharista*.

3. Licet legitime ordinatum, sitamen peccato infectum, non posse conferre Sacramentum Eucharistiz. Rep. Quia potestas Ordinis non dependet à gratiâ sanctificante; & idè Deus non aufert à ministro Sacramentorum, propter peccata potestatem illi datam ad conficienda Sacramenta; ergo etiam si peccato sit infectus minister, validè conficit Sacramentum. Tum quia infans baptizatus à laico, etiam si peccatis inquinato, benè est baptizatus, dummodò baptismus sit collatus in formâ, & materiâ à Christo Domino præceptâ, ergo à fortiori Sacerdos, licet in peccato constitutus, validè conficit Sacramentum Eucharistiz. Præter præfatos errores effutiebant Evangelium Christi, solum apud ipsos esse completum. Professores regulam S. Francisci non teneri obedientiam præstare Romano Pontifici. Sancti Francisci regulam cœquabant Evangelio Christi, in quâ neque Pontifex posset dispensare. Insuper propugnabant Fraticelli doctrinam ejusdem *Petri Olivi*, de qua sub tali nomine agemus. Demùm colebant ut martyres quosdam de suâ sectâ, quos in erroribus pertinaces Mafsiæ sacra Inquisitio igni tradiderat. Vide Natal. Alex. sess. 13. art. 10.

XVI. FRATICELLI alii. Veterum Fratricellorum infanias renovarunt quidam perditii viri, Posnonia in Polonia, anno 1570. qui suprâ recensitos errores, partim Calvinii, partim Lutheri dogmata profitebantur. Porro isti à Gravina inter Antilutheranos collocantur, & unam ex pluribus sectis constituunt, in quas Antilutherani sunt divisi.

IX. FREDEVARDUS, sive Frudegatus, Sacramentarium præcursor ab aliquibus creditur: vixit circa medium sæculi noni; excitavit quæstionem in quâ asseritur, nihil esse in Eucharistiâ nisi figuram corporis Christi, cui doctissimè respondit magnus ille Abbas Corbejenfis Paschasius, qui librum scripsit omni eruditione refertum de Sacramento altaris. Error Fredevardi reprobatur verbo *Berengarius*: scripsit etiam Paschasius Epistolam ad dictum Fredevardum,

dum, quæ in tomo 4. Bibliothecæ Patrum invenitur.

IV. FULGENTIUS secta Donatista, solâ hæresi non contentus, Manichæis etiam adhærens, vixit circa finem sæculi quarti, & initium quinti, scripsit contra eundem S. Augustinus.

1. Duo esse principia sustinuit. Rep. verbo. *Polisibimus* idem enim est asserere duo principia, ac asserere duos Deos.

2. Baptisma reis, & peccatoribus nihil conferre asserēbat, proinde baptisimi virtutem, conferendi scilicet gratiam sanctificantem, & delendi omnia peccata negabat. Repr. Ex Symbolo Nicæno: *Confiteor unum baptisma in remissionem peccatorum*; ex Concilio Carthaginiensi 4. celebrato anno 418. in quo hæc veritas stabilitur. *Ezechielis 36. Effundam super vos aquam mandam, & mundabimini ab omnibus inquinamentis*

vestris; ad Titum 3. *Salvos nos fecit per lavacrum regenerationis*; item ex verbis Joannis 3. *Nisi quis renatus fuerit ex aqua, & Spiritu. &c.* constat baptismum delere omnia peccata, quia nihil coinquatum potest intrare in regnum celorum; ergo si renatus ex aqua intrat in regnum celorum, consequens est, quod aqua baptismalis deleat omnia peccata. Nemum baptismus vocatur Sacramentum mortuorum, quia scilicet vivificat peccatores; ergo &c. Vide verbo *Ancerus, Albanenses, Archontici, Armeni.*

FULLO. Vide *Cnapheus*, dictus Petrus Fullo.

XVI. FUNCTIUS vixit tempore Maximiliani II. Imperatoris, anno 1568. in sua Chronologia fabulatur Petrum, numquam fuisse Romæ. R. verbo *Carolus Molinaus*. Vide Sanderum de visibili Monarchia lib. 7.

G

IV.



GAJANIUM à Gajano Ecclesiæ Alexandrinæ Archidiacono, Juliani Alicarnassensis incorruptibilis auctoris sequaci, Eutychianæ hæresis professore, originem habuerunt: fuerat ab una parte populi in duas factiones divisi, electus Gajanus Episcopus Alexandrinus, alia siquidem pars Thendosium quendam, æquæ hæreticum, & Severi corruptibilium hæresis inventoris sequacem, Episcopum proclamabat. Fuit autem Gajanus post quartum sedis mensem à Judicibus expulsus, & hinc maxime in eâ urbe seditiones, & cædes exortæ, quæ omnia circa medium sæculi sexti contigisse testantur Liberatus, Leontius, & alii auctores; iidem autem sunt *Gajanus*, ac *Aphtartodocita*; hoc enim nomen fortitose G. jani sectatores, constat ex Nicephoro histor. Eccl. lib. 17. cap. 29. & ex Leontio de sectis.

1. Dixit corpus Christi alienum esse

à corruptione mortis, asserens Christum assumptibile corpus impassibile, & incorruptibile. R. verbo *Aphtartodocita*, ubi evincitur Christum passum, & mortuum esse, in cujus persona dixit Jeremias: *Ob vos omnes qui transitis per viam? attendite, & videte si est dolor sicut dolor meus*; ibi tamen notandum, quod dum asserimus corpus Christi fuisse corruptibile, intelligimus de corruptibilitate, sumptâ pro humana affectione, scilicet fame, siti, fatigatione, doloribus, & disjunctione animæ à corpore; non autem intelligimus de dissolutione corporis in putredinem, & pulverem, à qua utique Christus fuit præservatus, juxta illud quod legitur Psalm. 15. *Non dabis Sanctum tuum videre corruptionem*. Nec valet instare ad probandum corpus Christi fuisse incorruptibile, scilicet non potuisse mori, quod Verbum assumpsit carnem immaculatam, & sicut Adam antè peccatum erat incorruptibilis; ita Christus qui fuit impeccabilis, fuisse incorruptibilem; nam Christus assumpsit carnem

nem ex eadem massa communi hominum procreata, licet absque concupiscentia: cum autem caro hominis post peccatum Adæ sit corruptibilis corruptione, quæ dicitur mortis, ita etiam tali corruptione corpus Christi fuit corruptibile. Nec propterea assumptum aliquem effectum peccati; non enim est mortalitas effectus ejus, immò naturale est hominibus mori; licet ex privilegio, si integra mansisset in Adamo natura, non moreretur. Itaque assumpsit Verbum humanitatem, secundum ejusdem naturalia.

V. **GAIUS** genere Barbarus, ex Schythia oriundus, initio quinti seculi imperialibus copiis præfectus, ubi secundas sibi res esse vidit, potentia sua fructus, Arianam hæresim, quæ erat infectus patrocinari aggressus est, ita ut auferret petere ab Imperatore Ecclesiam in urbe Bizantii pro Arianis, cujus audaciam Joannes Crisostomus compescuit; ex Niceph. hist. Eccles. lib. 13.

IV. **GALLA**. Mulier maga, & hæretica, circa annum Domini 388. Priscillianum hæreticum sequebatur, quem in propagandâ hæresi adjuvit; & eandem Priscillianus moriturus suæ hæreseos hæredem constituit; ex D. Hieron. ad Chrysostomem.

XV. **GALLIUS**, dictus Nicolaus, ex Bohemia oriundus, conditione Presbyter, & artium liberalium Baccalaureus, unus eorum extitit, qui Legatus cum **Nicolao Requezano**, à Bohemis ad Concilium Basiliense missus fuit, Sigismundi Cæsaris, & Eugenii IV. temporibus, congregatum anno 1434. inter reliquos suos errores dixit Joannem Hus, & Hieronymum de Praga injussum fuisse damnatos à Concilio Constantiensi: doctrinam Wicleffi Catholicam fuisse propugnabat, ex Spondan. ann. 1416.

1. Afferuit quod in nova lege non licet quemquam, quamvis perversum morti tradere, etiam si id fieret ex Judicis sententiâ, quia novum testamentum id non dicat. R. Nam in veteri lege contra facinorosos infligebantur pœnæ, & etiam pœna mortis, quando enormia

erant delicta: istæ autem pœnæ infligebantur à judicibus, quorum est præmium bonis, & pœnam malis decernere, infligebantur ad coercendos homines à malo, & pro communi bono Reipublicæ, sed in lege gratiæ urget eadem ratio; ergo &c. Tum quia si in lege gratiæ non liceret punire facinorosos, sequeretur in lege gratiæ posse liberè scelera committi. Tum quia in lege gratiæ sunt Principes, & Magistratus, quorum jura utique Christus non abolevit, imò iisdem parendum esse præcipit: Principes autem, & Magistratus possunt morte damnare facinorosos; ergo &c. Et ratio est, quia lex Gratæ, naturæ legis ratio non destruit, sed perficit. Insuper hæreticos posse ab Ecclesiâ puniri ostensum est contra *Confederatos*; demum nullum regimen potest subsistere sine administratione justitiæ: in lege autem novâ datur regimen & seculare, & ecclesiasticum, ergo in lege novâ debet administrari justitia.

XVI. **GALLIUS** Gallilei Pise ortum habuit, Copernici systemate refricato, quod sol esset immobilis, terra autem continuo motu circa solem orbaretur: suo tandem errore abjurato decessit in Communionem Romanæ Ecclesiæ, quæ a Sacris edocia Scripturis nempe Josué 10. Psal. 49. Matth. 5. & alibi sententiam docentem solem continuo motu terram circumdare, verbo Dei autumat magis esse conformem.

XI. **GANDULFUS** natione Italus, in Diocesi Cameracensi anno 1025. propagavit sequentes errores, damnatos in Synodo Attrebatensi; à Gerardo Episcopo Cameracensi, congregatâ contra Gandulfum, in quâ Synodo etiam proclamata est realis existentia corporis, & sanguinis Christi in Sacramento altaris, ex Natal. Alex. seculo 11. ex quo colligitur etiam circa hoc Sacramentum errasse Gandulfum.

1. Prædicabat quandam justiciam, quâ solâ homines purificari dicebat, nullumque Sacramentum posse justitiam lapsis conferre asserbat. R. Ex his quæ alibi dicta sunt de necessitate baptismi; lapsis autem confessionem sacramenta-

lem

lem esse necessariam, nec ullum aliud esse medium ad acquirendam iustitiam, probatur contra *Psilesum*.

2. Nullam recipiebat Scripturam: ejusque sectatores, sola Gandulsi præcepta vim habere Evangelici mandati, blaterabant. R. verbo *Albanenses*; monet autem Apostolus, quod etiam si Angelus nobis Evangelizaret de celo aliud, præter quam quod scriptum est, prælatens debeamus præstare assensum.

3. Negabat Sacramenta. R. verbo *Bissacramentales*.

4. Cruci Salvatoris, sacris imaginibus, & templis, nullam adhibebat venerationem. R. verbo *Claudius Taurinensis*.

5. Sepulturam ecclesiasticam nihil prodesse defunctis asserbat. R. verbo *Valdenses*.

XVI. GASPAR OLEVIANUS, secta Lutheranus, qui vixit circa medium seculi 16. libro Germanico ab ipso ædito, per descensum Christi ad inferos, nihil aliud intelligit, quam humiliationem Christi, in quâ infernales dolores tam in anima, quàm in corpore sit passus. R. verbo *Joannes Praemonstratensis*.

V. GAUDENTIUS secta donatista, & Episcopus, ineunte quinto seculo scripsit contra D. Augustinum duas epistolas pro tuenda Donatistarum perfidia, ejus Gaudentii insanias abundè confutavit D. Augustinus, scriptis contra eundem duobus libris.

GAZARI. Vide *Cathari*.

I. GENTILES, licet non sint proprie inter hæreticos censendi, cum non de fecerint à fide Evangelica, ab eâ tamen quodammodo desicere, & à Christi Ecclesia recedere sunt dicendi, cum illam audire nolint: negant omnes veritates Catholicæ religionis; adeoque ut vincantur erroris superfluum est recurrere ad sacras Scripturas, sed cum ipsis agendum est humano modo, & naturalis luminis necessario utendum est auxiliis, hæc enim & non aliâ via ad Catholicæ religionis finem, Dei opitulante gratia, converti possunt Gentiles. Reprobantur autem faciendo eis ratione naturali, le-

Tom. I.

gis Evangelicæ credibilitatem; seu ita credibilem esse ostendendo, ut quilibet prudens credere possit, & debeat, hoc pacto. Ut aliquid sit evidenter credibile, evidentiâ scilicet morali, seu prudentiali, satis est quod motiva credibilitatis ejus, seu motiva, quæ suadent illud esse credibile, sint talia, ut de iis nemo prudens rationabiliter dubitare possit; atqui motiva credibilitatis legis Evangelicæ sunt talia, & tanta, ut de iis nemo prudens rationabiliter dubitare possit; ergo &c. major est per se nota, probatur minor, explicando præcipua nostræ fidei credibilitatis motiva.

Primum credibilitatis motivum petitur ex propagatione Catholicæ fidei per totum orbem, seu ex conversione totius universi, in quo quinque ponderanda occurrunt. Primum est, tot, tamque varias nationes assensum præbuisse mysteriis, intellectum præ difficultate penè obruentibus; voluntatem verò præ arduitate deterrentibus: nam rationi statim propositi fuerunt articuli, humanæ rationi prorsus impervii, ut sunt Trinitas, Incarnatio, Resurrectio, Eucharistia, &c. voluntati verò intimata fuit mortificationis necessitas, penitentiz labor, cupiditatum repressio. Secundò ponderandum venit à quibus prædicatoribus fides tam præcelsa annunciata est, nempe à duodecim Apostolis, viris rudibus, & imperitis, qui non potestatis secularis viribus, non divitiarum copiâ, non armorum vi, non voluptatum illecebris, non honorum fastu, non eloquentiæ blandimentis, sed laborantes rerum omnium penuriâ, laborum tolerantia, deliciarum contemptu, humilitate morum, simplicitate sermonum, de supremis mundi rectoribus, potestate tremendis, divitiarum copiâ affluentibus, voluptatum fordibus immergis, honorum gradu auctis, sapientia etiam, & eloquentia humana clavis, gloriosissimè triumpharunt: hanc rationem prosequitur Paulus 1. Corinth. 1. *Videte fratres vocacionem vestram, quod non multi potentes secundum carnem, non multi nobiles: sed quæ stulta sunt mundi elegit Deus, ut con-*

N n

con-

fundat sapientes; & infirma mundi elegit Deus, ut confundat fortia, & ignobilia mundi, & contemptibilia elegit Deus, ut ea quæ non sunt, & ea quæ sunt destrueret. Tertiò, considerandum est quibus auditoribus prædicatum sit Evangelium, nempe Judæis obduratis, & obcæcatis, & gentibus idololorum cultu fascinatiis. Quarto, id completum est resistentibus Imperatoribus, & Regibus; indignè ferentibus præfectis, adhibita etiam cruciatuum omnium excogitabilem carnificina. Quinto, his ferè insuperabilibus obſtaculis devictis, obſirmatas hominum voluntates, lex Domini immaculata convertens animas, tam citò subegit, ut totum ferè orbem seculo secundo, radiis suis illustratum, Christi jugo subjecerit.

Secundum credibilitatis motivum est puritas fidei Christianæ: non loquor de puritate, & veritate dogmatum, constat enim omnibus qui attentè ipsa considerant, esse in omnibus, & per omnia sancta, pura, veneranda, & admiratione plena; loquor de sanctitate, puritate, & rectitudine legum. Quam sit immaculata lex Christi, luce clarius, Evangelii sacra lectio demonstrat. Quæ enim est, vel unquam fuit institutio eà purior, & defecator, quæ non solum nihil rationi naturali repugnans docet, sed insuper jubet Deum super omnia, proximum sicut se ipsum diligere; omne furtum, mendacium, dolum, turpitudinem, nec dum ab opere, sed etiam à corde removeret; peccata quamvis levia reprobant, ad cuncta virtutum officia hortatur, premiis invitat, impellit minis, accendit promissis, exemplis inflammant, & usque ad culmen perfectionis, salutaribus consiliis conducit. Quid plura? Lex Evangelica præcipit benefacere his qui oderunt nos, pro persequentibus orare, inferentibus damna referre beneficium, non vinci à malo, sed vincere in bono malum; percutienti dexteram maxillam, præbere sinistram, tollenti tunicam, dimittere pallium: misericordix autem, elemosynæ, & totius pietatis officia, tam impensè commen-

dat, ut in ipsis solis æternæ salutis spem collocasse videatur; undè si omnes, qui Christiana professione censentur, actus suos ad Evangelii normam dirigerent, nihil aliud esset Christiana respública, quam Paradisi illustre specimen, & anticipatà æternæ beatitudinis præguſtatio.

Tertium credibilitatis motivum est innumerabilis miraculorum varietas, quibus Deus fidem Christianam obſirmatam voluit *Varia virtutibus & Spiritus sancti distributionibus*, ut ait Apostolus Hæbr. 2. nam illa miracula fuerunt primò multitudine innumera, unde Evangelistæ nè in enarrandis Christi signis essent prolixiores compendiosè tradiderunt, quòd nempe ex omni parte asſerebantur infirmi, & curabantur, quia virtus de illo exibat, & sanabat omnes. Totque deinde à Christi Discipulis patrata sunt, ut numerari non possint. Secundò miracula illa fuerunt arduitate stupenda; nam quid portentosius suscitatione mortui quadriduani? Ecclipsi solis tempore passionis Christi obscurati? Tertiò fuerunt miracula illa certitudine indubitata; si enim miracula falsa narrassent Evangelistæ, se Judæis ridendos præbuisſent, à quibus potuissent mendacii crimine damnari: siquidem statim post Christi mortem, Evangelicam Historiam texuerunt, superstitibus adhuc Judæis, qui eos falsi testimonii convicissent, si sub aliqua veri specie facere, potuissent. Adde quòd miracula in Christiana Religione sunt perennitate perpetua; nullus enim in albo Sanctorum describitur, de cujus miraculis fides plenissima, & liquidissima, intervenientibus cunctis certissimæ auctoritatis præſidiis non habeatur, quibus eorum sanctitas post mortem demonstratur. Nec est quòd dicas miracula, quæ referuntur in sacris Historiis, vel ad dæmonum præſigia referenda esse, vel antiquitate obſoleta, vel denique præ distantia incerta esse: nam præterquamquòd hæc omnia suo loco confutantur verbo *Marbach*, qui veritatem miraculorum negat cum Luthero, & Calvino: urget etiam auctoritas D. Augustini, qui in oratione con-

contra Infideles ait : *Negando miracula, ingens miraculum ingeris ; quid enim potest dici mirabilius , quàm Romanum Imperium , totamque Gentilitatem , Religionem quàm antea impugnabant , desertis paternis ritibus , nullis visis signis mirandisque operibus , spontè suscepisse , & in eâ retinendâ tam constantes fuisse ?* meritò igitur exclamat idem Augustinus lib. 22. de Civitate Dei cap. 8. num. 1. *Quisquis adhuc prodigia ut credat inquirat , magnum est ipse prodigium , qui mundo credente non credit ; & si qui miracula facta esse non credunt ; nobis hoc unum grande miraculum sufficit , quòd terrarum orbis sine ullis miraculis credidit.* Posteo ergo dari vera miracula in Ecclesia Christi , sic argumentum instauro . Vera miracula sunt signa veræ Religionis ; Deus enim falsitati Testimonium non præbet , nec miracula facit nisi ut veritatem illustret : si enim vesanus esset Rex ille , qui aliquod falsum , vel sibi , suisque populis perniciosum , proprio firmaret sigillo , quantò magis hoc suspicari non debet de Deo ? Qui cum sit infinitè sapiens , falli non potest , vel nos fallere nequit ; sed unum ex his duobus præstaret Deus , si vera non esset Christiana Religio , & tamen Christianam Religionem miraculorum testimonio comprobaret : hoc enim esset Deum falsæ doctrinæ subscribere , atque ità vel se ipsum fallere , vel homines in fraudem , & errorem inducere . Atqui in Religione Christiana fuerunt semper miracula spectabilia , quæ identidem ad bonorum solatium renovantur , ergo Religio Christiana est vera ob testimonium miraculorum . Concludamus igitur cum illa voce Ricardi Victorini lib. 1. de Trin. cap. 2. *Domine si error est quòd credimus , à te decepti sumus : ista enim in nobis iis signis , & prodigiis confirmata sunt , quæ non nisi à te fieri potuerunt .* Non desunt alia plurima credibilitatis motiva , ut sunt Unitas , Sanctitas , Catholicitas , & Apostolicitas Ecclesiæ Romanæ , quæ petra flavimus , quantum operis institutum exigit , verbo *Protestantes* , quæ si benè perpendantur à Gentilibus ,

additis etiam tot Sanctorum exemplis , qui quovis seculo in nostræ Religionis gremio decesserunt , ad amplectendam Catholicam Fidem , relictis illorum superstitionibus , facili negotio induci poterunt .

XVI. GENTILISTÆ inter Antichristianos qui præcipua fidei evertunt Mystèria , & Trinitatem potissimum opugnant , collocantur à Gravina ; orti sunt anno 1562. à Valentino Gentili . Vide verbo *Valentinus* .

XIII. GEORGIANI , prout asserit Spond. anno 1219. Populi sunt habitantes in interiori parte Armeniæ ad Septentrionem & Euxinum versus : bellicosi valdè : Georgiani dicti , quia S. Georgium præcipuum habent Patronum , & quocumque incedunt ad prælium , vexillum S. D. Georgii imagine insignitum circumferunt ; fidem susceperunt circa annum 325. sed progressu temporis ad Græcorum declinarunt errores , maxime in his quæ ad Sacramenta spectant . Archiepiscopus habent , qui in Monte Sina Claustrem S. Catharinæ habitat , cui per omnia , uti nos Summo Pontifici , obtemperant . Apostatarunt à fide circa initium seculi decimi tertii ; eorum Episcopi Sacramenta & Sacramentalia vendunt . R. verbo *Symon Magus* .

IV. GEORGIUS Arii sectator , qui circa medium quarti seculi vixit , improbat eleemosynam , quæ à pietate fidelium , indigentibus erogatur . Sic refert S. Athanasius in epistola ad agentes vitam solitariam . R. Ex sacris paginis tam veteris , quàm novi Testamenti , ubi eleemosyna sæpenumero commendatur : ut videre est. Deuteronom. 15. Tob. 4. 18. Psal. 40. Proverb. 13. 14. 15. 25. 28. Ecclesiast. 12. 17. Isaïæ 58. Danielis 4. Matth. 6. 19. 25. Luc. 6. 14. 16. Ador. 10. prima ad Cor. 16. secunda ad Cor. 9. ad Hæbr. 13. eleemosynam etiam apud Ethnicos commendat quidam naturæ instinctus : quantum sit efficax ad obtinendam Dei misericordiam , constat ex sacris paginis locis mox citatis .

IV. GEORGIUS ALEXANDRINUS , Georgii Laodicensis in perfidia , & in hæresi comes

comes indivisibilis fuit. Hic favore Constantii Arianorum fautoris suffectus, imò intrusus fuit in locum D. Athanasii in Episcopatu Alexandrino, cujus perfidiaz D. Athanasius cederendum ratus fecerit: itaque Georgius Pseudo-Episcopus omnes ad suam Arianam perfidiam venire compellebat, & renuentes persequabatur. Narrat D. Athanasius in libro Apologético, quem de sua fuga inscripsit, tantam fuisse Georgii perfidiam, ut rogo accenso, atque virginibus ad ignem admotis, eandem ad Arianam perfidiam, proclamandam compelleret. Plures alias immanitates commisit; accusatus fuit in Concilio Seleuciæ, ubi etiam dignitate sua privatus, & à furente in eum populo interfectus est, igni tradito ejus corpore, postquam multis ludibriis, idem eamelo superpositum publicè populus impetierat.

IV. GEORGIUS LAODICENSIS, olim Presbyter Alexandrinus, ab Alexandro Episcopo Alexandrino, ob Arianam hæresim, quæ erat infectus, tum etiam ob alia nefanda crimina, è gradu dejectus; postmodum Eusebianorum arte in Ecclesia Laodicensi, defuncto Theodoro, factus fuit Episcopus: in hoc gradu constitutus, Apollinarem, eo quòd eum Sacerdoti Athanasio familiare colloquium habuisset, ab Ecclesia expulit: eum autem Apollinaris sæpè à Georgio iterùm in suo gradu, & eomunione admitti exposceret, nec obtinere valuisset ab indurato, & contra eum injustè malevolò Antislite; tantæ obstinationis pertesus Apollinaris, ut Laodicensem Ecclesiam, unà cum Georgio ejus Episcopo turbaret, Apollinaristarum sectam instituit, quòd malum certè numquam contigisset, si Georgius, ut par erat, Apollinarem injustè non divexasset. *Ex Socrate lib. 2.* Georgius autem primus fuit, qui hanc vocem *Consubstantialis*, quæ post Niezmen Concilium Ecclesia utitur, ad exprimerdam æqualitatem Filii cum Patre, palàm & citrà pudorem oppugnare aggressus est. Dicens insuper filium in Divinis ex non existentibus genitum fuisse: filium autem esse *ex Patre natum ante*

omnia secula, Deum de Deo, lumen de lumine, Deum verum de Deo vero. Docet Ecclesi in Concilio Nicæno congregata: perhibet hanc veritatem in Hieris Paginis ipsa veritas Christus, qui se à Patre exiisse, atque se, & Patrem unum esse, profitetur: imò intelligibile non est, quid Georgius exprimere vellet, dicendo filium in Divinis, ex non existentibus genitum fuisse; nam ex non existentibus, non evadit generatio, sed creatio; cum generatio sub præexistentis naturæ veritate, terminum requirat in eadem naturà subsistentem, sive natura divisa sit numero, ut in rebus finitis, sive indivisa sit, ut in infinitæ naturæ convenit. Præterea non existentia non habent esse, unde ex illis nihil sit, nisi per creationem: ideo juxta naturæ virtutem, quæ tantum est generativa, verum est illud Syriaci.

Ex nihilo nihil; in nihilum nil posse reverti.

De Georgio Laodicensi scribit Socrates lib. 2. cap. 36.

XVI. GERARDUS RUFFUS, dictus Roussellus, natione Piccarus, hæresi Lutherana clam infectus, Lutherum adit, indeque Germania Galliam reversus, à Margarita Navarra Regina benignè exceptus est, & inter ejus familiares adscriptus; ejusdem favore Abbas Clervauxensis ac subinde Episcopus Orlonensis in Bearnia constitutus, externæ probitatis specie, falsam doctrinam contegens, dum Lutheri, & Calvinii errores improbare ostentabat, eosdem ferventius fovebat in animo. Primus fuit qui in habitu Episcopali Eucharistiam sub utraque specie universæ plebi dispensare ausus est. Unde etiam Hussitarum errore imbutusprehenditur, & cum publicè de festis Sanctorum recedendis, tanquam inutilibus temerè prædicasset, à quodam viro, è pulpito præceptus actus, non multo post decessit. Præter Lutheri dogmata, quæ præcipuè profitebatur, peculiari errore circa Eucharistiam somniavit. *Ex Spond. anno 1521. & 1529.*

Fingeat in Eucharistia esse corpus spiritua-

rituale, carnem, & ossa non habens. R. verbo *Calixtus*, contra quem ostenditur in Eucharistia esse verum, & reale corpus Christi.

X. GERBERTUS natione Gallus, & Claustro Aurelianensi in quo vitam Monasticam agebat, ad erudiendum Robertum Hugonis Regis filium assumptus, Regio favore ad Rhemensem Archiepiscopatum viam sibi paravit; sed cum à Joanne XV. Pontifice Maximo fuisset ab illa Sede depositus; agrè hinc depositionem ferens, diversa conscripsit, præcipuè adversus supremam Ecclesiæ Sedem, quæ postmodum retractasse certum est, quandoquidem procurante Othone Imperatore ad Sedem Ravennatensem fuit iterum assumptus, & à Ravennatensi ad Romanam, cujus Epitaphium ab ejus Successore inscriptum hodiè adhuc legitur in Ecclesia Lateranensi.

Scandit ab R. Gerbertus in R. post Papa viget. R. Quæ Gerbertus causatus, quod à Rhemeni Sede fuisset depositus, indignatione potius, quam hereticali sensu vexatus scripsit contra Orthodoxum sensum, sed postmodum antequam Sedem Ravennatensem obtineret retractavit, sunt.

1. Si Romanus Pontifex in fratrem peccaverit, & Ecclesiam sæpè monentem non audierit, præcepto Dei habendus est sicut Ethnicus, & publicanus. R. Ex his quæ dicta sunt contra *Arnulfum*. Tum quia Pontifex per hoc quod peccet, non amittit potestatem Pontificiam, dummodò non contingat falsa docere in rebus fidei, quod tamen hætenus à nullo Pontifice actum est, propter specialem Spiritus sancti assentientiam, quam habent Pontifices in rebus fidei definiendis: quod Pontifex peccando, quæ specialis homo, non amittat dignitatem Pontificiam, constat exemplo D. Thomæ, qui licet peccaverit peccato incredulitatis, non ideo amisit dignitatem Apostolicam, ad quam fuerat à Christo assumptus. Tum quia si per hoc quod Pontifex peccet, habendus esset sicut Ethnicus, ergo à fortiori hoc dicendum esset de Episcopis, de Regibus, & qui-

buscunque Christianis: sed nemo est, qui fratrem peccantem habeat tamquam Ethnicum, nisi præmissa declaratione Ecclesiæ: sed Ecclesiæ non potest declarare Pontificem licet peccantem tamquam Ethnicum, quia Pastor non judicatur à Grege, & Ecclesiæ non habet auctoritatem in caput suum; imò hanc auctoritatem neque habet Ecclesiæ congregata, quia nunquam visum est Ecclesiam congregatam confirmare, vel reprobare acta Pontificum, sed è converso Pontifices semper confirmarunt, vel reprobarunt acta Ecclesiæ, etiam congregatæ, prout ad bonum Ecclesiæ regimen, Spiritu sancto specialitè assistente, melius expedire judicarunt, ergo falsum est quod asserbat Gerbertus.

2. Si Papa excommunicat Episcopos, talis excommunicatio non ligat. R. Quia Episcopi sunt subditi Pontifici; ergo &c. Tum quia si excommunicatio promulgata à Pontifice in Episcopos non ligaret, sequeretur Episcopos non posse à Pontifice judicari, & parem habere auctoritatem in Ecclesia cum Pontifice, sed hoc non, quia in Ecclesia unà est tantum suprema potestas; cum regimen Ecclesiæ sit Monarchicum, sicut ostenditur verbo *Flaciani*.

3. Dixit epistolæ decretales *Confer* non habere. R. verbo *Flaciani*, & *Confessio Augustani*; de Gerberto. Vide in Spondan. ann. 991. 92. 95. 96. 99.

XVI. GERMANUS BAVARIUS, qui vixit circa medium seculi 16. in examine contra Selencherum, negat Eucharistiam ritè sumenti gratiam conferre. R. Joann. 6. *Panis enim Dei est, qui de Calo descendit, & dat vitam mundo* Joann. 51. *Si quis manducaverit ex hoc pane vivet in æternum. Panis quem ego dabo caro mea est pro mundi vitâ.*

XVI. GUSTI Calvinistæ, qui in Gallia Hugonotti, in Belgio Gensli, dicti sunt anno 1566. horrendæ seditioni initium dederunt: promotores seditionis fuerunt quidam federati nobiles, qui Bruxellis libellum Reginz Margaritz, tunc Gubernatrici obtulerunt, in quo postulabant ut inquisitio removeretur, & qui

& qui ejus stabilizandæ causâ institui essent novi Episcopi abolerentur. Placitorum Caroli Quinti, & Philippi Regis de religione executio remitteretur, & libertas conscientiz cuique permitteretur. Cum autem à quodam æquite Reginz familiari, hujusmodi homines, quasi per ludibrium *Genx*, idest *Geusii*; quod lingua Belgica sonat *Mendices*, vocarentur, & ab eodem equite suum fuisset Reginz gubernatrici, minimè à Geusiiis formidandum; hinc Geusii occasionem nacti faciendæ seditionis, nomine quod ipsis per ludibrium impositum fuerat assumpto, *Geusios*, se nominarunt, vestibusque cinericii coloris induti, vascula lignea ad latus, vel ad collum appenderunt cum hac inscriptione *vive lex Genx*; asserentes quaecumque doctrinam se secuturos præter Catholicam: quod de factis præstiterunt, & per civitates, & loca discurrerent, immanè bellum Catholicis declararunt, contra quos non bellum, sed tyrannidem exercentes, diris tormentis quoscunque fideles, utriusque sexus dilaniarunt, ita ut nullum tormentorum genus fuerit ab antiquis tyrannis excogitatum, quod Geusii contrà religiosos, virgines, & omnes fideles, quos poterant captivos ducere, non excrucierint; ex Spondan. ann. 1566.

XII. GILBERTUS, PORRETANUS cognomento, patriâ Pictaviensis, ab adulescentia usque ad canos in diversis Galliz locis Philosophiam magno nomine docuit, fuitque auctor tractatus *De sex ultimis pradicamentis*: ex canonico ad Episcopatum Pictaviensem evehctus, à philosophicis studiis non recessit, quibus nimis inhærens, factum est, ut ex Aristotelis libris errandam materiam desumpserit, quâ de re apud Pontificem accusatus, Gallias tunc progredientem, remissa fuit ab eodem Pontifice Gilberti causa ad Concilium Rhemense, in quo fuit à S. Bernardo, qui biduo cum Gilberto disputavit, erroris convictus, ejusque errores condemnati; cui condemnationi cum Gilbertus libenter acquievisset, suosque retrahasset errores,

ad suam sedem fuit redire permittitur: aliqui ex Gilberti sequacibus majori pertinaciâ in errore perseverantes, carceri fuerunt mancipati. Sed ut ad Gilbertum recurrat sermo, anno 1148. in Concilio Rhemenfi, præside eodem S. Pontifice Eugenio, causam suam iterum aggressus Gilbertus, & quidem prolixè, ac contentiosè errorem suum, adductis in medium quamplurimis SS. PP. testimoniis involvere conabatur; verùm S. Pontifex tergiversantem, ac diverticula quærentem itè pressè constrinxit, ut effugere non potuerit: *Multa dicis frater*, (dixit Eugenius) *multa, & ea, quæ fortassis à nobis non intelliguntur legi facis: sed simpliciter à te cognoscere velim, an ne illam summam essentiam, quæ tres personæ prosteris unum Deum, credas esse Deum?* Gilbertus divini collatione fatigatus (ait Otto cap. 59.) minùs premeditatè respondit: non

Sed non minori ardore, ac studio eum premebat, ac coarctabat S. Bernardus, referente Gaufrido Monacho, qui præsens aderat Concilio, in epistola ad Episcopum Albanensem: *Quid necesse est* (dicebat S. Doctor) *circa hujusmodi verba diutius immorari? Non aliud præcedit scandali hujus origo, nisi quòd plures credere vos credunt, & dicere quòd Divina essentia, vel natura, divinitas ejus, sapientia, bonitas, magnitudo non est Deus, sed est forma quâ Deus est, hoc si creditis palàm dicite, aut negate: ausus est dicere* (Gilbertus) *forma Dei est divinitas, quâ Deus est & ipse, vel ipsa non est Deus.* Hac audita erroris manifesta declaratione S. Bernardus unâ cum nonnullis Episcopis Symbolum fidei adnavit, Gilberti erroribus oppositum, quòd quidem ab Eugenio Summo Pontifice, cæterisque Concilii Patribus communi consensu approbatum fuit: *ita demùm*, ait Gaufridus in vita S. Bernardi lib. 3. cap. 5. *Apostolico iudicio, & auctoritate universalis Ecclesiæ, error ille damnatur.*

Ex dictis hætenus, constat Gilbertum in Deo abstracta à concretis sejunctis; nec voluisse quòd divinitas sit Deus,

Deus, sed tantum forma qua Deus est; an verò pariter abstracta ab abstractis; hoc est, attributa absoluta, tum à se invicem, tum ab essentia distincterit, non ita certum videtur: quomodoque sit.

Reprobatur error Gilberti Porretani, primò ex Scripturis hoc argumèto. Inter illa nulla omninò est distinctio actualis realis, ante operationem mentis, quæ de se invicem in abstracto prædicantur; atqui essentia Divina, & attributa de se invicem in abstracto prædicantur, Joann. 14. Christus de se ipso ait: *Ego sum via, veritas, & vita*. Proverb. 8. *Ego sapientia habito in consilio*. 1. ad Corint. *Traducamus Christum Dei viventem, & Dei sapientiam*. Quibus in locis, Deus, non tantum dicitur vivens, sapiens, & verus in concreto, sed vita, sapientia, & veritas in abstracto.

2. Ex Conciliis, ac primo quidem ex Concilio Rhemenfi anno 1148. in Symbolo fidei contra errores Gilberti, his verbis: *Credimus, & confitemur simplicem naturam Divinitatis esse Deum, nec aliquo sensu Catholico posse negari quin divinitas sit Deus, & Deus divinitas*. Ubi notanda proprietates verborum Concilii. Naturam dixit Divinitatis esse Deum, quia in summà illà simplicitate nihil potest significari per modum partis, sed semper (sive utamur nominibus abstractis humano more, sive concretis) significatur quidquid de Deo dicitur per modum totius. Vide D. Thomam opuse. *de ente, & essentia*. Hinc est quòd juxta Catholicum sensum, quem verba Concilii firmant, non minus significatur natura, ut totum, sive ut subsistens in personis, nomine Deitatis, aut Divinitatis, quam nomine Dei. Unde & definitivè restituit Concilium, naturam Divinitatis esse Deum, prædicando de naturà ipsum esse substantiale personarum, quod nomine *Deus* significatur; adeoque stat inter personas Divinas, & divinam essentiam, nullam intercedere realem, & actualem, antè mentis operationem, distinctionem. Idem error confutatur ex Concilio Florentino sub Eugenio Quar-

to, anno 1439. sess. 18. ubi Joannes Theologus, Latinorum partes agens, sic Græcos aggreditur: *Vos queritis an idem sit in divinis personis substantia, & persona, sive hypostasis, nos verò dicimus substantiam, & personam, sive hypostasin esse idem re, differre autem nostro modo intelligendi, ita ut persona constet ex substantia, & proprietatibus*. Reprobatur insuper, ex sanctis Patribus. Ommitto alios sanctos Patres, & solum propono aliquas auctoritates D. Bernardi, quem suæ falsæ doctrinæ infensissimum hostem expertus est Gilbertus. Legatur igitur S. Doctor lib. 5. de Consideratione, cap. 6. & serm. 80. in Cantica, in quo iterum Gilbertum impugnât ad eò nervosis rationibus, ut eundem obmutescere compulerit.

R. 2. Gilberti error ratione Theologica. Deus est ens perfectissimum, quo nihil melius est, aut cogitari potest; atqui, nostro modo concipiendi, ens perfectissimum non foret, si maximà quæ excogitari potest identitate, sibi perfectiones omnes non identificaret; ens enim, quod per suam essentiam entis plenitudinem, totalitatem, universalitatem continet, ita ut nonnisi per conceptus magis, vel minus explicitos, ejus perfectiones à nobis distinguantur, perfectius videtur eo, in cujus essentiali, & formali conceptu omnes perfectiones non includuntur; cum autem Deus sit ens perfectissimum, perfectiones omnes in suo conceptu essentiali, & formali includit, & consequenter nulla in ipso realis actualis distinctio antè mentis operationem excogitari potest. Urgetur eadem ratio; quia si Deus in suo essentiali, & formali conceptu omnes omninò perfectiones non includeret, perfectiones illæ quasi ab extrinseco ipsi advenire conciperentur, & ita quasi per quamdam participationem eas Deus possideret, quod certè absurdum est. Item R. ex illis verbis Genesis: *Ego sum qui sum. Qui est misit me ad vos*, quæ verba eruditè expendit S. Bernardus ad ostendendum essentiam Divinam esse Deum. Tum quia si essentia Divina non esset Deus,

da-

daretur aliquid essentialiter in Deo, quod non esset Deus. Tum quia essentia nequit separari à natura, sed natura Divina est Deus, ergo & essentia.

2. Dixit: Personarum Divinarum proprietates non sunt Deus, sed Divinitas est forma, qua Deus est, misericordia forma quæ misericors, magnitudo forma quæ magnus. R. Nam si Divinitas, magnitudo &c. in Deo essent per modum formæ, jam daretur in Deo compositio, quæ involveret in Deo contradictionem ex intrinsecis principiis: Divinitas enim, & ens simplicissimum convertuntur. Tum quia divinitas quæ Deus est Deus, vel est quid majus, vel æquale, vel inferius Deo; non primum, nihil enim datur Deo majus; non secundum, nam duo darentur Dii; non tertium, quia quicquid in Deo est, Deus est.

3. Dixit: Personarum Divinarum proprietates esse res æternas ab essentia divina differentes. R. Ex Concilio Rhemenſi secundo, in quo declaratum est contra præfatam propositionem, quæ admissa non esset unus numero Deus, sed essent tres Dii. Constat autem naturæ Divinæ in tribus personis indivisa unitas, ex illo Joannis 5. *Tres sunt qui testimonium dant in celo Pater, Verbum, & Spiritus sanctus, & hi tres unum sunt*: idest tres Personæ Divinæ, sive tria divina supposita sunt unus Deus, & per consequens datur unitas naturæ inter personas Divinas, sive personæ divinæ sunt unum in natura, & essentia, cum nequeant esse unum in personis.

4. Dixit: Divinitatem in Filio Dei non fuisse incarnatam. R. Joann. 1. *Verbum caro factum est*; quod idem est, ac dicere. Filius Dei factus est homo: idest caro humana, sanguis, & anima subsistunt in persona Verbi Divini: quare in Concilio Nicæno legitur: *Et homo factus est*. Ex his quæ dicta sunt verbo *Carinthus, Artemon, Albanenses, Bagnolenses, Balthasar Pacimontanus, Basilidiani, Calestius, Christiifamilia, Cosmiani*, constat Verbum Divinum esse de factis incarnatum.

5. Rejiciebat hominum merita, asserens neminem posse mereri, nisi solum Christum. R. Ex his quæ dicta sunt verbo *Jacobus præpositi*. Tum quia si solum Christus posset mereri, nulla daretur in salvandis diversitas graduum gloriæ, quod erroneum est dicere, ut probabitur contra *Jovinianum*. Tum quia frustra nos Deus ad bona opera hortaretur, quibus retributionem promittit. Verum quidem est, neminem posse mereri de condigno, nisi solum per Christum: nihilominus nos gratiâ Christi præditos, mereri de condigno vitam æternam, est veritas definita in Concilio Trident. sess. 6. cap. 16. illamque Theologi omnes elucident in tractatu de merito justis, quicquid sit an hoc meritum dicendum sit strictè, & intrinsecè de condigno, ut tenet communis sententia eum D. Thoma; an lato modo, sive ab extrinsecò, ut ducervunt *Durandus, & Scotus*. Verumtamen fide Catholicâ certum est justos mereri non solum de congruo, sed etiam de condigno beatitudinem: *Quamobrem dixit Apostolus ad Rom. 4. vers. 4. Et qui operatur merces non imputatur secundum gratiam, sed secundum debitum*. Undè, & in sacris litteris appellatur *merces, bravium, corona ex justitia reddenda*.

6. Baptismi Sacramentum in nihilum redigebat, asserens neminem verè baptizari, nisi eum qui salvandus est. R. Quia Deus, qui vult salutem omnibus, instituit Sacramentum baptismi pro omnibus: neque efficacia baptismi dependet à salute suscipientis: cum salus hominis dependeat à baptismo, sinè quo nullatenus valet consequi salutem: verum quidem est neminem salvari, post promulgatum Evangelium, sinè baptismo; sed falsum est solum salvandos baptizari, cæterùm cum solum baptizati sint de corpore Ecclesiæ, & non sciamus qui sint salvandi, neque discernere possemus eos qui sunt de corpore Ecclesiæ, si solum salvandi essent baptizati.

XI. ГИМНОРОДЪ. De hæresi Gimonopodarum mentionem facit Sirimundus; hi nudis pedibus semper ambulant, eò quòd dixerit Dominus ad Moysen

Exod. 3.

Exod. 3. 5. *Solve calcamenta de pedibus tuis* : & etiam quia de Sancto Isaia legitur Isaia 30. 3. nudis pedibus ambulasse, ideo hi schisma faciunt, quoniam calcateos condemnant. R. Nam Deus nunquam prohibuit hominibus calcamentorum usum ; quod autem dixerit Moysi *Solve &c.* non probat homines debere nudis pedibus incedere, hoc enim solum dictum est Moysi, quando debebat ad rubum accedere, ad notificandam sanctitatem loci, in quo tantum operabatur mysterium : exterum si evinceret hæc ratio, sequeretur etiam quæcumque alia, quæ fuerunt à Deo Moysi peculiariter præcepta, fore ab omnibus observanda ; plures etiam Sancti ex devotione nudis pedibus incedebant, sed Sanctorum facta ex peculiari devotionis instinctu, non habent vim legis. Vide verbo *Discalceati*.

* XVI. GYMNOSOPHISTÆ. Istorum secta circa medium seculi 16. apparuit in Armusæ regno redidiva, ad quam extinguendum strenuè laboravit Gaspar Barzeus Soc. Jesu, qui ad Braemannos Catholicam Religionem propagaturus profectus, primum ex Gymnosophistis convertit ad fidem, cuius exemplo plures alii sacro lavaero fuerunt expiati. More igitur veterum Gymnosophistarum invenit præfatus Gaspar in Regno Armusæ degentes in speluncis, qui ad imbendas variis erroribus incolarum mentes, & ad emendandam slipem interdum prodibant, & vesperè revertebantur ad speluncam idolum veneraturi, quod *Pagodem* Indi appellare consueverunt. Ubertiora hæc de re vide in tom. 21. continuationis Annalium Odorici Rinaldi.

GIRARDUS ZACARELLUS. Vide *Apostolici ex 3. specie*.

VIII. GIZIDUS Saracenorum Princeps, primus fuit qui Iconoclastarum hæres in Oriente aditum referavit, procurante hoc malo quodam Iudæo, cui nomen *Saranthapicus*, Ecclesiæ Dei hoste implacabili, qui ut Gizidum ad tantum malum induceret, promisit ei, si imagines sacras exturbasset ab Ecclesiis Christianorum, in suo regno perlon-

gum principatum, quod statim præstitit Gizidus, sed in frustrâ, nam paulò post promulgatum impium edictum, improvisâ morte correptus, sui secleris poenam luit. Saranthapicus verò ab *Ufido* Gizidi filio, tanquam patris interfectore, turpissimâ morte afficitur, & in pristinum honorem sacræ Imagines statim restitutæ fuerunt, ex Bar. ann. 723.

VII. GNOSIMACI : de quibus mentionem facit S. Joann. Damasc. lib. 4. Orthodoxæ fidei. Ineunte seculo septimo apparuerunt quidam hæretici ex ipsâ hæresi Gnosimaci nuncupati, quia dicebant superfluum esse studium sacrarum litterarum ; à quocunque fidei Deum nihil expetere, nisi bona opera asserentes. R. Nam studium sacrarum litterarum, maximè his, qui alios debent Catholicam legem docere, necessarium esse, patet, quia sacræ litteræ sunt verbum Dei, & continent regulas fidei ; licet aliquæ regulæ fidei innotescant per verbum Dei traditum : attamen potiora, quæ agere, & credere debemus, in verbo Dei scripto continentur, ergo studium sacrarum litterarum est necessarium, in quo se exercuerunt omnes sancti Patres. Tum quia ad salutem non modò est necessarium operari, sed etiam credere quæ ad nostram salutem scripta sunt ; ergo &c. Tum quia studium sacrarum litterarum est opus bonum ; ergo &c. Adde, quod Eccl. 39. *Hoc studium egregiè commendatur*.

II. GNOSTICIS ab excellentia scientiæ, quam jactabant, ita appellari voluere, quod idem significat, ac viri sapientes, cognoscentes, ac intelligentes : ut hoc superbo titulo assumpto, facilius possent sua dogmata venditare ; cum autem plures hæretici hoc *Gnostici* nomen sibi assumpserint, difficile est invenire, quis vesè fuerit Gnosticorum auctor. S. Hieronymus dicit fuisse Basilidem, S. Augustinus Nicolaum Diaconum, S. Irenæus Carpocratem ; alii Valentinum Gentilem : ab his omnibus paulatim invaluisse hanc, sectam asseri potest, quia præfati hæretici, factâ errorum communione, communi etiam *Gnostico*

rum nomine gloriabantur. Nefandas Gnosticorum turpitudines, quibus se coquinabant, refert Epiphanius, quas nonnisi cum summo horrore possunt piz aures excipere: liberorum generationem omni conatu impedire soliti, undè foetum mulieris, prater eorum sententiam, pręgnantis extrahebant, horrendisque modis sive animatum, sive non, dilaniabant, offerabant, manducabant; undi toto corpore precari soliti, incantationes, veneficia, & idololatrias omnium generum perficiebant. Circę annum Christi 125. hæc hæresis serpere cępit, & propagari; tegebant suas turpitudines pallio revelationis cęlestis; quod si Scripturę sententiam suis opinionibus adversantem invenissent, hanc spiritui mundano ascribebant, neminemque posse in Gnosticorum scholā proficere affirmabant, qui omni impuritate sese non contaminaret. Tradit Epiphanius Gnosticos, diversis nominibus fuisse appellatos, nimirum *Borborianos, Coddianos, Stratioticos, Phibonitas, Barbelitas, Zachæos, Noasianos*.

1. Dicebant bruta esse rationis capacia, & æquę, ac homines intelligere. R. Psal. 31. *Nolite fieri sicut aquas & mulus, quibus non est intellectus* Psal. 48. *Homo cum in honore esset non intellexit, comparatus est jumentis insipientibus, & similis factus est illis*. Tum quia etiam Gentiles Philosophi dividunt animal in rationale, & in irrationale. Tum quia si bruta essent rationabilia, possent mereri, & demereri, & sic damnari, vel salvari. Verum quidem est, quod aliqua animalia ex fociori insinū naturę, quem habent, quodammodò videntur cum ratione operari; sic formica dicitur prudens, quia colligit cibum; columba dicitur simplex, quia quantumvis irritata, nunquam irascitur; sed hæc & similia operantur non per rationem, quam utique nullatenus habent, sed (ut dictum est) ex insinū naturālē à Deo ipsis indito.

2. Duos Deos statuunt, unum boni, aliud mali principium. R. verbo *Toltheismus*, ubi ostenditur involvere

contradictionem pluralitatem Deorum. Tum quia Deus nequit esse principium mali, cum enim sit essentialiter bonus, omnia quę ab ipso sunt, necessariò bona sunt; & si Deus esset principium mali, jam non esset Deus, quia ratio Deitatis excludit omne malum, non modò à se in ratione entis optimi, sed etiam à se in ratione principii perfectissimi, à quo nullum malum potest procedere. Vide verbo *Ebion*.

3. Negabant futurum iudicium. R. verbo *Borboriani*.

4. Animam esse substantiam Dei, vel ex Dei substantia. R. verbo *Dicariis*.

5. Creaturas aliquas nasci naturā suā malas affirmabant. R. Nam si creaturę aliquę naturā suā malę nascerentur, earum mala opera, & damnatio non posset ipsis imputari, sed Deo; Deus autem asserit non esse suę voluntatis ut perdat aliquem, ergo juxta Divinam voluntatem omnis creatura potest salvari, ergo nulla est creatura naturā suā mala. Tum quia viros etiam facinorosos videmus aliquando converti ad Deum. Tum quia Deus qui bene omnia fecit, nullam creaturam naturā malam potest producere. Demum omne ens naturale in suo esse naturę est bonum: bonum enim, & ens convertuntur; ergo nulla datur creatura naturā suā mala. Vide S. Augustin. de Civitate Dei, lib. 12.

6. Abhorrebant à jejunio. R. verbo *Agaptha, & Enusajale*.

7. Uxorum communitatem prædicabant. R. verbo *Adamita*.

8. Commutabant materiam Eucharistię cum semine humano, quod offerrebant. Reprobatione non indiget hæc Gnosticorum hæresis adeò impura, ut ab ipsā etiam natura abhorreat; vix credibile quod homo rationis capax posset in adeò impuras hæreses declinare, imò somnare.

9. Christum litteras, ipsumque etiam alfabetum sub magistro didicisse. R. Et quidem Christum ab instanti suę conceptionis habuisse plenitudinem scientię, facillè colligitur ex his quę de eodem dixit

xit Angelus ad Mariam, & evidenter constat ex eo quòd duodennis disputavit in medio Doctorum, ità ut Synagoga Doctores mirarentur, quomodo qui nunquam litteras didicisset, sapienter loqueretur. Tum quia nullibi legitur Christum sub magistro scientias didicisse, qui ratione unionis hypostaticæ, debuit necessariò plenitudinem scientiæ habere. Vide verbo *Agnostæ*.

10. Negabant martyrium esse actum virtutis. R. Ex fac. Scrip. Joann. 5. *Majorem charitatem &c.* Tum quia censetur actus virtutis animam ponere prò defensione legis patriæ, parentum, & amicorum, ergo à fortiori erit actus virtutis animam ponere prò defensione honoris Dei, ejusque Sanctissimæ Legis. Quà de re commendatum habemus exemplum in Libro Machab., in Daniele &c.

XVI. Gnostici Novi inter Antichristianos locum obtinent; orti sunt teste Calvino anno 1545., & priscorum Gnosticorum hæreses innovarunt. Ex Gravina.

XVI. Goadamannus Crisoforus, referente Sanderò hæres. 222., natione Anglus, secta Calvinista, ex Anglia Genevam exul venit, & regnante Maria Regina Catholica, docuit non licere fœminis Republicam administrare, hoc autem de consilio quorundam Reginæ adversantium fecit; nam in Angliam reversus, mortuà Marià, & succedente Elisabethà Calvinismo imbutà, quæ non modò temporale, sed Ecclesiasticum regimen sibi usurpare præsumpsit, contrarium docuit. R. verbo *Pepuziani* contra quos ostenditur mulieres esse incapaces suscipiendi sacros Ordines, ex quo sequitur esse incapaces regiminis Ecclesiastici. Tum quia nullibi legitur constitutam aliquando fuisse aliquam mulierem ad regimen alicujus Ecclesiæ, neque ipsam Virginem, quæ tempore Apostolorum aliquibus annis à morte Christi supervixit, legimus aliquid ordinasse, vel præcepisse in his quæ ad regimen Ecclesiæ spectabant: quòd pertinet verò ad regimen temporale, certum est posse mulieres temporalitèr domina-

ri ratione hæreditatis, siquidem Jus habent ad hæreditatem temporalem, ut etiam declaratum fuit Moyse, non tamen possunt ab aliquo populo absolutè eligi in Reginas & assumi ad regimen, si nullum Jus habeant ad Regnum, quia ubi agitur de electione, vir debet eligi in Regem, cum vir Dominium habeat à Deo sibi collatum supra mulieres: dictum est enim mulieribus. Genes. cap. 1. *Sub vici potestate eris, & ipse dominabitur tui.*

XVI. GOMMARISTÆ Gommarus nomine Franciscus Burgis anno 1563. ortum habuit: à patria profugus fuerunt Patres, qui se in Palatinatu receperunt, ut Religionem Protestantem profiterentur: sub Joanne Sturmio Strasburgi Gommarus studiis incubuit: deindè in Angliam se confers, sub Rainoldo, & Witahero Theologico cursu peracto, Hildebergæ Græcam & Hæbraicam linguam didicit, postmodum Francofurti Minister constitutus, in Accademia Leidenensi Theologiam explanavit, tribus successivè ductis uxoribus. Cum interim contra Calvinianam doctrinam Jacobus Arminius in materià prædilatationis, & gratiæ differeret, Gommarus Arminio se opposuit. Hinc scissione factà inter Calvinistas, alii Gommaro, alii Arminio adhererunt, & ortum habuerunt Gommaristæ, & Arminianæ factiones. Gommaristæ autem iidem sunt ac *rigidi Calvinistæ*, qui scilicet mordicus Calvinì doctrinam sequuntur, etiam *Contra Remonstrantes* dicti: Demùm Groningæ Theologiz Lector decessit Gommarus anno 1641. ætatis 78. cum Synodo Dordrechtanæ interfuisset. Præcipui Gommaristarum errores sunt: posse hominem perire Divinæ misericordix defectu. Deum solà suà voluntate, hoc est nullà habità peccati ratione, quorundam reprobationem absolutè decrevisse. Christum non esse mortuum prò omnibus. Hominem non posse Divinæ gratiæ resistere, nimirum non aliam gratiam nisi efficacem admittunt; prout & modò Jansenistæ. Eos qui semel crediderunt non posse ampliùs à gratia excidere.

quamvis vivant in peccatis. Qui errores alibi in hoc opere sunt confutati.

I. GORTHAUS. Ex Euseb. Eccles. hist. l. b. 4. Inter septem hæreticos, qui primi Ecclesiam divexarunt temporibus Apostolorum, unus est Gorthaus, à quo Gorthani. Hi enim septem hæretici, schismate invicem facti, ex quo ab Ecclesiæ unitate recesserant, peculiaries habuerunt sequaces, qui ex nomine ejus, quem sequebantur, sunt nuncupati. Sic Gorthani à Gorthzo, Cleobiani à Cleobio &c. Quoad errores spectat verbo *Simon Magnus* Reprob.

IX. GOTTHSCALCUS natione Germanus, in Rhemenſi Monasterio Regularem habitum induit, quem & deposuit, cum animi esset elati, impatientis, novitatum amatoris, ambitiosi, & tumultuosi, propter ad Regularem disciplinam subeundam nimis alieni; à Decano Rhemenſi contra sacros Canones Sacerdotio nullitèr initiatus, plura deinde lica peragravit, ut longè, latèque suam dispergeret hæreticalem doctrinam; præcipue prædicatorum erroribus adhæsit. Damnatus fuit in Synodo Moguntinà, iterumque hæreticus declaratur in aliâ Synodo Galliz Belgicæ; certis in Synodo Valentina, & demùm in Tullenſi Concilio, celebrato anno 859. Nè autem Gotthescalcus, qui respicere pertinacitè recusavit, majora damna, suas hæreses divulgando, in Ecclesiâ produceret, virgis cæsus, Rhemis in carcere detrusus fuit, & ab Amolo Lugdunenſi Episcopo convictus. Ex Florimondo lib. 3. cap. 8.

1. Afferbat Deitatem Sanctissimæ Trinitatis triplicem esse. R. Quia cum in Trinitate una sit essentia Divina, una tantùm esse potest Deitas. Tum quia tres Deitates distinctæ Implicanc contradictionem, ut probabitur verbo *Poli-theismus*. Verum quidem est quod Ecclesiâ canit: *Te Trina Deitas unaque poscimus*. Sed in hoc hymno intelligit solum exprimere Deitatem trinam in personis, unam in essentia, non verò tres esse essentias Divinas, ut asserere videbatur Gotthescalcus.

2. Diabolum non posse rapere ad se eorum aliquem, pro cuius Redemptione Christus passus esset. R. Nam Christus passus est pro omnibus, ut dictum est contra *Bassum*, & dicetur contra *Janſenium*, ergo in sententia Gotthescalchi nemo posset damnari. Tum quia in sacris Paginis, pluribi docemur omnes indiscriminatim reſistere diabolo, qui circuit quærens quem devoret, sed hoc foret superfluum, si diabolus non posset ad se rapere eorum aliquem, pro cuius Redemptione Christus passus esset; frustra diabolus quæreret nos aggredi tentationibus; nam in sententia Gotthescalchi, illi, pro quibus Christus est passus, sunt invicibiles; ergo &c.

3. Dixit Deum non habere voluntatem salvandi omnes, sed alios prædestinasse ad vitam, alios ad mortem, & sic cogere omnes non prædestinatos ad vitam, perire. R. verbo *Janſenius*.

4. Christum non esse mortuum pro omnibus, sed solum pro electis. R. verbo *Janſenius*.

IX. GRÆCI, circa medium seculi noni, cum Græci novitatum amatores ceperint infestos se exhibere Latinis, qui afferunt juxta sacram Scripturam, Spiritum sanctum à Patre Filioque procedere, hanc propositionem oppugnaturi, schisma fecerunt, & ab unitate Ecclesiæ se segregarunt, tanti mali auctore Photio, Patriarchâ Constantinopolitano, qui universæ Ecclesiæ primum sibi arrogare præsumperat, quod ut obtineret, novæ hæresi fomentum præbuit, ex quâ usque adhuc dilaceratur Ecclesiâ. Plura criminationum capita fuerunt à Græcis in Latinos illata, quæ maxas esse calumnias, eruditè ostenderunt Hincmarus Episcopus Rhemenſis, & Oddo Bellovacensis, qui adversus illas calumnias, hortante Nicolao Pontifice, plurimum laborarunt. Interim Græci perniciosiores facti, serſim in varios declinantes errores, quos hic simul omnes reprobandos adnectimus. Quantum Romana Ecclesiâ pro viribus studuerit ad unitatem veræ Ecclesiæ Græcos reducere, longum esset retexere quatuordecim

cim vicibus reconciliari, totidem defecerunt. Demum quid actum sit in Concilio Florentino, pro reconciliandis Græcis, videre est apud Spond. 1438. 39. 46. Qui uberiora de Græcorum schismate, levitate, & moribus desiderat Baronium consulat tom. 7. 8. 9. 10. ubi etiam videre est eorumdem unionem fictam, non factam fuisse cum Romanâ Ecclesiâ, multiplicesque fuisse Græcorum fictiones circa fidem, pertinacissimi in suis sustinendis erroribus excepto magno illo viro, postmodum Cardinali Bessarione, & paucis forsitan aliis. Græcorum errores ex Sirmondo, & Gaulterio collecti sunt sequentes.

1. Afferunt Spiritum sanctum à solo Patre procedere. R. Triplici ex Scripturis argumento. Primum eruitur ex locis, quibus Spiritus sanctus à Filio mitti dicitur, perinde ac à Patre: Joannis 14. *Paraclitus autem Spiritus, quem mittet Pater in nomine meo; & cap. 15. Cum autem venerit Paraclitus quem ego mittam vobis, Spiritum veritatis, qui à Patre procedit;* ubi notandum, quod textus iste non tantum probat processionem Spiritus sancti à Filio contra Græcos, sed etiam probat Spiritus sancti processionem à Patre contra Eunomianos; idem Joann. cap. 16. *Si non abiero, Paraclitus non veniet ad vos; si autem abiero, mittam eum ad vos;* mittitur ergo Spiritus sanctus ne dum à Patre, sed etiam à Filio: constat autem ex Theologia, unius personæ ab aliâ missionem, supponere personam, quæ mittitur, ab aliâ procedere, quæ mittit.

Secundum argumentum sumitur ex his locis, in quibus Spiritus sanctus dicitur à Filio accipere, & à seipso non loqui. Joann. 16. *Cum autem venerit ille Spiritus veritatis, docebit vos omnem veritatem; non enim loquetur à semetipso, sed quacumque audierit, loquetur;* & paulò infra *Ille me clarificabit, quia de meo accipiet, & annuntiabit vobis;* quòd autem Spiritus sanctus à Christo accipiet, exponit ipsemet Christus ibidem: *Omnia quacumque habet Pater, mea sunt, propterea dixi quia de meo accipiet.* Ex

quibus sic arguitur. Idcirco Spiritus sanctus à Filio accipit, quia Filius ea habet omnia, quæ Patris sunt, unâ exceptâ relatione Paternitatis: atqui Pater vim habet spirandi Spiritum sanctum, & cum reipso spirat, seu producit, ut Græci ipsi fatentur, ergo Filius eandem habet cum Patre vim spirandi Spiritum sanctum, in quâ Patri non opponitur, sic arguit S. Anselmus lib. de processione Spiritus sancti cap. 7. ubi celebre illud apud Theologos principium probat: *In Divinis omnia sunt unum, & idem, ubi non obviat relationis oppositio.*

Tertium denique argumentum ex iis locis colligitur, in quibus Spiritus sanctus dicitur Spiritus Christi, seu Filii. Act. 16. *Cum venissent autem in Myliam, tentabant ire in Bithiniam, & non permisit eos Spiritus Jesu.* Rom. 8. *Si quis spiritum Christi non habet, hic non est ejus.* Galat. 4. *Misit Deus spiritum Filii sui in corda vestra.* Ex quibus sic arguitur, Non alia ratione in Scripturis Spiritus sanctus dicitur spiritus Dei, aut spiritus Patris, Matth. 10. quàm eò quod à Patre procedit, ergo similiter à Filio procedit, quia est spiritus Filii; indè est quòd Joann. 20. Christus discipulis suis Spiritum sanctum tanquam suum conferens, & signo sensibili infusans, dixit: *Accipite spiritum sanctum.*

R. Secundò, auctoritate Conciliorum, quæ epistolam Cyrilli ad Nestorium, in qua disertè asserit Spiritum sanctum à Patre, Filioque procedere, approbarunt (Vide Allatii vindicias Synodi Ephesinæ, & S. Cyrilli quas edidit singulari volumine) hujusmodi autem Concilia fuerunt generalia, ut sunt Concilium generale Tertium, seu Ephesinum. Act. 13. Quartum, seu Chalcedonense, act. 53. Quintum collatione 6. & 8. Sextum, act. 18. Octavum actione ultima. Idem statutum, ac definitum fuit à subsequentibus Conciliis Lateranensibus 4. sub Innocent. III. Lugdunensibus 2. sub Gregorio X. & Florentino sub Eugenio IV. ad quæ multa alia, seu Provincialia, seu nationalia accessere Concilia.

Suffragatur etiam ratio Theologica, eaque

eaque duplex. Prima est, quia ex communi Theologorum effatu: *In Divinis omnia communia sunt, ubi non obviat relationis oppositio*, sed inter Patrem, & Filium nulla est oppositio ratione spirationis activæ, quæ Spiritus sanctus spiratur, & producitur; ergo &c. Secunda ratio, sive prioris amplior explicatio petitur ex distinctione inter Filium, & Spiritum sanctum: omnis autem distinctio inter Divinas personas fundatur in relatione originis unius ab alia; unde si Spiritus sanctus à Filio non procederet, ab ipso non distingueretur.

Nec valet quod Photius opponebat circa processionem Spiritus sancti à Filio, nimirum indè consequens fore quoddam Patrem, & Filius duo essent Spiritus sancti principia; consequentiam enim negarunt Patres Lugdunenses: *Nos enim, ajunt, damnamus, & reprobamus omnes, qui temerario ausu asserunt, quoddam Spiritus sanctus à Patre, & Filio, tanquam ex duobus principiis, non tanquam ab uno procedit. Desinimus* (ajunt etiam Patres Florentini) *quod Spiritus sanctus à Patre, & Filio eternaliter tanquam ab uno principio, & unica spiratione procedat.*

2. Furem ad restitutionem furti non obligant. R. Et quidem restitutionem rei furatæ deberi proprio domino decernit Concilium Lateranense 4. sub Innocent. III. cap. 99. can. 18. Tum quia restitutio rei alienæ est de jure Divino; nam cum Deus expressè prohibuerit furtum, expressè etiam præcepit rem remittendam esse domino suo; nam qui rem alienam detinet invito domino, censetur furari; ergo si Deus prohibuit furtum, prohibuit retineri rem alienam; ergo si res aliena non potest retineri, debet remitti domino suo. Præceptum restitutionis etiam colligitur ex illis verbis Matth. 22. *Reddite quæ sunt Cæsaris Cæsari &c.* & D. Paulus ad Rom. cap. 13. vers. 7. ait: *Reddite omnibus debita, cui tributum, tributum, cui veltigal, veltigal.* Rem Domino restituendam constat etiam Tobiz cap. 2. vers. 21. *Videte ne forte furtivus sit, reddite eum Dominis*

suis, quia non licet nobis, aut edere ex furto aliquid, aut contingere. Veritatem hanc etiam docet lex naturalis; qui enim rem sibi ablatam amat sibi restitui, hoc etiam debet respectu aliorum facere: deum justitia, quæ est virtus ab omnibus servanda, etiam præcipit restitutionem, & prohibet rapinam; juxta illud Psalm. 61. *Rapinas nolite concupiscere.* Nec valet objicere illud Lucæ 11. vers. 41. *Verumtamen quod superest, date elemosynam*, ad probandum furem non teneri ad restituendam rem domino: nam ibi Christus loquitur non de re per furtum ablata, sed de substantia, quam quis justè possidet, de quâ quod superest, hortatur ut in elemosynam erogetur.

3. Dicunt licitum esse inimicum decipere, aut odio habere, & de eodem vindictam sumere. R. Ex Matth. cap. 5. Tum quia veniam peccatorum non possumus obtinere, nisi demus veniam inimicis, hoc enim expressè asserit Christus Matth. cap. 6. vers. 14. & 15. Etiam hoc innuit Paulus ad Rom. cap. 12. cum dicit ut nulli malum pro malo reddamus. Levit. cap. 9. monemur neminem decipere. Christus Matth. cap. 5. præcipit ut prius reconciliemur fratri, antequam offeramus munus ad Altare, ergo tenemur inimicum diligere ex Dei præcepto, non ex consilio tantum, ut contendunt Græci.

4. Negant Primatum Romanæ Ecclesiæ. R. verbo *Armeni*, ubi ostenditur Pontificem Romanum esse totius Ecclesiæ Primatem. Vide verbo *Huffia*.

5. Dicunt se esse extra obedientiam Romanæ Ecclesiæ; & sensus est, non quoddam Ecclesiæ Romanæ supernam negent auctoritatem, sed quia sentiunt eam extra Occidentalem Patriarchatum jus non habere. Itaque Patriarchatus Occidentalis gradum in Romanâ Sede constitentes, Summi Pontificis constitutionem, ejusque jurisdictionem super universalem Ecclesiam non agnoscunt, sed Ecclesiam in Patriarchatus dividunt quâ de causâ schismatici sunt, id est Ecclesiam scindentes, simulque hæretici contra articulum *Unam Sanctam*. R. Itaque Græci asserentes se esse extra obedientiam

tiam Romanæ Ecclesiæ. Quia uni Petro, cuius Romanus Pontifex successor est, tradidit Christus claves regni cælorum; illi soli dictum est. *Pasce oves meas*, sicut & illi uni commendatum ut confirmaret fratres suos, id est totius orbis Episcopos, utpotè quorum fides deficere posset; secus tamen fides Petri, pro quo ipse Dominus oravit, ut ejus fides non deficeret, quod experientia hæcenus comprobavit. Deinde, antè Photium omnes Orientales Ecclesiæ supremam Romanam potestatem agnoverunt & confessæ sunt, ut ipsa acta testantur, quoniam ita ab Apostolis traditum erat. Habet ergo Romanus Episcopus omnes Apostolici ministerii gradus, Episcopi scilicet, Archiepiscopi, Patriarchæ majoris in Occidentie, & Summi Pontificis, sive Vicarii Christi in Ecclesiâ universali.

6. Dicunt Romanum Pontificem non habere plus potestatis quàm Græcos Patriarchas, & quidquid præter conscientiam eorum, per Papam sit, esse nullius valoris. R. verbo *Arnulfus*, & *Beugini*. Tum quia cum Papa sit totius Ecclesiæ caput, debet necessariò influere super omnia membra, & illa dirigere constituendo, evellendo, ædificando, & plantando, quæ constituenda, evellenda, & plantanda expediunt. Tum quia omnes Patriarchæ Græci, quousque in unitate Ecclesiæ perseverarunt, semper agnoverunt suprâ se Romanum Pontificem. Tum quia si Papa non haberet majorem potestatem, quàm habeant Patriarchæ Græci, sequeretur non esse caput Ecclesiæ, vel Ecclesiâ plura habere capita, & in tali casu corpus Ecclesiasticum esset monstrum. Demùm Christus tradidit claves Petro, & ejus successoribus, non verò aliis Apostolis, & consequenter neque aliis Patriarchis. Vide verbo *Armeni*.

7. Quidquid actum est per Pontifices à tempore septimæ Synodi, nullum est. R. Nam eadem semper perseveravit in Romano Pontifice potestas, quam per nullum Pontificem peccatum minui, dictum est contra *Arnulfum*. Tum quia

plures sancti Pontifices extiterunt post septimam Synodum, quod non contigisset, si nullum esset quidquid post septimam Synodum per Pontifices decretum est, & observatum inviolabiliter ab Ecclesiâ.

8. Eucharistiam consecratam per Ecclesiam Romanam non esse Corpus Christi, eo quòd fiat in azymo. R. Nam Christus de facto consecravit in pane azymo, ut probabilior longè sententia est, quam tenet tota Latina Ecclesia, non in fermentato, ut volunt Græci. Quòd Christus consecraverit in pane azymo, constat ex Evangelio, consecravit scilicet cum jam venerat dies azymorum, & panis fermentatus erat prohibitus Judæis. Est Eucharistiam etiam bene confici in pane fermentato, est tamen hæresis dicere, quòd non possit confici in pane azymo; imò Ecclesia Romana semper panem azymum adhibuit in sacrificio, ut advertit Leo IX. Romanus Pontifex, epist. 6. ad Michaellem Constantinopolitanum. Tam igitur azymum, quàm fermentatum est materia sufficiens; neque enim azymo usus est Christus, quia res quæ fiebat, id exigebat, sed quia cœna, in qua hoc factum est, alium panem non adhibebat; ceterùm Christus etiam fermentatum adhibuit, cum discipuli euntes in Emmaus: *Cognoverunt eum in fractione panis*; ex quo constat tam azymum, quàm fermentatum esse materiam sufficientem pro conficiendo Eucharistiæ Sacramento.

9. Non esse Purgatorium, & suffragia Ecclesiæ non prodesse, nisi illis qui sunt in inferno. R. Quoad primum verbo *Albanenses*, quo ad secundum etiam. R. ex illis verbis: *In inferno nulla est redemptio*. Esset autem aliqua redemptio, si animæ damnatæ essent capaces suffragii. Tum quia animæ, quæ sunt in inferno non sunt amplius de corpore Ecclesiæ, neque ullam cum illo unionem habere censentur; ergo suffragia Ecclesiæ nequeunt in illas influere.

10. Condemnant secundas, vel ultiores nuptias, negantes in iis esse matrimonium. R. Quia matrimonium con-

sistit

sistit in mutuo conjugum consensu, & animorum affectu, sed mutui conjugum consensus esse potest inter duos liberos viduos, ergo vidui, & viduæ possunt de novo contrahere matrimonium, & transire ad secundas, & ultiores nuptias; quæ de re nulla extat in sacris paginis prohibitio; imò potius contrarium evincitur; nam qui non possunt contineri, hortantur ad nuptias, melius siquidem est nubere, quàm uri, sed difficultas servandi continentiam sæpè major est in viduis, quàm in virginibus, ergo viduæ possunt transire ad nuptias; ergo secundæ, & ultiores nuptiæ sunt licitæ, & habent vim matrimonii, quia eadem obligatio, quæ est in virginibus contrahentibus, etiam est in viduis contrahentibus, ergo si primæ nuptiæ habent rationem matrimonii, etiam talem rationem habent ultiores nuptiæ. Tum quia matrimonii vinculum tamdiu ligat, quamdiu vivunt conjuges, ergo mortuo uno ex conjugibus, alter est sui juris, est liber à primo vinculo, ergo potest per aliud vinculum matrimoniale iterùm ligari.

11. Usuram non esse peccatum mortale. Repr. verbo *Albanenses*.

12. Divortia fieri posse sine causa ad libitum. R. Nam sine mutuo consensu, vel approbatione Ecclesiæ, non posse fieri divortium, hinc patet, quòd cum in matrimonio conjuges sibi invicem tradant potestatem sui corporis, ut monet Apostolus, non potest alter eorum, altero invito privare consortem jure, quod habet in alterius corpus, ut reddat sibi debitum. Tum quia ex inconvenientibus, quæ sequerentur in Græcorum sententiâ, constat divortia non posse ad libitum fieri. Vide verbo *Ebion*.

13. Condemnant Ecclesiâ Romanam, quòd ponat aquam frigidam in Sacrificio. R. Nam nullibi legitur præceptum de infundenda aqua in calice consecrando, quæ sit tepida.

14. Eorum Dominator vendit prælaturas. R. verbo *Simon Magnus*.

15. Prælati eorum vendunt sacros Ordines. R. verbo *Simon Magnus*.

16. Reliquias panis fermentati, de quo conficiunt Sacrificium, volunt quoque esse corpus, & valere tanquam Sacrificium tempore extremo, ubi non inveniunt Sacrificium. R. Nam supra tales reliquias panis, non cadunt verba consecrationis, ergo sub talibus reliquiis non continetur Corpus Christi, ergo hujusmodi reliquiæ non sunt Sacramentum; licet accipientibus ex devotione nihil sit improbandum.

17. Condemnant Ecclesiâ Romanam, eo quòd celebrat Missam diebus Quadragesimalibus. R. Nam Christus quando instituit Sacramentum, & dixit Apostolis, ut in ejus memoriam Sacramentum conficerent, nullum diem excepit, imò quotidie Sacrificium offerendum esse, implicitè colligitur ex ipsius Christi verbis, cum dixit: *Hæc quotiescumque feceritis, in mei memoriam facietis*. Adverbium autem *quotiescumque* denotat liberum esse Sacerdoti quacumque die voluerit, Sacrificium offerre. Unde in 2^{is} S. Andreæ, qui apud eosdem Græcos passus est, legitur: *Immolo quotidie immaculatum agnum*.

18. Non habent Sacramentum Confirmationis. R. Ex pluribus Conciliis, in quibus asseritur Confirmationem esse Sacramentum, quam veritatem novissimè declaravit Concil. Trid. sess. 7. Can. 1. Cum autem per Confirmationem accipiat speciale augmentum gratiæ ad tutandam fidem, hinc in primitiva Ecclesiâ, statim ac quis erat baptizatus, confirmabatur per sacram Unionem, de qua loquitur Apostolus ad Corinth. cap. 1. vers. 21. *Qui autem confirmat nos vobiscum in Christo, & qui unxit nos Deus: qui & signavit nos, & dedit pignus Spiritus in cordibus nostris*. Quod utique fiebat per sacram Unionem, & manuum impositionem, sicut nunc etiam fit in Ecclesiâ. Apostolos autem per manuum impositionem, & unctionem super baptizatos, non contulisse gratias gratis datas, ut volunt hæretici, sed contulisse Spiritum sanctum, constat evidentè ex Scriptura, ubi legitur Apostolos misisse Paulum, & Barnabam in Samariam, ut im-

imponerent manus super eos, qui crederant. Demum Græcos in primitiva Ecclesia, imò usque ad Photii tempora agnovisse, & connumerasse inter Sacramenta Ecclesiæ Confirmationem, certum est. Sicut est indubium, quòd in pluribus Conciliis de eodem Sacramento mentionem fecerint: quæ de re vide Naironum in *Evangelia fidei* à pag. 128. usque ad 134.

19. Errant in extrema Unctione, intelligentes B. Jacobum tantum de infirmitate peccati, non verò de infirmitate corporali locutum. R. Ex ipsis B. Jacobi verbis, ubi proficitur Unctionem valere non modò pro infirmitate peccati, sed etiam pro infirmitate corporali; quæ verba adeò sunt expressa, ut nullus remaneat tergiversationi locus.

20. Sacramentum, quod ferrià quintà in Cœna Domini conficiunt, servant pro toto anno, dicentes majorem habere virtutem Sacramentum confectum in die Cœnæ, quàm reliquis anni diebus. R. Ex verbis Christi, qui dixit: *Hæc quotiescumque feceritis, in mei memoriam facietis*, ergo Christus voluit quacumque die posse confici Sacramentum, quod utique majoris non est efficaciz, sive consecratum in die Cœnæ, sive in alia die, quod probatur. Nam quocumque die consecratur panis, sub speciebus panis consecrati est verum Corpus, Anima, & Divinitas Christi, ergo quacumque die consecratur panis, semper Eucharistia eandem habet efficaciam.

21. Aliqui ex Græcis Confirmationem admittentibus, illam reiterant super eos, qui confirmati jam sunt ab Episcopis Ecclesiæ Romanæ, sicut notat Nicolaus Cabasilas in Oratione 2. *De vita in Christo*, & certè cum Concilium Florentinum in Decreto unionis, statuerit non reiterandam Confirmationem, consequens est, saltè aliquos ex Græcis, in hoc fuisse errore, licet potior eorum pars omninò hoc Sacramentum non reciperet.

22. Animas Sanctorum usque in diem Judicii non introduci ad gloriam, nec

Tam.L

damnatorum ad pœnam, sed errare sicut aves cæli. R. Lucæ cap. 16. *Mortuus est dives, & sepultus est in inferno*. Ex quo textu constat divitem peccatorem, non ditulisse ad extremum Judicium, suum descensum in locum tormentorum, sed statim post mortem, sepultum fuisse in inferno, quam veritatem etiam evincit illud Job. 31. *Ducunt in bonis dies suos, & in pœnis ad inferna descendunt*. Tum quia post mortem statim præmiantur electi, juxta illud: *Hodie mecum eris in Paradiso*: ergo etiam statim debent puniri reprobi. Tum quia animas post mortem errare sicut aves cæli, purum est adinventum, cum nulla auctoritate Scripturæ possit comprobari. Vide verbo *Calvinus*.

23. Non habent nisi quinque Ordines, Lectoris, Subdiaconi, Diaconi, Presbyteri, & Episcopi. Rep. Ex Concilio Carthagin. 4. in quo omnes Ordinis gradus describuntur, sunt autem *Ostiarus, Lector, Exorcista, Acolytus, Subdiaconus, Diaconus, & Presbyter*. Item, in Ecclesia Dei esse septem Ordines, præter alia Concilia, novissimè declaravit Concil. Trid. sess. 7. de Sacram. in genere. Ordinis gradus semper servati sunt in Ecclesia à tempore Apostolorum, sicut refert S. Damasus in suo Pontificali. Consentient in his septem Ordinis gradibus, omnes Scriptores Ecclesiastici, tam novi, quàm veteres: etiam S. Ignatius, qui fuit discipulus S. Joannis Apostoli, in Epistola ad Antiochenes, de his Ordinis gradibus mentionem facit. Et licet omnes præfati Ordines sint Sacramenta, cum quilibet ex ipsis causet in initiato gratiam, & characterem; non tamen hinc potest inferri, quòd plusquàm septem sint Sacramenta in Ecclesia; nam cum ex fine specificentur, quæ ordinantur ad finem; omnes autem Ordines ordinantur ad finem conficiendæ Eucharistiæ; hinc sequitur, quòd omnes Ordines sint unum Sacramentum, ex unitate finis ad quem tendunt. Vide quæ dicta sunt verbo *Cathari*.

24. Simplicem fornicationem negant

P p

gant

gant esse peccatum. Repr. verbo *Florinus*.

25. Solent quolibet anno excommunicare Romanam Ecclesiam, nec permittunt Latinos celebrare in Altaribus ipsorum; tenent etiam quòd uno die, in uno Altari unus tantum possit Missam celebrare.

26. Dicunt non posse quemquam peccare mortaliter. R. Nam peccatum mortale committere censetur, qui graviter peccat contra Divinam legem; potest autem homo graviter contra Divinam legem peccare, maxime dum ea facit, quæ expressè à lege Dei sunt prohibita, vel illa omittit, quæ ab eadem lege sunt præcepta. Tum quia si non posset homo peccare mortaliter, sequeretur superfluum esse Sacramentum Confessionis; nullum esse infernum, omnes salvari, quod est falsum.

27. Dicunt accedentem ad mensam Dominicam cum peccato mortali, non recipere Corpus Christi. R. Nam si accedens cum peccato mortali, non reciperet corpus Dominicum, sequeretur non posse Eucharistiam indignè manducari, quòd expressè ait Apostolus: *Qui indignè manducat, judicium sibi manducat*. Vide quæ dicta sunt verbo *Adelfus*, & *Entisistæ*. Tum quia Corpus Christi ex vi consecrationis est sub specie panis; in sententia autem Græcorum, sequeretur Corpus Christi esse sub specie panis ex vi dignæ, vel indignæ accessionis ad sumptionem Eucharistiæ.

28. Damnant eos qui comedunt de suffocato. R. verbo *Cerintus*. Tum, quia legalia non esse amplius servanda certum est; quia cum essent mysteria instituta ad significanda quæ futura erant in lege Evangelica, post adventum Messie, & propagationem legis Evangelicæ nullam amplius habent significationem, ideo non sunt amplius servanda. Legalia enim legis veteris ordinabantur ad novam legem; ergo accedente nova lege debent cessare, sicut accedente sole, desinit esse umbra, ita accedente figurato, desinit esse figura. Verum est, quòd in Concilio Apostolorum præcepta fuit

abstinencia à suffocato, ista tamen Canonica dispositio tunc temporis opportuna fuit ad vitandum scandalum Judæis, & ideo servanda in primordiis Ecclesiæ, ne cresceret persecutio, aut impeditur propagatio. Vide verbo *Encratita*.

29. Damnant Latinos comedentes carnes die Mercurii, laetitia die Veneris, & improbant etiam, quia non comedunt carnes die Sabbati. R. Nam cum in nova lege nullatenus prohibitum sit comedere carnes, illis solum diebus tenemur abstinere, quibus Ecclesia præcipit abstinencia à carnibus: nam Ecclesia, cum, ut alibi dictum est, possit condere leges, & iisdem teneantur omnes Christiani, hinc satis constat, quare abstinemus à carnibus uno potius, quàm altero die.

GRÆCI MODERNI.

Inter errores, qui Græcis adstipulantur, plures sunt aded à ratione alieni, ut vix credibile sit, quomodo Græci, inter quos floruerunt plures eruditione, & probitate viri conspici, potuerint in errores aded absurdos impingere. In pluribus articulis à sensu veræ Ecclesiæ aberrasse, potissimum vanitatis fulgine obcæcata Græcorum ratione, non potest in dubium revocari. An autem in omnibus præfatis articulis deliquerint, neque hic locus, neque mens est revocare in questionem. Certum quidem est modernos Græcos non omnibus præfatis erroribus, quos verbo *Græci* reprobavimus, adhærere, & solum in novem articulis, nunc temporis à sana doctrina Catholica aberrare, quos ex recentiori corundem epistola Synodica collectos, hic opportunum censui adnectere, & contra veteres Græcos jam reprobatos exhibui: vel contra alios hæreticos, in hoc opere confixos est invenire.

In Epistola Synodica Conciliabuli Constantinopolitani, quod exeunte anno Christi 1722. habitum est à Patriarchis Græcis Jeremia Constantinopolitano, Athanasio Antiocheno, & Chrysantho Jerosolymitano, præsentibus duodecim Archiepiscopis, & Episcopis, transmissa Græcè, & Arabicè ad Græcos

cos Antiochenz Diacefos; sequentes errores schismaticorum adversus Latinos propugnatur.

1. Primatus Petri suprà Apostolos, & Romani Pontificis suprà reliquos Patriarchas, & Episcopos, ejusdemque in rebus fidei infallibilitas, & in Principes seculares auctoritas impugnatur; usque ferendi signatas Cruce crepidas damnatur.

2. Processio Spiritus sancti, ex solo Patre asseritur, & vox illa *Filiusque*, à Latinis Symbolo adjecta, rejicitur.

3. Fermentum in consecratione Eucharistiz, azymo rejecto, probatur.

4. Per invocationem Spiritus sancti post verba consecrationis, fieri, & perfici Corpus, & Sanguinem Christi asseritur.

5. Purgatorius ignis, locusque à Paradiso, & Gehenna distinctus exploditur.

6. Beatitudo Sanctorum, & pœna damnatorum usque ad communem resurrectionem differtur.

7. Suffocatorum usus interdicatur.

8. Sabbati jejunium perstringitur.

9. Denique notantur Latini, quod parvulis post Baptismum, Eucharistiam non porrigunt, neque eos ungunt sacro Chrismate, neque oleo ungi permittunt, nisi infirmos.

Omnes præfatos errores, contra antiquos Græcos, jam reprobatos exhibuimus; primo quoad ultimam partem, quarto, & nono exceptis, quos breviter reprobamus: & quidem usus Pontificis ferendi signatas Cruce crepidas, tantum abest, quod (ut blaterant Novatores) ejusdem tumorem explicet, ut potius ejus humilitatem designet, qui à plantâ pedis, usque ad verticem capitis, in solo Crucis signo, & humilitate gloriatur: & quia consueverunt Catholici in obsequium Christi Vicarii, ejus pedibus procumbere, ut non sibi, sed Christo hoc obsequium præstitum referrent Pontifices, crucem statim deosculandam procumbentibus exhibent. Vestes, cibis, utensilia quæque crucis signo munire, pius mos est apud Catholicos, nec ideo credunt venerationi Cru-

ci debitz derogare, imò Cruci obsequi arbitrantur. Quid vetat igitur sine honoris dispendio, qui Crucis signo debetur, Summos Pontifices super vestes suas Crucis signum imprimere? De Cruce in calceis Pontificis, & ejus affigendæ rationibus, qui argumenta desiderat, *Antonius Paulutius* consulat, in opere ab ipso exarato inscripto *Jurisprudencia sacra* Tractatu 2. cap. 10. par. 6.

Rep. quartus, ex nuper dictis, error Græcorum, quia in materia Sacramentorum standum omnino est Christi institutioni, & nullibi in quatuor Evangelis legitur Christum, pro consecratione sui Corporis, & Sanguinis, invocasse Spiritum sanctum, quod certe non reticulisset Evangelistæ in re tam gravis momenti, si per hanc invocationem (ut ipsi ajunt) periceretur Corpus, & Sanguis Christi Domini; neque ullam hæc de re omnes SS. Patres mentionem faciunt. Nullibi ex sacris traditionibus constat, ergo &c.

Rep. quintus error verbo *Albanenses*. De existentia Purgatorii, & de auctoribus, qui existentiam Purgatorii propugnant. Vide Card. Bona in *Psalmodia* cap. 13. par. 4.

Rep. nonus error Græcorum, qui notant Latinos, quod parvulis post baptismum Eucharistiam non porrigant: & quidem usus communicandi parvulos post baptismum, perduravit in Ecclesia usque ad duodecimum seculum, usque ad quod tempus, nisi instaret mortis periculum, protraheretur infantium baptismus ad aliquot annos. Sed cum post hæc Ecclesia dignis de causis decreverit infantibus post octavum à nativitate diem non esse protrahendum baptismum, communionem infantibus, qui baptizantur, non amplius exhibet: & hoc agit propter graves, & dignas rationes, quarum potissima occurrit, quod infantes vix nati, & ratione non utentes, non possunt spiritualiter accipere Sacramentum, sed tantum materialiter, quod fieret absque ulla tanti mysterii estimatione, & consequenter sumerent absque ullo fructu.

deficiente parvulis lumine rationis, & aqualis Fidei. Adde, nondecere Græcorum consuetudinem, intingendi digitum Sanguine, ut parvulis porrigatur; haud enim sciri potest an semper ab eisdem sugatur unde exponeretur tantum mysteriū non modicæ irreverentiæ. Nec propterea illorum ritum reprobamus, quem ipsi Ecclesia Romana permittit: sed causas adducimus, quare non sit in usu apud Latinos, qui pariformiter non confirmant infantes, statim ac sunt baptizati, quia cum minister Confirmationis sit Episcopus, non posset baptizari infans, nisi ab Episcopo, aut præsentē Episcopo, qui confirmaret baptizatum; cum autem sit impossibile, quod quotiescumque debet conferri baptismus, semper possit adesse Episcopus, sequeretur cum gravi periculo infantium, differendum esse baptismum. Tum quia Confirmatio datur, ut confirmatus acquirat robur ad resistendum tentationibus contra fidem, quibus cum infantes non sint subiecti, necesse non est infantes, statim baptizatos confirmare; sicut neque necesse est oleo infirmorum ungere, cum extrema Unctio, pro ut constat ex ejus institutione, sit exhibenda in gravi infirmitate, ad superandas tentationes, quibus infestamur in mortis articulo.

XVI. GREGORIUS PAULI. De ipso actum verbo *Dei* facta, quorum Coriphæus communiter creditur; sed præter errores à Deistis receptos, adhuc sequentes infantiæ Gregorio Pauli adscribuntur, ex Florimond. lib. 2.

1. Dixit essentiam Divinam neque videri, neque videndam esse ab Angelis, & hominibus. R. Quia beatitudo consistit in visione, & fruitione Divinæ essentiae; & si hæc visio non potest quis beari: Angelos autem, & Beatos videre Deum, constat ex sacris paginis. Matth. cap. 5. *Beati mundo corde, quoniam ipsi Deum videbunt.* Item ex Apostolo 1. ad Cor. 13. vers. 12. *Videmus nunc per speculum in enigmate, tunc autem facie ad faciem.* Item, beatas animas clarè intueri Deum declarant Concilia, inter quæ Florentinum. Verum quidem

est, quod nequit intellectus creatus, absque adjutorio luminis gloriæ videre Deum, quapropter legimus Isa. 64. v. 4. *Oculus non vidit, Deus, absque te, quæ preparasti expectantibus te.* Cæterum verissimum est, quod legitur Joann. 1. cap. 3. *Scimus quoniam cum apparueris, similes ei erimus, quoniam videbimus eum sicuti est.* Vide verbo *Arnaldus Brix, Almaricus.*

2. Dixit malum Angelum à suæ puncto creationis, malum fuisse, nec unquam nisi malum extitisse. R. Quia non est consonum dicere, quod prærogativa concessa à Deo Protoparentibus, qui creati fuerunt in gratiā sanctificante, fuerit denegata Angelis, qui sunt sublimioris naturæ, ergo Angeli, si creati fuerunt in gratiā sanctificante, non potuerunt à suæ puncto creationis mali existere. Insuper Deus creavit Angelos ad suum ministerium, de quibus legitur: *Qui facit Angelos suos spiritus, & ministros suos &c.* sed nequàm est dicere Deum summè bonum, creasse ad suum ministerium Angelos, qui ab initio suæ creationis fuerint mali: esto quod aliqui Angeli, per prævaricationem voluntariam facti sint mali, & à gratiā ceciderint, certum tamen est omnes Angelos, & consequenter etiam Luciferum, cum suis sectatoribus, creatos fuisse excellentibus prærogativis ornatos; quapropter non mali, sed boni spiritus erant nuncupandi: tum quia si Angelus fuisset malus à primo creationis instanti, malitia ejus refunderetur in Creatorem, ut egregiè probat S. Thomas 1. p. quæst. 63. art. 4. & 5. Vide etiam D. Augut. lib. 12. de Civit. Dei.

3. Nec Diabolum, nec Adamum nunquam stare potuisse in statu innocentiz. R. Ex iis quæ dicta sunt in reprobatione antecedenti, ubi probatum est Angelos creatos fuisse in statu innocentiz, cui consonat quod legitur Isaiz 14. 12. *Quomodo cecidisti de calo Lucifer, qui manè oriebaris?* Qui textus interpretatur ab omnibus de statu innocentiz, in quo creati sunt Angeli, à quo cecidit propter prævaricationem suam Lucifer, cum

eum ſeſſatoribus ſuis ; ſi ergo cecidit propter prævaricationem , potuit in ſtatu innocentiz permanere : nemo enim peccat cadendo à ſtatu , in quo ſtare non poteſt . Etiam Adam (quod aſſerunt unanimiter Sancti Patres , & de quo Eccl. 7. legitur : *Hoc inveni , quòd feceris Deus hominem rectum*) à rectitudine propter peccatum deviauit . in quâ conditus fuerat : item . Angeli boni de factio perſeverarunt in ſtatu innocentiz , in quo creati fuerunt , ergo in eodem ſtatu perſeverare potuerunt tam Angeli mali , quàm homo , liberè enim uterque peccavit .

4. Dixit liberum arbitrium eſſe potentiam paſſivam , non autem activam , moverique neceſſariò ab appetitu . Rep. Quia libertas humana eſt potentia indiſſerens ad extrema contradictionis (in quo conſiſtit ratio libertatis) & ad extrema contrarietatis , quæ duplicem contradictionis libertatem importat , ſcilicet ad bonum , & non-bonum , & ad malum , & non malum ; unde ex duobus contrariis à ratione propoſitis , poteſt alterum eligere , etiam diſſuadente ratione , quæ utrumque proponit ; ergo liberum arbitrium eſt potentia activa , quæ non movetur neceſſariò , ſed liberè ; ſi enim neceſſariò moveretur , jam non poſſet ex duobus contrariis propoſitis , alterum pro libito eligere ; experientià enim conſtat , quòd appetitus poteſt quidem pulſare , demulcere , blandiri , non autem poteſt vim inferre voluntati . Hinc eſt , quòd ad liberum arbitrium conſtituendum , non ſufficit libertas à coactione , ut contendunt hæretici , ſed etiam requiritur libertas à neceſſitate , quæ libertas facit quòd liberum arbitrium ſit potentia activa ; ceterùm ſi liberum arbitrium eſſet potentia merè paſſiva , ſequeretur quod pecudes , quæ ſpontè eſcunt ballantes in pascuis , eſſent liberi arbitrii . Adde , quòd implicat in terminis , liberum arbitrium non eſſe ſolutum à neceſſitate ; ideò de hominis libertate diſſerens Apoſtolus 1. ad Cor. 7. verſ. 37. ait : *Non habens neceſſitatem , poſſeſſum autem habens ſu-*

voluntatis , cui conſonat , quòd legitur Eccl. 15. *Appoſuit tibi ignem , & aquam , ad quòd volueris porrigere manum tuam* ; item ex Concilio Arauſicano , & Tridentino , conſtat hominem liberè conſentire Divinæ inſpirationi , quam poteſt rejicere , ergo liberum arbitrium non eſt potentia merè paſſiva , quæ neceſſariò moveatur ab appetitu , ſed eſt potentia activa : ex quo corrigit ſequens error , quo dicebat :

5. Homo vi tentationis impulſus peccans , non ſit reus peccati . Repr. Quia homo quacumque tentatione impulſus , ſemper eſt liberi arbitrii , ergo quodcumque peccat , ſemper ſit reus peccati . Deindè , quâ ratione tot exhortationes , totque promiſſiones allicientes ad bonè agendum , tot etiam comminationes à peccato retrahentes habemus in ſacris literis ? niſi quia ille ſolum meretur , aut demeretur , qui ſe liberè præmio , vel poenâ dignum facit .

6. Deum eſſe cauſam modorum omnium , & circumſtantiarum actionis , quòd idem eſt ac dicere , Deum eſſe cauſam omnium peccatorum . R. verbo *Blafus* , contra quem offendimus Deum neminem provocare ad peccatum . Ibi. que notandum nos non negare , quòd Deus ſit cauſa modorum , & circumſtantiarum , quatenùs habent rationem boni phyſici ; nullum enim eſt bonum , cujus Deus cauſa non ſit , ſed Gregorius Pauli loquitur de modis , & circumſtantiis in linea deformitatis moraliſ , quòd damnavit Trident. ſeſſ. 6. can. 6.

7. Non eſſe credendum , niſi quòd ex ſe cognitum eſt , vel declarari poteſt ex rebus , quæ ex ſeipſis certæ ſunt . R. Quia circa ea , quæ de ſe cognita ſunt , non habetur fides , ſed ſcientia : fides autem eſt ſperandarum ſubſtantia rerum , argumentum non apparentium , & conſequenter verſatur circa ea , quæ de ſe cognita non ſunt . Tum quia fides , quæ verſaretur circa ea , quæ de ſe cognita ſunt , non haberet meritum , quia fides non habet meritum , ubi humana ratio præbet experimentum . Vide verbo *Felicianus* .

8. Cor.

8. Corpus corruptum non idem ipsum resurgere. R. Ex iis quæ dicta sunt contra *Basilidianos*, *Almarium*, *Cbiliasias*: suadet etiam resurrectio in proprio corpore, quia nulla est implicita, quod idem numero corpus, licet corruptum, iterum possit reparari, & animari: videmus enim arbores hyemali tempore quasi mortuas, verno tempore iterum reviviscere, & virescere, legitur autem Job. 19. *Scio enim quod Redemptor meus vivit, & in novissimo die de terra surrecturus sum, & rursum circumdabor pelle mea*, 1. ad Corinth. *Omnes quidem resurgemus*. Item Deus est Auctor naturæ humanæ, qui cuncta fecit ex nihilo, ergo à fortiori poterit eandem reparare. Tum quia Deus potuit ex nihilo rem producere, ergo à fortiori poterit idem corpus corruptum reparare.

9. Nullam esse sepulturæ curam gerendam. R. verbo *Valdenses*.

10. Animam corrumpi unâ cum corpore. R. Ex his quæ dicta sunt contra *Arabes*. Tum quia, quod corrumptur, debet dissolvi in partes, sed anima non habet partes, ergo non potest corrumpi. Tum quia, quod non est generabile, neque est corruptibile. Tum quia operationes animæ sunt incorruptibiles, ergo anima est incorruptibilis. Mortuū hæc est efficacior reprobatio, quod statim, ac malum aliquod grave committimus, timeamus pœnam æternam, ergo si anima non est immortalis, sed cum corpore moritur, excutiamus hunc timorem, hanc syndesmem, si valeamus.

11. Deum, cum sit spiritus, non esse verbo invocandum, & adorandum, sed tantum corde. R. Ex Scriptura, Psalm. 31. *Cantate Domino canticum novum, benè psallite ei in vociferatione*; ex Apostoli. ad Colos. 3. *Docentes & commoventes vos metipso psalmis, hymnis, & canticis spiritualibus*. Concil. Agathense, & Toletanum quartum approbant cantum, & orationem vocalem; cujus beneficium experientia comprobatur, quandoquidem sive tristitia, sive temptationibus vexati, recitatione orationum

vocalium, magnum experimur subsidium.

XVI. GRIBALDUS, nomine Matthæus, Patriæ Patavinus, ubi celebris erat juris consultus, Patriam abdicavit, ut Calvinii errores profiteretur, & in Serveti errores incidit, factus unus ex præcipuis Antitrinitariis. Contrâ Trinitatis Mysteriorum, ita fuit blasphemus, ut ipsi hæreticis se fecerit exosum: in academia Tubingensi inter professores juris adscriptus, propter suas blasphemias fugere coactus, inter Helveticos refugium quaesivit: in Civitate Bernensi carceri mancipatus, ut majorem effugeret pœnam, suos errores retractationi subiecit: libertate obtenta, iterum suos vomit errores, Serveto, & Valentino Gentili addictissimus: ejus blasphemiz sunt sequentes:

1. Ecclesia nunquam invocavit Christum ut Deum. R. Ex omnibus collectis, quas canit Ecclesia, quarum plures etiam à tempore Apostolorum accepit; in earundem autem omnium conclusionone, invocatur Christum ut Deum: de Divinitate verò Christi satis ædum contra *Cerinthum*, & plures alios hæreticos, in hoc opere reprobatus.

2. Deus verus æternus nullas habet personas, sicut enim brutum nequit appellari personam, ita neque Deus. Rep. Nam ratio personæ benè dicitur de quacumque natura intellectuali, ut probant Theologi, idem nequit dici de bruto, in quo non est natura intellectualis; quod autem in Divinis sint plures personæ, constat ex Evangelio ubi sigillatim de Patre, Filio, & Spiritu sancto, tanquam de tribus personis distinctis sermo habetur: legitur enim in sacris paginis, quod Deus Pater miserit Filium suum; & quod Pater, & Filius miserint Spiritum sanctum Paraclitum; sed mittens est realiter distinctus à mittente, ergo de tribus personis realiter distinctis, verè in sacris paginis fit mentio, ergo de facto in Divinis sunt tres personæ realiter distinctæ.

3. Ter maledicta blasphemia est cum Deus appellatur Trinitas. R. Ex supra dictis,

didit, & verbo *Bogomilli*, ubi probatur existentia Sanctissimæ Trinitatis.

4. Vera Ecclesia non nisi Deum Patrem invocare debet. R. Quia si in Divinis est Deus Pater, ut admittit Gribaldus, ergo etiam Deus Filius, quia Paternitas in Divinis necessario debet esse fecunda, & generare, ergo si Deus Pater est invocandus, etiam Deus Filius est invocandus: sed etiam Spiritus sanctus est invocandus, quia etiam est Deus, ut alibi probatum est; unde & David orabat *Spiritus sanctum tuum ne auferas à me* tres personas Divinas semper Ecclesia invocare consuevit, tam distincti, quam indifferminati, quia unam, & indivisam essentiam in omnibus tribus personis proficitur, & adorat.

5. Si Trinitas in tribus personis subsistit, sequitur quatuor esse Deos, nempe Pater, Filius, & Spiritus sanctus, & quæ ex ipsis constituitur Trinitas. R. Nam Trinitas non est quarta entitas in Divinis, sed dieit præcisè numerum ternarium personarum, in quibus cum unica, & eadem sit essentia, quia unus tantum esse potest Deus; ita etiam non quatuor Dii, sed unus Deus in Trinitate est adorandus. Tum quia inepta est Gribaldi sequela; nam sicut tria non faciunt quatuor, sed tria; ita tres personæ non constituunt quartam entitatem in Divinis, nempe Trinitatem: sed Trinitas nihil aliud dieit, nisi complexum omnium trium personarum Divinarum. Vide Theologos disputantes, an in Deo sit absoluta ratio subsistendi.

6. Christus, & Apostoli nihil revelarunt de Trinitate. R. Et quidem Christus expressè, ut constat ex Evangelio, loquutus est pleribi de Patre, & Spiritu sancto, & de se ipso ut Filio Divino, maxime ubi præcepit Apostolis, ut baptizarent in nomine Patris, & Filii, & Spiritus sancti: Apostolorum autem plura sunt testimonia, potissimum ex D. Petro, & Paulo, sicut faciliè eorumdem epistolæ discurranti patebit. Vide verbo *Blandriæ, Bogomilli*.

GUBRINI. Vide Illuminatorum secta.

XIV. GUIARDUS de Cressones, se

Angelum Philadelphix, à Deo immediatè missum didicitabat, asserens nec cingulum pellicum, quo erat præcinctus, nec habitum quo erat indutus mandato Papæ deponere posse obligari, imò Papam id præcipiendo peccare, sed tandem utrumque deponens, & errorem suum agnosceus, perpetuò carceri fuit mancipatus; ex Spondan. anno 1316.

XI. GUIBERTUS. In generali Synodo Catholicorum Quintilincburgensi, celebratà infra octavam Paschæ anno 1085. cui præfuit Otto Episcopus Cardinalis Ostiensis, sententia anathematis cum ardentibus eandem promulgata est in Guibertum hæresiarum, Sedis Apostolicæ invasorem, referente Spondan. anno 1085.

XIV. GUIDO de LACHA. Tantam sanctitatem vivens affectavit, ut ab omnibus tamquam alius Joannes Bapt. haberetur, ita ut ad eum populi confluerent; sed sub ementita sanctitate fuit hæreticus perfidus, & maleficis deditus, per quæ fortè sanctitatem simulabat, quam tamen hæresim profiteretur non refert Bernardus Lutzemb. Probabile est hæresi Albigensum, quæ tunc grassabatur in Lombardiâ, fuisse infectum; cum autem per testes fideles, Episcopus quatuor annis à Guidonis decessu, Guidonem hæreticum fuisse comperisset, exhumari præcepit, ejusque ossa comburi, quæ ope dæmonis elevata fuerunt ab igne ne comburerentur; sed sacrum offerente Episcopo in laudem B. V. ut Deus provideret, ne ex illâ maleficâ elevatione, populi adstantes deciperentur, & tamquam sanctum haberent, quem hæreticum esse constabat, statim ossa elevata, super paratum ignem deciderunt, exclamantibus dæmonibus, quòd non poterant amplius eum juvare, cum tamen quantum ipsis possibile fuerat, defendissent. Comburebantur tunc temporis etiam in Alemmaniâ multi propter maleficia, ex quo inferri potest, Guidonem fuisse maleficis deditum, & per maleficia admirabilem sanctitatem simulasse, ex Bernardo Lutzemburg. in catalog. hæret.

XIII. GUI-

XIII. GUILLELMUS DE S. AMORE, ex Oppido Amatoris apud Sequanos, Canonicus Bellovacensis, & Theologus Parisiensis, vir magni nominis, librum edidit contra Religiosos mendicantes inscriptum: *De periculis novissimorum temporum*, ejus doctrinam Pontifex Alexander IV. damnavit; librum eomburi, & aboleri præcepit, & Guillelmum à magisterio, omnique dignitate depositum, regnum Franciæ intrare, absque speciali Sedis Apostolicæ licentia prohibuit. Mortuo Alexandro, iterum Parisiis se recipiens, librum suum: *De Periculis novissimorum temporum* correxit, mutilavit, emendavit, & sic emendatum ad Clementem IV. transmissit; Clemens quartus librum sic emendatum, nec approbavit, nec reprobavit; benignè nihilominus egit eum Guillelmo, qui ann. 1272. hominem exiit; porro ejus liber præcipuè docebat Religiosos mendicantes non posse prædicare, etiam obtentâ à Sede Apostolica facultate. Non conferendam esse Religiosis mendicantibus eleemosynam. Non esse admittendos in universitatibus tanquam magistros. Contentum Religiosis mendicanti, etiam approbato, non satisfacere præcepto annuæ confessionis, & similia; quæ eum magis ex livore in Religiosos mendicantes concepto effutiret, nullisque validis rationibus comprobaret, reprobatione non indigent: satis enim per se patet, quam sit absurdum dicere, quod Religiosi mendicantes, ratione paupertatis voluntariæ assumptæ, quæ facili ad perfectionem Christianam conducit, quamque Christus expressis verbis commendat, non posse prædicare, confessiones audire, docere & similia peragere; cum tamen Apostoli, qui nihil habebant, quosque ad prædicationem mittens Christus sine baculo, sine perâ, & unâ contentis tunica dimisit, nobis reliquerint sanctæ paupertatis exemplum. Qui furorem Guillelmi de sancto amore notitiam desiderat, quem cum suis sectatoribus impugnavit SS. Ecclesiæ Doctores Thomas, & Bonaventura, Natalem Alexandrum consulat seculo 13. ubi etiam vi-

dere est errores, unum supraviginti, quos continebat libellus de *periculis novissimorum* inscriptus, sive de *periculis Mundi*, ab Alexandro IV. Pontifice maximo damnatus; Opus à S. Doctore Angelico contra Guillelmum exaratum inscribitur: *Adversus impugnantes Religionem*. Opus verò Doctores Seraphici præfert titulum de *paupertate Christi*, & *Apologia pauperum*.

Dicebat Religiosos ex eleemosynâ viventes graviter delinquere, in statu salvationis non esse, asserens omnes Religiosos teneri sibi vicum comparare labore manuum. R. Ex Concilio Constantiensi sess. 8. in quo mendicitas Religiosorum approbatur, & consequenter de eleemosynâ vivere; item Christus docet ad perfectionem conducere paupertatem: *Si vis perfectus esse vade vende etc.* ergo Deus ipse commendat paupertatem, ergo licet unicuique sequi Divinum consilium de servandâ paupertate; neque proinde qui paupertatem vovet, tenentur manibus laborare, ut asserit Guillelmus, quia quamvis otium vitandum sit, & Religiosi maxime teneantur ab otio præcavere; tamen nulla lege, nulloque consilio statutum est, quod vitari debeat labore manuum, multò minus quod ejusmodi labore panem lucrari teneantur Religiosi, qui in Dei honorem, & proximorum utilitatem exercitati laudabiliora præstant, & populo utiliora, qui hanc sui partem habet ad spiritualia deputatam, dum aliz ad temporalia se exercent pro civili confortio. Tum quia Religiosi mendicantes habent suum speciale munus in Christianâ Republicâ, cui incumbunt, quodque necessarium est ad Reipublicæ bonum: alii enim ex ipsis concionantur, alii orant; sique eum omnes laborent pro bono Reipublicæ, licet possunt ab ipsâ Republicâ eleemosynam petere; dignus est enim operarius cibo suo: demum etiam in primitivâ Ecclesiâ, ut constat ex epist. 1. ad Corinth. 16. fiebant collectæ per unam Sabbathi pro Sanctis qui erant Jerosolymis, ut ex illis viverent; non autem omnes qui vocabantur Sancti, & erant

erant Ierosolymis, erant prædicatores; sed voluntariam pro Christo paupertatem tolerabant, & alii pro fide laborabant, alii orabant; ex quo sequitur non modò mendicantes concionatores, ut concedit Lutherus, sed etiam simpliciter orationi deditos, posse ex elemosynis fidelium vivere, & elemosynam quærere. Nec valet opponere, quod legitur Deuter. cap. 15. *Et omnino indigens, & mendicus non eris inter vos*. Nam ibi Deus non prohibet pauperibus, ne quærant elemosynam, sed hortatur Judæos ut neminem permitterent ex ipsis ad extremam necessitatem reduci, & ut egentibus subvenirent. Insuper non valet improbare paupertatem voluntariam; dicendo, quòd qui spontè sit pauper, se exponit periculo moriendi ex necessitate; falsum hoc enim est; nam de omni Religioso paupere, quo ad hoc verificatur, quod scriptum est *numquam vidi justum devertitum*; nunquam enim legitur aliquem Religiosum mendicantem periisse ex necessitate; Deus siquidem, in quo Religiosus pauper confidit, providet ipsi necessaria. Ex dictis reprobat etiam alia Guillelmi propositio in qua

2. Dicebat paupertatem habitalem esse licitam, non autem actualem; hoc est licitam esse animi promptitudinem ad relinquendum omnia pro Christo, cum urget necessitas, hac tamen necessitate seclusa, illicitam esse paupertatem, per quam quis renunciat omnibus quæ possidet, ut Deo liberius servire possit. R. Ex eo quòd seclusa hac necessitate, Christus dixit juveni interroganti, quid ad acquirendam perfectionem expediret: *Si vis perfectus esse vade vende &c.* & alibi: *Si quis non reliquerit domum, vineas, agros, non potest meus esse discipulus*, ergo seclusa præfata necessitate, potest exerceri paupertas actualis. Tum quia hanc approbavit Summi Pontifices extra talem necessitatem, siquidem approbaverunt Ordines mendicantium; ergo &c.

XIV. GUILLELMUS OCHAMUS natione Anglus, Michaeli de Cæsena addictissimus (de quo suo loco) Avenione sub

Tom. I.

jure jurando, de non recedendo detinebatur, undè nihilominus & aufugit, trirème ad hoc à Bavaris præparatà. Excommunicatus fuit à Pontifice, plurà siquidem injuriosa contra Pontificiam auctoritatem scripserat. Damnatu itidem à schola Parisiensi, ejusque impia scripta igni tradita. Fuit autem vir aliqui doctissimus, Scoti discipulus, acerrimus ejusdem doctrinæ impugnator, undè & nominalium caput se constituit. Virulentissimè scripsit contra Clementem VI. Unus etiam fuit ex præcipuis Minoritis, qui Ludovicum Imperatorem, contra Joannem XXII. Pontificem animaverunt. Aliqui Ochamum excusare contendunt, quòd non scripserit contra Pontificatum, sed contra personam Pontificis. Certum tamen est in scriptis suis ità subjecisse Pontificatum Imperio, ut quasi ad nihilum deducere videatur potestatem Papæ, & Prælatorum in dominio temporaliceritè doctrinam Cathol cam de auctoritate Ecclesiæ, & Pontificum non parum læsit; ex quo factum est, ut hæretici multis præconiis ejus scripta commendaverint. Moritur Monachii pœnitens, pro ut refert Trithemius de Scriptoribus Ecclesiasticis anno 1347.

1. Subjiciebat Pontificatum Imperio. R. Nam sicut spirituale prævalet temporali, ità qui habet spirituale regimen, debet auctoritate præcedere etiam super eos, qui solum habent regimen temporale. Tum quia Reges, & Imperatores sunt oves Christi, Pontifex autem habet jurisdictionem supra omnes oves sibi concreditas, ergo &c. Insuper in sententia Ochami regimen Ecclesiæ, non modò non esset Monarchicum, sed neque esset meliori modo à Christo institutum, quia in tali casu Pontifex non posset providere bono Christianæ Reipublicæ, quando contra ejusdem bonum agentes, Pontifex non haberet potestatem auctoritativam eisdem continendi & coercendi. Vide verbo *Anastasiu*.

2. Dixit Christum, & Apostolos nihil habuisse proprium, neque in communi, neque in particulari. R. verbo *Apostolici*.

Qq

XVI. GUIL-

XVI. GUILLELMUS POSTELLUS, natione Gallus, Barentoni vico Normanniæ natus philosophiæ, & mathematicarum artium studia assequutus, deinde Mundum peragratus perfectam linguarum exterarum, ac maximè Orientalium cognitionem adeptus, innumera exotici gustus scripta edidit; sed adeò abominanda, ut ea piis auribus revelare planè indignum sit. Venetiis virginis vetulæ familiaritate usus, quam Matrem Joannam vocabit, in errorem incidit, de feminei sexus salutari reparatione nondum consumatâ, ac per eam faciendâ. Luteitiæ ob stupendissimam penè omnium scientiarum cognitionem summa fuit in consideratione; propè centenarius decessit; exterum ob sua deliria non semel interdictus fuit, & in Monasterium Sanmartinianum relegatus, Deo dante, cognitis & abdicatis erroribus in Ecclesiæ pace decessisse fertur. Ex Gault. sec. 16.

1. Anno 1550. de Trinitate mundi, Corporis, & Animarum, de Veneta virgine, de Christo intoxicato, de matrice mundi, infanda enarravit.

2. Clavem absconditorum à seculo scriptâ, ubi se profectur declaraturum, quæ nec Apostoli, nec ipsa, inquit, Ecclesia potuit ad hanc diem explanare.

3. In Elia Pandochizo, universas omnis generis sectas per Christum salvandas somniavit.

4. Scripsit de Nativitate Salvatoris ultimâ nunc futurâ, cuius operis auctorem diserè, in libri titulo scripsit esse Spiritum Christi, imò in fine præfationis, hæc scripta non esse sua, sed Christi (inquit) sensibilibiter in nobis suum Evangelium exponentis.

5. Jactat quoque Angelum Raziel varia sibi mysteria revelasse: non est cur tempus iteramus in reprobandis his somniis, quæ pura esse figmenta, non est qui non videat.

6. In sua Panthenosia, docet sex esse Sacramenta. Repr. verbo *Bissacramentales*.

XIII. GUILLELMUS CORNELIUS natione Brabantinus, diutius in urbe Antuerpiensi Patriâ suâ moram duxit, sub si-

mulatæ pietatis specie; prætextu servandæ paupertatis renunciato beneficio: sed ejus damnationis facta cuidam viro revelatione, comperta etiam est ejusdem hypocrisis imò & hæresis; undè præcipiente Episcopo Cameracensi, quatuor post annos ab ejus decessu, ejusdem cineres exhumatæ fuerunt, & de sepulchro projectæ. Ex Prateolo.

Dicebat solam observantiam paupertatis delere omnia peccata, & proinde meliorem esse publicam meretricem, pauperem, quovis casto, & continenti, qui aliquid in sui subsidium retineret. R. Nam si Exod. 23. legitur de paupere superbo: *Pauperis non misereberis in judicio*: Sequitur etiam pauperes, qui non vivunt secundum Dei legem posse damnari. Tum quia in tali sententia, superflua forent Sacramenta, quæ necessaria esse ad acquirendam gratiam alibi vidimus. Tum quia si sola observantia paupertatis deleret omnia peccata, omnes tenerentur paupertatem servare, & bonis renunciare. Tum quia nullum, extat hac de re præceptum; semus etiam quòd plures, qui bona possidebant sanctificati sunt; non enim simpliciter bona possidere, sed bona possidere cum malo affectu malum est; quòd si sola paupertas tolleretur peccata, omnes pauperes deberent esse certi de statu salutis, quod falsum est, cum nemo sive pauper, sive dives, sciat an sit odio, vel amore dignus. Insuper paupertas superba est Deo odiosa, ergo paupertas non operit peccata. Verum quidem est docuisse Dominum, Beatos pauperes esse, quia ipsorum est regnum Dei; pauperes quoque recepturos fore in æterna tabernacula benefactores suos expressit; sed hæc omnia dicta sunt de vera spiritus paupertate, quæ sine charitate, & aliis virtutibus esse non potest, non de paupertate in solo affectu; pauperes autem spiritu esse possunt, etiam qui fuerint in effectû divites.

GUILLELMUS DE HILDERNISSEM. Vide *Ægidius Cantoris*.

XVI. GUILLELMUS BIDEMBACHUS: Ex Coccio, Ad assertiones Torrensis, qui

qui vixit circa medium seculi 16. improbat, more Calvinitarum, Mariam invocari tanquam spem nostram. R. verbo *Luthernus*, *Beza*, contra quos Mariam honorandam, & invocandam esse ostendimus: quam Virginem Deiparam ab Angelo salutatam, tanquam benedictam inter mulieres, consueverunt Apostoli in suis necessitatibus ab initio Ecclesie invocare, & honorare, ut constat ex Liturgia D. Petri, D. Marci, & D. Jacobi; cujus opem eam pie invocantes, semper omnes praeſto habuerunt; ita ut de eadem merito scripserit piissimus ejusdem Virginis cliens S. Bernardus: *Sileat misericordiam tuam Virgo Maria si quis est qui te in necessitatibus invocatum, sibi meminerit defuisse.*

XIV. GUILLELMUS ANGLUS. Joannis Wicleffi praeceptor, qui circa medium seculi decimi quarti vixit, referente Thoma Valdensi, doctrinalis fidei lib. 2. art. 1. cap. 7. asserere ausus est Petrum Apostolum nunquam fuisse Romae Episcopum, aut ibidem praedicasse. R. Ex Testimoniis plurimum Sanctorum Patrum, & Doctissimorum virorum, qui floruerunt ante seculum decimum quartum, & omnes constanter asserunt S. Petrum fuisse Romae Episcopum, ibidem pro fide crucifixum, quorum auctoritates congerit Coccius in suo Thesauro Catholico lib. 7. Adde, quod Romae tot extant aperta monumenta, quae S. Petrum Romae fuisse testantur, ut tantae veritati sole clariori contradicere, sit manifestam negare veritatem: sed quamvis haec non extarent monumenta, judicet lector an plus fidei adhibendum sit propositioni, in qua asserenda per quatuordecim secula consenserunt tot viri, & testes omni exceptione majores, quam invento mendacio à praefato Guillelmo. Vide *Calmet* ad 1. Petri Epistolam.

XVI. GUILLELMUS CARTESIUS, unà cum Petro Richerio missus in Americam ad dilatandam Calvinianam perfidiam, statim ae Franciam antarthicam appulit, orto inter filios divisionis dissidio, remissus est ad calipham Calvinum, ut super ortam contentionem decideret: ni-

hil interim proficientes ejus sodales, quos in America reliquerat, ad propria, sine ullo Religionis Calvinianae progressu, coacti fuerunt revertere.

* XV. GUILLELMUS Sartor Londini condemnatur anno 1422. ab eodem diversae conclusiones contra catholice fidei dogmata propositae, alibi jam in hoc opere confutatae, sequenti excepta.

Omnis oratio quae est petito alicujus doni supernaturalis, vel gratuiti, soli Deo est dirigenda. Orare aliquam creaturam est committere idololatriam.

Rep. nam Apostolus Paulus nos docuit obsecrare sanctos cum dixit. *Obsecro vos fratres per Dominum nostrum Jesum Christum, & charitatem Spiritus Sancti ut sollicitudinem impertiamini in orationibus pro me ad Deum, ut liberer ab infidelibus qui sunt in Judea.* Desiderat ergo S. Apostolus adjunari à fidelibus per suas orationes apud Deum, ideoque enixe eos orat, ut pro ipso orent; ergo falsum est orare aliquam creaturam esse idololatriam. Pluribus aliis in locis fidelium orationibus se Paulus commendat ut orent pro ipso ad Deum, quem seimus velle interpellari per Sanctos suos nostris in necessitatibus, quasi mediatores inter Deum & nos. Mediator autem ut plurimum non nisi exoratus se interponit ad obtinendam apud Regem gratiam pro alio.

In primitiva Ecclesia saepe legimus in actis Sanctorum plures martyres à Spiritu Sancto edoctos, dum ad martyrium ducerentur, se commendasse orationibus fidelium, ut earundem merito constantes in fide reciperent palmam Martyrii.

XIII. GUILLELMINA natione Bohemae. Exhumata & combusta fuit Mediolani, post sex annos à suo decessu, propter simulatam religiosissimam vitam, post suum obitum, tanquam sancta ita à pluribus colebatur, ut etiam monumenta votiva circa ejus tumulum plebs credula appenderet. Hae muliercula, unà cum Andrea Saranita Amasio suo sub ficta sanctitate, insinuat turpitudines, ad quas in locis subterraneis congregabat homines utriusque sexus, sequaces suos

docens, Spiritum sanctum in suo utero incarnatum in redemptionem mulierum, quas baptizabat in nomine Patris, & Filii, & in suo nomine: Sacerdotissimam

agens, alias mulieres ad modum Clericorum tondebat. Vide verbo *Manfreda*. Ex Spond. anno 1300.

H

I.



ADRIANISTA seculo primo ex Simone Mago propagati, ab eodem falsa dogmata didicerunt, quæ, & promulgarunt, ita tamen ut nonnulla adderent, vel dementent, novarum hæresum ut possent, & ipsi auctores nuncupari: quod affectarunt ferè omnes Simonis Magi discipuli: undè non immeritò dixeris tot fuisse ab eodem sectas propagatas, quot habuit in sua schola sectarios; inter quos fuit quidam nomine Hadrianus, qui huic sectæ nomen dedit. Ex *Theodoreto*.

XVII. HADRIANISTA Alii, ab Hadriano Burgensi, ineunte seculo 17. progeniti; ferè Arminianis consentientes docuerunt 1. Peccatum originis non esse peccatum, sed peccati occasionem 2. Dei misericordiam esse solum occasionem boni, quod homines peragunt 3. Fidem per misericordiæ virtutem esse proprium hominis opus 4. Deum prævidere omnia, sed nihil operari in hominibus, quos reliquit in manu liberi arbitrii 5. Possè Fideles ex se ipsis in hac vita mandata Dei adimplere, quamvis id non præsentent. Vide verbo *Arminiani*.

IV. HÆCITA. Ex Turcica Religione, prout colligitur ex hist. Imper. Turc. sunt qui credunt Christum verum assumpsisse corpus, esse æternum, incarnatum, & venturum judicare Mundum, quòd comprobant Alcorani Textu, in quo legitur: *Videbis Mahomete Deum tuum venientem in nubibus*, quæ verba interpretantur de Messia, quem esse dicunt Jesum Christum, qui iterum est venturus in corpore quod assumpsit, pugnaturus contra Antichristum, & regnaturus annis quadraginta, post quos Mundus finem habebit; qui sic opinantur

dicti sunt Haicita. Rep. autem circa illud, quòd sentiunt Christum in suo secundo adventu, antè Mundi finem regnaturum annis quadraginta; quia Christi Regnum est æternum, & ipse dixit Regnum suum non esse de hoc Mundo.

V. HAMAXARIT dicti etiam Borbonitz, Anabaptistarum germen, scissione facta in Belgio à Menenitis ob anathematismorum severitatem; omnes ab aliis sectis excommunicatos in communionem suam recipiebant, illis innixi verbis Evangelii. *Venite ad me omnes &c.* R. Ex eo quòd à tempore Apostolorum legimus Ecclesiam consuevisse anathema dicere illis, qui pertinaces fidei veritati obstabant. Ex Natal. Alex. sec. 15.

XVI. HAMPTSTADTES Hadrianus, de quo agit Præteolus, sectæ ejus nominis auctor, à quo Hampstedii, ex Zelandia oriundus, deinde in Angliam profugus, secta fuit Anabaptista. Sententià Edmundi Episcopi Londinensis excommunicatus, & propter suam contumaciam in exilium pulsus, melancholico spiritu semper fatigatus, à sua opinione perquam difficile mobilis, docuit seculo decimo sexto.

1. Liberum esse infantes sine baptismo servare ad aliquos annos, nec ullius conscientiam hac in re adstringi posse ad certum tempus cujusvis auctoritate. R. verbo *Eleutero Papista*. Tum quia ex charitatis præcepto tenentur parentes succurrere parvulorum saluti, ergo tenentur curare ut quàm citò baptizentur, sicut decrevit Concilium Tridentinum; secta enim exponeret infantes periculo amittendi gloriam æternam, & consequenter periculo æternæ pœnæ damni, sed Parentes obligantur ad avertenda pericula (maximè ubi agitur de re gravissima) à suis infantibus, undè etiam & ab

& ab Ecclesia obligantur, ut curent quàm citò infantes baptizari. Ecclesiam verò habere auctoritatem condendi leges, quibus Christiani parere tenentur, probatum est contra Sectarios Augustanz confessionis.

1. Credere Christum ex semine mulieris natum (intelligens prò semine maternum concursum; aliàs Christus non fuit ex semine. Vide D. Thom. 3. p. q. 31. art. 5.) atque humanæ carnis participem factum, docuit non pertinere ad Religionis Catholicæ fundamentum, sed ad fundamenti circumstantiam; proinde qui negaret ut supra, assererat quòd non negaret fundamentum fidei, sed unam ex fundamenti circumstantiis. R. Quia negare Christum ex semine mulieris, scilicet ex purissimo sanguine B. V. natum, atque humanæ carnis participem factum, idem est ac negare Christum natum esse de muliere, & incarnatum; sed hoc est unum ex fidei nostræ fundamentis, ut constat ex Symbolo Apostolorum, ergo &c.

II. HARMONIUS, filius Bardezanes hæretici, vixit circa medium seculi secundi, Athenis Græcis literis excultus, multa scripsit, hymnosque Ecclesiasticos juxta hæreses, quas professus erat corrupit, sicque corruptos in Ecclesia concinendos exposuit. Ejus errores S. Ephrem Edesse Diaconus confutavit. Vide verbo *Bardezanes*. De Armonio agit Theodoret. hæretic. fabularum lib. 1.

HARRASUS, *quarum neque auctor certò scitur, neque origo.*

Primo currente seculo, sub Lini Pontificatu, pullulasse creditur quorundam errorem, qui in eà opinione fuerunt, ut mulieres à viris specie differre arbitrentur, vitæ æternæ, etiam incapaces assererent, neque pro ipsis Christum suum Sanguinem fudisse: super hæc deliria paucis ab hinc lustris apparuit liber, italico idiomate conscriptus, cujus an auctor cenferi debeat quidam Romanus, nomine Horatii Plata; an solum translator, incertum. Contra præfatos errores erudito calamo scripsit Franciscus Bordonius, in cujus opere anno 1703.

impresso, suprà recensitas blasphemias nervosè reprobatae est invenire. Ceterum perspicuum est ex unaquaque specie Deum creasse masculum, & feminam; sed præcipuè mulierem ejusdem speciei esse cum viro colligitur ex Genesi, ubi post creationem Adæ, fecit Deus adjutorium simile, simile inquam in specie, & creavit Evam, quæ, licet post Adam, æquè, ac Adam facta est in animam viventem, rationis compotem, & æquè, ac Adam accepit à Deo spiraculum vitæ: neque Christus esset homo si mulier ejusdem speciei non esset cum homine, quandoquidem Christus humanam naturam non aliundè traxit, quàm ex Virgine Matre, ex quo sequitur tam pro mulieribus, quàm pro viris Christum fudisse suum Sanguinem: & utrumque sexum revocasse quem expulerat: *Quia in duobus hominibus uterque fuerat sexus expulsus, in duobus animalibus sexus uterque revocatur;* ait S. Ambrosius lib. 9. in Lucam: ex quo consequens est beneficii redemptionis æquè virum, ac mulierem esse participem; & si Divinæ legi obtemperaverit, ad æterni Paradisi gaudia recipiendam, ad quæ in corpore, & animâ Sanctam Dei Genitricem jam assumptam proficitur Ecclesia. Sola est differentia sexus, non speciei, inter virum, & mulierem, sicut innuit S. Ambrosius in prælaudato textu.

Refert D. Augustinus hæres 77. quosdam in illa opinione fuisse, ut assererent mundos esse innumerabiles. Hæresis ista facillè ex antiquiore philosophorum quorundam errore prodiit, cujus auctor creditur Aristarchus Hamius; Illam ludentis specie renovavit Pontanella Gallus in libello, cui vernaculo sermone titulum fecit. *De pluralitate Mundorum*: ludi tamen isti detestabiles sunt, utpote Religioni insensibilissimi; animum verò auctoris judicet Deus.

Incertum quo seculo, & quo auctore irrepperit falsa opinio (quàm innovasse, & docuisse Photium Patriarcham Constantinopol. perhibet Anastasius Bibliothecarius) asserentium scilicet singulis hominibus duas inesse animas: quæ reprob.

prob. ex pluribus Scripturæ textibus, ubi legitur, Deum inspirasse in creatione Adæ spiraculum vitæ: diceret autem textus spiracula, si dux incessent animæ. Christus in Evangelio docet unumquemque timere cum qui potest animam perdere in gehennam. David orat *Domine libera animam meam; Anima mea in manibus meis*. Tum quia si dux incessent animæ, homo esset unum per accidens, dux enim formæ cum unicâ materiâ non possunt facere unum per se. Tum quia posset homo simul esse beatus, & reprobus, reprobis quidem quoad unam animam, beatus verò quoad aliam. Tum quia si dux animæ essent in homine, etiam duas haberet voluntates, quæ vel essent concordæ, vel discordes; si primum, dux esset superflua, si secundum, per se patet quot sequerentur absurda. Tandem ex Psalm. habemus: *Erne d frumea, Deus, animam meam, & de manu canis unicam meam*.

Fuit quædam hæresis currente quarto seculo, dicta *Desinita*, prout refert S. Augustinus hæresi 67. & Sanderus hæresi 72. Hujus hæresis sequaces credebant Mundum, etiam post resurrectionem, in eodem statu in quo nunc est, permanurum. R. verbo *Albigenses*.

Aliam hæresim refert Gilbertus Abbas, discipulus S. Bernardi, ferm. 8. in Cantica, ejus sectatores negabant Verbum Divinum cum corpore humano assumpsisse animam rationalem, alii verò concedebant quidem sumpsisse animam, sed tantum sensitivam, sive sensientem corpus, non verò ratiocinantem. R. Ex his quæ dicta sunt contra Monothelitas, ubi probavimus in Christo duas esse voluntates, Divinam scilicet, & humanam; sed humana voluntas supponit animam rationalem, ergo Christus assumpsit animam rationalem, & consequenter ratiocinantem; quod ex pluribus Scripturæ textibus probatur, in quibus Christus aliquando quæ Deus, aliquando quæ homo loquitur; ubi enim dixit ad aspectum calicis suæ passionis: *Spiritus quidem promptus est, caro autem infirma, fiat voluntas tua: lo-*

quutus est quæ homo subditus voluntati Divinæ; dum non suam, sed Patris voluntatem fieri orabat, ergo Christus habuit voluntatem humanam; sed voluntas humana esse nequit, ubi non est anima rationalis, ergo si Christus habuit voluntatem humanam, habuit etiam animam ratiocinantem.

Innominati quidam hæretici debaccharunt, currente secundo seculo, de quibus agit Origenes apud Eusebium Pamphyli in apologiâ: dixerunt, quod Christus ascendens in Cælum cum corpore, pervenit usque ad Zonam Solis, & ibi posuit tabernaculum corporis sui, non enim ultra progredi poterat. R. Marci 16. Lucæ 24. Actuum 1. 3. 7. ad Ephef. 4. ad Colos. 3. ad Heb. 4. in quibus locis apertè legitur, quod profitemur in Symbolo Apostolorum: *Ascendit ad Cælos, sedet ad dexteram Dei Patris*.

Alia fuit hæresis quorundam asserentium Adamum, & Evam cæcos ante peccatum extitisse, & tunc videre cœpisse, quando ex ligno vetito comederunt. R. Ex Divina Scripturâ, quæ in lib. Gen. contrarium evincit.

Ex Concilio Francfordiensi collecto anno 744. regnante Carolo Magno, & ex ejusdem Concilii can. 52. constat reprobatum fuisse dogma, quo asserbatur triplici solum idiomate expressas orationes Deum acceptare: quæ autem essent hujusmodi idiomatica, & à quo præfatum erroneum dogma fuerit adinventum, in prædicto canone non exprimitur.

VI. HÆCÆTÆ, sexto seculo irrepperunt, qui vitæ anachoreticæ dediti, in hoc peccabant, quod tunc se præclaret Deum laudare asserbant, si unâ cum Monialibus choreis, tripudisque vacassent, quâ in re imitari se gloriabantur institutum à Moyse chorum, de quo legitur Exod. 15. 1. tunc cum in mari rubro Ægyptii submersi fuerunt. Ex Damasceno lib. de hæres.

IV. HÆLTIADIVS, fratre Luciferianus eò blasphemiz prorupit, ut cum videret Episcopos, qui Arimini lapsi erant, ad sanam doctrinam pœnitentes reversos, esse à pia Matre Ecclesiâ cum dignitate

tate restitutos, dicebat Mundum esse diaboli, & Ecclesiam in lupanar esse conversam: vixit quarto seculo. Ex S. Hieronym. adversus Lucifer.

HENFORDIUS NICOLAUS. Vide *Joann. Wicleffus*.

XI. HENRICIANA HÆRESIS. Circa medium seculi undecimi Henricus Tertius Germanorum Rex, in Italiam armis stipatus veniens, erigens se supra Pontificiam auctoritatem, omnia pro suo nutu ita disponere est aggressus, ut etiam Pontificem sibi bene visum eligere, & in Petri sede constituere ausus sit, legitimo Christi Vicario abdicato: ex quo impudenti Henrici factio, Henriciana hæresis ortum habuit, quæ dicta est etiam hæresis *Politicoorum*, qui supremam auctoritatem, etiam in rebus Ecclesiæ disponendis, tribuunt Principibus secularibus. Vide *Politici*. Ex Baron. anno 1046. & 1075.

XII. HENRICIANI ab Henrico, Patriâ Tholosano circa medium seculi duodecimi originem habuerunt. Fuit Petri de Brui discipulus, & præter Magistri hæreses, etiam alios dogmatizavit errores. Hic ex Religioso, Apostata factus, omni libidini se dedit, undè nec permixtus inter Parentes præ confusione habitare, factus est Girovagus, & profugus super terram, cunctique mendicare cœpisset, posuit in sumptu Evangelium, sed propter suos turpissimos errores de Laufana, de Cœnomanis, de Pistaviensibus, & de Burdigalensibus eiectus, ab Episcopo Hostiensi, tunc Tholosæ Legato Apostolico damnatus fuit; quem Henricum decem captum, & in archâ custodiâ detentum decessisse, sunt qui autumant. De Henricianis scribit S. Bernardus, epist. 148. & 240.

1. Dicebat orationem nihil prodesse Defunctis. R. verbo *Aerius*.

2. Negabat Sanctos esse invocandos. R. Ex Concil. Chalced. A8. 11. ubi Concilium asserit de S. Flaviano, quod orat pro nobis; item ex Trident. sess. 25. de invocatione Sanctorum. Ad Sanctorum invocationem nos hortatur Scriptura Ecclesiæ. cap. 44. vers. 3. *Laudemus viros glo-*

rios &c. Item Genes. 48. vers. 15. & 16. Patriarcha Jacob invocavit nomina Patrum suorum super filios suos, quando benedixit eis. Judas Machabæus vidit per nocturnæ apparitionis manifestationem Jeremiam orantem pro populo Israel, ergo si Jeremias adhuc in Limbo orabat pro populo, à fortiori orabunt Sancti in Cælo, tunc maxime cum erunt invocati; & licet Sancti non valeant orare pro se ipsis, quia sunt in termino, bene tamen possunt orare pro viatoribus, quia semper conservant charitatem erga fratres suos, quos secum congaudentes sperant aliquando videre in Cælis: undè ad invocationem Sanctorum, quorum orationibus possumus juvari, hortamur in sacris pagin. ut constat Job cap. 5. vers. 1. *Voca ergo si est qui tibi respondeat, & ad aliquem Sanctorum convertere*. Neque recurrendo ad Sanctos, injuriam facimus Christo, qui est Advocatus pro nobis apud Patrem: nam recurrimus ad Sanctos, non tamquam ad Auctores, sed tamquam ad intercessores gratiarum: quarum Auctorem solum Deum constitimur. Vide verbo *Abertus, Vigilantius*.

3. Dicebat parvulis non prodesse baptismum, quia fidem non habent. R. Ex præf. ex Concil. Trid. sess. 7. can. 13. Item baptismum delere etiam in parvulis peccatum originale, sæpe definitum est in aliis Conciliis; quod enim non habeant fidem propriam non officit; baptizantur siquidem in fide Matris Ecclesiæ, quæ supplet in parvulis, quia Christus; vult omnibus salutem, sed hoc falsum esset si baptismus non prodesset parvulis, quos Christus ad se vocat, æquè ac adultos; legitur siquidem Matt. 19. *Siote parvulos ad me venire*. Tum quia Christus præcepit Apostolis ut baptizarent omnes gentes, nec specificavit de adultis, aut parvulis, sed dixit *omnes*, ex quo sequitur, quod Christus voluit baptismum prodesse etiam parvulis, quantumvis non haberent fidem propriam. Tum quia Circumcisio, quæ erat figura Baptismi conferebatur parvulis, & illis proderat, ergo etiam baptismus debet par-

parvulis conferri, & illis erit proficiuus. Tum quia ab initio Ecclesiæ semper Ecclesia consuevit baptizare etiam parvulos, quos sine baptismo salvari non posse certum est, quandoquidem scriptum est. *Nisi quis renatus fuerit ex aqua &c.* Nec valet obijcere illud Marci 16. vers. 16. *Qui crediderit, & baptizatus fuerit, salvus erit*, ad probandum silem propriam præquiri in baptizando: nam ibi Christus loquebatur absolute, & simpliciter de adultis, quod constat ex antecedentibus verbis: *Prædicare Evangelium omni creature*; superfluum siquidem erat prædicare Evangelium parvulis, & tamen Christus dixit omni creature: voluit ergo intelligi de omni adulto, & consequenter ad adultos solum spectant illa verba: *Qui crediderit, & baptizatus fuerit &c.* Præterquam quod parvuli etiam credunt in fide Matris Ecclesiæ, cujus sunt membra, & proinde deputat pro ipsis in baptismo idoneè respondentes. *Credo.*

4. Sacramentum non posse ministrari valide à peccatore. R. verbo *Albigenses*.

5. Negavit realem existentiam Corporis Christi in Eucharistia. R. verbo *Berengarius, & Calvus*.

6. Negavit Missam esse Sacrificium. R. verbo *Faustus Manichæus*.

7. Dies festos abdicavit. R. verbo *Ebion*.

8. Excommunicationem irridebat. R. verbo *Albanenses*.

9. Sacras peregrinationes exprobat. R. verbo *Claudius Taurin.*

10. Tempiorum ædificia inibuit. R. verbo *Faustus Manichæus*.

II. HERACLEON Valentini discipulus, pariter cum Magistro sentiens, novitate tamen quadam pronuntiationis diversa sapere affectabat. Aferit Simondus quod Heracleon in partibus Siciliæ inchoavit docere suos errores, quodque Episcopi Siculi scripserunt ad Alexandrum urbis Romanæ Episcopum, ut Heracleonis audaciam confringeret, quod & præstitit; mandavit siquidem Sabiniano Presbytero, qui scriberet contra He-

racleonem, quod tantâ felicitate perfecit, ut Heracleon nocte, navis præsidio aufugeret. Dicebat Heracleon unum esse principium, quod dominum esse appellabat, deinde de hoc principio natum aliud, & de his duobus generationem multorum principiorum fore asserbat: invocabat super morientes quorundam principatuum nomina, ongens defunctos oleo, aqua, & balsamo, ut med à hac unctione, incomprehensibiles fierent, & invisibiles supernis principatibus, quæ omnia pura esse commenta phantastica, nemo non videt. Ab Heracleone didi sunt Heracleonitæ, de quibus agit S. Epiphanius hæresi 36. & Tertull. de præscript. dicitque Heracleonem voluisse Gnosticorum Theologica dogmata reformare, cum quibus tamen in potioribus articulis sentiebat. Ut itaque novæ sectæ se auctorem constitueret, (hæc enim fuit ambitio, quæ Heracleonem seduxit) sacræ Scripturæ verba plurima reformare est aggressus, ut eadem suo sensui accomodaret. Mundum *Eon* vocabat, imò duplicem fingebat esse mundum, quorum alium Divinum, alium corruptibilem esse essebat. Contra Heracleonem etiam Origenes calumnia acuit. Omnes antiquas Prophetias destruebant Heracleonitæ, quæ pura dicebant esse signenta; & in interpretatione sacræ Scripturæ majorem intelligentiam, quam ipsosmet Apostolos, habere gloriabantur, in suisque dogmatibus multam cum hæreticis Marcionis afinitatem habuerunt. Cæterum quanta sit Scripturæ sacræ auctoritas, quam Spiritu sancto affante Prophetæ nobis nuntiaverunt, constat ex his, quæ dicta sunt contra *Albanenses, Ambrosianos, & Bibliistas*; neque ut blasphemant Heracleonitæ, Prophetæ sacræ somnia possunt nuncupari; quandoquidem plures ex ipsis verificatas adeo aperte intelligimus, ut nonnisi Spiritu sancto affante loquutos esse Prophetas compertum sit cuicumque, qui ratione duce Prophetias sacras percurrit.

Baptizatum hominem, sive justum, sive peccatorem, tamquam sanctum habent.

bendum fore dicebat, asserens peccata nihil obesse baptizatis. R. Nam licet per baptismum homo mundetur ab omni culpa, attamen falsum est, quod in tali sanctitate constituitur, ut peccata nihil possint obesse, nam superfluum foret Christum instituisse Sacramentum Pœnitentiæ, quod est omnino necessarium lapsis. Tum quia sanctissimi viri semper timuerunt peccatum, undè ab omni occasione peccati solliciti se custodiunt. Tum quia si peccata nihil obessent baptizatis, sequeretur baptizatos posse libere peccare, & in tali casu baptismus referret aditum ad omnia peccata impunè committenda.

HERBERTUS. Vide verbo *Deiſta*.

XXII. HERCULES COXAM, ex hist. Anglic. eodem tempore, quo *Mercerus*, Angliæ carceribus conclusus detinebatur, propter sequentes errores.

1. Nullum esse in terra alium animarum pastorem, nisi Christum qui sancti Spiritus institutione, Fideles suos in omnibus rebus instruit, & dirigit.

2. Omnes dies festos, ac Dominicos pro illis penitis abolitos, qui in verum, & æternum Christi Sabbathum ingressi sunt.

3. Dei electis pœnitentiam non aliam admittendam esse, nisi justificationis gratiam, quæ homines impeccabiles reddit.

4. Ejusmodi electis orandum non esse, nisi in laudem, & gratiarum actionem.

5. Genuflectere ante Eucharistiam, esse Idololatriam.

6. In Mensâ Eucharisticâ panem communem apponendum, & vinum; quod magis consentaneum esse assererat Christi gestis.

7. Omnia nomina, quibus solet appellari Sacramentum Eucharistiæ esse rejicienda, excepto Cœnæ nomine, quæ omnia signenta sparsum in hoc opere reprobantur.

IX. HERENULPHUS, circa annum 733. expulsus à Baviarâ per Sanctum Bonifacium Episcopum, & Martyrem; superſtitiones Paganas, cum hæreticibus

figmentis commiscendo; suis pravis dogmatibus Germaniæ Provincias contaminabat.

XI. HERIZERTUS, unâ cum Lisofo, erant ex Primatibus Cleri Aurelianensis, tum ratione nobilitatis, quàm scientiæ; à scæmina Italâ Manichæa corrupti, errores propagabant verbo *Femina Italâ* relatos. Rex Robertus tunc Aureliani sedens, ut præfatos hæreticos convinceret, Concilium congregare curavit: sed in suâ pertinacia persistentibus Heriberto, & Lisofo igni traditi fuerunt; ex Baron. anno 1017.

III. HERMAS, fuit unus ex primariis Manetis discipulis; ex S. Epiphani. hæres. 66.

IV. HERMIAS, natione Galata, unus ex Massalianorum Ducibus, unâ cum Seleucio pariter Galatâ, circa ann. 380. sequentes promulgavit errores, quorum sequaces dicti sunt Herminiani, sive Hermiatithæ; ex Philast. de hæres.

1. Dicebat baptismus nihil prodesse, sed solam orationem dæmonem fugare. Repr: Pluribi in hoc opere, ubi de necessitate, & virtute baptismi actum est contra plures alios hæreticos: circa orationem. R. verbo *Adelfus*.

2. Baptizabat non in aquâ, sed in igne, desumpto motivo, ex illis verbis: Matth. 11. *ipse vos baptizabit in Spiritu sancto, & igne*. R. Nam solum baptismum in aquâ esse à Christo institutum constat, ex his quæ alibi de hoc Sacramento dicta sunt. Tum quia baptismum fieri debere in aquâ, patet ex verbis Christi præcipientis Apostolis ut baptizarent: verbum autem *Baptizo*, significat immergere, lavare; nemo autem lavatur igne, sed aqua. Tum quia baptismum esse à Christo institutum in aqua, exprimit Paulus ad Ephes. cap. 5. *Mundans eum lavacro aqua*; constat ex Act. Apost. cap. 8. vers. 38. *Et descendunt uterque in aquam Philippus, & Eunuchus, & baptizavit eum*. Insuper Act. 10. vers. 35. probatur baptismum institutum fuisse in aquâ. Per illa autem verba: Matth. 2. non significatur baptizandum esse in igne materiali; sed,

R r

quod

quod baptismus à Christo institutus, conferre habet gratiam Spiritus sancti, & infundere virtutes Thologales, quarum eminentior est charitas, quæ igni comparatur. Vide verbo *Jacobita*.

3. Malum dicebatur aliquando esse à Deo, al quando à materia. Repr. Nam Deus summè bonus non potest producere malum effectivè; repugnat enim essentiali Divinæ, quod possit producere malum, ut constat ex iis quæ dicta sunt verbo *Arnald. Brix.* Dicitur quidem *Isaïa 45. Ego Dominus faciens pacem, & creans malum*, sed id dictum est de malo pœnæ, quia mala est hominibus, quibus infligitur propter peccata, alioquin malum nihil est, nec est creabile, ut probat S. August. lib. 12. de Civit. Dei. Item Deus neminem provocat ad malum, ut dictum est contra *Blasium*; neque dei potest materiam esse causam mali, cum materia sit creata à Deo in suo esse bona. Vide verbo *Blasius, Gnostici*.

4. Materiam elementarem non esse factam à Deo, sed esse Deo coeternam, eo quod negaret Deum posse facere aliquid ex nihilo. R. Primò ex Scripturis, *Genesis 18. Numquid Deo est quidquam difficile?* Num. 11. *numquid manus Domini invalida?* Job 42. *Scio quia omnia potes.* Jerem. 32. *Non erit tibi difficile omne verbum.* Matth. 19. *Apud homines hoc impossibile est, apud Deum omnia possibilia sunt.* Est autem infinita hæc Dei virtus, & potentia, quippe quæ non distinguitur ab ejus naturâ, & essentia, quæ procul dubio infinita est. Huc spectat illud *Psal. 144. Magnitudinis ejus non est finis*, & Baruch. 3. *Magnus est, & non habet finem.* A ratione etiam reprobat, nam Deus est ens perfectissimum, sed perfectissimum non esset, si careret virtute, & potentia infinita; ergo &c. Addendum, quod nihil est coeternum Deo, qui in principio temporis ex nihilo creavit cælum, & terram, & omnia quæ in eis sunt; si enim aliquid esset Deo coeternum, Deus non esset Deus, quia non esset ens, quod melius cogitari non potest; posset enim cogitari aliquod ens melius, & perfectius, illud nati-

rum, quod nihil haberet sibi coeternum; & illud ens Deo coeternum esset Deus, quia cum à nullo produeeretur, esset ens à se, ac proinde daret sibi esse perfectissimum, quod est Deus.

5. Somnia vocabat Prophetas. R. Nam in tali casu, omnis homo esset Propheta, imò cum somnare sit operatio phantasie, & etiam bruta animalia quædam, maximè canes, & leones somnare constet experientia, dicendum foret etiam animalia prophetizare.

6. Animam rationalem non esse factam à Deo; non spiritum, sed terram esse blaterabat, nec esse immortale dicebat. Repr. verbo *Apocrita, Arabes*. Item animam hominis esse spiritua-lem, constat ex pluribus Scripturæ locis, ubi anima spiritus vocatur. Tum quia anima intelligit spiritualia, ergo esse debet spiritualis, hoc enim fieri nequit nisi media potentia spirituali. Tum quia, omnia quæ sunt purè materialia, solum intendunt ad sui conservationem, & non investigant summum bonum in æternum possidendum, quod præstat homo; ergo homo debet habere animam spiritua-lem, quandoquidem ad finem purè spiritua-lem anhelat. Demum libertas non competit materialibus, sed spiritualibus; ergo homo libertate donatus, debet habere animam spiritua-lem. Quòd autem anima rationalis à Deo creatur. Vide verbo *Tertullianus, Arabes, Gregorius Pauli, Augustinus Marloratus, Bagnolenses*.

7. Salvatorem expoliassè carnem, antequam in cælum conscenderet. Rep. verbo *Apellita*.

8. Dixit Christum non sedere ad dexteram Patris. R. Ex Symbolo Apostolorum. Ex illo Psalmi: *Dixit Dominus Domino meo sede à dextris meis.* Item ex act. Apost. ubi legitur D. Stephanum vidisse Jesum stantem à dextris virtutis Dei. Marei ultimo: *Dominus quidam Jesus, postquam loquutus est eis, ascendit in cælum, & sedet à dextris Dei.* Joann. 10. *Ascendo ad Patrem meum, & Patrem vestrum, Deum meum, & Deum vestrum.* Nec obest, quod legitur: *In*
sole

sole posuit tabernaculum suum. Hinc enim non evincitur Christum esse in Sole, ut volunt hæretici isti, sed significatur gloria plenissima, quam habuit Christus glorificatus: & mysticè Ecclesia; sicut & Beatissima Virgo.

9. Deum esse corporeum. R. verbo *Antropomorphita*.

10. Angelos esse creatores animarum nostrarum. R. verbo *Bagnolenses*.

11. Mundum istum infernum esse asserunt, & nullum alium infernum inveniri. R. verbo *Albigenses*, *Almaricus*, & *Ampullianus*.

12. Resurrectionem in sola filiorum procreatione consistere prædicant. Rep. verbo *Erarius*, *Basilidani*, & *Chiliasa*.

XIII. HERMANNUS PONGTLUPUS, Patria Ferrariensis, creditur auctor sectæ Fraticellorum, cujus corpus viginti post annos ab ejus decessu Ferrariæ exhumatum, combustum fuit jussu Bonifacii VIII. circa ann. 1297. proinde Hermannus sectatores dicebant nec Bonifacium, nec aliquem ex ejus successoribus fuisse canonice electum. Hermannus ab Inquisitoribus convictus, abjuratà ore, non corde impietate, specimen sanctitatis per hypocrisin præbuit, quapropter in suâ decedens hypocrisi, plurimum sibi venerationem ita conciliavit, ut post mortem etiam Altaria in ejus honorem Ferrariæ erecta fuerint; exposita insuper in Ecclesiâ Cathedrali ejus imagine publicæ venerationi. Sed tandem hypocrisis, in quâ decessit, & hæresis detestâ, factum est ut dirutis ejus Altaribus, exhumatæ cineres comburentur. Vide verbo *Fraticelli*, & *Bixochi*. Ex Spond. ann. 1297.

XIII. HERMANNUS RISVICH, natione Batavus, dictus etiam Holandinus, in multis errores lapsus, monitus eisdem abjuravit, & Magistratus misericordiâ ad perpetuos carceres Hægæ fuit damnatus; sed cum è carcere aufugisset, iterum pristino revocavit errores, alioque de novo promulgavit; sed iterum captus per hæreticæ pravitatis Inquisitores, sic est affatus. Ego quidem Christianus natus sum, sed jam à Christianismo defeci, quod omnes Christianos amen-

tissimos esse judicem. Homo adeò obstinatus, & obduratus cervicis, meritò igni fuit adjudicatus anno 1512. Ex Spondan. ejus errores sunt sequentes.

1. Angeli sive boni, sive mali non sunt creati à Deo (quia dicebat) hoc Scriptura nullibi asserit. R. Quatenus videtur negare Angelos existere. Verbo *Dositheus*, ubi probatur Angelorum existentia. De Angelis autem Scriptura pluribus in locis mentionem facit, ut constat Genesis, cap. 19. vers. 1. cap. 22. vers. 11. Judith. cap. 13. vers. 20. Matth. cap. 18. vers. 10. cap. 26. vers. 55. Tob. cap. 12. vers. 19. & in lib. Psalm. etiam sæpe de Angelis fit sermo, quos à Deo esse creatos certum est, cum ipse sit Creator omnium; & nihil possit dare sibi esse; nec aliud sit principium à quo sint, præter Deum. Creationem Angelorum continet liber Genesis juxta communem expositionem in verbis illis: *Fiat lux*, quæ scripta sunt posteris spiritalia intelligentibus, cum rudi populo tunc ea annuntiare non oporteret. Deinde *Angeli Dei* appellantur passim in sacris litteris, cum tamen Dei non essent, nisi illos creasset, omne enim dominium morale supponit necessariò physicum, quod consistit in creatione. Vide D. Thom. 1. part. quæst. 61. art. 1.

2. Animam cum corpore mori. Rep. verbo *Arabes*.

3. Nullum esse infernum. Rep. verbo *Albanenses*.

4. Materiam elementarem non esse à Deo factam, sed esse Deo coeternam. R. verbo *Hermogeniani*.

5. Christum (proh horrenda, & inaudita blasphemia) fuisse stultum, & damnasse universum mundum. Non indiget reprobatione hæc infamia. Ceterum Christi sapientiam proclamant sacræ paginæ, sicut etiam fuisse universi orbis Redemptorem, constat ex universâ historia Evangelicâ, & pronunciarunt penè omnes Prophetæ in veteri Testamento.

6. Christum negabat esse Filium Dei: omnia quæ gessit esse rectæ rationi contraria. R. verbo *Cerintus*, & alibi, ubi Divinitas Christi comprobatur; quæ

R r 2

autem

autem gessit esse rectæ rationi consona, & non nisi Divinam redolere sapientiam, plures Ethnicis professi sunt; tanta enim est sapientia, quæ lucet in lege Evangelicâ, & in illis, quæ Christus gessit, ut uno ore, & eodem calamo omnes rationis compotes (si fide illuminati) professi sint, Christum esse increatam sapientiam.

7. Negabat Moysen à Deo legem accepisse in Monte Synei. R. Scripturæ testimonio, ubi universa Moysi historia refertur.

8. Fidem nostram fabulosam esse.

9. Evangelium nostrum fabulosum esse, quod qui potuit sine Incarnatione creare Mundum, eundem quoque salvare, sine Incarnatione potuerit. Rep. Nam Evangelium nostrum est verbum Dei, qui veritas est; & licet sine Incarnatione Mundum salvare Deus potuisset, voluit tamen incarnari propter digna motiva, de quibus fusè agunt Theologi, expressè tractantes de motivis Incarnationis, in quâ præcipuè apparet Dei bonitas, & iustitia. Vide præ aliis D. Thom. 3. p. tota. q. 1.

XVI. HERMANNUS BODIUS, secta Lutheranus in commentario, asserit hæreticos, quamvis in errore pertinaces, non esse pœnæ mortis puniendos. Repr. verbo *Confederati*. Item Deuter. 17. constat hæreticos esse puniendos. *Qui superbiert, nolens obedire Sacerdotis imperio, decreto iudicis morietur: & auferes malum de Israel*. Actuum 13. Elymas Magus, cupiens avertere Proconsulem à fide, execratur. Ad Tit. 3. *Hæreticum hominem post unam, & secundam correptionem devota, sciens quia subversus est, qui ejusmodi est*.

II. HERMOGENIANE, ab Hermogene, qui erat picturæ studiosus, originem habuerunt: fuit natione Afer, & ex Christianis transiens ad Philosophos Stoicos, plura docuit contra veritatem Catholicam, innixus Stoicorum principii. Scripsit contra Hermogenem Doctrix Episcopus Seleucia; Tertullianus quoque librum unum edidit contra Hermogenem, cujus sectarii dicti sunt

etiam *Materiarum*. Inter erroneas Hermogenis opiniones, una erat, quæ assererat Christi corpus iterum reversurum in solem, à quo corpus assumpsisse dicebat, effluens etiam materiales esse animas: sed Christum in utero Virginis verè incarnatum, constat ex his, quæ dicta sunt contra *Albanenses*; & de Christi corpore reversuro in solem, dictum est contra *Hermiam*. Quod autem hominis anima non sit materialis, sed spiritualis constat ex sacra Scriptura, in qua homo dicitur ad imaginem Dei factus, quod homini convenit ratione animæ, quæ est spiritualis; ratione enim corporis nullam potest habere cum eo, qui spiritus est, similitudinem: ex ipsis animæ operationibus etiam patet animam esse entitatem spiritualementem. Talem esse profitentur omnes Sancti Patres. Tum quia si anima non esset spiritualis, homo non esset præstantior cæteris animantibus. Tum quia omnis receptio fit per modum recipientis, quod si anima hominis esset corporea, non posset homo recipere spiritualia. Tum quia quilibet materialis potentia habet obiectum determinatum, in quod tantummodò fertur, sic potentia visiva solum fertur in coloratum, auditiva in sonorum, sed anima fertur in plura objecta; ergo non est corporea. Demùm libertas non competit materialibus, sed spiritualibus. Homo est liber, ergo habet potentiam spiritualementem, nempe animam. Vide S. Thom. p. 1. q. 75. art. 1. & 6. Vide quæ dicta sunt verbo *Hermias*.

2. Dixit materiam esse Deo coeternam, & ingentiam. R. Genes. 1. *In principio creavit Deus calum, & terram*. Exod. cap. 20. vers. 11. ex Psalm. 89. *Præquam montes herent, aut formaretur terra, & orbis, tu es Deus*. Tum quia Deus: *Elegit nos in Christo ante mundum constitutionem*, ut asserit Apostolus ad Ephel. cap. 1. vers. 4. Item Joann. 17. *Clarifica me Pater claritate, quam habui priusquam mundus esset*. Psalm. 101. *In initio tu Domine terram fundasti &c.* Tum quia nihil est à se nisi solus Deus, mundus autem non est Deus, sed opus manuum

Alit.

Altissimi. Item ex sac. pag. constat, quòd Mundus immutabitur, Deus autem nequit esse mutationi obnoxius. Tum quia creatio dicitur productio omnino ex nihilo, si autem præcessisset materia, Mundus non esset ex nihilo, sed esset ex ipsa præexistente materia, & consequenter non esset intelligibile, quà ratione Mundus fuerit creatus.

3. Tres personas Sanctissimæ Trinitatis confundebat, ut defenderet unitatem. R. Nam Deitas ita est unitas substantiæ, ut distinctionem personarum non excludat, aliàs unitas ipsa infinita non esset, cui infinita bonitatis communicatio deesset: neque summè felix Deus esset, qui solitarius esset. Tum quia Filius generatur, Pater generat, Spiritus sanctus spiratur; Pater & Filius spirant, quòd videtur non negare, operationes admittens, & personas confundens. Ergo de factò tres personæ distinctæ in Divinis esse debent; cum eadem non possit esse potentia generans, & genita, spirans, & spirata. Vide verbo *Begomilli*.

4. Salvatorem negabat esse Filium Dei. R. Ex illis verbis: *Hic est Filius meus dilectus*. Paulus asserit, Deum dedisse Filium suum Unigenitum in Redemptionem nostram. Tum quia in Christo una est persona scilicet Verbi; Verbum autem est Filius Dei; ergo Christus est Dei Filius. Tum quia si Salvator non esset Dei Filius, esset purus homo, sed Christus est homo Deus, ut probatum est contra Cerinthum, ergo &c.

5. Omnem intellectum Spiritui sancto eripiebat. R. Nam in Spiritu sancto est tota essentia Divina. Tum quia de Spiritu sancto dixit Christus, *Quòd doceretur nos omnia*; & si Spiritus sanctus non intelligeret, neque esset persona Divina; demùm Spiritus sanctus est Deus, ergo &c.

IV. HERON Avunculus Juliani apostate, Thazarum apud Ægyptios creatus Episcopus, ad veterem superstitionem à Christianismo defecit, paulò post medium seculi quarti. Templum Antiochiæ, unà cum aliis suæ perfidie sociis deva-

stans, sacra vasa profanavit: quare incognito morbo correptus, ita abominabile factum est ejus corpus, ut in viam projectum, ibidem tamquam canis expiraverit. Ex Prælo.

XVI. HESCHUSIUS nomine Tilmanus, Jenæ in Saxoniâ libellum edidit contra Sacramentarios. Boquinus Ariannum fuisse, Calvinus Servetianum autumant; homo seditiosissimus, appellatus communiter flabellum seditionum, propterea è multis Germanicæ Civitatibus ejectus, sicut plures hæretici de variis eundem erroribus accusando, contra Hescusum scripserunt, & ipse vicissim accusatores suos exagitavit & difamare studuit. Pluribi minister constitutus in Saxonia, & Germania; propter irrequietum semper animum, fuit expulsus homo perversicis, & obstinatæ opinionis, nonnisi sui plenus, anno 1588. ætatis 62. decessit. Ex Spondan. anno 1660. accusatur communiter quòd dixerit.

Trinitas est unitas. R. Nam licet una sit Trinitas, non tamen dici debet quòd Trinitas sit unitas, eo nimirum sensu, quo aut æquivoca evadat locutio, aut errorem insinuet. Canimus quidem nos cum Ecclesia. *Tu Trinitatis unitas*. Et sensus Catholicis apertus est; nempe unitas essentialis, sive naturæ Trinitatis. Si tamen taliter propositio sonet ut de formali (ut cum Scholasticis proit oportet loquar) unitatis ratione Trinitas prædicetur, error erit, quia ipsa unitatis simplicissimæ ratio negabitur. Si verò de trina formali personarum ratione prædicatur unitas, ablegabitur vera personarum distinctio. Ideò in homine hæretico ille loquendi modus non est tolerandus.

V. HESITANTES. Iidem ac Acephali, sic dicti, quia sub falsis pretextibus Concilium Chalcedonense recipere recusabant. Vide *Acephali*.

XVI. HETERODOXUS. Sub hoc nomine hic peculiaritè intelligitur, minister quidam ex Calviniana secta, qui proprio suppresso nomine se Abbatem dictitabat, in cujusdam libri ab ipso editi frontispicio,

picio, in quo libro quinque temerarias propositiones, quæ cum Janſenianis coincidunt, propugnat. Hunc hæreticum impugnat Petavius in appendice ad librum 13. de Incarnatione.

XVII. HICMANNUS. Nobili genere natus, natione Anglus, iacunte ſeculo decimo ſeptimo, Origenis errores de futura dæmonum, ac reproborum ſalute inſtauravit, editis ſcriptis quæ Regi Angliæ patefecit. Ex Coccio.

HIDROPARASTATÆ. Iidem ſunt ac Aquarii.

III. HIERARCHITA. A Hierace, ſive ut placet Hilario lib. 6. de Trinitate, Hierarcha, ex Leone Ægyptio originem habuerunt circa annum 297. Vir in Græcis diſciplinis non mediocriter eruditus, aſtronomiæ, & magiæ deditus, ſua vanitate impuſus, in varios impet errorum. Multa ex Origenis erroribus mutatus, ad quæ confirmanda, plura allegorice ſcripſit. Hierarchitas, Philaſtrius cap. 85. nominat Abſtinentes, & adhuc vigiſſe ſuo tempore hanc ſectam, tam in Gallia, quàm in Hiſpania, ſcriptum reliquit.

1. Dixit ſolam animam reſurrecturam, non verò corpus. Rep. verbo *ſolidiani*. Item ex Symbolo Apoſtolorum, ex Symbolo D. Athanaſii, & pluribus aliis Scripturæ testimoniis, ubi expreſſe aſſeritur totum hominem reſurrecturum, ſcilicet cum anima, & corpore. Nec valet dicere illud Job. cap. 14. verſ. 12. *Sic homo cum dormierit, non reſurget*. Nam ibi Propheta aſſerit reſurrectionem non futuram uſque ad diem extremum, ſubdit enim immediatè, *donec atteratur calum*. Nec valet inſtare, calum numquam debet atteri, ergo numquam fiet reſurrectio; nam cæli, licet non ſint atterendi, quo ad ſubſtantiam, atterendi tamen ſunt quo ad exteriorem faciem; nam de hac externa cæli atteritione loquitur Euangelium, Matth. ultimo, & D. Petrus epiſt. 2. cap. 3. verſ. 10. ſed & ipſe Job, ait fe reſurrecturum, & in caræ ſuâ Deum viſurum.

2. Pueros ante uſum rationis morientes non ſalvari. R. Nam pueros dece-

dentes cum baptiſmo ſalvari, aſſerit Concilium Lateranenſe ſub Innocentio III. cap. 1. Viennenſe ſub Clemente V. Trident. ſeſſ. 2. can. 13. Tum quia alibi offendimus baptiſmo delere culpam originalem, quæ ſola poteſt obſtare, quibus pueri ſalvantur; ergo decedentes cum baptiſmo ſalvantur. Inſuper Chriſtus præcepit ut parvulos ad ſe venire ſincerent, quia ipſorum eſt regnum cælorum, ſicut conſtat Matth. 19. verſ. 13. & 14. Tum quia, Circumciſis proderat non modò adultis, ſed etiam parvulis; immò ſceminiſ infantes ſolâ parentum fide actionibus expliciſa ſanctificabantur; ne excluſæ remanerent à regno, quæ excludabantur à Sacramento. Sacramentum autem Baptiſmi pro utroque ſexu eſt inſtitutum, in quo non jam operantium opera, ſed operatum ipſum gratia conſequitur. Num potentiora erant veterum opera ad ſalvandos parvulos, quàm opus Chriſti? Inſuper Deus uult omnibus ſalutem, ſed hoc falſum eſſet, ſi infantes non obſtante baptiſmo, non poſſent ſalvari. Vide verbo *Anabaptiſta*, contra quos probatum eſt baptiſma prodeſſe parvulis. Baptiſmus ſanguinis, remittit originale; ergo idem dicendum de baptiſmo aquæ, etiam ſi parvuli fidem propriam non habeant, quam requiri ad validitatem baptiſmi aſſerunt hæretici, unde ſuſtinent baptiſmum non prodeſſe parvulis, illa enim verba *Qui crediderit, & baptizatus fuerit ſalvus erit*, non ſignificant requiri fidem in parvulis, ſed in adultis, de quibus ibidem Chriſtus loquebatur. Quamvis etiam verum ſit parvulos credere ſecundùm habitum quidem, quia infunditur ipſis à Deo in baptiſmo: ſecundùm actum verò, cum eorum vice actus fidei elicit Eccleſia, quæ pro ipſis, quos generat Chriſto, acceptat baptiſmum Chriſti, ut mater. Si enim actus parentum nomine filiorum rationis incapacium, pro eorum tempore commodo, in jure humano computantur, quantò magis actus matris eccleſiæ à Chriſto conſtitutæ pro filiis in rebus æternæ ſalutis Deo erunt accepti.

3. Negat extremam Unctionem eſſe Sacra-

Sacramentum . R. ex Concilio Cabilonensi , 2. can. 48. ex Florentino sub Eugenio IV. ex Trident. sess. 14. de Sacramento extremæ Unctionis , can. 2. Item Marci cap. 6. vers. 13. legitur , quod Apostoli ungebant oleo ægros , & eos sanabant ; quod certè , non nisi præcipiente Christo fecisse dici potest . Huic autem Unctioni adnexam esse collationem gratiæ , & consequenter extremam Unctionem esse Sacramentum , constat ex epistolâ canonica S. Jacobi , cap. 5. *Infirmatur quis in vobis ? inducat Presbyteros Ecclesiæ , & orent super eum , ungentes eum oleo in nomine Domini , & oratio fidei salvabit infirmum , & alleviabit eum Dominus , & si in peccatis sit , remittentur ei .* Ex quo textu patet extremam Unctionem esse Sacramentum ; reperitur enim materia , forma , & effectus , scilicet gratia . Et licet hujus Sacramenti non fiat expressa mentio ab Evangelistis , non tamen hinc potest deduci non esse Sacramentum ; fides enim nostra non soli Scripturæ innititur , sed potissimum traditioni ; multa enim Christus fecit , dixit , & præcepit , quæ scripta non sunt ; ut asserit Joannes cap. 20. vers. 30. Quamvis autem plures infirmi post unctionem non sanentur , non propterea putandum est sacram Unctionem corporali etiam salutem non prodesse , aut inutilem esse ; quia promissio sanitatis corporalis , est solum effectus secundarius hujus Sacramenti : hinc non omnes infirmi uncti sanantur . Tunc enim solum sanantur , cum Deus sic expedire judicat , sed primarius effectus hujus Sacramenti , qui est conferre gratiam , ad vincendas tentationes in conspectu mortis , semper habetur , dummodo suscipiens nullum ponat obicem , & sit dispositus , saltem habitualiter ; ut de Christianis semper præsumitur .

4. Nuptias non esse licitas . R. verbo *Adamita* , & *Enrathita* .

5. Solos calibes , & non conjugatos salvari . R. Quandoquidem plures sanctos conjugatos veneratur Ecclesiæ ; Christus nullibi prohibuit matrimonium , imò extulit ad dignitatem Sacramenti : deum in hac sententia Deus non vellet

omnes salvos fieri , quandoquidem non possunt omnes calibes vivere ; neque expedit humanum genus propagari , sed potius extingui . Plura de matrimonio docuit Apostolus epist. 1. ad Corinth. 7. & S. Petrus epist. 1. cap. 3. imò ipse Dominus . Matth. 5. & 19.

6. Usus animatorum , & vini potum prohibet . R. verbo *Enrathita Græci* .

7. Verbum Dei dicebat non esse lumen , sed lucernam de lucernâ in duas partes divisâ ; nesciens enim Unigeniti nativitatem , unus lucernæ , duo lumina prædicavit . Hoc inepto modo loquendi excogitans divisionem Divinæ substantiæ , similem ei , quæ sit , cum lampas duobus inter se communicantibus lychnis instructa , duplex lumen profundit .

IV. HILARIUS , de quo agit Baron. ann. 359. ex Ecclesiæ Romanæ Diacono factus Luciferianus , ad schisma Luciferi adjunxit Anabaptismum , pro his qui extra Luciferi Ecclesiam baptizati fuissent ; Cum igitur consopitam , ac planè damnatam de rebaptizandis hæreticis sententiam iterum suscitasset , ab Ecclesiâ cum suis sequacibus iterum damnatus fuit , licet pro doctrinæ Catholicæ defensione , multum laborasset sub Constantio Imperatore , ad quem à Liberio Papa legatus fuerat ad Concilium Mediolanense , in quo renuens subscribere damnationi S. Athanasii , flagellis cæsus , etiam in exilium pulsus , tantâ confessionis gloriâ futurus illustris , si hinc superbæ elationis occasionem nactus , spernens eos , qui persecutionis timore correpti , cæciderant , non solum cum Lucifero schismate se ab Ecclesiâ separasset , sed , & hæresim non addidisset , scribens nullatenus hæreticorum baptismum esse recipiendum . Hunc Hilarium , ob rebaptizationem Hieronymus *Dencalionem orbis* appellavit . Verum neque ex Schismaticis ipsis , aliquem habere potuit sectatorem ; quare unâ cum Hilario , etiam interiiit ejus secta . Circa reiterationem baptismi reprobatum verbo *Agripiniani* , & *Hemerobaptiste* . Circa non recipiendos cum dignitate lapsos pœnitentes , R. verbo *Luciferiani* .

IV. Hi-

IV. HILARIUS ARIANUS, de quo agit S. August. lib. 2. retract. vixit circa annum 400. Detrahebat concinentibus laudes Christi in Ecclesia. R. ex Scriptura, quæ sæpe nos invitat ad concinentias Dei laudes: sicut maximè constat in libro Psalmorum. Item Apostolus ad Coloss. 3. *Docentes, & commoneutes nosmetipsos psalmis, hymnis, & canticis spiritualibus*. De hymnis in Ecclesia canendis, plura extant Concilia, quæ per expressos canones, tantum Ecclesiasticum stabiliunt, inter quæ Toletanum 4. Synodense sub Clemente VII. sed & Angeli nascente Domino cantabant: sæpe auditi sunt Angelorum chori psallentium Domino; Item ex lib. Act. cap. 16. vers. 25. constat consuevisse Apostolos alta voce concinere Dei laudes; legitur enim, *quod media nocte Paulus, & Silas orantes laudabant Deum, & audiebant eos, qui erant in custodia*. Ex illo autem Matt. 6. vers. 7. & 7. non prohibetur à Christo cantus, sed prohibetur oratio facta cum ostentatione, & vanà glorià, quemadmodum faciunt hypocritæ.

V. HIMERIUS, scilicet Nestorianus, Nicomedensis Episcopus, subscripsit epistolam unam, cum aliis suis impietatis scitiis, quorum nomina recensentur à Baronio, ann. 431. in qua Nestorianum dogma propugnabatur.

XVI. HERMANNUS MELCHIOR, referente Lyndano, ex simplici artifice in Livonia prædicationis munus assumens, per Regem Danimarchæ minister constitutus, circa annum 1527. in frustrâ sese opponente Luthero, Zuinglii errores promulgans, asserbat extremam judicii diem futuram anno 1734. A Ministris Lutheranis, præcipuè à *Marcardo Frecher, & Sculdorpio* confutatus, & confusus; persistens nihilominus in sua perveracia, ejusmodi alibi se recepit, ubi dogmatizare non cessans, Straburgi discipulos plures accivit. Fjus sequaces Hoffmannum Eliam esse, qui præveniret judicium extremum, affirmabant, quare unà cum *Poltormano*, qui se Henoch esse jactabat carceri mancipatus, circa

annum 1533. decessit: ejus errores sunt sequentes.

1. Christum non assumpsisse carnem ex Virgine, sed ex se factum esse carnem. R. verbo *Albanenses, Balthasar Pacimont*.

2. A gratia semel voluntariè peccando cadentem, numquam ad gratiam restitui. R. Nam in hoc statu, nulla esset spes salutis peccatoribus, quos Christus venit vocare ad poenitentiam, pro quibus instituit Sacramentum poenitentiae. Peccatorem contritum consequi gratiam, ostenditur ex Scrip. Ezech. cap. 18. *Si impius egeris poenitentiam ab omnibus peccatis suis, omnium iniquitatum ejus non recordabor*; quam veritatem confirmat Conc. Later. Cap. *Firmiter* Tum quia nulla est ratio convincens dari peccatum irremissibile, præter finalem impoententiam, quia Deus plus potest dimittere, quàm homo peccare. Creaturæ poenitenti promissit Deus remissionem cujusque peccati; non enim Deus vult mortem peccatoris, sed vult ut convertatur, & vivat, undè & Dominus docuit Petrum septuagies septies, id est infinities peccatoribus dimittere.

3. Salutem nostram esse in nostris viribus collocatam. R. Nam licet requiratur cooperatio nostrâ ad salutem, attamen certum est neminem nisi dono gratiæ posse bona opera efficere, per quæ mereatur ætatem salutem, quæ veritas sæpe confirmatur in sacris paginis, & exclamat Apostolus: *Gratia Dei mecum*; & alibi: *Non enim sufficientes sumus facere aliquid ex nobis*. Quòd si salus nostrâ solummodò in nostris viribus esset collocata, etiam Deo invito posset homo regnum celorum acquirere. Tum quia ad obtinendam salutem, quæ est finis supernaturalis, necessaria sunt media proportionatâ fini, scilicet opera supernaturalia: Sed vires nostræ, in se præcisè spectatæ, sunt naturales, neque possunt opera supernaturalia efficere, per quæ acquiratur finis supernaturalis, nisi eleventur, & adjuventur media Dei gratiæ: ergo salus nostrâ non est in solis nostris viribus collocata.

Ho-

HOLANDINUS. Vide *Hermannus Ritsch*.

HOMINUM INTELLIGENTIUM secta. Vide *Apidius Cantoris*.

IV. HOMONCIONISTÆ. Sic dicti eo quod Christum non nisi hominem esse affirmarent, de quibus mentionem facit S. Aug. Serm. 24. ex addit. fragm. in novis impress. R. verbo *Cerintus*.

VI. HOMONCIONISTÆ. Illi sunt qui dicunt in corpore hominis esse imaginem Dei, non in anima: de his agit Sirmondus hæresi 76.

VII. HOMUR. Discipulus Mahometis, sepulchrum in honorem sui Magistri ædificavit, ibique mansit usque ad suum decessum, primus Mahometis successor in calatu Mahometano. Ex Bar. anno 630.

V. HOMONISTÆ. à Marcionitis derivarunt circa initium seculi 4. Animam humanam ejusdem cum Deo essentiae afferebant. Ex Theodor. hæret. fab. lib. 1. R. verbo *Dicaria*.

V. HONERICUS. Circa annum Domini 496. acerrimus Arianæ hæresis propagator, & Orthodoxorum persecutor apparuit Honericus Vandalorum Rex, qui 344. Episcopos Catholicos in exilium relegavit, & omnem eonatum adhibuit, ut Arianam hæresim dilataret, cuius impietates narrat Nicaphorus lib. 17. cap. 11.

XVI. HORTENSES. Iidem sunt, ac Clancularii, qui eo quod in hortis convenirent, dicti sunt etiam Hortenses. Ex Gault. sec. 16.

XVI. HORTENSIVS LANDUS. Ex Coccio. Factus apostata ab instituto Religioso, quod professus erat, & à fide, ut Calvinismum sequeretur circa medium seculi 16. librum composuit, in quo Clericorum, & Monachorum tonsuram persequitur. R. Ex antiqua praxi, quæ tonsuram crinium commendat, vitam mundissimam indicantem, ut refert Dionysius Areopagita in Ecclesiastica Hierarchia cap. 6. Synodus Nicæna habita initio quarti seculi Canone 76. præcipit tonsuram crinium Religiosis. De crinium tonsura agit Athanasius lib. de Virginitate.

Tom. I.

Ephiphanius hæresi 80. Gregorius Nazianzenus Oratione 12. Justinianus Imperator de Monachis cap. 2. quare igitur improben hæretici tonsuram, quam opere, & scriptis commendarunt Religiosissimi viri, & Sanctissimi PP. in Conciliis?

XVI. HORNII. Pseudo-Episcopus Wintoniensis in Anglia, prolixè scripsit ad probandum supremam auctoritatem in causis etiam merè Ecclesiasticis, competere Regi, contra quem doctissimè rescripsit Thomas Stapletonus. R. verbo *Anglo Calviniani, Apologetici*.

XIV. HUGO AUBRIOTUS, Prefectus Parisiensis, natione Burgundus, potens, & dives, convictus turpissimæ libidinis, etiam eum seminis Judæis, odii in Ecclesiasticos, contemptus Sacramentorum, & multarum aliarum hæresum, igni damnatur, precibus tamen Principum, mitigatâ pœna, ad perpetuum carcerem; inter seditiones populares carcere eductus fuit. Ex Spondan. 1381.

XVI. HUGO LATIMERUS. Ex Comitatu Leicestrensi in Anglia, Calvinianam hæresim Cantabrigiæ docuit; ab Henrico Rege, propter hæresis suspicionem, de Wigorniensis Episcopatu deturbatur, Anglos siquidem in fide suis concionibus corrumpebat. Mortuo Rege iterùm suis falsis concionibus vulgum imperitum dementare est aggressus: fuit Religionis, & Ecclesiæ Romanæ hostis; proinde in carcerem sub Regno Marie pulsus, eum aliis suæ impietatis fautoribus, vivus comburitur; ætatis annorum 80. Ex Spond. anno 1547. & 1595.

XVI. HUGONISTÆ, sive HUGONOTES, illi sunt, qui dogmata sequuntur Lutheo contraria, & potius Calvino adherent. Incertum an ab Hugone quodam Lud. Magistello Parisiensi, an verò ab Hugone militis reformatæ in Galliâ Duce, nomen sortiti sint: certum est circa annum 1560. cœpisse Calvinianos in Galliâ dici Hugonotes, & deducum aliqui volunt hoc nomen à Porta Urbis Turonis, quæ Regis Hugonis appellatur, ad quam Calviniani suas conventiculas celebrare consueverant; Alii hoc no-

S f

men

men sumptum volunt, à voce *federis* Helvetici, quæ se invicem *Eidgenossen* vocitant; male à Gallis pronunciata: alii à voce *Heus-Guenans*, quod apud Helveticos significat homines seditiosos: qualiter autem Hugonoti Urbes occuparint, cuncta caedibus, & rapinis compleverint, qualis, & quanta fuerit eorum audacia, quantos tumultus cierint, videre est apud Spond. ab anno 1560. usque ad annum 1629. Et apud Freschotum integro volumine. Insuper copiosè de Hugonotis scripsit Gabriel à Sacconai Sabaudus librum inscriptum: *Historia universalis motuum, & tumultuum ab Hugonotis excitatorum*; erat impress. Lugduni apud Michaellem Jove anno 1572.

XII. HUMILIATORUM SECTA. Fuit exagitata, ab Innocentio III., ut constat ex ejus constitut., unà cum Gazaris, Arnaldistis, & Pauperibus de Lugduno. Ejus sectatores Sacerdotale munus sibi arrogabant, Confessiones secretas excipientes, concionahantur, & à liberalibus artibus abhorrebant. R. Quoad primum quia ad Sacerdotale munus obeundum requiritur potestas Ordinis: quam Christus contulit solis Apostolis, & per ipsos aliis à Apostolis successivè ornat, de quibus legitur Actorum 20. *Attendite vobis, & universo gregi, in quo vos Spiritus sanctus posuit Episcopos regere Ecclesiam Dei*. Tum quia si unusquisque posset pro libito Sacerdotale munus perficere, jam non esset distinctio inter Sacerdotem, & laicum, ex quo fieret confusio in populo. Tum quia, munus Sacerdotale est dignitas, nemo autem potest sibi dignitatem conferre, sed ah habente auctoritatem dignitas est suscipienda, ex quo sequitur non posse laicum Confessiones audire, concionari, & ea, quæ Ecclesiastici sunt muneris, peragere, hæc enim munera non nisi ab Ecclesiasticis, quibus collata est auctoritas possunt exerceri. Tum quia si simplex laicus posset Sacerdotale munus exercere, hoc posset, & mulieres. Vide verbo *Collividiani*.

Reprobantur etiam *Humiliati* in eo, quòd à liberalibus artibus abhorrent,

quia artes liberales nempe Grammatica, Rethorica, Dialectica, Arithmetica, Musica, Geometria, Astronomia, & si quæ aliæ ad præfatas reducuntur, sunt naturales perfectiones humanæ mentis, quas ad gloriam Dei conditoris acquirimus; dedit siquidem Deus animæ rationali facultatem acquirendi connaturales perfectiones. Deinde præfate artes inveniuntur in sacris literis commendatæ, utpotè Musica, & Poësis, undè laudantur PP. apud Ecclesiasticum: *Requiritentes modos musicos & narrantes carmina Scripturarum*. Rhetoricæ usus fuisse Scriptores sacros, maxime Isaiam, manifestum est. Christum Dominum dialecticè locutum, probat S. Augustinus contra Cresconium. De Geometria extat sermo in libro Job. *Quis tetendit super eam* (id est terram) *lineam &c.*, & sic de reliquis. Deinde serviunt facultates istæ ad agnoscenda opera Dei, & ad eum laudandum.

XVI. HUNNIUS Ægidius, secta Luthcranus, primus fuit, qui cepit reprobare exorcismum, quo utitur Ecclesia potissimum in baptismo, cum Parochus dicit: *Exorcizo te immunde spiritus &c.* Asserit itaque Hunnius, Christum non instituisse exorcismum, nec Apostolos exorcismum usurpasse, idemque concludit reprobandum esse omnem exorcismum. R. Marc. 3. 15. *Dedit illis potestatem ejiciendi demonia*: Quod & præstitit Christus, sicut legitur Matth. 17. v. 17. Marc. 1. 25. Ipsumque Dominum exorcismo usum habemus Marc. 7. v. 34. Cum dæmon ratione peccati originalis habeat potestatem in homines, idè Ecclesia vitur exorcismo antè baptismum, ut denotet, se auferre à dæmone potestatem quam habet in hominem baptizandum, qui licet per baptismum liberetur à culpa originali, per exorcismum liberatur ab infestatione diaboli. De exorcismi potestate agit S. August. lib. 2. contra Jul. Pelag. Chrysostomus Homilia de Adam, & Eva. Optatus Milevitanus lib. 4. contra Donatistas. Gregorius Magnus in lib. Sacram. S. Bernardus in vita S. Malachie.

XV. Hus-

XV. **HUSSITÆ.** Hussitarum secta anno 1408. cepit invalescere, quæ Valdephum, & Wicleffitarum errores revocavit, Duce Joanne Hus. Vox Hus anferem significat. Fuit Hus natione Bohemus. Ad exturbandos itaque Teutonicos, plura meditatus, cum universitatem Pragensem, excitatis motibus turbasset, hinc audacior factus, linguâ potens, & mundioris vitæ falsa opinione clarus, venenum, quod jam pridem conceperat, palam evomere cepit; sed huic malo occurrente Archiepiscopo Pragenfi, qui Wicleffi libros publicè comburi jussit, etiam Joanni Hus, quò minus falsam doctrinam promulgaret, interdixit. Hussus proinde Pragâ excedens, in villa Hus originis suæ secedens, ab impietate sua non respuit. Decretum est contra Joannem Hus in Concilio Romano, anno 1412. sub Joanne XXII. ejusdem scripta comburi. Seditionis fonte effesto per Regem Wenceslaum ab Urbe Pragenfi, ejus sectatores pervicaciùs tumultuarunt: Interim cum Joannes ad Conciliū Constantiense accessisset, ibique, (tantum abfuit ut errores suos, sicut promiserat emendaret,) sua falsa dogmata promulgare auderet, carceri mancipatur; sed cum nihilominus in sua perfidia persisteret, vivus comburitur: quem tamquam Martyrem Hussitæ honorarunt. Planè incredibilis est pertinacia, quâ Hussus maluit vivus comburi, quàm, licet ab ipso Bavariæ Duce admonitus, rescipiscere; affectavit martyris nomen apud suos sequaces consequi, proinde constantiam, & pietatem moriens simulavit. Cineres ejus in Rhenum projecti, nè ab ejus sectatoribus cultui exponeretur. Hujus hæresiarum errores, numero triginta, à Concilio Constantiensi damnati fuerunt, quos omnes ut legitimos fetus suos agnovit, exceptis 4. 13. 14. 16. 18. quos à Joanne Wicleffo mutuatus erat. Longum esset retexere, quæ in Hussitarum causa peracta sunt, quæ adamussim refert Spondanus ab anno 1418. usque ad annum 1494. Missa hæc facinus, ut operis brevitati proposuimus consulamus: sed

circa errorum numerum, ne fiat confusio, advertendum Aënam Silvium, referentem Hussitarum errores, eosdem eum Thaboritarum erroribus confudisse: dum asserit Joannem Hus negasse Purgatorium, & Sacramentum Pœnitentiæ, & extremæ Unctionis, pluraque alia dogmata Fidei Catholicæ consona: sed licet in hos, & consimiles errores impigerint Joannis Hussi sequaces, (qui postea in factiones divisi, diversa sortiti sunt nomina, alii enim Thaboritæ, alii Orphani, alii Philistæ, Idumæi, & Moabitæ nuncupantur) certum tamen est Joannem Hussum, nequaquam præfatos docuisse errores concernentes præsentiam realem Corporis Christi; necessitatem Sacramenti Pœnitentiæ; agnitionem Sacramenti extremæ Unctionis; existentiam Purgatorii; invocationem Sanctorum; sacrarum Imaginum venerationem; orationem pro defunctis, circa quæ Hussus sensisse cum Orthodoxis ostendit Natal. Alex. in sua Historia Ecclesiastica sec. 15. Sunt ergo Thaboritæ, & Orphani ab Hussitis propagati, qui novas addere hæreses erroneæ Hussitarum doctrinæ. Quantum verò colligere liquet ex Concilio Constantiensi sess. 15., genuini Hussi errores sunt triginta, præter quos, certum est quòd scripsit contra Indulgentias, addita disputatione anno 1412. contra Indulgentias Papales, in quâ statuit, ac propugnat propositiones num. 18., quas videre est apud Natal. Alex. seculo 15. Licet autem Hussitæ errorem de necessitate communionis sub utraque specie profiteantur, hujus tamen erroris inventor non fuit Joannes Hussus, sed Petrus Dresdensis, de quo suo loco agimus, & Jacobellus quidam prædicando promulgavit. Verum quidem est, quod hunc errorem de necessitate communionis sub utraque specie Joannes Hussus non improbavit, imò approbavit in quæstione, quam Constantiæ, priusquam in carcerem coniceretur, conscripsit: *Utrum expediat laicis sumere Sanguinem Christi sub specie vini*, in quâ quæstione docuit licere, & expedire, contra disciplinam Ecclesiæ, quem errorem verbo

Bohemi confutavimus . Confutandus etiam verbo *Lutherus*, in eo quod reprobat indulgentius . Erroris autem numero 30. à Concilio Constantiensi relatos, & proscriptos, refert Gaulterus seculo 15.

Ad quinque potissimum capita reducuntur 30. præfati errores, per quos Joannes Hussus contendebat sustinere; Primò, in Ecclesia solos justos contineri, & ideo opera bona esse indifferentia ad salutem æternam, nec mala opera obesse electis, quia Deus absque ulla meritorum, vel demeritorum ratione salvat, quos salvare decrevit . Secundò, quod publica prædicatione licet cuilibet homini, etiam seculari . Tertiò, quod Papa non est totius Ecclesiæ caput . Quartò, quod Ecclesia nullam habet potestatem in Christianos . Quintò, quod nulla excommunicatio est timenda, quia Ecclesia non habet potestatem excommunicandi .

Hic attentè notandum, quod aliquæ ex triginta propositionibus apparenter procedere videntur ex zelo contrà vitia Prælatorum, & Clericorum; non est tamen zelus secundum scientiam, zelus enim discretus, ea peccata, quæ videt in domo Dei se non posse tollere tollere, & gemit; non possunt autem per vitia, & errores, ut constabat Huss, alia tolli vitia, quia non in Beelzebub ejiciuntur dæmonia, sed in d. g. to Dei, qui est Spiritus sanctus, volens, ut in corrigendo, modus habeatur prudentiæ; his præmissis, reprobationem 30. propositionum Hussi, quas ad quinque superiora capita supra rediit expressimus, breviter exhibemus .

1. Propositio. In Ecclesiâ soli iusti continentur . R. ex Conciliis Carthaginensi, Bracharensi, & Constantiensi sessione decimaquinta, in quâ damnatus fuit sequens articulus, scilicet: *Gratia prædestinationis est vinculum, quo Corpus Ecclesiæ, & quodlibet ejus membrum jungitur ipsi capiti insolubiliter, ita ut nemo possit esse in Ecclesiâ Dei, nisi sit iustus, sanctus, & prædestinatus*; ex quo articulo damnato, sequitur, quod se-

cundum mentem Concilii, Ecclesia continet iustos, & peccatores, bonos, & malos, prædestinatos, & reprobos . Prob. Catholica veritas ex Christi parabola, Matth. 13. vers. 47. ubi Christus assimilât Ecclesiam sagenæ missæ in mare, & ex omni genere piscium congreganti: ex quâ sagenâ boni in fine mundi sunt separandi à malis . Tum quia, si Ecclesia constaret ex solis iustis, Ecclesia esset invisibilis, cum nemo sciat an sit iustus: nemo enim scit, an odio, vel amore sit dignus: item ex alia Christi parabola, quæ habetur Joann. 15. v. 1. *Ego sum vitis vera, & vos palmites*; ubi Christus asserit, etiam palmitem non ferentem fructum esse in vite, id est esse in Ecclesiâ tam bonum, quàm malum palmitem sub Christo capite . Deum Ecclesia est cœtus fidelium sub regimine Apostolici pastoris congregatus, sed inter fideles sunt boni, & mali, solum enim peccatum infidelitatis excludit à cœtu fidelium, ergo Ecclesia continet bonos, & malos; in qua Ecclesia, qui benè operantur, salvi fient, qui verò malè, damnabuntur; ex quo sequitur valdè curandum esse de bonis operibus, cum propter bona opera consequamur salutem, nec sint indifferentia, ut contendit Hussus . Necessitatem bonorum operum, quæ mediâ Dei gratia fiunt, ad salutem, proclamant Concilium Arausicanum sub Felice IV. can. 8. Lateranense sub Innoc. III. Trident. sess. 6. canon. 21. Item, quod bona opera necessaria sint ad salutem constat ex sac. Scrip. Eccles. cap. 16. vers. 15. Secundâ Petri, cap. 1. vers. 10. ex Psalm. 17. vers. 27. Sapient. 5. ad Corinth. cap. 3. vers. 8. *Unusquisque autem propriam mercedem recipiet secundum laborem suum*; & secundâ ad Timoth. cap. 4. *In reliquo reposita est tibi corona iustitiæ, quam reddet tibi Dominus in illâ die iustus iudex* . Tum quia si bona opera essent indifferentia ad salutem, nec mala obessent, jam totum civile commercium corrueret; omnes enim pro libito furarentur, homicidia committerent, & similia . Respiciet itaque Deus in retributione

ad

ad uniuscuiusque merita, & demerita, quæ veritas ab ipsâ penè naturâ in omnibus inserta, retrahit homines à malo, & excitat ad bonum. Vide verbo *Affuerant, Augustinus Bohemus*.

2. Propositio. Publica prædicatio licet cuilibet homini, etiam seculari. Rep. ex Concil. Trident. sess. 7. can. 10. Item ex epist. ad Rom. cap. 10. ubi legitur: *Quomodo verò prædicabunt, nisi mittantur?* ex quo aperte colligitur, quòd nulli prædicare licet, absque missione. Hinc Christus elegit inter discipulos duodecim Apostolos, quos misit ad prædicationem sui Evangelii, ex quo infertur, quòd prædicandi officium est ministerium Apostolicum, & nequit exerceri nisi ab iis, qui habent auctoritatem, quæ auctoritas competit animarum Pastoribus, & per ipsos iis, qui à Pastoribus, delegantur ad pascendum gregem dispersum. Etiam in lege veteri, nullus Prophetæ prophetavit sine missione, ut colligitur ex illo Matth. cap. 23. *Jerusalem quæ occidis Prophetas, & lapidas eos, qui ad te missi sunt*. Insuper, si omnes Christiani possent liberè prædicare, superflua esset prædicatio, omnes enim essent Evangelistæ, & Doctores, sed hoc est falsum; legitur enim ad Ephes. cap. 4. quòd Christus: *Dedit quosdam quidem Apostolos, quosdam autem Prophetas, alios Evangelistas, alios Pastores, & Doctores in opus ministerii*. Deum si omnes liberè possent prædicare, non haberetur in Ecclesia uniformitas doctrinæ in dogmatibus, quæ in tantum incorrupta conservatur in Ecclesia, in quantum illi soli, qui Catholicæ, solidæque doctrinæ sunt professores, ministerium prædicationis accipiunt à Prælati. Textus autem Scripturæ, qui possent in contrarium adduci, interpretari debent de prædicatione privata, non autem publicâ: prædicatio autem privata, quæ in eo consistit, ut quis valeat proximum suum, maxime dum illum deficientem animadvertit, commonere, & ad bona opera hortari, utique unicuique est licita.

3. Propositio. Ecclesia nullam ha-

bet potestatem in Christianos. Repr. ex pluribus, & apertis sacre Scripturæ textibus, ex quibus manifestè evincitur Superiores Ecclesiasticos habere auctoritatem præceptivam in subditos, quos etiam pœnis possunt coercere, si sunt transgressores; subditos verò teneri obedire mandatis Superiorum spiritualium, constat Deuteron. 17. 12. *Qui autem superbierit, nolens obedire Sacerdotis imperio, qui eo tempore ministrat Domino Deo tuo, & decreto Iudicis, morietur homo ille*; Item Deuteron. cap. 17. 10. *Et facies quodcumque dixerint, qui præsumunt loco, quem elegerit Dominus, & docuerint te*; ex novo Testamento reprobatum etiam hæreticale assertum, Matth. cap. 18. vers. 18. *Amen dico vobis quacumque alligaveritis &c.* ad Rom. cap. 13. *Omnis anima potestatibus sublimioribus subdita sit &c.* ad Hebr. cap. ultimo: *Obedite præpositis vestris, & subjacetis eis*; ad Thessalon. 2. cap. 3. *Si quis non obedit verbo nostro, per epistolam, bene notate, & ne commissceamini cum illo, ut confundatur*.

Tum quia politia temporalis habet potestatem condendi leges, quibus subditi tenentur obedire pro bono regimine temporali; ergo pro bono regimine spirituali, politia Ecclesiastica habet etiam auctoritatem condendi leges, quibus subditi obedire tenentur. Nec valet obijcere Ecclesiam solum posse præcipere, quæ expressè habentur in sacris paginis. Nam Divus Paulus plura præcipit, quæ non sunt expressa in Scripturâ. Tum quia leges, cum debeant etiam temporibus accommodari, non esset rectè instituta politia Ecclesiastica, si pro necessitate temporis Ecclesia non posset opportunas leges statuere. Tum quia demptâ auctoritate condendi leges, & suppressâ obedientiâ subditorum legibus, statim corrui quæcumque politia. Auctoritatem condendi leges Christum reliquisset Ecclesiæ, & voluisse in subditis obedientiam, colligitur ex illo Lucæ 10. *Qui vos audit, me audit, & qui vos spernit, me spernit*. Item Matth. 23. *Quacumque dixerint vobis facite*. Textus autem Scripturæ

pturæ adducti ab hæreticis, ad probandum Christi fideles liberos esse à servitute, intelliguntur de servitute peccati, de servitute legis Mosaicæ, à qua post Christi mortem liberati sumus. Vide verbo *Aeriani*, *Calvinus*.

4. Propositio. Papa non est totius Ecclesiæ Caput. R. Impugnatores supremæ potestatis Pontificiæ, proferuntur in Concilio Constantiensi, sess. 8. in Florentino sub Eugenio IV. Item ex sacra Scriptura probatur Papam esse totius Ecclesiæ Caput, Matth. 16. vers. 17. soli enim Petro, & ejus successoribus constat Christum promississe supremam Ecclesiæ potestatem. Joann. cap. 21. vers. 17. dixit Christus Petro: *Pasce oves meas*. Item Matth. 16. soli Petro dixit Christus: *Tibi dabo claves*. Virtute clavium, sive primariæ jurisdictionis sibi collatæ S. Petrus suâ auctoritate congregavit alios Apostolos ad eligendum Apostolum, quem sufficeret loco Judæ prævaricatoris; hoc autem fecit Petrus Jerosolymis ubi S. Jacobus erat Episcopus; ex quo evincitur auctoritas Petri, sive Pontificis suprâ omnes Episcopos, cui soli dixit Lucæ 22. vers. 31. *Aliquando conversus confirma fratres suos*. Tum quia cum Ecclesiasticum regimen sit Monarchicum, ut probatum est contra *Flacianos*, sequitur Petrum, & ejus successores, esse totius Ecclesiæ caput visibile sub Christo, qui est primum, & invisibile caput Ecclesiæ. Vide verbo *Armeni*.

5. Propositio. Excommunicatio non est timenda, quia Ecclesia non habet potestatem excommunicandi. Repr. ex Concil. Constantiensi, sess. 8. Insuper Concilium Carthagenense IV. cap. 13. & Bracharense primum cap. 33. sub pœna excommunicationis prohibet, ne aliquis excommunicatus cum excommunicatis. Tum quia Ecclesia à tempore Apostolorum, semper consuevit uti censuris. Potestas excommunicandi concessa à Christo Ecclesiæ aperte colligitur ex illo Matth. cap. 18. *Si Ecclesiam non audieris, sit tibi sicut Ethnicus, & Publicanus*. Quod idem est ac dicere, sit tibi sicut excommunicatus; id est nullam habes cum eo

conversationem, aut in sacris communionem. Item, auctoritas excommunicandi colligitur, ex epistola ad Galat. cap. 1. vers. 9. *Si quis vobis Evangelizaveris præter id quod acceperistis, anathema sit*. Excommunicationis autem finis, est Fidelium utilitas, ut cum gladio excommunicationis percussos se viderint, resipiscant. Hinc sequitur talem auctoritatem bene Ecclesiæ, licet piz Matri convenire, & fuisse concessam, ut excommunicati resipiscant, & perseverantes in pertinacia peccati, non habeant commercium cum aliis Christianis; ne eos contaminent. Hussitarum hæresim iterum damnavit Martinus Quintus, anno 1418. Quod autem potissimum contendeat Hussus erat auctoritatem S. mmi Pontificis omnino convellere; huc collimat ejus propositio, in qua asserbat, quod in Ecclesia soli iusti continentur, ex qua deducebat, quod nullus præscitus est verus Papa: nemo autem scit an sit electus, vel præscitus; hinc sequebatur neminem dari posse verum Papam, unde sæpe repetebat in suo tractatu *de Ecclesia* ab ipso inscripto, consimiles propositiones, cuiusmodi sunt: *Nullus existens in peccato mortali, ex quo non est membrum Christi, sed diaboli, est verus Papa, vel Prælatus, vel Dominus*; hæc erronea propositio sequitur ex priori, in qua asserbat: *Quod nullus præscitus est verus Papa*; huic consimilis est subsequens: *Nemo existens in peccato mortali habet potestatem Apostolicam*; in quibus, & consimilibus propositionibus, abundè nimis expressit implacabilem livorem, quo exandescerebat in sanctam Sedem Pontificiam. Satis per se patet, quàm sit temerarium, scandalosum, perniciosum, & hæreticum, ac contra quamlibet humanam politiâ afferere, quod solus existens in gratiâ, & solus electus habeat auctoritatem Pontificiam; cum enim nemo sciat an odio, vel amore sit dignus, redderetur incertissima, & instabilis dominatio Pontificia, quandoque in prædestinatione, vel charitate personali fundaretur, & similiter incertissima redderetur, reliquorum omnium

omnium Episcoporum potestas, Jurisdictio, & auctoritas, quam à Papa faciunt Episcopi, & Papa à Christo, qui de facto Petrum elegit in Pontificem, quamvis post electionem à charitate exciderit, cum Christum negavit. Nihilominus nova electione opus non fuit, ut Pontificiam auctoritatem excecet, dignitas enim non facit hominem impeccabilem, consequenter neque peccatum fragilitatis humanæ, excidit homo à dignitate, in qua semel est canonicè constitutus. Permissit Deus aliquando superiores peccare, etiam Episcopos, ut cognoscant se, licet in excelsis positos, adhuc homines esse, & sciant compati subitiis, cum ex fragilitate labuntur. Dignitas ergo quæcumque illa sit, non facit hominem impeccabilem, nec per fragilitatis peccatum corrumpit Pontifex à dignitate, aut auctoritatem amittit, quam à Deo super universam Ecclesiam accepit; ut cistum est contra *Arnulfum*: ex quo sequitur insubstantialitas, & impietas alterius propositionis, in qua Hussus asserbat, quod Papa, si primatum habet super alias Ecclesias, habet à Cæsare; Imperator enim tanquam matris Ecclesiæ filius, in spiritualibus subditus est Pontifici, neque subditus auctoritatem conferre valet superiori, Imperator est laicus, neque auctoritatem Sacerdotalem potest impertiri. Etiam in primitiva Ecclesia, Imperatores Orthodoxi, Pontificiæ dignitati fuerunt obsequentissimi, ut constat ex variis Ecclesiasticæ Historiæ Scriptoribus, ex quibus abundè patet Summos Pontifices independentes à quacunque dignitate, etiam Cæsarea, exercuisse in universali Ecclesia primatum. Vide verbo *Albanenses*, *Jacobus Propositus*, *Guillelmus Ochamus*, *Anastasio Dicors*.

XVI. HUTITE. Secta Antilutheana, seculo 16. à quodam *Joanne Huto* nomen sortiti sunt. Primò, sese iactabant esse Populum Israeliticum. Secundò, diem festum Domini brevi certò instare asserabant, & omnia antè ejus adventum esse dissipanda; proindè ad extremam inopiam brevi redacti fuerunt. Ex *Florimondo de hæres. lib. 2.*

II. HYDROPSITE. De hac hæresi loquitur breviter *Sirmundus* hæresi 75. eam. dem perstringit his verbis. *Septuagessimam, & quintam hæresim hydropsite fecerunt, aquam Deum dicentes, non habentem, nec initium, nec finem, sordes lucentem, peccata dimittentem, & habentem Spiritum sanctum, quos iussu damnat fides Catholica quasi cecos, & non videntes, quibus spurcitiis aqua servit, quibus etiam squaloribus, aut cujus momenti est aqua sine consecratione. Illam sermo vivus vivificat, sermo sanctus sanctificat, ut sanctus Spiritus in ea dignetur habitare, aut ut possit credentibus peccata mundare, & sic quomodo accipit vim hujus rei per benedictionem, ut possit omnia mundare peccata, non potest mundare peccata ejus, qui fidem suam non ex integro priùs Deo crediderit offerendam, non ergo per solum abluentem, sed magis per credentem Spiritus sanctus infunditur in homines, & peccatorum venia condonatur.*

XVI. HIERONYMUS ZANCHUS. (Ex Coccio) secta Calvinista vixit circa medium seculi 16. In sua doctrina miscellanea, negat Christum sua Passione, & Moete satisfecisse pro omnibus, sed vult tantum fuisse propitiationem. R. verbo *Arnaldus Brixiensis*, *Tanfenius*. Veritatem hanc aperte profitetur facies Scriptura plureibi, sed potissimum 1. Joannis 2. *Ipse est propitiatio pro peccatis nostris: non pro nostris autem tantum, sed etiam pro totius mundi.* Nota, quod propitiationis nomen importat veram satisfactionem.

XV. HIERONYMUS PRAGENSI, sic dictus, quia ex Praga urbe primæia Bohemix oriundus, Joannis Hus discipulus, Magister artium factus, circa annum 1408. cepit sui Magistri promulgare errores in universitate Parisensi, postquam sua facundia auditorum sibi animos conciliaverat, sed cum Hussianam profiteretur doctrinam, carceri mancipatus fuit, & ad Constantiense Concilium delatus, anno 1415, quo tempore præceptor ejus ibidem erat in carcere detentus, ejus propugnaturus do-

dogmata, Constantiam adventasse distabat. Dein a reâ simulatus conscientia, fuga sibi, sed incassum consulere studuit; nam iterum prope Bohemiam deventus, iterum etiam captivus Constantiam deductus, oretenus, non mente, suos abjuravit errores. Bohemiam repetens, ibi rursum ad vomitum rediit, quare iterum Constantiam accersitus, nec ullis suasionibus convictus, sed in sua pertinacia hæreticali obstinatus persistens, brachio seculari traditus, vivus, anno 1416. comburitur, quem etiam ut Martyrem, Hussitæ coluerunt. Ex Ænea Sylvio.

I. HYMENAEUS ex prima ad Tim. cap. 1. unâ cum Alexandro naufragium fecit circa fidem, Apostolorum tempo-

ribus, asserens resurrectionem jam factam, nec amplius futuram. R. verbo *Ærarius*, & *Basilidiani*. Resurrectionem dicebat consistere in excitatione à morte peccati. Symbolum autem expressè loquitur de resurrectione carnis.

IV. HIPPOLYTUS. Damnatus fuit in Concilio Romano, sub Silvestro Pontifice anno 324. quidam Diaconus, nomine Hippolytus, qui fuit Valentinianæ hæresis sectator. Ex Bar.

IV. HYPHISTARUS. Ex Judaismo, & Paganismo conflata erat hæc hæresis. Ignem adorabant, Sabbatum observabant, à cibis more Judæorum abstinebant. Irreperunt 4. currente seculo. Ex D. Greg. Nazianz. orat. de fun. patr.

HYSCASTÆ. Vide *Quiescentes*.

I

XV.



ACOBELLUS Patria Misenfis, non Misenfis, ut vulgò dicitur (est enim Misa Urbs Bohemix) literarum scientia

non mediocriter imbutus, Wicleffi erroribus contaminatus, concionatoris munus Pragæ exercebat, quem cum Petrus Dresdensis audisset, eidem persuasit, Eucharistiam fore sub utraque specie laicis necessariò exhibendam: cui sententia, cum Jacobellus adhæssisset, eandem suis concionibus, quibus frequens adebat populus, propagavit, imò & scriptis confirmare studuit. Quare communiter auctor censetur schismatis sub utraque specie, circa annum 1409. contra quem Joannes XXIII. anathema dixit. Ex Ænea Sylvio, in hist. Bohem.

VI. JACOBITÆ. Licet nunc temporis sub Jacobitarum nomine Orientales Monophysitæ veniant, qui unicam in Christo naturam constituentur: Nihilominus Jacobitarum secta ab initio suæ institutionis, quæ fuit circa annum 584., alios profitebatur errores, suum nomen, & originem sortita à Jacobo, propter suorum natalium obscuritatem *Zanzala* dicto,

qui Eutychemis, Dioscori, Cnaxæ, & Severi confusis erroribus, novam sectam, à suo nomine, Jacobitarum dictam, instituit. Archiepiscopus ordinatus à prædictarum hæresum fautoribus Episcopis, Syriam, Mesopotamiam, aliasque Orientales plagas peragravit, ubi suis promulgatis erroribus, & ordinatis Diaconis, Presbyteris, & Episcopis sibi adhærentibus, differentes sectas in unum redegit, quibus suam communicavit erroneam doctrinam, & contra quartam Synodum Universalem Chalcedonensem se erexit. Sed anno 1227. Jacobitarum Patriarcha, unâ cum præcipuis suæ sectæ, ad fidem conversus, ut narrat Spondanus ad ann. cit. Jerolymis abjuratis erroribus, cum Romana Ecclesia se conjunxit; at paulò post, juxta instabilitatem Græcorum, iterum ab eadem secedens pristinos in errores est denuò prolapsus. Cardinalis Jacobus de Vitriaco in historia Orientali c. 76., & 77. præcipuos Jacobitarum errores recenset.

1. Aliqui ex Jacobitis ponunt thus juxta se in igne, credentes, quòd cum fumo peccata sua ascendant ad Dominum. Quare non recipientes Confessionem auri-

ricu-

ricularum, dicunt sufficere, si homo confiteatur peccata sua soli Deo. R. Ex Conc. Constantiensis, in quo damnata fuit assertio Wicleffi asserentis Confessionem auricularem esse superfluum. Ex Florent. sub Eugenio IV. in definitione fidei datæ Armenis. Ex Tridentino sess. 14. Can. 3. Tum quia Confessio auricularis fuit à Christo instituta, quandoquidem à Christo acceperunt Apostoli potestatem dimittendi peccata: sed peccata nequeunt dimitti, nisi dimittens noverit peccata, quia dimissio ferri nequit in incertum, ubi agitur de actu iudiciario, qualis est dimissio peccati, nam Iudex reum non iudicat, nisi sit vel per se, vel per testes convictus: ut autem sciat Sacerdos, quæ peccata debeat remittere, quæ retinere, quandoquidem dixit Christus: *Quorum remisistis peccata, remissa sunt; quorum retinueritis, retenta sunt*, debent Sacerdoti peccata pœnitentis innoscere, quod fieri nequit, nisi pœnitens peccata confiteatur. Constat ex historiis Ecclesiasticis, quod Apostoli pœnitentes audiebant. Præceptum autem Confessionis non est iugum grave, ut blaterant hæretici, imò iugum suave, cum per hoc Sacramentum plura commoda, consolationes, & subsidia percipiant pœnitentes; inter quæ illud considerandum, quod cum actus perfectæ contritionis sit difficilis, per solam attritionem (sive contritionem imperfectam, ut à sententiarum probabilium discrimine abstinemus) cum Sacramento pœnitentiæ, peccator iustificatur, & certiores spes concipit de sua salute, ubi in lege Mosaica, cum peccator non posset justificari, nisi per contritionem, quæ difficilius elicitur, difficiliorem spem concipiebat de remissione peccatorum.

2. Dicunt: hominem esse baptizandum in igne; quare suis infantibus cum ferro cadenti imprimunt signum Crucis. Rep. Ex Concil. Lateran. sub Innocentio III. ex Florent. sub Eugenio IV., & Trident. sess. 7. Can. 2. in quibus statuitur, materiam baptismi esse aquam, non ignem, de qua vaticinatus est Propheta

Tom. I.

Ezech. 36. vers. 25. *Effundam super vos aquam mundam, & mundabimini ab omnibus inquinamentis*. Dominicum est præceptum Joann. 3. *Nisi quis renatus fuerit ex aqua &c.* De hoc Sacramento conferendo in aqua loquitur Apostolus ad Ephes. cap. 5. *Mundans eam lavaacro aqua in verbo vite*. Ex actibus Apost. cap. 8. constat Apostolos baptizasse in aqua: *Et iussit stare currum, & descenderunt uterque in aquam, Philippus, & Eunuchus, & baptizavit eum*. Vide verbo *Harmias*.

3. Eucharistiam sub utraque specie infantibus, etiam lactentibus impertitur. R. verbo *Roberti*.

4. Unam naturam tantum in Christo, quemadmodum, & unam personam asserunt. R. Ex iis, quæ dicta sunt contra *Cerinthum*, ubi ostensum est, Christum non esse purum hominem, sed esse simul hominem, & Deum, & habere naturam humanam, & Divinam. Vide etiam verbo *Artemon*.

5. Negant Mysterium Trinitatis, unam tantum Personam esse asserentes in Divinis, in cuius rei significationem, uno tantum digito se muniunt signo Crucis. R. verbo *Bogomilli*.

6. Aliqui ex Jacobitis dicunt, Deum esse mendacem; huiusmodi sunt, qui dispersi inveniuntur in Armenia. Reprobationem ulteriorem non exigit stat iniqua blasphemia, contra quam stat illud Matth. 22. vers. 16. *Magister scimus, quia verax es, & viam Dei in veritate doces*. Sap. 15. 1. *Tu autem Deus noster suavis, & verax es*. Propheta Realis perhibet, quod Deus disperdet omnes, qui loquuntur mendacium. Num. 23. 19. *Non est Deus, quasi homo, ut mentiat: sæpe in sacris paginis Deus prohibet mendacium, ergo &c.* Demum viri mendaces tamquam ignominiosi censentur apud homines, ergo nequit esse in Deo, quod ignominiosum est in ipso homine. Vide verbo *Armeni*. Omnes præfatos errores ex Scripturis, qui de Jacobitis agunt collegi; non tamen omnes ego illis impingere contendo, nam falsò ipsis imputari norat, & demonstrat Afsemanni in dissertatione de Jacobitis

T t

Tom. 3.

Tom. 3. part. 1. Bibliotheca Orientalis, cui certè in hac causa, plus quàm cæteris Scriptoribus præstendam fidem crediderim, quippè qui ratione linguarum Orientalium, quas possidet, unà cum notitia librorum, melius potuit in fonte investigare veritatem. Nunc temporis, prout testatur prælaudatus Assemanni, Jacobitarum errores ad tria tantùm capita reducuntur.

Unam tantùm in Christo naturam profitentur, ex Divinitate & humanitate compositam, conversionis tamen, confusionis, & commixtionis expertem, consequenter ad hunc errorem, unam tantùm in Christo voluntatem, & operationem admittunt. Damnatos ab Ecclesia hæreticos recipiunt, ut Dioscorum, Barsumam, Timotheum, Xenajani, Severum, Jacobum, Theodosium, cæterosque ejusdem furfuris Monophysitas: Patres verò, qui pro fide Orthodoxa decertarunt, rejiciunt, & in primis S. Leonem Papam. Repr. verbo *Monophysita*.

2. Eorum Antesignani partim negant processionem Spiritus sancti à Filio, partim affirmant.

3. Oleum, & salem triticeo, seu fermentato pani consent admiscendum.

4. Inter Sanctos Doctores venerantur plures hæterodoxos, qui post Concilium Chalcædonense scripserunt, & ut plurimum Eutychianæ, ac Dioscorianæ hæresis sunt asseclæ, quorum nomina, & opera recenset Faustus Naironus in sua Evoplia, differens de Monophysitis. Hujusmodi sunt Severus, Philoxenus, Barfalibi, Barsuma &c. Vide citatum Faustum pag. 53.

XVI. JACOBUS Chelmenfis, pseudo-Episcopus Uladislaviensis, Clerum Chelmensem corruptum, de cujus impietate compendiosa scripsit Paulus IV. Pontifex M. ad Sigismundum Poloniæ Regem.

Afferbat neminem ad continentiam obstringi posse, ex oraculo Salvatoris, innixus illis verbis. *Qui potest capere, capiat*, quem eruditè confutat Hostius Cardinalis. *De conjugio Sacerd.* p. 340.

XVI. JACOBUS Brocardus; secta

Calvinianus, natione Pedemontanus, ineptus, & fatuus ariolus, cujus, & scripta inanum vaticinationum plena fuerunt, prædicabat fore ut non multò post aliquot annos Romanus Pontifex à Principe quodam, secta Calvinista, de sua sede deturbaretur, isque Princeps caput concordie Christianæ futurus esset, quæ falsa vaticinia, etiam Scripturæ testimoniiis perperam acceptis confirmare non erubescibat. Ex Spond. ann. 1583.

XVI. JACOBUS ANDREÆ, Calvinista, vixit circa medium seculi 16. Thesi 156. effutit, pati, & mori nomine, & repertere ad Divinitatem. Rep. Quia ratio Divinitatis excludit à se omne malum &c. Item Jacobi 1. 17. legitur: *Apud quem non est transmutatio, nec vicissitudini obumbratio*. Ex Coccio.

XVI. JACOBUS KAUTUS. (Ex Coccio) secta Anabaptista, dixit; Baptismum parvulorum à Deo non esse, sed directè contra Deum. R. Ex Scrip. locis, ubi Christus præcipit Apostolis, ut omnes baptizent: ibi autem Christus non prohibet parvulos baptizari, quibus aquæ vult salutem, ac adultis: de quibus parvulis alibi in Evangelio legitur: *Sinite parvulos venire ad me*.

XVI. JACOBUS HERRANDUS (Ex Coccio) secta Calvinista, in disputatione *De semine Abrahæ*, odium, quo, more Calvinistarum, in Sanctam Mariam efferebuit, evomit, negans esse laudem dignam, misericordie fontem &c. R. Luc. 1., ubi ab Angelo salutatur utpotè benedicta inter mulieres: & 11., ubi mulier exclamavit: *Beatus venter, qui te portavit, & ubera, quæ suxisti*. In Liturgiis SS. Petri, Marci, & Jacobi, Maria invocatur, ut Sancta, ut auxiliatrix hominum, cujus misericordiam experiuntur quotquot eandem humili, & filiali affectu deprecantur.

1. In posteriori disputatione de Missa, negat Missam esse Sacrificium, imò audet asserere esse cultum impium. R. verbo *Faustus Manicheus*.

2. Dicit Sacramentum esse puram caeremoniam, quâ, tanquam sigillo obfigatur promissio gratiæ, quapropter negat

negare videtur Sacramenta conferre gratiam. Repr. verbo *Calvinus*, & *Armenius*. Confutat Herbrandum potissimum circa hanc quæstionem, *Martinus Beccanus* in manuali controvers. lib. 1. cap. 4.

XVI. JACOBUS FABER. Ex obscuris natalibus progenitus in vico abjecto Piccardiæ, nuncupato vico Stapulensi, litteris Divinis, & humanis excultus, in Sorbonæ universitate fuit adscriptus; sed cum nonnullis novitatibus in materia Religionis adhæsisset, in Lutheri doctrinam sibi complacens, hæc de causâ à corpore Sorbonæ rejectus, in Aquitaniam fugiens, Nearchi latibulum sibi quæsit, sub Regis Navarræ protectione, ubi nescio quam novæ Religionis formam commentus est, quam ita amplectebatur, ut tamen vellet Catholicus apparere. Nearchi anno 1537. moritur. Ex Spondan.

XIV. JACOBUS JUSTI. Unâ cum Bononato Beguardorum sectæ primicerius, natione Germanus, sive, ut aliis placet, Catalanus, Sacerdotem sine observantia cælibatus agere volebat: Beguardorum, qui in Germania contra Ecclesiam circa initium seculi 14. insurrexerunt, esse Ducem constituit, asserens Beatos esse à sacræ Inquisitionis Judicibus propter hæresim ex Beguardorum secta condemnatos, imò ut martyres esse colendos; ubi suam impietatem quadruplici muro circumclusus, misere animam efflavit. In Concil. Generali Vicennensi anno 1511. condemnatur. Bononatus autem igni traditus infelicitè periiit. Ex Spondan.

XVI. JACOBUS MELSTINSKY nobilibus parentibus progenitus in Polonia regnante Sigismundo, eò infanti processit, ut Christi nomen, & officium sibi assumperit, additis duodecim Apostolis, quorum primus fuit quidam Petrus Ratofchi Cracoviensis: cum quibus selectis Apostolis varias Provincias discurrens, mirabilia à Christo facta, se etiam operari gloriabatur. Furtis, & latrociniiis interm. cum vacaret præfatus Melstinski, unâ cum suis impostoribus, quidam rustici in Silesia contrâ eosdem

excitati, illos diris verberibus emendarunt.

XVI. JACOBUS PALOLOGUS, ortum ducens ex Imperiali familia, anno Jubilei 1575. Romam venit, curiositate potius, quàm devotione ductus, ubi habitum Regularem suscepit, sed cum juxta Græcorum arrogantiam, elati & inquieti esset ingenii, paulò post detectus fuit dubitare de præcipuis Ecclesiæ, & Christianæ fidei mysteriis; quare ab Inquisitionis Judicibus carceri mancipatus, anno 1579. è carcere aufugiens in Germaniam se contulit, & cum Lutheranis, & Zuinglianis societate inita, inde in Poloniam se recepit, ubi cum hæreticos, Christi Divinitatis hostes invenisset, iisdem adhæsit, & sua prædicatione hæreticales errores propagare nixus est: sed cum ejus perfidia multum Ecclesiæ damnum inferret, Maximiliani Cæsaris jussu iterum captus, Romam transmittitur, ubi in sua obstinatione persistens, igni damnatur; timore tamen supplicii correctus, oretenus, non corde abjuravit: nihilominus in carcere suis in blasphemis sibi complacens, nullisque admonitionibus acquiescens, ut illas relinqueret, maluit impænitens igne cremari. Ex Spondan.

XVI. JACOBUS PRÆPOSITI, de quo agit Bernardus Lutsemburgensis, ex Sacerdote Regulari factus Lutheranus, natione Brabantinus, apud Antverpiam, Bræmæ, aliisque in locis Lutheri dogmata propagavit; unde comprehensus, Bruxellis errores suos abjurare cogitur coram Clemente VII. & Carolo V. sed iterum relapsus, etiam alios suæ domus confratres in suam duxit sententiam; Quare jussu Adriani VI. ejusmodi Apostatarum Conventus Antwerpiz funditus solo fuit coæquatus. Errores, quos prædicabat num. 27. sunt sequentes:

1. Opera ab hominibus facta licet bona, & ut talia habeantur in conspectu hominum, nihilominus esse peccatum, ideòque asserere, omnia opera hominum sanctorum egere misericordiâ ignoscente, & remittente. R. ex Concil. Trident. sess. 6. de Justificatione canon. 37.

T t 2

Tum

Tum quia operibus bonis, quæ sunt ab hominibus iustis mediante auxilio Divinæ gratiæ, deberi præmium, sæpè proclamant sacræ paginæ; unde S. Petrus epist. 2. cap. 1. ait: *Frates magis satagite, ut per bona opera certam vestram vocatiorem, & electionem faciatis*. 1. ad Corinth. 3. 8. *Unusquisque autem propriam mercedem recipiet secundum laborem suum*; ex quibus, & similibus textibus, constat Deum retribuere unicuique juxta opera sua; est enim iustus Iudex. Neque iudicium posset assumere, si nulla essent opera bona, inter quæ, & mala discernere deberet. Tum quia bene operantibus sæpè in sacris paginis Deus promittit copiosam mercedem, ergo dantur de facto opera bona, quorum meritum non tollit gratia, quæ ad elicienda bona opera est necessaria, imò confert; nam opera bona sunt liberi arbitrii elevati, & adjuvi à gratiâ concurrente, ergo sunt meritoria, quod si meritoria, sunt bona, ergo dantur de facto bona opera, quibus debetur merces: & licet præmium detur bonis operibus, hoc tamen non minuit pretium Sanguinis Christi; Christus enim suis meritis nobis obtinuit vim & dignitatem ad merendum: sicut non minuit Dei omnipotentiam virtus, quam dedit Deus creaturis ad agendum.

2. Dicebat: Pontificem non esse Caput Ecclesiæ jure Divino, sed solum jure humano, & ideo solum dici debere primum inter pares. Repr. verbo *Hussita*; contrà quos probatum est, Romanum Pontificem esse totius Ecclesiæ Caput; & verbo *Flaciani*, contrà quos ostenditur Ecclesiæ regimen esse debere Monarchicum; sed hæc Monarchia non fuit à Cæsaribus, neque ab Episcopis, seu Conciliis, sed à Christo instituta, ergo Pontifex est Primas totius Ecclesiæ, non jure humano, sed Divino. Vide verbo *Hussita*, circa finem, & verbo *Guillelmus, Ocham, & Anastasius*.

3. Tria tantum esse Ecclesiæ Sacramenta, Baptismum, Pœnitentiam, & Eucharistiā. Repr. verbo *Bissarra-mentales*.

4. Non est Indulgentiis confidendum.

5. Papa Indulgentias dare non potest.

6. Indulgentiæ non sunt efficaces. R. verbo *Lutherus*.

7. Nulli merita Sanctorum applicari possunt. Repr. Nam exuberantia merita Sanctorum unita infinitis meritis Christi, quæ constituunt Ecclesiæ thesaurum, essent quodammodo inutilia, si Christifidelibus non possent applicari; quæ applicatio vergit in gloriam Dei, & honorem Sanctorum, quorum meritis Deus indulget pœnitentibus pœnas debitas peccatis, quibus propria defunt, aut non sufficiunt merita. Cæterum, si merita Christi infinita, unâ cum superabundantibus meritis Sanctorum, non possent applicari, sequeretur quodammodo, quod tot merita forent superflua. Ab initio Ecclesiæ consueverunt Pontifices dispensare hunc thesaurum, in vita enim Sancti Gregorii Magni per Joannem Diaconum exarata, constat S. Silvestrum in dedicatione Basilicæ Principis Apostolorum, & per Octavam, concessisse Indulgentias, in remissionem pœnæ peccatis debitis, ad eam Basilicam convenientibus; quod & successivè ab aliis Pontificibus peractum Ecclesiastica perhibet historia. D. Bernardus acceptis litteris Apostolicis, ut prædicaret expeditionem Jerosolymitanam in remissionem peccatorum; prædicationem suam miraculis plurimis confirmavit, ut constat ex Gaufrido in vita ejusdem S. Bernardi. Ex quibus omnibus patet Summum Pontificem, utpotè dispensatorem thesauri Ecclesiæ, posse applicare merita Christi, & Sanctorum, Fidelibus, qui in piis operibus præscriptis se devotè exercent. Vide S. Thom. Supplem. 3. p.

8. Nullus est Ecclesiæ thesaurus, præter Christi merita, quæ dumtaxat per ipsum Christum unicuique secundum suam fidem applicantur. R. Nam merita B. Virginis fuisse summa, proclamant omnes SS. PP. excellentia etiam fuerunt merita plurium insignium Sanctorum, qui licet vix venialiter peccaverint, multa passi sunt propter Christum, ideoque Chri-

Christus ipse passus est in membris suis; ex quo sequitur, quod passio Sanctorum etiam augeat Ecclesie thesaurum, qui consistit in superabundantibus meritis, quæ sua Passione Christus promeruit, vel per se immediatè, vel per Sanctos suos, in quibus est passus: quomobrem dicebat Apostolus; *Adimpleo ea, quæ defuncti passionum Christi in carne mea.* Hinc quidem verum est, quod solius Christi merita sunt primordialia, & cæterorum omnium origo; sunt etenim Sancti palmites ferentes fructum ex vite, quæ Christus est, ut perhibet Evangelium.

9. Lutherus, cum sua doctrina non est legitimè per Sedem Apostolicam condemnatus. Reprobatione non indiget adeo erronea proposito; sufficit enim vel leviter considerare ineptias, & blasphemias, quas effudit Lutherus, ut constet, quàm legitimè condemnationem subierit.

10. Liberum Arbitrium causa non est effectiva actuum suorum interiorum, sed receptiva dumtaxat, & ut talis solummodò passivè se habet. Repr. Nam si liberum arbitrium solum passivè se haberet, homo non esset capax meriti, aut demeriti, dum elicit actum bonum, aut malum internum, cujusmodi est actus amoris, vel odii, cujus oppositum nuper ostendimus; ubi enim non est plena libertas, ibi neque actio imputari potest ad meritum, vel demeritum; sed si liberum arbitrium solum passivè se haberet in actibus interioribus, neque esset plena libertas, quam tamen esse in homine, dum elicit actus interiores, constat ex sacri paginæ. Consensus enim ad Divinam vocationem est actus interior; porro hunc consensum præstare, aut negare, omnino esse debet in libertate hominis, quandoquidem Deus conqueritur Proverb. 11. *Vocavi, & remissus*; quod secus foret, si liberum arbitrium solum concurreret passivè.

11. Omne opus liberi arbitrii peccatum est, quantumcumque bonum, egens Dei misericordia ignoscente, & remittente. R. ex iis, quæ diximus ad primum.

12. Quidquid agit homo ante justificantem gratiam, peccatum est. R. Nam opera, quæ agunt plures Ethnici viventes secundum legem naturæ, quæ omnes docet declinare à malo, & facere bonum, dici nequit, quòd sint peccatum; imò ratione hujusmodi operum Deus sæpè impertitur lumina, & media ad facilius obtinendam gratiam justificantem, quemadmodum docent nos Acta Apostolorum de orationibus, & eleemosynis Cornelii Centurionis. Tum quia, omnis actio, quæ dicitur mala, vel est mala per se, vel est mala quia prohibita, dantur plura opera, quæ nec per se sunt mala, nec sunt prohibita, in quibus exerceri potest homo, antequam habeat gratiam justificantem; ergo dici nequit, quòd quidquid agit homo ante justificantem gratiam, sit peccatum. Ubi advertendum opera esse bona, vel mala secundum ordinationem ad finem, vel aversionem à fine; ad ordinandum autem actionem ad finem honestum, non requiritur gratia justificans, licet requiratur ad meritum.

13. Unica refectio, & à certis cibis abstinencia tempore jejunii, contra rationem præcipiuntur, & contra Scripturam. R. Vide *Meriani, Agapeta, Enthusiasta*.

14. Christiani sunt liberi ab hujusmodi jejuniorum observantia. R. locis, ut supra.

15. Dubium est, an homo se obligare possit ad supradictum jejunium. R. Nam jejunium sæpè commendant sacre paginæ; cujus salutare effectus plures SS. Patres recensent, est etiam institutum Christi exemplo, & ideo est de meliori bono, ex quo sequitur, quòd jejuniorum observantia potest quis se voto obligare, cum liberum sit eaovere, quæ sunt de meliori bono.

16. Papa, vel Ecclesia non potest sibi subditos sub pœna peccati mortalis obligare, quòd quis transgrediens præceptum hominis, peccet mortaliter. R. Nam Princeps obligat ad observantiam aliquarum legum sub pœna mortis; ergo potest Ecclesia sub pœna peccati mortalis obli-

obligare ad observantiam certarum legum. Vide verbo *Confessio-Augustana*, *Albanenses*.

17. Superiores non tenentur subditos obligare sub pœna peccati mortalis. R. Nam cum nullus alius aditus patet ad manutenendam observantiam legis necessariz pro bono regimine, quàm comminatio gravis, in tali casu Superiores Ecclesiastici, qui tenentur ad promovendum incrementum boni Ecclesiz, tenentur etiam ad obligandos subditos sub pœna peccati mortalis, exemplo Dei, cujus vices gerunt in terris, qui sub pœna mortis prohibuit Prothoparentibus, ne comederent de ligno vetito.

18. Subditus sui Superioris præceptum transgrediens ex ignorantia supina, vel passione, secluso scandalo, non peccat. R. Nam licet peccatum cum scandalo sit gravius, non tamen omnis actio, quæ sit secluso scandalo, habet restitutionem debitam; ex quo sequitur, quòd subditus sui Superioris præceptum transgrediens, etiam secluso scandalo, peccat. Non enim transgressio præcepti est peccaminosa, quia simpliciter scandalosa, sed est peccaminosa, quia est contrà mentem Superioris ex quo sequitur, quòd cum innotescit, sit scandalosa; quòd autem ignorantia supina, vel passio non excuset à peccato, abundè probant Moralistæ.

19. Petrus solo jure humano factus est primus, vel supremus inter reliquos Apostolos, & idem censendum est de quolibet Petri successore. R. ex iis, quæ dicta sunt in Reprob. ad secundum.

20. In omni foro tam exteriori, quàm interiori, omnes Episcopi sunt æquales. Repr. verbo *Armeni*, & *Armandus*.

21. Concilium ritè congregatum, præcisè tantum decidere potest, quantum sacra Scriptura expressè continet. R. Nam cum non omnia scripta sint, reliquit Deus Ecclesiz suæ auctoritatem decidendi circa ea, quæ ad bonum Ecclesiz incrementum spectant, cæterùm non bene consulisset Christus regimini Ecclesiastico. De facto Apostoli decide-

runt circa legalium observantiam, de qua observantià nihil expressè habetur in novo Testamento. De summa auctoritate, quam habet Ecclesia in Concilio ritè congregata, agunt omnes Canonistæ. Conciliorum determinationibus Imperatores, & Principes se submitserunt. Quæstiones autem quæ pertinent ad Catholicam fidem, non solùm ex Scriptura, sed etiam ex Divinis traditionibus deciduntur. Vide Melchior. Canum *de locis*. Bellarmin. & alios.

22. Concupiscentia, quæ in baptizato relinquitur, est peccatum propriè dictum contrà hoc, *non concupisces*. R. Ex Concil. Trident. sess. 5. in qua definitum est per baptismum tolli totum id, quod veram, & propriam peccati rationem habet. Item omnes Sancti PP. distinguunt inter concupiscentiam, de qua ait S. Jacobus: *Unusquisque tentatur à concupiscentia sua*, & peccatum: concedunt quidem concupiscentiam, quæ remanet post baptismum, stimulum esse ad peccatum actuale, negant autem esse peccatum actuale, quod exprimit præfatus Apostolus dicens: *Concupiscentia, cum conceperit, parit peccatum*. Concupiscentia igitur, quæ est effectus peccati originalis, opponitur legi tantùm causaliter: gignit quidem in homine difficultatem ad operandum bonum, & inclinât in malum. Non opponitur tamen formalitèr legi, aut rationi, cum ejus motus non sint invincibiles, imò mediante Dei gratiâ possunt superari. Quod habet rationem formalem peccati, totum deletur per baptismum; legimus enim 2. Joann. c. 1. *Sanguis Christi emundat nos ab omni peccato*. Cæterùm concupiscentia non parit peccatum nisi allegerit, atque ad malum perpetrandum obtinuerit voluntatis consensum. Denique, omne peccatum consistit in voluntate; concupiscentia verò residet in appetitu sensitivo: ergo concupiscentia non est peccatum.

23. Caro tali concupiscentia infecta, ad omne opus liberi arbitrii concurrat; unde quodlibet opus humanum, peccatum efficitur. Idem censendum est de

mar-

martyrio Petri, & aliorum Sanctorum operibus. R. Nam opera spiritualia, atque illa quæ procedunt à perfectâ, (prout in hac vita) charitate, ac quæ fiunt contra concupiscentiam ipsam, non admittunt aliquem influxum concupiscentiæ, & tamen sunt à libero arbitrio, quin imò arbitrium eò liberius est, quo magis subijcitur rationi concupiscentiæ. Habiuit enim perfectissimam libertatem in Adam, ad quam nos accedimus per gratiam Christi, superando rebellem concupiscentiam, licet ab illâ omnino liberari in hac vita non possimus.

24. Omnes Laici sunt Sacerdotes. R. Quia ad exercendum Sacerdotale ministerium requiritur potestas, quæ nulloatenus laicis confertur, ut constat ex Concil. Trident. sess. 6. can. 10. ubi legitur: *Si quis dixerit, Christianos omnes in verbo, & in omnibus Sacramentis administrandis habere potestatem, anathema sit.* Præiverat Concil. Laodicænum sub Silvestro Papa, cap. 13. Item Lateranense sub Innocent. III. & Rhemensis relatum in canone de Consecratione, dist. 2. quod expressè prohibet Laicis pertractare Sacramentum; tantum abest, quòd Laici sint Sacerdotes, & possint Sacramenta conficere, vel ministrare. Tum quia Christus ordinavit Sacerdotes, cum dixit discipulis: *Hoc facite in meam commemorationem. Accipite Spiritum sanctum, quorum remisistis peccata, remittuntur eis;* sed cum hæc dixit, soli erant discipuli, nulli prorsus alii viri, neque mulieres. Tum quia in veteri lege omnes non erant Sacerdotes, ergo hoc à fortiori dicendum in lege gratiæ. Tum quia ex Apost. 1. ad Tim. 4. ubi legitur: *Noli negligere gratiam, quæ data est tibi per impositionem manuum presbyterii;* constat, non omnes esse Sacerdotes, sed illi soli, quibus ritè facta est impositio manuum presbyterii.

25. Qui manet in peccato mortali, non manet in Baptismo, Sacerdotio, Episcopatu, vel Papatu. R. Ex iis, quæ dicta sunt contra Herbergium. Tum quia si per peccatum homo decideret à Ba-

ptismo, Sacerdotio &c. quoties quis peccat, toties deberet rebaptizari, Sacerdotio initiari; sed Baptismus, & Ordo non possunt reiterari, cum imprimant characterem indelebilem. Tum quia, discerni non posset in Ecclesia, quis esset legitimus Sacerdos, si quoties quis peccat, decideret à Sacerdotio, & amitteret jurisdictionem. Tum quia præfata propositio damnata fuit contra Wiclefium, & Hussitas in Conc. Constantiensi sess. 8. item in Trident. sess. 7. de Sacramentis in genere canon. 12. Tum quia Christus Matth. 23. vers. 2. nos præcipit obedire Ministris Ecclesiæ, etiam peccato inquinatis: *Super cathedram &c. quacumque dixerint vobis, facite.* Quod Christus non præciperet, si per peccatum mortale Sacerdos decideret à Sacerdotio. Tum quia Sacerdos, cum non agat auctoritate propriâ, sed sibi à Deo concessâ, semper validè conficit, & ministrat, licet in peccato mortali constitutus, estò conficiat illicitè. Nihil plus valent evincere rationes Hæreticorum. Vide verbo *Apostolici, Albigenes.*

26. Displicentia de peccatis admissis, non est via ad gratiam justificantem, sed potius gratiæ est via ad ipsam displicentiam.

27. Dolor de uno peccato, sine dolore omnium, est peccatum. R. Nam ratione displicentiæ, quam habet peccator de Dei offensâ, Deus dat uberiorem gratiam, ut maiorem displicentiam concipiat, usque dum debitè conteratur; accedente autem perfectâ contritione, fit statim infusio gratiæ, quæ duo, licet sint instantanea, scilicet contritio, & infusio gratiæ, prioritatem tamen naturæ prius est contritionem adesse; deinde gratiam justificantem; ex quo sequitur contritionem esse viam ad gratiam. Neque propterea rejicimus sententiam asserentium mutuam prioritatem in diverso genere, inter contritionem, & gratiam, sed eam Theologis scholasticis relinquimus. Neque subsistit alia propositio, quòd dolor de uno peccato, sine dolore omnium sit peccatum; sæpè enim contingit, ut quis ita præoccupetur à dolo.

dolore alicujus gravioris peccati commissi, ut nullatenus reflectat ad leviora peccata, & totus immergatur in dispendentia gravioris peccati, quæ displicentia implicite involvit etiam omnium peccatorum displicentiam, quamvis expressè ad alia peccata commissi non attendat ille, cui magis displicet de graviore peccato. Itaque non est possibile salutarem dolorem habere de uno peccato, nisi omnium poeniteat; quatenus omnia cadunt sub communi ratione offensæ Dei.

XVI. JACOBUS SCINCHIUS (ex Coccio) sectæ Lutheranus ad Evangelium de Christi conceptione, impiè contrâ puritatem tam mentis, quam corporis immaculatæ Virginis Matris blateravit: de qua legimus Cantic. 4. *Tota pulchra es, & macula non est in te*; cujus Virginitatem omnes SS. Patres semper collaudarunt, & venerati sunt.

JACOBUS SMIDELINUS Calvinista. Vide verbo *Smidelines*.

XVI. JACOBUS SCHMIDELINUS, dictus etiam Fabricius, quia ex Patre Fabricerario progenitus, unus fuit ex rigidioribus præcipui nominis Lutheranis, qui librum Concordiæ Electori Saxonæ oblatum, non modò subscripsit, sed multum laboravit suis suasionibus, præsentationibus, circumventionibus, doli, artificiiis, ut à pluribus, sive doctis, sive indoctis subscriberetur, nulli ad hoc parcens labori, pluribus circumcurfando laboriosis susceptis itineribus. Colloquio cum Beza pro concordia inito, discordiam auget. Anno 1589. colloquium habuit Badenæ, cum Joanne Pistorio Nydano, qui ex hæretico reversus est ad Catholicos, à quo fuit etiam convictus; & præ mœnore confusionis habitæ in dicta disputatione, quæ in summam hæreticorum ignominiam cessit, quandoquidem vel Catholicus Pistorius potuit hæreticalem doctrinam confundere, paulò post moritur. Vide verbo *Luthero-Calvinista*.

* XVI. JACOBUS RUSSUS seditionum author, propè Lugdunum pestilentie cathedram erigit, urbemque postmodum

in Hugonoticam servitutem redigere sed in casum tentavit.

III. JAMBLICUS, qui vixit circa medium tertii seculi, agens de mysticis Ægyptiorum, cap. 33. plures asserit esse Deos, alios materiales, alios immateriales. Repr. verbo *Politheismus*, *Antropomorphita*.

XVII. JANSENIANI, vocantur illi, qui sustinent quinque propositiones excerptas ex libro, cui titulus *Augustinus Cornelii Jansenii Iprensis Episcopi*. Cornelius Jansenius in Vico propè Leerdam in Holandia ortum habuit anno 1585. Ultrajecti humaniores literas feliciter professus, dein Lovanii Philosophiæ, & sacræ Theologiæ studiis interfuit, postmodum Parisios se transferens, iterum post 12. annorum studium Lovanium transmeavit, ubi Doctoratus laureâ assumptâ in facultate Theologica, etiam cathedram obtinuit. Crescente ejus nominis fama, ab Hispaniarum Rege Iprensis Episcopus renunciatur, dum Clero reformando insudat, pestilentiali morbo, tunc grassante, correptus, anno 1638. hominem exiit. Inter varia, quæ typis edidit, composuit famosum opus in tria volumina divisum, in quorum primo de hæresi Pelagianâ, in secundo de statibus naturæ, & de Gratiâ Dei potissimam agit; in tertio denique, de Gratiâ Salvatoris, ac de quibusdam collationibus, quas præstat nos præterire, quàm commemorare. Huic operi præfixit titulum: *Augustinus Cornelii Episcopi Iprensis*, in quo sibi proposuerat universam D. Augustini doctrinam in materiâ Gratiæ, liberi arbitrii, & prædestinationis perstringere; quem librum neque ad finem redegit, siquidem morte præventus, ultimam eidem manum imponere cum non valuisset, Doctoribus Lovaniensibus Liberto Fromondo, & Henrico Caleno publici juris faciendum reliquit: submissi nihilominus S. Sedis judicio, & à prædicti testamenti executoribus, prælo commissum est opus Lovanii anno 1640. Vix Augustinus Cornelii apparuit, cum in eodem decerpit sunt diversæ propositiones resonantes Bajanam doctrinam, jam

iam proscriptam à Summis Pontificibus. Quare Urbanus VIII. Jansenii librum prohibuit, quæ prohibitio, promoventibus Jansenianæ doctrinæ defensoribus, non modò Lovanii, sed etiam in Gallia diversas excitavit factiones. Quinque potissimum sunt Jansenii propositiones ab Innoc. X. proscriptæ, quas esse erroneas, cum negare non valerent defensores Jansenii, easdem in Jansenii libris haudquaquam reperiri, blaterare ceperunt; qui dicendi modus ab Alexandro VII. etiam fuit proscriptus, cum in sua Bulla emanata sub die 18. Octobris anno 1656. declaraverit, de factis quinque propositionibus proscriptis, ex libro cui titulus: *Augustinus Cornelii Jansenii fuisse decerpas*: sunt autem sequentes.

1. Aliqua Dei præcepta hominibus jussis volentibus, & conantibus secundum præsentem, quas habent vires, sunt impossibilia: deest quoque illis gratia, quæ fiat possibilia. R. Ex Concil. Araucanico 2. can. 25. parte 3. ubi sic: *Hoc etiam secundum Catholicam fidem creditur, quòd accipit per baptismum gratia, omnes baptizati, Christo auxiliante, & cooperante possint, & debeant præcepta Dei, si fideliter laborare voluerint, adimplere*: Item definitum fuit in Concil. Trident. sess. 6. cap. 11. Prob. insuper nulla præcepta Dei esse impossibilia Matth. 11. *Yugum meum suave est, & onus meum leve*; quòd dici non posset, si jugum Christi, id est ejus lex contineret præcepta impossibilia. Tum quia si darentur hujusmodi præcepta impossibilia, essent superflua; nemo enim tenetur ad impossibile: patet siquidem stultum fore dare ei præcepta, cui liberum non est, quod præcipitur, facere, & iniquum esse eum damnare, cui non sit potestas iusta complere.

2. Semipelagianum est dicere Christum pro omnibus omnino hominibus mortuum esse, aut sanguinem fudisse. R. Ex omnibus Scripturæ locis, ubi agitur de Divinæ Incarnationis motivo, quòd aliud non fuit, quàm omnium salus; unde in Symbolo Nicæno: *Propter nos homines, & propter nostram salutem*

descendit de Calis. Lucæ 14. 10. Venit Filius hominis querere, & salvum facere, quod perierat; sed omnes omnino homines perierant propter Adæ peccatum; ergo Christus venit salvare omnes. Tum quia Christus præcepit Evangelium prædicari omni creaturæ: mandavit Apostolis, ut irent in universum mundum, baptizantes omnes gentes; ubi notandum: *Omni creatura, omnes gentes*. Ex quo evincitur, Deum velle omnes salvare, & pro omnium salute Christum esse mortuum; & sanguinem fudisse.

3. Interiori gratiæ in statu naturæ lapsæ numquàm resistitur. R. Ex Concil. Trident. sess. 6. can. 4. *Si quis dixerit, liberum hominis arbitrium... non posse dissentire, si velit &c.* Item ex Concil. Senonensi, decreto 15. *Nec tale est Dei trahentis auxilium, cui resisti non possit*. Reprobatur etiam ex propria intelligentiæ divisionis gratiæ in efficacem, & sufficientem, siquidem totus error Jansenii, & sequacium situm est in eo, quòd sufficientem gratiam non agnoscat. Nec mens est nunc disputationem intexere de vi gratiæ efficacis, an scilicet sit illi intrinseca, vel extrinseca, quamquàm intrinsecam dicere conformius iudicem Patrum doctrinis. Fatendum tamen est omnibus Catholicis dari gratiam Dei sufficientem, sive non efficacem, cui rebellis hominis voluntas resistit, unde 2. ad Corinth. 6. monet Apostolus: *Exhortamur ne in vacuum gratiam Dei recipiatis*. Si ergo possumus illam in vacuum recipere, profectò possumus eidem resistere, & contra ejus motionem operari. De gratiæ autem efficaci, undecumque habeat efficaciam, nihil pronuncior: mei siquidem non est institui disputationes scholasticas aggredi. Defensores auxilii ab intrinseco efficaci, aperte negant posse voluntatem eidem resistere; quia per ipsam gratiam dat Deus velle, & perficere. Siquidem fatendum est secundum Catholicam fidem, quòd merita nostra sunt dona Dei, atque quòd Deus dat nobis non solum posse, sed etiam ipsum salutariter operari, juxta illud

Apostoli: *Quid habes, quod non acceperis à Instituto hoc latè, & prolixè dignitate materiz profecquitur M. Benitez in suo opere: Concurfus Del pravius, & efficax Romæ edito an. 1730. disp. 6. dub. 3. Item Abbas Castell. in volum. De Arbitrio humano lapsò, quæst. 4. Itaque cum à Deo habeamus per efficacem gratiam ipsam agere, atque ipsum non resistere, sequitur juxta hanc sententiam, non posse, nos gratiæ efficaci resistere; alioquin possent stare simul non resistere, ex dono Dei, & resistere ex libero arbitrio. Defensores autem scientiæ mediz, contendunt omnibus auxiliis gratiæ posse voluntatem humanam resistere, quia alioquin non putant manere libertatem. Hac opinio magnis exagitata controversiis, & apud innumeros Societatis Jesu scriptores defensa invenitur. Ut ut sit, neutra ex iis sententiis ad fidem pertinet, nec tangitur, in præcedenti propositione, aut in ejus proscriptione.*

4. Ad merendum, & demerendum in statu naturæ lapsæ, non requiritur libertas à necessitate, sed sufficit libertas à coactione. R. Nam libertas à necessitate illa est, quæ dicit naturalem facultatem in creatura rationali, eligendi ex duobus contrariis unum potius, quàm aliud, itaut pro sua voluntate æquè tendere possit in bonum, ac in malum, & consequenter tam possit peccare, quàm bonum agere. Libertas à coactione illa est, per quam agens spontè quidem agit, sed necessariò agit, quod agit, quia optionem non habet ad agendum hoc potius, quàm illud: ex quo sequitur, quòd ad merendum, & demerendum, non sufficit in homine libertas à coactione, sed requiritur libertas à necessitate. Libertas à coactione non constituit hominem liberi arbitrii, sicut constituit hominem liberi arbitrii libertas à necessitate; solum autem homo in libero arbitrio constitutus, est capax merendi, & demerendi. Constat ergo non sufficere, ad liberum arbitrium constituendum, libertatem à coactione, sed requiri libertatem à necessitate, quod & aliundè suaderi potest; quia si sufficeret libertas à

coactione, scilicet spontè agere; etiam pecudes, quæ spontè quærunto pascua, divagantur in campis, mox supinæ in terra procumbunt, mox saltant, dicerentur esse liberi arbitrii. Quod idem asserendum esset de amentibus, qui spontè occupantur in suis insaniis. Tum quia implicat in terminis liberum arbitrium, non esse solum à necessitate; omnis enim voluntas, quæ est determinata ad unum, & in illud spontè fertur, potest quidem dici libera, quatenus in illud spontè fertur, sed non potest dici, quòd sit liberi arbitrii, si optionem non habet ad utrumlibet; quam optionem esse in homine constat ex Apost. 1. ad Corinth. 7. *Non habens necessitatem, potestatem autem habens sua voluntatis.* Item Eccl. 15. *Apposui tibi ignem, & aquam, ad quodcumque volueris, extende manum tuam.* Demùm ex Concil. Arauxicano, constat hominem liberè consentire Divinæ inspirationi, quam potest rejicere.

5. Semipelagiani admitterant gratiæ interioris necessitatem ad singulos actus; & in hoc erant hæretici, quòd vellet eam gratiam tam esse, cui posset humana voluntas resistere, vel obtemperare. Repr. Ex iis, quæ dicta sunt in reprobatione ad tertium, ubi probatum est, quòd interiori gratiæ potest homo resistere; quare autem Semipelagiani essent hæretici, sub proprio nomine discutietur. Vide verbo *Pasqualis Quesnelius*.

* Ampliora in hac materia gratiæ hic discutere urgebant maxime tempora quibus Jansenii, & Quesnellii sequaces scribere, & loqui non cessabant pro illorum defensione doctrinæ, toties à S. Sede fulminatæ: Cum tamen animadverterim ex eorum caussionibus, potius ab assumptâ pertinacia sustinendi errores satis ipsi cognitos, quàm à defectu luminis veræ fidei saniorisque in vestigandæ sententiæ stimulos tot scripta cumulasse, in quibus diabolica versutia, & calliditate opinionem suam erroneam obtigere fatagunt, etiam SS. Augustini, & Thomæ perperam interpretatis sententiis, non ulrà mihi progrediendum in

in hac materiâ, attenta maximè qualitate operis Lexicographi arbitratus sum: nihilominus cum statim post primam præsentis operis impressionem mihi contigerit, non sine magno delectu & admiratione pervolvere celeberrimum opus clarissimi Auctoris Magistri Cajetani Benitez de Lugo Ord. Præd. ex commissione Rm̃i Patris Joannis Baptistæ Zuanelli S. P. Ap. Magistri, meum qualecunque pusillum sensum circa præfati operis pondus in actu impressionis ejusdem, desposcentis; atque compererim clarissimum auctorem in materiâ Gratiæ, & liberi arbitrii summa discussisse felicitate quidquid circa eandem, juxta doctrinam SS. PP. & præcipuè Magni Patris Augustini, & Doctoris Angelici, nos docet Ecclesiæ catholica; ubi simul, & semel ponit in propatulo quàm longe à fide orthodoxa dissonent sensus Janseniani, & Quesnelliani: ad præfatum opus Lectorem, qui ampliora in hac materiâ desiderat, remittendum censui, in quo auctor purgatissimo Criterio enodavit omnia quæ circa concursum Dei prævium, & efficacem cum libero arbitrio humano necessario coherentem, & à necessitate libero, tractari possunt fustiorique explicatione indigent. Ex prælaudati lectione operis abundè satis unicuique persuasum erit quomodo gratiâ libero arbitrio non modo non sit obnoxia, sed in adjutorium potius tam excelsæ facultatis liberæ, quâ à Deo homo est gratiose insignitus, à Deo ipso sit gratissimè exhibitâ, sive cum volentem prævenit ut velit, sive cum volentem subsequitur ne frustra velit. *S. Bern. trakt. de Gratia, & libero arbitrio.*

Incomprehensibilis thesaurus est Dei gratia, de cujus plenitudine omnes accipimus, vel cum nos initiat, & vocatur, vel cum nos prævenit, & justificatur, vel cum nos consummat, & glorificatur, ita ut semper cum Apostolo cuicumque de gratiâ rectè sentire cupienti reliquum sit dicere *Gratia Dei mecum* sive preveniens sit cum excitatur, sive cooperans cum adjuvatur, sive subsequens cum in bono roboratur. Gratia

est quæ liberum excitat arbitrium cum seminat cogitatum, sanat cum immutat affectum, roborat ut perducatur ad actum, servat ne sentiat defectus: & de hoc satis nam cum mentis oculo erigere intendimus arcana Dei Gratiæ investigaturi, eadem cautellâ nobis progredi opus est, quâ se gerimus cum corporis oculos erigimus solem perscrutari: tantum erigimus quantum sufficit ut possimus cum veritate asserere existentiam solis, cujus benignos influxus toto orbi quotidie experimur esse proficuos, sine cujus lumine nec possumus ipsius solis discernere lumen; quod si nimis corporeis oculis in solem intendere præsumimus, ab ipsius solis radiis obcecari, jam amplius discernere non valeamus.

VIII. ICONOMACHI, sive ICONOCLASTÆ. Horrendum monstrum oritur in Oriente, nempe Iconoclastarum hæresis, quæ sacrarum Imaginum cultum impugnavit. Contrâ hunc cultum jam proclamaverant, sed cum nullo, vel saltem parvo successu Judæi Marcionitæ sub Zenonis Imperio, circa annum 686. cum Xenajas Persa Heliopolis in Syria Episcopus renunciatus, ex sua Ecclesiâ Imagines sacras, sed in frustra, resistente populo, deturbare, est aggressus. Nihilominus inditum in sacras Imagines bellum invaluit, cum Gisdus Saracenorum Princeps in Syria, à duobus Judæis, qui ventura prædicere sese jactabant, vaticinium accepit, se ad annos quadraginta feliciter regnaturum, si sacrarum Imaginum cultum à tua ditione expulset; cui prædictioni acquiescens Gisdus, immani edicto omnes sacras Imagines statim confringendas imperavit: sed nondum erat in tota ditione promulgatum edictum, cum morte correptus, satis quàm falsum fuerit Judæorum vaticinium, suis sumptibus comprobavit. Quare Judæi impotentes, fugâ sibi consulentes, Asiam minorem peragrarunt, & dum Iauriam Galatiæ Provinciam, transcunt, obviam habent quemdam nomine Cononem, professione mercatorem, ex Iauria oriundum, cujus aspectum admirati vaticinatores Judæi, quasi

forent prophetæ ad eum missi, sic eundem sunt affati. Ad Imperium destinatis Conone, & infallibiliter consequeris, si iurejurando te unum servaturum, quod requiremus à te, cum ad imperium assumptus fueris, promittere non dedignaris. Promisit Conon, & suam promissionem, utpotè Catholicus, in Templo S. Theodoro sacro, iurejurando confirmavit. Interim Cononus, Leonis nomine assumpto, inter Isauricæ milites, quibus præerat Sisinius, adscribi voluit; cumque ab Imperiali exercitu ann. 717. Imperator fuisset proclamatus, præstò ad eum fuerunt vaticinatores Judæi, ut promissum adimpleret; rogatus proinde ut Jesu Christi, & Sanctorum Imagines exturbaret, quod se facturum, opportuni temporis occasione nactus, indulset. Anno igitur 724. per suum edictum in toto Imperio sacrarum Imaginum cultum reprobavit, Constantinò Nativitatis in Phrigia Episcopo, & Bezer secta Mahometano, pro edicti executione enixè laborantibus; frustra oppugnante S. Germano Patriarcha Constantinopolitano; magisque insolescente in sua hæreticali perfidia Leone Isauro, sub pœna mortis anno 730. impium edictum, inprobans sacrarum Imaginum cultum, reiteravit. Contrà Iconoclastas strenuè decertante S. Joanne Damasceno. Iconomacorum hæresis à Gregorio II. proscripta, iterùm in Concilio Romano sub Gregorio III. fuit condemnata: sæviente nihilominus in Catholicos Leone Isauro, usque ad annum 741. quo miserabiliter è vita decessit. Nec minùs impius fuit Constantinus Copronymus, Leonis successor, qui non modò sacras Imagines, sed Deiparæ cultum, & Reliquias Sanctorum exprobravit, convocato Constantinopoli propria auctoritate Conciliabulo, cui interfuerunt 330. Episcopi Iconoclastæ: cui Conciliabulo septimæ universalis Synodi perperàm nomen dederunt hæretici. In hoc hæreticali, & perfido confesso, iterùm Imperator hæresim sanciri voluit, & etiam anathema dictum Sancto Germano Patriarchæ, Georgio Cypri Episcopo, & S. Joanni

Damasceno, invidis sacrarum Imaginum defensoribus; proscriptis ab urbe Constantinopoli omnibus Monachis, qui Romæ asyllum querere fuerunt coacti.

T. Negant sacras Imagines esse colendas, asserentes Idololatriam esse, illas venerari. R. Ex Concil. suprà citatis. Item ex Nicæno sub Irene Imperatrice, & Constantino ejus Filio, cui interfuerunt 330. Episcopi Orientales, præsidentibus Apostolicæ Sedis Legatis, Petro Romanæ Ecclesiæ Archiepiscopo, & Petro S. Sabbæ Abbate. Item, ex Concil. Francofordiensi in quo congregati fuerunt 300. Episcopi sub Adriano I. an. 794. D. m. m. ex Concil. Trid. sess. 25., in quibus omnibus sancitum est, deberi sacris Imaginibus cultum, jam à tempore Apostolorum exhibitum à Christianis fidelibus, referentibus ad prototypum honorem, quem deferunt sacris Imaginibus; proinde nequeunt Catholici in hoc cultu Idololatriæ accusari, ut perperam dixerunt Iconoclastæ. Cæterum apponuntur Imagines Sanctorum in Ecclesiis, ut ad earundem aspectum facilius excitetur ad devotionem, illa conspiciendo, quæ Christus pro nobis gessit, & Sancti operati sunt, in quo aspectu facilius, quàm per auditum, excitantur Fideles ad imitanda Sanctorum vestigia, sicut experientiâ constat, dum quis devoto affectu in sacris Imagines oculos pie intendit. Opportunè ergo consuevit Ecclesiæ, etiam à tempore Apostolorum sacras Imagines venerationi exponere. Deindè imagines sacræ rusticis hominibus pro lectione sunt, quæ enim in libris legere non possunt, è sacris imaginibus addiscunt; immò omnes obviam in eis semper habent sacrorum heroum representationem, quam vel ipsi libri segniùs offerrent.

3. Dicebant in sacra Eucharistia esse solam, & veram imaginem corporis Christi, quod eo sine assebebant, non modo, ut negarent existentiam corporis Christi in Eucharistia, sed ut hoc dicendi modo, cæterarum sacrarum imaginum cultum penitus abolerent. R. verbo *Anabaptiste*. Contrà quos ostendi-

tur

tur Christi corpus esse verè, & realitèr sub speciebus panis; ideoque dici nequit cum Ieonomachis, panem Eucharisticum esse solum imaginem corporis Christi; legitur enim Joan. 6. *Panis, quem ego dabo, caro mea est pro mundi vita*. Qui textus sufficere debet ad confundendos quoscumque negantes existentiam realem corporis Christi in Eucharistia. Confundantur & Iconoclastæ; non enim dixit Christus: *Panis, quem ego dabo, est imago corporis mei, sed, Caro mea est*. Item, panem Eucharisticum non esse imaginem, aut figuram corporis Christi, abundè colligitur ex aliis Christi verbis: *Hic est panis, qui de Calo descendit: non sicut manducaverunt Patres vestri manna, & mortui sunt: qui manducat hunc panem, vivet in æternum*. Ex quo deducitur panem Eucharisticum non esse sicut manna quæ fuit figura panis Eucharistici, in quo realitèr fideles manducant Christi corpus, quia in lege gratiæ, res non ampliùs in figura contingunt. Undè Conell. Nicænum secundum actione sexta habet: *Nullus... Incrumentum nostrum sacrificium dixit imaginem corporis ejus*. Et si panis Eucharisticus esset solum Imago corporis, non dixisset Christus: *Nisi manducaveritis Carnem filii hominis, sed dixisset: Nisi manducaveritis imaginem corporis mei*.

XII. ICONOCLASTE NOVI. (Ex Lindano, illi sunt, qui veterum Iconoclastarum errorem jam extinctum renovare impudenter ausi sunt, quorum primus fuit anno 1126. Petrus de Bruis, ejusque discipulus Henricus apostata, ambo à D. Bernardo confutati. Item Albigenes, & Valdenses contrà sacrarum imaginum cultum se invexerunt. Etiam Wicleffus hanc hæresim in Anglia refricare conatus est. Post Wicleffum, Hussitæ sacras imagines dilacerarunt, quod etiam præfuit impius Carlostadius. Demùm Zwinglei, & Calvini discipuli omnes impietates, quas jam pridem Leo Isaurus, Copronymus, & Theophylus, in sacras imagines exercuerant, renovarunt.

I. IDOLOLATRIÆ. Vocantur illi omnes, qui sculptilia venerantur, & ope-

ra manuum hominum, tanquam Deos. Hos non hæreticos, sed Ethnicos dicimus, aut Paganos; deet tamen non illos, prætermittere. Incertum est qui primus inciperit alium Deum invocare, præter Deum verum. Sunt, qui à tempore Enos, scilicet ann. 245. à creatione mundi invaluisse Idololatriam super terram, deducant ex aliquibus Scripturæ locis. Certum est Cham, cuius posteritas à Noè viro iusto exposita fuit maledictio, à cultu Dei soli debito aberrasse: dispersisque per orbem nationibus, post Babyloniez urbis erectionem, in varias Religiones abiisse. Cœperunt homines tanquam Diis cultum tribuere Cælo, Soli, Lunæ, & Stellis, antequàm Jovis, Martis, aut aliorum Deorum nomen audiretur in terra. Postmodum ea, quæ humano victui erant pernecessaria, etiam in numero Deorum collocata fuerunt; hinc antiquissimum fuit apud Chaldeos, cultus ignis. Hinc etiam factum est, ut tanquam Dii haberentur penè omnes utilium artium pro humano victu inventores: quare cum Baechus vinearum, & Ceres agrorum culturam invenièrent, inter Deos adscripti fuerunt. Etiam viri, qui hæroicis factis se illustrarunt, divorum honorem reportaverunt: & quia huiusmodi heroum post mortem præsentia frui ampliùs non poterant homines, statuas confecerunt, quæ eorundem memoriam excitarent; hinc Idolorum, statuarum, simulacrorum usus inter Gentiles ortum duxit, ante quorum conspectum procumbebant venerabundi: quæ de re, multiplicatis passim divinitatibus, facta est tanta Deorum confusio, ut neque eorum numerus ipsis cognitus esset Gentilibus, qui simulacra ab ipsis erecta, & quodam supersticioso ritu diota, Deorum suorum habitaculum esse arbitrabantur. Eò magis decepti, quod sæpè diabolus per ora Idolorum loquebatur mendacium. Contrà idololatriam extat elegant invecitva Sap. 13. ejus origo disertè ponitur cap. 14. A pluribus Imperatoribus Idolorum infamia fuit reprobata. Demùm sub Theodosio juniore penitus extincta. Vigent adhuc in America, & in Regno Chi-

Chinenſi aliquæ Paganifmi reliquiæ, ubi Idololatraz communiter Cælum; necnon & aliqui ignem adorant. Verbo *Polysthei* Deorum incompoſibilitas offenditur.

XVI. *JANENſIS*, qui emerſerunt anno 1598. ſectam quamdam conſtitunt Lutheranorum, quæ conſeſſionem Ducum Vinacienſium amplectitur: damnant præcipuè Witembergenſes, & Lipſenſes. Ex Præteòlo.

XVI. *ILLUMINATORUM SECTA*, de qua agit Spondanus anno 1623. ortum ſuum habuit anno 1575. in Hiſpania, vernalculo idiomate *Adumbrados* dicti ſunt, hujus hæzeſis ſectatores: Auctores verò Cordubæ Inquiſitionis ſacræ ſententiâ, debitas impietatis pœnas luerunt: ex quo factum eſt, ut ſopita, ſed non extincta Illuminatorum ſecta, anno 1623. reviveret: Hiſpali, ubi ab Epifcopo Andræa Paciocco, Generali in Hiſpania Inquiſitore, ſeptem ex præfatæ ſectæ innovatoribus deprehenſi, igni traditi fuerunt. Sexaginta ſex errores in hac ſecta proſiteri, aſſeruit in ſuo diplomate præfatus Inquiſitor Generalis, quorum potiſſimi ſunt infra recensendi. Diſſipatis in Hiſpania Illuminatis, paulò poſt iterùm repullularunt in Gallia, in Picardiz Provincia, ope cujuſdam Parochi *Petri Guerini*, undè etiam *Guerini* dicti ſunt à Gallis hæretici Illuminati, qui poſtmòdum Flandriam infeſtarunt anno 1634. ſub Ludovico XIII., qui ſtatim dignè ſeveritatis judicium exequi mandavit contra hoſce impuros ſectarios, quapropter anno 1635. omninò eradica-ta fuit, & ad nihilum redacta Illuminatorum hæzeſis, quæ potiſſimùm ſequentes proſtebatur errores, à Michaelæ Molinos poſtmòdum refricatos.

1. Per orationem mentalem fieri unionem mentis cum Deo, ità ſublimem credebant, meditationi additum conſtituentem in tali perfectionis ſtatu, ut meditationi vacans, ampliùs non egeret aliis bonis operibus, neque Eccleſiæ Sacramentis: imò abſque veniali peccato poſſe meditates, facta unione mentis cum Deo, committere quodcumque, licet impurum peccatum. R. Nam licet

oratio mentalis ſit optimum remedium ad acquirendam perfectionem, falſum tamen eſt orationem mentalem ſufficere, ità ut negligi debeant alia bona opera à Deo præcepta, & Sacramenta à Chriſto inſtituta: Perfectus enim ille magis cenſetur eſſe, qui magis declinant à malo, & magis inſtat ad faciendum bonum. Verum autem eſt, quod ad veram, & continuatam orationem mentalem, conſeſſionæ ſunt in anima orante omnes virtutes; quapropter ſummus *Illuminatorum* error erat talem ſibi ſiſiſſe orationem, quæ animam non reformaret, hancque putarent ad ſtudium perfectionis ſufficere; ſed vera oratio non potèſt non reformare, & perficere orantem, eundemque ad omnia bona opera excitare. Tum quia opera bona ſunt omninò neceſſaria ad ſalutem, ut probavimus contra Antinomos; ſed jam non eſſent neceſſaria; ſi per orationem mentalem acquiri poſſet perfectio; imò plures idiotæ, qui neſciunt meditari, nunquàm poſſent ad perfectionem pervenire, cum tamen ſapè ſit magis Deo accepta anima alicujus ſimplicis, qui declinat à malo, & facit bonum quod ſcit, licet nunquàm noverit meditari, quàm anima eorum, qui, licet meditari ſciant, non tamen cum tanto fervore ſicut ſimplices, & idiotæ exercentur in bono, & ſtudent declinare à malo. Tum quia Chriſtus non hortatur ſimpliciter ad meditationem, ſed hortatur efficaciter ad bona opera, ad implementum legis, quam nobis exhibuit: Lex autem Chriſtiana præcinit plura bona opera, plura habet præcepta tam negativa, quam poſitiva, quæ opus eſt adimplere, ut ſalutem conſequamur. Nullibi autem legitur ſolum ſufficere ſtudium meditationis. Tum quia veræ meditationis fruſtus eſt proponere obedire exactè mandatis Divinis, declinando à malo, & faciundo bonum: Quapropter D. Paulus nos admonet ad Philip. 2. 12., ut cum metu, & tremore noſtram operemur ſalutem. Et D. Petrus Epif. 2. cap. 1. *Satagite, ut per bona opera certam veſtram vocationem, & electionem ſaciatuſ: hac enim facientes, non peccabitis*

tis aliquando. Tantum abest, quod liceat homini perfectio, abque imputatione peccati, peccatis se inquinare, ut afferunt Illuminati. Tum quia ad perseverandum in statu perfectionis, opus est operari bonum, & resistere diabolo tentanti, cui non resistitur, nisi per exhibitionem bonorum operum; Deus enim, licet velit esse auxiliator noster, & exhibeat adiutorium gratiæ ad bene operandum, & ad superandas tentationes, vult tamen nos cooperari gratiæ: Ex quo sequitur, nos debere cooperari activè, & ad bona opera, & Sacramenta recurrere. Tum quia Deus omni tempore prohibet peccata impura, quæ non modò opere consumantur, sed etiam cogitatione committuntur; ergo falsum est, abique imputatione peccati posse meditantem per acquisitionem unionem. mentis cum Deo, huiusmodi peccatis se inquinare. Tandem Deus abhorret in homine potissimum peccata impuritatis, propter quæ sæpè mundum pesse, fame, bello, diluviis, & etiam igne lascivos peccatores punivit; ergo nullatenus potest subsistere unio mentis cum Deo in illo, qui hisce sceleribus potius unitur cum diabolo.

2. Ex præfato errore deducebant Illuminati, opus esse solum relinquere ut Deus ageret in homine; hominem verò nullatenus teneri ad agendum, contrà illud D. Petri testimonium supra adductum, quod sufficit ad confundendos Illuminatos, qui per meditationem perveniri posse ad talem statum asserabant; itaut actiones omnes, licet per se malæ, sanctificarentur; quapropter veram devotionem, in quo consisteret, ignorasse omnes SS. Patres asserabant, & impuris hisce secularis solum revelatum fuisse gloriantur, qui devotionem totam response in unione mentis cum Deo, nullatenus curando de executione bonorum operum, dicentes, Deum solum amare seipsum, nihil prorsus curare de nostris bonis operibus; cum tamen sciamus quantum amet bona opera, ad quæ nos frequenter hortatur. Denique asserabant Illuminati post decennium, Illuminatorum sectam in toto orbe dila-

tandam, nec imposterum amplius opus fore pro bono regimine Ecclesiæ Episcopis, Parochis, aut Religiosis; quæ omnia refert Victorius Syrius in suis memoriis reconditis.

XVI. IMPRECABILIS (ex Joseph de Turre) secta sunt Anabaptistæ, emerferunt anno 1544. Docebant hominem baptizatum non amplius posse inquinari peccato, & si quid humani pateretur, deleri virtute baptismi. R. Nam ex sacra Scriptura legimus, quod etiam iustus sæpè cadit. Christus docuit Petrum remittere peccata, non modò usque septies, sed usque septuagies septies, quod fuisset superfluum, si baptizatus non amplius posset peccare. Tum quia quicquid vel per omissionem, vel per commissionem fit contrà Divinam legem, est peccatum; constat autem baptizatos, sæpè plura facere contrà Divinam legem. Quod si peccata hominis baptizati, idest quæ committuntur post baptismum, delerentur virtute baptismi, superfluum fuisset instituere Sacramentum penitentiae. Tum quia baptismus est lavacrum; sordes autem quæ nondum sunt, lavari nequeunt; ergo baptismus non potest delere peccata, quæ committuntur post baptismum. Vide verbo *Jovinianus*.

XIV. IMPURORUM SECTA. Anno 1340. mense Martii detecta est perfida simulatio cuiusdam adolescentulæ Cremonensis agri, obscuro quidem loco natæ, sed formâ, totoque corporis habitu, & gratia morum, ac venustate, etiam ad nobilissimarum invidiam ornatæ, quæ ad imitationem sceleratæ quondam Guillelmæ (de qua actum suo loco) externi cultu, jejuniis, & austeritatibus, sanctimonix exemplo cunctis palam existens, secreto sacrilegio cuiusdam impurissimi Sacerdotis, flagitiosam vitam agebat; quousque sumptâ audaciâ in publicum prouendi, composita ad omnem imaginem severitatis, vitæ sanctioris auctrix, unâ cum suo amasio videri voluit, concionantesque passim, fecere assecularum ad decem mille, qui turpem privatim vitam ducentes, in hominum conspectu verberabant sese, ac seminudi incedebant.

bant. Latè pervagati, demumque Mediolani detecti, Archiepiscopi monitu, auctores sceleris ab Episcopo Cremonensi comprehensi sunt, & igni damnati.

XI. INCASTROSI. Error asserentium matrimonia in quarto consanguinitatis gradu licita esse, à quo originem duxerit, incertum. Viguit tamen potissimum Ravenarum, excitatus à nonnullis Jureconsultis, & præcipuè à quodam Doctore Florentino, qui mordicus hunc errorem propagabat. Hanc sententiam suis doctissimis scriptis eruditissimè confutavit S. Petrus Damiani, & in Concil. Romano sub Papa Alexand. II. hac de causa congregato anno 1065. damnati fuerunt Incestuosi, qui asseriebant licitè in quarto consanguinitatis gradu posse contrahi matrimonium. R. ex pluribus Ecclesiæ definitionibus, quæ in Conciliis congregata, dignis de causis prohibuit conjugia inter consanguineos in quarto gradu, quod definitivè Ecclesia pro maiori bono; ubi autem agitur de bono promovendo, Ecclesia habet auctoritatem constituendi leges. Una ex validis rationibus, propter quam laudabiliter Ecclesia prohibuit conjugia in quarto gradu, est, quòd cum homines speciali instinctu naturæ habeant inter se familiaritatem, ex hac familiaritate, si libera essent conjugia in quarto gradu, orirentur scandala, nec posset auferri suspicio vehemens ex frequentii cohabitatione consanguineorum. Motivum aliud est etiam, quòd cum in quarta generatione videatur deficere vis ejusdem sanguinis, quæ à primo stipite oritur, ad uniendo iterum animos post quartum gradum renovari possunt conjugia, quæ cum propagatione generis, etiam animorum unionem respiciunt. Tertium motivum, & magni momenti, non contingat familias à familiis divisas conservari, sicut inter Judæos Tribus à Tribubus divisæ conservabantur, quod utique facile contingeret, si è proprio sanguine conjuges sumere in quovis gradu liceret. Cum ergo Christiana charitas perficit naturalem amorem, oportuit ut hic amor ad diversas familias cognationibus protenderetur, &

opportuna legem impedimentorum, matrimonialium sancire. Antiquitùs usque ad septimum gradum procedebant; postmodum jussu ad quartum restituta sunt.

INDEPENDENTES. Vide verbo *Puritani*, ubi de Independentibus actum est.

INCORRUPTIBILES. Vide *Gajani-ta*, & *Aptardocita*, etiam dicti *Impassibiles*.

V. INDIANI, populi per D. Thomam Apostolum ad fidem conversi, Christianos se profitentur, cum tamen pluribus erroribus veram fidem contaminant.

1. Circumcisionem recipiunt. R. verbo *Æthiopi*.

2. Adurunt parvulos in fronte stylo ferreo per modum Crucis, cum eos baptizant. R. Quia de materia, & forma baptismi, ubi agitur in fac. pagin. nulla sit mentio de signo Crucis faciendo cum stylo ferreo ignito. Vide verbo *Jacobi-tæ*, & *Efrones*. Item, quod baptismi validitas non consistat in signo Crucis. Vide *Claudius Taurinensis*.

3. In fermento consuecunt Eucharistiam, azyma reprobantes. R. verbo *Grati*.

4. Communicant sub utraque specie, credentes hoc esse de necessitate salutis. R. verbo *Bohemi*.

XVI. INFERNALES. Illi vocantur, qui quorundam veterum errorem renovarunt, asserentium Christum descendisse usque ad locum damnatorum, ibique in animà suà omnia damnatorum tormenta passum esse. Nicolaus Gallus, & Jacobus Smidellinus hujus erroris inventores, sive potius renovatores esse censentur. R. Nam Christum descendisse ad Inferos, significat descendisse ad locum, in quo detinebantur animæ sanctorum Patrum; non verò ad locum in quo torquebantur animæ damnatorum. Tum quia Christus, quia Deus, erat impassibilis, quia homo, fuit impeccabilis, nec potuit pati tormenta, quæ Deus solis peccatoribus præparavit. Vide verbo *Beza*.

XII. INSABBATATI. Idem sunt, ac Valdenses, à quibus tamen distinguebantur, eò quòd in majoris perfectionis ar-

gu-

gumentum, in superiori parte calcei signum aliquod deferre consueverunt. Cœpit autem hæc hæresis in Hispania circâ annum 1160. sub Alexand. III. Summo Pontifice, ubi cum calcei vulgò dicantur *Zappati*, idcò Inſabbatati dicti sunt, contrâ quos Concil. Tarraconense celebratum est anno 1246. Eorum partialis error est sequens:

Negant bonum esse, aut posse orare pro aliquo in particulari. R. ex Apostolo ad Rom. 15. 30. ubi Apostolus hortatur Romanos, ut specialitè orem pro eo in particulari: *Obsecro vos fratres per Dominum nostrum Iesum Christum, ut adjuvetis me in orationibus vestris pro me ad Deum*. Item, Christus Dominus oravit aliquando pro solo Petro. Ex quo sequitur, non modò licitum, sed bonum esse orare pro uno solo. Ecclesia, cum Petrus erat in carcere, orabat ad Deum pro eo. David orabat pro seipso: *Miserere mei Deus*. Bonus Latio in cruce oravit pro se. Lucæ 23. *Memento mei, dum veneris in regnum tuum*. Quod evidens est argumentum unumquemque posse orare pro seipso, secundum suam indigentiam.

VI. INSTABILES. Quidam ex Manichæorum secta, discipuli cujusdam Sergii, qui se Pauli Apostoli discipulum jactitabat, imò etiam se Paraclitum, ac lucidam stellam esse effutiebant. Instabiles sunt nuncupati, qui iidem, ac Astati esse censentur.

IV. INSTANTIUS (ex Durand. lib. 2. art. 44.) fuit Episcopus Hispanus, & unâ cum Salviano pariter Hispano Episcopo, non modò Præscillanorum erroribus adhæsit, sed insuper prædicavit.

1. Plurcs esse Deos. R. verbo *Polytheismus*.

2. Animas hominum, & corpora subjecta esse fatalibus stellis. Vide verbo *Cæcus*.

3. Prophetas non intellexisse ea, de quibus loquebantur. R. Nam Prophetia est Divina revelatio, rerum eventus immobili veritate denuntians, vel circa futura contingentia, vel circa Divinæ voluntatis decreta, vel circa secreta

cordium, & similium; sed Prophetæ, qui Deo inspirante locuti sunt, ut probavit eventus, de factis intellexerunt, quæ prædixerunt, ergo intellexerunt, quæ locuti sunt. Minor est evidens in sacris paginis, ubi sæpè legimus res contigisse, sicut de factis Prophetæ prædixerunt. Hinc legitur de Daniele cap. 1. vers. 17. quòd Deus ipsi dederit intelligentiam omnium visionum, & somniorum. Item ad rem Job 32. *Inspiratio Omnipotentis dat intelligentiam*. Veri Prophetæ non nisi vera locuti sunt, quæ aut jam verificata patent, aut opportuno tempore manifesta fient.

XVI. INTERIMISTI [Ex Spontan. ann. 1548.] debebat Augustus Carolus V. Imperator, qui cum pacis instaurandæ in Germania, quæ Lutheranismus erat infecta, & in varias opiniones divisa, se anxium perhiberet omnia de Religione capita, Concilii Tridentini sanctionibus remittenda fore Catholicè, & prudenter stabilierat, sed cum intellexisset varias ob causas dilatos esse Concilii Tridentini congressus, impatiens componendi Religionis dissidia, quæ Germaniam dilaniabant, remedium adhibere constituit, quod immodè Germanicæ plagam magis, ac magis exacerbat. Remedium à Carolo fuit propositum, ut quid in Germania sentiendum foret in materia fidei, ita proponeretur, ut usque ad Concilii Tridentini resolutionem, nulla alia posset credendi formula admitti, quàm quæ Cæsaris jussu promulgaretur. Ad hanc formulam componendam delegit Imperator Episcopum Naumburgicum Julium Sflugium, Michaellem Hellingum Episcopum Sideniensem, Moguntini Archiepiscopi Suffraganeum, & Joannem Agricolaem Islebium, qui cum jam pridem apostatasset à fide, factus Antinomorum princeps, ad Catholicam Religionem postmodum redierat. Ab his ergo tribus delectis viris liber exaratus, cui datus est titulus *Interim*, eo quòd præscriberet doctrinæ formulam in Germania retinendam, usque dum Ecclesia in Concilio congregata, definitiones suas promulgaret. Complectebatur præfatus

liber capita vigintifex ; de præcipuis Christianæ Religionis dogmatibus , de Sacramentis , de Æconomia , ac de Cæremoniis Ecclesiæ . In hoc libro concedebatur potissimum Sacerdotio . initiatis conjugium , & laicis communio sub utraque specie . Non modò à Catholicis , sed etiam ab hæreticis variis scriptis impugnatus statim fuit liber , sive *Interim Cæsareum* , pro cuius observantia , nimis quàm par esset , auct. ritate sua Carolus viebatur ; eademque damna peperit in Religione *Interim Cæsareum* , quæ jam produxerant Zenonis *Henoticon* , Heraclii *Ekthesis* , & Constantii *Typus* . Quos libros , cum præfati Imperatores prætextu sedandarum in Religione scissionum , infaustis edictis promulgassent , nihilominus majora in Ecclesia dissidia pepererunt , æquè infaustum fuit . Religioni *Interim Cæsareum* . Doctrinæ in præfato *Interim* contentæ , vel in toto , vel in parte sectatores , dicti sunt *Interimistæ* , qui fuerunt in triplici genere : Alii vocabantur *Interimistæ Cæsarei* , qui in nullo se Lutheranos profitebantur , præterquàm in usu Calicis , & Sacerdotum conjugio , consentientes in reliquis cum toto orbe Christiano : Alii dicti sunt *Interimistæ Lypsiei* , ab urbe Lypsia Misnæ , cuius . Ministri *Cæsareum Interim* connexerunt novo condito , quo ritus quidem , & cæremonias facile admittebant , plus tamen aliquid de doctrina Lutheri retinentes : Terti demùm *Interimistæ* dicti sunt *Francici* , idest Marchionis Alberti concionatores , qui etiam in *Interim Lypsino* quædam emendarunt , afferentes contrà decretum Lypsiensum , Corpus Christi nullatenus fore in Pixide servandum .

XVI. INVISIBILITAS ; de quibus agit *Prætolus* , ex secta rigidiorum Confessionistarum prodierunt circa ann. 1540. afferentes nullam in terris dari visibilem Ecclesiam ; quam sententiam docuerat Lutherus , sed postmodum retraxavit ; retinuerunt nihilominus hunc errorem plures ex Lutheri sequacibus . R. Nam Ecclesiæ representatur per Pontificem , & Episcopos in Conciliis congregatos ; ergo est visibilis , Ecclesia voca-

tur grex , cuius oves sunt Christianifideles , ergo est visibilis , sicut visibilis est pastor , cui dictum Joann. 25. *Pasce oves meas* : sed si Ecclesia esset invisibilis , non posset pastor pascere . agnos . Tum quia Christus præcipit , quod quando frater est incorrigibilis , dicamus Ecclesiæ ; hoc fieri non posset , si Ecclesia esset invisibilis . Paulus proficitur se persecutum fuisse Ecclesiam Dei , scilicet fideles , qui sunt membra Ecclesiæ : Hoc autem non subsisteret , si Ecclesia esset invisibilis . In actibus Apost. 12. legimus , quod *Herodes Rex misit manus , ut affligeret quosdam de Ecclesia* . Item *Posuit Christus Episcopos regere Ecclesiam Dei* : quod percipi non posset , si Ecclesia non esset visibilis , Ecclesia utique est invisibilis , quoad dona spiritualia , quæ in ipsa sunt , quoad efficaciam Sacramentorum , non autem est invisibilis quoad congregationem fidelium , qui Deum sub eadem lege , sub eodem capite visibili adorant . Vide verbum *Brentius* .

XVI. JOACHIMUS WESTFALUS , Hamburgi ortum habuit anno 1510. & inter Lutheranos , tamquam unus ex primariis suis Theologis , veneratur . Contrà Calvinum in materia Sacramentorum scripsit , & vicissim Calvinus calumniam acuit contra Westfalum . Etiam Beza Westfalum impugnare est aggressus : utrumque scriptis suis Westfalus confutavit . Hamburgi decessit anno 1574. ex Bayl. in dict. critic.

XVI. JOACHIMUS CUREUS , secta Calvinista , in Exegeti de sacra Cæna asserit Deum , ne quidem per omnipotentiam suam posse efficere , ut corpus non habeat extensionem localem . R. à Philosophis , qui efficaciter probant posse corpus Divinitus existere sine extensione , & dimensione locali . Tum quia , quidquid contradictionem non involvit , à Deo fieri potest , sed nullam involvit contradictionem quod corpus existat sine dimensione locali . Huc etiam spectat , quod legitur Matth. 19. 26. *Apud homines hoc impossibile est , apud Deum autem omnia possibilia sunt* . Deum esse omnipotentem sæpè clamant sacre pag. Genes. 13.

nes. 13. 18. 28. Reg. 3. 12. Paralip. 2. 14. Job 42. In Psalm. David saepe etiam Deum omnipotentem esse concinit. Sicut etiam omnes Prophetæ, & Evangelia omnipotentiam Dei prædicant.

XII. JOACHIMUS ABBAS, in vico propè conscientiam in Calabria, anno MXXI. genitus, in aulâ Neapolitani Regis, ætatis annorum 14., vix delibatis humanioribus literis, defervivit. Deindè ad loca sancta profectus, in Monte Thabor quadraginta dierum spatio, summâ cum austeritate victitans, delituit. Patriam reversus, in Monasterio Santibucensi aliquandiu commoratus, Cisterciensis Ordinis habitum assumpsit. Abbas electus, arctiori in solitudine, obienta à Lucio III. facultate, se recepit, ubi operum suorum compositioni manum admovit: inter quæ librum composuit contrâ Magistrum sententiarum, in quo asseruit in Divinis essentiam generare essentiam; quî modus dicendi apertè Trinitarium sentit. Reprobandus verbo *Trinitas*. Hanc tamen sententiam in alio opere inscripto *Psalterium decem chordarum*, ipse retractavit, ubi orthodoxo calamo scripsit. Cæterùm suo sensui nimis credens, aliquâ etiam de futuro divinare est arbitratus, quæ tamen falsa fuisse, contrarius eventus comprobavit. Biennio antequam à vita migraret, S. Sedis judicio, authentica protestatione, omnia sua scripta submisit corrigenda, approbanda, vel condemnanda, prout Romanæ Sedi benè visum fuerit. Proindè Innocentius III. Joachini opera, non tamen Auctorem damnavit, quem tamquam Orthodoxum virum Honorius III. declaravit: ita ut operum condemnatio venerationem, quæ auctoris pietati debetur, non imminuat. Videatur Bellarm. de Scripioribus Ecclesiasticis.

XVI. JOANNA Bucera, præter Calvinî hæresim, quam profitebatur in Anglia, etiam Valentini hæresim innovavit, ab ipsâ hæreticis Londini combusta. Varias in Anglia hæreses hoc anno disseminatas, sive ex antiquis jam extinctis desumptas, & reficatas. Vide in Annal. Odor. Rinald. ad ann. 1530.

XVI. JOANNES AGRICOLA (ex Spondan. ann. 1540.) natus Islæbii, Lutheri concivis, cum Witembergæ Theologikum cursum perfecisset, Lutheri se professorem declaravit. Propter suam eloquentiam Electori Saxono, & Comiti Mansfeldensi valde acceptus, cum Melancthone dissidium habuit. Witembergæ Minister constitutus, novam proposuit doctrinam, cujus sectatores *Antinomii* sunt dicti. Ex quo factum est, ut novæ sectæ se Coriphæum constitueret; quod ægrè accepit superbus Lutherus, qui novitate doctrinæ solus omnibus præesse cupidus, Agricolam impugnavit. In Comitibus Augustanis, doctrinæ Saxonicæ confessionem, unâ cum Melancthone, & Brentio defendit: sed ad communionem Catholicam iterum reversus; postmodum Sidenio, & Phlegio Comitem se adjunxit, hortante Carolo Quinto, ad libellum *Interim* dictum componendum. Decessit Berolini, ann. 1566. ætatis suæ 74. Vide verbo *Antinomi*.

XV. JOANNES BECHAM, referente Sanderò, hæres. 179. professione pecorarius, Wicleffii erroribus additus, cadente seculo 15. etiam dogmatizare est ausus, pluribusque rusticis (erat siquidem Tympanista) convocatis, iterùm Wicleffii renovavit errorem, in quo docebat, nullatenus solvendas esse decimas Clero, sicut & nullam esse obligationem solvendi vestigalia, & tributa Principibus; quin aquas, & nemora omnibus asserbat esse communia. R. verbo *Wicleffus*.

XIV. JOANNES BANZUS, Wicleffii hæresiarchè discipulus, motuum, & dissensionum, quæ anno 1385. Angliam infestaverunt, præcipuus excitator, omnis dominationis, obsequii, & ordinis hostis infensissimus; tandem captus, exenteratus est, & in quatuor partes diffusus fuit, prout colligitur, ex hist. Wicleff. Peculiariter assererat.

1. Decimas non esse dandas, nisi qui reciperet, esset pauperior dante, imò, nisi ille cui daretur, inculpabilioris esset vitæ, quàm qui daret. R. ex his

que dicimus contrā Vvicleff. offendentes decimas esse solvendas. Videatur deinde D. Thom. 2. 2. q. 87. art. 1. Plures etiam alij Doctores ostendunt esse de jure naturali Divino alimenta præbere ministris Religionis, & cultus. Unde conveniens judicavit Ecclesia, ut determinata alimentorum ratio, que de jure Divino in veteri lege solutione decimarum servabatur, etiam in novâ lege positivo jure taxaretur, & consequenter nullatenus negari possunt, cui debentur, sive qui recipit, sit ditior, sive non sit tam probus, quàm qui solvit.

2. Neminem ex illegitimo matrimonio natum salvari posse. R. Quia Christus pro omnibus mortuus est, vult omnes salvos fieri. Tum quia filius non portat iniquitatem patris. Tum quia illicitum matrimonium esse prohibitum, certum est; sed ex illegitimo matrimonio natos, damnandos esse, nullibi legimus. Tum quia videmus plures homines ex illegitimo matrimonio natos, cum summâ edificatione vivere juxta legem Evangelicam, quam qui observat, consequitur salutem; ergo &c. Quin & Christus Dominus non est designatus originem habere ex Phare illegitimo Judæ filio; quod enim in illegitimis est naturæ, bonum est, & Deus fecit, licet parentes malè, quod bonum est, fecerint.

XIV. JOANNES BENEY, etiam inter primarios Wicleffii discipulos adnumeratur, & peculiaritèr dogmatizavit, quantum constat ex hislor. Wicleff.

1. Nec Regi, nec Episcopo, qui peccato mortali implicati essent, ullatenus obediendum. R. verbo Wicleffus.

2. Nullum in fornicatione, & stupro peccatum subesse. Rep. verbo *Nicolaia*.

XVI. JOANNES DE BRUCH. Vide *David Georgius*, idem enim est, qui Basilicam commigrans, sub nomine *Joannis de Bruch* latitans, ibidem mortuus est anno 1556. sed post obitum ejus, annis circiter duobus, compertum fuit ipsum fuisse Davidem Georgium, cui paulò ante in Flandria plurimi Anabaptistæ adhaerant.

XVI. JOANNES CASIMIRUS, Comes Palatinus, in sua reformatione Ecclesiastica, plura sancivit contra Romanam Ecclesiam, & disciplinam Ecclesiasticam, quæ jam in hoc opere confutata contrā alios Lutheranos hæreticos perhibetur.

XVI. JOANNES EUGENHANGIUS, Pomeranus ex oppido Julino, & familiâ Senatoriæ natus; Sacerdos impurus, & regularis excucullatus, Wittenbergæ hæreticis præfuit. Tanquam pastor eorum synagogæ superintendens, librum edidit inscriptum *Adversus fures Galicis*, sententem de morte Lutheranorum maledictis, mendaciis, & calumniis, in quo probare nititur esse necessarium utrum Galicis, & improbat Morsæ sacrificium. Summum Pontificem præsumptuosè agens in Dania, ibi Lutheranos Episcopos constituit, relegitis Catholicis, & hæresim stabilivit, ex Spond. ann. 1532.

XVI. JOANNES CASIMIRUS, episcopi à Calvinum, negat Spiritum sanctum ex Patre, Filioque procedere. R. verbo *Græci*.

XVI. JOANNES CLERICUS, Meldenfis in Gallia urbs ad Maroniam fluvium sita, itinere unius diei à Lutetia distans, lanx carminator, cum ob vocatum Papam Antichristum, virgis cæsus, & ut à nonnullis asseritur, lilio quoque candenti in fronte inussus, Metas sese recepisset; ibi propter deturbatas noctu in quodam sacello sacras imagines, tormentis subjectus, igne periit, quem propterea Beza Genevensis Calvinistarum postea Calipha, in suis leonibus primum instauratorem Ecclesiæ Metensis prædicat, & Meldenfis.

XVIII. JOANNES CLERICUS, diu hæc scribimus adhuc superflus, librum vulgavit, cui titulum præfixit *Joannis Clerici quaestiones Hieronymianæ, in quibus expenditur Hieronymi auctora editio Parisina, multaque ad criticam sacram, & prophetarum pertinentia agitantur. Amstelædami apud Westenius 1719.* In hoc opere auctor se veram præbit progenitorum suorum in hæresis perfidia hæredem, si à Joanne Clerico, qui vixit tempore Calvinii, suam fortè trahit originem.

nem. In præfatio opere sibi præfixit Clericus impetere Joannem Martinianum Congregationis S. Mauri Monachum studiosissimum, qui publici juris recenter fecit opera D. Hieronymi, & eadem ab hæreticorum calumniis, præcipuè à David, & Joanne Clerici in S. Doctorem illatis, vindicavit. Insuper Joannes Clericus in suo libro potissimum in S. Hieronymi doctrinam, & scientiam per tot secula ab universâ Ecclesiâ receptam, & commendatam invenitur, eundem S. Doctorem fugillando, tanquam linguæ Græcæ, & Hebræicæ ignarum, confusum, audacem, factabundum, Origenuum. Quis in hæc scribendi methodo, non dico, non miretur Scriptoris audaciam, sed non compatiatur ejusdem dixerim stultitiæ, dum colicem cernit, qui in leonem exasperatur? Quis sibi sibi revelatum jactet Clericus in ditione operum S. Hieronymi, quod tot præterierit Sæculis, effugit sapientes, qui intemeratam Hieronymi doctrinam semper venerandi receperunt per tredecim secula? Ergo ignorantia laborant omnes Hieronymianæ doctrinæ veneratorum, usque ad Clerici novissima tempora, & ipse solus valuit ad trutinam Hieronymi scripta reducere? Male etiam sentit Clericus de iudiciis Romanis, & Hispanis, pejus de sacrosancta Tridentina Synodo, quæ omnia, ejus opus percurrenti, facillè obvia apparebunt, ex quo quale iudicium formari debeat de hoc novissimo critico acatholico, lectoris sentui relinquo.

IX. JOANNES ERIGENA ingenio excellens, natione Hibernus, sub Carolo Calvo in Galliam se contulit, qui Joannis Erigenæ doctrinam, & moribus alleatus, eum terti famulatum habuit; sed cum librum edidisset, in quo de Sacramento Eucharistiæ non Catholicè sentire videbatur, datis à Pontifice litteris ad Regem Galliarum, proscriptus fuit Joannes, quem tamen aliqui credunt, solum aliquos movisse quæstiones circa Sacramentum Eucharistiæ, nullatenus verò à Catholica diffinisse veritate. Quidquid hæc de re sit, certum est, post Erigenæ

obitum, liberum ab eo exaratum (in quo auctor Sacramentarius videbatur, innuens in Sacramento Eucharistiæ nihil esse, nisi figuram Corporis Christi) in tribus Conciliis Parisiensi, Vercellensi, Romano fuisse proscriptum; Quare communiter Sacramentarium primpilum esse censetur Joannes Erigena, à quo Berengarius suam hausit erroneam doctrinam, judicio Concilii Romani, sub Nicolao II. compulsus Joannis Erigenæ librum, cujus auctoritate falciebatur, propriis manibus flammis tradere. Joannes à Galliis exul, Angliam reversus, pedagogum agere coactus, ut visitaret, à discipulis suis pugionum ictibus interemptus creditur, cadente seculo nono. Reprobatur ejus hæresis verbo Berengarii. Ex Jacobo Varræo de script. Hibernicæ.

IV. JOANNES JERUSOLYMITANUS, fuit fautor Origenistarum, & insuper in Antropomorphitarum errorem prolapsus est, ex Hieron. epist. ad Pamach.

XIV. JOANNES JANDUNUS, patriâ Perusinus, unâ cum Marfilio Patavino, dicto de Menandrino, doctrinæ magis curiosæ, quàm solidæ homines, Ludovici Bavaræ Imperatoris Doctores jurisconsulti stipendiarii, plura scripserunt, præcipuè contrâ Joann. XXII. tunc Pontificem, qui eundem tamquam hæreticos condemnavit: errores, quos promulgabant, sunt:

1. Christum ex necessitate, & obligatione solvisse tributum Cæsari, non ex pietate: ex quo inferebant, de bonis temporalibus Ecclesiæ posse ad libitum, tanquam propriis, Imperatorem disponere. R. Nam Christus, quando dixit Petro. Matth. 17. vers. 26. *Ut iris ad mare, mitteret hamum, traherem ab ore piscis fimeret; non dixit Petro: Statera sume, & solve; sed dixit: Statera sume, & da pro me, & te.* Dedit itaque didrachma, non solvit, ne fieret scandalum in populo, sed ita dedit, ut immunitatē Ecclesiæ prospiceret; non enim dixit *Solve, sed da; sapē enim ad evitanda jurgia Ecclesiastici dari seculari potestati, quod solvere non tenetur.*

tur. Dedit ergo Christus didrachma ex pietate, non ex necessitate; dixit enim Petrus: *Vi non scandalizemus &c. da pro me, & te.* Cæterum non posse Imperatores de bonis temporalibus Ecclesiæ, ad libitum disponere tamquam propriis, constat cuicumque rationis compoti; nemo enim habet dominium in res alienas: bona Ecclesiæ sunt omnino Ecclesiæ propria, utpotè à pietate Fidelium spontè oblata; & sicut Imperator non poterat de illis bonis ad libitum disponere tamquam propriis, quando adhuc erant propria offerentium, ita neque postquam per piam oblationem facta sunt propria Ecclesiæ, potest de illis disponere: Nulla enim est possessio magis legitima, quam quæ acquiritur per spontaneam donationem.

2. Christum in cælos ascendentem nullum in Ecclesiâ visibile caput constituisse, nullum Vicarium reliquisse. R. verbo *Hussia*, *Jacobus Præpositi*, *Armeni*, *Arnandus*. Sed præter ibi dicta, adhuc expressè probatur, S. Petrum universæ Ecclesiæ principem, & pastorem à Christo fuisse constitutum, præcipue ex illo Matth. 16. *Tu es Petrus, & super hanc petram ædificabo Ecclesiam meam*; ut mirum sit, quomodo audeant hæretici veritatem hanc adeò patentem impugnare; & certè nomine hujus petræ ab Evangelistâ designatæ, non nisi Petrum intelligendum esse, satis denotat connexio verborum sacri Textus, ubi *ly super hanc petram*, appellat super Petrum, de quo immediatè antecederet habetur sermo, dum dicitur: *Tu es Petrus*, quod negat Erasmus, qui nomine hujus petræ vult omnem hominem fidelem intelligendum esse. Negat Calvinus, qui nomine hujus petræ vult venire Christum: quamquam iste Calvini sensus hæreticus non sit, nisi in ore Calvini, propter intentionem perversam, & aliqui Catholici non negent etiam sic licere locum exponere, prout aliquando exposuit S. Augustinus, & alij. Negat Lutherus, qui nomine hujus petræ vult intelligi fidei confessionem; sed nulla ex his interpretationibus subsistit.

Non prima, nam si res se haberet in sensu Erasmi, debuisset Christus dicere Petrus, utpotè alloquens omnes Fideles: *Vos estis petra*. Tum quia tot essent fundamenta Ecclesiæ, quot fideles, & sic ædificium Ecclesiasticum consisteret totum in puris fundamentis. Tum quia Erasmus dicit, implicare, quòd super hominem fundetur Ecclesiâ; ergo pariter implicat, quòd fundetur super fideles, qui sunt etiam homines. Tum quia omnes ferè SS. PP. exponunt hunc textum Matth. 16. litteralitèr, & intelligunt de facto pro petra Divum Petrum, utpotè constitutum universalis Ecclesiæ principem, sic designatum à Christo sub nomine petræ fundamentalis.

Sed neque subsistit interpretatio data à Calvino, in ejus sensu; scilicet sub nomine petræ Christum venire, per positivam Vicarii sui exclusionem. Nam licet Christus utique sit prima petra fundamentalis totius Ecclesiæ, Petrus verò solum sit petra fundamentalis loco Christi sufficiens; dico tamen ex adducto loco Matth. 16. nomine petræ non posse colligi Christum, nisi alienentur verba; Christus enim ille est, qui Petrum alloquitur, cui cum dixisset: *Tu es Petrus*, statim subdit: *& super hanc petram*, ubi constat, quòd *ly hanc* appellat supra Petrum: Cæterum, si Christus de seipso loquebatur, debebat dicere: Ego sum petra, & super hanc &c. ad quid enim præmittere: *Tu es Petrus*, ut subderet de seipso: *Et super hanc petram*?

Neque demùm nomine hujus petræ intelligi potest cum Luthero fidei confessio, nisi sub nomine hujus fidei veniat fides Petri, quatenus Petrus est totius Ecclesiæ pastor, in quo sensu idem erit, ac dicere, nomine hujus petræ designatæ à Matthæo, venire Petrum, & Petrum esse totius Ecclesiæ pastorem; quo admissio, satis habemus, nihil enim ultra probare nitimur in præseni, quàm Petrum esse totius Ecclesiæ pastorem: sed ratio movens Lutherum ad asserendum nomine petræ fundamentalis venire fidei confessionem, non Petrum, est, quia, ut ipse ait, si nomine petræ fundamenta-

lis

lis veniret Petrus, jam fundamentum Ecclesie corruisset, quia Petrus Christum negavit; sed hæc ratio nihil evincit, quia quando Christus dixit Petro: *Tu es Petrus, & super hanc petram ædificabo Ecclesiam meam*, solum designavit Petrum futurum petram fundamentalem Ecclesie, sed pro tunc nondum eundem, stabilierat tamquam fundamentum indefectibile, nondum enim ei dixerat: *Rogavi pro te, Petre, ut non deficiat fides tua, & tu aliquando conversus confirma fratres tuos*; postquam enim hæc à Christo dicta sunt Petro, Petrus immobilis perseveravit in fide: ratio etiam evincit, quod Christus per præfata verba ad Petrum, solum eundem designaverit futurum suum locessorem visibilem in regimine Ecclesie, quia cum hæc dicta sunt à Christo Petro, scilicet *Tu es Petrus &c.* Christus adhuc nobiscum degebat, quapropter nondum opus habebat Vicario, quem post resurrectionem suam Ecclesie visibili constituit, & præposuit. Adde, quod quando Petrus negavit Christum, propriè non defecit à fide, sed timore præoccupatus, potius excidit à charitate. Hinc S. Bernard. tract. de Gratia, & lib.º arbitrio cap. 12. negationem Petri discutit ait: *Peccavit autem non spernendo, aut odiendo Christum, sed se nimis amando, quia scilicet nimis timuit mortem corporis*. Stat ergo Petrum de facto constitutum universæ Ecclesie principem, & de personâ Petri Christum locutum fuisse, non autem de omni fidei homine, aut de seipso, aut de confessione fidei, cum dixit: *Tu es Petrus, & super hanc petram ædificabo Ecclesiam meam*. Quod adhuc magis declarant subsequenda verba, quæ leguntur Matt. 16. *Et tibi dabo Claves*, quæ etiam in contrarium sensum extorqueri conantur Lutherus, Calvinus, & omnes hæretici hujus temporis, qui negantes primatui Petri, volunt illa verba non ad personam Petri, sed ad universam Ecclesiam pertinere, quam Ecclesiam (dicunt hæretici,) Petrus repræsentabat; unde volunt, claves datas esse universæ Ecclesie, & per Ecclesiam pastoribus universis,

non autem datas esse immediatè Petro.

Attamen datas esse immediatè Petro claves, satis apertè designatur per nomen *Tibi*, specificatur per nomen proprium *Petri*, scilicet *Simon*: dixit enim Christus: *Beatus es Simon*, declaratur per illud quod sequitur *Bar-Jona*; Petrus enim erat Filius Jonæ, ita ut nullus esse possit dubitationi locus, quod Petro immediatè commissæ sint claves: Petro, inquam, utpotè qui constitui debebat Ecclesie Pastor, non verò quæ repræsentans Ecclesiam; quis enim eo tempore constituerat Petrum, ut repræsentaret Ecclesiam, quam Christus nondum fundaverat sanguine suo. Undè nam hoc colligere possunt hæretici? ex quo Scripturæ textu animadvertunt Petrum tunc temporis constitutum ad repræsentandam Ecclesiam? utique hæc pura sunt hæreticorum somnia, & figmenta, ergo Petrus non accepit claves nomine Ecclesie, sed suo, quandoquidem in præmium suæ confessionis, quam fecerat, dicendo: *Tu es Christus Filius Dei vivi*, statim dixit illi Jesus: *Et ego dico tibi &c.* Demùm claves immediatè datas esse Petro à Christo asserit S. Bernard. Serm. 69. in Cantica.

Dedit itaque Christus Petro claves, & consequenter dedit illi principatum, quod negat Calvinus, qui vult quod dare claves nihil aliud significet, quàm accipere ministerium verbi: sed.

Contrà est, nam quisquis habet ministerium verbi Dei, non dicitur habere claves, quæ consistunt in potestate ligandi, & solvendi: Caterùm, si ministerium verbi pertineret alicui laico (ut de facto viris laicis sanctitate conspicuis, qui numquàm Sacerdotes fuerunt aliquando permixtum constat.) jam dicendum foret, quod laici in tali casu haberent claves, scilicet potestatem ligandi, atque solvendi, quod hæcenus inauditum. Verum quidem est, quod hæc nomine clavium, quas Christus promissit Petro dicens: *Tibi dabo claves*, præcipue intelligitur principatus Ecclesie Petro commissus, supremæque potestatis, & jurisdictio in universum gregem Ecclesiæ.

fiaticum, ejus gregis Petrus constitutus est pastor à Christo, dicente Joan. 21. *Pasce oves meas*, quæ verba soli Petro dicta sunt, hoc enim evincunt rationes supra adductæ ad probandum soli Petro dictum: *Tibi dabo claves*; per hæc autem verba. *Pasce oves meas* soli Petro dicta, traditam esse summam potestatem Ecclesiasticam ipsi Petro: *Et per oves meas universam Christi Ecclesiam esse designatam*, nervosè probat S. Bernard. lib. 2. de consid. cap. 8.

Lutherus autem, ut probet per illud verbum *Pasce* non dari summam potestatem Petro, dicit, per illam vocem *Pasce*, solum injungi officium diligendi, prædicandi, & docendi Petro, qui (ut ait Lutherus) jam erat constitutus pastor, non quidem Ecclesiæ universæ, sed ejusdam portionis: sed

Contrà est. Tum quia verbum *Pasce* ibi stare pro summa potestate Petro collata, exponunt omnes SS. Patres. Tum quia, quando dixit Jesus Petro: *Pasce oves meas*, locutus est absque exceptione, & consequenter Petrus non est constitutus pastor ejusdam portionis, sed totius gregis. Audiatur S. Bernard. loco super cit. Cui enim non dico *Episcoporum*, sed *Apostolorum sic absolutè, & indistinctè totæ commissa sunt oves? Si me amas Petre, pasce oves meas. Quas? Illius, vel illius populus Civitatis, aut certi Regni? Oves meas, inquit. Cui non planum, non designasse aliquas, sed assignasse omnes. Nihil excipitur, ubi distinguitur nihil. Et fortè præsentēs ceteri discipuli erant, cum committens uni, unitatem omnibus commendares in uno grege, & in uno pastore.*

Ex hoc textu corrui, quod putat Lutherus lib. de potestate Papæ. Illiricus contrà primatum Papæ. Magdeburgenses Centuria prima, qui per *ly oves meas*, negant universam Ecclesiam significari, sed absque fundamento, quandoquidem ut ait S. Doctor: *Nihil excipitur, ubi distinguitur nihil.* Tum quia etiam Episcopi sunt oves Christi, ergo si Christus dixit Petro: *Pasce oves meas*, etiam Petro commendavit alios

Apostolos, & consequenter Episcopos.

Resolvitur ergo: Defectio Petrus universæ Ecclesiæ princeps, & pastor ab ipso Christo est consuetus; undè primatus Romani Pontificis super universam Ecclesiam comprobatur. Et primò quidem ex sacris paginis Math. 10. *Duodecim Apostolorum nomina sunt hæc. Primus Simon, qui dicitur Petrus Matt. 16. Ego dico tibi, quia tu es Petrus, & super hanc petram ædificabo Ecclesiam meam, & tibi dabo claves.* Insuper ex Marci 16. 7. Lucæ 22. 31. Joann. 7. 42. 13. 5. 20. 4. 21. 15. Act. 2. 24. 3. 1. 15. 7. Sed jam à ratione primatum Pontificis juvat comprobare.

PROBATIO PRIMA.

Ex ipsis motivis, quibus nulli hæretici Pontificis primatum impugnant, probatur veritas primatus supremi Pontificis.

Romanæ Ecclesiæ primatum impugnare, qui ceterum & ab ipsis Gentilibus receptus fuit, ignorantium Novatorum, seu potius superbiorum ignorantium error fuit, qui si ignorantes Novatores dici debent, idè primatus Petri contradixerunt, ut aliud sibi caput constituerent, & præficerent, sub quo liberius possent proprios profiteri errores. Si autem superbi ignorantes nuncupandi, idè Romano Pontifici negarunt primatum, ut ambitione ducti aliquem sibi titulum arrogarent, quo propriè possent ambitioni expleri; nec opus est ad hæc probatione, quia ut, in annalibus videre est, & apud eos, qui de impugnatoribus hujus primatus agunt, non nisi hoc duplici motivo constat, insanos homines primatum Pontificis impugnasse.

Quod ut clariùs pateat primò quoad primum, quod diximus, nempe, idè alios huic primatui contradixisse, ut liberius sub alio capite suos valerent profiteri errores, hoc primò constat de Græcis, qui negantes processionem sancti Spiritus à Patre, & Filio, propter additionem in Latina Ecclesiâ factam verbi

Fi-

Filioque, apertè pronunciant Romanum Pontificem de suo gradu excidisse, & jam summum, & primum omnium Episcoporum esse Constantinopolitanum Patriarcham, quoniam licet eis sub tali Patriarcha negare processionem Spiritus sancti a Filio. Testis est de hac re Sigebertus in Chronicis.

Item, Valdenses idèd dixerunt, quòd Romano Pontifici non tenemur obedire, quòdque ejus decreta nullius sunt momenti, quia obtinere nusquam potuerunt, quòd Romanus Pontifex suam sectam approbaret. Refert Conradus Urspergensis de anno 1180., & Guido de Valdensibus.

Demùm notum satis est, quò ductus motivo Lutherus supremum noluerit agnoscere Pontificem, quia siquidem aliqua ejus scripta non fuerunt à sancta Sede approbata, hinc habuit Lutheranz revolutionis origo, cui accessit Calvinus, qui propter enormissima scelera Lugduni morte damnatus, Hugonis Ducis, ejusque exercitus, qui reformationem militiæ in Gallis agrè sentiebat, fretus auxilio, proprios tutavit errores.

Quòdà secundum verò, quò dictum est, nempe hunc errorem ab ignorantii superbia etiam suam duxisse originem, hoc constat præcipuè in Patriarchis Constantinopolitanis, inter quos primus recensetur Anatolius, qui urbis suæ, cui præsidebat, magnitudine, & potentia gloriabundus, Romanæ Sedi parère desepxit, quasi propriæ Sedis dignitati derogaret ei obedire, cujus nutibus, & ipsi Reges stant cervice, quem Anatolium secuti sunt, & alii Patriarchæ perplures, non nisi eodem ducti arrogantis motivo. Ex his facile est arguere, quàm levis momenti esse possint rationes ab impugnantibus primatum Romanæ Ecclesiæ adductæ, quoniam tam fragilibus inniuntur principiis.

PROBATIO SECUNDA.

Primatus supremi Pontificis confirmatur ex eo, quòd Gentiles quodammodò hunc agnoverunt.

Romani Pontificis primatum, & ab ipsis Gentilibus agnitum fuisse, Tom.I.

colligi potest ex eo, quòd cum Imperatores in Christianos deservierent, totis viribus conarentur captivos habere supremos Pontifices, quos cum tamquam caput universæ Ecclesiæ à cæteris haberi scirent, hinc facile futurum fuisse arbitrantur, ut Christianam Religionem ad nihilum redigerent, quandocumque Christianorum caput abstulissent.

Nero, primus qui persecutionis ignem contrà Christianos accendit, Petri primatum agnovit; nam cum Petrum simul, & Paulum morte damnaasset, & eandem ob causam, quia siquidem Christum prædicabant; Petrum tamen, quem agnoverat huic novæ Religionis præesse, idèd turpiori morte, qualis erat tunc temporis mors Crucis, damnavit: adeò apud ipsos Gentiles receptum erat, in Ecclesià unum esse, qui primatum obtineret.

PROBATIO TERTIA.

Primatus Romani Pontificis probatur ex verbis ipsorummet hunc primatum impugnantium.

Per ipsos, qui negant primatum Romani Pontificis, hic primatus desit esse, ergo fuit, nihil enim in bona philosophia potest desinere esse, nisi extiterit, ergo ipsimet impugnatores fatentur primatum Ecclesiæ aliquando fuisse in Romano Pontifice. Quòd ità sit, audiantur eorum aliqui, & in primis Græci dicunt Romanum Pontificem propter additionem factam in Symbolo *Filioque* de suo gradu excidisse, ex quo sic contrà ipsos arguo: Ergo si excidit propter additionem factam de verbo *Filioque*, antè talem additionem de facto erat primatus Ecclesiæ in Romano Pontifice. Item Gerardus Sagarellus cum aliis dixerunt, quòd tota auctoritas à Domino nostro Jesu Christo collata Ecclesiæ Romanæ est omninò evacua, & jam dudum cessavit propter malitiam Prælatorum; contrà quos pariformitè arguo ut supra: ergo si auctoritas Romanæ Ecclesiæ cessavit de facto per adver-

Y y sarios,

farios, Romana Ecclesia aliquando prima fuit, & habuit supremam auctoritatem; Non enim dici posset cessasse, nisi antea talem auctoritatem habuisset, quam per cessationem amisisset; ergo impugnatores primatus Romanæ Ecclesiæ, talem primatum in Ecclesia Romana agnoverunt, ergo per ipsos aliquando fuit primatus in Ecclesia Romana; ergo si fuit, nunc adhuc perseverat. Probatur consequentia, quia non subsistunt rationes allatæ ab ipsis impugnatoribus, per quas volunt cessasse in Ecclesia Romana primatum, non quidem prima, nempe asserere, quod Spiritus sanctus ex Patre, Filioque procedat; hoc enim ita esse videri potest finibus apud Theologos, qui de processione personarum expressè hac de causa temporibus D. Anselmi egerunt, & efficacissimis rationibus probarunt hujus processionis, nempe à Patre, & Filio, veritatem: quando autem addita fuerit Nicæno, Symbolo particula *Filioque*, non satis constat. Plures eruditi sentiunt additam fuisse à Concilio Toletano octavo celebrato in Hispania circa annum 553. antè quàm oriretur Græcorum schisma. Vide Anatum in suo apparatu ad positivam Theologiam lib. 5. de Conciliis.

Neque subsistit secunda ratio allata, nempe cessasse primatum in Romana Ecclesia propter proterviam Episcoporum, nam hoc gratis dicitur: si quæ enim fuisset protervia Romanorum Episcoporum, per quam ab ipsis decidisset suprema auctoritas, maximè esset hæresis, quæ omnium malorum summum est malum: sed in tota serie Romanorum Episcoporum nunquam legitur, aliquem prævaricasse à vera fide, teste Justiniano Imperatore, dicente in Epistola relata in Decretis Bonifacii Papæ: *In Sede Apostolica extra maculam semper est Catholica Religio servata*: ergo propter hanc proterviam non potest à Romanis Pontificibus excidisse auctoritas suprema, de qua in præfenti agitur. Deinde gratis dato, quod fuerint aliqui Pontifices malitiosi, dummodò non fuerint hæretici, non ideo dicendum est, cessasse in

ipsis auctoritatem, quia plures fuerunt Reges criminosi, & tamen ipsis parère adhuc tenebantur subditi: sed nemo tenetur parère non habenti auctoritatem; ergo si tales subditi de jure parebant Regibus discipulis, signum est, quod per solam malitiam non cessat in superioribus auctoritas. Imò si jubemur obedire superioribus etiam discipulis, obedire autem non tenemur non habenti dominium; quomodo sentiendum, malitiam tollere auctoritatem? Sed etiam dato, quod malitia tolleret auctoritatem, non ideo probatur cessasse primatum in supremo Pontifice; successerunt enim post malitiosos, plures & per plures Sanctissimi Viri, morum sanctitati clarissimi. Quid autem habet aliorum malitia horum derogare auctoritati? si ita esset, sequeretur malorum culpam retorqueri in bonorum pœnam; ergo neque propter aliquorum malitiam constat cessasse supremam auctoritatem in Romano Pontifice. Demus etiam aliquem Romanum Pontificem in hæresim incidere (quod nec fuit, nec erit) ideo nè cessabit auctoritas officii? Hæresis, non officium sed personam afficit. Caderet quidem singularis ille homo à dignitate, dignitas tamen intemerata maneret. Sicut & plures inferiores Episcopi inciderunt in hæresim, nullo auctoritatis sedis præjudicio. Sed iterum insto contra hujusmodi Innovatores: Fuit aliquando primatus in Romana Ecclesia per ipsos hæreticos; ergo est. Probatur consequentia: si non esset in Romano Pontifice primatus, deberet esse in alio Episcopo: non est in quocumque alio Episcopo, ergo est in Romano Pontifice. Major probatur, quia eum regimen Ecclesiæ sit Monarchicum, consequenter etiam semper debet esse unus, qui in Monarchia præsideat. Probat minor, quod nempe primatus non sit in alio Episcopo. Si esset in aliquo alio Episcopo primatus Ecclesiæ, deberet talis primatus fuisse ab habente auctoritatem translatus; sed non fuit ab habente auctoritatem translatus: qui enim habet auctoritatem, est Christus; Christum autem nunquam legitur transulisse hunc pri-

primatus: ergo à nemine primatus Ecclesie fuit translatus; ergo adhuc nunc temporis viget, & est in Romano Pontifice. Dico in Romano Pontifice, quatenus Romanus Pontifex est Petri successor, non autem præcisè quatenus est Episcopus Urbis Romæ.

PROBATIO QUARTA.

Primatus in Romano Pontifice probatur ex eo, quòd hujus primatus semper Romani Pontifices in possessione fuerint.

Melior est conditio possidentis, receptissimum est oraculum, & eò melior est conditio, quò antiquior possessio; sed Summi Pontifices Romani, à D. Petro usque ad hæc tempora semper fuerunt in possessione hujus primatus, ergo ipsi solis etiam hoc iure debetur. Majorem non est, qui neget. Minor probatur, tum ex continuata serie Pontificum, qui à D. Petro usque ad hæc tempora semper sibi defenderunt hanc prærogativam primatus, ut ipsis solis debitam, quippè veris successoribus Petri. Quod probatur auctoritate Pii Primi Epist. 1. dicentis: *Christus hanc sanctam Sedem Apostolicam omnium Ecclesiarum caput esse præcepit, ipso dicente principi Apostolorum: Tu es Petrus, & super hanc petram edificabo Ecclesiam meam.* Et hæc sufficit auctoritas, quoniam centum & quatuor Pontificum possem auctoritates subnectere, per quas constat, omnes Pontifices sibi defendisse prærogativam primatus, quas, qui videre voluerit, consulat Thesaurum Catholicum, in quo istæ omnes auctoritates proferuntur. Nobis latius ad rationes venire; quare minorem, de qua hic agimus, sic probò. Primò ex antiquissimo titulo Romanorum Pontificum; Romanus enim Pontifex universalis Apostolicæ Ecclesiæ Episcopus, & Pontifex Maximus dicebatur. Quòd huiusmodi titulo condecorati fuerint ab initio Romani Pontifices, fidem facit una ex epistolis Sixti Primi Papæ, in cuius

initio hæc legitur inscriptio, relata in Annalibus Baronii anno 143. *Sixtus universalis Ecclesiæ Episcopus Pontifex Maximus*; Quæ utique inscriptio, cum sit authentica, & manifesta, adeò urget Novatores, ut adhuc relata silere cogantur. Item Episcoporum Episcopus vocatur, & in primordiis Ecclesiæ jam tali titulo condecoratum Summum Pontificem constat ex pluribus antiquis authenticis scripturis; & ipse Tertullianus, qui fuit Tertullianisæ sectæ auctor, suis temporibus Romanum Pontificem Episcopum Episcoporum, in signum primatus sui, jam ex tunc vocari testatur.

1. Probatur minor ex auctoritate suprema, quam semper Romanus Pontifex in universa Ecclesiâ exercuit, qualis est definire quid à Christianidelibus agendum, quid sentiendum in causis fidei, confirmare Concilia &c.

3. Probatur minor ex eo, quòd famosiores hæretici soliti fuerunt ad Romanum Pontificem recurrere, ut ab ipso absolverentur, & iterum in communionem Ecclesiæ reciperent. Hoc fecisse legimus Ursacium, & Valentem, qui Ariana hæresi infecti, Deo dante, proprii facti consilii erroris, Romam accessit, coram Pontifice Arianam hæresim anathematizarunt: refert Athanasius orat. 1. contra Arianos.

4. Probatur minor ex eo, quòd solus Pontifex Romanus hæreticorum causas judicat, & condemnat; ità Damasus Papa condemnavit Eustathium, & Apollinarem Ariana hæresi infectos, rogante D. Basilio, qui licet horum Episcoporum esset Metropolitani, non tamen ausus est falcem mittere in messem alienam, ipsosque condemnare, sciens hoc solum pertinere ad Romanum Pontificem Petri successorem, sicuti jam D. Petri temporibus, in causis fidei, consueverunt ad ipsum recurrere ipsimet Apostoli.

5. Probatur minor ex eo, quòd solus Pontifex consuevit deponere Episcopos criminosos, sicut legimus Damasum deposuisse Lucium Alexandrinæ Sedis occupatorem, & substituisse alium nomi-

ne Petrum : Arguatur hinc summa auctoritas Romani Pontificis, juxta ejus judicium Episcopus Alexandrinæ Sedis, inter primas post Romanam Sedem deponitur, & alter substituitur. Ex his constat, qualiter Romani Pontifices semper in possessione fuerint supremæ in Ecclesiæ potestatis.

PROBATIO QUINTA.

Primatus Ecclesiæ in Romano Pontifice probatur ex eo, quod Imperatores, Reges, & Principes semper in ipso hunc primatum agnoverunt.

Nemo negabit magnam esse proprii iudicii proterviam, ab illa veritate dissentire, cui præstant assensum tot Reges, tot Principes, tot Duces, tot Magistratus, tot Doctores, tot Scholæ. Miror igitur, quomodo proprium non agnoscant errorem Lutherani, & Calvinistæ, sanctæ Romanæ Ecclesiæ Primatum impugnantes, ubi tot, ut diximus, tum dignitate, tum virtute, tum sapientiâ præstantissimi viri, Romani Pontificis pedibus se submisserunt, ejusque primatum confessi sunt. Numquid soli Lutheri, & Calvino veritas revelata, & tot præstantissimi homines, qui hunc primatum agnoverunt, ignorantes tenebris obcecari, falsa professi sunt? Ego certè fateor, quòd quamvis fides non me doceret veritatem hujus primatus, (idem, quòd ad cætera fidei nostræ documenta me urget argumentum) hæc sola consideratio me consolideret in fidei nostræ mysteriis, tamquam impossibile sentiens, tot dignissimos, sanctissimos, & eruditissimos viros, qui fidei Catholicæ adhæserunt, potuisse in fide errare, sciens utique, quòd, licet maximo pollerem ingenio; & licet essem in omni eruditione clarissimus, ne umbræ quidem speciem deferrem in comparatione scientiæ; & intellectus tot illusterrimorum simul virorum, qui fidem Catholicam professi sunt, & profitentur. Nunc aliqua proferamus exempla, & au-

toritates virorum, qui in orbe auctoritate, aut sapientia clarissimi Primatum Romani Pontificis testantur. Luitprandus Rex Longobardorum: *Papæ urbis Romæ in omni mundo caput est Ecclesiæ Dei, & Sacerdotum.* Hæc verba desumpta sunt ex legibus Longobardorum tit. 33. par. 5. Justinianus Imperator in authenticis de Ecclesiasticis titulis, & Privilegiis cap. 2. hæc habet: *Idcirco sancimus, secundum sanctarum Synodorum definitiones, Sanctissimum Romæ Papam primum esse Sacerdotum.* Valentinianus, & Marcianus Imperatores Epistolâ ad Leonem Papam sic habent: *Ad hoc maximum Imperium venimus Dei providentia, & electione Senatus Excellentissimi, cunctæque Militiæ, unde pro Reverenda, & Catholica Religione Christiana Fidei, cujus auxiliis virtutem nostra potentia confidimus gubernari, tuam Sanctitatem Principatum in Episcopatu Divina fidei possidentem, sacris Litteris in principio justum credimus alloquendum.* Nec desunt auctoritates eorum, qui circa eadem tempora Lutheri, & Calvini regnarunt, ad majorem horum Novatorum confusionem. Videatur hæc de re quid senserit circa primatum Romani Pontificis, Sigismundus Rex Poloniæ Epistolâ ad Concil. Later. videatur Henricus VIII. Rex Angliæ in assertionibus adversus Lutherum art. 2. Plures alias videre est auctoritates in eorum libris, qui sacrosancta Concilia, & Canones enligerunt. Hic tantum ad majorem hæreticorum confusionem subdenda censui verba Theodori Beze Calvinisticæ sectæ in urbe Gebennensi anno 1600. publici professoris, & ministri, qui à Calvinistis tamquam oraculum habebatur. Verba, inquam, desumpta ex historia Florimundi Consiliarii Burdigalensis lib. 8. cap. 5. anno 1600. Theodorus Beza Genevæ circa annum 1600. dum concionando prius dicta repetisset, cepit verba facere de successione Patriarcharum, sumpto themate ex cap. 7. Act. ubi de S. Stephano agitur, ac ibi tum populum gregem suum deprimere, Ecclesiæ verò Catholicæ amplitudinem plurimum extolle-

tollere, deinde ad successionem Apostolorum transiens: si inquit, adversarii nostri, (Catholicos intelligens) à vobis quærant, ubi sit apud vos Cathedra, & successio Petri? cedamus illud, quoniam verè Catholici, & Papiæ hanc habent successionem Apostolicam personalem ad hunc usque diem, velut per manus traditam, & propagatam, id infirmari non possumus. Aderat tum vir honesto loco natus è Lotharingia Metensis, Joannes Druet nomine, qui Genevam adventarat, & apud Bezam divertens è Germania reversus, ubi ministri officio apud hæreticos functus erat, ejus concionem hospes hæreticus audire voluit. Beza domum reversus unà cum Ministro illo, aliisque convictioribus, eos interrogat, quid rerum novarum audissent. Respondit Minister: certè Domine mi, hodiè nova, eaque prodigiosa ex te audivimus, nimirum, quòd Papiæ veram habent successionem Apostolicam, quæ à Christo, indè à Petro in hanc usque diem legitime perseverat. Sumus ergo, subdit ille, schismatici? Ad quem Beza, Amice mi, inquit, habent ipsi veram successionem personalem, nos verò successionem doctrinæ: Quomodo, inquit alter, potes se jungere successionem doctrinæ à successionem personarum? in quibus capitibus erat hæc doctrina? quinam erant pastores? His interruptis, nè scandalum adstantes paterentur, Minister ille post seriam dictorum discussionem, rectè Lutetiam pergit, ubi hæresim abjuravit cum sexaginta & sexdecim aliis, coram Cardinale Florentino ad Gallos Legato, indè Romam profectus, ubi à Sanctissimo Pontifice Clemente VIII, absolvitur anno 1600. ex quibus sufficienter constat, D. Petrum, ejusque successores esse Vicarios Christi, plusque auctoritatis accepisse à Christo, quam reliquos Apostolos, & Episcopos. Qui testimonia voluerit per secula digesta ad huius veritatis confirmationem, Coccium consulat in Thesaurò. Item, Cardinalem Perronium in responsione ad Regem magnæ Britanniæ cap. 25. Sed de hac materia jam satis actum, quòd si fortè proli-

xè alicui videbitur pro instituto nostro discussum hoc argumentum, ansam dedere hæretici, potissimum ex Lutheri, & Calvini schola progeniti, qui fere usque ad nauseam unanimiter contrà Romanos Pontifices calumum acuentes, integra scripsere volumina. Tempus est ut ad alios Janduni errores reprobandos recurrat sermo.

3. Erravit Joannes Jandunus dicendo Imperatorem succedere Pontifici, & Ecclesiam Sede vacante regere posse.

4. Sacerdotes omnes sive Pontifices, sive Episcopos, sive simplices Sacerdotes ex institutione Christi esse æqualis auctoritatis, & jurisdictionis: quòd autem unus ampliorem alio potestatem habeat, id ab Imperatoris pendere arbitrio, qui ut liberaliter concedit, ita revocare pro libito potest.

5. Ecclesiam nullum hominem punitione coactiva coercere posse, nisi id concesserit Imperator; neque posse excommunicationis, aut interdicti sententiam, absque auctoritate Principis.

6. Matrimoniorum humanà dumtaxat, non Divinà lege prohibitorum, dispensationem spectare ad Principem.

7. Legitimare filios, qui non sunt ex legitimo Matrimonio nati, eosque habilitare ad officia, & beneficia Ecclesiastica, unius esse Principis, penes quos constituere auctoritatem judicandi de capacitate promovendorum ad sacros Ordines, non verò penes Episcopos. Ad Principem spectare numerum Ecclesiarum, sacrorumque Ministrorum decernere, & beneficia Ecclesiastica conferre, Religiosos Ordines approbare, de rebus temporalibus ad pias causas destinatis disponere, Concilia congregare, ita ut nullam vim habeant, quæ sine illius auctoritate celebrantur: Observantiam decretorum, quæ à Conciliis prodeunt indicere, sicut & Junia, & feriacionem ab operibus decernere, esse solius Principis asserbat. Ex quibus constat, quòd totius regiminis Ecclesiastici caput solum Principem, non verò Romanum Pontificem agnosceret. R. Ex sacra Scriptura, ubi legitur quòd soli Petro, ejusque suc-

ces

cessoribus Christus Ecclesie regimen commisit, quandoquidem D. Petro, non verò Imperatori, aut seculi Principibus dixit Jesus: *Tibi tradidi claves, quodcumque solveris, & ligaveris in terris, eris ligatus, & solutus in calis*. Vide, quæ dicta sunt verbo *Apologetici, Arnulphus, Beguini, Confessio-Augustana, Guillelmus Ochamus, Joannes Westphalus, Hufia, Jacobus Propositi*. Contrà quos ostendimus Papam esse Christi Vicarium, esse Caput Ecclesie jure Divino: Non esse subditum Imperatori: esse totius Ecclesie Primatem; nec Episcopos habere parem auctoritatem cum Pontifice: imò Principem laicum nullum habere jus ad judicandum de rebus fidei. Facili quidem negotio deduci potest ex Scriptura Ecclesiasticos Præsules posse causas seculares discutere, secus verò posse Principes seculi super Ecclesiastica jura judicium proferre; audiatur Apostolus 1. ad Corinth. 6. quid de hujusmodi sentiat: *Secularia judicia si habueritis: contemptibiles, qui sunt in Ecclesia, illos constituite ad judicandum. Ad verendum vestram dico. Sic non est inter vos sapiens quisquam, qui possit judicare inter fratrem suum?* Satis manifestè constat ex præfatis verbis Apostolum asserere, Ecclesiam Christi habere jus, & auctoritatem in res seculares, & politicas, quandoquidem præcipit constitui iudices, qui causas seculares expediant; quæ lex ab initio Ecclesie ita invaluit, ut omnes ferè Episcopi quascumque causas seculares suo jure deciderent: nemo enim vel leviter in Ecclesiasticis variatus historiis, negaverit sanctiores Episcopos iudicis munere simul, & semel perfunctos fuisse, sicut constat de S. Basilio Gregorio Thaumaturgo, teste Niseno in ejus vitâ. De S. Ambrosio, ut colligitur ex libro officiorum cap. 29. De S. Augustino, ut patet de opere Monachorum cap. 26. aliisque quamplurimis Episcopis. Proculdubio in primitivâ Ecclesia, causarum etiam secularium judicium commissum fuisse Ecclesiasticis viris, patet ex S. Clemente lib. 2. constit. cap. 29. 50. Idem etiam colligitur ex epistola primâ ad Ja-

cobum fratrem Domini, ubi legitur: *Si qui fratres habent negotia inter se, apud cognitores seculi ne judicentur, sed apud Presbyteros Ecclesie quidquid est illud dirimatur, & omnimodo obediant statutis eorum*, quod postea lege Cæsareâ etiam roboratum fuit, quæ extat quæst. 1. can. *Quicumque litem habens, sive peior fuerit, vel initio litis, vel diversis temporum curriculum, sive cum negotium peroratur, sive cum jam caperis promi sententia, si judicium elegeris sacrosancta Sedes Antistitis, illic sine aliqua dubitatione, etiam si alia pars refragetur, ad Episcoporum judicium cum sermone litigantium dirigatur*. Legant hæc, & intelligant, legant & confundantur, qui non modò S. Sedis judicio se submittere recusant, sed jam penè omnem auctoritatem judicandi ab eadem contendunt excludere; confundantur illi, qui Ecclesiasticas causas ad secularia tribunaia audent revocare, impium utique facinus, à quo non modò Catholici, sed etiam hæretici, & Reges abhorruerunt. Legimus piissimum Constantinum Imperatorem, in Religionis causâ à Donatistis arbitrum electum, recusasse judicium proferre in causâ, cuius discussionem ad solam Ecclesiam spectare, spectatissimum habuit. Sed quid Christianorum Regum exempla proferre juvat, cum ipsorummet Gentilium Principum, veritas hæc comprobetur testimonio. Aurelianus Imperator, licet Gentilis in quadam controversia circa Samosatenum Episcopum exortâ, rescriptis ad Romani Patriarchæ judicium recurrendum fore, ipsiusque judicio omnino acquiescendum. Rex Theodoricus Arianus, calumnias contra Symmacum Pontificem à male volis contextas, & ad eundem Theodoricum delatas, protinus Episcoporum ex mini, cognitioni, atque judicio remisit, dato illo adeò celebri, & memorabili responso calumniatoribus: *Nihil ad se de Ecclesiasticis negotiis, præter reverentiam pertinere*. Ex quibus evincitur, quam iuste Principes seculi sibi judicium circa Ecclesiasticas causas usurpare contenderent.

8. Ad Imperatorem spectare Pontifices

fices instituire, deturbare, ac punire. R. verbo *Anabusus*.

9 Ecclesiam bona temporalis possidere non posse. R. verbo *Joannes Wicleffus*. Hos omnes errores doctæ refellit Alexander de Sancto Elpidio Archiepiscopus Ravennatensis libro inscripto *de Jurisdictione Imperii, & Auctoritate Summi Pontificis*. Item Pelagius Alvarus Episcopus Silvensis in opere inscripto *de Planctu Ecclesiæ*. Et Petrus de Palude Ordinis Prædicatorum.

10. Dixit: Sanctum Petrum non plus auctoritatis, quam reliquos Apostolos accepisse. Ex quo inferre videtur, omnes Episcopos cum Romano Pontifice esse pares in jurisdictione, & omnes immediatè à Deo suam jurisdictionem accipere. R. Ostendendo, quòd licet Episcopi sint successores Apostolorum, & Apostoli acceperint immediatè suam jurisdictionem à Christo, nihilominus Episcopos non habere parem auctoritatem cum Pontifice, imò accipere à Pontifice suam jurisdictionem; pro cujus rei intelligentia: sciendum est Apostolos, uno excepto Petro, cui totius gregis fuit cura commissa, assumptos fuisse in partem Apostolici ministerii, non verò in plenitudinem; neque enim alicui præter Petrum dictum est *Pasce oves meas*, quod jam supra tetigimus. Habent ergo Episcopi omnes successionem suam ab Apostolis; sicut à Petro Pontifex Romanus, siquidem iste in plenitudinem ministerii Petro succedit, alii in partem assumuntur, sicut Apostoli à Christo. Est tamen magna diversitas in modo succedendi. Nam successio in eadem Cathedra, non pertinet ad veritatem successionis in cæteris Episcopis, præter Romanum, sed tantum successio in ordinatione, quatenus semper Episcopi ab aliis Episcopis ordinandi sunt. Hæc successio pertinet ad veram permanentiam Ecclesiæ, consequenter jurisdictio Episcoporum, quam determinatè unusquisque exercet in particulari ditione, non pertinet ad veritatem Ecclesiæ, quia sive talis jurisdictio mutetur, sive omnino deficiat, eadem Catholica Ecclesia semper manet:

undè multæ Sedes Episcopales defecerunt, aliæ ingentes habuerunt mutationes tam graduum Episcopatum, tum territorii, sive Diocæsis. Indè fit, quod omnium Episcoporum jurisdictio à Romanà Sede immediatè dependet, juxta ipsam Divinam constitutionem Ecclesiæ; & Romanus Pontifex collatè sibi auctoritate, & potestate Sedes Episcopales multoties divisit, univit, ac denuò erexit multoties etiam prout urgebat necessitas, pro meliori bono Ecclesiæ, aliquorum Episcoporum (aut exigente eorum culpa) jurisdictionem, vel ad tempus, vel etiam in perpetuum suspendit. Propterea D. Bernardus epistolâ 238. ad Eugenium sic scribit: *Peremptoriam dare sententiam ad depositionem Episcoporum solius Romani Pontificis noscitur esse*. Ex quo infertur Episcopos suam jurisdictionem habere à Papa, ille siquidem solus potest deponere, id est jurisdictionem suspendere, qui potest conferre, & si Episcopi non acciperent suam jurisdictionem à Papa, neque Papa posset illam, aut ad tempus, vel in perpetuum suspendere; estò autem Episcopos habere immediatè suam jurisdictionem à Christo, qui constituit, & voluit Episcopos esse in Ecclesiâ suâ, exercitium tamen jurisdictionis voluit Episcopos habere immediatè à Pontifice.

XVI. JOANNES KALIXIUS, natione Scotus, Presbyter, & à Religione apostata, quem Scotorum Apostolum Beza in suis Iconibus nuncupat, moribus turpissimus, libidinosa vitâ abominabilis, necromantiz deditus, fugâ sibi consulit, ut pœnas suis sceleribus debitas evaderet, primò in Angliam, deindè Genevam ad Calixtam Calvinum se conferens, à quo in impietate instructus patriam repetit, eoque hortatore plura Tempia, & Monasteria diruta fuerunt à seditiosis Protestantibus, quibus se junxerat, sacra conculcata, imagines confractæ, bona Ecclesiastica expilata, Monachi in exilium relegati, Episcopi ejecti. Plura scripsit impudenti calamo, quæ à Rege Jacobo prohibita fuerunt. Ex Spondan. ann. 1559.

XVI. JOANNES à LASCHO, nobilis Polonus,

lonus, cum plures Ecclesiasticas dignitates obtinisset, ad Lutheranos declinans, postmodum propter animi sui levitatem Sacramentariis Zuinglianis se adjunxit. Duodecim erroneas explicationes professens super verba consecrationis; omnino etiam Baptismum rejiciens, quem in Idololatriam conversum fuisse effutiebatur; Tam à Catholicis, quàm ab Hæreticis reprobatus fuit ejus sensus. In Anglia Ecclesie peregrinorum diù præsidens, sub Rege Eduardo, sacrilegas nuptias contraxit. Regnante Maria Regina, Angliæ pulsus, diversis peragratiss Provincis, ubique ob suam hæresim ejectus, demùm Francofordiæ receptus, postmodum in patria moritur, ætatis suæ anno 61. qui Joannis à Lascho sententiam secuti sunt circa Sacramentum Eucharistiæ, dicti fuerunt *Laschani*. Vide Spondan. ann. 1536.

XVI. JOANNES DE LEIDEM, & JOANNES MATTHIÆ. Joannes Boccoldus Sartor, seu farnator Leidenis in civitate Monasteriensis Westfaliz Metropoli, successit Joanni Matthiæ, qui Anabaptistarum regnum in dicta civitate erigere nissus est anno 1534. in qua cum plures ex civibus Lutheri doctrinam essent amplectati, variè certatum est inter Christianos, & Lutheranos, præcipuo incerto certaminis quodam Sacerdote apostata, nomine Bernardo Rothmanno, villi bus orto natalibus. Furentium Lutheranorum vi cedere coacti Catholici, & ab urbe expulsi, triumphabant Lutherani; cum ipsi, supervenientibus Anabaptistis, quorum caput se constituerat præfatus Joannes Matthiæ, etiam ab urbe fuerunt expulsi. Prophetam se jactabat Joannes Matthiæ, cujus insans faciliè adhærens plebs credula, eodem hortatore seditionem in Magistratum concitavit. Eò res devenit, ut qui rebaptizari renuerent, aut caeci essent, aut in exilium pulsi. Compositus interim ab Anabaptistis liber inscriptus *Restitutionis*, quo significabatur, regnum Christi futurum esse electorum triumphum in hoc mundo, omnino deletis impiis: in libro præfato sequentes continebantur errores:

1. Licere plebi Magistratum abrogare.

2. Ecclesie Ministros vi armorum debere novam constituere rempublicam.

3. Neminem, qui non sentiret cum Anabaptistis, tolerandum esse in Ecclesia.

4. Matrimonium eorum, qui non adhærebant Anabaptistis, esse adulterium.

5. Pontificem Romanum, & Lutherum esse falsos Prophetas; sed posteriorem primo deteriorem. Sic debacchantibus in urbe Monasteriensis Anabaptistis, Regem proclamavit Joannem Matthiæ, qui exercitu comparato, in conspectu quem habuit cum Catholicis urbem obsidentibus, Duce legitimo urbis Principe, & Episcopo Francisco ex Nobilissima Valdecensium familia, interemptus fuit; quo extincto statim Rex proclamatus fuit ab Anabaptistis Joannes de Leidem, assumpto titulo *Rex iustitia hujus mundi*, qui suum imperium per totum orbem dilatandum jactabat: indito etiam novo nomine *Sion*, & *Jerusalem* urbi Monasteriensis, in qua Regni thronum erexerat, & comitatum regium statim explicuit sumptibus Ecclesiarum, quas devastavit, spoliavit, omnibus abdicatis Magistratibus, sibi arrogatis Ecclesie redditibus. Interim in adulterio deprehensus, ad suam turpitudinem velandam, legem tulit de polygamia; quam reprobavimus verbo *Bernardinus Ochimus*. Quicumque legem de polygamia amplecti renuerunt, misere Joannis Sartoris iussu fuerunt cruciati: Ipse verò, ut cæteris exemplum præberet, sexdecim uxores duxit. Ad magnam cenam suis invitatis proceribus, eadem completè, ausus est frustulum panis omnibus distribuere discumbentibus, dicens: *Accipite & comedite, & mortem Domini annuntiate*: (formâ nimirum hæc est cenæ Calvinianæ) similiter primaria ex ejus uxoris accepto poculo distribuit, dicens: *Bibite, & mortem Domini annuntiate*. Omnibus pro Anabaptistica sectâ sustinendâ se paratos professentibus, viginti octo electi fuerunt, qui eandem per univ. orbem propagarent, data eis à Rege potestate patrandi signa, & pro-

prodigia: sed Pseudo-Apostoli, quasi omnes capti, dignas impietatis suæ poenās dederunt, nec paulò post iterùm ab Episcopo, obfessa urbe, & ad obedientiam redacta, captus est Rex, cum suis proceribus, qui diversis suppliciis exagitati, suæ histronicæ scenæ finem fecerunt, quæ omnia refert Spondan. ann. 1534.

JOANNES DE LUGDUNO. Vide *Cathari*.

XVI. JOANNES MARPACHIUS ZWINGLIANUS, libro adversus Martinum Eusegrinum de Miraculis Sanctorum in Papatu; negat Sanctorum animas, permittente Deo, viventibus aliquando apparuisse. R. 1. Regum 28. ubi de apparitione Samuelis post obitum factæ Sauli, cui futura prædixit, dissemitur. Lib. 2. Machab. 15. aliæ apparitiones referuntur. Matth. 17. *Apparuerunt illis Moyses, & Elias cum eo loquentes*; quorum primum defunctum esse constat ex sacra Scripturâ; ergo à fortiori hoc fieri potest in Romanâ Ecclesiâ.

XVI. JOANNES MASSO, primus, qui Parisiis pestilentia Cathedram erexit, etiam primus ibidem Ecclesiæ Calvinianæ pastor constituitur. Ab hoc hæretico, patriâ Andegavense, concives sui Calvinianum venenum hauserunt. Morte improvisa correptus fuit ætatis suæ an. 39. Ex Spondan. anno 1555.

XIV. JOANNES DE MERCURIA. Parisiis anno 1347. damnati sunt per Episcopum, & Magistros in Theologia plurimi articuli, propositi à Joanne de Mercuria, concernentes volutionem, & voluntatem Christi, & causam peccatorum, quorum alii habiti sunt erronei, alii suspecti, aut male sonantes in fide. Ex Spondan. anno 1343.

XVI. JOANNES MONCHMONTUS Calvinista, Dialogo tertio, sic scribit: Nemo, quantumvis perfectus, præstare potest, quod lex jubet. R. Verbo *Manicheisti novissimi*. Dialogo sexto sui Catholici, orationes nostras inutiles esse ad obtinendum à Deo, quod petimus, asserit. Repr. verbo *Celestius*, contra quem actum de utilitate orationis, per quam Deus orantes exaudit, ut commendant sacræ paginæ. Exod. 17. 1. Reg.

Tom. I.

lib. 12. vers. 18. *Et clamavit Samuel ad Dominum, & dedit Dominus voces, & pluvias in die illa*. Item 4. Reg. 20. Ezech. 1. 8. Psalm. 49. 119. Ecclesi. 35. Matth. 6. 7. Joan. 14. & alibi, nos docent sacræ paginæ Deum exaudire preces: quòd si aliquandò non exaudire videtur, hoc facit misericors Deus, quia sæpè non expedire novit ad salutem nostram, quæ petimus.

XV. JOANNES OLDECHASTELIUS, natione Anglus, de loco Cobham, rebus bellicis conspicuus, sed labe Wicleffistarum corruptus, ad fores Ecclesiæ Civitatis Londinensis affigere non dubitavit, se habere centum millia hominum paratos adversus eos, qui ipsorum sectæ adversarentur. Interim captus, & ab Episcopo Londinensi de hæresi convictus, brachio seculari traditur; è carcere ope fautorum suorum aufugit, & ita evasit, ut non nisi post aliquot annos repperitus, & captus, suspensus, & combustus fuerit an. 1413. (quæ refert Spond.) cum se jactaret tertia die resurrecturum. Ejus errores, de quibus convictus fuit in Concilio Constantiensi, ad quod fuit adductus, iidem sunt, quos in Wicleffii schola didicerat, cujus fuit pertinacissimus fautor. Interrogatus quidem à Patribus Concilii quid de Eucharistia sentiret, respondit: Quòd sicut Christus in terris degens habuit in se Divinitatem, & humanitatem, Divinitatem tamen velatam, & invisibilem sub humanitate, quæ in eo aperta, & visibilis fuerat; sic in Sacramento Altaris est verum Corpus, & verus panis, scilicet quem videmus, & Corpus Christi sub eodem velatum, quod non videmus: determinationem verò Ecclesiæ factam circa hoc Sacramentum, esse contra sacram Scripturam. R. Ex communi SS. PP. sententia, qui à tempore institutionis hujus Sacramenti à Christo factæ, usque ad nostram ætatem, semper cum universa Ecclesiâ Catholica professi sunt, fieri in consecratione transubstantiationem, ita ut nullatenus remaneat substantia panis, sed solæ species; sub speciebus verò designat esse panis, & adducatur vera substan-

Z 2

stan-

stanti; Corporis Christi. Insuper transubstantiatio probatur ex verbo Dei, nam si non fieret transubstantiatio, illa propositio: *Hoc est Corpus meum* esset falsa: si enim remaneret substantia panis, idem esset ac dicere, quod panis esset Corpus Christi; hoc autem patet esse falsum. Tum quia Christus numquam dixit præcisè: *Ego sum panis*, sed semper dixit, *vel sum panis vivus, vel sum panis vitæ*; ut nos doceret in pane Eucharistico esse verum Corpus suum, quod verè est panis vitæ, panis vivus, panis reficiens animam, quod dici non potest de pane usuali; ex quo inferitur verè fieri transubstantiationem, de qua fusè agunt Theologi, solventes hæreticorum instantias. Vide quæ dicta sunt verbo *Berengarius*. Ex dictis etiam inferitur, determinationem de transubstantiatione non esse factam contrà sacram Scripturam, neque inventam esse, ex quo data est Ecclesiæ; cum SS. PP. primi, secundi, & tertii seculi hanc veritatem transubstantiationis nobis in operibus suis disertis verbis testatam reliquerint. Videatur pro primo seculo S. Dionysius Apostolorum Coævus, lib. de Hierarchia. S. Ignatius Martyr epist. ad Smirnenfes. S. Andreas Apostolus in responsione ab ipso data *Alexandro Tyranno*. Sanctus Martialis epist. ad Burdegalem. cap. 3. S. Clemens Papa lib. 6. Constit. Apostolic. cap. 23. Qui omnes unanimiter transubstantiationis veritatem proclamant. Quos secuti sunt seculo secundo S. Alexander Papa, epist. ad Universi. S. Justinus Martyr in apologia 2. ad Antoninum Imperatorem. S. Irenæus lib. 4. cap. 34. Tertullianus. contra Marcionem. Patres 2. seculi secuti sunt Patres 3. seculi, in asserenda veritate transubstantiationis Eucharisticæ: Clemens Alexandrinus lib. 1. & lib. 4. Stromatum. Origenes contrà Celsum, & sæpè suis in operibus. Sanctus Hippolytus Episcopus, & Martyr in oratione de consumatione mundi. S. Cyprianus, sermone de Cæna Domini. S. Dionysius Alexandrinus epist. 5. de Baptismo ad Sixtum Romanum Pontificem. Quæ testimonia sufficiant ad con-

vincendos hæreticos, qui sententiam de transubstantiatione solum à tempore S. Silvestri invaluisse in Ecclesiâ efficiunt; cum tamen à tempore institutionis hujus Sacramenti à Christo institutore factæ, Apostolis, ab Apostolis eorum successoribus, & sic deinceps universæ Ecclesiæ, hæc veritas de transubstantiatione fuerit manifesta, & in toto orbe Catholico accepta.

2. De Sacramento Pœnitentiæ Interrogatus, sentiebat, quod si quis esset gravis peccati reus, expediret, & bonum esset aliquem sanctum, & discretum Sacerdotem adire pro consilio ab eo habendo, sed confiteri peccatum suum proprio Parocho, seu alteri Presbytero, etiam si haberet copiam ejusdem, non esse necessarium ad salutem, quia sola contritio peccatum hujusmodi delere posset, & per hanc ipsum peccatorem purgari. R. verbo *Adalbertus*, & *Jacobita*, contrà quos probatur necessitas Sacramenti Pœnitentiæ pro illis, qui sunt lethaliter lapsi; cum enim difficile sit verum ædum perfectæ contritionis elicere, misericors Dominus Sacramentum absolutionis instituit, per quod peccator de attrito factus contritus, facilius possit per semitam salutis incedere.

3. Solum Christi Corpus, quod in Cruce pependit, non verò Crucem debere adorari. R. verbo *Claudius Taurin.*

4. Romanum Pontificem dixit esse caput Antichristi, Archiepiscopos, Episcopos, aliosque viros religiosos ejus membra. Repr. verbo *Blondista*, & *Bartholomæus Janovensis*.

5. Papæ, Episcopis, & Superioribus obediendum non esse, nisi quatenus fuerint imitatores Christi in vita, moribus, & conversatione. R. verbo *Arnulphus*, *Gerbertus*. Sed manifestè convincitur ex illo D. Pauli: *Obedite Superioribus vestris, etiam discipulis*. Quare Christus sciens futuros Superiores, qui à rectoribus moribus declinassent, volens nihilominus à subditis præstari obedientiam, monuit ut faceremus quæ dixerint, non autem secundum eorum opera.

XVI. JOANNES ÆCOLAMPADIUS, natione

tionem Germanus, Winspergæ oppidulo Cherusiorum ortum duxit anno 1482. statum Ecclesiasticum amplexatus, & ad Presbyteratum promotus, apostata factus, Zuinglii opinionem contrâ realitatem Corporis Christi in Eucharistia publice docuit. Basileæ Minister constitutus, tractatum edidit inscriptum de genuinâ expositione verborum Domini: *Hoc est Corpus meum*, idest figura, signum, typus, symbolum: contrâ quem disputavit in Baden, atque confutavit doctissimus Echius; & propè eadem tempora, cum Basileæ alteram iniisset disputationem cum Anabaptistis, à suis adversariis, licet hæreticis irrisus fuit: quem etiam valde exagitavit Lutherus, & verbis, & scriptis. Tandem Basileæ extinctus in lecto à præterita muliere, vel ut alii dicunt à dæmone suffocatus inventus est anno 1537. ætatis suæ 49. Basileenses cives eidem tumulum elevarunt in templo cum hoc Epitaphio: *D. Joannes Eccolampadius, professione Theologus, trium linguarum peritissimus, Auctor Evangelica doctrina in hac urbe primus, & templi hujus verus Episcopus.* Ex Florimondo de origine hæres. lib. 2. cap. 8.

1. Sub speciebus Eucharisticis non continetur Corpus Christi. Repr. verbo *Oldecbastelius, Wicleffus, & Berengarius.*

2. Eucharistiam non esse adorandam, & illam adorare esse Idololatriam. Repr. verbo *Beguardi.*

3. Sancti non sunt adorandi, nec orandi. R. verbo *Beza.*

4. Hominem non esse liberi arbitrii, neque liberum arbitrium agere, sed patis quasi Stoicam coactionem, & necessitatem admittens in omni actione humana. R. verbo *Jacobus Prappositi.* Verbo *Naræzanes.* Item hominem esse liberi arbitrii definitum est in variis Conciliis. Bracharensi anno 563. sub Joanne III. Moguntino IV. canone 2. Triuent. sess. 6. can. 5. & 6. Tum quia homo potest eligere, electio autem non est, nisi ubi est liberum arbitrium. Quod homo possit eligere, patet ex illo Psalm. 118. Quo-

niam mandata tua elegi. Item homo potest velle, & nolle juxta illud Isaïæ cap. 1. vers. 19. & 20. posse autem velle, & nolle est solius humanæ libertatis. Item homo in rebus arduis quærit consilium, quod esset superfluum, si non esset liberi arbitrii, ut sequi valeat consilium, quod quærit. In homine autem esse libertatem, nedum à coactione, sed etiam à necessitate, constat ex lib. Genes. cap. 4. vers. 6. & 7. *Ubi Deus Cainum alloquens sic ait: Quare iratus es? & cur conceidit facies tua? Nonne si bene egeris recipies: sin autem malè, statim in foribus peccatum aderit? sed sub te erit appetitus ejus, & tu dominaberis illius.*

5. Bellum nullatèndum est gerendum. R. ex sac. Script. Judic. 3. *He sunt gentes quas Dominus dereliquit, ut erudiret in eis Israel, & omnes qui non noverant bella Chananeorum, & postea discerent filii eorum certare cum hostibus, & habere consuetudinem praeliandi.* Item R. exemplo sanctorum virorum, qui tam in veteri, quàm in novo testamento bella gesserunt. Insuper Deus justa bella adjuvat, ut colligitur ex sac. Script. præcipuè Genes. 14. Quod etiam constat ex historiis Ecclesiasticis. Demùm, licet unicuique defendere quod suum est, cum verùm Principes nonnisi per bella, ut plurimùm possint sua jura tutari, sequitur posse bellum committere. Neque valet ratio Lutheri, quod cum voluntas Dei sit, quod Turcæ perturbent Christianos, contrâ ipsos bella committere, sit facere contrâ Dei voluntatem. Christiani siquidem præliantes contrâ Turcas, non resistent voluntati Divinæ. Nam ideo quia bellum Turcæ est flagellum Dei, pugnando contra Turcas pro Dei amore, & fidei dilata-tione, possumus hoc flagellum avertere. Sed argumentum Lutheri nimis probat; probat enim, quod quando tribulamur, non debemus ponere media, ut Deus avertat tribulationem, cum ceterum omnis tribulatio sit à Divinâ voluntate. De bello, quod legitime committitur contrâ Infideles, disserit S. Bernard. in exhortatione ad Milites Templi, cap. 3.

XV. JOANNES PARVUS, (cujus vitam perstringit, Spind. ann. 1411.) Doctor Theologus, in universitate Parisiensi celeberrimus, causam Universitatis agens in dissensionibus tunc temporis exortis inter Regnum Galliarum, & Benedictum Pontificem, subtractionem obedientiarum fieri petiit. Ceterum fuit homo sua scientiâ inflatus, ventosus, venalis, assentationibusque serviens, qui proinde in causâ necis illatæ fratri Caroli Francorum Regis à Duce Burgundo, octo veritatibus (ut ipse dicebat) probare, studuit, fas esse, ac meritum cuilibet homini privato, propria auctoritate Tyrannum opprimere; qualem fuisse probabat Regis Caroli fratrem à Burgundo occisum; addens insuper, non potuisse Burgundum occisorem absque peccato gravissimo hoc facinus non perpetrare; quæ propositio utpotè ab omni Christianâ Theologiâ aliena, reprobata fuit à Concilio Constantiensi, sess. 15. Obiit Pseudo-Theologus meritò nuncupandus Hedini ditionis Burgundi anno 1411. Interim mortuo Joanne Parvo, nec amplius prævalente Burgundi præpotentiâ, octo articuli ex Joannis Parvi libello excerpti, tamquam erronei in fide, & moribus condemnati fuerunt ab Inquisitore Joanne Poletto Ordinis Prædicatorum; coadmnationem approbante ipsa universitate Parisiensi, cujus Cancellarius erat tunc temporis Joannes Gerson: quo præcipue procurante, articuli Joannis Parvi in atrio Ecclesiæ Parisiensis cremati fuerunt, qui omnes colimant ad ostendendum quemlibet Tyrannum licitè à quocumque suo vassallo, aut subdito, & per quemcumque modum, maxime per insidias, & blanditias; non obstante quocumque juramento, aut consæderatione, non expectatâ sententiâ, aut mandato jussumque Judicis, posse, & debere occidi. Reprob. hujusmodi articuli à Concilio Constantiensi, sess. 15. ab Inquisitore, & ab universitate Parisiensi damnati; quippe qui esse perhibentur contrâ regulam juris; nemo enim debet, quantumcumque reus cõgnitus, inauditus damnari, & puniri.

Sequitur etiam ex positis articulis quemcumque subditum, prætextu suppositæ tyrannidis, posse impunè grassari in Dominum suum; pluraque alia absurda contrâ iustitiam, contrâ charitatem, & contrâ veram politiam ex præfatis assertionibus sequuntur, ut levitèr consideranti patet. In eadem sententiâ erronea Joannis Parvi fuit etiam Joannes Petii Normannus Laicus homo, & venalis Joanni Parvo. Ut tam horridæque propositionis insubsistentia, cuicumque vel à minimo crepusculo rationalis lucis obornato fiat obvia, hinc eandem ex professo breviter reprobam exhibere opportunum censui; quamvis ex hoc statim explosa omnibus innotescat, quòd ejusdem diabolicæ sententiæ sola prolatio omnibus non modo piis, sed & perversis auribus horrorem incutiat, orbe universo detestante eorum audaciam, qui diabolicam hanc sententiam temerario ausu scriptis suis refricatam disseminare non erubuerunt; ab omnibus qui humani capaces sunt sensus non sine horrore auditam; utique non nisi à fanaticis credere par est tam impiam asseri, & defendi posse blasphemiam, non modo hæreticam, sed expressè uni ex decem Decalogi præceptis. *Non occides*, oppositam.

Pluribus autem, magnique ponderis S. Scripturæ exemplis evincitur, non licere cuiquam contra proximi sui vitam conspirare, eamque vel solo momento abbreviare; quâ de re manifestum exhibetur exemplum cap. 1. lib. 2. Regum, ubi legitur Davidem præcepisse occidi Juvenem Amalecitem, à quo Saul super Montem Gelboe fuerat interemptus. Incumbebat Saul super Aftam suam, currus appropinquabant, quibus pretereuntibus horribiliorem viræ suæ exitum erat subiturus, sub eorum pondere jam propè dilaniandus; tenebant eum mortis angustiarum; vivere jam non poterat post ruinam; Saul ipse Amalecitem rogaverat: *Sta super me, & interfice me*: rogatus Amalecites, ut rogantem excimeret ab ulterioribus mortis, jam propè imminentis angustias, Saulem interfecit, qui

tyran-

tyrannicè persequeretur Davidem, nihilominus David Amalecitem increpatus est his verbis: *Quare non tenuisti mittere manum tuam ut occideres Christum Domini?* Iussitque David Amalecitem interficere dicens: *Sanguis tuus super caput tuum, & enim tuum locutum est adversum te dicens: ego interfici Christum Domini.* Increpantur, & iussè ab universò cœtu sanè, umaniter, civiliter, catoliceque sentientium, quotquot aucti sunt scriptis suis tam iniquam refricare sententiam: calamus enim eorum scriptis adversus eos, cum scribere aucti sunt: *licet cuique occidere Tyrannum*: Nemini privato permissum esse quemquam occidere licet Tyrannum, & vincitur etiam ex lib. Judicum c. 3. in quò legitur contra Eglon quantumvis Tyrannum neminem per 18. annorum cursum, ausum extendere manum suam, usquedum suscitavit Deus Aod, qui nonnisi Divinà auctoritate fretus, Deoque præcipiente occidit Eglon, sub cujus tyrannide Israelitæ gemeabant.

Veritas est Divina revelata, nemini licere ex auctoritate privatà occidere quemquam, quæ hoc irrefragabili probatur argumento: nemini licet occidere se ipsum, quantumvis se inter omnes homines crederet pessimum, ergo à fortiori nemini licet occidere aliam, etiam si certo sciret esse tyrannum: antecedens est evidens ex sacris paginis: nemo est Dominus vitæ suæ, ergo à fortiori evidenter est consequentia. Ille enim solus potest occidere, qui est Dominus vitæ, & mortis: sed solus Deus est Dominus vitæ, & mortis cuiuscumque hominis, & cum dominium vitæ, & mortis, pro bono regimine mundi, pro servandâ iustitiâ, pro tuenda societate umanâ, pro evitandis flagitiis, Deus contulerit his, qui publicâ auctoritate sunt freti, consequenter illis tantum, qui publicâ auctoritate pollent, quales sunt Reges in suo Regno, Dynastæ in Republicâ, permissum est iudicium ferre inter homines vitæ, aut mortis: quodcumque agitur pro bono publico de iustitiâ tuendâ.

Erreticalem hanc propositionem, *licet occidere Tyrannum* à Concilio Constan-

tienfi sess. 15. jam proscriptam, iterum amplexati sunt Lutherus, Calvinus eorumdemquæ sectatores, hoc solo duci motivo, ut per hanc erroneam doctrinam confunderent, si potuissent, omnem hierarchicum ordinem cuiuscumque Reipublicæ, aut Monarchiæ, omnemque facultatem legislativam: seque se suosque sectatores ab omni iurisdictione immunes redere, & totum prædominium concederent sacrilegæ libertati passionum suarum, à quibus obocæati universo mundo ducatum præbere, prout ipsis benè visum fuisset, contendebant; & tamquam universi orbis novi legislatores, & reformatores estimari ambientes, de unoquoque eorum omni jure dici poterat, quemadmodum, & dici debet de omnibus sacrilegam præfatam propositionem propagare, & sustinere verbo, & scripto conantibus. *Superbia eorum ascendit semper*: Qui huiusmodi sunt furfuris, suis privatis doctrinis, non bonum publicum, sed privatum commodum unice respiciunt, neque aliud intendunt, quàm super aliorum ruinas extolere edificium suum, quapropter nulli melius quam ipsis Tyranni nomen consonat, siquidem evidenter cognoscitur ex eorum actis dispositicem supra omnes gentes, & regna ambire dominium, quæ diabolica ambitio genuinus est Tyrannorum character.

Regnum omnesque Respublicæ aliud non sunt quam legitima potestas naturalibus, & civilibus circumvalata legibus, pacificè administrata in orbe à Principibus constitutis à Deo super gentes: nullus homo privatus jus habet iudicandi de possessione, quam exercet sua inditione Princeps, neque sub quocumque prætextu jus habet privatus homo inferendi quamcumque minimam molestiam Principi in his quæ ad tranquillam possessionem sui principatus spectant, & exercitium suæ potestatis, etiam si Princeps Tyrannicè principaret: hæc est doctrina Magni Basilii in principio proverbiorum Principum enim iudicium sibi soli Deus reservavit, utpotè supremus Dominus vitæ omnium viventium. Potest quidem Pri-

Prin-

Princeps, tamquam vices Dei gerens, ad communis boni incrementum a subito delinquente vitam eripere, in quò cisu, ut ait S. Augustinus: *Non ipse occidit qui ministerium debet jubenti, sed sicut adminiculum gladius est utenti*. S. Auz. lib. 1. de Civ. Dei cap. 21. Videatur etiam S. Thomas 2. 2. quæst. 54. Vita est donum divinitus datum, solusque Deus potest eripere aut per se ipsum, aut media auctoritate collatâ Regibus: privatus homo hac auctoritate nullatenus potest contra quemcumque criminofum, etiam si ageretur de Tyranno, ergo nullatenus privatus homo propriâ auctoritate potest alium occidere. Vide verbo *Ferquardus* ubi probatum est populum non habere auctoritatem deturbandi Regem à folio: demum in Conc. Tolet. 4. Can. 27. declaratur juramentum fidelitatis factum ergâ Principes esse inviolabiliter observandum.

XIV. JOANNES PARISIENSIS, Regularis, subtilis homo, & expertus in multis scientiis, Regens in Theologia; quamdam novam de corpore Christi in Sacramento Altaris positionem proponens, à Guillelmo Episcopo Parisiensi, & Magistris in Theologia pluries auditus, demùm ab Ægidio Archiepiscopo Bituricensi, Guillelmo Episcopo Ambianensi, & Magistris Theologiæ diligentius examinatâ ejus positione, prohibitus est amplius legere, & disputare Parisiis; qui ad Curiam Romanam appellans, & accedens, ibi hominem exiit. Meminerunt ejusdem Joannis cum laude Trithemius, Bellarminus, absque ulla notâ erroris; nisi quòd Bellarminus observat eum in tractatu, quem scripsit de potestate Regiâ, & Papali, tempore discordiarum Bonifacii VIII. & Philippi Pulchri, visum esse propensorem ergâ Regem. Invenimus autem in quodam opusculo Joannis Brehalli Ordinis Prædicatorum, de auctoritate audiendi Confessiones, eundem Joannem Parisiensem cognomine fuisse *Pungentis Asinum*, cujus cognominis cum rationem non ponat, licet conjectari fuisse eum vehementem in disputationibus suis, & rixosum. Ex Spondan. ann. 1304.

XIII. JOANNES PARMENSIS. Alexander Quartus Summus Pontifex an. 1258. flammis addixit librum, cui titulus *Evangelii æterni*, cujus libri auctor censetur Joannes patriâ Parmensis, an Sacerdos secularis, vel Minorita, incertum. Errores, qui in præfato libro continebantur num. 27. ab Alexandro damnati, quos Joannes Parmensis suis concionibus, & disputationibus promulgabat, sumpti dicebantur ex scriptis Abbatiss Joachimi, de quo suo loco agemus. Vide Spondan. ad ann. 1258. potiores ex præfatis erroribus sunt

1. Statum gratiæ non à lege Evangelii, sed à lege spiritus procedere, & Christi Evangelium, ac doctrinam novi testamenti, neminem ad perfectionem adduxisse. R. Nam lex Evangelica vocatur lex gratiæ, in cujus observantia, qui vivunt, infallibiliter gratiam consequuntur: Lex autem spiritus, idest inspirationes particulares, quas unusquisque experitur in se ipso, sæpè non sunt à bono spiritu, sed à spiritu erroris; ideoque non licet sequi legem spiritus, idest inspirationes particulares, nisi sint omninò conformes legi Evangelicæ. Ex quo manifestè deducitur, quòd qui vult vivere in statu gratiæ, debet legem Evangelicam observare, in cujus observantiâ consistit vera perfectio: ibi enim exhibentur à Christo Legislatore, media aptissima ad acquirendam perfectionem; quapropter juveni perfectionem desideranti, dixit: *Si vis perfectus esse, vende, vende omnia que habes &c.* Tum quia si per observantiam legis spiritus, idest per executionem peculiarum inspirationum acquireretur perfectio, superflua fuisset promulgatio legis Evangelicæ. Hæc dixerim, existimans Parmensem nomine *legis spiritus*, intellexisse privati spiritus motiones; cum tamen motionibus illis, quantumvis bonæ videantur, fidendum non sit, nisi Evangelicæ legis veritate probentur. Propter quod scripsit S. Joannes: *Nolite omni spiritui credere, sed probate spiritum si ex Deo sit*. Si verò Parmensis per legem spiritus illam intelligat, quam oppo-

opponebat Apostolus legi carnis, sive membrorum; aut etiam si intelligat legem, secundum spirituales promissiones, contradiunctam à promissionibus veteris legis: perperam utramque, vel alteram ex istis legibus, ab Evangelii lege distinguit, cuius finis est charitas, & secundum quam spiritu ambulamus. Perficit ergo Evangelium legem rationis, destruit legem carnis, & dirigit ad veram, & beatam vitam. Sed ex sequentibus propositionibus videtur Parmensem habuisse Evangelium pro figura alterius novæ, & futuræ legis; dixit enim.

2. Evangelium evacuandum esse anno 1160. & tunc inchoandum Evangelium æternum, ac legem spiritus. Quod ex dictis satis rejectum est.

3. Neminem idoneum esse ad instruendum alios, nisi qui incederet nudis pedibus. R. Quia Christus summus Magister calceis utebatur, ut colligit S. Augustinus, serm. 101. in Luc. cap. 10. num. 3. ex verbis Evangelii, Luc. 3. vers. 16. *Non sum dignus solvere corrigiam calcamentorum ejus.*

4. Judæos in fine mundi liberandos esse à Deo, etiam in Judaismo manentes. R. Quia unica tantum post Christum esse potest lex vera salutis, scilicet à Christo promulgata: ergo viventes in Judaismo non possunt consequi salutem.

5. Græcos magis ambulare secundum spiritum, quam Latinos, quippe spirituales intelligentiam scripturarum non esse commissam Ecclesiæ Romanæ, sed tantum litteralem. R. Ex iis, quæ dicta sunt contrà *Biblistas*, contrà *Joannem Weissalum*.

6. Spiritum sanctum aliquid recipere ab Ecclesiâ, sicut Christus in quantum homo aliquid accepit à Spiritu sancto. Hæc propositio inepti hominis voces, aut sensus continet, potius quam errorem. Nam Spiritus sanctus recipit quidem ab Ecclesiâ fructus virtutis suæ ex animabus iustis, & Christus in Spiritu sancto operabatur, in quantum homo mirabilia operans; quod significatum est per verba illa: *Si in digito Dei ejicio demonia*. Præfatæ propositionis Parmensis

verba, utique incompta sunt, & sensus obscurus. Has autem, & similes propositiones ineptas, quas evomit, ab operibus Joachimi Abbatis decerpisse effutiebatur: sed falsum est, hujusmodi ineptias in operibus præfati Joachimi contineri, sicut ejus opera percurrenti facile patebit. Adde, quod Joachimus omnia opera sua Ecclesiæ Romanæ judicio submisit: quapropter etiam dato, quod propositiones Joannis Parmensis in operibus prædictis invenirentur, inde nullum prorsus acquirere possunt, vel ab errantis auctoritate subsidium.

XVI. JOANNES PISCATOR, natione Germanus, Theologiam docuit, & commentaria edidit in novum Testamentum; in quo libro circâ Iustitiam, Voluntatem, & Prædeterminationem Divinam, erronea, & sensui Catholico contraria inseruit, Protestantium erroribus adhærens, Strassburgi obiit anno 1546. ex hist. Protestant.

XVI. JOANNES PRÆMONSTRATENSIS, apud Pragam apostatavit à Religione, quam professus fuerat. Eodem Duce hæretici contrâ Consules Pragenses multos fecerunt insultus. Circâ annum 1540. sequentes errores promulgavit.

1. Nullum esse Infernum. R. verbo *Albanenses*.

2. Christum dicendo in Cruce: *Deus, Deus meus* &c. desperasse, idèò condemnatum fuisse in Inferno, non autem de Limbo Patres liberasse. R. hæc scelestissima blasphemia, & quidem illa verba: *Deus, Deus meus, ut quid dereliquisti me?* non fuisse verba desperationis, constat ex omnibus sacræ Scripturæ expositioribus, inter quos S. Bernardus tractatu de Passione Domini, sæpè præfata verba exponit, ad quem lectorem remittimus. Cæterum Christus, cujus voluntas fuit in omnibus semper uniformis voluntati æterni Patris, incapax fuit desperationis. Christus fuit essentialiter sanctus, ergo non potuit verba desperationis proferre, & consequenter non potuit damnari in Inferno; sed cum dicitur, Christum descendisse ad Inferos, designatur Limbus, à quo liberavit illic ex-

stent-

flentes. Veritas constat ex Concil. Tolcano celebrato sub Honorio I. anno 633. *Descendit ad inferos, ut animas, quæ illic detinebantur, erueret; juxta illud Ecclæs. 24. 45. Penetrabo omnes inferiores partes terræ, & inspiciam omnes sperantes in Domino.* Item ad rem legitur illud ad Ephes. c. 4. 9. *Quod autem ascendit, quid est, nisi quia, & descendit. Qui descendit, ipse est, & qui ascendit super omnes calos, ut impleat omnia.* Item ex Epist. 1. D. Petri c. 3. v. 18. *Provisus autem spiritus, in quo, & iis qui in carcere erant, spiritibus veniens prædicavit.* Denum Christum non descendisse ad Infernum damnatorum, sed ad Limbum, ut liberaret illic existentes, constat ex vaticinio Zachariæ cap. 9. *Tu quoque in sanguine testamenti tui emisisti vinulos tuos de lacu, in quo non est aqua.* De Inferno autem damnatorum nemo emittitur, quia in Inferno nulla est redemptio. Christum descendisse ad Infernum, scilicet ad Limbum, & liberasse animas illic existentes, unanimiter proferunt omnes sancti Patres. Vide verbo *Adeccordita, Anichristiani, Bertholdus, Lutherus, Beza, Infernales.*

XIV. JOANNES DE POLIACO, Theologus Parisiensis varios disseminavit errores, circa confessionem Sacramentalem, quos tamen contrariis rationibus convictus revocavit, & Romanus Pontifex Joannes XXII. auctoritate Apostolica damnavit. Ex Spondan. anno 1321.

1. Dixit: Neminem posse confiteri Sacerdoti mendicanti: quod si quis hoc faceret, debere iterum confiteri proprio Parocho.

2. Papam non posse dispensare; quin Parochiani semel in anno confiteantur proprio Parocho; imò neque Deum posse hoc efficere, eo quod hoc contradictionem involvat.

3. Papam, imò neque Deum posse alicui generalem potestatem facere confessionem audiendi. R. hujusmodi propositiones, quia derogant summæ Dei, atque ejus in terris Vicarii potestati. Tum quia certum est, Legislat. r. s. in legibus ab ipsis latis habere auctoritatem dispen-

sandi, laxandi, & restringendi; atque supremum Judicem in Ecclesiâ visibili (sicut in rebus humanis) posse delegare cum-judiciaria potestate.

XVI. JOANNES PFEFFINGERIUS, (de quo Lindanus dubit. Dial. 2.) Minister Lipsensis, docuit hominem naturalibus liberi arbitrii viribus ad gratiam se disponere, ac præparare posse. R. verbo *Pellagius.*

XVI. JOANNES RIVUS, (ex Cocc.) secta Lutheranus, libro de abusibus Ecclesiasticis, negat Mariam unâ cum corpore assumptam esse in Cælum. R. Ab unanimi sanctorum Patrum consensu, qui de Assumptionis Mariæ in corpore ad cælum fuisse disserunt. Expressè vide S. Bern. in serm. de Assumpt.

XV. JOANNES, oriundus ex oppido de Rocefsena dictus propterea Joannes de Rocefsena in ditione Pragensi, ab improbilibus parentibus ortum habuit. Pragæ se contulit, ubi mendicato cibo victitans Grammaticam, & Dialecticam didicit. Jacobelli auditor fuit, deinceps Presbyter ordinatus, concionatoris munus assumpsit. Wicleffi, & Juannis Hus erroribus adhærens, eosdem in urbe Pragensi toto studio diffeminare studuit circa finem seculi decimiquinti. Ex Histor. Wicleffi.

XIV. JOANNES DE RUPESCISSA, natione Gallus, dictus de Rupescissa, sive de Roqueta, professione Minorita, Diæcessis S. Flori in Alvernia, vanè jactans se habere spiritum Prophetiæ, cum in pluribus, quæ prædicabat, mendax inventus fuerit, jussu Innocentii VI. Avenione carceri fuit mancipatus. Diversa prædicebat de duobus Antichristis futuris, de desolatione terrarum, & generali conculcatione Cleri: de Summis Pontificibus futuris: de venturo Angelo Christi Vicario, qui cuncta reformaturus sit, & Judæos, ac Infideles omnes converturus, duraturumque orbem in pace ferè mille annis: pluraque alia tum de cæteris, tum de statu Galliæ, & duratione bellorum ejus scripsit: Quæ cum omnia pura fuerint signa, dictus est communiter

Ha.

Haibalus, seu *Hebteur*, quæ vox in lingua Gallica *Blateronem* sonat. Ex Spond. ann. 1336.

* XV. JOANNES RICHARDUS Lutheri prodromus, ex Vessaliâ superiore oriundus, Theologus Doctor, in universitate Vormatiensi professor, Valdensium, Beguardonum, & Marsilii Paduani erroribus imbutus, eos suis scriptis promulgare sive dessepelire nixus est. Ab eodem Lutherus edoctus, magistri sui impietates sustinere non erubuit. Richardum sua impia asserta revocare publice, & abjurare Germania cœgit: perpetuò carceri per inquisitores fidei condemnatum, ibique mœrore consumptum lætabunda intellexit. Felix Germania, si quemadmodum cum Richardo Magistro, ita & cum Luthero discipulo processisset: eoque in predicationis suæ primordiis condemnato, in carcerem conjecto, statim securi ad radicem missâ tot sequentium scandalorum (fortè etiam, & præsentium erumnarum) amputasset originem: quid enim hisce temporibus videre, imò amarè flere cogitur jam penè desolata Germania, nonnisi quod ubi majorem Luthero exhibuit conniventiam, ibi deteriore à Lutheranis patitur ruinam. Novem recensentur Ereticales articuli à Brucardo promulgati, quibus omnem Ecclesiæ auctoritatem conabatur redigere ad nihilum, quos omnes articulos verbo Calvinus, & Lutherus abundè jam confutatos est invenire: præter quamquod Brucardi articulis semel admissis, statim sit obvium necessariò excludendas ferè omnes traditiones divinas, quarum observantia quàm sit necessaria ad Ecclesiæ regimen, probavimus contra Biblias quia nulla Respublica sine auctoritate condendi novas leges, juxta temporum, & circumstantiarum exigentiam potest subsistere: Quod autem Romanus Pontifex à Christo auctoritatem acceperit condendi leges, & consequenter aliquid addendi circa ea, quæ Christus, & Apostoli docuere. Vide verbo *Marsilius*.

XVI. JOANNES SOMMERUS, Pirnensis, qui in Transylvania lector fuit scholæ
Tom. I.

Claudiopolitanæ: negat Filium Dei, Deum esse. R. verbo *Arius*, *Agelanes*, *Accacius*, *Actius*, *Achillas*. Negat etiam Divinitatem Spiritus sancti. Repr. verbo *Airas*. Negat insuper Spiritum sanctum à Patre, & Filio procedere. R. verbo *Graci*.

XVI. JOANNES SPARGENBERGUS, (de quo disserit Præteolus) natione Germanus, Thuringiæ ortus, Lutheri discipulus anno 1550. decessit. Plures edidit libros. Docuit nihil esse discriminis inter consilia, & mandata. Rep. Nam si nullum esset discrimen, nulli mandato Evangelico teneremur parère, cum liberum sit sequi consilia. Tum quia mandatorum observantiam omnino esse necessariam ad salutem, Christus ipse testatur dicens: *Si vis ad vitam ingredi, serva mandata*; & alibi: *Mandata mea servate*. Quoad consilia verò Evangelica, Paulus Apostolus satis declarat liberum esse eadem sequi; quapropter ad Corinth. scribit: *Si vis nubere, bene facis, si non vis melius facis: hoc dico secundum meum consilium*; ex quo satis constat, quantum sit discrimen inter consilia, quæ non obligant, & mandata, quæ obligant.

1. Bona opera neque meritoria esse, neque necessaria ad salutem. R. verbo *Jacobus Præpositi*, *Confessio Augustana*, & *Antinomi*.

2. Neminem posse justificari, qui se non credat justificatum, nempe nisi habeat fiduciam, quæ credat sibi remitti peccata. R. verbo *Calvinus*.

XIV. JOANNES SANGUINACCUS, excellens medicus, qui nec inspectâ urinâ, nec exploratis brachiorum arteriis, sed solo aspectu vultus, & genus, & tempus, & paroxysmum morborum divinabat, de hæresi accusatus, in Melitam insulam perpetuò relegatus fuit; de quo autem errore fuerit convictus, non constat. Ex Spond. ann. 1316.

XIV. JOANNES SIGNORE (ex Spond. ann. 1381.) de improbâ Wiclefii scellâ, potissimum affirmabat; primò Catholicos debere observare Sabbatum, ut Judæos in veteri lege, & abstinere à carne

A a a por-

porcina . R. verbo *Dositheus, Cerinthus, Apollinaris, & Graci* . Hic opportunè notandum , tot fuisse venenosa hydræ Wiclefistice capita , ut penè innumera- bilia visa sint illis , qui aliquando numeri posse existimaverant : Interim cum non auderent Wiclefistæ palam sua vene- na spargere metu pœnarum , anno ante- cedenti , scilicet 1401. in eos promul- gatarum , occultè nihilominus sequentes docebant errores :

1. Sacramenta Ecclesiæ non esse nisi signa mortua , nullius valoris in formâ , quâ conferantur ab Ecclesiâ . R. verbo *Armeui* .

2. Virginitatem , & Presbyteratum non esse status approbatos à Deo , sed conjugium ; quapropter quicumque vel- lenter salvari , debere conjugari , vel sal- tem esse in ea voluntate , aliàs esse homi- cidas , & destruere numerum salvan- dorum , ac damnandorum . R. à D. Pau- lo ad Corinth. ubi disertis verbis com- mendat statum virginitatis , de quâ Chris- tus ipse : *Sunt , qui se castraverunt propter Regnum celorum* ; dorum utique verbum Judæis , qui erant carnales , idcò statim subjunxit : *qui potest capere capiat* . Item virginitatis statum esse com- mendabilem , ostenditur verbo *Ebion* , & *Elvidius* . D. Joannes Apostolus speciali amoris prærogativa Christo fuit acce- ptus , quia Virgo erat , & Virgo semper permansit . Ex quo inferitur , non esse necessarium ad salutem conjugium , nec esse homicidas , qui conjugalem statum non amplectuntur : liberum enim est vel nubere , vel contineri .

3. Ad legitimum conjugium suffice- re voluntatem viri , vel femine , abs- que seitu Ecclesiæ . R. Nam cum Eccle- siâ habeat potestatem ad determinanda impedimenta matrimonii , inter quæ il- lud connumeratur ex præscripto Con- cili Tridentini , si Parochi , & duplicis desit præsentia testis , sequitur con- jugium , quod contrahitur absque seitu Ecclesiæ , esse illegitimum ; & origina- lis causa est , quia matrimonium est in bonum communitatis , undè ab eo qui curam habet populi Christiani , potest

leges accipere , sicut reliqui contrahtus ad commune bonum pertinentes , leges à Principibus habent .

4. Sacramentum Altaris , non esse nisi bucellam panis morui . Rep. verbo *Joannes Oldecastelius, Joannes Wicleffus, & Berengarius* .

5. Puerum recenter natum , non baptizandum per manus Presbyterorum . R. Nam Minister ordinarius Sacramenti baptismi est Sacerdos , licet in casu ne- cessitatis possit supplere etiam laicus : ergo pueri baptizandi sunt , si fieri po- test , per manus Presbyterorum .

6. Nullum diem , nec quidem Do- minicum , Sanctiorem esse aliis , sed in omnibus licitum esse operari . Rep. ver- bo *Ebion* . Tum quia dies festos specia- liter sanctificandos esse , constat ex sac. Scriptura , ubi legitur quòd Judæi con- veniebant ad diem festum celebrandum ; quapropter Christus ipse : *Joann. 7. v. 10. Ascendite ad diem festum* . Item *Jo. 12. 20. Erant autem quidam Gentiles ex iis , qui ascenderant in die festo* . Ergo dies festi sanctiores sunt ferialibus , & in his etiam Judæi vacabant ab omni opere , ut pro- lixiùs adorarent , & orationi vacarent , quod manifestè legitur , *Exod. 20. 9. Sex diebus operaberis , & facies omnia opera tua . Septimo autem die Sabbatum Domini tui est , non facies omne opus in eo tu , & filius tuus , & filia tua &c.* non est ergo licitum operari in die festo : hinc David eorum malitiam execrabatur , qui quemadmodum & hic hæreticus , dice- bant : *Quiescere faciamus omnes dies festos Dei à terra* .

7. Non admittebant Purgatorium . R. verbo *Albanenses* .

8. Non esse agendam pœnitentiam de peccatis , sed satis esse abstinere ab illis , & fidem habere . R. & quidem fidem solam non iustificare , ciùm est contrà *Antinomus* , & *Endoxium* : Ne- cessariam autem esse cum fide pœniten- tiam , constat ex Concil. Trident. sess. 14. cap. 1. Item sess. 6. can. 19. Ad pœniten- tiam utpotè necessariam ad abstinendum à malo , & perseverandum in bono , nos hortantur omnes SS. PP. & Apostolus , ad

ad Philipp. cap. 6. 9. & 10. S. Petrus Epist. 2. cap. 10. Pœnitentiæ addictissimus fuit S. Rex David, ut remissionem obtineret, undè & dicebat: *Recogitabo tibi omnes annos meos in amaritudine anime meæ*; & alibi: *Lacrymis meis stratum meum rigabo*; nec tantam egisset in ſtetu, jejunio, & cilicio pœnitentiam. Pfalmista, niſi neceſſariam agnoviſſet ad obtinendam juſtificationem. Tandem Chriſtus Dominus: *Gaudium (ait) erit in celo coram Angelis Dei ſuper uno peccatore pœnitentiam agente*. Vide verbo *Ablatus*, *Actiani*, *Antinomi*, *Calvinus*.

XVI. JOANNES STURMIUS, anno 1578. Argentinz conatus eſt novam ſectam introducere, quàm vocabat *Viam mediam*: in qua ſecta ea ſolùm admitti volebat, in quibus tam Catholici, quàm Proteſtantes conveniſſent, cætera omnia rejiciens. Ex Gault. ſec. 16.

XVI. JOANNES TRIPEMANDER, totis viribus Anabaptiſmum per Hollandiam promovere fatigans capſus eſt, Hæm-Comitis adductus, igni traditus fuit. Ex Spond. ann. 1532.

XI. JOANNES VENETUS, & JOANNES TUDSCHINUS, primus natione Venetus, ſecundus ex gente barbara progenitus, ambo Tuſciæ Ducis Cappellani fuerunt, hæreſim Simoniacam promoventes, ſubtili prætextu diſtinctionis inter Episcopatum, & Conſecrationem. Hæc opinio utpote humanæ ambitioni favorabilis, plures habuit ſeſtatores. Condemnata fuit ab Alexandro II. referente Baronio an. 1065. Dicebant licet emi poſſe Episcopatus abſque crimine Simoniaci; dummodò Conſecratio gratis acciperetur. R. verbo *Simoniaci*.

XVI. JOANNES DE VESALIA, de cujus hæreſi agit Bernardus Lutzemburgenſis, vixit corrente ſeculo 15. malè ſentit de Myſterio SS. Trinitatis, negans Spiritum ſanctum procedere à Patre, & Filio tamquàm ab uno principio, quia ſcilicet non percipiebat quomodò Filius unum eſſet cum Patre, negans hoc in ſacra Scriptura reperiri. R. Joann. 10. Ego, & Pater unum ſumus. Item Jo: 15.

& 16. conſtat Filium eſſe conſubſtantialem Patri. Quà ratione dicendum neceſſe ſit Spiritum ſanctum à Patre, & Filio tamquàm ab uno principio procedere, explicatum eſt ſatis in Concilio Florentino, ubi de eà veritate Græci fuerunt convicti, ſcilicet non multiplicari principium Spiritus ſancti, ex quo à Filio etiam procedat, quia eadem eſt utrique, neceſſariòque una ſpirandi virtus, actio, & relatio. Dixit etiam, Eccleſiam errare poſſe in ſuis definitionibus. Repr. verbo *Lutherus*, *Bucerus*, *Albigenſes*.

XVI. JOANNES VELSUS, natione Batavus, quem alii *Juſtum* Velfum vocant, vir quidem doctus, cum Coloniæ Agrippinæ ſacros libros interpretaretur, in hæreſim lapſus, in carcerem, conjeſtus, & in exilium poſtmodum pulſus, Francofordiam ſe recepit. Cum in carcere degeret, quaſdam apocalypſes viſiones de familiari ſibi genio gloriabundus ſomniaſcit. Francofordiæ cum Calvino diſputationem habuit circa liberum arbitrium: & cum veller etiam de cauſa Sacramentaria cum Miniſtris Francofordienſibus diſputationem inſtituere, tamquàm Zuinglianus rejeſtus fuit. Ex Spondan. ann. 1555. Dixit, Eccleſiam eſſe inviſibilem. R. verbo *Inviſibiles*.

JOANNES WESTFALUS, ſic dictus, quia de Weſtſalia ſuperiore in Germania oriundus, Theologiæ lauream conſecutus, diverſis in locis conciones habuit, in quibus detectus fuit perſidus Lutheranus. Plures libros hæreſi infectos compoſuit, qui proinde Moguntiz exuſſi fuerunt ann. 1534. quæ reſert *Bernardus Lutzemburgenſis*. Præcipuè propoſitiones hæreticales ex Weſtſali libris deſumptæ ſunt ſequentes

1. Negat expreſſè in Scriptura contineri Spiritum ſanctum à Filio procedere. R. verbo *Græci*, contrà quos probatur proceſſio Spiritus ſancti etiam à Filio: & licet de hac proceſſione non fieret expreſſa mentio in Scripturis, nihilominus ſemper inconcuſſa fuit hæc veritas in Eccleſia Catholica, de proceſſione Spiritus ſancti à Filio; & quamobrem

Divinæ traditionis propriam notionem, habet) quæ etiam ex sacra Scriptura evincitur Joann. 16. 14. *Ille me clarificabit, quia de meo accipiet & annuntiabit vobis*: Quem textum omnes SS. PP. intelligunt de processione Spiritus sancti à Filio. Insuper Joann. 20. Christus insufflavimus, & dixit: *Accipite Spiritum sanctum*: Apertè ibi Christus nos docuit, Spiritum sanctum etiam à Filio procedere.

2. Ecclesiam errare posse, & re ipsa errasse asserbat. Repr. verbo *Bucerus*.

3. Falsum, & erroneum dicebat esse hunc S. Athanasi versiculum: *Sicut anima rationalis, & caro unus est homo; ita Deus, & homo unus est Christus*. R. Quia Christus est una persona, in qua ununtur natura Divina, & humana; ergo verum est, quòd Deus, & homo unus est Christus. In Christo duas esse naturas probatum est verbo *Cosmiani*, & verbo *Eutyches*: in Christo unicam esse personam, non est, qui hæc tunc negaverit. Ergo verum est, quod ait S. Athanasius: *Deus, & homo unus est Christus*; ceterum, si non subsisteret hæc propositio, corruerent potiora nostræ fidei mysteria, ut consideranti patet. Quod verò attinet ad exemplum de anima rationali, & carne, fatemur non omninò esse simile: neque enim exempla paria prorsus esse debent exemplificatis, altoquin non exempla essent, quæ eadem difficultate nos laborare facerent, ac exemplificatum. Anima quidem & caro constituunt unum substantiale, & in Christo duas substantias, Divinam scilicet, & humanam fatemur; Sed exemplum in eo stat, quòd una in Christo sit persona, quemadmodum in homine, una est substantia.

4. Putabat Concilia generalia in Spiritu sancto non congregari. Rep. verbo *Beza*. Tum quia Concilia generalia congregantur sola auctoritate summi Pontificis, cujus operationibus, cum agitur de regimine Ecclesiæ, præcipuè assistit Spiritus sanctus; ergo Concilia generalia in Spiritu sancto congregantur: proinde Apostoli congregati Jerosolymis iussu

D. Petri, ut de cessatione legalium desinirent, dixerunt *Act. 15. Visum est Spiritui sancto & nobis*, ex quo textu evincitur, Concilia generalia in Spiritu sancto congregari, qui docet omnem veritatem eos, qui in Spiritu sancto congregantur. Vide verbo *Antonius Corvinus, Beza*.

5. Omnes non teneri Conciliorum decretis obtemperare. R. verbo *Beza*.

6. Pontificem Romanum legitime institutum non esse Christi Vicarium. R. Ex Concil. Florent. celebrato an. 1438., in quo expressis verbis declaratur hæc veritas, cui suffragatur antiqua Ecclesiæ traditio; semper enim Ecclesia credidit, D. Petrum, & ejus successores fuisse Christi Vicarios: quam veritatem confirmat sacra Scriptura *Matth. 16. 17.* Item *Joan. 27. 15.* Item, quia Christus volebat Petrum relinquere suum Vicarium, iussit Petro dare didrachma, quod solvebatur, non pro omnibus, sed solum pro capite familiæ, proinde dixit Christus Petro: *Da pro me, & te*. Non autem dixit: *Da pro me, & te, & aliis Apostolis*. Item *Lucæ 22. 37.* Christus rogavit specialitèr pro Petro dicens: *Regavi pro te Petre, ut non deficiat fides tua*. Ex quo evincitur, Christum constituisse Petrum suum Vicarium, pro quo sigillatim oravit, ut ejus fides non deficeret. Tum quia ex ratione regiminis Monarchici à Christo constituti in Ecclesia, evincitur esse necessarium unum supremum caput; hoc autem aliud esse non potest, quàm Romanus Pontifex, quem Christi Vicarium omnes SS. PP. proclamant, Imperatores, & Reges semper sunt venerati. Demùm soli Petro dixit Christus: *Pasce oves meas*; ergo totius Catholici gregis pastorem eum designavit, ergo suum Vicarium constituit, cum Christus de se ipso dixisset: *Ego sum pastor*. Vide verbo *Hussius, Jacobus Prapostiti, Joannes Jandunus*.

7. Ecclesiam non habere potestatem constituendi leges. R. verbo *Confessio-Augustana*.

8. Damnabat omne institutum Regulare ab Ecclesiâ approbatum. R. Quia in

in omnibus institutis Regularibus sunt media aptissima ad acquirendam perfectionem, qualesmodi sunt tria vota essentialia, per quæ homo se totum Deo tradit, & remouet impedimenta, quæ nos possunt à Deo alienare.

9. Sacerdotes omnes, & Episcopos dignitate, & auctoritate esse pares. R. verbo *Aeriani*.

10. Non ex instituto Christi, sed ex hominum electione Episcopum alium alio superiore esse, & omnibus summum Pontificem. R. verbo *Anastasio*, ubi ostendimus, Papam non esse subditi Imperatori; ex quo consequenter deductur, non ex hominum electione, sed ex Divina institutione Papam esse superiorem omnibus Episcopis, sicut probatum est, verbo *Armeni*. Episcopi autem in dignitate Episcopali sunt omnes pares, quia omnes Spiritus sanctus posuit regere Ecclesiam Dei: est id quod quo ad jurisdictionem extensivam, respicientem scilicet ampliorem, vel strictiorem Diocesim, aut dignitatis gradum, ut Metropolitæ & Patriarchæ, alius sit alio superior: hoc procedit partim ex institutione Apostolorum, iuxta politiam Ecclesiæ primitivo tempore convenientem; partim ex decretis Conciliorum, ut patet in Patriarchatibus Constantinopolitano, & Hierosolymitano; partim denique ex Imperatorum, aut Regum sollicitudine, quia Reges majorem, vel minorem Episcoporum numerum à S. Sede proposcerunt pro regimine spirituali suorum Regnorum: Neque hinc evincitur ex hominum electione Episcopum alium alio superiorem esse: Nam Reges, approbante sancta Sede, ejusque consensu, ampliorem, vel strictiorem Diocesim Episcopis assignarunt, qui non nisi sanctæ Sedis præmisso consensu, & approbatione suam jurisdictionem exercent. Vide verbo *Jacobus Prepositi*.

11. Christianorum nemini, etiam doctissimo, licuisse umquam Christi verba interpretari, imò Ecclesiam universalem nullo id jure potuisse. R. Nam sensus sacræ Scripturæ pluribus in locis est obsecutus, & difficilis, sicut protestantur

SS. PP. ergo opus est Christum constituisse aliquem pro bono regimine Ecclesiæ, qui in difficultatibus sacræ Scripturæ occurrentibus decideret, & sensum verum nobis aperiret. Et certè dicendum foret: malè ordinatam fuisse à Christo Christianam Rempublicam, quando prævidente Deo futuras lites circa sensum Scripturæ, non reliquisset in Ecclesia Judicem, qui posset decidere; id est, qui verum Scripturæ sensum notum faceret, & doceret nos, quomodo Scriptura accipi debeat in suo germano sensu. Judex autem in controversiis Scripturæ, id est spiritus interpretativus sacræ Scripturæ certè invenitur in summo Pontifice, & in Conciliis Romani Pontificis auctoritate congregatis, & confirmatis, si vè in Ecclesia, quæ etiam dispersa in aliqua Scripturæ explicatione convenit. Quare ad rem S. Bernardus serm. 3. in vigilia Nativitatis: *Cum ergo ipsa* (id est Ecclesia) *in Scripturis Divinis verba, vel alterat, vel alternat, fortior est illa compositio, quam positio verborum*.

12. Non esse peccatum ullum originis, neque sancto Augustino, qui id asserit, fidem ullam habendam esse. R. verbo *Pellagius*.

13. Nullam esse justam causam, quomobrem Clericis lex continentiam proponatur. R. verbo *Carlostadius*.

14. Christum Quadregesimæ jejunium non instituisse, & neminem teneri ad jejunandum. Prima pars non est hæresis, nisi neget Christum exemplo suo nos ad observantiam Quadregesimæ excitasse, aut non juxta Christi spiritum ejusmodi Apostolicam institutionem vigere asserat. R. verbo *Aeriani*, *Agapeta*, *Entusiasta*.

15. Lutralem aquam non habere ullam majorem vim, quàm communem. R. verbo *Flagellantes*.

16. Indulgentias irridebat. R. verbo *Lutherus*.

17. Asserere Ecclesiam posse errare in fide. R. verbo *Bucerus*.

XIV. JOANNES WICLEFUS, natione Anglus, circa medium sæculi decimi quarti doctoratus lauream in universitate

tate Oxfordiensis affectus, vir ingenio acri, & acuto, honorisque captandi avidissimus, novas opiniones promulgare, sive potius antiquorum Philosophorum erronea quædam placita renovare aggressus, plures novitatis amatores ad sui sequelam perduxit, cum à præfectura Collegii Cantuariensis, contrà præscriptum Archiepiscopi obtentà, Pontificis jussu fuit dejectus. Deindè desiderati Episcopatus Vvirgoniensis repulsam ægrè ferens, ejus odio magis in Romanum Pontificem exardescente, viam sibi paravit, Procerum Regni præpotentia fretus, ad præ universam Europam perversis suis dogmatibus infestandam; doctrinam suam in puro Dei verbo stabilitam autumans: extrinseco paupertatis habitu, unum cum suis discipulis nudis pedibus incedens, Apostolicam vitam æmulari contendebat, ut sub ficta sanctitate suis dogmatibus robur acquireret. Propè universa Anglia peragrata, contrà Ecclesiasticorum abusus in suis concionibus se se invehens, Londinum pervenit. Res delata ad Pontificem, qui statim datis litteris ad Primates Archiepiscopos Angliæ Cantuariensem, & Londinensem, monuit ut contrà Vvicleffum erronea dogmata promulgantem, causam instruerent. Sed interim Gregorio XI. è vivis sublato, ortum est in electione schisma, quod majorem ansam dedit Novatori novos promulgandi errores, à quibus Hussitæ, Lutherani, & Calvinistæ prætersam hausere reformationem. Tot brevi habuit sequaces, ut ad duocentena milia armis stipati creverint Vvicleffistæ, ductore Joanne Basso Presbytero apostata. Innumera sunt mala, quæ ab hoc perditio exercitu patrata fuerunt contrà Episcopos, Monachos, & Orthodoxos. Rex Riccardus à Regni Judiciis contrà omnes Vvicleffistas causam instituit, & puniri mandavit. Horribili, & improvisa morte è vivis sublatus fuit Vvicleffus anno 1384. Luthevoltii in Diocesi Lincolnensi; & jubente Constantiensis Concilio, in quo fuit damnatus, ejus ossa exhumata, combustaque fuerunt.

Plura Concilia in Anglia, vivente adhuc Vvicleffo, ab Archiepiscopis in ejus causa congregata fuerunt, in quibus omnibus semper damnata fuit doctrina, quam impius hæresarcha promulgavit: damnata itidem Romæ à Gregorio XI. Quia verò cum auctore haud quamquam sepulta fuit hæresis, imò perniciosius grassari visa est, iterum Synodis decretis fuit confixa Oxonii anno 1408. Romæ à Joanne XXIII. in Synodo Romana anno 1413. Quod potissimum studuit Vvicleffus in suorum promulgatione errorum obtinere, fuit Ecclesiam Romanam deprimere, imò Clerum universum ad mendicitatem redigere, ut Regis, & Procerum favorem sibi capteret, quibus Ecclesiæ bona, divitiisque omnino deberi effutiebatur. Sed bene perpenis Vvicleffi erroribus, constat, quòd non modò ad Ecclesiasticam, sed etiam ad seculari potestatem evertendam, homo iniquecumque subjectionis impatiens collimabat; siquidem peccato mortifero semel contaminatos superiores, sive Ecclesiasticos, sive etiam Laicos, etiam Regali potestate, & dignitate fulgentes, statim à sua potestate, auctoritate, & dignitate decidere blaterabat; itaut ab obedientia superioris, sive Ecclesiastici, sive Laici peccato mortali coinquinati, statim absolutos esse subditos effutiret. Plusquam octingentos errores ab operibus Vvicleffi decerptos à Thoma Vvaldensi Carmelita videre est in ejus opere in tres tomos diviso, Martino V. dicato, in quo expressè hanc sectam impugnatur. Plures autem ex præfatis erroribus sunt contrà Deum, & Christum: alii contrà Ecclesiam, Ecclesiæ ordines, & membra: alii demùm impugnant Sacramenta. Ad improbandos Vvicleffi errores sufficere crediderim, animadvertere, quòd sæpè sibi in suis erroribus contradixit. Potiores, quos Concilium Constantiense sess. 8. confixit, sunt num. 45. Vvicleffi verò discipuli novis adhuc erroribus, ac blasphemiiis magistri sui hæreses cumularunt, ut videre est in historia Vvicleffi c. 4. à Nicolao Harpsfeldio exarata. In Synodo Cantuariensi habita ab Episcopo contrà Wi-

Vvicleffitas, damnati sunt octodecim articuli ex Vvicleffi Trialogo excerpti. Sunt autem sequentes:

1. Manet panis substantia post ejus consecrationem in Altari, & non desinit esse panis.

2. Sicut Ioannes fuit figurativè Elias, & non personalitèr, sic panis est figurativè corpus Christi, & absque omni ambiguitate hæc est figurativa locutio: *Hoc est Corpus meum*: sicut illa in verbis Christi: *Ioannes est Elias*.

3. In capite: *Ego Berengarius*, Curia Romana determinavit quòd Sacramentum Eucharistiæ est naturalitèr verus panis, loquendo conformiter ut priùs, de pane materiali albo, & rotundo.

4. Desinientes, parvulos Fidelium sinè baptismo Sacramentali decedentes, non fore salvandos, in hoc sunt præsumptuosi, & solidi.

5. Collatio Sacramenti Confirmationis, non est Episcopis reservata.

6. Tempore Pauli sufficiebant Ecclesiæ duo ordines Clericorum, Sacerdos, & Diaconus, nec fuit temporibus Apostolorum distinctio Papæ, Patriarcharum, Episcoporum: in superbia Cæsarea alios gradus advenit.

7. Senes, qui ex cupiditate rerum temporalium, vel spe mutuum juvenum, aut ex causa excusandæ libidinis, licèt de prole desperent, copulantur ad invicem, non verè matrimonialitèr copulantur.

8. Causæ divortii ratione consanguinitatis, vel affinitatis, sunt infallibiliter humanitus ordinatæ.

9. Hæc verba: *Accipiam te in uxorem*, eligibilia sunt pro contractu Matrimonii, quàm hæc verba: *Accipio te in uxorem*.

10. Illi duodecim sunt procuratores, ac discipuli Antichristi, Papa, Cardinales, Patriarchæ, Archiepiscopi, Episcopi, Archidiaconi, Officiales, & Decani, Monachi & Canonici bifurcati, Pseudo. Fratres introducti jam ultimò, & Quæstores.

11. Numerorum 18., & Ezechielis 44. præcipitur simpliciter negativè ut

Sacerdotes, & Levitæ non habeant partem hæreditatis cum aliis tribubus, sed purè vivant de decimis, & oblationibus.

12. Non est maior hæreticus, vel Antichristus, quàm Clericus, qui docet, quòd sic tum est Sacerdotibus, & Levitis leg's gratiæ dotari possessionibus temporalibus.

13. Non solum Domini temporales possunt auferre bona fortunæ ab Ecclesiâ habitualitèr delinquente: Non solum hoc eis licet, sed debent hoc facere sub pœna damnationis æternæ.

14. Si corporalis Unctio foret Sacramentum, ut modo fingitur, Christus, & ejus Apostoli ipsius promulgationem non tacuissent.

15. Quicumque est humilior Ecclesiæ servitor, & in amore Christi quo ad suam Ecclesiam amabilior, ille in Ecclesiâ militante major, & proximus Christi Vicarius est.

16. Ad verum dominium seculare requiritur iustitia dominantis, sic, quod nullus in peccato mortali est dominus alicujus rei.

17. Omnia quæ eveniunt, absolutè necessariò eveniunt.

18. Quidquid Papa, vel Cardinales sui sciunt ex sacra Scriptura deducere clarè, illud dumtaxat est credendum: & quidquid ultrà præsumpserint, tanquam hæreticum condemnandum.

Ducentos insuper, & sexaginta articulos ab Academia Oxoniensi contra Wicleffum reprobatos, etiam sacra Synodus Constantiensis damnavit. Damnatæ pariter omnes ejus operibus, & libris, atque tractatibus. Rex Angliæ Richardus II. solemnè edicto libros, & scripta omnia Wicleffi, Nicolai Henfordii, & Joannis Alori, (qui duo posteriores inter primarios Wicleffi discipulos erant recentiori) igni tradenda fore mandavit, cum primò repudiasset octo propositiones, à Wicleffo Parlamento oblatas, scilicet:

1. Quòd Rex, aut Regnum nulli Sedi, vel Prelato obediat, nisi de quanto ex fide Scripturæ sonat in obedientiam Jesu Christo, patet, quia alitèr præponetur Chri-

Chri-

Christo in obedientia Antichristus. Omnis enim obedientia, quæ non fit Christo, fit Antichristo; quia Luc. 2. *Qui non est mecum &c.*

2. Quod nec Curie Romanæ, nec Avenionice, nec alicui exteræ emittatur regni pecunia, nisi doceatur hoc esse debitum ex Scriptura.

3. Quod nec Cardinalis, nec alius habeat fructum Ecclesiæ, vel præbendæ de Anglia, nisi vel ritè residat, vel occupetur legitime in causa regni, à Proceribus rationabiliter approbata.

4. Quod Rex, & regnum tenentur destruere regni proditores, & suos à ferocibus inimicis defendere.

5. Quod regni communitas non oneretur tallagiis insuetis, antequam totum patrimonium, quo Clerus dotatur, deficiat, patet, quia omnia ista sunt bona pauperum charitativè exponenda ad eorum egentiam, vivente Clero in perfectione primariæ paupertatis.

6. Quod quocumque Episcopo, vel Curato dotato de Anglia, in contemptum Dei notoriè incidente, nedum liceat Regi, sed teneatur sua temporalia confiscare.

7. Quod Rex nullum Episcopum, vel Curatum mancipet suo ministerio seculari, quia tam Rex, quam Clerus foret proditor Jesu Christi.

8. Quod Rex nullum propter moram in excommunicatione incarceret, antequam secundum legem Dei sit doctus illam esse licitam.

Rem nimis in longum protraheret omnes referre, & reprobare propositiones à Wicleffo temerè prolatas, quas tamen omnes sparsim in hoc opere, sub aliorum nomine hæreticorum reprobatas, facile est invenire. Præterquam quod ferè ex omnibus Ordinibus Regularium est invenire celebres Theologos, qui erudite Wicleffum impugnarunt. Ex Ordine Monastico Benedictino scripserunt Utherus, Boltonius, & Nicolaus Badeliffus. Ex Ordine Prædicatorum, Joannes Jordanus, & Joannes Bromiardus. Ex Ordine Minorum Joannes Tillingthorn. Ex Ordine Carmelitarum Joan-

nes Kiningamius, & Richardus Lanencismus. Ex Ordine Augustiniano Thomas Ashbournus, & Thomas Vinterton: Præter plures alios, qui post Wicleffum decessum iterum contrà eundem calamum acuerunt. Nobis interim sufficit errores primarios, magisque palmares, præter suprâ memoratos, quos profitentur Wicleffistæ à Concilio Constantiensi infixos referre, & reprobare, sunt autem sequentes:

1. Substantia panis, & substantia vini materialis remanet in Sacramento Altaris. R. Ex iis, quæ dicta sunt contrà Berengarium, & verbo *Joannes Oldeschætelius*.

2. Accidentia panis non manent sine subiecto in eodem Sacramento. R. Nam posita transubstantiatione nullum aliud est subiectum, cui possint uniri in Sacramento Eucharistiæ, nisi corpus Christi; sed corpori Christi non possunt uniri, cæterum diceretur de corpore Christi, quod esset album, rotundum &c. quod de corpore Christi dici nequit, ergo dicendum est miraculosè accidentia manere in Sacramento sine subiecto. Suppositionem quidem nostram ille negabit, ut certè negat. Attamen, sicut ex negatâ transubstantiatione, existentiam accidentium sine subiecto refellit, ita & nos ex illa propugnata hanc firmamus. Tum quia major est implicancia, quod idem corpus esse possit in pluribus locis, quam quod accidentia manere possint sine subiecto: sed primum fieri posse concedunt hæretici, ergo à fortiori secundum. Tum quia, modus loquendi in hac materia Conciliorum & Patrum semper fuit, quod corpus Christi in Eucharistia est sub speciebus, ut innuerent species miraculosè manere sine unione ad ali-quod subiectum: Corpus autem Christi est sub speciebus ad modum rerum spiritualium, idest totum in toto, & totum in qualibet parte hostiæ, sicut anima est tota in toto, & tota in qualibet parte corporis. Vide verbo *Joannes Oldeschætelius*.

3. Christus non est in eodem Sacramento identicè, & realitè in propria præ-

præsentia corporali . R. Ex iis , quæ dicta sunt verbo *Berengarius* , *Joannes Oldechastelius* , & ex illis verbis *Joan. 6. Panis , quem ego dabo , caro mea est pro mundi vita* : Qui textus non potest diversimode intelligi , quàm de reali existentia corporis Christi sub speciebus Eucharisticis : Quapropter hoc audito Judæi litigabant ad invicem dicentes : *Quomodo potest hic vobis carnem suam dare ad manducandum* : neque litigassent Judæi , si diversimode potuissent accipere illa verba : *Panis , quem ego &c.* Deum tot sunt miracula , quæ hanc veritatem confirmant , ut esse nequeat dubitationi locus . Hæretici dicunt , miracula esse facta à Catholicis , sed contrà : vel enim miracula comprobantia realem existentiam corporis Christi , sunt vera , vel ficta : si vera , quare non credunt ? si ficta , credant nihilominus , cum sine maculis credere poterint ab initio Ecclesiæ usque ad hæc tempora , quotquot sive Sancti , sive Reges , sive Doctores si miter crediderunt veram existentiam corporis Christi in Eucharistia .

4. Si Episcopus , vel Sacerdos existat in peccato mortali , non ordinat , non consecrat , non baptizat . R. verbo *Arnulphus* , *Albigenses* .

5. Non est fundatum in Evangelio , quod Christus Missam ordinaverit . R. Nam traditio Apostolica stat pro verbo Dei scripto : Non enim omnia scripta sunt . Christum ordinasse Missæ sacrificium colligitur etiam ex antiquioribus liturgiis , expressè afferunt SS. PP. inter quos S. Bernardus tract. de excellentiâ SS. Sacramenti ait : *Christus enim pridè quàm pateretur , discipulis suis formam hujus Sacramenti præscripsit , efficaciam exhibuit , idèst fieri præcepit , formam præscriptio in pane , & vino .* Notate ordinem .

6. Deus debet obedire Diabolo . R. Hæc inaudita blasphemia apertè ex Evangelio , ubi legitur Christum diabolo tentatoris sic respondisse *Deum tuum adorabis , & illi soli servies* . Sæpè Christus in Evangelio præcepit diabolo , ut exiret à corporibus obsessis ; qui statim

obediens fuit Divinis mandatis : creatura enim subdita est Creatori .

7. Si homo fuerit debite contritus , omnis confessio exterior est inutilis . R. verbo *Joannes Oldechastelius* .

8. Post Urbanum VI. non est aliquis recipiendus in Papam , sed vivendum est morè Græcorum legibus propriis . Hanc erroneam propositionem nullo fulciri subsidio , obviu statim est cuicumque illam legenti , sed à solo Wicleffi livore , quo semper efferbuit in Romanam Sedem , conitat fuisse prolata .

9. Contrà Scripturam sacram est , quod Ecclesiastici viri habeant possessiones . R. Scripturæ testimonio , quo possessiones à Fidelibus Apostolis fuisse oblatas constat , & ab iisdem receptas , sicut videre est in Actibus Apostolorum 4. Sed & in veteri Testamento manifestè patet Sacerdotes habuisse agros verè proprios lib. 3. Regum 2. Salomon dixit Abiathar Sacerdoti . *Vade in Anathoth ad agrum tuum* ; ergo si in lege veteri , qui erant de Ordine Sacerdotali potuerunt habere possessiones , nihil vetat quin & possessiones obtineant Religiosi in lege gratiæ .

10. Si Papa sit præcitus , & malus , & per consequens membrum diaboli , non habet potestatem super Fideles sibi ab aliquo datam , nisi fortè à Cæsare . R. Ex iis , quæ dicta sunt contrà *Arnulphum* , & *Albigenses* . Tum quia , nullibi Christus dixit , quod ratione peccati in dignitate aliqua constitutus amittat dignitatem ; noverat enim Christus fragilitatem humanam . Tum quia cum peccata quavis gravissima , ut plurimum sint occulta , & nemo sciat an odin , vel amore dignus sit , nunquam certò scire possemus num Pontifex , Episcopus , aut alius superior legitime exerceret potestatem . Potestas autem Pontificia immediate est à Christo , non autem à Cæsare , aut ab aliquo alio : non enim potest Imperator potestatem conferre , quam ipse non habet .

11. Nullus Prælatus debet aliquem excommunicare , nisi prius levat eum excommunicatum à Deo , & qui sic excommunicat , sicut ex hoc hæreticus , & ex

communicatus. Repr. Quia Ecclesia habet auctoritatem excommunicandi, ut dictum est contrà *Erasmenses*; quando autem excommunicat, non iudicat de internis, sed de externis, ideò scire nequit an ille, quem excommunicat sit iam à Deo excommunicatus: sed propter aliqua opera externa, contrà præscriptum Ecclesiæ facta, imponit Ecclesia excommunicationis poenam, cui profectò alligatur quicumque à talibus operibus, quibus adnexa est excommunicatio, non abstinet. Potest autem contingere, ut excommunicatus resipiscat, poeniteat, & in bono perseverans antè absolutionem pie moriatur; in quo casu, licet moriatur excommunicatus ab Ecclesiâ, dici tamen nequit, quòd sit excommunicatus à Deo: ex quo satis constat falsitas hujus undecimæ propositionis.

12. Prælati excommunicant Clericum, qui appellavit ad Regem, vel ad Concilium regni, eo ipso traditor est Regis, & regni. Rep. Quia appellatio fieri debet ad legitimum Tribunal: forum autem seculari non est legitimum Tribunal Ecclesiasticorum; ex quo fit, ut nulla sit appellatio Clerici ad Regem, & ejus Concilium; quâ propter meritò excommunicatur Clericus, qui à competenti foro declinat: Prælati autem Ecclesiæ jura servans, nullatenus dici potest proditor Regis, aut regni, cum potius utile sit Regi, & regno, Ecclesiæ jura servari, & nihil magis ad Regis, & regni ducat incrementum; quam veritatem disertis verbis sæpè in suis diplomatibus declarant Imperatores.

13. Illi, qui dimitunt prædicare, seu audire verbum Dei propter excommunicationem hominum sunt excommunicati, & in Dei iudicio traditores Christi habentur. R. Quia ad bonum Ecclesiæ regimen spectat, ut omnia fiant cum dependentiâ ab auctoritate superiorum, quibus in conscientia, ut alibi ostendimus, obedire tenemur. Spectat autem ad superiores Ecclesiæ punire Prædicatores, cæterosque homines, prout oportet, pœna privationis, & interdictio- nis sacrarum functionum, ad hoc ut sic

interdicti se indignos agnoscentes, ad Christianam humilitatem, & errorum correctionem excitentur. Qui secus fecerit, superbus erit, & Christianum nomen inane gerat.

14. Licet alicui Diacono, vel Presbytero prædicare verbum Dei, absque auctoritate Sedis Apostolicæ, sive Episcopi Catholici. Quanta autem absurda, àmissa hac propositione sequerentur, satis per se patet; sed sufficienter reprobata est ex nuper dictis de necessariâ dependentiâ subditorum, quæ maximè observanda est in hac materiâ prædicationis, quia nemo Dei verbum annuntiare debet, nisi missus à legitima potestate, sicut Christus misit discipulos suos; nisi ergo quis ostendat se missum specialiter à Deo ut Isaias, & Jeremias, necessarium est ut ab eo mittatur, cui cura est Domini gregis.

15. Nullus est dominus civilis, nullus est Prælati, nullus est Episcopus, dum est in peccato mortali. Repr. Hæc propositio, ex qua sequeretur subversio omnis regimini sive civilis, sive Ecclesiastici; cum enim scire nequeamus, an superiores sint in peccato mortali, semper dubitare possemus, an teneamur ipsis obedire. Demptâ autem obedientiâ inferioris ad superiorem, statim curruit quodcumque regimen sive civile, sive Ecclesiasticum. Vide verbo *Albigenses*.

16. Domini temporales possunt ad arbitrium suum auferre bona temporalia ab Ecclesiâ, possessionatis habitualiter delinquentibus, idest ex habitu, non solum actu delinquentibus. Repr. Quia sicut superiores Ecclesiastici, ut supra ostendimus, per peccata licet mortalia, non amittunt dignitatem, ita neque amittunt jus acquisitionis ratione dignitatis, & consequenter non amittunt jus acquisitionis super temporalia Ecclesiæ dicata. Tum quia domini temporales nullum possunt habere jus supra personas Ecclesiasticas, & eorum bona, consequenter neque illa possunt ad arbitrium suum auferre: exemptionem autem tum personarum Ecclesiasticarum, tum bonorum Ecclesiæ à do-
m ino

minio temporali, pluribus in locis proclamant sacri Canones. Hic occasione, arrepta, aliquantò fufidius agendum de exemptione, quam habent Ecclesiastici jure Divino ab omni potestate seculari, quæ probatur primò ex sac. Script. Genes. 47. ubi Joseph, cum tributariam faceret univervam Egyptum, exemptos fecit Sacerdotes. Num. 3. 10. ubi loquens Dominus ad Moyfen, ait: *Dabis dono Levitas Aaron & filius ejus, quibus traditi sunt à filiis Israel, & infra vers. 45. Eruntque Levita mei, ego Dominus; & cap. 8. Statuesque Levitas in conspectu Aaron, & filiorum ejus, & consecrabis oblatio Domino, ac separabis de medio filiorum Israel, ut sint mei, & postea ingredientur tabernaculum foderis, ut serviant mihi. Sicque purificabis, & consecrabis eos in oblationem Domini, quoniam dono donati sunt mihi à filiis Israel.* Ex quibus textibus constat Levitas tantum Aaroni, ejusque successoribus Sacerdotibus fuisse subiectos. Insuper Sacerdotes, ac Levitas fuisse à tributis, & exactionibus immunes, colligitur Matth. 17. quam immunitatem ibi significat Christus competere tum sibi, tanquam filio naturali Regis Regum, tum S. Petro propter quandam participationem, interrogans enim ibi Christus Petrum, ait: *Reges terra à quibus accipiunt tributum vel censum? à filiis suis, an ab alienis? Et ille (scilicet Petrus) dixit, ab alienis. Dixit illi Jesus: Ergo liberi sunt filii. Quibus verbis ostendit Christus beato Petro, ejusque successoribus privilegium exemptionis communicasse, & per consequens omnibus Ecclesiasticis personis, quatenus illæ servitio Dei peculiariter dicatæ, de ejus familia esse censentur. Probatur etiam immunitas Ecclesiæ auctoritate Conciliorum, & Pontificum. Concilium Lateranense sub Leone X. sess. 6. hæc habet: *Cum à jure tam Divino, quàm humano Laici potestas nulla in Ecclesiasticas personas attributa sit, innovamus &c.* Concilium Colonienfe cap. 20. *Immunitas Ecclesiastica vetustissima res est, jure pariter humano, & Divino introducta.* Concil. Trident.*

sess. 25. cap. 20. *Ecclesia, & personarum Ecclesiasticarum Immunitas Dei Ordinatione, & Canonis sanctionibus constituta est.* Simile habet Bonifacius VIII. in cap. *Quamquam* de censibus Ecclesiæ. Probatur denique ratione. Nulla major potestas, seu jurisdictio propria virtute se extendit ultrà genus sui objecti, tamquam ultrà proprios limites: Ecclesiasticæ autem personæ, & propria bona sunt extra objectum, & proprios limites jurisditionis secularis, ergo ad ea secularis jurisdictio per se, & propriâ virtute se extendere non potest. Major patet, probatur minor. Quia cum potestas civilis ordinetur per se, & directè ad finem temporalem, debet solum habere usum mediorum eidem fini convenientium, ut sunt res temporales, & politicæ, non autem sacræ, quæ ad Dei cultum per se, ac directè spectant: ideoque utpotè Deo sacræ ad supernaturalem finem ordinantur, ut sunt Ecclesiasticæ personæ, earumque bona. Adde, quòd circa eadem objecta per se non versantur diversæ potestates, sive jurisditiones, alioquin magna confusio oriretur: sed certum est Ecclesiasticam potestatem versari circa personas, & res Ecclesiasticas, ergo circa easdem res per se non versatur potestas civilis, quæ diversa est ab Ecclesiastica.

17. Populares possunt ad suum arbitrium dominos delinquentes correre. Reprobatione non indiget adeò barbara, & insulta propositio.

18. Decimæ sunt puræ eleemosynæ, & possunt Parochiani propter peccata suorum Prælatorum ad libitum suum eas auferre. Repr. Ex iis, quæ dicta sunt verbo *Dulcius*. Tum quia solutio decimarum est solum originaliter de jure Divino, quatenus eo jure tenentur homines seculares Sacerdotibus alimenta præbere, suntque propterea Ecclesiastici legitimi acquirentes, & possessores decimarum, ergò decimæ non sunt puræ eleemosynæ, nec possunt Parochiani ad libitum eas auferre. Prob. antecedens ex sac. Scriptura Levit. ult. *Omnes decimæ terræ, sive de fructibus, sive de po-*

mis arborum, Domini sunt, & illi sanctificantur. Num. 18. *Decimarum oblatione contenti, quas in usus eorum, & necessaria separavi.* Malach. 3. *Inferte omnem decimam in horreum, & sit cibis in domo mea.* Luc. 10. *In eadem domo manete edentes, & bibentes quæ apud illos sunt: dignus est enim operarius mercede sua.* 1. ad Corinth. 9. *Si nos vobis spiritualia seminamus, magnum est si nos carnalia vestra metamus?* ergo solutio decimarum à jure naturali Divino procedit, licet in lege Evangelica non sit determinata, & præcepta jure positivo Divino, sicut erat in veteri, sed tantum determinata sit ab Ecclesia. Insuper solutio decimarum partis bonorum licite acquisitionum, quod sit faciendum Ministris Ecclesiasticis, patet ex auctoritate Ecclesiarum, quæ id lege sancivit, ut patet in Decretalibus titulo de Decimis; ex Concilio Constantiensi, sess. 8. ubi error contrarius Wicleffi damnatus est. Ex Concilio Tridentino, sess. 25. cap. 12. de reformatione præcipiente: *Qui decimas subtrahunt, aut impediunt, excommunicantur, neque ab hoc crimine, nisi restitutione secuta, absolvantur.* Vide verbo *Apostolici: Dulcinius.*

19. Speciales orationes applicatæ uni personæ per Prælatos, vel Religiosos, non plus profunt eidem, quam generales, cæteris paribus. Repr. verbo *Insabbatati*, ubi ostendimus orationem applicatam uni personæ esse bonam, & licitum esse orare pro aliquo in particulari. Quod autem magis regulariter juvent, ex eo etiam probatur, quod Christus Dominus, qui forma factus fuit gregi suo, oravit singulariter pro Petro, ultra orationem quam pro omnibus Discipulis fecit. Joann. 17.

20. Conferens elemosynam Fratribus, est eo ipso excommunicatus. Repr. exemplo Christianorum, qui conferebant elemosynam Apostolis, quorum vitam potissimum student imitari Regulares. Tum quia bona est elemosyna facta pauperi ex voluntate, qui scilicet juxta Evangelicum consilium renunciavit omnibus quæ possidet, propter Deum:

secus non posset quis vovere paupertatem, quam tamen Christus expressè contulit, si paupertatem vovens non posset elemosynam accipere, & deberet consequenter ex necessitate perire.

21. Si aliquis ingreditur Religionem privatam qualemcumque, tam Possessionarium, quam Mendicantium, redditur ineptior, & inhabilior ad observantiam mandatorum Dei. R. Quia omne institutum Regulare ordinatur ad excolendam virtutibus animam, & consequenter ad exactiorem observantiam mandatorum Dei; quia in Religione sunt media aptissima ad acquirendam perfectionem, & ad removenda impedimenta, quæ nos possunt à Deo alienare: quomobrem Regularis status est, observare non modò præcepta, sed & consilia Evangelica. Insuper, quàm gratum sit Deo Religionem vovere, testè Deus evidentibus miraculis comprobavit.

22. Sancti instituendo Religionem privatas, sic instituendo peccaverunt. Repr. Ex his, quæ supra dicta sunt. Deinde Institutores Religionum viam illam aperuerunt ad calum, quam præmonstravit Christus dicens: *Vade, & vende omnia, quæ habes, & da pauperibus, & veni sequere me;* ex quibus etiam reprobantur duæ sequentes propositiones.

23. Religiosi viventes in Religionibus privatis non sunt de Religione Christiana.

24. Fratres tenentur per labores manuum victum acquirere, & non per mendicitatem. Repr. Ostendendo licitum esse Religiosis ex mendicatis vivere, licitum etiam esse Religiosis, manibus laborare, ad hoc autem ex vi alieuius præcepti non obligari. Prima pars constat exemplo Christi, qui solo amore paupertatis, ut hanc nos doceret, vixit in paupertate, cum tamen potuisset distulcere, maxime cum turbæ illum Regem facere voluerunt. Item Apostoli amore paupertatis omnia dimiserunt: recipiebant tamen oblationes ipsis factas, ex quibus vivebant, ut possent ferventiùs Apostolico muneri incumbere. Item sanctissimi viri ex solis elemosynis vivebant,

xerunt, inter quos sanctus Benedictus, qui tribus annis desitescens in specu, ex his quæ à Romano Monacho ipsi ministrabantur, alebatur. Alia pars, quod scilicet non teneantur Religiosi manibus laborare, licet etiam laudabile sit operi manuum incumbere, roboratur ex sac. Scriptura Luc. 10. ubi Christus de Magdalena soli contemplationi addita, affectu, quod optimam partem elegerit. Tum quia, vel manibus laborare est præceptum, vel tantum consilium: si secundum, ergo ad hoc nullus tenetur (nisi se voto obligaverit, vel non possit aliunde necessaria ad victum capere, vel nisi teneatur alteri providere de cibo, v. g. Patrifamilias, nec possit hoc aliunde obtinere, nisi laborando, vel si aliter quis non possit otium fugere, aut tentationes ejicere, vel ratione obedientiæ, quam teneatur reddere Superiori) si verò opus manuum est præceptum, cum ad observantiam Dei præceptorum teneantur tam Religiosi, quam seculares, jam omnes non modò Religiosi, sed seculares obligarentur: sed non est qui dicat seculares obligari Dei præcepto ad opus manuum, ergo neque Religiosi ad hoc obligantur.

15. Omnes sunt Simoniaci, qui se obligant orare pro aliis, eis in temporalibus subvenientibus. Repr. Quia hoc non est orationem vendere, sed religiosè gratificare pro beneficio accepto. Ecclesia semper consuevit orare pro benefactoribus.

16. Oratio præciti nulli valet. R. Ex iis, quæ dicta sunt contrà Bezam, ostendendo orationem fieri posse pro peccatoribus, quos ejiciendos non esse ab Ecclesia ostendimus contrà Adamitæ: quo posito sequitur, quòd oratio, quæ fit à peccatore, etiam ipsi valet ad obtinendam ex misericordia Dei, qui per orationis gratiam dispunit, illam, ad quam excitat contritionis gratiam. Multò magis juvabunt orationes præciti, si illo tempore oret, quo sit in gratia Dei, habent enim tunc rationem veri meriti, sicut contrà oratio prædestinati facta eo tempore, quo fortè defecit à gratia &

charitate, veram meriti rationem non habet. Adde, quòd cum nemo sciat, an sit præcitus, vel electus, omnes orare debent, & Dei dispositioni relinquere, utrum exaudire velit, vel non, orationes nostras.

27. Omnia de necessitate absoluta eveniunt. Repr. Nam dari Divinam providentiam, quæ disponit omnia suavitè, adeò certum est, ut Deum provisorum omnium, omnia clament in hoc mundo: Unde Ecclesiastes monet cap. 5. vers. 5. *Neque dicas, non est providentia, nè foris iratus Deus contrà sermones tuos, dissipet cuncta opera manuum tuarum.* Matth. 6. 26. legimus, quòd Deus pacis volatilia cæli vestit liliæ agri, Psalm. 146. *Dat jumentis escam, & pullis corvorum.* Ex quò manifestè deducitur, quòd Deus est omnium provisor, & falsum est omnia de necessitate evenire: quòd si omnia de necessitate absoluta evenirent, jam tolleretur omnis humana libertas, cui tamen non officit Divina providentia, quæ ita cum libertate humana se accommodat, ut causis liberis media convenientia ad suas actiones peragendas liberè subministret; quapropter disponens omnia suavitè, ita concurret ad omnium providentiam, ut sinat unamquamque causam juxta suam naturam agere motus suos. Vide quæ dicta sunt. Verbo *Cæcus*, & verbo *Bardeanes*.

18. Confirmatio juvenum, Clericorum Ordinatio, locorum Consecratio, reservantur Papæ, & Episcopis propter cupiditatem lucri temporalis, & honoris. R. Ex antiqua Ecclesiæ praxi, quæ prædictam auctoritatem semper est venerata in solis Episcopis. Vide verbo *Armaranus*.

19. Universitates, Studia, Collegia, Graduationes, & Magisteria sunt vanà Gentilitate introducta, & tantum profusa Ecclesiæ, sicut diabolus. R. ex ipsa experientia, quæ satis comprobat quantum profint, & prosperint Ecclesiæ studia, graduationes, & magisteria, ex quibus semper selecti sunt viri doctissimi ad resistendum hæreticis cantionibus, & ad hæreticalia sophismata convellenda aptissimi.

30. Ex-

30. Excommunicatio Papæ, vel cuiuscumque Prælati non timenda, quia est censura Antichristi. R. verbo *Albanenses*, & *Confessionista Provinciales*.

31. Ditare Clerum, est contrā regulam Christi.

32. Silvester Papa, & Constantinus Imperator erraverunt Ecclesiam dotando.

33. Papa cum omnibus Clericis suis possessionem habentibus sunt hæretici, eo quod possessiones habent, & consentientes eis, omnes videlicet Domini seculares, & laici sunt pariter hæretici.

34. Peccant fundantes claustra, & ingredientes, sunt viri diabolici.

35. Omnes de Ordine Mendicantium sunt hæretici, & dantes eis eleemosynam sunt excommunicati.

36. Ingredientes Religionem, aut aliquem Ordinem eo ipso inhabiles sunt ad observanda Divina præcepta, & per consequens ad perveniendum ad regna celorum, nisi apostataverint ab eisdem. Repr. sex ultimæ propositiones, quæ collinant ad universalem subversionem Monarchiæ Ecclesiasticæ, quam sibi potissimum Wiclefius præfixerat in suæ diabolicæ hæresis propagatione: & quidem quoad tres primas spectat, certum est adhuc tempore Apostolorum, ut alibi ostendimus, Ecclesiam possessiones sponte oblatas acquisisse: nec ullibi legitur, Christum prohibuisse Ecclesiam, & Ecclesiasticos, quin reciperent bona sponte à fidelibus oblata. In lege veteri sanctissimos Patriarchas copiosissimis abundasse divitiis, & possessionibus: ex quo legitime inferitur, posse etiam in lege gratiæ Episcopos, aliosque Ecclesiasticos possidere bona temporalia, imò rem facere Deo acceptam fundantes, & dotantes Monasteria ad alendos viros specialiter Dei dicatos obsequio, ubi exactius Divina observantur præcepta, & remouentur impedimenta, quæ possunt retardare à consecutione ultimi finis. Vide quæ dicta sunt in reprobatione ad 20. & 21.

37. Ecclesia Romana est Synagoga Satanæ, nec Papa est proximus, & immediatus Vicarius Christi. Repr. prima

pars verbo *Confessionista Provinciales*; & ex Concilio Nicæno, in quo legitur: *Unam, Sanctam, Catholicam, & Apostolicam Ecclesiam*. Secunda pars. Rep. verbo *Joannes Westphalus*, *Jacobus Præpositi*, *Graci*, *Armeni*.

38. Decretales Epistolæ sunt apocryphæ, seducunt à fide Christi, & Clerici sunt stulti, qui student eisdem. Rep. Si vel leviter quis animadvertat quantā in insipientiā blateravit hic perfidus Hæresiarcha, tam in hac, quàm in sequentibus propositionibus.

39. Imperator, & Domini seculares sunt seducti à diabolo, ut Ecclesiam dotarent bonis temporalibus.

40. Electio Papæ à Cardinalibus, à diabolo est introducta.

41. Non est de necessitate salutis credere Romanam Ecclesiam esse supremam inter alias Ecclesias. R. Quia est de necessitate salutis credere, quod est definitum in Œcumenicis Conciliis: sed Romanam Ecclesiam primum habere super alias definitum est in omnibus Conciliis; sub ejus obedientia vivere obligant omnes Christiani, ut probatum est verbo *Graci*. Tum quia posito, sicut alibi probatum est, quod Romanus Pontifex sit successor D. Petri, & hic Christi Vicarius, innegabile est Romanam Ecclesiam esse supremam inter alias Ecclesias; & sicut necessarium est credere ad salutem, quod D. Petri successor sit Christi Vicarius, pariformiter necessarium est credere, quod Romana Ecclesia sit suprema inter omnes Ecclesias. Hujus Ecclesiæ primum omnes SS. PP. venerati sunt semper, etiam à tempore Apostolorum. S. Ignatius Martyr, S. Joannis Evangelistæ discipulus, in sua ad Rom. epistolâ, Romanam Ecclesiam aliorum magistram prædicat. Nec valet objicere Romanam Ecclesiam non esse primam, quia Jerosolymitana, utpotè antiquior eam debet præcedere: Nam contrâ. Romana enim Ecclesia in tantum est suprema, quia in illa sedens est Petri successor, cui Christus primum contulit super omnes Apostolos: Cæterum Jerosolymus, qui est Caput Ecclesiæ, nec Jerosoly-

solymis, nea Romæ sedit. Ut autem se'remus, quem inter omnes Apostolos suum Vicarium relinqueret, pluribus praxogativis in fac. Script. expressis in persona D. Petri Vicarium suum declaravit, præscindendo à loco, in quo postmodum D. Petrus sedem suam, ductu Spiritus sancti, deberet stabilire. Cum autem Spiritu sancto movente voluerit Divum Petrum Romæ Cathedram suam erigere, & stabilire, consequens est, ut quisquis in hac Cathedra legitime sedet, sit D. Petri successor; ex quo sequitur necessarium, quod Romana Ecclesia sit suprema inter alias Ecclesias; eum ille, qui Romanam regit Ecclesiam, utpote D. Petri successor, sit supremus Episcoporum.

42. Fatuum est credere Indulgentias Papæ, & Episcoporum, cum Indulgentia nihil aliud sit, quam applicatio thesauri Ecclesiæ per Pontificem, & Episcopum facta. Vide, quæ dicta sunt verbo *Jacobus Præpositi*, ad 7. & ad 8. quæ præmissa notitia. Rep. asserum Wicleffi ex Concil. Lateranens. 4., quod anathemate percutit negantes Indulgentias. Concil. Constantiense anno 1414. eodemnavit omnes, & singulas propositiones Wicleffi, inter quas numeratur præsens, quam evomit contrà Indulgentias. In distinctione quinquagesima Canon. *Abst. à Romanæ Ecclesiæ*, factis temporibus S. Cypriani, S. Cornelio Summo Pontifice, currente seculo tertio, sit mentio sollemnis de Indulgentiis: Auctoritatem dispensandi indulgentias dedit Christus Petro, cum ei dixit: *Dabo tibi claves. . . quodcumque solveris, erit solutum*; ergo Papa potest solvere vincula pœnæ temporalis debitæ peccatis, quod facit per applicationem thesauri Ecclesiæ, nam Divinæ justitiæ opus est satisfacere; ergo si Papa solvit peccatorem, qui debet satisfacere pro pœnâ peccatis debitâ, hoc facit applicando pro satisfactione merita Christi, & Sanctorum, scilicet per Indulgentias, quæ consequuntur adimplemento operum, quæ Papa præscribit pro consecutione Indulgentiarum. Et certè, si Papa non pos-

set dispensando thesaurum, concedere Indulgentias, intelligibile non esset, quomodo posset solvere eum, qui ligatur pœnâ temporali, peccatis post Confessionem adhuc debitâ, solvere inquam à tali pœnâ, cum exterum Christus absolute dixerit: *Quodcumque*.

43. Juramenta illicita sunt, quæ sunt ad corroborandos humanos contractus, & commercia civilia. Rep. verbo *Catharista*.

44. Augustinus, Benedictus, & Bernardus damnati sunt, nisi penituerint de hoc, quod habuerint possessiones, & instituerunt, & intraverunt Religionem; & sic à Papa usque ad ultimum Religiosum omnes sunt hæretici.

45. Omnes Religionem indifferentèr introductæ sunt à diabolo. Reprobatione ulteriori non indigent adeò indignæ, insultæ, & petulantes propositiones. Vide, quæ dicta sunt superius ad n. 36.

46. Ecclesia potest errare in Canonizatione Sanctorum. Rep. Nam usque adhuc nullus unquam error depræhensus fuit in Canonizatione Sanctorum. Tum quia Spiritus sanctus specialitèr assistit Ecclesiæ in decernendis rebus fidei, & Religionis, & consequenter in Canonizatione Sanctorum. Quam veritatem perhibet S. Bernardus, serm. in festo SS. Apostolorum Petri, & Pauli: his verbis: *Sine dubio Ecclesia, dum decernit celebritates Sanctorum, habet Spiritum Domini*.

XVI. JOHANNES WILLELMUS, Ruremondensis, patre Sacerdote natus, se divinitus designatum jactans ad protegendam Anabaptistarum sectam: Rex proinde ab Anabaptistis creatus, furta, & latrocinia permisit ad sui, suorumque sustentationem, hoc colore, quod bona terræ, Christi ac discipulorum ejus essent, quæ bona, utpote malè divisa, dicebat, Deum velle, ut ab ipso melius distribuerentur; divitiis, quod nimium erat adempto, & egentibus collato. Gladium gerebat, quem vocabat gladium Gedeonis, & in gladio Dei, & Gedeonis justitiam se exercere jactabat. Tandem in arce Juliacensi detentus, eum obli-

obstinatus perſiſteret, ad palum alligatus, lento igne crematus fuit. Ex Spondan. ann. 1580. Librum edidit, in quo Polygamiam concedebat. R. verbo *Bernardinus Orbimus*.

XVIII. JOSEPH BECCARELLI, in pago Uragi, cujus dominium poſſidet nobilis familia de Martinenghis in Brixienſi Diœceſi, ex ſpurio natus concubitu, Brixiz ſub proteſtione cujuſdam aqutis, qui neceſſaria ad victum dereliſto juveni ſuppeditabat, literis applicuit. Creſcente ætate, ut ſacris poſſet initiari ordinibus, etiam ſufficienti patrimonio à ſuo proteſtore donatur. Factus Sacerdos ut commodius viſitaret, pueris educandis inſtruendiſque Brixiz ſcholam aperuit, quibus exteriore inſinuabat modeſtiam: quâ multi ex nobilioribus Brixiz capti, ſuos filios ſub Beccarelli diſciplina educandos tradiderunt; adauſus brevi diſcipulorum numerus, & collegii formam jam ſchola præſeferente, tanquam Rector præſidebat Beccarellus, qui juvenes orationi mentali, Sacramentorum frequentia, non præmiſſa confeſſione addiſcos eſſe docens, etiam in alumnorum ſuorum domos ſe inſinuans, prætextu ſpiritualis diſciplinæ, frequentem ad mulieres habebat acceſſum, & ubi faciles ad lubrica eandem reperiſſet, nullum eſſe in turpi converſatione peccatum docebat: ſæpe ſub eſſentia ſanctitate domi ſuæ cum alumnis, in alienis domibus cum mulieribus turpiter commiſcebatur. Deſecta eſt occaſione Sacramentalis confeſſionis, à pio viro Congregationis Oratorii Beccarelli hypocriſis, & perverſitas: res delata ad Inquiſitorem, qui brevi Beccarellum cum pluribus ſecularibus Presbyteris Molinicz ſectæ reſtauratorem, & propagatorem agnovit. Interim ad Brixienſem Eccleſiam aſſumptus Cardinalis Joannes Badoarus, vir verè Eccleſiaſticus, & inſigni pietate celebris, ad extirpandam Beccarelli zizaniam totus applicuit, & invocato brachii ſecularis auxilio, ſediſſore carceri mancipato, proceſſu inſtructo, Brixiz in majori plateâ coram

ingenti populo, anno 1713. ſuos errores abjurare coaſto, ad perpetuos triremes prolata fuit contrà Beccarellum ſententia, qui Venetias perducus, in anguſto carcere, poſt quatuor annorum ſpatium, pœnitens deceſſit, ætatis circiter 47. Hæc à probo viro Regulari, cujus ope, doctriâ, & prudentiâ Cardinalis Badoarus uſus eſt in inſtitutione, præſati proceſſus, accepi, poſtquàm pauca, quæ verbo *Beccarelli* prænotaveram, impreſſa jam fuerant.

IV. JOVINIANUS, egreſſus eſt Religionem, quam Mediolani profeſſus fuerat, prætextu delicatioris vitæ, factus poſtmodum Helvidii Hæreſiarchæ inſimplicite, collega, ſequentes in Italia, ſed poſſimum Romæ diſſeminavit errores, quos SS. Hieronymus, & Ambroſius acriter impugnaverunt.

1. Dixit, nullum cibum eſſe prohibitum etiam dictis, quibus ab Eccleſia prohibentur. R. verbo *Grati, Acriani, Caroſtadius*.

2. Omnes Beatos pares eſſe in gloria, & omnes damnatos pares eſſe in pœna. R. Ex illo Scripturæ: *In domo Patris mei manſiones multe ſunt*: quem textum SS. PP. interpretantur de majori, vel minori gradu gloriæ, quem Deus conferat electis, juxta majorem, vel minorem gradum meritorum, cum quibus deceſſerunt. Etiam damnatos non eſſe pares in pœna, ſed alios aliis magis torqueri juxta gravitatem peccatorum in quibus mortui ſunt, conſtat ex illo Apocalypſ. 18. verſ. 7. *Quantum gloriſicavit ſe tantum date illi tormentum*. Tum quia Deus non eſſet juſtus Jdex, ſi omnes beati eſſent pares in gloria, & damnati pares in pœna.

3. Nullam meritum eſſe in hac vitâ diſparitatem, ita ut omnes virtutes ſint pares, & omnia vitia, & peccata ſint æqualia. R. Nam merita Beatæ Mariæ Virginis extolluntur ſuper omnia alia merita juſtorum; de illa enim dixit Angelus: *Benediſta tu inter mulieres*. Etiam D. Joannes Baptiſta extollitur, cum de illo dicitur: *Inter natos mulierum non ſurrexit major*. Tum quia gratia po-

test augeri; sed hæc augetur juxta augmentum meritorum, proinde legitur Apocalyps. 2.2. vers. 11. *Qui justus est, justificetur adhuc.* Item Ecclesia postulat sanctitatis incrementum illis verbis: *Da nobis fidei, spes, & charitatis augmentum:* cui consonant verba D. Pauli ad *Philippenses* cap. 5. *Oro, ut charitas vestra magis, ac magis abundet.* Item 2. ad *Corinth. 9. Augere incrementa frugum justitia vestra.* Ex quibus textibus dari in hac vita disparitatem meritorum, & consequenter etiam demeritorum, sive peccatorum constat; quapropter Christus, Joann. 19. v. 11. dixit: *Qui me tradidit tibi, majus peccatum habet.* Christus ibi dixit peccatum Judæ fuisse majus peccato Pilati: ergo falsum est omnia vitia, & peccata esse æqualia quam veritatem etiam profitentur Concil. Florentinum in decreto unionis, & Concil. Trident. sess. 6. cap. 16. canon. 32. ubi docet gloriam æternam tribui tanquam mercedem: merces autem justitiæ distributiæ exigit, ut sit proportionata merito, sicut justitia vindicativa exigit pœnas correspondentes culpis.

4. Hominem baptizatum non posse peccare. R. Nam Christus instituit Sacramentum Pœnitentiæ pro adultis, qui non obstante baptismo, cum sint liberi arbitrii, possunt operari contrà legem, & consequenter peccare. Tum quia baptisimus delet quidem omnia peccata, commissa ante baptismum, sed non facit hominem impeccabilem. Vide verbo *Impeccabiles.*

5. Jejunium nullius esse meriti. Rep. verbo *Agapeta.*

6. Virginitatem non esse apud Deum excellentioris meriti, quàm conjugium. R. verbo *Ebion, & Elvidius.*

7. Marix Virginitatem impugnavit, dicens non fuisse virginem in partu, nec post partum. R. verbo *Carolus Molinæ, & Antimariani.*

V. IGNI, Indiam incolunt, & plures eorum in Ægypto sub ditione Soldani degunt, eosdem profitentur errores, quos verbo *Indiani retulimus.*

II. ISIDORUS, filius Basilidis Hæretom. I.

siarchæ, paternæ impietatis hæres, & propugnator, moralia scripsit, quæ erant impuritatis sentina; scripsit quoque librum de Adnatâ animâ. Eundem impugnavit Justinus Martyr, Irenæus, Theodoretus, Clemens Alexandrinus, Origenes.

XVI. ISCARIOTE, professione Lutlierani prodierunt anno 1560. ita nominantur, quia negant Judam Iscariotem verum Jesu Christi Corpus in ultima cœna sumpsisse, quos convincunt manifesta Evangelii testimonia, ex quibus constat, Christum instituisse Sacramentum Corporis in ultima cœna, & dedisse discipulis, de quo Christus, ut discipulum proditorem indicaret, dixit. *Unus vestrum, qui intingit mecum manus in catino, hic me tradet.* Deinde: *post bucellam (id est communionem) introiit in eum Satanas;* ergo sumpsit Corpus Christi.

XV. ISMAEL SOPHUS, cujus historiam perstringit Spondanus, anno 1499. fuit omnibus Orientalibus Regibus, & Sultano terrori, quos serè omnes debellavit. Postquàm per adoptionem assumptus fuit in Regem Persarum, quod Religionem spectat, cum ex Alcorano intellexisset Mahometanam superstitionem divisam esse in 72. sectas principales, quarum una sola ad Paradisum duceret, & quod nondum determinatum fuisse intellexisset, quæ nam illarum vera esset, sed uniuscujusque sectatores suam magnificare tanquam unicam, & veram: Ismael Sophianam solam, veram esse prædicans, missum se cælis ut eam manifestandam, & alias destruendas gloriabatur.

IV. ITHACIANI, ab Ithacio Hispaniæ Episcopo sunt nuncupati. Hic cum acriter ageret contrà Priscillianum Hæresiarcham, tam in Conciliis, quàm apud Judices seculares & verbo, & scriptis, diutùm egit apud Maximum Imperatorem, ut gladio puniretur; culpandus, quod ipse Episcopus pœnam sanguinis exegerit de delinquentibus, ea de causa damnatus à sanioribus Episcopis in Concilio

C c c

cilio

cilio Trevirensi, & in exilium pulsus fuit. Ithacianorum communionem declinavit Ambrosius, & adversus Ithacianos calumum acuit, contrā quos Concilium Taurinense sub Siricio Papa celebratum fuit. Ex hist. Priscillian.

I. JUDAS ISCARIOTES, qui ab Evangelica fide defecit (ut colligitur ex epist. S. Alexandri Patriarchæ Alexandrini, quæ extat lib. 1. hist. tripartitæ, cap. 13.) Christo, qui cum in Apostolorum numerum cooptaverat, ingratus rebellis, impugnavit realem existentiam corporis Christi in Eucharistiâ, ut perhibet S. Joan. Chrysost. homil. 46. in Joannem. Colligitur etiam ex S. Hieronym. in Matth. cap. 26. quod Judas Christi miracula magicis artibus tribuebat.

XVI. JUDAISTÆ. Nomine Judæistarum veniunt, qui asseruerunt Judam bonum opus fecisse, cum Christum tradidit, dicentes, Judam scivisse quantum Christi mors generi humano fuisset profutura, & ideo Christum tradidisse. Sed de Juda, utpotè proditor dixit Christus: *Nonne ego vos duodecim elegi, & unus ex vobis diabolus est?* Quod si Judas, utpotè proditor, diabolo à Christo comparatur, quomodo proditio poterit inter bona opera ascribi? Deinde: *Melius erat ei, si natus non fuisset.* Tum quia tritum est, non esse faciendā mala, ut eveniant bona. De Judæistis agit Prateolus.

XVI. JUDAIZANTES (ex Gravinā in Tabulā analytica) illi sunt, qui in Lithuania Semi-Judæi nominantur, & circa annum 1544. dogmatizarunt, neminem salvari posse, qui legem Moysaycam non servaverit; quare ipsi à carne porcina ablinebant, custodiebant Sabbatum, & circumcidebantur; in reliquis adhærebant Anabaptistis. R. verbo *Cerintus*.

I. JUDÆI. Inter hæreticos reponit S. Augustinus Judæos in sermone adversus quinque hæreses, & D. Thomas asserit quæst. 28. caus. 9. art. 6. quod Judæorum infidelitas, & contumacia potest dici hæresis. Inter Judæos ante Christi adventum plures fuisse erroneas sententias, certum est. Undè & in varias sectas erant divisi, nempe *Hesæorum*,

Gallilæorum, *Hemerobaptistarum*, *Masbotheorum*, *Samaritanorum*, *Sadduceorum*, & *Phariseorum*; sed de iis, & aliis, suo loco. Nunc potissimum impugnare intendimus præcipuum, & communem omnium Judæorum malignantium errorem, qui negant Messiam in lege promissum jam venisse, illum adhuc expectantes, & consequenter negant Christum fuisse verum Messiam, promissum in lege, expectatum à Patribus, repudiantes omnem mytilicum sensum sag. Scripturæ, ubi agitur de adventu Messie, sola litera contenti; sed si ad solam literam fas est attendere, quomodo verificaretur illud, quod legitur Daniel. 12. *Tu autem Daniel claudes sermones, & signa librum usque ad statutum tempus: plurimi pertransibunt, & multiplex erit scientia.* Et paulò infra: *Vade Daniel, quia clausi sunt, signatique sermones usque ad præfixum tempus. Eligentur, & dealbabitur, & quasi ignis probabuntur multi, & impij agent impij, porro docti intelligent.* Certè quotquot visiones in lege, & Prophetis de Messia habentur, sub variis figuris oblectæ sunt, quæ solum in Christi adventu referatæ fuerunt; sic illud Davidis jam patet verificatum in persona Christi: *Dominiabitur à mari, usque ad mare, & à flumine, usque ad terminos orbis terrarum;* alios scripturæ textus, litteraliter acceptos à Judæis, cum nondum verificados viderint, ideo Messiam jam venisse constantissimè negant. Sed si litteraliter ubique accipienda est Scriptura, ubi agitur de Messia, etiam alibi Judæos apertè Scriptura convincit, sic Isaïa 53. legitur: *Tradidit in mortem animam suam, & cum sceleratis reputatus est, ipse autem vulneratus est propter iniquitates nostras, attritus est propter scelera nostra.* Utique vaticinia hæc de Messia litteraliter accepta, jam verificata perhibentur, ut mirum sit, quomodo audeant Judæi negare Messiam jam venisse, cujus vaticinia, quæ extant in Scripturis, nec omnia litteraliter, nec omnia spiritualiter accipienda sunt. Rep. igitur primò ex illo Genes. 49. *Non auferetur sceptrum de Juda, & dux de femore*

more ejus, donec veniat, qui mittendus est (idest donec veniat Messias) ut exponunt Rabbi Cachadias in translatione Arabica, Rabbi Chanini in translatione Chaldaica, & alii, quos tanquam sapientiores inter Rabbinos, honorant ipsi Judzi. Sed hoc vaticinium jam est impletum: siquidem sceptrum de Domo Juda, jam ablatum est: ergo Messias jam venit. Et cum videant Judzi se non posse effugere vim tantæ auctoritatis, converunt se ad fabulas, dicentes, ultra montes Caspios Judzorum regnum translatum, & ibi à Deo servari; sed quare ipsi ad invisendum proprium regem non remeant, si ultra montes Caspios translatum est Judzorum regnum? Qua fulciti auctoritate Scripturæ hoc asseverant? Quis venit de semine longinquo, ut hoc ipsis nuntiaret? Grátis igitur hoc asseverant. Secundo, ex illo Isaï 26. *Quia incurvabitis habitantes in excelsis, civitatem sublimem humiliabis. Humiliabis eam usque ad terram, detrabes eam usque ad pulverem. Conculcabis eam pes, pedes pauperis, gressus egenorum.* Hic locus interpretatur apertè de Messia non modò à Catholicis, sed à doctioribus Judzis, inter quos Rabbi Salomon dicens: *Orbem sublimem humiliabis, idest Romam & Italiam. Humiliabis eam, inquam, usque ad terram, calcabis eam pes, pedes pauperis, idest Regis Messia, de quo dictum est Zacharia; Pauper, & equitans super asinam.* Itaque jam verificatum est vaticinium Isaï de Messia in persona Vicarii Christi, scilicet Petri, & successorum ejus, qui Romæ feliciter regnant, & vident eorum pedibus Romam, cum Universo orbe humiliatam. Tertio, ex illo Zacchar. 13. *Et eris in die illa, dicit Dominus exercituum: disperdam nomina idolorum de terra, & non morabuntur ultra.* Sed jam dispersus est idolorum cultus, ergo jam venit Messias. Citatum autem Zacchariz locum, de adventu Messiz interpretari, in confesso est apud Hebræos. Præterea, quæcumque de Messia in Scriptura dicta sunt, verificata perhibentur de Christo filio Mariæ, qui unicus fuit Messias, & Sal-

vator generis humani: nam sac. pag. Messiam futurum ex semine Abraham testantur, undè legitur Genes. 17. *In semine tuo benedicentur omnes gentes.* Porro Christum esse ex semine Abrahæ, constat ex genealogia Christi, quam, tum Matth. tum Lucas contexerunt; protestati sunt etiam ipsi Judzi, qui euntes obviam Christo Domino, ingrediendi Jerusalem, decantarunt: *Osanna filio David, benedictus qui venit in nomine Domini.* Locum nativitatis Messiz esse debuisse Bethlehem terram Juda, etiam vaticinati sunt Prophetæ, Michæas cap. 5. *Et tu Bethlehem Ephrata parvulus es in millibus Juda: ex te mihi egredietur, qui sit dominator in Israel.* Natum autem Christum in Bethlehem testantur sac. pag. Quòd si Christus non Bethlehemites, sed Nazarenus dictus est, hoc est, quia post fugam in Agyptum, denuò Archelaum devitans, aufugit in Nazareth, ubi reliquo tempore, usque ad prædicationem incola fuit. Debuit etiam mater Messiz esse virgo, testante Isaia cap. 7. *Ecce virgo concipiet, & pariet filium, & vocabitur nomen ejus Emmanuel.* Simile prædixerunt Sibyllæ. Sed ut ex ipsis Judzis confundatur eorum perfidia, simile testatur Moyses, Rabbi Hadason in annotationibus, explicans illud Psalm. 84. *Veritas de terra orta est,* & Rabbi Haccados in lib. Galeraia in tertia petitione ad Antoninum Consulem: ergo cum de virgine natus sit Christus, ipse est verus Messias. Adde, quòd hanc virginem non aliam, quàm Mariam esse debuisse, fatentur doctiores ex Judzis, inter quos Rabbi Haccanas, filius Necumiz. Ex tempore nativitatis prædicto à Daniele Propheta de septuaginta hebdomadibus, etiam probatur Christum esse verum Messiam, sicuti etiam ex vitæ sanctimonia, miraculorum patrione, novæ legis promulgatione, ejusdemque Messiz paupertate, humilitate, & passionem, quæ omnia de Messia verificari debere prænuntiarunt Prophetæ, & verificata esse de Christo testantur sacræ paginæ. Christum autem esse verum Messiam promissum in lege veteri, ex

hoc satis comprobatur, quod scilicet Christus opprobriose mortuus, nihilominus post mortem tanquam verus Messias fuerit ab ipsis Judæis gloriose prædicatus, & ut talem ferre omnes gentes agnoverint. Sed fortius adhuc reprobandur ex prophetia Jacobi, quam iterum libet opponere. Jacob itaque Patriarcha morti proximus, Gen. 49. convocatis filiis, annuntians quæ ipsis novissimis temporibus ventura erant, Judam sic allocuitur: *Juda, te laudabunt fratres tui: manus tua in cervicibus inimicorum tuorum... Non auferetur sceptrum de Juda, & dux de femore ejus, donec veniat qui mittendus est, & ipse erit expectatio gentium.* Hoc vaticinio promittitur Messias, quem utique designant illa verba: *Qui mittendus est, & illa alia Ipse eris expectatio gentium;* quæ verba Messæ adeo conveniunt, ut nemini alteri adaptari possint. Tunc igitur promittitur Messias hoc vaticinio, cum sceptrum, seu supremam, cujuscumque sit nominis, potestatem ex Juda defecerit: atqui jamdiu est, ex quo illa defecit in Juda, imò in tota gente Judaica, cum subversa per Titum Jerosolymâ, Judæi extorres, dispersi, errabundi, dura ubique servitute sub aliendi imperio sine duce, sine Templo, sine victimis, sine Sacerdote, ac Sacrificio permanserunt, & permanent: quam Judæorum ruinam, ac calamitatem prædixerat ipsis Oseas Propheta, cap. 3. his verbis: *Dies multos sedebunt filii Israel sine rege, & sine principe, & sine Sacrificio, & sine Altari, & sine Ephod, & sine theraphim.*

Reprob. intuper ex prophetia Danielis. Cum Daniel Propheta, fuis ad Deum precibus, supplex postularet populi, à durissima captivitate Babylonica, liberationem, exauditus à Deo, Gabrielis Archangeli ministerio cognovit, non tantum quo tempore populus liberandus foret à temporali captivitate, sed etiam, sub quibus circumstantiis advenire deberet Messias, qui populum suum à captivitate spiritali dæmonis liberum, in libertatem filiorum Dei erat asserturus, notatis ferè singulis adventus, passionis,

& mortis Christi circumstantiis. Ecce verba prophetæ cap. 9. *Tu ergo animadverte sermonem, & intellige visionem. Septuaginta hebdomades abbreviata sunt super populum tuum, & super urbem sanctam tuam ut consummetur pravaricatio, & finem accipiat peccatum, & deleatur iniquitas, & adducatur justitia sempiterna, & impleatur visio, & prophetia, & ungatur Sanctus sanctorum.* Sileo ergo, & animadverte: *Ab exitu sermonis, ut iterum adificetur Jerusalem usque ad Christum ducem, hebdomades septem, & hebdomades sexaginta dua erunt: & rursum adificabitur platea, & muri in angustia temporum. Et post hebdomades sexaginta duas occidetur Christus: & non erit ejus populus, qui eum negaturus est. Et civitatem, & sanctuarium dissipabit populus cum duce venturo: & finis ejus vastitas, & post finem belli statuta desolatio. Confirmabis autem pactum multis hebdomada una: & in dimidio hebdomadis deficiet hostia, & sacrificium, & erit in Templo abominatio desolationis, & usque ad consummationem, & finem perseverabit desolatio.*

Hoc vaticinium Danielis de Christo Messia, non de alio quocumque intelligi debere sic probatur. Illud vaticinium de solo Messia, seu Christo venturo intelligi debet, cui soli adaptari possunt characteres omnes à Daniele delineati, atqui soli Christo vero Messæ adaptari possunt characteres à Daniele delineati. Isti porro sunt: Qui venturus à Daniele prædicatur antonomastice, sive per excellentiam Christus nominatur; dux seu princeps, Sanctus sanctorum, qui peccatum expiaturus est, qui est justitia sempiterna, quam secum est adducturus, auctor novi fœderis, sub quo vetera sacrificia sunt abroganda; qui occidendus est, & post cujus mortem Templum esset evertendum: atqui hæc omnia in Christo ad litteram impleta sunt post expietas hebdomades 70. à Daniele designatas, ergo &c.

Observandum tamen est ad pleniorrem vaticinii Danielis explanationem, quod cum communi Scripturæ usu, hebdoma-

domades aliz sint septem dierum, aliz septem annorum, certum illud videtur, septuaginta hebdomadas apud Daniele annorum esse, non dierum: septuaginta quippe hebdomades septem annorum efficiunt annos nonaginta supra quadringentos: septuaginta verò hebdomades dierum efficiunt dies 490. idest annum cum quatuor mensibus: Atqui certum omnino videtur apud Daniele non dies, sed annos computari. Tum quia istud spatium dierum ninis angustum est tanto implendo mysterio. Tum quia de facto illo dierum 490. intervallo, nihil eorum contingit, quæ à Daniele prænantantur, non capta civitas, non attritus populus, nec Christus occisus &c.

Jam verò septuaginta hebdomades Danielis inchoandæ videntur ab anno vigesimo Artaxerxis Longimani. Ab illo enim anno rectè possunt, ac debent inchoari septuaginta Danielis hebdomades, quo emissum est edictum de iterum ædificanda Jerusalem, & à quo usque ad Christum occisum, impletæ probantur septuaginta illæ hebdomades, seu anni 490. Atqui anno 20. Artaxerxis Longimani emissum est edictum de iterum ædificanda Jerusalem, & ab illo anno ad Christum usque occisum, septuaginta istæ hebdomades impletæ probantur, ergo à vigesimo anno Artaxerxis Longimani, debent inchoari septuaginta Danielis hebdomades. Prima minoris propositionis pars manifesta est ex libro Esdræ c.2. per totum, præsertim autem vers.8. Secunda verò ejusdem minoris propositionis pars declaratur: quia Daniel totum illud septuaginta hebdomadarum spatium in tres quasi partes dividit. Primò in septem, tum in sexagintaduas, denique in unam hebdomadam, & unicuique veluti parti suam historicum futurum eventum assignat: atqui si septuaginta illarum hebdomadarum initium in vigesimo Artaxerxis Longimani anno figatur, omnia quæ Daniel intra illud spatium temporis eventura prænantant, re ipsa evenisse probantur, & ipse numerus annorum 490. qui in septuaginta hebdomadibus includitur, elapsus evincitur.

Minor probatur: quia si statuerimus Artaxersem Longimanum ad regnum pervenisse anno periodi Julianæ quater millesimo ducentesimo quadagesimo primo, vigesimus ejus annus incidit in annum periodi Julianæ quater millesimum lucentissimum sexagesimum, mundi ter millesimum quingentesimum quinquagesimum; si adjeceris sexaginta novem hebdomades annorum, hoc est annos tres, & octoginta supra quadringentos, habebis annum mundi quater millesimum trigessimum tertium, Æræ Christianæ trigessimum, quo baptizatus est Christus, & cœpit Evangelizare verbum Dei. Cum igitur mense Nisan exierit illud Artaxerxis edictum, Nehemiæ datum pro ædificanda civitate, septem hebdomadarum spatio, scilicet annis 49. absoluta civitas est. Quanquam enim muri urbis celerimè ob imminentes undequaque hostes diebus 52. fuerint erecti, attamen platea, ut loquitur Daniel, publica ædificia, strata viarum, fora, porticus, cisternæ, aquæductus, & alia id genus, quæ disturbaverat Nabuchodonosor, instauranda erant: Et quidem in angustiâ temporum, ut Propheta loquitur, propter frementes, & undequaque irruentes hostes; unde aliâ manu ædificabatur, & aliâ contrâ hostes pugnabatur. Sequuntur deinde 62. hebdomades, quæ ab illa perfecta civitatis instauracione fluxerunt, donec Christus ipse Messias advenerit, cui tota postrema hebdomas septuagesima consecrata est; quamobrem à primo Paschate, quod Christus post baptismum celebravit, incipit annus primus septuagesimæ, & ultimæ hebdomadæ, in qua fœdus confirmatum est multis. Pascha autem nostrum Christus, legalibus sacrificiis imposito fine, immolatus est ineunte anno 4. sive in medio postremæ ejusdem hebdomadæ. Tuncque defect hostia, & sacrificium, sicut Angelus Danieli prædixerat. Annus ille quartus fuit Olympiadis ducentissimæ secundæ. Periodi Julianæ ann. quadagesimus octavus; Æræ vulgaris trigessimus tertius; Tiberii Cæsaris decimus nonus: Hebdomadarum Danielis quadringentesimus octogesimus septi

ptimus. Postea vero exitum habuere septuaginta hebdomades, tunc dissipatum est sanctuarium, civitas solo æquata, Gens tota dispersa. Horum duorum, & aliorum Prophetarum de Christo venturo vaticinantium verba simul cum iis omnibus, quibus abundè convinci potest Judæorum perfidia, legi possunt in eximia, & nunquam satis laudata demonstratione Evangelica Danielis Huetii.

Reprobantur Judæi testimonio Josephi, quod certè Christianorum causam adversus illos maximopere juvare debet. Sic enim loquitur lib. 18. Antiquitatum Judaicarum cap. 4. Fuit autem, hoc tempore Jesus vir sapiens: si tamen virum illum oportet dicere: erat enim mirabilium operum effector, magister hominum qui vera libenter amplectuntur, & plurimos quidem ex Judæis, plurimos etiam ex Gentilibus ad se pertraxit. Hic erat Christus. Cumque eum à primatibus gentis suæ accusatum, Pilatus ad Crucem damnaasset, ab eo diligendo non abstinerunt, qui primum cœperant; nam post tertium diem redivivus ipse apparuit, cum Divini vates hæc aliaque quamplurima admiranda de eo prædixissent, neque ad hanc diem defecit denominatum ab eo Christianorum genus.

Mirum certè videri debet esse inter Christianos critices, tam intemperantes viros, qui adeò illustre viri Judæi testimonium levissimis conjecturis nobis Christianis eripere tentaverint. Testimonium illud Josephi tamquam adulterinum, & à primis Christianis pia fraude confectum, rejiciunt Osiander Montacutius, Capellus uterque, Blondellus, Tanaquillus, Faber, & alii. Sunt inter nostros timidi, qui nec rescire audent, nec apertè admittere, sed rem veluti in ancipiti suspensam reliquunt. Alii denique palam, & apertè tanquam genuinum, ac verum teneant. Momentum istud more suo doctè, ac eleganter pertractavit Illustrissimus Daniel Huetius, demonstr. Evang. prop. 3. à num. 11. usque ad 19. Hic non est silentio prætereundum dari inter Judæos plures, quiarii Cabalisticæ dediti, eandem summis lau-

dibus celebrant, Cabalisticæ dixi quia sic nuncupati: cæterum ars Cabalistica mera est superstitio. Videatur hac de re Cardin. Bona lib. de Divinà Psalmodià cap. 2. Videatur etiam Martinus de Rio in magicis disquisitionibus, ubi varia esse Cabalistarum genera ostendit, quorum doctrina nihil habet soliditatis. Reprobantur efficacissimis argumentis Judæi à Petro Galatino Ord. Min. in suo eruditissimo opere inscripto: *De Arcanis Catholica veritatis*.

Hic opportunè notandū Judaïsmum per Evangelicos nostri temporis iterum fuisse investum prætextu Evangelii; sicuti eruditè ostendit Lindanus, comparans Judæorum errores cum Novatorum figmentis. Quid enim erroris apud Judæos est invenire, quod non refraicaverint Novatores? Negant illi Messiam venisse, isti idem asserunt cum Davide Georgio: Negant illi in Sanctissima Trinitate tres Personas, idem asserunt isti cum Serveto, sic de reliquis erroribus comparative discurrendo, ita ut invenire etiam sit apud Novatores, qui circumcissionem carnis revocaverint, ut absque scrupulo possent omnino Judæis perfidis comparari. Inter quos Evangelicos demum juveni sunt *Mannari*, qui scilicet in Cœna Domini se se manna comedere affirmabant. Qui de hac comparatione inter Judæos, & Evangelicos copiosiora desiderat, Lindanus consulat, ad quem lectorem remittimus. Ex quò autem de Judæis actum est, varias sectas, in quas abjerat Judaicus populus, ut statim discernat studiosus lector, earundem seriem, hic adnectimus ordine alphabetico digestam.

JUDÆORUM SECTÆ.

BAALITÆ. Impia quorundam Israelitarum secta, quæ Baal, aut Idolum Balli Assyriorum Regis, adorabat. Hæc, quò ad defectionem, in Ethnicismum declinat.

DOSITHÆI, Dosithæum ex Judæis oriundum institutorem habent. Hic cum in doctrina Scripturarum multum proficisset, ex ipsa scientia, quæ sine charita-

te inflat, in superbiam elatus, Episcopatum ambire cepit vivente Divo Petro, circa medium seculi primi, quod cum obtinisset, declinavit ad Samaritanorum genus, & Dositheorum sectam produxit; deinde in speluncam simulatâ Religionem secedens, ibi plusquam par erat, abstinentiâ se afflictiens, sibi & fame periit. Tanta Religione observabant Dositheani Sabbatum, ut hac die in quocumque loco, & in quacumque situatione invenirentur, usque ad diem sequentem persisterent. Sunt qui inter Judaizantes Dositheanâ sectam reponunt. Aliqui ex Simonis magi discipulis, etiam Dositheani dicti sunt. De Dositheo refert Philastrius quoddam

1. Negabat Deum creasse Angelos, idcirco Angelorum existentiam non admittebat. R. Gen. 19. vers. 1. *Veneruntque duo Angeli Sodomam vespere*. Cap. 12. vers. 11. *Et ecce Angelus de caelo clamavit, dicens; Abraham Abraham*. Item c. 28. v. 12. Judith. cap. 13. v. 20. Insuper ex Psal. *Qui habitat &c.* & in pluribus aliis Scripturâ locis comprobatur Angelorum existentia. Denique Matth. c. 26. vers. 53. *An putas quia non possum rogare Patrem meum, & exhibebit mihi modo plus quam duodecim legiones Angelorum?* Ex iis, quæ sunt in Energumenis comprobatur etiam Angelorum existentia; plura enim opera, quæ patrantur in ipsis, utpotè turpissima, non possunt refundi in Deum, neque in vires humanas, quia longè eas superant, neque in animas separatas à corpore, quia anima etiam separata à corpore non acquirit majorem virtutem circa exhibitionem talium operum, quæ sunt ab Energumenis, quam habuerit in corpore; naturalis enim virtus agendi, agentem ubique sequitur. Videmus autem Energumenos movere ingentia pondera, se elevare in aera, quod anima non potest per se efficere, ergo similia opera quæ sunt ab energumenis refundi debent in malos Angelos, à quibus Energumeni obsidentur, ergo ex Energumenis bene comprobatur existentia Angelorum. Neque ex creatione hominum potest impro-

bari existentia Angelorum, ut contendunt adversarii, qui negant posse dari Angelos, cum homo sit creatura sublimior à Deo creata. Nam licet homo sit creatura nobilior cæteris corporalibus, vel etiam, ex summo Dei beneficio, spiritalibus in aliqua ratione, quatenus v. g. Deus naturam humanam assumpsit, potius quam Anglicam, attamen Angeli, in esse simplicis creaturæ, sunt perfectiores homine, cum sint creaturæ omnino spirituales: licet verò de illis, tanquam de creaturis corporalibus, Scriptura mentionem faciat, hoc non officit, nam Scriptura se accommodat captui nostro. Cæterum ex ipsa Scriptura certum videtur Angelos esse creaturas spirituales, unde legitur Psal. 103. *Qui facis Angelos tuos, spiritus*. Super id aliqui ex Patribus dubitarunt, ipseque S. Augustinus: sed hodiè iste est communis sensus Ecclesiæ, quam docet Spiritus sanctus.

2. Ab animatis abstinebat. R. Nam in lege gratiæ nullum extat de hac re præceptum: & licet in lege veteri ab aliis quibus animatis abstinerent, non tamen ab omnibus: sed quidquid sit de lege veteri circa hoc, certum est in lege gratiæ omne comestibile esse permixtum in cibum; & præcepta legalia legis Moisaicæ per Evangelium sublata sunt.

3. Sabbatum ita superstitiosè colebant Dositheani, ut quocumque loco, situ, & habitu die Sabbati inventi fuissent, in tali positione usque ad vespem immobiles permanerent. Videantur hic, quæ dicta sunt contrâ Cerinthum, & Apollinarem circa observantiam legis Moisaicæ. Item quæ dicta sunt contrâ *Aerianum*.

4. Repudiabant Prophetas. Reprob. verbo *Albanenses*.

5. Circumcisionem observabant. R. verbo *Aerarius*.

6. Dicebant post mortem nullam superesse vitam, & animam esse mortalem. R. verbo *Arabes*.

7. Negabant resurrectionem. R. verbo *Basiliiani*.

ESSAËT, sive Essæni, ab Assa, quod verbum hebraicè operari significat, nuncupari voluerunt. Idem ergo est Essæni, hac

ac operarii, sic dicti, quia ut oblaerent Phariseis, & Sadduceis, quorum odiosam vitam, & delictis deditam reprobabant, vitam factis austeram instituerunt, multo ante adventum Christi, qui deinde ad Christum conversi, post Christi adventum in asperitate vite perseverarunt. Vitam Monasticam primum in Iudæa, deinde Alexandria propagantes tempore primitivæ Ecclesiæ, quorum laudes recenset Philo tractatu de Vita solitaria: sed quia Esseni ab aliquibus inter hæreticos reponuntur, distinguendi sunt in tres species, ut sincera de eisdem cognitio habeatur. Alii enim sunt Esseni, sic dicti ante Christi adventum, qui teste Epiphanio, & Josepho lib. 8. antiq. cap. 2. de bello Iudæico cap. 7. unam Iudæorum sectam constituiebant, & isti bipartiti sunt, nam alii à nuptiis abstinabant, alii (quæ divisa ab illorum secta ponitur à Josepho) non autem omnes, rationalem justitiam sectantes, atque in communi omnia habentes, austerissime vivebant: immortalem animam favebantur, futuramque felicitatem proborum, ac improborum penam, variis tamen erroribus veritatem istam admiscientes, credebant, Platonici omnino similes, unde Josephus illos ait concinere Græcorum sententiis. Dicitur istos docuisse nullam legem obligare post Christi mortem, & inde fortasse inter hæreticos aliquando recensentur. Quia tamen incerta res est an ita docuerint (maximè quia tempore S. Marii non ita docebant) ab impugnatione abstinemus. Satis est ea quæ contrà Anomeos diximus, recollere. Alii demoni sunt Esseni, qui vitam verè religiosam agebant Alexandria, de quibus supra. Illos laudavit Philo supracitatus, nam licet Christiani, erant tamen de genere Hebræo. Magistrum habuerunt S. Marcum Evangelistam, ut monet D. Hieronymus de Scripturis Ecclesiasticis.

GALLILEI. Unam apud Iudæos sectam constituerunt, quam studium sapientie appellabant, teste Josepho, Antiq. 18. cap. 2. sic dicti, quia à Iudæa natione Gallilæo originem habuerunt. Iudæi

indignum ratus Iudæos alienigenis tributum solvere, aliorum more Iudæorum solventium tributum Cæsari, hinc factum est, ut cum suis sectatoribus ab aliis Iudæis se divideret, & seorsim ab illis æripit sacrificia offerre, negans insuper pro Romano Imperatore, vel aliis Ethnicis offerendum esse sacrificium; Cum verò Christus Dominus natione Gallilæus esset, hinc Iudæi perperam censentes cum esse de Gallilæorum secta, eundem tentarunt sciscitantes eum, ut diceret, utrum liceret censum dare Cæsari, sed Iudæorum versutià statim à Christo cognita, simul fuit ab eodem improbat illis verbis: *Solvite quæ sunt Cæsari, Cæsari.*

GALATÆ. Redarguit Galatæ S. Paulus, quod cum Evangelium suscepissent, supervenientibus Pseudo-Apostolis, iterum ipsis aurem præbentes, à doctrina sana discederent, revertentes ad Iudaismum, & legalia, unà simul cum Evangelio confundentes. Legem Moisaicam simul cum Evangelica non esse servandam, dictum est contrà *Cerinthum*.

GORTHÆNI. Diversa à Sadducæis dierum festorum rationem habebant, quam sibi ad placitum præscriperunt.

HÆRETICOGNOSTICI. Erant viri Idololatæ apud Iudæos, qui solem tanquam Deum colebant, propterea omnia, quæ Dei sunt, soli tribuebant, nempe creationem mundi: item omnia, quæ homo possidet, & huic vite sunt necessaria à Sole recognoscebant, tanquam à supremo rerum omnium productore, & dispositore. Reprob. Nam solem non esse Deum, sed Dei creaturam evincunt sacre pagine Job. 9. v. 7. *Qui præcipit soli, & non oritur.* Matth. 5. *Qui viri facit solem suum super bonos, & malos.* Adversus abominationem eorum, qui solem adorant, loquitur Deus Deuteronom. 17., & propter eandem abominationem pluribus malis obnoxio fuisse Israeliticum populum legitur in Isai.

HÆMERO-BAPTISTÆ. Hæc secta inter Iudæos multum invaluit, cum Phariseis sentiebant, & cum Sadducæis negabant resurrectionem mortuorum. Hæmero-Baptistæ autem sunt dicti, quia vere,

re,

re, æstate, & autumnò singulis diebus se, & sua vestimenta abluebant, rati non posse aliter homines à suis culpis mundari, quàm quotidiana ablutione. R. Nam unicam tantùm ablutionem, nempe baptismum habere virtutem abluendi peccata, constat ex Evangelio; ergo omnis alia ablutio est superflua, & superstitiosa. Tum quia, si quotidiana ablutio deleteret peccatum, esset Sacramentum, & de eà consequenter fieret in sacris paginis aliqua mentio, vel talis ablutionis servandæ præscriptio aliqua traditione Divina fuisset ad nos derivata, sicut derivata est doctrina de Sacramento Pœnitentiæ.

HERODIANI. Illi sunt, qui adulationis studio Herodem Idumæum Christum fuisse dicebant, & hac de causa fuerunt Herodiani nuncupati. Ex hac secta fuerunt plures Judæi, & Pharisei, qui contrà Christum conspirarunt. Porro Herodem percussit Angelus Domini plagâ pessimâ, & consumptus à vermibus expiravit. Herodis diem natalem Herodiani observarunt, & colverunt etiam pluribus annis post Christi resurrectionem.

HOŒI. Idem sunt ac Essæni, idem autem significat HoŒi, ac Sancti: Essæni enim tanquàm sancti in opinione hominum erant. Et quidem eorum mores mirè extollit Iosephus.

MOLOCHITÆ. Ab Idololatriâ, quam Moloch, & Rempham Ammonitarum Idolis exhibebant quondam Judæi, nomen sortiti sunt; eadem de causa dicti etiam Remphanitæ. Idololatrias Cananæz, præfatis Idolis filios, & filias immolantes redarguit Dominus Levit. 17., & 20. Hos postea Hebræi imitati sunt; ut habetur Psalm. 105. vers. 37.

MUSORITÆ. Dicti sunt quidam Judæi, qui mures tanquàm Deos colebant, undè & quinque mures aureos fecerant. De his agit Philastrius.

NAZARÆI. Nazaræorum institutio, & vitæ ratio sancta erat, ut sac. pagina pluries commendat; nihilominus eodem nomine *Nazaræi* Hæretici quidam nuncupantur, qui sunt in duplici specie: alii

inter Judæos antè Christi adventum hæresim fecerunt, qui nec Sacrificia observabant more legis Judaicæ, nec libros Moysis cum cæteris Judæis recipiebant, abstinentes ab animatis velut immundis; alii post Christi adventum sectam instituerunt ab urbe Nazareth, Nazaræi dicti, qui circà annum Christi 74. Christum constantes, circumcisionem nihilominus retinendam esse affirmabant, dicentes Christi fidem sine operibus legis non sufficere ad salutem. Insuper & cum antiquis Nazaræis in hoc conveniebant, quòd libros Moysis non recipere, dicentes fuisse confictos. Tempore D. Hieronymi vigeabant adhuc in Oriente, dicti etiam alio nomine Minzi, qui demum Ebionis consortio infamati, multos etiam errores cum eodem Ebione habuerunt communes.

Reprobant, circà observantiam circumcisionis, & legalium verbo *Aerarius*: circà libros Moysis, quos volebant esse confictos, verbo *Albanenses*, contrà quos probatum est esse canonicos.

OSSANI. Sectam unam constituebant inter Judæos, qui post excidium Jerosolymæ juncti sunt Ebionæis hæreticis circà annum 74.

PHARISÆI sub e mentitâ sanctimonîâ superbiam foventes, cæteros aspernantes, à voce *Phares*, quæ segregatos significat, sunt dicti. Phariseorum auctores fuerunt Sammay, & Hillel, ut pluribus placet; Arbiiror tamen fuisse antiquiores. Vide Calmet in Dictionar. ex quibus alii dicti sunt Scribæ, & alii Pharisei. Scribæ quidem, qui interpretabantur Legem. (quanquam revera Scribæ per omnes sectas divagasse videantur) Hujus sectæ Judaicæ sequaces, Christum expectant ut iustum hominem. Eorum hypocritissim redarguit Christus in Evangelio, qui separati vivebant ab aliis peculiari cum rigore, non virtutis genio, sed superbiz pruritu; quapropter rigidâ virginitatis ad præscriptum tempus observantiâ, victusque asperitate, venerationem sibi conciliabant. Phariseorum dogmata hæc erant: cuncta tribuebant fato; ait tamen Iosephus lib. 13.

Antiquit. cap. 2. id sine liberi arbitrii dispendio eos docuisse. Afferbant animarum judicia sub terra fieri, bonorum animas præmia consequuturas, malorum, verò puniri in æternum; futuram resurrectionem credebant, ut habetur Act. 23. Astronomiæ studio dediti super alios sapere gloriabantur.

PUTEORITÆ. Erant olim quidam Hæretici, vel potius Idololatæ apud Judæos, qui puteorum aquam colebant, puteos in altum fodientes, & aquas haurientes, quam salutarem appellabant.

RAMATITÆ. Apud Judæos fuerunt ranarum cultores, qui sub Pharaone, Moysen imperante, Ægyptus produxit. Tempore Philastrii quarto corrente seculo, adhuc erant, qui in Ægypto ranas colerent, putantes Dei iram ex hac vanâ observantiâ posse placari.

REMPHAMNITÆ. Vide *Molochita*.

SABBAITÆ. Afferunt aliqui Sabbaitas antiquos fuisse Chaldæos, qui à vera religione declinantes, & ab ipso principio, lumine naturæ noto, deficientes, quo docemur unum tantum esse, & colere Deum, solem, & cetera astra tanquam Deos colebant. De Religione Sabbaitarum dissertationem scripsit P. Angelus à S. Joseph Carmelita.

SADDUCÆI. Sadducæorum Hæresis una est earum, quæ quondam viguit inter Judæos. A Sadoch Sacerdote appellationem mutatos esse, sunt qui afferunt. Alii dicunt sic nuncupatos, quia ceteris sanctiores æstimari volebant, *Sadach* enim, sanctum significat. In omnibus sentiebant cum Samaritis, excepto cultu, quem isti Deo dicabant in monte Garizim: sed præterea nullum dari Angelum, aut spiritum blaterantes, neque resurrectionem expectabant, neque animam humanam credebant immortalem.

SAMARITANI. Samaritanorum secta etiam vigeat inter Judæos; quam illi Judæi genere non fuerint, sed Chaldæi, ex urbe Chus, undè Cuthæi dicti; divisi semper à Judæis, nec templum, nec sacrificia, nec cæremonias cum illis communes habebant. Quinque

tantum Moysis libros acceptantes, reliquum Scripturæ sacræ rejiciebant. In plures sectas ad invicem distincti Samaritæ, alii fuerunt dicti Esseni, alii Sebuzei, alii Gortheni, alii Dosithæi. Judæorum hæreses non ita iam post Christum omnes fuerunt extinctæ, sed alix subito repressæ, alix etiam immutatæ. Samaritarum secta pervenit usque ad Justiniani tempora, sub quo Imperatore Samaritæ audaces facti, constituto sibi Rege, Palestinæ Ecclesiam diù vexarunt, seque ab Imperatoribus compressi, nihilominus repullularunt; ibique ad rem notandum, quod Judæorum hæreses potius mutatæ sunt, quam extinctæ: nam complures ex illarum sectatoribus periegi Judæorum infamie, & gloriam Christianorum emulantes, Christianis adhæserunt, sed ita tamen ut priores errores magna ex parte retinuerint: hujusmodi fuerunt Samaritæ, qui eò quod in Palestinâ tumultuarent, tempore Justiniani Imperatoris, sacras exturbantes imagines, ab Imperatore fuerunt compressi. Quantum colligere liquet ab opere, cui titulus *Bibliotheca Orientalis*, adhuc in præsens sunt in Oriente, qui Samaritanorum sectam profuerunt, sequentibus infecti erroribus, prout refert Philastrius.

1. Negant futurum Judicium. Reprob. verbo *Borboriani*.

2. Negant futuram resurrectionem, Reprob. verbo *Asilidiani*.

3. Non credunt in Christum Dei Filium in Lege, & Prophetis nuntiatum. Reprob. verbo *Judæi*.

4. Negant hominem habere animam immortalem. R. verbo *Arabes*.

5. Solum in hoc corpore vivendum esse putantes, resurrectionem futuram in sola filiorum procreatione reponunt.

SEBUZEI. Samaritarum hæresis apud Judæos in plures sectas erat divisa, ut diximus: earum unam constituebant Sebuzei, qui in hoc uno ab aliis dissentiebant, quod transponerent tempora solemniis festivitatibus.

SERPENT. COLAE. Viguit aliquando hæc secta inter Judæos regnante Ezachia, qui eandem sectam dissipavit; sic dicti sunt

sunt adoratores serpentis aenei, quem Moyses Dei jussu erexerat in deserto.

TOPHETITAE, ab arà, quam Tophet (quæ vox interpretatur *tympbanum*) nominabant, quidam Idololatæ Judæi sunt nuncupati. Hanc aram in valle filiorum Ennon collocare consueti sub alicujus Idoli nomine, super eam filios suos, & filias dæmonii immolabant.

XVII. JUDÆO-CHRISTIANI, [ex Rescio] vocantur illi sectarii, qui character baptismi initiati, nihilominus Judæorum profitentur errores: Illi ad peculiarem sectam non spectant, sed per multas vagantur. In Hollandiâ circa medium seculi decimi septimi, quidam Sectarii iterum inscitare tentaverunt hanc sectam, quæ *Hebræorum secta* nuncupabatur, sed statim à Magistratu cum suis fautoribus fuit proscripta. Judæorum mores, & leges cum Christianorum ritibus, & præceptis simul contexere sæpè attentarunt, etiam primitivæ Ecclesiæ temporibus plures hæretici, quorum infamias in hoc opere referimus, & refellimus.

XVI. JUDÆO-TRINITARIJ. Ortusunt anno 1584. à Daniele Bienenstri, qui cum prius esset Ebionista, & ab ipsis ad Samolatenos defecisset, Judæo-Trinitarius est nuncupatus.

1. Dixit Christum esse purum hominem, mox negavit esse natum, sed nasciturum. Reprob. quo ad primum, verbo *Arteman*, quo ad secundum, verbo *Judai*.

2. Docuit plures Judæorum cæremônias servandas excepta circumcissione, ejus præceptum non literaliter, sed spiritualiter intelligendum esse asseribat. Reprob. quo ad primum ex iis, quæ dicta sunt contrà *Scrinium*, & verbo *Graci*. Præceptum autem circumcissionis tempore legis Judæicæ literaliter fuisse acceptum, & servatum, satis constat ex sacra Scriptura.

3. Dixit abstinendum esse à sanguine, & suffocato, non vero à fornicatione. Reprob. verbo *Graci*, contrà quos probatum est non esse peccatum comedere de suffocato. Fornicationem autem

esse peccatum, ostensum est contrà *Florinum*.

XVI. JUDOCUS WELSIUS BATAVUS, vir sufficienti doctrina imbutus, assumptâ supra vires provinciâ interpretandi sacram Scripturam, Coloniz Agrippine in hæresim labitur: Ecclesiam invisibilem esse autumans, in carcereem conjectus, enthusiasticas visiones est meditatus, & de familiari sibi genio cœpit gloriari, quapropter in exilium pulsus est: aliquando eum Calvino disputationem habuit de libero arbitrio: & de causâ Sacramentaria cum aliis ministris disputans, tanquam Zuinglianus rejectus fuit: *Ex Lavaturo in hist. revoc.*

IV. JULIANUS APOSTATA. Vixit circa medium seculi quarti; Imperium adeptus, Idololatriam, quantum potuit, restituere curavit. Arianis, aliisque hæreticis ab exilio revocatis, Catholicos crudeliter exagitans, dirutis sacris templis, libros Christianorum irrisit, damnavit; aggressus etiam suis impudentissimis scriptis fidem Catholicam oppugnare; tandem in bello Persico ex infido vulnere desperatus decessit. Ex Baronio.

V. JULIANUS CAPUANUS, vir æri ingenio, in Divinis scripturis eruditus, factus Episcopus Capuanus, tempore famis cum omnia in elemosynam erogasset, hac sua miseratione plures in suam devotionem perduxit: ex quo factum est, ut eum ipse Pelagii dogma profiteretur, facilius sectatores haberit. Scripsit contrà eum S. Augustinus Hypognosticon in sex libros divisum. Vixit initio seculi quinti. Ejus errores verbo *Pelagius* consulantur.

VI. JULIANUS HALICARNASSÆUS, Episcopus, Justinus edicto à sua sede pulsus, quia Concilium Chalcædonense recipere renuebat, Alexandriam se recepit. Interim mota quæstione de corruptibili, & incorruptibili, Severus asserbat corpus Christi esse corruptibile, Julianus verò esse incorruptibile, & suam erroneam quæstionem scriptis stabilire curavit. Vide *Gajaniz*, & *Aphtharadicita*. Ex Leonio de sectis.

XVI. JUSTIFICATORII, sunt hæretici

ex Lutheri scilicet progeniti, qui justificationem nostram nihil aliud esse asserunt, quam peccatorum remissionem, quasi ad justificationem satis esset exuere veterem hominem, & non opus esset novum induere, scilicet in iustitiā, & æquitate ambulare; ceret ad justificationem non tantum opus est mori peccato; sed vivendum est Deo. Justificatorii autem in tot sunt sectas divisi, quot sunt textus Scripturæ, in quibus de justificatione fit mentio: quot enim sunt huiusmodi textus Scripturæ, tot sunt diversæ interpretationes erroneæ in materia justificationis, à diversis hæreticis inventæ: sunt autem notabiliores sequentes:

1. Ex illis verbis ad Rom. 4. *Credidit Abraham Deo, & reputatum est ei ad iustitiam*, colligunt hæretici duo justificationis genera, unum ex verbo *Credidit*, & dicunt, fidem esse nostram iustitiam, quam fidem, ut plurimum, à fiducia non distinguunt.

2. Aliud ex verbo *Reputatum*, & dicunt Deum iustitiam suam nobis imputare, & nos pro iustis habere, licet tales non simus, & hanc esse iustitiam nostram.

3. Ex illis verbis ad Rom. 5. 9. *Iusti fidei in sanguine ipsius*, colligunt quod solus Christi sanguis sit nostra iustitia.

4. Ex illis verbis ad Rom. 19. *Ita per unius obedientiam iusti constituentur multi*, docent quod obedientia Christi est iustitia nostra.

5. Ex illis verbis ad Rom. 4. 25. *Resurrexit propter justificationem nostram*, deducunt quod resurrectio Christi est iustitia nostra.

6. Ex illis verbis Joann. 10. 12. *Spiritus sanctus arguet mundum de iustitia, quia vado ad Patrem*, colligunt quod Christi transitus ad Patrem est iustitia.

7. Alii gratiam, & misericordiam Dei dicunt esse iustitiam nostram.

8. Docent alii justificationem nostram consistere in sola remissione peccatorum.

9. Ex eo quod legitur: *Livore ejus sanati sumus*, volunt alii vulnera Christi esse iustitiam nostram.

10. Afferunt alii, quod iustitia nostra sit opus Dei, quod Deus in Christo operatur.

11. Alii in hoc reponunt justificationem nostram, quod nos Deus ad æternam vitam recipiat.

12. Alii iustitiam nostram dicunt esse solum meritum Christi.

13. Alii dicunt, quod essentialis iustitia Dei, creat in nobis aliam novam iustitiam.

Reprobantur omnes præfati Hæreticorum, & si qui alii sunt eorum dicendi modi in materia justificationis, ostendendo primò, quod fides justificans, nempe eo modo, quo fidem justificare dicimus nos Catholici, scilicet dispositivè, & quæ per charitatem formatur, & formata fides dicitur: hæc inquam fides, non est fiducia in sensu Hæreticorum, sed assensus in sensu Catholicorum: nec sola fides est causa dispositiva ad justificationem, sed etiam actus timoris, spei, dilectionis, pœnitentiæ, propositi suscipiendi Sacramenta, & vitæ emendandæ. Sc. Fides justificans illa est, ex qua iustus vivit; sed fides ex qua iustus vivit, secundum Apostolum est assensus; ergo &c. minor patet ex pluribus ejusdem Apostoli testimoniis, sed præcipue ex definitione fidei, quam idem Apostolus tradit: *Fides est sperandarum substantiarum rerum, argumentum non apparentium*. Ex qua definitione patet quod vera fides justificans illa est, quæ inclinat intellectum nostrum ad præbendum assensum iis, quæ non intelligit, & quæ ille credit. Tum quia justificatio non sequitur ad fidem, prout fides significat fiduciam, seu confidentiam in Divina misericordia de remissione peccatorum obtinendâ, nisi fiducia ista oriatur ex verâ fide, scilicet prout fides dicit assensum rebus revelatis; hæc enim illa est, quam requirunt Christus, & ejus Apostoli; ut passim in novo Testamento; ergo hæc illa est, quæ justificat. Insuper Christus docens quæ sit fides, per quam denominamur fideles, asserit esse fidem prout est assensus: quod constat ex illis verbis Joan. 14.

Hæc

Hec scripta sunt ut credatis, quia Jesus Christus est Filius Dei, & ut credentes vitam habeatis in nomine ejus. Fides ergo, per quam præstamus assensum mysteriis revelatis illa est, per quam vitam habemus: inde falsum est etiam quod asserunt Hæretici, fidem esse notitiam, sive intelligentiam mysteriorum, quia mysteriorum fidei intelligentia V. G. Trinitatis, Incarnationis, haberi nequit pro hoc statu; intelligere enim est cognoscere quodquid est rei, ut monent Philosophi. Nos per fidem credimus res esse: quid sint, reservatur cognoscendum in patriâ. Ergo si fides justificans esset intelligentia mysteriorum in sensu Hæreticorum, & præsertim Calvini, cum hæc pro hoc statu haberi nequeat, neque posset aliquis per fidem justificari. Tum quia Christus, quando nos hortatur ad fidem, non hortatur ad intelligendum, sed ad credendum, & ad captivandum intellectum nostrum in obsequium veritatis revelatæ, quam pro hoc statu videre non possumus, aut intelligere, unde ait: *Beati qui non viderunt, & crediderunt.* Tum quia intelligentia mysteriorum quoquo modo in hac vita haberi potest, non est fides, sed est donum distinctum à fide, imò donum intelligentiæ prærequirit fidem. Fidei autem primarium objectum esse nequit misericordia Dei specialis, ut vult Kemnitius, quia in sacris litteris nunquam pro objecto fidei assignatur misericordia, sed assignantur omnia mysteria fidei, quibus ratione primæ veritatis revelantis præbamus assensum, ergo fides justificans est assensus mysteriis fidei, prout à Deo revelatis, & consequenter mysteria revelata erunt objectum creditum, seu materiale fidei justificantis, formale autem Divinum testimonium. Tum quia, si ad hoc, ut quis justificetur, sufficeret fiducia de remissione peccatorum, aut aliquid aliud ex iis, quæ nomine fidei ab hæreticis intelliguntur, jam superflua essent Sacramenta, orationes, & ea omnia, quæ ad salutem nostram Deus instituit. Quoniam verò illam fiduciam, de qua nuper locuti su-

mus, videntur Novatores ponere pro formâ ipsâ justificante, juvat eos hac ratione impetere. Illa fiducia, quam esse fidem justificantem volunt hæretici, vel est fiducia obtinendæ veniæ, vel veniæ obtentæ: si primum, talis fiducia non justificat, cum respiciat veniam ut futuram: si secundum, ergo neque talis fiducia justificat, cum jam supponat justificationem factam; ergo fides justificans esse nequit fiducia, prout sentiunt Hæretici.

Jam verò, quod non sola fides, sed etiam auctus timoris, spei, dilectionis, poenitentiae, propositi suscipiendi Sacramenta, & vitæ emendandæ, sint causæ dispositivæ ad justificationem, probatur, quia Scriptura, & Patres vim justificandi non modò fidei, sed etiam aliis virtutibus enumeratis tribuunt, & quidem de spe, ait S. Bernardus, serm. 9. in Psalm. Qui habitat: *Planè non derelinquit sperantes in se. Adjuvabit eos ait, & eruet à peccatoribus, & salvabit eos; quare? quibus meritis? audi quod sequitur, quia speraverunt in eo.* Dulcis causa, efficax attamen, attamen irrefragabilis, nimirum hæc est justitia; in quibus verbis adnexa est Scripturæ auctoritas desumpta ex Psalm. 36. & Proverb. 38. dicitur: *Qui sperat in Domino, sanabitur.* Justificat etiam timor, de quo legimus Proverb. 18. *Timor Domini fons vita.* Eccles. 1. *Timor Domini expellit peccatum.* Quod autem Poenitentia, propositum suscipiendi Sacramenta, & vitæ emendandæ, ac vera contritio concurrant ad justificationem adulti, qui sit lapsus, tot tantaque sunt manifesta Scripturæ testimonia, ut superfluum sit in illis rescribendis immorari. Constat ergo ex auctoritate Scripturæ, & PP. non solam fidem justificare, ut passim evincunt Accatholici, qui res polemicas prosequuti sunt. Nos autem aliquid adhuc subnectimus. Probat ergo. Si sola fides à cæteris virtutibus separata posset justificare, posset etiam justificare cum actualibus vitiis virtutibus oppositis; sed hoc est absurdum dicere: quis enim dicat justum illum qui fidem habet, & si-

mul

mul & semel habet intentionem committendi peccata gravissima V. G. furta, homicidia, & similia? ergo non potest fides sola iustificare; ergo nec ex se sola sufficit ad iustificandum. Præterea nullum est invenire verbum Dei expressum, (cui se omnino committere adversarii jactant) per quod valeant adversarii ostendere, solam fidem iustificare; cum enim de fide iustificante agitur in sacris paginis, nunquam invenitur illa particula *sola*, nempe quod sola fides iustificet; nec unquam Deus promissit, quod ad justificationem requiratur solum meritum fidei sine operibus; imò ex Scripturâ aperte colligitur Deum ad justificationem impii exigere bona opera: hinc legitur Luc. 13. *Nisi poenitentiam habueritis omnes similiter peribitis*; ideoque *Fides sine operibus mortua est*.

Ad majorem tam arduæ difficultatis notitiam, & explanationem, ostendendum hic adhuc est contrâ Iustificatorios, justificationem impii fieri per Justitiam inhærentem, non verò per imputativam, ut volunt Iustificatorii, qui dicunt, justificationem nostram in hoc consistere, quod homo per fidem sibi certò persuadeat, justitiam Christi ad se pertinere, ratione cujus persuasionis peccata à Deo non imputentur, & homo cenferi debeat iustificatus, negantes de consequenti omnem justitiam inhærentem contrâ sanum Ecclesiæ sensum, quæ semper asseruit, per infusionem gratiæ iustificantis, peccatorem iustificari. Ostenditur igitur ex epist. ad Rom. 3. *Iustificati gratiæ per gratiam ipsius, per redemptionem, quæ est in Christo Jesu, quem proposuit Deus propitiationem per fidem in sanguine ipsius*; ex quo textu patet, nos justificari per gratiam ipsius Dei nobis infusam, & inhærentem: sed adhuc clariùs patet ex illo, quod habetur ad Rom. 5. gratiam esse donum nobis infusum; legitur autem: *Multò magis abundantiam gratiæ, & donationis, & justitiæ accipientes*; ex quo patet, gratiam ibi non significare beneplacitum, quandoquidem clariùs exprimitur nomine donatio-

nis. Tum quia propriè non dicitur, quòd quis accipiat alterius beneplacitum, sed, quòd accipiat aliquid ex alterius beneplacito. Adde, quòd gratia, per quam iustificamur, sæpè in sac. pagin. exprimitur, quòd sit diffusa, ut patet ad Rom. 5. ad Titum 3. ergo verè justificatione nostra consistit formaliter in justitiâ inhærente, ergo qui iustificatur, verè sit justus per acquisitionem justitiæ inhærentis, ergo iustificari non significat simpliciter pronunciari justum, ut volunt hæretici, dicentes, quòd justificatione est nomen forense, sicut est condemnatio; nam ea est differentia inter pronuntiationes verborum humanorum, à Divinis, quòd scilicet Dei pronuntiatio est effectiva; hominum autem affectiva tantum. Undè Deus justum declarans, facit: homo autem afficit externè quidem, & nihil in re ponens, nisi moraliter. Constat ergo justificationem nostram consistere in justitiâ inhærente, ex quo sequitur fidem non esse integram formalem causam justificationis, quasi sola fides iustificet, quod ulterius patet ex Apost. scribente ad Galathas. *Nam in Christo Jesu neque circumcisio aliquid valet, neque præputium: sed fides, quæ per dilectionem operatur*; frustra autem addidisset Apostolus illa verba: *Quæ per dilectionem operatur*, quando sola fides iustificaret. Corrigitur ex primâ ad Corinth. *Si habuerò omnem fidem, itaut montes transfram, charitatem autem non habuerò, nihil mihi prodest*. Et Jacob. ep. 2. habetur: *Fides sine operibus mortua est*; ergo sola fides non iustificat.

XVI. JUSTUS JONAS. Lutheri coævus fuit, eumque ille Justum Jonam vocandum curavit. Dubium est, an hic sit ille Jonas, qui Anomeorum hæresim iterum excitavit seculo decimosexto. Ex Gualterio.

XVI. JUVELLUS. Pseudo-Episcopus Salisburienfis plurium veritatum Catholicarum impugnator, à Thoma Stapletono strenuè, & eruditè convincitur post medium seculi decimi sexti.

K

XVI.



KEMNITIUS MARTI-
NUS, (ex Melchio-
 re Adam. in vita.
 Theolog. Germ.)
 natione Germanus
 Melancthonis disci-

pulus, in Marchionatu Brandeburgensi
 ortus anno 1522. licet à parentibus igno-
 bilibus, & pauperibus genitus, ab ipsis
 tamen, qui in Kemnitio puero intelle-
 ctus perspicaciam compererant, pecu-
 liari sedulitate educatus, studiis fuit ad-
 dictus, in quibus non modicum fecit pro-
 gressum. In Mathematicis, & Astronomi-
 cis elucubrationibus etiam proficiens,
 sed potissimum in Theologica scientia,
 quam juxta Protestantium falsa principia
 didicerat; quapropter principibus Reli-
 gione Protestantibus valdè acceptus, ab
 ipsis honoribus fuit cumulatus, decess-
 sitque anno 1586. ætatis 64. cum scripsis-
 set tractatum de Armonia Evangelica,
 & alium contrà Concilium Tridentinum.
 Protestantium errores in suis scriptis totis
 viribus promovere studuit: validiora
 Kemnitii argumenta ab Esmo Cardinali
 Bellarmino enodantur. Potiores ejus
 errores, qui passim in hoc opere repro-
 bantur, sunt sequentes:

1. Dixit remedium pro peccatis ni-
 hil aliud esse, quàm memoria nudi bap-
 tismi, suscepti cum fide remissionis pec-
 catorum.

2. Pro Sacramentorum validitate
 superfluum esse ministri intentionem. Ubi
 notandum propositionem istam, Lutheri
 sententiam continere, de validitate Sa-
 cramenti, etiam per jocum, & scenicè
 operati. Nam quod attinet ad intentio-
 nem ministri seriò operantis, & inten-
 dentis facere quòd facit Ecclesia, an in-
 terna (ut ajunt) debeat esse, an verò
 sufficiat illa, quam externam appellare
 solent, controversa est inter Catholicos.
 Vidend. Juvenin. de Sacramentis dissert. 1.
 q. 3. cap. 3., & Vincentius Contenson
 in Theolog. m. utis & cordis l. 11. part. 1.
 dissert. 2. ubi eruditissimè rem pertract.

3. Missam esse summam abominationis

nem à Romanis Presbyteris adinventam.

4. Nullum hominem posse dispensare
 à communione sub utraque specie.

5. Felicem IV. Summum Pontificem
 esse extremæ Unctionis inventorem.

6. Non valere satisfactionem pro re-
 mittenda peccati pœna.

7. Impugnavit Indulgentias. Theo-
 logorum Scholasticorum insensissimus ho-
 stis, quotquot ipsorum libros invenire
 poterat, publico tradebat rogo.

8. Præsertim impugnat Kemnitius
 traditiones, & verbum Dei non scriptum:
 asserens Apostolos mandatum habuisse à
 Christo ut suam doctrinam scriberent.
 Nos multa ad Apostolorum traditiones
 referre, quæ ab aliis auctoribus multò
 posterioribus instituta, & profecta esse
 ex nostris Scriptoribus ostendi potest,
 idque undecim confirmat exemplis, nempe.
 1. Scriptores Catholici adnotant à
 quibus Romanis Pontificibus consecratio-
 ni Calicis addita sint verba. 2. Canon
 Missæ factæ sunt additiones. 3. Alexan-
 der I. aquam vino admiscendam in Mis-
 sæ celebratione statuit; idem aquam &
 salem benedictum instituit. 4. Telephu-
 rus jejunium Quadragesimale invenit.
 5. Hyginus Chrisma invenit. 6. Callis-
 tus IV. jejuniorum tempora. 7. Silvester
 Confirmationem puerorum. 8. Felix
 Altarium consecrationem. 9. Felix IV.
 ut infirmi antè obitum inungantur. 10. Si-
 ricus memoriam, & invocationem San-
 ctorum Missæ addidit. 11. Pelagius me-
 morias mortuorum anniversarias Missæ
 adjecit. Quæ omnia cum abundè consuet
 Bellarminus, de verbo Dei non scripto
 lib. 4. cap. 3. ad eundem lectorem remit-
 titur.

9. Christi humanitatis ubi quatem
 propugnat, & in aliquibus locis aperte
 asserit, cisi in aliis minis perferat.

10. Tridentini decretum de Vulgata
 editione legendi ideo emanatum asserit,
 quia illa ad Pontificia dogmata fuerit
 transformata.

KAUTIUS. Vide *Jacobus Kautius.*

KNOXUS. Vide *Joannes Knoxus.*

LA-



ACRYMANTES. Vide *Ejulant*.

XVI. LAICOCEPHALI. Sæclari ad Anglicanum schisma pertinentes, dicti sunt Laicocephali,

hujusque sectæ præcipui patroni fuerunt Sampson, & Morisonus, de quibus sub proprio nomine agemus. Asserebant isti Regem Angliæ esse immediatè post Christum caput Ecclesiæ tam in temporalibus, quàm in spiritualibus; & sub pœna carceris, bonorumque confiscatione coacti fuerunt Anglicani, tantum errorem subscribere, cadente seculo decimo quinto; quicumque subscribere renuentes, acriter vexati fuerunt. Insauro deinde fuit hic error in Synodo Londinensi anno 1603., & 1604.

VII. LAMPETIANI. A Lampetio quodam Hæresarcha nomen sortiti sunt seculo septimo. Undè emendandus Præteolus, qui ait, incertum esse à quo Lampetiani ortum habuerint, eosque cum Wicleffitis confundit, qui pluribus seculis posteriores emerferunt. De his agit S. Joannes Damascenus lib. de hæres.

1. Dicebat Lampetius licere iis, qui vitam Monachalem instituunt pro arbitrio vestire, & vivendi rationem tenere: quem errorem suslinere conabatur dicens, Christianum nihil coactè, sed omnia liberè facere debere. Rep. Nam est de essentia vitæ Monachalis obedientia Superiori, & regulæ, cui Monachalem vitam insititens, se spontè submittit, privans se propria voluntate: ergo qui vitam Monachalem instituit, non potest pro arbitrio vestire, & vivendi rationem tenere: Neque sequitur Monachum obedientem Superiori coactè facere, siquidem spontè in professione statuit obedire regulæ, & Superiorum mandatis. Ex quo deducitur, ut benè probant Ascetici, Monachorum actiones, licet ex obedientiâ factas, liberas esse in voto, scilicet ratione voti, cui Monachus se spontè ligavit: libera deinde

esse, sicut opera præcepta à Deo libera sunt; quatenus possunt non fieri, et tunc peccatur. Vide quæ dicta sunt verbo *Apostolici*, ex tertia specie.

2. Vota omnia damnabat. R. verbo *Confessio-Augustana*, & *Dulcinus*.

3. Dicebat, non esse obstitendum naturalibus perturbationibus. Rep. Quia naturales perturbationes oriuntur à natura animali, quatenus à subiectione rationis deficit: Atqui tenemur operari secundum rationem: ergo obstitendum est motibus, qui rationem perturbant.

4. In pluribus etiam sentiebat cum Eunomianis.

XVI. LAMBERTUS DANÆUS, (ex Melch. Adam) patriâ Aurelianensis, ibidem studiis operam dedit sub præceptore, qui propter Calvinianam hæresim anno 1559. suspensus fuit, atque combustus. Fugâ sibi consulit Danæus, videns quæ pœna esset præceptori suo inflicta: sed nihilominus in Calviniana perfidia persistens, Geneva se recepit, ubi Minister, & Doctor fuit nuncupatus. Postmodum in Urbe Leidensi Theologiam, sive potius Calvinianam hæresim publicè docuit, & Gandavum transievit, sed inde expulsus ann. 1596. moritur. Vir planè multæ eruditionis, si Calvino non adhæsisset, undè plura scripsit Calvinianis resecta erroribus, inter quos asseruit orationem illam, quam dicimus in Litanis: *Sancta Trinitas unus Deus miserere nobis*, esse ineptam, insanam, à Patribus malè inventam, atque periculosam, cum admittat in Deo generationem, quæ puritati, & sanctitati repugnat. Rep. Nam per hanc orationem juxta veram fidem invocamus Deum unum, & Trinum, in quo veneramur generationem æternam Verbi, quæ consona est sanctitati, & fecunditati æterni Patris, & sine qua infinitè perfectus non esset, cum infinitæ fecunditatis ratio tunc ei deficeret, undè bonitatis infinitas inde etiam nobis nota est, quod infinitam necessariam sui communicationem ex Divina

vina

vina generatione agnoscamus. Eandem significavit Isaias 66. vers. 9. cum ex persona aeterni Patris ait. *Numquid ego, qui alios parere facio, ipse non pariam dixit Dominus? Si ego, qui generationem ceteris tribuo, sterilis ero? Tantum abest, quod puritati, & sanctitati repugnet.*

XVI. LASCANT. Ortum habuerunt à Joanne Lascano, de quo actum, sub proprio nomine anno 1550, sic dicti sunt qui præfati Joannis sententiam sequebantur circa Sacramentum Eucharistiæ. Referebat Lasco pronomen hoc de verbo consecrationis, non ad panem, sed ad totius cœnæ actionem, ac si Christus per verba consecrationis: *Hoc est corpus meum*, dicere voluisset, panem accipere, benedicere, frangere, distribuere, manducare, hoc totum est corpus meum. Ex sepatet, quàm erronea, imò & ridicula sit præfata interpretatio verborum consecrationis facta à Lasco; quis enim sani sensus rationem, corporis constituere valet in actione transiente, qualis est benedicere, frangere, distribuere, manducare. Rescius asserit quod Lascani sic explicabant verba cœnæ: *Hac est societas nobis gratuita delata, jus, & usus illius in meo corpore, hac est cœna instituta forma, cœnomonia, ipsaque externa actio; hac est visibilis extrema voluntatis meae contestatio.* Erronea non minùs quàm superior est præfens interpretatio, in quâ recurrit suprà indicata difficultas; sed hæreticorum omnium interpretationes erroneæ circa verba consecrationis, reprobantur ex iis, quæ dicta sunt ad probandam realem existentiam corporis Christi in Eucharistiâ contrà *Buccerum, Almaricum, Anabaptistas* &c.

* XVII. LAUNOIUS Joannes, quem spiritum fuisse aliqui asserunt, Parisiis ob suum mentis acumen doctoratus laurea insignitus, multa edidit opera, sed pluribi à sanâ doctrinâ declinantis: inter hæc duo potissimum recensentur: unum inscriptum. *Regia in matrimonium potestas* talind cui titulus. *Veneranda Romana Ecclesia circa simoniam traditio.* His

Tom. I.

in operibus Launoius Calvinismum sèquet, & Lutheranismum. Natalis Alexander utriusque operis errores abundè confutavit.

XVIII. LAGNI. Silvester Velliternus unà cum filio, & duobus aliis, quos Atheismum profiteri docuerat, Romæ in Templo Beatæ Mariæ supra Minervam abjuravit anno 1719. coram Cardinalibus, magno populi concursu ejus impietatem, dum ejusdem processus publicè legebatur, exprobat, & perpetuo carceri Clementis XI. & sacre Congregationis clementiæ fuit condemnatus.

V. LEONTIUS (ex S. Basilio in vita S. Sabæ) Pseudo-Monachus in Monasterio S. Sabæ in Palestina, unà simul cum Nonno Pseudo-Monacho sequentes, articulos, ex libris Origenis extractos, toti Orienti credendos proposuit, qui proinde anathematizati fuerunt in Concilio Constantinopolitano secundo.

1. Anima nostra, antequàm uniretur corpori, erat in cælo, in quo gravitèr deliquit. R. verbo *Apocrita. Hæretici de Barulo.* Tum quia si fuisset in cælo, & gravitèr deliquisset, cum nulum delictum possit imputari, nisi voluntariè commissum, Anima unita corpori deberet aliquam habere reminiscentiā de hujusmodi delictis voluntariè commissis; sed nemo est, qui habeat reminiscentiā de cælo, in quo fuerit, & deliquerit: ergo quod asserit Leontius purum est figmentum, sicuti purum est figmentum, ut patet, asserere cum Leontio, quod.

2. Cælum, Sol, Luna, & reliqua superiora animata erant, & rationales virtutes.

3. Corpora nostra in resurrectione sphericam acquirunt figuram.

4. Impii dæmones reversuri sunt ad eum statum, in quo fuerint creati.

5. Christus iterùm passioni se subijciat, & Cruci pro salute dæmonum.

6. Tormenta Inferni non erunt æterna. Quæ omnia assera cum non modò nullo fulciantur Scripturæ testimonio, sed nec vel levi fundamento apparentis rationis innitantur, non nisi Platonicorum

E e e

rum

rum commentis adherent, ex quibus tum Origenes, cum alii ejusmodi errores hauserunt.

IV. LEONTIUS ANTIOCHENUS. Fuit Presbyter, discipulus S. Luciani, sed à magistro suo degenerans, in persecutione Diocletiani sacrificavit Idolis, & se ipsum castravit, quò liberè cum filià, quam inordinatè amabat, nomine Eustolia, dormiret, cum quà inhabitare, utpotè Presbyter prohibitus fuerat; quapropter ob hoc facinus à Presbyterio depositus, transiit ad Arianos, à quibus electus fuit in Pseudo-Synodo Antiochena, ab Arianis celebratà anno 349, ejusdem civitatis Episcopus, Stephano legitimo Patriarcha ab Arianis expulso. Ex Baron. ann. 351., & seq.

XV. LAURENTIUS VALLA (de quo Spond. anno 1447.) Romanus, homo virulentissimè linguæ, quasdam propositiones hæreticas Neapoli asseruit, proinde in carcerem trusus, & ab Inquisitore pro hæretico damnatus, beneficio Alphonsi Regis pœnam ignis evasit. Ejuratis tamen publicè propositionibus, virgis per claustra Conventus Prædicatorum, manibus revinctis cæsus, emendatus dimittitur.

1. Erravit circà Sanctissimam Trinitatem.

2. Circà liberum arbitrium.

3. Circà virginitatem Sanctimonialium.

4. Damnare ausus est varios Ecclesiæ Doctores, Augustinum, Hieronymum, Boetium, & plures alios; blasphemans insuper sibi etiam adversus Christum spicula reservasse, infanti certè capitis fœtus.

LEO ISAUROS. Vide *Iconoclasta*.

XII. LEONISTÆ. Iidem sunt ac Valenses, sic dicti ab Urbe Lugduno, vulgari sermone *Lion*, ab aliis nuncupata *Leon*; In hac siquidem Urbe Valenses potissimum debacchabantur. Vide pauperes de Lugduno. Ex Spond. ann. 1198.

V. LUCIUS. Secta Manichæus multa confixit nomine Apostolorum, quòd etiam asserit Innocentius Papa Epistola 3. ad Exuperium; quæ omnia Gelasi cen-

sura confixa fuerunt. Ex S. August. de fide contrà Manich.

I. LUTRICT. Cum Nicolaitarum schola in plures fuerit sectas divisa, unaqueque secta peculiare sibi nomen assumpsit. Alii ergo ex Nicolaitis dicti sunt Levitici, quorum errores verbo *Guostici* reprobantur. Ex S. Epiph. hæres. 25.

XI. LEO ACRIDANUS, sic dictus, eò quòd Archiepiscopus Acridæ Bulgarorum esset Metropolitanus, unà cum Michaeli Cæsarario Patriarcha Constantinopolitano scripsit contrà Ecclesiam Latinam, cujus Epistola erroribus referta confutata fuit à Leone Papa IX., publicè etiam excommunicatus Constantinopoli à Legatis Apollolicæ Sedis.

1. Damnabat eos, qui in Azymo consecrabant. R. verbo *Cerintus*, *Dositheus*, *Grati*.

2. Negabat posse comedi suffocata. R. verbo *Grati*.

3. Dicebat in Quadragesimà psallendum esse *Alleluja*. R. Quia cœremoniæ, & ritus ab Ecclesià instituti sunt servandi: se ùs si unicuique pro libito liceret ritus servare, aut instituire, non haberetur in Ecclesia uniformitas colendi Deum, quæ necessaria est ad servandam unitatem in Ecclesia, & ad evitandas scissiones: Proinde Ecclesia ritus instituit servandos à Fidelibus. Inter hos ritus decrevit, nè in Quadragesimà dicatur *Alleluja*, quia cum *Alleluja* sit vox lætitiæ, ab hac voce abstinendum videtur tempore quadragesimali, lugendis peccatis præcipuè destinato, in quo sit peculiaris memoria Passionis Dominicæ.

X. LOTARDUS, homo plebejus, natus in Gallia in Diocesi Cabilonensi, cum in agro solus aliquando somno depressus obdormisset, apum visione illum dirè exagitantium, à dormone illusus, fatigatus exurgens, quasi ex præcepto Evangelico, dimisit uxorem & Ecclesiamque velut oraturus ingressus, Crucis, & Salvatoris imaginem contrivit: persuadens verò rusticis, hæc se ex Dei revelatione patrare, maximam traxit ad se vulgi partem, audens asserere, Pro-

Prophetas non semper bona loquutos fuisse sed ab Episcopo convictus, desperatione adductus, in puteum se precipitavit. Ex Bar. ann. 1000.

Docuit decimas non esse solvendas. R. verbo *Dulcius*, *Apostolici*.

V. LEPORIUS Presbyter apud Gallos circa annum 420. Pelagianæ hæresis sectator in Africa, per D. Augustinum emendatus, libellum pœnitentiæ ad omnes Episcopos Galliarum ex Africa misit. Sunt etiam qui asserunt Nestorianæ hæresis cultorem extitisse Leporium, ejus conversionem Cassianus adjuverit.

XI. LEUTHERIUS, Senonensis Archiepiscopus fuit auctor hæresis de Eucharistia, quam Berengarius postmodum propagavit. Hunc hæreticum Rex Christianissimus redarguit, quod eum Saeculos communionem exhibens dicere sole-ret: *Corpus Domini nostri Jesu Christi sit tibi salus anima, & corporis*, ipse Leutherius temerario, & polluto ore dicebat: *Si dignus es, accipe*: eum tamen nemo sit, qui verè dignum se reputare possit accipere corpus Christi: imò ille dignus accedat, qui magis se indignum ex humilitate reputat. Ex Spond. ann. 1004.

III. LIBELLATICI. Libellatici vocat S. Cyprianus illos, qui Christum publicè negare erubescens, privatim id vel per se, vel per alios suos nomine faciebant, & à Magistratibus Libellos securitatis impetrabant, nè ampliùs inquire-rentur, solutà pro hujusmodi dispensatione pecunià.

XVI. LIBERI FRATRES. Sic dicti (ex Lindano Dubit. dial. 1.) quia se à Principum, & Magistratum subjectione liberos jactabant, secta sunt Antilutherani, & potissimum Amstelodami circa medium seculi decimi sexti, duce quodam viro, qui ibidem ex arte filatoria viditabat, invaluerunt.

1. Omnia habent communia, etiam uxores. R. verbo *Adamita*.

2. Conjugia inter fratres dicunt esse spiritualia. Repr. Ex ipsa definitione Matrimonii, definitur siquidem: Civilis contractus inter marem, & femina ad

individuum vitæ consuetudinem. Deinde in sacris literis non dicuntur conjuges esse unus spiritus, sed una caro. Quod si significare velint potiorẽ esse in conjugatis mutuam fidem, & unionem affectum in Deum, rectè dicent; sed non explicant; immò improbare videntur, ex errore præcedente, ex quo sequitur intelligibile non esse quid senserint Liberi Fratres, eum asseruerunt conjugia esse spiritualia.

3. Quidquid libet, sibi licere putant. Rep. Quia datà hac libertate, nulla ampliùs esset obedientia legibus, quã sublata non nisi cædes, latrocinia, & omne facinus esset reperire inter homines, & brevi corrueret omne civile consortium, ad ejus subsistentiam non modò quod libet, semper licere non debet, sed etiam plura, quæ licent, non semper expediunt.

4. Se exemptos jactant à subjectione Magistratum. R. verbo *Jacobus Trappist*, *Anabaptista*, *Confederati*, *Adamita*.

5. Post baptismum negant se peccare posse, & si peccare contingat, solam carnem peccare asserunt. Rep. Nam pro lapsis post baptismum instituit Christus Sacramentum pœnitentiæ, quod foret superfluum, si post baptismum homo peccare non posset. De facto hominem post baptismum sæpè peccare posse, constat ex eo quod dixit Christus Petro, ut dimitteret non modò usque septiès, sed usque septuagies septiès. Cum autem nullum peccatum sit, nisi voluntarium, certum est solam carnem peccare non posse; exterùm etiam dicendum foret, quod bruta peccarent. Vide verbo *Impetecabiles*, *Jovinianus*.

6. Ad tantam perfectionem jactant se pervenisse, ut nedum similes Deo, sed dedicatos sese gloriantur. Satis illos reprobant eorundem miserix, quas dedicatos experiri non posse, manifestum est.

XVI. LIBERTINI. Lindanus plures Libertinorum species recenset, de quibus agit Spondanus seculo decimosexto; certum est varias sectas, maxime in Hollandia, & Brabantia hoc sibi nomen.

E e e a

ufur-

usurpasse. Adcò improba, & à ratione dissona est Libertinorum secta, ut contrà Libertinos Calvinus ipse, quantumvis scelestissimus calumum acuerit, libro inscripto contrà Libertinos, sic dicti à Libertate, quam prædicant. Fuerunt Catapapistarum proles, Phanaticum hominum genus, in quo revixerunt spiritu Lutherano Gnostici, & Valentiniani. Dicti sunt etiam Quintiniani, à quodam Quintino factore Piccardo, qui pestiferos Libertinorum errores in Hollandiâ, & Brabantia disseminavit, affectus propter hæresim Tornaci extremo supplicio, cum suis prius abjurasset errores. Dicti sunt Libertini, etiam Coppiani. Vide verbo *Coppinus*. Eorum errores potius insanorum capitum deliramenta funes nec mirandum si varios recensemus; quia alii hos, alii illos sectantur; in hoc uno consentientes, quod ad omnia absurda liberie esse velint.

1. Apostolos contemnentes S. Joannem Evangelistam juvenem stolidum, S. Matthæum fœneratorem, S. Paulum vas confractum, S. Petrum Christi abnegatorem, nominare ausi fuerunt.

2. Germanum sensum Scripturæ abhorrent, & Scripturæ pro fabulâ habent. Repr. verbo *Albanenses*, *Ambrosiani*.

3. Christus est illis Satan, virtus vitium, & est converso. Blasphemiz istæ impugnatione non egent.

4. Omnia simulanda, & dissimulanda esse.

5. Approbant omne genus vivendi latronum, meretricum. Quæ omnia damnat ipsa rationalis natura.

6. Nullum dicunt esse peccatum, nisi opinionem eorum, qui se peccare credunt. Repr. nam nomine peccati intelligitur quidquid contrà legem, vel contrà rationis dictamen imprudenter committitur, vel omittitur; ergo peccatum consistere nequit in solâ opinione eorum, qui se peccare credunt. Tum, quia si peccatum consisteret in solâ opinione, sequeretur per eundem actum, per quem quis salvatur, alium damnari. Vide verbo *Carpocras*.

7. Infernum dicunt esse timorem

Dei, quo conscientia vincitur. Rep. verbo *Almaricus*. Tum quia timor Dei, quo conscientia vincitur, sæpè commendatur in sac. pag. quippè qui hominem avertit à malo, & inducit ad bonum, ubi observata aliud esse conscientiam convinci, aliud torqueri: primum salubre esse posse: secundum inter alia mala, ad inferni mala pertinere in iniquorum pœnam. R. etiam quia inferni existentia evidenter probatur ex sacra Scriptura, esse scilicet locum tormentorum, in quo detinentur peccatores; ergo esse nequit timor Dei, quo conscientia vincitur.

8. Paradisum dicunt esse conscientiam timorem Divini judicii contemnentem. Repr. ex sacra Scriptura, ubi Paradisum locum esse determinatum pro glorificatione Justorum asserit; quare Christus Latroni in cruce dixit: *Hodie mecum eris in Paradiso*. Tum quia corona vitæ, quam repromisit Deus diligentibus se, non est contemptus Divini judicii, cum è contrario Divinum judicium contemnentes à Paradiso expellantur. Tum quia S. Paulus, qui cupiebat dissolvi, & esse cum Christo, idest frui mercede, quam Deus præparavit diligentibus se, satis expressit ibi, & pluribus aliis in locis, Paradisum esse locum gaudiorum in cælestibus regnis, ubi Sanctorum habitatio est, & in æternum requies eorum. Tum quia Christus in die Judicii dicturus est electis: *Venite benedicti Patris mei, percipite regnum &c.* sed hoc Regnum nemo possidet in hoc mundo, ergo Paradisus esse nequit contemptus Divini judicii; qui contemptus potius est superbi animi gravissimum peccatum.

9. Angelos, & animas nostras nihil esse affirmant. Repr. quoad existentiam Angelorum. Verbo *Dositheus*, quo ad existentiam animarum reprobantur ex sac. pag. ubi sæpè de anima hominis fit mentio, præcipue ex illo Genes. 2. *Et factus est homo in animam viventem*. Tum quia si in homine non esset anima rationalis, jam homo non esset præstantior brutis, nisi in quantum data paritate, leo est præstantior equo. Tum quia cum

cum homo spiritualia attingat, dati debet in homine potentia spiritualis, scilicet anima, per quam spiritualia valeat attingere. Tandem, quia ratione animæ dicitur homo factus ad imaginem, & similitudinem Dei: hoc autem esse non posset, nisi aliquid magnum anima esset.

10. Christum esse Redemptorem ex solo titulo, quodd in eo figuratum est nostræ salutis mysterium. Repr. nam in Libertinorum sensu etiam Abel iustus occisus, & Joseph venditus, in quibus figuratus est Christus Redemptor, dicendi quoque essent nostri redemptores. Tum quia Christus non figuravit, sed verè operatus est redemptionem nostram effusione sui Sanguinis, quod sæpe proclamant sacræ paginæ; ergo verè, & realiter est noster Redemptor, non figurativè quasi representans ea, quæ facere debemus ad salutem. Cæterùm etiam picturæ sacræ, in quibus representantur opera salutis nostræ, redemptrice appellari deberent.

11. Negant Christum verè mortuum fuisse in cruce. Repr. verbo *Agareni*.

12. Deum mali auctorem prædicant. Repr. quia ratio Deitatis includit omne bonum, & excludit omne malum; quapropter Propheta dicit: *Qui diligitis Dominum, odite malum*. Deus siquidem odio habet omnia operantea iniquitatem; ergo Deus esse nequit auctor mali.

13. Regenerationem spiritualem in eo collocant, quodd homo nullo conscientiz remorso, nullo Dei, illiusque iudicii timore tangatur. Repr. Quia qui spiritaliter regenerantur, transeunt à statu culpæ ad statum gratiæ, qui autem est in statu gratiæ, desinet mala præterita, Deum timet, ejusque iudicium: undè Propheta dicit: *Timete Dominum omnes Sancti ejus*.

14. Omnia sine ullà exceptione homini licere. Repr. Quia si omnia omnibus licerent, superfluum esset non modò Deum, sed etiam Magistratus legem promulgare, quibus obedientiam præstare tenerent subditi, sicut probatum est verbo *Adamitæ, Beguards, & alibi*.

15. Matrimonium solvunt, ubi tax-

dium in altero conjugum venerit. Repr. verbo *Abstinentes, & Armeni*.

16. Laudant promiscuoa concubitus, ubi alter altero sit contentus. Repr. verbo *Florinus*. Tum quia filieci essent promiscui concubitus, ex hoc quodd alter altero esset contentus, plura sequerentur incongrua, ut considerantii patet, quæ essent contrà conservationem humani generis, contrà rationem matrimonii, & alia, ex quibus satis constat nunquam posse esse licitos promiscuos concubitus, contrà quoa stant leges tum Divinæ, tum etiam humanæ.

17. Communionem Sanctorum dicunt esse communicationem bonorum temporalium. R. ex articulo de communionem Sanctorum, qui habetur in Symbolo Apostolico, per quem articulum Ecclesia, & sancti Patres nihil aliud intelligunt, nisi quodd, cum Christus, sit caput utriusque Ecclesiæ Militantis scilicet, & Triumphantis, debet necessariò haberi unio capitis, seu Christi cum membris suis, & membrorum inter se; & cum Sancti sint membra Christi, & nos eodem membra Beatorum, hinc sequitur, nos communicare cum Sanctis, scilicet participare de orationibus: quæ pro nobis offerunt, & merita Sanctorum, etiam defunctorum, nobis prodesse, si eos invocemus, sicut profuit Azariz in fornace ignis existenti, qui orabat Deum, ut sibi misericors esset propter Abraham dilectum suum: Exaudita autem est oratio Azariz, quapropter eum non tetigit flamma ignis. Daniel. cap. 4. vers. 34. In hoc ergo consistit communio Sanctorum, non verò in communicatione bonorum temporalium, sicut somniant hæretici. Licet enim Sancti etiam aliquando suis precibus nobis à Deo obtineant bona temporalia, potissimum tamen orationes Sanctorum collimant ad augenda bona spiritualia, in quibus verè fruimur communionem Sanctorum. Cæterùm, cum multa bona temporalia possideant viri perversi, sequeretur, quod si communio Sanctorum esset communicatio bonorum temporalium, jam non deberet nuncupari communio Sanctorum, sed commu-

nio

nio malorum , & eò magis , quod per possessionem bonorum temporalium , sæpè multa mala nobis originantur .

18. Resurrectionem esse jam factam asseverant . Reprob. verbo *Aerarius* , *Basilidani* .

19. Iudicium universale negant . R. verbo *Barbariani* .

20. Christianos resurgere , quando scient animam esse factam spiritum Dei immortalem , imò in essentiam Dei redire , illique ità jungi , ut unus spiritus maneat . Reprob. ex iis , quæ dicta sunt contrà *Dicartas* .

21. Jesum Christum quiddam esse ex spiritu Dei , & opinione compactum : tunc autem esse mortuum , quandò eam opinionem , quòd aliquid esset , abolevit . Reprob. ex iis , quæ de nativitate , vità , & morte Christi abundanter contrà alios Hæreticos dicta sunt .

22. Omnia sive bona , sive mala , quæ ab hominibus fieri videntur , non fieri ab ipsis , sed à Deo , idèò non esse redarguendos malè operantes , quia hoc esset Deum redarguere . Qui hoc asserunt , vult Bulingerus constituere novum genus Libertinorum . Repr. ex iis , quæ dicta sunt num. 12. Tum quia probatum est contra Jacobum Præpositi , quòd homo est liberi arbitrii , & est causa electiva , & effectiva suorum actuum , ad quos activè concurrens sive bonos , sive malos , licèt ad actus bonos requiratur Dei auxilium ; ad actus verò malos , reduplicativè ut malos , Deus nullatenus concurrat , nisi quatenus permittit causas secundas agere deficienter motus suos ; ex quo sequitur hominem solum redargui posse de suis malis operibus , sicuti sæpè à Deo exprobratur in sacris paginis .

23. Posse hominem in hac vità ad apicem innocentie , & perfectionis pervenire , conscientie stimules reprimendo . Superfluum est reprobationem iam insulse propositionis hic subnectere , quæ ad hoc solum collimat , ut amplum referret aditum ad omne facinus perpetrandum .

XVI. LIBERTINI alii . Dei miseri ,

cordiam omnibus omnino hominibus , imò etiam dæmonibus polliceantur . Reprob. ex verbis , quæ Christus dicturus est reprobis in die Iudicii , quos in æternum cum dæmonibus cruciandos condemnabit . Vide verbo *Ampulianus* .

XVI. LIBERTINI alii . Rejiciunt veteris Testamentum , & solum novum recipiunt , illa tamen loca novi Testamenti pariter rejicientes , ex quibus eorum falsa doctrina potest convinci . Reprob. verbo *Albanenses* .

XVIII. LINGUATARI , (ex Rescio) secta Anabaptistæ , orti sunt anno 1544. sic dicti , quia .

1. Asseverabant Apostolicum donum linguarum eis , tanquam successoribus Apostolorum , legitimisque hæredibus fuisse concessum . Sed nunquam hoc donum experientià comprobabant .

2. Gloriabantur se posse intelligere sacram Scripturam , etiam si antè non novissent eam , neque didicissent , quem errorem hausisse ex Anabaptistis videntur , ex Florimondo , & ex Rescio .

LIOTUS . Vide *Heribertus* .

XVI. LOISTÆ . Eligius Antuerpiensis Sectariorum auctor fuit , qui ad Evangelicos nostri temporis pertinet ; vixit circa annum 1566. potius Atheus , quam alio nomine nuncupandus (ex Lindano dubit. Dial. 2.) Deum , hominesque ridebat ; ejus sectatores quare *Loistæ* sint dicti , non invenio .

XV. LOLLARDI . Probabilius est Lollardos non esse germen Wicleffi ut vult Prateolus , sed à Lolhardo Walthero originem habuisse , qui fuit natione Anglicus , & Petrobrusianorum , atque Henricianorum errores promulgabat in Germania , circa annum 1315. potissimum in Austria , & circumvicinis Regionibus ; quare captus , Coloniz combustus fuit anno 1322. Lollardorum errores , quos recenset Spondanus ad annum 1315. sunt sequentes , quos tantà prosteabantur pertinacià , ut cuiuscumque essent atalis , aut sexus , malient mori , quàm converti .

1. Missam , Baptisum , & extremam Undionem nihil prodesse asseverabant . Reprob. quo ad Missam , ex Concil.

cil. Cabilonenſi ſecundo, ubi damoſtur error eorum, qui dicunt, Miſſæ ſacrificium nihil prodeſſe. Item ex Concilio Senonenſi cap. 12. ex Florentino ſeſſ. ult. ex Trident. ſeſſ. 12. cap. 3. Tum quia Miſſæ ſacrificium offerri poteſt pro peccatis; ergo eſt proficuum. Antecedens conſtat ex verbis D. Pauli, ad Hebr. cap. 5. *Omnis namque Pontifex. ut offerat dona, & ſacrificia pro peccatis.* Tum quia Sacrificia legis naturæ proficiebant tam offerentibus, quàm illis, pro quibus offerebantur, ut teſtatur Job. cap. 1. Idem patet de ſacrificio legis ſcriptæ, ut probatur ex libro Levitici cap. 4. ergo etiam idem à fortiiori aſſerendum de ſacrificio legis gratiæ, quod eſt proficuum, probat traditio Apoſtolica, & aſſerunt omnes ſancti Patres. Reprob. quoad extremam Uñctionem verbo *Hierarchia*. Item ex Concilio Trident. ſeſſ. 14. de inſtitutione hujus Sacramenti cap. 2. Tum quia extrema Uñctio ordinatur ad augmentum gratiæ finalis, quem eſſ. cum cætera Sacramenta non præſtant; ergo eſt proficua. Item Concilium Nicænum primum; celebratum anno 325. de hoc Sacramento mentionem facit, ſicut & antiquiores SS. Patres, qui hujus Sacramenti virtutem, & efficaciam agnoverunt, ut videre eſt in eorum commentariis ſuper epittolam D. Jacobi. Reprob. quoad Baptiſmum verbo *Albanenſes, Arconici, & Arment*.

2. Luciferum, cum aliis dæmonibus injuſſe cælo pulſos fuiſſe, & fore aliquando cælo reſtituendos. Michaelẽ autem, cæteroſque Angelos æternis cruciatibus deputandos. Solus ipſe Lucifer potuit talem blaſphemiam evomere. Reprob. ex Evangelio, ubi legimus ignem æternum eſſe præparatum diabolo, ſcilicet Lucifero, ejuſque ſectatoribus; dicturus eſt Chriſtus peccatoribus. *Itẽ in ignem æternum præparatum diabolo, & Angelis ejus;* quorum primum peccatum fuit ſuperbia; quare legitur Iſaïæ 14. *Detraha eſt ad inferos ſuperbia tua.* Ezech. 28. *Inventa eſt iniquitas in te repleta ſunt interiora tua iniquitate;* ideo

propter iniquitatem ſuam juſſe Lucifer damnatus fuit, cui veritati conſonant verba Judæ Apoſtoli in epiſt. Catholica *Angelos verò, qui non ſervaverunt ſuum principatum, ſed dereliquerunt ſuum domicilium, in judicium magni diei vinculis æternis ſub caligine reſervavit.* Quàm juſſe autem peccatum temporale pœna æternà puniatur, oſtendit D. Auguſtinus lib. 21. de Civit. Dei cap. 12. & Scotus in 4. ſentent. diſt. 46. quæſt. 1.

3. Beatiffimam Virginem poſt partum non manſiſſe Virginem. Reprob. verbo *Anti-Mariani*.

4. Dominicum Corpus in Sacramento eſſe ſcſitum. Reprob. verbo *Berengarius, Joannes Oldeſchæſelius, & Joannes Wicleſſus*.

5. Matrimonium eſſe juratum meretricium. Reprob. verbo *Encratite, Armeni, & Adamita*.

6. Deum nescire, aut certè non punire mala, quæ ſub terra ſerent; unde & coibant promiſcuè in locis ſubterraneis. Reprob. verbo *Arnoldus de Villanova*, contra quem probaviſmus Deum non modò punire peccata publica, ſed etiam privata; Deus enim eſt omniſcius, & odio habet omne malum. Omnia nuda eſſe, & aperta oculis Dei, ſæpè clamant ſacræ paginæ, ubi Deus vocatur ſcientiarum Dominus. Tum quia ſi Deus non eſſet omniſcius, non eſſet Deus; eſſe enim omniſcium eſt eſſentialis perfectio Divinitatis. Qua ratione Deus cognoscat non modò exiſtentia, ſed futura & poſſibilia, videre eſt apud Theologos, qui de ſcientia Dei expreſſè diſſerunt. Sed, & Deum eſſe in omnibus rebus per eſſentiam, præſentiam, & potentiam, Catholicè credimus, & evidenti ratione demonſtramus: Ubique enim eſſe, omnia videre, & operari Deum eſt, neceſſarium.

7. Pœnitentiæ Sacramenti adminiſtrationem laicis committebant; acceptà, ut aiebant, poteſtate ligandi, atque ſolvendi ab Elia, & Henoch. Reprobat. verbo *Humiliatorum ſeſſa, Jacobus Prapoſiti*. Damnatur hæc hæreſis in Concilio Trident. ſeſſ. 14. cap. 6. contra Lutherum.

cheranos, quæ jam damnata fuerat in Constantiensis contra Wicleffum, qui etiam contendebat, laicos esse ministros Sacramenti Pœnitentiæ, & aliorum Sacramentorum, contra quem stat illud Apostoli ad Titum cap. 1. vers. 5. *Relinquit te Creta, ut ea quæ desunt, corrigas; & constituas per civitates Presbyteros*, quod sufficit superfluum, si omnes laici essent Sacerdotes, & ministri Sacramentorum. Tum quia potestas absolvendi est à Christo, nec esse potest in alio, nisi ipsi sit eommunicata à Christo; sed Deus hanc communicavit solis Discipulis, & per ipsos successivè aliis Presbyteris legitimè ordinatis. Tum quia, si omnis laicus esset Sacerdos, jam nulla esset Hierarchia Ecclesiastica. Tum quia non esset potior ratio de hominibus, quàm de mulieribus; sed neque in lege naturæ, aut scriptæ legitur, mulieres sanctas fuisse munere Sacerdotali, ergo à fortiori nequeunt in lege gratiæ hoc peragere. Demùm, si laici omnes possent esse ministri Sacramenti Pœnitentiæ, plura sequerentur absurda, ut consideranti patet. Nec valet dicere, D. Jacobum dixisse: *Confitemini alterutrum peccata vestra*; nam non intellexit Apostolus exprimere, quòd laici laicis deberent confiteri; sed quòd homines non solum debent confiteri Deo, sed etiam hominibus habentibus potestatem; quare Christus ad solos Sacerdotes misit leprosos, qui erant figura peccatorum pœnitentium, ut doceret solos Sacerdotes posse mundare à lepra, seilicet absolvere à peccatis.

8. Ecclesiæ Prælatos, & statuta contemnebant. Reprob. ex iis, quæ dicta sunt contra *Jacobum Propositi*, ostendendo superiores Ecclesiasticos posse obligare subditos sub pœna peccati. Tum quia sine obedientiâ superioribus, eorumque statutis, corrumpitur omne regimen. Tum quia Paulus monet: *Obedite superioribus vestris*.

9. Romanam Ecclesiam non Christi, sed Infidelium esse dicebant. Reprob. Nam Romana Ecclesia à D. Petro Christi immediato Vicario fundata est: à D. Petro inquam, cui potissimum dixit

Christus: *Ego pro te rogaui Petre, ut non deficiat fides tua*. A tempore D. Petri, usque ad momentum præsens una, & eadem inconcussa fides fuit, quam omnes D. Petri successores semper professi sunt, ita ut eorum quispiam nunquam à vera fide defecerit, & omnes eandem fidem semper docuerint, quam potissimum Romæ tot millia Martyrum proprio sanguine subseripservnt. Neque potest Romana Ecclesia à vera fide deficere, quam, uposè omnium Ecclesiarum magistratam, semper omnes Catholici venerati sunt.

10. Carnes quovis tempore edebant. Reprob. verbo *Carlostaticus*.

11. Dies festos non observabant. R. verbo *Ebion*.

12. Merita, & intercessionem Sanctorum irridebant. Reprob. quoad merita, verbo *Jacobus Propositi*; quoad intercessionem Sanctorum, verbo *Vigilantius*, contra quem ostendimus, Sanctos esse invocandos, quia intercedunt pro nobis.

13. Perjurium non esse peccatum. Repr. verbo *Domus charitatis*.

IV. LUNGI. Sic dicti fuerunt quidam Pseudo-Monachi Originistæ, qui Originis errores promulgare nitebantur, proinde fuerunt ex *Egypto* expulsi à Theophilo Alexandrino, pariterque damnati ab Epiphanio in Concilio Cypri.

LUBERTUS. Vide *Sibrandus*.

XVII. LUBIENICIUS STANISLAUS Polonus, unus fuit ex præcipuis Socinianorum ministris, plurimumque laboravit tam in Polonia, quam in Sveciâ, ut à Lutheranis deturbatos Socinianos sustineret, quorum sectam etiam in Palatinatu promovere studuit: ex veneni poculo, anno 1675. fatiæ cessit, cum plura scripsisset, ex quibus pauca selecta sunt, quæ in Hollandiâ post ejus obitum impressa fuere. Ex Bayl.

IV. LUCANIUS CONSTANTINOPOLITANUS, post Eudoxium, cuius erat ex sorore nepos, sedit in Archiepiscopatu Constantinopolitano, & præfuit Eunomianæ sectæ, eademe seculo quarto: ad eum omnes flagitiosi conneurebant, quia

flayi-

flagitiosissimus ipse, ne dignas pœnas lueret, à fide Catholica defecerat.

H. LUCIANUS à quo LUCIANISTAE. Didus etiam *Lycus*, natione Ponticus, Marcionis discipulus, peculiaries docuit errores, quorum sequaces dicti sunt Lucianisti: vixit circa medium secundum seculi. D. Hilarius lib. de Trinitate asserit, quòd vetus testamentum aspernabatur. Duos Deos statuebat, unum iustum, alterum iniustum, à quibus omnia bona, & mala provenirent. Christum negabat fuisse verum hominem, sed putativè tantum, ideòque solum apparenter passum, & mortuum. Tertull. lib. de præscript. asserit, quod malè senserit de Animà. S. Epiphani. profert, quòd nuptias damnavat. De eodem etiam scribit S. Joann. Damascenus. Omnes præfatos errores jam alibi reprobatos comperire est in hoc opere. Cum hoc Luciano sunt, qui confundunt Lucianum alium Samosatenum, de quo Suidas de Rethor. antiqu. c. 13. mentionem facit, quem à fide Catholica apostatasse, & à canibus laceratum interiisse aliqui autumant, eò quòd Christianam legem blasphemaverit; proinde etiam dictum cognomento Blasphemus: Athenum, & Epicureum vixisse; sed quantum colligere liquet ex ejus operibus Parisiis impressis anno 1615. fuit quidem litterarum scientia, dicendi eloquentià, & poetice artis insignis, sed de Religione Catholica, nec verbum quidem ineptum scripsisse competitur; quapropter, in à canibus laceratus interierit, difficilis est probationis.

V. LUCIUS, conditione Presbyter, vixit quinto currente seculo, & insurrexit paulò post obitum D. Augustini. Contra hunc Hæreticum scripsit Faustus Abbas Lirinenfis epistolam, quam approbavit Concil. Arelatense tertium à cujus Concilii determinationi Lucidus se submisit.

1. Docuit Christum non habuisse, intentionem moriendi pro omnibus. R. verbo *Bassus*.

2. Deum non habere voluntatem salvandi omnes. Reprob. verbo *Prædestiniani*.

Tom. I.

IV. Luctus. De hoc Lucio diffusè scribit Baronius ad annum 371. 377. plura refert Theodoretus in Tripartita histor. lib. 7. cap. 40., de quo etiam scribit Rufinus. Fuit Arianae hæresis sectator acerrimus, creatus ab Ariani Pseudo-Episcopus Alexandrinus, ubi per vim intrusus, immanissimè sævit in Catholicos, in Monachos, in Virgines; itaut nunquam Ecclesia sub horribiliori tyranno immaniore passà sit persecutionem illà, quam in Alexandrinis Catholicos Lucius excitavit, quantum colligere liquet ex præcitatis auctoribus. Hic etiam Origenis erroribus infectus, hoc peculiare dogma suis blasphemis inseruit, scilicet Deum ex non existentibus fecisse Filium propter nos tantum, hoc est, ut per eum, tamquam per instrumentum proprium, & reale nos crearet; & inde inferebat, quòd Filius Dei non fuisset, nisi Deus decrevisset nos creare; ac proinde volebat ipsum Filium non cognoscere suum principium, idest Deum Patrem, nec seipsum, sicut verificatur de aliis instrumentis, quibus homines utuntur, quæ omni cognitione carent.

Reprob. Quia Deus Pater est essentialiter sæcundus, ideòque necessariò generat ab æterno Filium: qui necessariò cognovit suum principium, sicut ipse Filius, homo factus, testatur in Evangelio: *Nemo novit Filium, nisi Pater, neque Patrem quis novit, nisi Filius, & cui voluerit Filius revelare*; proinde, etiamsi Deus non decrevisset creare mundum, adhuc necessariò generaret Filium, idest Verbum, quod ab æterno generat, de quo Joannes in Evangelio: *In principio erat Verbum, & Verbum erat apud Deum, & Deus erat Verbum, omnia per ipsum facta sunt, & sine ipso factum est nihil*. Ex quo D. Joannis textu abundè satis convincitur Lucii falsum dogma.

IV. LUCIATA potens femina Hispana, Donati Hæretici adjunx fuit, de quo actum verbo *Donatus*, ex Baron. anno 308.

XVII. LUCILIUS, natione Italus, per civas Galliarum Regionem Atheismum disseminans, anno 1619. die 9. Fe-

F f f

brua-

bruarii Tolose captus, propè moriturus in subjectione igne, cui fuit damnatus, in has prorupit blasphemias. Quantum ad Deum attinget, nullum esse credo; quantum ad Regem nunquam illum offendi; quantum verò ad iustitiam, illam ego demonibus, si tamen demones existunt, devoveo. Socios habuisse duodecim, qui suam discederent doctrinam, confessus est. Ex Spondan.

XVI. LUCAS STERNBERGER. In Omo-lucensi Moravia oppido ortum habuit anno 1561. Lutheri, ac Melancthonis discipulum, & sequacem se potissimum gloriabatur: ejus errores versantur circa Sanctissimam Trinitatem, circa Deiparam, & circa Sacramenta: potiores sunt sequentes.

1. Improbatur mysterium Trinitatis, dicens, hoc esse admittere tres Deos: quare vetuit concinere; *O Beata Trinitas*, sacrilegè blaterans, Trinitatem esse femininam, quæ tres viros habuit: De mysterio Trinitatis nullum proferri posse in sacris paginis testimonium. R. verbo *Begomilli*, *Gottsfalehus*, *Gribaldus*, & potissimum contrà Gribaldum ostendimus, Christum, & Apostolos de Trinitatis mysterio disseruisse; sed adhuc dato, quòd nullum esset in Scriptura testimonium de Trinitate, dicat Sternbergerus, in quo Scripturæ loco suas invenire blasphemias.

2. Jesum Christum esse purum hominem. R. verbo *Cerinthus*.

3. Spiritum sanctum irridebat, columbam dumtaxat esse, causatus. R. verbo *Airani*, contrà quos probavimus Spiritum sanctum esse consubstantialem Patri, & Filio. Item verbo *Pneumatomari*.

4. Beatissimam Virginem habuisse alios filios, præter Jesum, consequenter non fuisse virginem, nec discrepare ab aliis feminis. R. verbo *Anti-Mariani*.

5. Laborandum die Dominico, non verò die Sabbati, quia in Scriptura indicitur festum die Sabbati, non die Dominico, & nihil esse observandum, quod non sit expressum in Scriptura. R. verbo *Lofubaus*, *Ebion*, *Biblistæ*.

6. Baptismum rejiciebat, dicens: Deus non baptismum, sed circumcissionem instituit. R. verbo *Armeni*, *Alaphiani*, & *Actarius*.

7. Circà Sacramenta profectus Lutheri doctrinam. R. verbo *Lutherus*.

IV. LUC. ARIANI. A Lucifero Episcopo Calaritano in Sardinia ortum habuisse crediti sunt; ille quidem propter mundi contemptum, virtutis amorem & fidei constantiam, in quibus excelluit, illustris fuit, & causam D. Athanasii constanter sustinuit, contrà quem in Concilio Arelatensi celebrato anno 353. sub Constantio Imperatore plures Episcopi subscripserant; quapropter Lucifer Liberio Papæ se obtulit ad dictum Imperatorem profecturum, ut ad novum Concilium congregandum Imperatorem induceret, in quo melius D. Athanasii causa discuteretur, sicut factum est, indictoque Mediolani alio Concilio pro causa D. Athanasii, in eodem Lucifer constantissimè sanctum Præfulem defendit, ex quo commotus Constantius, Luciferum in Syriam exulem relegavit, ubi plura sub Arianis Episcopis summæ constantiæ perpeffus, tandem sub Juliano Imperatore anno 361. ab exilio revocatur. Traditur deinde, quòd cum Antiochiam peragrasset, & schisma in hac Ecclesia invenisset, propter electionem unam ejusdem civitatis Episcopum factam ab Arianis, & electionem aliam factam ab Eustatians, tertium Episcopum elegerit, ex qua tertià electione magis, ac magis in Antiochena Ecclesia schisma invaluit, reprobante hanc tertiã electionem Eusebio Vercellensi Episcopo, à cuius communione Lucifer, in sua opinione inflexibilis, se segregavit asserens Episcopos semel lapsos, licet resipiscerent, nullatenus esse amplius cum honore in Ecclesia recipiendos, quòd assertum est contrà decretum Concilii Nicæni tertii. Traditur etiam, quòd Sardiniam reversus Lucifer, ibidem usque ad mortem in sua sententia perstiterit, factusque sit auctor schismatis Ecclesiæ valde infensi. Decessit anno 370. ejusque schismatis sequaces dicti sunt Luciferiani. Hæc summæ sunt,

sunt, quæ de actis Luciferi, & errore ei attributo habentur apud Socrat. Sozom., & alios graves quidam viros. Sed cum insignem defensionem Luciferi Calaritanus publici juris fecerit vir clarissimus Ambrosius Machin ex Ordine B. M. de Mercede Calaritanus Archiepiscopus Urbano VIII. Pontifici Maximo dicatam, ubi & Luciferi sanctitatem, & cultum Ecclesiasticum ac planè Religiosum semper, & usque nunc eidem in Sardinia, ut verè sancto, præstitum ostendit, & propugnat, non audeo auctorem schismatis Luciferum Calaritanum asserere, nec assertam sanctitatem labefactare, quam plures alii defendunt, non obstante schismate ei attributo, quasi per ignorantiam, non malitiosè schismaticus fuisset: sed certissimum est ejus schismatis sequaces, à quocunque ortum duxerit, ad schisma etiam aliquos addidisse errores, ad quos reprobandos convertimur, relinquendo examen historiarum istis, qui ejusmodi sibi institutum scribendi proposuerint.

1. Animam credebant transfusione esse genitam à carne, & ex substantia carnis derivatam. R. verbo *Tertullianus*, & *Hermogenes*. Tum quia hæc opinio Epicurismum sapit; nam eò tendit, ut hominis animam mortalem faciat.

2. Negabant cum honore Episcopali in Ecclesia recipiendos esse Episcopos semel in hæresim lapsos, licet debitam dedissent satisfactionem. R. Ex Concil. Nicæno tertio. Tum quia Episcopus non est inferioris conditionis, ac quilibet alius Catholicus, qui licet lapsus, dummodò resipiscat, iterum benignè ab Ecclesia recipitur. Tum quia Episcopus in hæresim lapsus non amittit characterem Episcopalem; ergo si resipiscat, iterum potest cum honore recipi. Hunc errorem impugnavit S. Hieronymus.

3. Solam suam dicebant esse veram Ecclesiam. De Luciferianis agit D. August. lib. de hæres. cap. 8. Item Socrates, Sozomenus, Theodoretus.

*XVI. LUDOVICUS FLEIS DUPIN. In opere cui proposuit titulum. *De antiqua Ecclesia disciplina*. Ludovicus Maimbourg in sua dementata historia. *De Ponti-*

ficatu S. Gregorii Magni, suoque in tractatu historico *De prerogativis Ecclesie Rom. atque Episcoporum*. Maledica blaterare signimenta aggressi, impium Laurosum venenatas propositiones contra supremam Pontificis auctoritatem evomentem secuti sunt.

XVI. LUDOVICUS ALEMANNI, natione Italus cepit Lugduni anno 1566. Calvinianam doctrinam insectari circa receptionem substantiæ Jesu Christi in Cœna per fidem, ac purum Zuinglianismum edocere, videlicet substantiam nullo modo recipi, nè fide quidem, & solum recipi spiritaliter substantiale Corpus, & Sanguinem Christi. Addens insuper, quod Christus, licet à suis Fidelibus non sit absens, tamen illius substantiæ Corpus nullatenus esse præsens in Cœna, sed ibi solum dari panem in memoriam mortis, & passionis Christi, sicut in testamento non datur vere, & substantialiter testatoris hæreditas. R. Ex iis, quæ dicta sunt verbo *Bucerus*, *Albanenses*, *Anabaptista*: & ex iis, quæ dicuntur contra Zuinglium. Paritas autem de testamento nihil evincit, nam sicut per testamentum hæres consequitur realiter jus ad hæreditatem, non verò sit testamentum in memoriam hæreditatis; ita per institutionem Eucharistiæ nos consequimur jus ex voluntate Christi ad Corporis ejusdem consecrationem, & possessionem realiter ex vi testamenti accipiendam, nempe in Eucharistico pane ex vi voluntatis veluti ultimæ, tanquam pignus futuræ & æternæ hæreditatis.

XVI. LUTHERO-PAPISTA (ex Lindano) sunt sequaces Westphali, qui excommunicant illos, qui non sunt de sua secta, præcipue Zuinglianos Sacramentarios, ubi ceteri Lutherani Zuinglium omnino condemnare non audent. Tales sunt Witembergenfes, & Lipsienfes Theologi, qui in multis cum doctrina Romani Pontificis conveniunt.

XVI. LUTHERO-CALVINISTA. Ex Stephilo: hujus sectæ auctor censetur Jacobus Schmidelinus, qui docuit Lutherum convenire cum Zuinglianis in materia Sacramenti, & inter ipsos quæstio-

F i f a nem

nem esse de suo nomine, ideòque bene posse conciliari.

XVI. LUTHERO-STANDRINI (ex Lindano) à Joanne Brentio ortum habuerunt, secta sunt Semilutherani. Tales censentur Theologi Tubingenses, qui Lutherum, Osiandrum conciliare student in materia justificationis; nam docent cum Lutherò contrà Osiandrum, hominem in hac vita imputativè haberi justum, & tenent cum Osiandro contrà Lutherum hominem post hanc vitam fieri justum eadem justitia, quà Deus essentialitèr est justus.

XVI. LUTHERO-ZUINGLIANI Lutherum cum Zuinglio in materia Cœnæ conciliare student, etiam secta sunt Semilutherani. Horum auctor censetur Melancthon, qui cum usque ad canos Lutherò adhæsisset, paulò antè suum decessum Zuinglio consensit, utrumque conciliaturus. Alii auctorem faciunt Martinum Bucerum. Ex Staphilo.

XVI. LUTHERANI MOLLES, & RIGIDI. Alii demùm nuncupantur Lutherani Molles, quia non sequuntur ad apicem litteræ doctrinam Lutheri. Alii vocantur Lutherani Rigidi, qui in toto rigore Lutheri doctrinæ adhærent.

XV. LUTHERUS, nomine MARTINUS, natione Saxo, patriâ Islebiensis, in ditione Comitum Mansfeldiensium anno 1483. progenitus: nonnulli dixere ab incubo dæmone natum. Quidquid sit hac de re, cum diabolo se multum habuisse commercium, satis cognitum habuisse diabolum, & cum ipso diabolo non parùm salis comedisset, confitetur in scriptis suis ipse Lutherus, qui cum cognomento esset *Lotter*, quæ vox infame quid sonat linguâ Germanicâ, voluit *Luther* imponeretur vocari: *Luther* enim Germanicè *Thurum* significat. Acri fuit ingenio, quapropter in studiis suis valdè profecit. Magister artium vocatus anno ætatis suæ vigesimo, in utroque jure eruditus evasit. Voto ingrediendi religionem cum se obstrinxisset, socium suum quadam die secum in agro deambulantem, à fulminis ictu occisum conspiciens, reddidit statim votum suum in

civitate Erphordiz, anno ætatis 22. Postmodùm Sacerdotio initatus ætatis 24. deinde Wittembergam ad Albim missus, ibi Philosophiam Religiosos sui Ordinis docuit: paucis ab hinc annis Theologiæ lauream adeptus, ingenii sui arrogantia commotus, cepit palam sanctos Doctores inficiari, quasi incultos in modo dicendi, deinde tanquam Evangelii corruptores diffamavit. Mox occasione arrepta contrà Prædicatores indulgentiarum, Wittembergæ nonaginta quinque conclusiones promulgavit, quibus avertebat Fidelium animos ab acquirendis indulgentiis; revocans in dubium, an Pontifex haberet potestatem concedendi indulgentias, & paulatim ferè omnia fidei dogmata evertere curavit. Interim cum non parvos in impietate sua faceret progressus, malo nascenti occurrere studuit Pontifex, & factò à Pontifice mandato Cardinali Casetano, ut Lutheri causam exciperet, à Cardinali ad Pontificem, à Pontifice ad futurum Concilium appellavit Lutherus, in sua impietate jam obduratus, majorique audacia in Pontificem, & Orthodoxos cepit debacchari; proinde damnatus ab Academicis Parisiensi, & Colonienfi, & à Leone Summo Pontifice. Sed nil indè ad meliorem frugem revocatus, imò in deterius lapsus, plura scripsit, præcipuè contrà Missæ Sacrificium; & anno 1524. ætatis suæ quadragessimoprime, habitum Regularem deposuit, ad quod facinus perpetrandum Regulares omnes hortabatur, incestuosas nuptias contraclis. Postmodùm à Paulo III. sollicitatus ad conversionem, renuit misericordiæ januas, sibi ab Ecclesiâ expansas ingredi, sed vehementius editis seditiosis libris, non tam Sacerdotium, quam Imperium studuit totis viribus exagitare. Tandem anno 1546. moritur Islebii patria sua, postquam successoribus suis, omnia hæreticæ pravitatis arcana aperuisset, quæ sparsa habentur in operibus suis. Præcipuus interim Lutheri errores reprobare aggredimur: sunt autem sequentes.

1. In libro De abroganda Missa privata,

vata, afferit veram Christi Ecclesiam esse invisibilem. R. verbo *Protestantes*.

1. Ecclesiam Romanam successu temporis à vera fide defecisse. Rep. verbo *Protestantes*.

3. Romanam S: dem esse Antichristi sedem, & Romanum Pontificem esse, Antichristum. Quamvis alias jam non semel errorem istum, atque insanorum hominum furorem rejecerimus, placet nihilominus quædam, in ejusdem commentu reprobationem, de adventu Antichristi disserere. Repr. itaque, qui signa certa adventus Antichristi sunt præsertim sex, nobis in Scripturâ notata, duo videlicet Antichristum antecedentia, duo concomitantia, & duo subsequenta. Duo antecedentia sunt, Evangelii in toto mundo prædicatio, (Matth. 24.) & totalis R: mani Imperii desolatio (Daniel. 2. Apocal. 17.) Duo concomitantia sunt Eliæ ad prædicandum missio, (Malach. 4. Eccles. 48. Apocal. 11.) cui comes prædicationis erit Henoch, ut ex majorum traditione accepimus, & percutio omnium maxima, ac notissima, in quâ cessabunt omnia sacra, (Matth. 24. Daniel. 12.) Duo verò subsequenta sunt, ipsius Antichristi interitus, post tres annos cum dimidio futurus, (Daniel. 7. Apocal. 11.) & tandem ipse mundi finis. (Matth. 24.) Atqui nullum ex his Antichristi signis adhuc evenisse constat, non primum, cum pateat varias adhuc esse mundi regiones & populos, quales dici possunt Americani multi, quibus nihil de Evangelio hætenus nuntiatum; non secundum, cum Romanum Imperium duret, quamvis translatum; Imperium enim durat, quamdâ in Imperatoriâ dignitate succedit aliquis; succedit autem Occidentis Imperator, eoque solo jure cæteros præcedit Christianos Principes, & Reges, & si aliundè potentiores, non tertium, cum Eliam adhuc vivere certâ fide teneant Catholici omnes; de Henoch etiam dicitur ad Hebræos 11. *Henoch translatus est ne videret mortem*; & de Eliâ, Matth. 17 *Eliâ quidam venturus est, & restituet omnia*; & de utroque Augustinus

lib. de peccato originali cap. 23. *Henoch, & Eliam non dubitamus, in quibus nati sunt corporibus, vivere; non vivent autem, si jam contrâ Antichristum prædicaturi missi fuissent siquidem de illis legitur Apocal. 11. Diebus mille ducentis sexaginta. Et Prophetabunt, cum finierint testimonium suum, bestia, qua ascendet de abyssu, faciet adversum eos bellum, & vincet illos, & occidet eos.* Non quartum, cum nulla sæviat, nec sævierit usquam tanta persecutio, in quâ cessaverit omnino sacrificium omne, cum viguerit semper in Christi Ecclesia, & duret adhuc iuge sacrificium. Non quintum denique, neque sextum, videlicet Antichristi interitus, & mundi finis, ut manifestè patet. Quòd nondum evenierit interitus Antichristi, certum est; contigisset autem jam à pluribus annis, si verisset Antichristus eo tempore, quo cum venisse fingunt hæretici, cum regnaturus sit per tres dumtaxat annos cum dimidio, ut visum est; & si contigisset Antichristi interitus, jam pariter contigisset mundi finis. Ergo cum nullum ex præfatis signis evenisse constet, nec Antichristum venisse patet, & consequenter impudentissimè dicitur Romanum Pontificem Antichristum esse, & plusquam satis manifestè colligitur ex dictis. Imò, si Pontifex esset Antichristus, plures essent fingendi Antichristi, cum tamen ex Divinis oraculis constet unum tantum futurum.

4. Lutherani dicunt sedisse annis duobus, mensibus quinque, & diebus quatuor feminam quamdam meretricem, nomine Joannam, id enim ita evenisse divinitus permissum esse contendunt, præsertim Magdeburgenses, in signum Ecclesiæ Romanæ in meretricem Babylonicam mutatz, esseque validissimum argumentum suæ, à Romana Sede, defectionis legitimæ. R. ex ipsa narratione fabulosâ somnii eventus de Joana Papissa. Ajunt fabulatores isti, mulierem illam, natione Anglicam, ut volebant aliqui, vel Moguntinam, ut alii oluerit, adhuc puellam in habitu virilis fuisse ab amasso quodam Athenas ductam, ibi-

ibique ita litteris operam navasse, & in scientiis profecisse, ut ei par non esset. Cumque Romam venisset, ibique legens & docens, magnos Magistros inter discipulos, & auditores haberet, tantæ opinionis sibi nomen fecit, ut defuncto Leone IV. in successorem ejus, & Papam fuerit concorditer electa; sed eandem in Papatu à suo familiari vitiatam, temporisque sui futuri partus ignaram, cum de S. Petro, ad Lateranum in solemnî supplicatione tenderet, angustiatam in partu, publicè peperisse in viâ, ibique mortuam fuisse, atque sepultam.

Quàm pluribus scateat falsitatibus hæc narratio, facile est discernere; nam primò falsam, & fabulosam esse hanc narrationem, constat ex non convenientiâ, seu discordiâ auctorum ejus; volunt enim aliqui mulierem illam fuisse natione Anglicam, Moguntinam alii. 2. Ex eo, quòd illam Athenis litteris operam dedisse, & profecisse dicant: constat autem eo tempore Athenarum solùm superfuisset nomen; asserit enim S. Syneus Ptolemaidis Episcopus, vir sanctitate, & eruditione clarus, in epistola ad fratrem suum ultimâ, suo tempore, hoc est anno circiter 420. *Athenas splendit habere nihil, præter celeberrima locorum nomina*; ergo nec à fortiori tempore hujus fabulose Papiæ Joannæ, quam sedisse contendunt fabulatores illi, circa annum 850 inter Leonem IV. & Benedictum III. Atheniensis civitas, & multò minùs universitas poterat esse superflua. 3. Ex eo, quòd asserant, illam Romæ legentem, & docentem, post biennium in Papam fuisse concorditer electam, constat verò his temporibus jam fuisse consuetum, nullum, nisi ex Cardinalium Collegio, in Papam eligi. 4. Ex eo, quòd dicant illam in solemnî publicatione peperisse, & incredibile sit omnino mulierem, à tot mensibus sætu gravidam, partuique proximam, hoc publicum munus obire voluisse, in quo erat futuri partus, honoris, vitæque periculum. Addendum est, hanc fabulam tam insulsam, primum omnium scripto vulgasse Marianum Scotum, ducentis an-

nis jam elapsis; quam postmodùm secuti sunt scriptores alii, ut Siebertus, Martinus Polonus &c. Verùm scriptores antiqui, & rei narratæ cœvi, ut sunt Anastasius Bibliothecarius, Ado Viennensis, Hincmarus Rhemensis, & ipse Nicolaus I. Benedicti III. successor immediatus, nullam mentionem faciunt de prætensâ Joanna Papiâ; imò post Leonis IV. obitum, immediatè successisse Benedictum III. constanter asseverant: ex quibus constat, quàm insulsam, quàm malè confuta fabula de Joanna Papiâ. Adde, hæreticos ipsos, qui antiqua Romanæ Ecclesiæ astra sincerè scrutari voluerunt, fabulam illam rejecisse, ita ut non solùm à Catholicis Latinæ Ecclesiæ, sed etiam à Græcis, & ab ipsis melioris notæ hereticis hodie prorsus exhibetur, ut animadvertit vir eruditissimus *Joannes Interam de Ayalâ Ord. R. M. de Mercede in suo Pictore Christiano lib. 1. cap. 6.*

5. Dicit solam Scripturam sacram esse regulam fidei, atque judicem controversiarum, ac proinde omnes fidei controversias, per ipsam solam dirimi debere. R. Ostendendo solam Scripturam non esse supremam, atque infallibilem fidei controversiarum judicem; & hoc multiplici argumento: primò ab obsecritate Scripturæ. 2. ab ejus insufficentiâ ad omnia fidei capita comprobanda. 3. à natura, & officio judicis.

Ac primò, lex obscura, & ad intelligendum difficilis, quæ in varios, & contrarios sensus trahi potest, non potest sola, absque interprete, & judice infallibili, subnascentes de fide, ac religione controversias terminare, ac definire; atque Scriptura sacra obscura in multis locis est, & ad intelligendum difficilis, ut plurimum ipsius Scripturæ testimoniis, & exemplis probari potest, & præcipuè Lucæ 18. *Et nihil horum intellexerunt, & erat verbum absconditum ab eis.* Insuper, Scriptura in varios sensus trahi potest, ac de facto trahitur ab Hæreticis, quibus familiare est, ut errores suos ex Scripturis confirmet: observat enim Bellarm. tom. 4. de Euchar. lib. 1. cap. 8. in quodam libro impresso an-

no 1577. numerari ducentis variis istorum Christi verborum: *Huc est Corpus meum*, interpretationes. Tum quia, verba hæc clara videntur Luthero ad stabilendam realem, & substantialem Christi in Eucharistia præsentiam; ex adverso, clara videntur Calvino ad eam rejiciendam, & solam virtutis præsentiam comprobendam. Quis item hanc inter illos componet? Scriptura? At de illius sensu controversitur, & quisque eam ad se inflectere nititur: asserendum est ergo solam Scripturam non esse regulam fidei, atque judicem controversiarum.

Secundò, ex insufficientiâ Scripturarum, demonstratur solam Scripturam non esse controversiarum iudicem; nam præter quàm quòd multæ suboriuntur circa textum controversiæ, an scilicet textus, quem præ manibus habemus, & vocamus Scripturam, genuinum sit Dei verbum? An autographi Prophetarum, & Apostolorum conformis? An purus, & integer ad nos Jesuixerit; vel Judæorum, aut Hæreticorum fraudibus depravatus, & corruptus? An hujus textus versiones, quæ par est fidei, legitimæ primigenii autographi, seu exemplaris sensum referant? An denique hi, vel illi libri canonici sint vel non. & qui nam sit illorum legitimus sensus? Quo iudice securi de his omnibus reddemur, si ipsa sola Scriptura sit iudex? Multa etiam ex fide credere tenemur, quæ tamen in Scripturis expressa non sunt: V.G. quòd validum sit Baptismi Sacramentum collatum ab Hæreticis: quòd parvuli sint baptizandi. Hinc Divus Augustinus lib. 5. contra Donatistas cap. 23. ait: *Sunt multa, quæ universa tenet Ecclesia, & ob hoc ab Apostolis præcepta bene creduntur, quamquam scripta non reperiantur.*

Tertiò denique ex naturâ, & officio iudicis, constat ipsam Scripturam, non esse controversiarum fidei iudicem; in omni enim Republicâ bene ordinatâ, & constitutâ lex, & iudex dicitur sunt distincti: lex enim docet quid sit agendum: Iudex verò ex præscripto legis pronunciat; lex dirigit subditos, declarando ipsi, quæ faciendâ sunt, vel

omittenda; iudex autem illos cogit, ut faciant, vel omittant, ac reos, pro natura delicti, punit. Scriptura, est quidem lex, norma, & regula fidei, & morum; at non potest esse iudex, ut contendunt Novatores, qui enim iudex est inter duos litigantes, debet ita pronuntiare sententiam, ut uterque litigantium clarè intelligat, quænam sit iudicis sententia, & alter eorum fateatur illam pro se, alter contra se latam esse: nisi ita fuerit, à lite non desistent, & interminabilis evadet controversia: At qui non potest solâ Scripturâ id præstare. Litigant Lutherani, & Calvinistæ, tum inter se, tum nobiscum, hætenus tamen ex solâ Scripturâ finiri, ac terminari non potuit controversia, & quisque in priori sua sententiâ immotus persistit. Quarendus est ergo alius iudex, qui controversias dirimat. Profectò hic erit Ecclesia, cum suo capite, quæ est regula animata, & iudex infallibilis controversiarum fidei. Ad effugiendam hujus rationis vim, aliud commentum invenerunt Lutherani, dicentes.

6. Internum spiritus privati testimonium, esse iudicem infallibilem controversiarum fidei. Rep. In omni Republicâ bene instituta, & ordinata, necesse est sedere aliquos iudices, qui legem principis interpretentur, ac civiles subditorum causas, auctoritate coactivâ, ac decretoriâ dirimant; si enim privato cuilibet id licetum foret, quanta inde rerum perturbatio? quanta in civili societate confusio? Ita prorsus eveniret in Ecclesia: non satis ejus securitati, ac tranquillitati provisorium à Deo fuisset, nisi esset regula quædam viva, quæ natus de fide, & religione controversias supremo iudicio definiret. Quò tandem evaderet fidei veritas, & firmitas, si privatorum examini, iudicio, & interpretationi permitteretur? Quisque ad libitum fidei dogmata sibi effingeret; nullus unquam futurus esset controversiarum, ac discordiarum finis; anceps, & dubius semper hæreret fidelium animus, ac tandem patientissima via panderetur ad infirmitatem, & tolerantiam omnium religionum.

num. Quis verò in mentem suam facile induxerit, tam male à Christo Ecclesiæ suæ, quam dilexit, & proprio suo sanguine acquisivit, prospectum fuisse?

Insuper, lex fidei debet esse publica & nota, pro natura Ecclesiæ, quæ societas est visibilis, & conspicua; debet esse una, non multiplex, non varia, neque contraria, sed simplex, constans, & uniformis; verumtamen quàm longe ab iis conditionibus distat spiritus ille privatus Novatorum, seu spiritus revelans unicuique privato homini, quæ sunt de fide credenda, vel agenda? Occultus ille est, ac latens, non videtur, non auditur, sicut videri debet, & audiri à partibus litigantibus iudex, qui sententiam pronunciat: varius est, multiplex, contrarius spiritus ille privatus, quippe Luthero suggestit aliquos è Canone Ecclesiastico libros expungendos esse, quos tamen admitti debere, idem spiritus Calvinio inspiravit. Pariter verba ista: *Hoc est Corpus meum*, ad sensum præsentis realis Luthero, è contrà Calvinio ad sensum præsentis spiritualis dumtaxat, & figuratè interpretanda esse, prætextus ille spiritus privatus suggestit. Item verba ista: *Ego, & Pater unum sumus*, de unione morali, & affectiva Calvinus intelligit; sicut & ista: *Antequam Abraham fieret, ego sum*, de præexistentiâ tantùm in decreto Dei intelligit, non de vera, & reali præexistentiâ, quam proficetur unanimis omnium Catholicorum sententia adversùs Socinianos; & certè nunquam satis intelligitur, qua ratione Lutherani, & Calvinistæ, è quorum sinu prodire Sociniani, iisdem cum ipsis nutriti, & innixi principis, quâ inquam ratione ab istorum laqueis, admissa tantum pro iudice Scriptura, seu privato spiritu, sese extricare, & expedire valeant; nihil etenim juris habent Lutherani, & Calvinistæ ad Scripturam in sensus figuratos, & metaphoricos detorquendam, quod sibi pariter vindicare non possint Sociniani, ubi contendunt Christum in Scriptura, sensu figurato Deum appellari, eodem modo, quo iudices, Dei etiam in Scripturâ, nuncu-

pantur: quam ergo disparitatem afferent? Scripturæ claritatem? Hanc, in causâ suâ, laudabunt & ipsi Sociniani. Spiritum privatum, ejusque internamunctionem? & de ista pariter illi gloriabuntur. Collationem unius, vel plurimum locorum Scripturæ cum aliis? At in istâ plurimum, & ipsi confidunt. Traditionem? At istam communi suffragio Novatores rejiciunt. Ergo si semel auctoritas coactiva Ecclesiæ judicantis, & decretorie pronunciantis seponatur, nullâ unquam certâ viâ comprimi, ac revinci poterunt à Lutheranis, & Calvinistis, Sociniani; ergo internum spiritus privati testimonium, non potest esse iudex infallibilis controversiarum fidei. Sed ut hæc evadant, dicunt:

7. Quòd princeps publicam habet doctrinam religionis potestatem judicandi, & decidendi. Repr. Nam certum est principi seculari hanc à Deo potestatem datam non fuisse, ut iudex sedeat in causis fidei, easque dirimat; nullibi privilegium illud legimus in Scripturis. Est quidem princeps, teste Apostolo: *Dei minister, vindex in iram ei, qui malum agit*, eaque de causa gladium portat; est legum Ecclesiæ custos, vindex & protector, qui acceptam à Deo potestatem convertere præcipue tenetur in præsidium, tutelam, & columnam Catholicæ Ecclesiæ; at verò arbitri non est, nec iudex controversiarum fidei; neque Principibus dictum fuisse legimus: *Euntes, docete omnes gentes, baptizantes Accipite Spiritum sanctum, quorum remiseritis peccata, remittuntur eis Attendite vobis, & universo gregi, in quo vos Spiritus sanctus posuit Episcopos regere Ecclesiam Dei*; unius etiam in veteri Testamento habetur, quòd *Labia Sacerdotis custodiunt scientiam*, & quòd *legem ex ore ejus requirent*. Vel ipsimet Imperatores agnovere sibi jus non esse de rebus fidei, ac religionis decernere. Constantinus enim, teste Eusebio lib. 3. de vita Constantini cap. 10. in Concilio Nicæno non prius aëdit, quam Episcopi, ut federet, annuissent: quo signo, satis inuicavit, se Concilio non præesse, & si

& si aliquando alii principes, vel Concilio interfuerunt, vel aliquos nomine suo ad ea direxerunt, interfuerunt non quidem ut fidei iudices, sed ut protectores, & quasi custodes, qui Concilii disciplinam promoverent, removerent tumultus, Episcopis pacem, ac libertatem ex officio uerentur, vel etiam, quia in Conciliis non solum de rebus Ecclesiasticis, sed etiam de statu regni, Christianis moribus regendo, agebatur, præstantibus consilia Episcopis; ut de Conciliis Hispaniæ notant, qui de illis scripserunt. Abundant exempla plurimorum Imperatorum, qui hanc sibi auctoritatem, de rebus fidei iudicandis, non competere passi sunt, sed ea prætermittimus, cum hæc veritas tam perspicua, ulteriori non indigeat testimonio. Vide verbo *Joannes Jandunus*.

8. Negat Ecclesiam cum Summo Pontifice esse iudicem infallibilem controversiarum fidei. R. Asserendo Summum Pontificem se solo, vel Ecclesiam cum Summo Pontifice, esse infallibilem fidei controversiarum iudicem. Dixi *Ecclesiam cum Summo Pontifice*, nam si sumatur absque Summo Pontifice, est corpus Acephalum, & ad summum habet dumtaxat infallibilitatem passivam, quatenus spectat ad Divinam providentiam impedire, ne tota Fidelium societas, etiam secluso Summo Pontifice, simul errorem admittere possit: non habet tamen infallibilitatem activam, & judicalem, qua certò, ac securè possit absque ulla erroris formidine, secluso Summo Pontifice, de fidei causis pronuntiare: Hæc enim infallibilitas derivat, tamquam à capite, à Summo Pontifice, ad quem spectat approbare omnia Concilia Generalia, & robur ac firmitatem cuilibet dogmaticæ definitioni tribuere, quatenus est caput totius Ecclesiæ, sive per orbem universum diffusa, sive in Conciliis Generalibus congregata. His prælibatis.

Prob. primò assertio Catholica contra Lutherum, & Calvinum. Necessariò admittenda est in Ecclesiâ Christi regula quædam viva, & spirans, quæ su-

Tom. I.

premo suo iudicio suborientes de rebus Divinis controversias dirimat, & componat: atqui regula ista, seu iudex non potest esse Scriptura, neque spiritus revelans privatus, neque Princeps secularis, ut jam ex probatis demonstravimus, ergo est ipsemet Summus Pontifex sive in Concilio, sive extrâ Concilium. Ad ipsum enim in persona Petri, dixit Christus Lucæ 22. *Rogavi pro te, ut non deficiat fides tua, & tu aliquando conversus confirma fratres tuos*. Hinc Divus Bernardus Epist. 190. ad Innocentium, Papam II. ipsum alloquens sic ait: *Oportet ad vestrum referri Apostolatum pericula quæque, & scandala emergentia in regno Dei, ac præsertim quæ de fide contingunt. Dignum namque arbitror, ibi potissimum resarciri damna fidei, ubi non possit fides sentire defectum*.

Probatur secundo eadem assertio ex consuetudine Ecclesiæ. Nam in omnibus seculis, si quando exorta sunt nova dubia in Ecclesiâ, semper eodem modo terminata sunt, nimirum iudicio Romani Pontificis, & Episcoporum, qui tunc erant. Orta est in primo seculo questio de cæremoniis legis veteris, an essent servandæ à Gentibus ad Christum conversis; & sicut illa fuit prima questio in Ecclesiâ exorta, ita tunc celebratum est primum Concilium, præsidente S. Petro, & ejus Concilii decreto omnes acquieverunt. Actor. 5. Secundo seculo orta est questio de celebratione Paschæ, quibusdam volentibus Pascha celebrare cum Judæis decima quarta die primi mensis, sive esset dies Dominicus, sive non, aliis autem tantum die Dominico, post lunam decimam quintam; constat autem propter hoc celebrata esse plura Concilia Episcoporum, & tandem à Victore Romano Pontifice emanatum est decretum. Tercio seculo causa Rebaptizantium: quarto seculo Donatistarum, & Arianorum: quinto seculo Pelagianorum, Nestorianorum, & Eutychianorum: sexto causa trium Capitulorum: septimo Monothelitarum: octavo Iconoclastarum, sic deinceps de omnibus aliis controversiis in materia fidei, semper in

G g g

Con-

Conciliis, cum Romani Pontificis approbatione congregatis, decisæ fuerunt.

Imò, vel ipsi Calvinistæ, sui privati spiritus parùm memores, coacti sunt ad auctoritatem plenariæ Synodi, seu magis conventiculi Dordraceni confugere, ut exortam inter Arminianos, seu Remonstrantes ex unâ parte, & Gommaristas ex alterâ, molestam de gratia, & prædestinatione controversiam, dirimerent. Quin & in simili Pseudo-Synodo Alecicensi, anno 1620. in Galliis celebratâ, decretum est, ut omnes & singuli juramento affirmarent se statuta Dordracena recipere, ac doctrinam Arminianorum rejicere.

9. Negat admittendas esse traditiones Divinas. R. Unde enim scire potest Lutherus, quòd v. g. Evangelium secundum Marcum, sit à D. Marco conscriptum, nisi per traditionem? non enim in alio, aut in ipso Marci Evangelio legitur D. Marcum scripsisse Evangelium; ergo dum traditiones impugnât, ipsas conatur admittere. Repr. Insuper Ecclesiast. 8. *Non te prætereat narratio seniorum: ipsi enim didicerunt à patribus suis: quoniam ab ipsis discis intellectum, & in tempore necessitatis dare responsum.* In novo Testamento specialius, atque clarius. Apostolus ad Tim. 2. cap. 1. ait: *Formam habere sanorum verborum, quæ à me audisti infide, & dilectione in Christo Jesu.* Et ibidem cap. 2. eundem sic alloquens ait: *Tu ergo fili mi confortare in gratiâ, quæ est in Christo Jesu: & quæ audisti à me per multos testes, hæc commenda fidelibus hominibus, qui idonei erunt & alios docere.* Secundò, ex Conciliis constat dari, & suscipiendas esse Divinas traditiones. Concilium Nicænum secundum, & Ecumenicum septimum expressè dicit, actione septimâ. *Si quis traditiones sive scripto, sive consuetudine valentes non curaverit, anathema sit.* Concilium Tridentinum sess. 4. decreto de Canonicis Scripturis, expressè declarat, se pari pietatis affectu traditiones Divinas venerari, ac Scripturas. Tertiò, ex SS. Ecclesiæ Patribus constat pariter dari, & suscipiendas esse tradi-

tionem Divinas; & sic in primo Ecclesiæ seculo traditiones varias sive Divinas, sive Apostolicas admiscerunt. S. Ignatius Martyr, Dionysius Arcopagita, qui Apostolis fuerunt coevi, & Polycarpus. In secundo seculo Iulianus, Papias, & Irenæus. In tertio seculo Tertullianus, Clemens Alexandrinus, Origenes, & Cyprianus. In quarto seculo Athanasius, Basilus, Cyrillus Hierosolymitanus, Gregorius Nazianzenus, Epiphanius, Hilarius, Ambrosius. In quinto seculo Hieronymus, Chrysostomus, Augustinus, Chrysologus, & Gregorius Magnus. Sufficiat una Divi Augustini auctoritas, quæ in hac parte est veluti Divinarum, & Apostolicarum traditionum regula, ait itaque lib. 4. de Baptismo contra Donatistas cap. 24. *Quod universa tenet Ecclesiæ, nec Concilii institutum, sed semper retentum, non nisi auctoritate Apostolica traditum, rectissime creditur.*

Rep. Secundò. Multa certâ fide credimus, & observamus, quorum nulla extat in Scripturis mentio, qualia sunt. Quòd Maria Virginitas fuerit semper, etiam post partum, virgo, atque iste sit verus, & genuinus Scripturarum, virginitatem Mariæ adumbrantium, sensus. Quòd parvuli sint baptizandi, etiam antè rationis usum. Quòd baptizati ab hæreticis, non sint re-baptizandi. Quòd Paschatis festum sit die Dominico post. 14. Martii lunam celebrandum. Quòd decur, & existat apud nos Scriptura verè Divina, quæ sit verum Dei verbum. Quòd eadem scriptura, præsertim in iis, quæ sunt ad fidem, & salutem necessaria, sit apud nos salva, & incorrupta. Quòd verum, ac legitimum illius habeamus sensum. Quòd quatuor Evangelia SS. Matthei, Marci, Lucæ, & Joannis, sint Scriptura verè Divina; non verò quatuor alia nomine SS. Petri, Andreæ, Bartholomæi, & Thomæ ventilata. Quòd ex quatuor Esdræ libris duo sint verè Divini, alii verò duo apocryphi. Quòd pariter ex quatuor Machabæorum libris, duo sint verè Canonici, & Divini, alii duo è contrâ apocryphi. Quòd Pauli Epistolæ ad Timotheum, ad Titum, ad Phi-

Philemonem, sint verè Canonica, non verò aliz ejusdem ad Senecam. Quòd ejusdem Pauli ad Ephesos epistola sit verè Canonica, non ejusdem ad Laodicensis alia. Quòd Epistola S. Jacobi, quam ut Canonicam Calvinus admittit, & Lutherus respuit, sit verè Canonica, & inter authenticas habenda. Dicant Novatores hæretici ex quonam Scripturæ textu aliquas ex præfatis veritatibus, quas contrà ipsos Ecclesia Catholica firmissimè tenet, probare possint? Igitur in ipsa Catholica Ecclesia, ut optimè ait Vincentius Lirinensis Commonitorii cap. 3. *Magnopere curandum est, ut id teneamus, quod ubique; quod semper, quod ab omnibus creditum est.* Sed non propterea resciendum, si quandoque contigerit Ecclesiam approbasse aliquas traditiones, quæ communes toti Ecclesie non fuerint. Quandoquidem non prius approbat, quàm examinata controversia, eas legitimas esse deprehendat, ut evenit in judicio ferendo de libro Baruch; & secundo Machabæorum; imò in iis & similibus suam, quam accepit à Domino, exercet inluctu Spiritus sancti, auctoritatem.

10. In libro de Ecclesia negat adhuc extare Scripturam sacram, quam in pulvere, & ceno à Pontificibus sepultam, blasphemat. In Colloquiis Latinis cap. de Bibliis, asserit usque ad tempus Carolstadii Bibliam mansisse incognitam. Ad cap. 46. Genesis, dicit nullius esse auctoritatis versionem septuaginta Interpretum; libros à Moyse conscriptos, se non recipere profitetur in Colloquiis convivalibus. Cap. de lege, & Evangeliiis, titulo de Libris veteris, & novi Testamenti, non recipit quæ de Job scripta sunt. Ecclesiasten Salomonis nullam, dicit, habere perfectam sententiam. Sapientiam Salomonis inter apocrypha rejicit, in sua Germanica Bibliorum versione. R. Ex unanimi Catholicorum consensu, qui sacram Scripturam ab Ecclesia approbatam, tanquam verbum Dei scriptum recipiunt. Quid autem Lutherus sibi tuius revelatum lætat circa cognitionem verbi Dei scripti, quod tot præterierit Sanctos, effugerit sapientes?

Sed si non extat sacra Scriptura, quare Lutherus tot consumpsit labores, ut sacram Scripturam interpretaretur, tum veteris, tum novi Testamenti; ut obscura loca Scripturæ (licet perperam hoc fecerit) explanaret? ergo inde confusus remanet à se ipso Lutherus. Sed, ad quid dum negat sacram Scripturam, vel ejus sensum, vult omnibus per se innotescere? Superfluum enim erat, ut commentaria componeret ad Scripturam explanandam, si aut nulla Scriptura extat, aut omnibus clarus est, & obvius (sicut ipse ait) sensus sacræ Scripturæ. Posito autem Lutheri asserto de noto sensu Scripturæ, sequeretur quòd tantam haberet Scripturæ cognitionem rusticus, ignarus, ac doctus Theologus: sed de facto plures exortæ sunt controversiæ, & difficultates circa intelligentiam sacræ Scripturæ, quas Summus Pontifex in Conciliis explanavit. Ex quo apertè constat, & sacram Litteram extare in Catholica Ecclesia, & clarum, & obviu omnibus non esse semper sensum sacræ Scripturæ. Tandem, si ut contendit Lutherus, omnes haberent spiritum decisivum sacræ Scripturæ, aut cerià litera Scripturæ non esset, numquàm posset Ecclesia in uno sensu sacræ Scripturæ verè convenire, & consequenter numquam posset unanimitatem doctrinam Fidelibus proponere.

11. Reprehendit eos, qui appellant ad Romanum Pontificem, eorumque appellationes deridet. Repr. Primò ex Concilio Sardicensi, quod ex toto orbe terrarum convocatum Sulpitius lib. 2. Historiæ sacræ, & Socrates lib. 2. cap. 16. Historiæ Ecclesiasticæ generale Concilium appellat; cui, teste Athanasio in secundæ Apologiæ initio, & Hilario in libro de Synodis, interfuerunt plus, quàm 300. Episcopi ex triginta sex Provinciis totius orbis Christiani. In hac ergo Synodo duo Canones habentur, quartus nimirum, & septimus, qui apertè probant jure ad Pontificem appellari posse. Quartus Canon sic habet: *Cum aliquis Episcopus depositus fuerit eorum Episcoporum judicio, qui in vicinis locis commo-*

rantur, & proclamaverit agendum sibi negotium in urbe Roma, alter Episcopus in ejus cathedra, post appellationem ejus, qui videtur esse depositus, omnino non ordinetur, nisi causa fuerit in judicio Episcopi Romani determinata. Canon secundus sic loquitur: Placuit, ut si Episcopus accusatus fuerit, & judicaverint Episcopi regionis ipsius, & de gradu suo eum dejecerint, si appellaverit qui dejectus est, & confugerit ad Episcopum Romanam Ecclesie, si justum putaverit, ut renouetur judicium, scribere his Episcopis dignetur, qui in finitima, & propinqua Provincia sunt, ut ipsi diligenter omnino requirant, & juxta fidem veritatis definiant. Quod si is, qui rogat causam suam iterum audiri, deprecatione sua moverit Episcopum Romanum, ut de latere suo Presbyterum mittat, erit in potestate Episcopi quid velit, & quod astringat: & si decreverit mittendos esse, qui presentes cum Episcopis juaicent, habentes ejus auctoritatem, à quo destinati sunt, erit in suo arbitrio: si vero crediderit Episcopos sufficere, ut negotio terminum imponant, faciet quod sapientissimo consilio suo judicaverit. Accedit auctoritas Gelasi Papæ, qui in epistola ad Faustum ait: *Ipsi sunt Canones, qui appellationes totius Ecclesie ad hujus sedis examen volvere debent, ab ipsa vero nusquam prorsus appellari debere sanxerunt.* Et in epistola ad Episcopos Nardanix: *Ad illam, inquit, de qualibet mundi parte Canones appellari voluerunt, ab illa autem nemo est appellare permissus.* R. Secundò exemplis eorum qui appellarunt. Nam etiam antè Concilium Sordicense erat mos in Ecclesia appellandi ad Pontificem, ut meritò Leo epistola 8. ad Episcopos Gallix dicat: *Hanc esse antiquissimam consuetudinem;* Et ratio etiam militat; si enim, ut alibi contra Lutheranos, & Calvinistas probavimus, Romanus Pontifex est caput totius Ecclesie, ac supremus controversiarum fidei, & morum judex, constat legitimas esse apud ipsum appellationes interpositas, cum ab inferiori, ad superiorem judicem, rectè interponatur appellatio. Deveniamus nunc ad exempla. Anno Christi 142.

Pio I. Pontifice Maximo, Marcion excommunicatus ab Episcopo suo in Ponto, venit Romam, ut à Romana Ecclesia absolveretur. Factum refert Epiphanius hæresi 42. Anno 251. Pontifex Cornelio, Fortunatus, & Felix in Africa, à Cypriano depositi, Romam navigaverunt, atque ad eundem Corneliolum appellaverunt, teste eodem Cypriano l. 1. epist. 3. Non diù post Basilides in Hispania depositus, ad Stephanum Romanum Pontificem appellavit, ut notat Cyprianus ibidem epist. 4. Anno 350. Athanasius ab Orientalibus depositus, ad Pontificem Innocentium I. appellavit, ab eodem restitutus est, ut refert Sozomenus lib. 3. cap. 7. Post annum 400. Chrysostomus à Theodosio depulsus, ad Pontificem Innocentium I. appellavit, ut patet ex epistolis ejus duabus ad eundem Innocentium. Item eodem seculo, ad Leonem appellat Flavianus Episcopus Constantinopolis, ut scribit Liberatus in Prevario, cap. 1. Ad eundem appellavit Theodoretus, ut ex epistola ejus ad Leonem appareat. Post annum 700. Gregorius I. 2. epist. 6. privat sacra Communione Joannem Episcopum Græcum, eo quòd judicasset Episcopum Thebanum, qui ad Apostolicam Sedem appellaverat. Plura sunt alia exempla hujusmodi appellationum ad Romanum Pontificem, quæ consultò omittuntur, quòd ea ab hæreticis contemnantur.

12. Dicit Ecclesiam Christi constare ex solis prædestinatis, seu omnes, & solos prædestinatos esse membra Ecclesie. Repr. Primò ex variis nominibus, figuris, & parabolis, quibus in Scripturis Ecclesia designatur; comparatur scilicet agro Dominico Matth. 13. In agro autem simul triticum, & zizania crevit. Comparatur aeræ Matth. 3. In aerè autem paleæ frumentum operiunt. Comparatur sagenæ mixtæ in mari, in quâ boni, & mali pisces concluduntur. Matth. 13. Comparatur convivio nuptiali, ad quod intrarunt boni, & mali, postea verò mali non habentes velles nuptiales, projiciuntur in tenebras exteriores; unde concludit Christus Matth. 22. *Muli sunt vocati,*

panci

pauci verò electi: Id est multi sunt in Ecclesiâ, quæ est vocatio quædam, seu cætus vocatorum, qui tamen non sunt de electis. Comparatur Matth. 25. decem virginibus, inter quas quinque sunt prudentes, quinque verò fatuæ. Comparatur ibidem ovili, in quo sunt oves, & hædi, & illæ, Christo interprete, sunt electi, illi reprobos significant. Ex quibus omnibus manifestum est in hæc vitâ bonos cum malis, prædestinatos cum reprobis simul confundi, & permisceri, donec veniat discretionis tempus, quo boni, & prædestinati in vitam æternam, mali verò, & reprobi in ignem æternum mittendi separabuntur. R. Secundò, ex pluribus absurdis, quæ sequuntur. Ac primò, sequeretur Ecclesiam esse invisibilem, & à nemine certò d. gnosci posse, quod est maxime absurdum. Sequeretur 2. Paganos, Judæos, Hæreticos, & quolibet impios, si prædestinati sint, iam esse de Ecclesiâ; contrâ verò, quolibet Fideles baptizatos, atque etiam sanctioris vitæ homines, si prædestinati non sint, non esse de Ecclesiâ, quod utrumque est absurdum, cum exploratum esse debeat, Baptismum januam esse, per quam aditus patet ad Ecclesiam. Sequeretur 3. omnem penitus auctoritatem Superiorem, ac debitam ipsis reverentiam labefacturi, siquidem nec overpastores suos, nec pastores oves suas cognoscerent.

13. Dicit Ecclesiam ex solis iustis, & perfectis constare, ac proinde excludit peccatores à membris Ecclesiæ. R. Primò, Quia Sacramentum Pœnitentiæ aliorum non est, quam eorum, qui sunt in Ecclesiâ; atqui Sacramentum Pœnitentiæ iustorum non est, ac sanctorum, sed peccatorum, ad quorum peccata quolibet, post Baptismum admissa, eluenda, & expianda, est à Christo Domino institutum; ergo &c. Secundò, si morum pietas, & iustitia ad Ecclesiæ conditionem requirerentur, visibilis non esset, & conspicua Ecclesia, atque incertum omninò foret, quinam essent de Ecclesiâ: sanctitatis enim & vitii conditio latet nos, æquæ ac prædestinationis arcanum, cum scriptum sit *Neminem scire, utrum odio, vel amore*

dignus sit, Eccl. 9. Tertio, quia illi verè, & simpliciter sunt in Ecclesiâ, qui sunt membra Ecclesiæ, saltè imperfecta & æra; atqui peccatores sunt membra Ecclesiæ saltè agrotantia, & imperfecta: qui enim pertinent ad corpus Ecclesiæ, licet eorum animæ de Ecclesiæ virtute perfectè non participant; sunt tamen membra Ecclesiæ. Quemadmodum enim membrum in homine, licet sit veluti mortuum, modò tamen cum ejus corpore sit conjunctum, & alicujus influxus vivificantis capax, est adhuc membrum hominis, licet imperfectum; ita similiter peccator, qui conjunctus est cum corpore Ecclesiæ per fidem licet sanctificantis gratiæ, quæ est anima Ecclesiæ sit expers, est tamen membrum Ecclesiæ, quamvis imperfectum. Peccatores autem pertinent ad corpus Ecclesiæ per professionem fidei, quamvis ejus animam perfectè non participant, quia licet fidem internam habeant, charitatem tamen non habent, quæ est forma vivificans, & virefcere faciens, ergo sunt membra Ecclesiæ, quamvis arida, propè mortua, & imperfecta, capacia tamen vitæ, quia adhuc unita capiti per fidem, & inde aliquos influxus participantia ad salutem.

14. Negat dari Purgatorium, & prodesse defunctis vivorum suffragia. R. verbo *Albanenses, Arianæ*. Tum quia certum est ex verbis Christi Matth. cap. 12. aliqua esse peccata quæ in alia vitâ remittuntur; sive nomine peccatorum ventiant intelligenda peccalia, sive simul cum eis aliorum peccatorum in vitâ hac remissorum pœna; proscòdò peccata non remittuntur damnatis in inferno, ubi nulla est redemptio, nec Beatis in cælo, ubi nulla, vel levis macula, potest reperiri, ergo remittuntur his qui sunt in Purgatorio, ubi purgantur, anteq. àm ad Dei conspectum admittantur, & possunt suffragiis juvari. Hanc perpetuam Ecclesiæ fidem, ac doctrinam legimus accuratè expressam in publicis fidei professionibus, qualis ea est, quam Clemens IV. obtulit Michaeli Paleologo Imperat. anno 1267. apud Rainaldum ad illum annum. Ea patitur, quam anno 1274. Gregorius X. in

Con-

Concilio Lugdunensi à Græcis accepit : iisdem enim omnino verbis concepta est. Idem quoque confirmant Concilia, Lateranense sub Innocentio III. cap. 66. ubi dogma Purgatorii, traditione, & usu constare supponit : siquidem preces pro requie Fidelium defunctorum approbat, quas turpis luci gratiâ fieri prohibet. *Prævas exaltationes super his fieri prohibemus*, ajunt Patres Concilii Florentini sess. ultimâ in decreto de Purgatorio, cui Græci subscribere. Reperitur ibi eadem professio fidei, quam in Concilio Lugdunensi à Græcis accepit Gregor. X. Hoc etiam docet Concilium Tridentinum sess. 25. decreto de Purgatorio. Omitto ex professo, brevitatis studio, innumeras SS. Patrum auctoritates, communem Ecclesiæ praxim, Liturgias, morem celebrandi exequias Christianorum, & alia hujusmodi, quæ fusiùs pertractata videri poterunt apud veteres, & recentiores Polemicos. Vide Card. Bona in Psalmodia cap. 13., ubi agit de auctori- bus, qui fidem Purgatorii propugnant.

15. Afferit omnia peccata esse mortalia. R. Ex Evangelio, ubi peccata alia æquiparantur festuæ, alia trabi : sic Lucæ 6. v. 41. Item, discretionem peccatorum exhibet Matth. cap. 5. vers. 22. *Omnis, qui irascitur fratri suo, reus erit judicio. Qui autem dixerit fratri suo raca, reus erit Concilio. Qui autem dixerit fatue, reus erit gehenna ignis.* Sed, cum juxta peccatum decernatur gravitas pœnæ ; ex majori, & minori gravitate pœnæ, quæ ex allato textu infligitur diversis peccatis, manifestè inferitur peccata esse peccatis graviora. Tum quia verbum otiosum est peccatum, nam Matth. 12. vers. 36. legitur, quod de eo debemus rationem reddere in die judicii : ergo si omnia peccata sunt æquæ gravia, dicendum foret æquæ esse peccatum verbum otiosum, ac homicidium, ac furtum, ac sacrilegium, quod, quam sit absurdum dicere, nemo non videt. Nec valet inferre ex illo, quod legitur ad Rom. 6. *Stipendia peccati mors*, omnia peccata esse mortalia ; nam ibi Apostolus intelligendus est loqui de peccatis solum

mortalibus, quorum stipendium est mors : quod si etiam ad peccata venialia volunt adversarii extenlere textum : dico Apostolum asserere stipendium peccati esse mortem, non quia non dentur peccata levia, sed quia peccata venialia paulatim inducunt ad mortalia : idè loquendo de venialibus, in hoc sensu potest etiam de illis dici, quod stipendium peccati sit mors. Neque etiam valet dicere, quod omne peccatum sit contrâ legem, & proinde omnia peccata sint mortalia ; nam peccata venialia non sunt contrâ legem, sed divertunt à lege, indisponunt ad observantiam, & charitatem eâ indispositione remittunt. Sed confundendus est Lutherus cum suismet verbis ; scripsit autem de decem præceptis antè finem : *Species, & differentias gula omitto, quia non semper sunt peccata mortalia* : Ex quibus verbis manifestè evincitur aliquando peccari solum venialitèr peccato gulæ.

16. Afferit mandata Dei esse nobis impossibilia, & quod in hac vita non possumus illa adimplere. R. Ex Scriptura ubi asseritur plures in sanctitate, & iustitiâ coram Deo ambulasse : & 3. Reg. 14. 8. *Non fuisti sicut servus meus David, qui custodivit mandata mea.* Joann. 14. 23. *Si quis diligit me, sermonem meum servabit.* Ad Philipp. 4. 13. *Omnia possum in eo, qui me confortat.* Ex quibus textibus constat præcepta Dei non esse impossibilia. Tum quia Deus frustra illa præcepisset, si non possent observari : Demum *jugum Christi suave est, & onus leve.*

17. Omnia opera, quæ sunt sine fide justificante, vult esse peccata, quod etiam ad ipsamet horum opera extendere aude ; cum hoc tamen discrimine, quod nullis ad culpam peccata non imputantur, sicuti imputantur infidelibus. R. primò ex sacra Scriptura. Exod. 1. Cum obstrictes Ægyptiæ mandatum accepissent à Pharaone præfocandi in ipso ortu omnes Hæbreorum mafculos, illæ timuerunt Deum, nec fecerunt juxta præceptum Regis, sed mares servaverunt ; quam quidem misericordiam laudat Scriptura, nec eam sine mercede reliquit Deus : *Benefecit Deus obstricticibus*, ait

lacer

facer contextus, & quia timerunt Deum, edificavit eis domos. Ezech. 29. Rex Nabuchodonosor propter bellum fortiter gellum adversus Tyrios, sicut imperaverat Deus, mercedem temporalem accepit, terram scilicet Ægypti: *uedi ei terram Ægypti, pro eo quod laboraveris mihi, ait Dominus Deus*; unde merito S. Hieronymus in hunc locum ait: *ex eo quod Nabuchodonosor mercedem accepit boni operis, intelligimus etiam Ethnicos, siquid boni fecerunt, non absque mercede, Dei iudicio prateriri*. Daniel eadem Nabuchodonosor consulit, *ut precata sua elemosynis redimeret; & iniquitates misericorditer pergeret*. Porro si elemosynæ hominibus infidelis avertere poterant, aut mitigare poenam temporalem, hæc opera non erant peccata, propter quæ veniunt adversa temporalia ad correptionem, vel æterna in damnationem. Ad Rom. 2. ait Apostolus: *Genes, qua legem non habent, naturaliter ea qua legis sunt, faciunt, ejusmodi legem non habentes, ipsi sibi sunt lex, qui ostendunt opus legis scriptum in cordibus suis*. Genes igitur naturaliter, id est naturâ duce, & absque lege scripta, ea quæ legis sunt, faciunt. Porro legis præcepta actionem imperant, quæ bona, & recta sit, tum ex officio, tum ex fine.

R. 2. Quia homo non semper agit ex habitu prædominante; avarus enim aliquando liberalis, impudicus interdum temperans est. Imò nec homo iustus, semper agit ex iustitiâ, sed aliquando peccat; ergo nec infidels semper agit ex infidelitate, quemadmodum nec peccator ex malitiâ ita ratiocinatur S. Thomas 2. 2. q. 10. art. 4. Peripicuum enim est, quod non potest opus inquinari à malitia agentis, nisi quando aliquo modo confert ad illud malitia: nam si ex bono naturæ non ex adjuncta malitia, quis in bonum finem operetur, opus erit naturaliter bonum. Atque hoc modo elemosyna hominis impudici, bona esse poterit, si fiat humanæ misericordiæ causâ; non impudiciæ: per accidens enim opus illud est hominis impudici; per se autem misericordiæ.

18. Dicit quoddam quidquid homo in peccato mortali facit, est peccatum, & consequenter omnia opera peccatorum, etiam fidelium peccata esse contendit. R. Fæ Scripturis, quæ peccatores excitant ad poenitentiam, mutationem morum, ac cordis conversionem; ut nempe in gratiam cum Deo redire possint. An verò ad id hortaretur, & id præciperet Scriptura, quod semper peccatum est, ac Deo displicet, quis credit? Ezech. 18. *Convertimini, & agite poenitentiam ab omnibus iniquitatibus vestris*. Daniel 4. *Peccata tua elemosynis redime, & iniquitates tuas misericorditer pauperum*. Confirmant exempla, quæ in Scripturis referuntur. Publicani Lucæ 18: qui humili, ac demisso animo à longè stans, ne oculis quidem ad cælum attollere audebat, sed percutiebat pectus suum, dicens: *Deus propitius esto mihi peccatori*; Cornelii Centurionis, qui ut refertur. Act. 10. *Vir erat religiosus ac timens Deum, faciens elemosynas multas, & deprecans seum semper*. An quæso peccatum fuit humilitas Publicani? An peccavit Cornelius cum elemosynas dabat, & Deum deprecabatur?

R. 2. Ex Conciliis Constantiensis, a quo damnatus fuit hic error Joannis Hus, & ex Tridentino sess. 6. canon. 7. Accedunt Sanctorum Pontificum Pii V. Gregorii XIII. Urbani VIII. constitutiones, qui hanc Michaelis Bay. propositionem proscripserunt, nimirum: *Omne quod agit peccator, vel servus peccati, peccatum est*; quia homo peccator, non semper agit ex corrupto principio, sicut iustus non semper agit ex dominante iustitiâ: unde merito proscripta fuit hæc Bay. propositio: *In omnibus suis actionibus peccator servus dominantis cupiditati*.

19. Rejicit cultum qui tribuitur Sanctis. R. verbo Beza. Tum quia infinita sunt in primitivâ Ecclesiâ hujusce cultus exempla. Inter alia sufficiat, quod refert Eusebius lib. 7. histor. cap. 19. summâ nempe reverentiâ servatam fuisse S. Jacobi Jerololymitani Cathedrali; & hunc quidem reverentiæ causam, & rationem reddit: *Satis, inquit, perspicue declarantes*,

tes, qualiter tum antiquiores, tum nostri temporis Christiani, viros Sanctos, ob ipsorum erga Deum amorem debito semper honore venerati sunt, & hactenus venerantur. Idem plane tradit S. Hieronymus epistola ad Ripacium de erroribus Vigilantiis. *Honoramus servos*, inquit, *ut honor servorum redundet ad Dominum, qui ait: Qui vos suscepit, me suscepit*; demum accedit ratio. Quia tam licet cultu religioso prosequi Sanctos, ob eximias eorum dotes supernaturales, quam liceat cultu politico, & civili honorare viros principes, aliosque in potestate constitutos, vel aliqua in scientia, aut arte insignes.

20. Negat Sanctos esse invocandos. R. verbo *Vigilantius, Henriciani*. Item aliis Scripturæ exemplis, nempe Genes. cap. 18. 19. 32. Jerem. 15. Ezech. 14. Et certè, si licitum est ad viros Sanctos, dum in terris nobiscum versantur, confugere, ut pro nobis apud Deum intercedant, quod constat pluribus Scripturæ testimoniis, præcipue ad Thessal. 5. ubi Paulus ait: *Fratres orate pro nobis*; quando magis ad Sanctos, qui cum Christo in caelis triumphant? nulla profecto idololatriz vel minima umbra hic apparet, ut nos calumnientur hæretici. Neque enim gratiam, aut gloriam à Sanctis, tanquam auctoribus postulamus, sed eos non alio fine, nec alia mente invocamus, quam ut suis apud Deum precibus, celestia quibus indigemus, bona nobis impetrent; & hoc est ipsos habere tanquam mediatres intercessionis, non vero tanquam mediatres solutionis pretii: pro redemptione nostra; in hoc enim sensu, unus tantum mediator noster est Jesus Christus D. N. Doctrinam hanc Ecclesie summa æquitate, ac sapientia Concilium Tridentinum sess. 25. expressit.

21. Negat cultum Crucis, & sanctorum Reliquiarum. Rep. à Bellarmino lib. 2. de imaginibus Sanctorum cap. 26. & sequentibus, ubi plura eam in rem momenta congerit, primò a Scripturis. 2. à mysteriis in ipsa Crucis significatis. 3. ab inventione Crucis, ex qua multiplex testimonium sumitur.

4. a testimoniis veterum, qui passim referunt quanto desiderio tenerentur fideles habendi, aut saltem videndi particulas veræ Crucis; quod ad magnum Crucis honorem pertinet, nemo dubitat. 5. ab exaltatione Crucis. 6. Si, ait Bellarminus, locus in quo Angelus stetit, tecta sancta est, Josue 5. Exod. 3. cur non magis Crux ubi stetit Christus? si sudaria, & semicinctia Pauli honorabantur propter contactum, cur non magis Crux Christi Sanguine respersa? Si sacramenta honorantur, quia sunt instrumenta gratiæ, cur non Crux, quæ instrumentum est redemptionis? Imò præsertim est adoranda; quia crucifixum Dominum nobis repræsentat.

R. Etiam ex antiqua Ecclesie praxi, & traditione, quæ innumeris ferè momentis demonstrari potest. Sancti Ignatii Martyris Reliquias summa cura collegerunt, & asservarunt Presbyteri, & Diaconi Ecclesie Antiochenæ. Rufinus l. 2. histor. cap. 26. scribit S. Joannis Baptiste Reliquias Sebasie, summo cum honore servatas fuisse. Hinc est, quod Cælestinus Papa in epistola ad Concilium Ephesinum, Patribus hujus Concilii sic gratulatur: *Vos Joannis Apostoli Reliquias præsentem veneramini*. Reliquias Sanctorum esse colendas docet Concil. Trident. sess. 25. de invocatione Sanctorum.

22. Docet peccatum originale, quod ab Adamo contraximus, consistere in concupiscentia, seu in prava inclinatione ad malum. R. auctoritate Concilii Trident. sess. 5. in decreto de peccato originali, ubi ait: *Hanc concupiscentiam, quam aliquando Apostolus peccatum appellat. S. Synodus declarat, Ecclesiam Catholicam nunquam intellixisse peccatum appellari, quod verè, & propriè in renatis peccatum sit; sed quia ex peccato est, & ad peccatum inclinat: si quis autem contrarium senserit, anathema sit*. Accedit etiam ratio Theologica. Quia, quidquid habet rationem peccati, id per Baptismum tollitur, ut tenet Catholica Ecclesia; atqui concupiscentia illa, per baptismum non tollitur, ut constat perpetua experientia, nam baptizati adhuc

fen-

sentiant inclinationem ad malum concupiscendum, sicut sentiebat etiam Apostolus ad Rom. 7. *Video aliam legem in membris meis, repugnantem legi mentis meae*, & ad Galat. 5. *Caro concupiscit adversus spiritum, spiritus autem adversus carnem*, ergo concupiscentia non est peccatum originale.

22. Asserit solam fidem ad salutem, & iustitiam sufficere. R. verbo *Joannes Seignour, Aetiani, Antinomi, Calvinus*.

24. Docet Concilia generalia ritè congregata nullius esse valoris. R. Primò illis testimonio Scripturæ, quibus probat solet, & nos alibi probavimus, Ecclesiam esse columnam, & firmamentum veritatis, eamque ex speciali directione, & assistentia Spiritus sancti ità regi, ut non possit errare in his quæ credenda, vel facienda, tanquam ad salutem necessaria, proponit, juxta Divinam promissionem Ecclesiæ factam: *Vobiscum sum omnibus diebus*. Illa enim, & similia debent maximè competere Concilio generali legitime congregato, cum illud perfectè universam repræsentet Ecclesiam, adversus quam portæ inferi nunquam prævalebunt; neque ulla possit cogitari congregatio fidelium, quæ majoris sit auctoritatis ad aliquid statuendum in fide, & moribus. Hinc definitio Concilii ipsimet Spiritui sancto tribuitur: *Viscum est Spiritui sancto, & nobis*, ajunt Apostoli in Concilio Jerosolymitano Actorum 15.

R. 2. ratione. Quia ipsa Concilia generalia legitime congregata, satis existimant se non posse errare, cum multa proponant ex fide credenda, & oppositum sentientes, tanquam Hæreticos damnent. Hinc damnatus est Acius in Concilio Nicæno primo; Macedonius in Constantinopolitano primo; Nestorius in Ephesino; Eutyches in Chalcedonensi; Origenes in Constantinopolitano secundo; Monothelita in Constantinopolitano tertio; Iconomachi in Nicæno secundo, atque ut alios præteream, Lutherani, & Calvinistæ in Tridentino. Patres etiam, & Theologi, ac universi fideles idem sentiunt de ejusmodi Conciliis, ac proinde

Tom. I.

certissimè credunt quicquid ab ipsis credendum proponitur. Verum quidem est, quòd ad hoc ut Concilium Œcumenicum sit legitimum, & non possit errare in fide, adeoque sit infallibilis credendorum regula, debet adhærere Summo Pontifici. Undè & canonicum non est, nisi cum fuerit ab eodem approbatum, & cum Patres in Conciliis generalibus congregati, suarum omnium definitionum confirmationem petere soleant à Summo Pontifice, satis ostendunt ipsorum iudicium posse retrahari, donec accesserit approbatio Pontificis.

25. Docet ad valorem Sacramentorum nullam requiri ministri intentionem, adeoque valere Sacramentum, quod minister per jocum, & irrisionem non tantum internam, ac latentem, sed etiam externam, ac manifestam perficit, aut confert. R. 1. Ex Scriptura, in qua ita supponuntur Sacramenta instituta à Christo, ut voluerit ea fieri dependentes ab intentione, saltem prudenter æstimabili ministri: *Sic nos existimet homo*, ait S. Paulus, 1. ad Corinth. 4. *ut ministri Christi, & dispensatores mysteriorum Dei*. Dispensator autem, ac minister fidelis talis existimatur, cum id prudenter & rationabiliter facit, quod commissum sibi à Domino dignoscitur. R. 2. Auctoritate Eugenii IV. Leonis X. & Concilii Tridentini. Eugenius IV. in decreto, seu instructione Armenis data: *Omnia*, (inquit) *Sacramenta tribus perficiuntur, videlicet, rebus tanquam materiâ, verbis tanquam formâ, & personâ ministri conficientis Sacramentum, cum intentione faciendi, quod facit Ecclesia, quoniam si aliquid desit, non perficitur Sacramentum*. Concilium Tridentinum sess. 7. canon. x. *Si quis dixerit in ministris, dum Sacramenta conficiunt, & conferunt, non requiri intentionem saltem faciendi, quod facit Ecclesia, anathema sit*; & sess. 14. cap. 6. ait: *Illum fore salutis suæ negligentissimum, qui Sacerdotem jocose absolverem cognosceret, & non alium sedulo agentem requireret*; & can. 9. ejusdem sess. sic statuit: *Si quis dixerit, absolutionem Sacramentalem Sacerdotis non*

H h h esse

esse actum judiciale, sed nudum ministerium pronuntiandi, & declarandi remissa esse peccata consentienti, modo tamen credat se esse absolutum, aut Sacerdos non ferat, sed joco absolvat . . . anathema sit. Reprob. etiam auctoritate S. Thomæ, & ratione quæ ille utitur 3. parte quæst. 64. art. 8.

16. Negat utilitatem, & necessitatem caeremoniarum Ecclesiæ in Sacramentis, in Liturgiis &c. R. auctoritate Concilii Tridentini, sess. 22. De Sacrificio Missæ, cap. 5. & ex Catechismo Romano parte 1. num. 16. & iterum ex Concilio Tridentino, sess. 7. canon. 13. Tum ex his quæ dicta sunt verbo *Aliaforisla*.

17. Docet unum esse naturam, & efficaciam Christi, ac Joannis Baptismum. R. Ille ritus naturæ, & substantia diversus fuit à Baptismo Christi, qui nec Sacramentum fuit, nec Christum habuit auctorem, nec ejusdem formæ fuit, ac necessitatis: at qui talis fuit Baptismus Joannis. 1. quidem non fuit Sacramentum, quia verum Sacramentum signum est stabile, ac permanens: at Joannis Baptismus brevissimum duravit tempore. Tum etiam, quia ut ait S. Thom. 3. parte, q. 38. art. 1. ad primum, Baptismus Joannis fuit quasi quoddam Sacramentale disposens, ac præparans ad Baptismum Christi.

2. Baptismus Joannis Christum non habuit auctorem. Hinc nusquam appellatur aut Baptismus Christi, aut simpliciter Baptismus, sed Baptismus Joannis; quæ limitatione, Scriptura non tantum innuere voluit Joannem fuisse ministrum hujus Baptismi (aliis pari ratione Baptismus Christi dici posset Baptismus Petri, vel Pauli, qui sunt tantum illius causæ ministeriales, quod tamen ne dicatur, vetat Apostolus 1. Corinth. 1.) sed innuere voluit Joannem auctorem esse illius Baptismi, quanquam inspiratione, ac motione cælesti ductus ille fuerit ad hunc ritum instituendum.

3. Baptismi Joannis non eadem fuit forma, quæ Baptismi Christi. Maxime cum incertum sit, utrum Joannes aliqua verborum formulâ inter baptizandum

usus fuerit; tum quia si usus est istâ formâ, quæ insinuat Act. 19. *Baptizo vos in eum, qui venturus est*, sanè omnino diversa est ab eâ, quam præscripsit Christus Matth. 28.

4. Denique Baptismus Joannis æqualis non fuit necessitatis cum Baptismo à Christo instituto; hic enim omnes obstringit tam parvulos, quam adultos; ille verò, cum esset Baptismus pœnitentiæ, solos adultos; undè rursus baptizati sunt, qui solo Joannis Baptismo, non verò qui Baptismo Christi tincti fuerunt. Tum quia Baptismus Joannis diversus omnino fuit à Baptismo Christi virtute, & efficacia; nam Baptismus Joannis fuit tantum in aqua, non autem in Spiritu sancto, sicuti erat Baptismus Christi, ut testatur ipsemet Joannes capite 1. *Ego baptizo in aqua, medius autem vestrum stetit, quem vos nescitis, hic est qui baptizat in Spiritu sancto*. Et Marc. 1. *Ego baptizavi vos aqua, ille vos baptizabit Spiritu sancto*. Undè meritò Concilium Tridentinum sess. 7. canon. 1. De Baptismo ita definit: *Si quis dixerit Baptismum Joannis habuisse eandem vim cum Baptismo Christi, anathema sit*.

18. Dicit peccata quidem per Baptismum non imputari, sed negat ea verè deleri. Repr. nam præter auctoritates, quibus suprà probavimus novæ legis Sacramenta conferre gratiam interiore, sanctificantem, & consequenter aliquam primariò, & per se peccata delentem; non desunt aliæ auctoritates speciales, probantes per Baptismum verè, & propriè omnia peccata remitti: 1. ad Corinth. 6. *Abluti estis, sanctificati estis, iustificati estis*, ad Titum 3. *Salvos nos fecit per lavacrum regenerationis, & renovationis Spiritus sancti*. Act. 2. *Pœnitentiam agite, & baptizetur unusquisque vestrum in remissionem peccatorum*. Item Act. 22. Paulo dicitur: *Exurge, baptizare, ablue peccata tua*. His omnibus accedit auctoritas Concilii Tridentini sess. 7. canon. 6. de Baptismo, damnat propositionem, in quâ asseritur, quod baptizatus damnari non possit etiam si ve-

si velit, nisi nolit credere. Demum canone 7. 8. 9. 10. alias Lutheri ineptias, & simenta circa Baptismum condemnati ad quos sacros canones lectorem remittimus.

29. Negat veritatem, & necessitatem Sacramenti Confirmationis, quam dicit meram esse cœremoniam. Rep. ex sac. Script. Act. 8. & 19. Tum quia ad verum, & propriè dictum novæ legis Sacramentum, quatuor potissimum habemus notiones: 1. ut sit signum sensibile; 2. ut sit à Christo Domino institutum; 3. ut vim habeat producendi, seu conferendi gratiam; 4. ut sit perpetuum in Christiana religione; at qui quatuor illæ notiones apprime conveniunt Sacramento Confirmationis, & ritè inferuntur ex duplici citato Scripturæ testimonio. Habemus enim signum sensibile, scilicet *manus impositionem, & orationem*, signum illud, seu ritum illum sensibilem à Christo Domino esse institutum ex facto, & exemplo Apostolorum constat; neque enim illi viri iusti, talem ritum usurpassent, & Ecclesiis quas fundarunt reliquissent, si secus foret. Insuper signum illud sensibile vim habet conferendi gratiam: *Imponantur manus, & accipiant Spiritum sanctum*, ait sacer textus. Denique signum illud non transitorium, & ad tempus institutum fuisse, sed permanens, atque perpetuum in Ecclesia, invicem demonstratur ex praxi, & usu Ecclesiæ nusquam interrupto, atque ex SS. Patribus, quorum auctoritates, brevitate consulentes, omittimus. Ritum autem externum huius Sacramenti, non meram esse Baptismi cœremoniam, ut Novatoribus placet, sed verum & proprium Sacramentum, definit Concilium Trident. sess. 7. canon. 1. de Confirmatione.

Quoad necessitatem verò, quamvis non simpliciter talem, sed ad perfectiùs militandum Christo, & fortius agendum, tenetur quilibet Christianus ad eam perfectionem contendere, quæ necessaria est, ut securitati suæ consulat, & periculo adversus fidem constanter superet. Adversarius enim noster diabolus, ait S. Petrus in sua 1. epist. canonica cap. 5.

Tanquam leo rugiens circū quærens quem devoret, cui resistite fortes in fide. Et ad Ephes. 6. *Induite vos armaturam Dei, ut possitis stare adversus insidias diaboli.* At qui ad hoc maximè confert Sacramentum Confirmationis, ut constat ex SS. Patribus, qui ajunt sine illo hominem non perfici, non consummari, non habere plenitudinem gratiæ, nempe per se; licet per accidens possit illam habere. Unde S. Thomas 3. parte, quest. 72. art. 1. ad tertium: docet *Sacramentum hoc cooperari ad perfectionem salutis, & hoc modo esse de necessitate salutis, quamvis sine illo possit esse salus*; & art. 8. ad 4. infert Sacramentum hoc etiam moribundis conferri debere, ut in resurrectione perfecti appareant.

30. Dicie Sacramentum Eucharistiæ consistere, in usu, & sumptione, adeoque solum quandò sumitur Eucharistia, in ea fieri realiter præsens Corpus Christi. Repr. 1. ex ipsius verbis institutionis, quia prius Christus dixit: *Hoc est Corpus meum*; *Hic est Sanguis meus*, quam discipulis porrexerit Corpus ad manducandum, & Sanguinem ad bibendum. Ita Concilium Trident. sess. 13. cap. 3. *Verum* (inquit) *illud in ea* (Eucharistia) *excellens, & singulare reperitur, quod reliqua Sacramenta tunc primum sanctificandi vim habent, cum quis illis utitur*; at in Eucharistia ipse sanctitatis auctor ante usum est: *nondum enim Eucharistia de manu Domini Apostoli susceperant, cum verè tamen ipse affirmaret Corpus suum esse, quod præbaret.* Et hoc etiam colligitur manifestè ex sacro textu. Ratio enim quæ Christus suis discipulos invitavit ad manducandum, & bibendum, hæc est, quia sub pane Corpus, & sub vino Sanguis continetur; particulam siquidem causalem enim usurpat Christus apud Sanctum Mattheum cap. 26. *Dedit illis dicens: Bibite ex hoc omnes: Hic est enim Sanguis meus novi Testamenti.* Unde, & à S. Luca c. 22. & à S. P. ulo 1. Corinth. 11. prius dicta referuntur verba, quibus Calix consecratur, quàm Apostoli calicem hauserint; ergo prius fuit Corpus sub specie panis, & Sanguis sub specie vini, H h h 2 quam

quàm discipuli manducarent, vel biberent, & consequenter ratio Sacramenti non consistit in illa actione, qua manducatur Corpus, & Sanguis bibitur; quod enim prius est, non pendet ab eo, quod est posterius. Addendum est, quòd verba Christi ex se ipsis operativa sunt; & efficacia, adeoque illud ipsum effecerunt, quod significabant, etiam seposito usu, seu sumptione, quæ ad effectum quidem Sacramenti percipiendum necessaria est, non ad veritatem ipsam realis præsentis comprobendam. R. 2. ex antiqua, & constanti praxi Ecclesiæ asseruenda Eucharistiam. Praxim hanc, & disciplinam Concilium Trident. sess. 13. c. 6. exponit.

31. Docet 1. effectum primarium, & directum Sacramenti Eucharistis esse mortaliū peccatorum remissionem; 2. ad dignam præparationem Communionis, non requiri ut quis non sit sibi conscius peccati mortalis, sed ad illam satis esse fidem, quæ certò credat sibi in eo Sacramento omnia peccata esse remittenda. R. uterque error. Matth. 23. ponitur severissime, qui ad regium convivium sine veste nuptialis intrare præsumpsit. *Legatis pedibus, & manibus, (inquit Rex convivii) mittite eum in tenebras exteriores.* Ibi vero adumbrari convivium Eucharisticum, concors est SS. Patrum, & Interpretum sententia. Denique 1. Corinth. 11. Apostolus pronuntiat: *Probet autem seipsum homo, & sic de pane illo edat, & de calice bibat. Qui enim manducat, & bibit indigne, iudicium sibi manducat, & bibit, non dijudicans corpus Domini.* Ex quibus testimoniis manifestè colligitur, præviam esse debere in suscipiente Eucharistiam, animæ puritatem, ac sanctitatem, adeoque Sacramentum hoc ex se, ac directe institutum non esse ad tollendum peccatum mortale, & primam gratiam sanctificantem producendam. Quod propugnari etiam potest ratione Theologica; quia Sacramentum Eucharistis institutum est per modum alimentis spiritualis: *Caro mea verò est cibus, & Sanguis meus verò est potus*, inquit Christus Joann. 6. alimentum autem spirituale supponit in eo, qui illud sumit,

vitam spiritualem animæ, sicut alimentum corporale vitam corporis.

R. 2. Ex constanti Ecclesiæ totius traditione. Certum quippe est ab Altari semotos, ac separatos olim fuisse, qui propter crimina luctuosam decurrerent poenitentiam. Ita colligitur ex Conciliis Illiberitano, canon. 78. & 79. Ancirano canon. 4. 5. & 7. Nicæno canon. 11. Arausicano 1. can. 3. Et ex S. Cypriano epist. 14. 15. 16. & tractatu de lapsis. Hinc alta voce inter Missarum solemnias clamabat Diaconus, *Exite Cathecumeni, Penitentes, indigni.* Synodus Tridentina hunc etiam Novatorum errorem proscripsit, & anathemate confixit.

32. Negat Missam esse verum, ac proprie dictum Sacrificium. R. ex his quæ dicta sunt contra *Fuistum Manichæum*. Tum quia in Missa omnes conditiones ad perfectum Sacrificium requisitæ, occurrunt. Quinque enim ad Sacrificium perfectum conditiones requiruntur. 1. Ex parte ministerii requiritur, ut verus sit ordinatione, seu consecratione Sacerdos; ita enim conexa sunt inter se Sacrificium, & Sacerdotium, ut separari non possint. *Omnis Pontifex*, ait Apostolus, Hebr. 5. *ex hominibus assumptus, pro hominibus constituitur in eis, quæ sunt ad Deum, ut offeras dona, & sacrificia pro peccatis*; at qui in Sacrificio Missæ habemus summum, æternum, & invisibilem Sacerdotem Christum, qui seipsum visibili Sacerdotum ministerio Deo Patri offert: *Dua enim, & eadem est hostia*, ait Concilium Trident. sess. 22. cap. 2. *idem nunc offerens Sacerdotum ministerio, qui se ipsum tunc in Cruce obtulit, sola offerendi ratione diversa.* 2. Ex parte materiæ requiritur, ut sit res aliqua externa, & sensibilis quæ offeratur. *Omnis enim Pontifex*, ait Apostolus, Hebr. 8. *ad offerendum munera, & hostias constituitur*; at qui in Sacrificio Missæ sub speciebus externis, ac sensibilibus panis, & vini, Christus realiter continetur, & offertur. 3. Ex parte formæ requiritur, ut res illa sensibilis, quæ in Sacrificio offertur, perimatur, aut immutetur; nimirum ad declarandum, & constituendum supremum Dei in

res

res omnes dominium, atque idcirco requiritur, ut non solum usus rei Deo offeratur, sed & ipsa substantia, quod fit per consumptionem, aut immutationem. Porro in Sacrificio Missæ sub speciebus panis, & vini, à quibus consecrando substantia deficit, ipse Christus vera hostia constituitur; dum autem consumuntur species, deficit etiam Sacramentalis modus essendi Christi sub illis, & separatur realis illa præsentia Christi, quæ veluti panis substantia, seu substantiæ loco ibi erat, absque tamen accidentium inhaerentia; unde totum illud consumitur Sacramentum, & separatio animæ Christi à corpore, quam in cruce perfecit, repræsentatur; ipseque Deus vitæ, & mortis Dominus agnoscitur summi hujus Sacrificii opere; quemadmodum in Cruce pendens ipsa sui oblatione summus Sacerdos Christus illum confessus est. Unde idem nunc, ac tunc Sacrificium, diversus tamen modus. 4. Ex parte finis requiritur ut implicitè, vel explicitè referatur ad honorem Dei; si alio fine fiat, non est Sacrificium. Ratio est manifesta, quia Sacrificium est *actus religionis, quo significatur interna nostra exsultatio de excellentia Divina*, reverentia nostra, affectus servitutis, dependentiæ, ac subjectionis erga Deum. Quis porro negabit Sacrificium Missæ, in quo Christus ipse Deus, & homo, Deo Patri offertur, referri in gloriam Dei? 5. Denique ex parte loci requiritur, ut in Altari offeratur, quod magis ad ritum, quam ad essentiam pertinet; ritus tamen iste naturalis, Divinaque lege inductus est. Constat 1. ex usu omnium gentium. 2. ex Scripturis, ubi altaria non leguntur erecta, nisi ad usum Sacrificii, vel certe ad significationem illius. 3. ex usu, & praxi Christianorum, apud quos erecta semper fuerunt Altaria, ut Sacrificium offerretur; ista momenta probant, non solum Missam esse verum Sacrificium, sed etiam illud Missæ Sacrificium reponendum esse non in solâ mortis commemoratione, ac repræsentatione, ut volunt Novatores, sed in oblatione incrementi, & mysticâ Christi realiter præsentis sub

speciebus panis, & vini; nam essentia Sacrificii, ut mox dicebamus, in aliqua immolatione consistit. Ex quibus colligitur primò contra Novatores, Missæ Sacrificium verè propitiatorium esse, ac impetratorium. 2. Colligitur ritè offerri pro omnibus fidelibus Christianis, tam viventibus, quam defunctis, & eorum necessitatibus.

33. Damnat Missas privatas, in quibus solus Sacerdos communicat, & hujusmodi Missas ad invidiam *Angulares* appellat. R. Auctoritate Concilii Trident. sess. 22. cap. 6. Accedit etiam ratio Theologica, quia Sacrificium pro omnibus, etiam absentibus offertur, omnesque secundum animorum dispositionem fructum ejus participant; atque etiam illi præsentès, qui realiter de Corpore Domini non communicant, offerunt tamen cum Sacerdote, & spirituali communicatione gaudent; quod ipsum Tridentinum laudatum sanctissimè docet, rectissimeque inde privatarum Missarum utilitatem deducit, & commendat. Optandum quidem esset ut præsentès omnes realiter communicarent; atque quod in plurimorum præsentia semper Sacrificium offerretur; id enim optimè congruit naturæ Sacrificii. Sed dum ita semper fieri non potest, præstat totius Ecclesiæ nomine Sacrificium offerre, etiam privatim, quam illud omittere, ne sancta Ecclesia tanti boni participatione, & utilitate privetur. Nam si orationes privatæ, omnibus pro quibus sunt, utiles sunt, quare magis summum Sacrificium Christi, orantis Patrem, quod à Sacerdotibus orando renovatur?

34. Negit Sacramentum Pœnitentiæ verum esse, & propriè dictum Sacramentum, omnibus lapsis post Baptismum ad salutem necessarium, & à Baptismo ejusque memoriâ distinctum. R. Quia omnes conditiones requisitæ ad verum, & propriè dictum novæ legis Sacramentum Pœnitentiæ Sacramento conveniunt; nam primò est signum externum, & lenibile, tum ex parte pœnitentis, peccata sua declarantis, & interitum animi dolorem significantis, tum ex parte Sacerdotis

tis absolventis per certa, & determinata verba. 2. Est signum perpetuum; quia cum Christus concessit Ecclesiæ auctoritatem dimittendi peccata, eam certo temporis spatio non circumscripsit. 3. Signum illud est à Christo Domino institutum, cum nempe ait Concilium Trident. sess. 14. cap. 1. *A mortuis excitatus insufflavit in discipulos suos, dicens: Accipite Spiritum sanctum: quorum remisistis peccata, remittantur eis, & quorum retinueritis, retenta sunt.* 4. Signum illud non est sterile, sed efficax, quod habet annexam gratiæ promissionem, nempe remissionem peccatorum. Inde merito Concil. Tridentinum sess. 14. canon. 1. sic decrevit: *Si quis dixerit, in Catholica Ecclesia Pœnitentiam non esse verè, & propriè Sacramentum pro fidelibus, quoties post Baptismum in peccata labuntur, ipsis Deo reconciliandis, à Christo Domino nostro institutum, anathema sit.* Ex quo patet Sacramentum Pœnitentiæ esse omnibus lapsis post Baptismum ad salutem necessarium. Est autem, ait Concil. Trident. laudatà sessione cap. 2. *Hoc Sacramentum Pœnitentiæ lapsis post Baptismum ad salutem necessarium, ut nondum regeneratis ipse Baptismus.* R. 2. Lutherani, & Calvinistæ, asserendo contra ipsos Sacramentum Pœnitentiæ esse distinctum à Baptismo, ejusque memoria, ratione Theologica, ductà ex discrimine, quod est inter Sacramentum Baptismi, & Pœnitentiæ, & quod doctè, & eleganter exponit Concil. Trident. sess. 14. cap. 2. scilicet: Sacramentum Pœnitentiæ habet subiectum ministrum; formam, materiam, & effectum omninò diversum, & distinctum à Baptismo: subiectum Pœnitentiæ est homo baptizatus; Baptismi verò capax est homo quilibet. Minister Pœnitentiæ est solus Sacerdos; Baptismi homo quilibet, licèt citrà necessitatem soli liceat Ecclesiæ ministro. Peccatum originale, & omnia actualia per Baptismum delentur; sola verò actualia peccata, quæ Baptismum sequuntur, per Pœnitentiæ Sacramentum auferuntur: materiam autem Baptismi est aqua, sicut forma illa: *Ego te baptizo &c.* materia vero

Sacramenti Pœnitentiæ sunt actus pœnitentis; forma verò, verba, quibus Sacerdos absolvit. Igitur Baptismus, & Pœnitentia duo sunt planè distincta Sacramenta, ut Concil. Trident. sess. 14. can. 2. definit.

35. Negat tres esse partes Pœnitentiæ, contritionem nimirum, confessionem, & satisfactionem, & duas tantum admittit, terrores scilicet incussi conscientie agnito peccato, & fides concepta ex Evangelio, vel absolutione, quæ credit quis sibi per Christum esse remissa peccata. R. Illæ censeri debent partes Sacramenti Pœnitentiæ, quæ à virtute ipsa Pœnitentiæ promanant: atqui terrores illi conscientie incussi, & fides, seu fiducia obtentæ remissionis peccatorum, non promanant ex virtute Pœnitentiæ, sed eam antecedunt; ad eam quidem excitandam profunt, eam inchoant, aut inducunt, non tamen verè constituunt. Pariter vana est illa Hæreticorum fiducia, quæ verum de peccatis dolorem non importat; nec Divinæ promissioni innititur. Si verò fiducia illa, pro spe certæ consequendæ per Christum salutis habeatur, hæc quoque antecedit, vel committitur, & sequitur Pœnitentiam. Hinc merito hanc Lutheri doctrinam damnavit Synodus Trident. sess. 14.

36. Docet Confessionem peccatorum in specie, ex Ecclesiæ universalis institutò, non Divino jure institutam esse, vocans Confessionem: *Cruciatissimam carnificinam.* Melancthon vocat eam: *Conscientiarum laqueum.* Calvinus in Antidoto Concilii Trident. ait, nullum fuisse per annos mille in Ecclesiâ Confessionis usum, donec Innocen. III. laqueum hunc populo Christiano induxit: undè Confessio *Torturamentum Innocentianum* à Calvinistis solet vulgò appellari. R. Nam obligationem confitendi auricularitèr peccata in specie, probat essatum illud D. Augustini lib. 4. contrà Donatistas cap. 24. *Si quisquam in hac re auctoritatem Divinam querat, quod universa tenet Ecclesiâ, nec Conciliis institutum, sed semper retentum est, nonnullis auctoritate Apostolica traditum relictissimè*

cre-

creditur. Atqui talis est obligatio confitendi peccata; neque enim assignari potest quo in Concilio primum fuerit instituta. Quod enim de Concilio Later. 4. garriunt Novatores, fabula est, nec unquam id probare poterunt. Ergo &c. Tum quia si lapsi peccata solum in genere, non in specie confiterentur, Sacerdos non posset agere personam iudicis, & medici; non iudicis, quia iudex exigit probatum in specie, & numero delictum, ut sententiam proferat; non medici, quia nullus medicus curat infirmos in genere. Hinc habetur summam Christi charitate institutam esse Confessionem integram peccatorum, ut salutem suam Christianus peritis doctoribus commendare teneatur, quam secus passionibus suis, & ignorantis cœcè committeret, & in æternum amitteret. Ideo qui verè pœnitentes sunt, gratias agunt Deo, qui illos ad remedium conscientiarum querendum adegit, atque piissimum iudicium criminum, antè finalem discussionem, ad emendationem instituit. Illi scilicet blasphemant, qui quemadmodum hæretici, de quibus paulò ante mentionem fecimus, superba præsumptione sibi fidunt, & corrigi recusant. Adde, Orientales auricularem Confessionem perpetuà praxi observare, quam certè non aliundè, quam ex Divina traditione habuerunt, ut ostendit Naironus in sua Evoplià, & Abrahamus Echellenfis in notis ad Catalogum Scriptorum Orientalium Hebdiesu Patriarchæ Chaldæi, quod & ipse Hebdiesu Romæ, eo tempore, quo Tridentinum Concilium celebrabatur, confessus est.

37. Docet necessario exigendam esse à pœnitentibus pœnalem satisfactionem, tantùm ad novæ vitæ custodiam, ad infirmitatum medicamentum, & aliorum exemplum, non verò ad præteritorum peccatorum vindictam; seu veram satisfactionem Ecclesiæ tantùm, non Deo exhibendam. R: Multis sacræ Scripturæ exemplis, quæ significant Deum post condonatum peccatum, ulticem pœnam temporalem à pœnitente adhuc reposescere. Illustre in primis est exemplum Davi-

dis lib. 2. Regum cap. 12. Quanquam enim à Propheta Nathan audivisset: *Domini transgressus peccatum tuum; non morieris*, Ratim adjungit: *Veruntamen, quoniam blasphemare fecisti inimicos Domini, propter verbum hoc, filius, qui natus est tibi; morte morietur*. Et infra: *Quamobrem non recedet gladius de domo tua usque in sempiternum, eo quod contempseris me, & tuleris uxorem viri*. Remittit ex unâ parte Deum culpam, & pœnam æternam, & ex alterâ temporalem pœnam morte filii ex patre ipso repetit, non tantùm in disciplinam, & emendationem Davidis, & aliorum, exemplum, ut solent respondere Novatores, sed etiam in vindictam peccati, quanquam dimissi. Eodem lib. 2. Regum cap. 24. Quanquam Deus condonasset Davidi peccatum, quod innumerando populo commiserat; tamen superstes pœna solvenda proponitur, & ipsi datur optio, ut eligat bellum, aut famem, aut pestem. Exodi 32. Intercedente Moysè apud Deum, nè universum populum intereptione deleret, ob crimen adorati vituli aurei, placatus quidem dicitur Dominus attamen ait: *Ego in die ultionis visitabo, & hoc peccatum eorum*. Numerorum 14. ob murmurationem populi iratus est Dominus, & oratione Moysis ita placatus, ut dixerit: *Dimisi juxta verbum tuum; Attamen adoiit: Omnes homines, qui viderunt majestatem meam, & signa, quæ feci . . . non videbunt terram &c.* Hic addenda sunt ea Scripturæ loca, quibus viri justî, & sancti declarant se propter sua peccata, haud dubiè præterita, & jam à Deo condonata, puniri, & affligi hac in vita. Ità Tobias 3. dicebat: *Quoniam non obedivimus præceptis tuis, idè traditi sumus in reprobionem, & captivitatem*: Et Danielis 3. tres pueri in fornacem missi, ajunt: *In veritate, & in iudicio induxisti hæc omnia propter peccata nostra*: Unde Joannes confluentibus ad se Judæis dicebat Matth. 3. & Lucæ 3. *Quis ostendit vobis fugere à ventura ira? Facite ergo fructus dignos pœnitentia*. Hanc fidei veritatem, probat constans

SS. Patrum, & totius Ecclesie traditio perpetua, Concilium Trid. sess. 6. c. 14. Can. 30. & sess. 14. cap. 8. Can. 12. Igitur, quanvis Deus ex misericordia sua, & merito charitatis diligentium ipsum, perfecta contritione se contententium, culpam simul & poenam peccatoribus dimittat; tamen remissionem culpæ non semper consequitur remissio poenæ, quia non semper talis est in peccatore poenitente contritionis intentio, ut Dei misericordiam movere valeat ad remissionem culpæ simul, & poenæ; quin imo frequentissime remissior est, quàm quæ debitum poenæ valeat extinguere, prout non extinguit attritio; ideoque cum sanctificatos virtute Sacramenti manere non possit poena æternæ damnationis, manet eos cruciatus temporalis.

38. Negat utilitatem indulgentiarum, quas ad invidiam vocat Ecclesie fraudes, & meras Pontificum imposturas, Fidelibus noxias. R. Ex Scripturis Matth. 18. *Quicumque solveritis super terram, erunt soluta & in calo.* Nihil excipit Christus: non culpam, quæ in Sacramento, non temporalem poenam, quæ extrâ Sacramentum dimittitur Joann. 20. *Accipite Spiritum Sanctum: quorum remiseritis peccata, remittantur eis, & quorum retinueritis, retenta sunt.* Porro auctoritas conferendi indulgentias, seu solvendi à poena temporali, supplendo aliunde satisfactioni iustitiæ, includitur in auctoritate, seu potestate absolvendi, & retinendi peccata: qui enim potest peccata remittere, ac retinere, potest etiam opera laboriosa in vindictam scelerum imponere: sed quisquis potest hæc opera laboriosa imponere, ea potest cum expedit, aliqua ex parte relaxare; ad eandem enim potestatem utrumque pertinet: & quidem illam potestatem à Deo acceptam, semper vel ab initio exercuit Ecclesia. Insuper Ecclesia constituitur communionem Sanctorum: hæc communio Sanctorum non subsisteret, si eorundem meritorum non fieret in Ecclesia charitativa participatio. Si autem hæc participatio fit etiam sine ullâ speciali indulgentiarum concessione, sed solo influxu vi-

vificantis charitatis, consequens est ut eadem charitate operante, & secundum spiritum ejus, plus applicari possit de communibus meritis indigentibus membris; quippè omnes unum corpus sumus in Christo. Hæc verò applicatio congruit ut fiat ab eo, qui potestatem in ipsum corpus habet ad adificationem. Item, Ecclesia Christi est regnum bene fundatum, ideoque habere debet suum thesaurum, in quo continentur infinita merita Christi, & superabundantia merita B. M. V. & omnium Sanctorum. Superfluum autem esset hic thesaurus Ecclesie, si non haberet thesaurarium, qui posset juxta necessitatem fidelium de thesauro dispendere. Merita Christi esse infinita, non negant ipsi hæretici, sicut & B. M. & plurimum Sanctorum esse superabundantia; ideoque negare nequeunt Ecclesie thesaurum: sed neque negare prudenter possunt Christum constituisse thesaurarium, qui possit dispensare pro opportunitate, scilicet D. Petrum, ejusque successores, quibus dixit: *Quodcumque ligaveris super terram, erit ligatum & in calis: quodcumque solveris super terram, erit solutum & in calis.* Quæ auctoritas solvendi, comprehendit omne vinculum, quod potest animam retardare a consecutione vitæ æternæ: ideoque potest etiam solvere non modò reatum, sed etiam poenam temporalem peccatis debitam, quod fit mediante applicatione meritorum, Christi, & Sanctorum, in quibus Christus promeruit. Quod consueverunt Pontifices peragere ab initio Ecclesie usque ad hæc tempora, scimus enim à tempore immemorabili eam praxim custodiri in Ecclesia, ut illi, qui propria merita sufficienter non habent, per quæ satisfaciunt poenæ suis culpis debitz, satisfactionem impendant mediante applicatione meritorum Christi, & Sanctorum ejus: quæ doctrina concernens indulgentiarum usum, abunde exprimitur a Concilio Trid. sess. 25. *De Indulgentiis.* Ex quo decreto constat esse in Ecclesia potestatem concedendi indulgentias, quorum usus, salutaris est Fidelibus, etiam defunctis in Purgatorio existentibus, per modum sus-

fra-

fragii : nam vivis indulgentiæ profunt per modum absolutionis, defunctis vero, qui ampliùs non sunt absolutionis capaces, quippè non sunt sub Ecclesiæ potestate, dantur per modum suffragii Utrisque verò convenienter per modum solutionis, ut absque ullâ justitiæ injuria liberentur à debiti pœnâ.

39. Afferit Christi animam apud inferos damnatorum pœnam exolvissè. R. Ex prima Petri cap. 3. vers. 19. *Mortificatus quidem carne, vivificatus autem spiritu, in quo & bis, qui in carcere erant, spiritibus veniens predicavit.* Ex quibus, & aliis locis aperte constat Christum apud inferos non exolvissè damnatorum pœnas, cum potius à Limbo liberaverit ibi detentos. Tum quia pœnæ damnatorum debentur solis damnatis, & peccatoribus. Tum quia descendente Christo ad inferos, habitantibus in regione umbræ mortis lux orta est eis, ergo non potuit pati, qui descendit ad inferos, ut patientes liberaret, & consolaretur. Vide verbo *Brz.*

40. Invehitur contrà observantiam, festivitatum in honorem Christi, & Sanctorum. Repròb. Actuum 10. vers. 16. *Festinabat, si possibile sibi esset ut diem Pentecostes faceret Jerusalem.* Prima ad Cor. 16. 2. *Per unum Sabbati unusquisque vestrum apud se seponat.* Apocal. 3. 30. *Fui in spiritu in Dominica die.* Ex quibus textibus patet antiquus usus in Ecclesia celebrandi dies festos, de quorum observantiâ agitur in constitut. Apostolicis lib. 3. cap. 59. lib. 5. cap. 12. 16. 19. lib. 8. cap. 33. Tum quia etiam in lege veteri erant dies præcepti, in quibus in honorem Dei à manuali labore cessabatur, ergo &c. Tandem festivitates instituntur, ut memores beneficiorum Dei, ejus cultui in gratiarum actionem vacemus, à terrenis rebus spiritum extollentes, & erigentes in spem æternæ felicitatis, quod maximè congruit fieri diebus ipsis, quibus beneficia nobis à Deo collata memorantur, inter quæ ritè adscribuntur Sanctorum natalitia : agimus enim in natalitiis Sanctorum gratias Deo, quòd è genere nostro assumpserit creaturas suas ad,

cæli principatum, atque futuram nos sperare gloriam ex fide Catholica protestamur, eorundem Sanctorum patrocinium interpellantes, & merita allegantes; quemadmodum sub veteri testamento allegabantur merita Abraham Isaac, & Jacob. Merito itaque cum Propheta Novatores exhibuimus illis verbis : *Cognatio eorum simul : quiescere faciamus omnes dies festos Dei à terra.*

41. Afferit Mariam Dei Matrem peccasse. Repr. Lucæ 1. *Ave gratia plena, Dominus tecum : Benedicte tu in mulieribus :* Ergo si Maria habuit plenitudinem gratiæ, non peccavit. Mariæ sanctitatem testantur omnes SS. Patres, ipsa est de qua legitur Cantic. 47. *Tota pulchra es, & macula non est in te.* A convenienti deducuntur etiam validissima argumenta, ad probandam Mariæ sanctitatem, & ab omni peccato immunitatem, quæ virtutibus eminentior fuit, quàm titulis.

42. Dubitat an Maria in cælum corpore, & anima assumpta sit; idèò libro De piis caerimoniis Ecclesiæ, festum Assumptionis Mariæ abrogandum censet. R. Testimonio veterum, & recentiorum Patrum. Item ex Concilio Salegustadiensi : celebrato ann. 1030. in quo c. 1. legitur : *Christiani sint in abstinentiâ in vigiliâ Assumptionis S. Mariæ.* Videatur hac de re Marius Victorinus Episcopus Reatinus, in scholiis in Hieronymum. Sicut etiam S. Bernardus Epist. 174. ad Lugdunenses. Tum quia congruum videtur, non debuisse corrumpi corpus Mariæ, undè corpus Christi assumptum fuit.

43. In hanc prorumpit blasphemiam, in postilla majori ad Evangelium in Nativitate Mariæ : *Ferre nequeo, ut Maria dicatur spes, & vita mea.* R. Et quidem Mariam esse omni laude dignam constat ex liturgiâ D. Petri, D. Marci, & D. Jacobi. Mariam sufficit dicere fuisse Christi Matrem, ut quàm meritò à nobis honoretur, concipiamus. Sed confusus est Lutherus ex eo, quod scripsit in comment. super *Magnificat*, ubi omni laude dignam esse, cunctis hominibus superiorem, asserit. Non potuerunt concipere

Ma.

Mariæ laudes ipsi hæretici, Ecolampadius sermone De laudando in Maria Deo. Brentius ad cap. 1. Lucæ. Joannes Spangenbergius in Evangelium de Assumptione Mariæ. Urbanus Regius in minori Catechismo. Martinus Bucerus ad cap. 1. Matth. Henricus Bullingerius serm. de B. M. Virgine, quorum verba ad rem refert Coccius lib. 3. art. 5. Quo autem sensu Beata Virgo dicatur: *Vita & spes nostra*, manifestum est sincerè intelligentibus, per ipsam enim affulsit mundo vera vita Christus, inde effluxit æternæ felicitatis spes, atque ejusdem intercessionem vivere in æternum soeramus. Vide S. Bernardum serm. in *Salve Regina*.

AD LUTHERUM APOSTROPHE.

Impie, & blaspheme Lutter, imo Lotter quoniam tu verè nequam, ferre nequis quod Maria dicatur spes & vita nostra, reliquum est ut in ænum desperata sit salus tua. Et qui per incestuosas nuptias Virginum Deo sacrarum deturpator fuisti, jam non poteras te non exhibere aversum sacrarum Virginum signiferæ, à quo natus, qui pascitur inter lilia. In Sanctissimam Dei Matrem, cui modulatis laudibus, jam à tot seculis experientiæ edocta canit Ecclesia, curâs hæses intermisti in universo mundo, nequissi tu tot hæreticorum parentum, continere impropria, ausus inter peccatores connumerare Cælorum Reginam, quam Sanctorum Sanctam, iustorum gloriam, peccatorum veniam cum mellis uoce celebrat catholicorum cæcis. Sed jam in illo æternæ damnationis, & miserie, rum pello immersus, quàm meruisti. Lotter recepisti tuarum blasfemiarum, penam: tuum est sentire dispendium æternæ damnationis tuæ. Magnum casus inter te & nos, qui æternæ salutis in misericordiæ Matre habemus spem nostram repositam, tecum alloquentes scimus quod aspidi surdæ canimus: jam tecum verba facere erubescimus: seniori consilio ad illam quam despezisti, Mariam scilicet totâ mente, corde, & anima venerabundi, & supplices orationem nostram convertimus.

AD MARIAM SEMPER VIRGINEM AUCTORIS VOTUM.

Tuis provolutus pedibus Maria, Sanctissima Dei Mater, & Virgo, toto devotionis affectu enixè te deprecor, confiteor, & veneror in spem & vitam meam, quæ toties mihi deprecanti clementer adfuit in fortitudinem deficientiæ meæ. Quis est qui Te suis in necessitatibus sinceræ devotionis affectu invocantem sibi meminerit defuisse: Quot quot in angustiis clamarunt ad te, clementiam tuam experti sunt in solatium opportunum: Quis est, qui tantæ, obsequere valeat veritati, scilicet omnium Te devotè invocantium excitare fidem, abigere disidentiam, erigere pusillanimitatem. Sed & si nulla extarent, ex his quæ passim proferuntur probatis in e. dicibus tantæ veritatis testimonia: Mariam scilicet omnium fidelium in angustiis, maximè spiritualibus, eam invocantium esse præsidium: ex his tantum quæ tuâ misericordia, pietate, & clementiæ expertus sum sufficienter edoctus; in tantæ veritatis obsequium, Te scilicet o Maria Sanctissima esse omnium te devotè invocantium spem, salutem, & vitam, proster animam meam me ponere semper esse paratum; neque cessaturum usque ad ultimum spiritum ore, & corde te invocare. Salve regina Mater misericordiæ, vita, dulcedo, & spes mea salve.

44. Negat per afflictiones, & tolerantias, hominem posse adjuvari ad promerendum gaudia æterna. R. Matth. 5. 11. *Beati estis cum maledixerit vobis homines, & persecuti vos fuerint, gaudete, & exultate quoniam merces vestra copiosa est in cælis.* Matth. 10. 38. *Qui non accipit crucem suam, & sequitur me, non est me dignus.* Act. 14. 21. *Per multas tribulationes oportet vos intrare in regnum Dei.* Tum quia si mortificationes essent infructuosæ, non dixisset Christus. Matth. 16. vers. 24. *Si quis vult post me venire, tollat crucem suam.* Undè sæpè Christus, & Paulus nos hortantur ad mortificationem libenter subeundam, quæ nobis aditum referat immortalitatis. Hinc B. Petrus Epist. 1. cap. 4. vers. 13.

com-

Communicantes Christi passionibus gaudete, ut & in revelatione gloria ejus gaudeatis exultantes. Bona opera esse necessaria ad salutem, declarat Concil. Trid. sess. 6. Can. 19. *Si quis dixerit, nihil praeceptum esse in Evangelio, prater fidem, cetera esse indifferentia, anathema sit.* Insuper sacra Scriptura nos hortatur ad bona opera, ad quid autem istae frequentes exhortationes, nisi ut nobis constet quanta sit bonorum operum necessitas?

45. Negat Sanctos necessitates nostras videre, & vota nostra percipere. R. Nam 4. Regum 5. legimus, quod Eliseus, famulum Giezi munera à Naaman Syro accipientem, absens vidit: Ergo si Sancti adhuc in corpore mortali, potuerunt absentia agnoscere, à fortiori triumphantes in caelis, poterunt necessitates nostras videre. Insuper Luc. 15. 10. legimus quod Angeli in caelis cuiusque hominis conversionem norunt, & dei peccatorum poenitentia laetantur, sed sanctorum hominum spiritus visione dei gaudent, & in Deo vident sicut Angeli, ergo eodem modo, quo illi, & hi ea, quae hic sunt, intelligent. Demum nihil vetat quod minus Sancti è caelis, nos in terra peregrinantes videre queant: quae veritas comprobata est tot tantisque miraculis, ut etiam si fides hanc non doceret veritatem, adhuc nefas esset illi contradicere. An verò, & quâ ratione iniquales sint Beatorum visiones, sive cognitiones eorum, quae hic aguntur, cum tamen omnes in Divino lumine, Deique essentia videntur; ad Theologos scholasticos lectorem remittimus.

46. Construere templa in honorem Sanctorum abominationem vocat: ad Euang. Dom. primæ Advent. & ad Euangel. in die Nativit. Mariæ etiam reprobationem templorum. R. Et quidem, quod dedicatio templorum Deo grata sit, ex eo satis constat, quod Deus promissit Salomoni, se facilius exauditurum preces orantium in templo, ut habetur ex 3. Reg. 9. Tum quia Deus vocat templum domum suam, quia ibi specialiter vult honorari. Reprehendant illi Paulum Apostolum, qui morem con-

veniendi in locum sacrum ad Divina peragenda, & Deum orandum, usque adeò approbavit, ut vehementer increpaverit eos, qui inibi profanas cenas peragerent. Numquid, inquit, domos non habetis ad manducandum, & bibendum, aut Ecclesiam Dei contemnitis &c. Extant ergo ab ipso Apostolorum tempore templa ad sacra peragenda, scilicet ædificia orationi, sacrisque fidelium conventibus destinata; sed & quis ignorat à tempore nascentis Ecclesiæ erectas fuisse sacras ædes in Martyrum memorias? Qua in re magis ignorantia Lutheri, quam reprobandi audacia, se exhibet damnanda. Videtur enim Lutherum in illo fuisse sensu, quod putaverit nos dedicare templa, aut altaria Sanctis. Profectò ita se res non habet. Sed in Sanctorum honorem, seu memoriam; eorundemque nomine, & titulo, D.O.M. uni trinoque templa, & altaria dedicamus.

47. Epistola contra duo Cæsaris mandata, negat seculari potestati, sive principibus, esse obtemperandum. R. Ex sacris paginis, ubi quemlibet suo magistratui teneri obedire, & honorem deferre, astringitur, sic lib. 3. Reg. cap. 9. *Constituit Deus regem, ut faceres iudicium, & iustitiam.* Proverb. 8. 15. *Per me reges regnant, & legum conditores juxta decernunt.* Marc. 22. *Reddite, quae sunt Cæsaris Cæsari.* Luc. 24. Maria, & Joseph paruerunt edicto Imperatoris Augusti, ut irent in civitatem suam Bethlehem; ad Titum 3. 1. *Admone illos principibus, & potestatibus subditos esse.* Item ex Matth. 17. 27. ad Rom. 13. 1. ad Hebr. 13. 17. prima Petri 2. 13. evidenter constat omnem potestatem à Deo esse, atque illi parere teneri Christianos: Item, ex quotidiana experientia facile evincitur, quàm necessarium sit dari superiorem potestatem, & magistratum, qui contineat subditos in disciplina civili, faciat iudicium ne opprimantur pauperes, ut castigentur facinorosi: ablato siquidem timore superioris potestatis, vix esset, qui securè posset vivere, vel aliquid possidere. Vide verbo *Anabaptista, Christophorus Scaepherus.*

48. Negat iustitiam originale, in quâ creati fuerunt Prothoparentes fuisse donum supernaturale, sed vult fuisse naturaliter debitam, sicut naturale est oculo lumen recipere. R. Eccle. 17. 1. *Deus creavit de terra hominem, & secundum imaginem suam fecit illum; & iterum convertis illum in ipsam, & secundum se vestivisti illum virtute.* ad Ephes. 4. 23. *Renovamini spiritu mentis vestra, & induite novum hominem, qui secundum Deum creatus est in iustitia, & sanctitate veritatis.* Tum quia Adam per peccatum amisit iustitiam originalem & tamen perfectionem naturaliter debitam non amisit; siquidem mansit anima cum suis potentiis, & quantum ad corpus cum sensibilibus omnibus facultatibus. Verum quidem est, quod non solum fuit homo per originale peccatum expoliatus supernaturalibus donis, sed etiam in naturalibus vulneratus; quemadmodum docuit Dominus sub figurâ hominis, qui descendens ab Ierusalem in Jericho, incidit in latrones, qui expoliaverunt eum, & plagas imposuerunt. Indè tamen probatur supernaturalitas originalis iustitiæ, quia non solum fuit vulneratus, quod pertinet ad læsionem naturæ, sed etiam expoliatus, quod pertinet ad supernaturalia bona, quibus superinduta natura in reſtitutione iustitiæ constituebatur. Indè est, quod homo non amisit liberum arbitrium, ut finxit Lutherus, sed illud mansit, licet infirmum propter ignorantiam, & inclinationem ad malum, ac difficultatem in bono, quam induxit concupiscentiæ rebellio. Vide S. Thom. 1. 2. q. 85. art. 1. & 3.

49. Dicit hominem non esse causam peccati, sed ex Dei ordinatione, ita necessariò peccare, ut non possit non peccare. R. verbo *Blasph.* & *Bræa.* Tum quia Psalm. 143. 17. legitur: *Iustus Dominus in omnibus viis suis, & sanctus in omnibus operibus suis.* Item Sapient. 14.

9. *Similiter odio sunt Deo impius, & impietas.* Jacobi 1. 13. *Nemo cum tentatur, dicat quoniam à Deo tentatur, Deus enim intentator malorum est.* 1. Joann. 3. 5. *Apparuit ut peccata nostra tolleretur, & peccatum in eo non est.* Tum quia, unicuique libertatem esse in electione bonorum, & malorum, unusquisque in se comprobatur. Tum quia malum non potest esse ex bono, ergo peccatum, esse nequit ex Dei ordinatione. Ipsi Gentiles ne Deum auctorem mali dicerent, dixerunt materiam, quam credebant esse malam, esse ingentiam; alii ex ipsis alia opinati sunt. Nemo tamen Deum auctorem peccati fecit. Audiat inter ipsos Plato lib. 2. de Repub. *Bonorum solus Deus causa est dicendus, malorum autem quamlibet aliam, præter Deum, quærere causam licet.*

50. Afferit solum peccatum infidelitatis posse hominem damnare. R. Quia Deus non solum infidelitatem prohibet, sed omnia peccata, propter quæ iis, qui comiserint, absolute minuitur infernum. Insuper fornicarios, homicidas, perjurios reos fieri gehennæ, aſſerit Apostol. 1. ad Corinth. 6. 9. ad Gal. 5. 19. ad Ephes. 5. 3. Præter supra recensitas hæreses, plures etiam alias in Lutheri scriptis est invenire, quas commodius sub Lutheri sectatorum nomine reprobamus, quippe qui illas speciatim defendendas, & promulgandas assumpserunt. Demum non reticendum, quod imprudenter Lutherus contrâ Ecclesiæ dogmata, & ritus suo more blateratus, sæpè in suis scriptis sibi contradicere conspiciuntur, ita ut sua contra se ipsum contradictio validissimum sit argumentum, ad ejusdem falsam doctrinam convellendam. Plures contradictiones ex Lutheri scriptis decerpas profert in suo eruditissimo opere *Coccinus*, in quo poterit lector assertionis nostræ veritatem palpare.

Finis Tomi Primi.

